






Ex Bibliotheca  
majori Coll. Rom.  
Societ. Jesu

81  
G  
16

~~8. 3.A. 56~~

5






**G·E·S·T·A**

**V·E·T·E·R·V·M**

**FRANCORVM**



*Bibliotheca Secunda Coll. Rom. Soc. Sci.*

# HADRIANI VALESII

R E R V M

FRANCICARVM

VSQVE AD CHLOTHARII SENIORIS MORTEM

LIBRI VIII.




LVTECIÆ PARISIORVM.

Sumptibus { SEBASTIANI CRAMOISY, Architypographi } viâ Iacobæ, sub  
Regis, & Regiæ Regentis: Ciconiis.  
ET  
GABRIELIS CRAMOISY.

CIC. 126. XLVI.

CVM PRIVILEGIO REGIS.







ILLVSTRISSIMO  
AC REVERENDISSIMO DOMINO,  
IOANNI FRANCISCO  
PAVLO  
GONDIO,  
CORINTHIORVM  
ARCHIEPISCOPO,  
IN ECCLESIA PARISIACA  
PATRVI COADIVTORI

HADRIANVS VALESIVS S. P. D.

**P**LERISQVE *Aucto-*  
*ribus, ac ferè omni-*  
*bus semper curæ ad-*  
*modum fuit scripta*  
*sua viris clarissimis & doctissi-*

â ij



*mis nuncupare, ut & eorum examina-  
rentur iudicio, & si quando  
opus esset, patrocinio defenderen-  
tur. Idem ego factururus, ANTI-  
STES ILLUSTRISIME, diu  
cunctari non potui, quin unum  
ex omnibus te potissimum elige-  
rem, cui hos rerum Francicarum  
libros dedicarem. Etsi enim tua  
me doctrina dignitatisque con-  
templatio aliquantisper timidio-  
rem fecit, tamen notitia innata  
tibi comitatus facile confirmavit.  
quam tu virtutem hereditariam  
atque domesticam sic colis, ut pro-  
prium & peculiare tibi insigne  
esse videatur. Mirati sunt proa-*

*ui nostri Gondios, Maiores tuos,  
Parisiorum Episcopos, Cardina-  
les, Magistros equitum, Præfe-  
ctos classis Massiliensis, Rati-  
tenses Duces, in eminenti fortuna  
communes, humanos, aditu fa-  
ciles, demerendis hominibus para-  
tos; mirati sunt & amauerunt:  
nec magnitudini eorum adherere  
ausa est inuidia, quorum virtutes  
Nobilitatis vitium superbia non  
fœdabat. Eamdem nos in te nunc  
dotem, multo illustriorem, spectā-  
tiorémque, velut gentilem ac na-  
turalem notam agnoscimus, quam  
Latini scriptores meritò comita-  
tem appellauere, quòd ceteris vir-*

tutibus sit ornamento. Hæc fasti-  
gium tuum, ut altiùs extollat,  
inclinat: hæc, (si ita dicere licet)  
magno tamen cum hominum de-  
lectu, te publicat: hæc quotidie  
eruditos viros in contubernium  
tuum & familiaritatem admit-  
tit: hæc blanda quadam vi u-  
niuscuiusque tibi amicitiam gra-  
tiámque conciliat: hæc denique  
ingentia animi tui bona, vigo-  
rem ingenij, scientiam rerum  
humanarum diuinarúmque pene  
incredibilem, sermonis facilita-  
tem, suauitatem sanctitatémque  
morum, notiora fecit, atque cla-  
riora, ne quantus esses ignorare-



mus. Quo magis factum Illustrissimi patruī tui laudare convenit, qui cū meliūs quoquam dotes tuas nosset, probato Christianissima ac prudentissima Regina consilio, tandem vota omnium nostrū implevit, & collegam tē, ac Episcopaliū onerum adiutorem cooptavit: ut facile appareret optimum & sapientissimum Archiepiscopum ea in re meritorum magis quā sanguinis habuisse rationem. Quem enim alium digniorem honoris consortione, & capaciorem tanti ministerij pius senex extra domum suam invenire potuisset? aut quantum

*Ecclesia intererat in Cathedra à  
tribus Patruis magna laude in-  
fessa te collocari, qui iam mo-  
ribus atque doctrina Episcopum  
præferebas? qui à puero liberalibus  
disciplinis eruditus, adolescentiam  
in studia profana, sacraque sapien-  
tiæ tam feliciter impendisti, ut  
plaudentibus & mirantibus cun-  
ctis, quorum ea propria professio  
est, in Doctorem collegium fue-  
ris cooptatus. qui partem ætatis ad  
voluptates maximè proclivem sic  
exegisti, ut in Ciuitate curiosa, at-  
que maledica, & de Proceribus  
non modo vera dicere, sed etiam  
falsa fingere gestiente, ne suspicioni  
quidem*

quidem intemperantia locum, ne-  
dum sermonibus dederis: qui post-  
ea semper inter libros, vel in Ba-  
silicis versatus, aut animum tuum  
lectione, aut populum salubribus  
præceptis & hortationibus instru-  
xisti. Vidimus Principes viros ex  
tuo concionantis ore pendentes. Vi-  
dimus patrum tuum mananti-  
bus lacrimis gaudium sui de te iu-  
dicii testantem. Vidimus immen-  
sam multitudinem cum admira-  
tione & delectatione silentem, ac  
intentam. Quantum in inuentio-  
ne acuminis? quantus ordo in dis-  
positione? quantus, & quàm non  
affectatus in verbis ornatus appa-

rebat ? quàm acriter in vitia in-  
uehebare ? qua arte, & auctori-  
tate persuadebas ? qui motus erant  
auditorum tuorum ? Quæ eo liben-  
tiùs cuncta perstringo, atque aliis  
relinquo exornanda, quòd sub ocu-  
lis Ciuitatis acta neminem latent:  
& quòd infantia mea mihi con-  
scius intelligo me sine temerita-  
te conari non posse, summum ac  
disertissimum Oratorem, qualem te  
mente concipio, verbis exprimere.  
Iam verò illa eximia, omnibus  
quoque similiter nota, sed non ab  
omnibus aequè perpensa, aut pro  
merito laudata, cuius ingenium &  
eloquentia enarrare possit ? curam

*Ecclesiæ*

*Ecclesie tibi commissa sollicitudi-  
nemque peruiilem; pro eiusdem  
pace salubres dispositiones; Clerico-  
rum contumacium, & in cathedris  
bellicum canentium coërcitionem;  
Episcopalem in iure Ecclesie tuen-  
do constantiam, quorumlibet preci-  
bus inuictam & inexpugnabilem;  
singulare studium Hæreticos ad  
Eidem Catholicam adducendi; ce-  
terasque conuenientes Antistiti oc-  
cupationes, atque virtutes. Qua-  
rum ne relatio pudori tuo sit gra-  
uis, malo alia ratione te tibi osten-  
dere, in locum epistolæ Opus meum  
substituendo. quod si legere digna-  
beris, quotiescumque in egregium*

aliquem Episcopum incideris, (in-  
cides autem sepiſſime) toties ibi-  
dem aliquam de tuis eminentiſſi-  
mis dotibus es agniturus. Te rogo,  
ut pro ſumma illa humanitate  
& comitate tua hoc Opus, quale-  
cumque eſt, tamquam obſervan-  
tia mea certiſſimum pignus acci-  
pias eo vultu, quo ſtudioſos viros  
excipere conſueſtiſti. Vale Anti-  
ſtes Illuſtriſſime. Data v Idus  
Apriles anno Chriſti CIOIOXLVI.  
Lutecia Pariſiorum.

P R Æ F A T I O  
AD STUDIOSOS LECTORES.

**F**RANCORVM, ante Valeriani principatum, apud Historicos nulla fit mentio. siue hoc primùm tempore ita dici cœperunt, qui antea modò Germani communi Gentis nomine, modò suæ quisque nationis proprio vocabulo appellabantur. siue Auctorum historiæ Romanæ, qui de Francis priùs aliquid retulerant, libri perierunt. Eorum regio ab Oriente Toringiam, & Saxoniam, hoc est Albim flumen, aut (vt quibusdam placet) Visurgim; ab Occidente Renum & Gallias; à Septemtrione Oceanum Germanicum, vel Septemtrionalem; à meridie Alamanniam habebat & Sueuiam, multosque populos continebat. è quibus Renum accolebant Attuarij, Bruçteri, & Chamauj ad ostium fluminis, positi ac Salij. Oceanilitora tenebant Frisij, & Cauci. interiora terrarum habitabant Amsuarij, Catti, aliique, omnes in vnum Franci vocati, & nonnumquam Sicambri, propterea quòd agrum veterum Sicambrorum possidebant. De quibus nationibus dicam aliàs exactiùs.

Huius clarissimæ Gentis primordia & res gestas ex professò scripsere Nicolaus Vigneri-  
us, vir doctus, & Isaaces Pontanus, antiqui-  
tatum nostrarum non admodum gnarus. Prior  
opus suum ad Faramundum Regem; posterior

PRÆFATIO.

vsque ad Chlodouëi mortem deduxit. Quid profecerint, quid ipse egerim, ex scriptorum nostrorum collatione poterit quisque cognoscere. Amborum quidem me lectio adeò à scribendo non deterruit, vt contrà magis incitauerit ad cœpta perficienda. Gesta igitur vsque ad Chlotharij maioris obitum per trecentos annos, hoc est partem historiæ nostræ eam, quæ maximè obscura videbatur, illustrare conatus sum. Quod vt diligentius facerem, fidem mihi haberi nolui, nisi auctoritate niterer. Auctores ita secutus sum, vt recentioribus vetustiores, paucioribus, ac leuioribus plures, & grauiores anteferrem. Quosdam arguere mihi ac refellere fuit necesse, ne ipse arguerer. multos interpretatus sum. nonnullos etiam emendauì, sæpiùs redditâ emendationis ratione, nonnumquam (vbi opus non erat narrationem interrompere) ne monito quidem Lectore. Exempli causâ in libro 111 apud Saluiantum pro *Massilia Basiliam* restitui. In libro 1 apud Nazarium pro Vangionibus *Vargiones* posui. quòd inter gentes Germaniæ Galliam depopulantes videbam locum non esse Vangionibus, qui post traductionem suam in Galliam, à nullo Geographo in Germania Transfrenana ponuntur: cùm Claudius Ptolemæus Vargiones vltra Renum collocet. Sic & Regis Francorum nomen, qui vulgò *Efatech* corruptè vocabatur, in *Atech* mutauì, atque Mamertini verba hæc, *Per te Regnum recepit Genoboud*, *Efatech* verò *munus accepit*, ita emendauì: *Per te Regnum recepit Genoboudes*, *Atech* verò *munus accepit*. propterea quòd filium Leudesij Præfecti



# PRÆFATIO.

Aulæ similiter *Athicum* dictum inueniebam: & apud Odonem de vita Burchardi Comitis *Adicum* quemdam Monasterij Fossatenfis Monachum; item alibi *Adtecum* Astidij filium memorari animaduertebam. Et quoniam in Francorum Regum mentionem incidi, Lectores moneo, me Malaricum, qui Francus homo Tribunatu Gentilium imperante Constantioungebatur, Francorum Regibus nequaquam annumerauisse, vt in tertio Originum Francicarum libro sine causa fecit Ioannes Isaaces Pontanus. similiter Vrsicinum, Magistrum equitum, virum Romanum, à me de industria esse præteritum, quem natione Francum, & Francorum Ducem. fuisse credidit Nicolaus Vignierius; deceptus non intellectis Ammiani Marcellini verbis, scribentis Vrsicino, per Magistrum admissionum accito, *ingressoque Consistorium, oblatam purpuram multo quàm antea placidius. Quæ* verba Vignerio persuasere à Constantio Aug. eundem Vrsicino, quem extero Regi, honorem habitum esse. cum Marcellinus non delatam Vrsicino purpuram dicat, sed tantum oblatam, quam scilicet ori venerabundus ad-moueret. siquidem Imperatores chlamydem suam salutantibus porrigebant adorandam.

In nominibus barbaris magis vtilitati legentium, quàm delectationi consului, dedique operam, vt quàm variè à variis Auctoribus conciperentur, notarem. ne aut ob dissimilitudinem vocabulorū plures ex vno fierent, aut ob similitudinem vnus è pluribus. Hic omittendum non est, sæpe apud Scriptores rerum Romanarum, & apud nostros Auctores eadem

# PRÆFATIO.

Francorum nomina, aut parum mutata reperiri. Quis enim dubitet, quin idem sit apud Mameratinum nomen Genneboudis, vel Genoboudis, Francorum Regis, quod apud Sulpicium Alexandrum, & Fredegarium Genobaldi, aut Genebaudi, alius Francorum Regis? idem Bapponis Tribuni apud Marcellinum, quod Bauonis viri sanctissimi, atque etiam Babonis, à Childeberto iuniore ad Mauricium Aug. missi legati? ~~Quis non videt~~ Teutomeri, apud Ammianum Marcellinum Protectori Domestico Constantij, Theodomerem, vel Theudemerem Regem Francorum, cuius Gregorius & Fredegarius mentionem faciunt, esse cognominem? Seniauco similiter Marcellini Senocum Fredegarij & Frodoardi, Elufanum Episcopum? Bainobaudis Tribuni nomen ex Baino, quod Taruennensi Episcopo nomen fuit, & Baude esse compositum? Nomen Luttonis, vel Lutonis Comitis, quem interfici iussit Imperator Constantius, quòd Siluano populari suo fauisset, linguâ Francicâ præclarum significare prædit Hermoldus Nigellus, qui Ludouicum *præclarum Martem* interpretatur, ita vt Hluto præclarum, wigh Martem designet. Nectaridum quoque Comitem maritimi tractus Britanniarum, in libro 1 dictum, & Marcharidum, in fine libri 11 memoratum, Francos fuisse ex nominibus cognoscitur. sic enim pater Medardi Nouiomagensis Episcopi, viri Franci, Nectardus appellatus est. sic Theoderici Abbatis, similiter Franci, parens Marcardus nuncupatur. Gaifonis eius, qui Constantem Aug. iussu Magnentij interfecit, & eius, qui principatu Honorij Comes

# PRÆFATIO.

sacrarum largitionum, deinde Magister Officiorum fuit, nomen refert Gaiso apud Gregorium Comes Turonicus. Omitto Chariettonem, cum eum, qui Valentiniano maiore imperante Comes per vtramque Germaniam fuit; tum alium, qui Valentiniani iunioris principatu eodem officio functus est, Francum vtrumque, à Cariatone, qui ex Spathario Guntchramni Francorum Regis factus est Geneuensis Episcopus, nomine non differre. à Baudone quidem deducuntur in nominibus compositis Baudes, & Baldus, & Baudoualdus, vt à Gaisone Lanio-gaisus, & Regaisus. Nostri pro Baudone nonnumquam Bodonem, sicuti Bodegisilum pro Baudegisilo dixere. Sed post subactam Galliam paullatim Francis non rarò Gallorum, & vicissim Gallis Francorum nomina placuerunt, de quibus dicta sufficiant.

Iam verò, quod ad ordinem pertinet, curavi, id quod plerique Nostorum neglexere, vt non solum quâ quidque ratione, & quo loco, verum etiam quo tempore gestum esset, inuestigare. Nota annorum mihi Consules fuere, quibus annos Christi ad margines paginarum è regione adiunxi, ne quemquam vulgaris & vsu receptus numerus præteriret. Et quoniam sine notitia Imperij Occidentis, ac rerû in Gallia gestarum, res Francicæ bene sciri non possunt, ab Honorio vsque ad Romulum Augustulum de Imperatoribus Imperioque Occidentis diligentius scripsi, vt quibus modis occidente eo Imperio Francorum Regnum in Gallia sit exortum, autumque, cognosceretur. De Imperatoribus Orientis, præsertim post abolitum in Occidentis

# PRÆFATIO.

partibus nomen Imperij, aliqua notaui, propterea quòd Reges Barbarorum non solum ex Italia, sed etiam ex Gallia, aliisque Occidentis prouinciis ad eos legatos mittere, & de magnis rebus referre consueuerant. Ob eandem causam nonnulla de Vandalis in Africa dominantibus, qui Geiserici ductu Imperium Occidentis euerterunt; de Regibus Vesigothorum, & Burgundionum in Gallia sedem habentium, multa noua & digna scitu notaui, vt quibus artibus creuissent, quid ipsi aduersus Imperatores, quid aduersus eos Franci gessissent, clariùs appareret. De Alanis quoque, de Saxonibus, de Alamannis, de Taifalis, & de Britannis pleraque à nemine prodita operi meo inserui, quas, & quo tempore ac modo, sedes ceperint in Galliis, quidve rerum ibidem egerint. In his omnibus si fortè nonnumquam mihi accidit, vt errarem, spero Lectores iudicatu- ros de rebus præcipuè tam vetustis, & negligentia Nostrorum adeò ignoratis ac velut sepultis, aliter libros fieri non potuisse. profiteorque nihil me à quoquam, quem non nominauerim, accepisse: nullum à me sciente Auctorem transscriptum; nemine cùm è veteribus, tum è recentioribus scriptoribus, quem non saltem semel legerim, me vsum esse. Quod adeò non obseruauere quidam, vt Isaacus Pontanus præter ceteros pro Gregorio Historicum quemdam, Caroli Præfecti Aulæ æqualem, ferè semper nobis obtrudat.

Hæc sunt, quæ Lectorem scire volui. Præfationi Chronicon, & Notitiam Prouinciarum Galliæ subiunxi, vt Fastis, quibus vsus sum,

# PRÆFATIO.

sum, ac breuiario rerum memorabilium, quæ his octo libris continentur, atque qualicumque Gallia notione instructi studiosi ad opus nostrum accederent.

## CHRONICON RERVM FRANCICARVM, à Valeriani principatu ad xxv. imperij Iustiniani annum, mortemque Chlotharij Prioris deductum.

A. CHR.

254. **V**ALERIANO II. & Gallieno Coss. Valerianus imperat.
255. Valeriano III. & Gallieno II. Coss. Franci in Galliam erumpunt.
256. Maximo II. & Glabione Coss.
257. Valeriano IV. & Gallieno III. Coss.
258. Tusto & Basso Coss.
259. Emiliano & Basso II Coss. Gallienus, patre à Persis capto, solus rerum potitur. Franci, directà Gallia, Tarraconem expugnant; & Hispaniam per annos fere XII vastant.
260. Sallare & Donato Coss.
261. Gallieno IV & Volusiano Coss.
262. Gallieno V & Faustino Coss.
263. Albino & Dexiro Coss.
264. Gallieno VI & Saturnino Coss.
265. Valeriano II & Lucillo Coss. aliàs, Valeriano iuniore & Rufiniano Coss.
266. Gallieno VII & Sabinillo Coss.
267. Paterno & Arcesilao Coss.
268. Paterno II & Mariniano Coss. aliàs, Paterno II & Marciano Coss. Claudius imperat.
269. Claudio A. & Paterno Coss.
270. Antiochiano & Orfito Coss. Aurelianus appellatur Augustus.
271. Aureliano A. & Basso Coss.
272. Quieto & Voldumiano Coss.
273. Tacito & Placidiano Coss.
274. Aureliano II & Capitolino Coss.
275. Aureliano III & Marcellino Coss. Tacitus imperat. Franci, cum Burgundionibus & Vandalis, multas Gallia vrbes occupant.
276. Tacito Aug. II & Emiliano Coss. Probus Imperij potitur, & Francos per legatos vincit.
277. Probo Aug. & Paulino Coss.
278. Probo A. II & Lupo Coss. Circa id tempus. pauculi Franci Asiam, & Græciam vexant, capiuntque Syracusas.
279. Probo A. III & Paterno Coss.
280. Messalla & Grato Coss.
281. Probo Aug. IV & Tiberiano Coss.
282. Probo V & Vitorino Coss. Carus Imperium Rom. obtinet.
283. Caro A. II & Carino Coss.
284. Carino A. II & Numeriano A. Coss. Carinus & Numerianus imperant.
285. Diocletiano Aug. II & Aristobulo Coss. Diocletianus, interfecto Carino, eius in locum Imperator, & Consul est factus, cum annus antea notaretur Carino Aug. III & Aristobulo Coss.

186. *Maximo & Aquilino Coss.* Maximianus à Diocletiano Cæsar creatur.
187. *Diocletiano I I I & Maximiano Coss.* Franci & Saxones oras Belgicar & Armoricar infestant. Maximianus Herculus ex Cæsare Augustus & consors Imperij à Diocletiano appellatur.
188. *Maximiano A. I I & Ianuario Coss.* Genobaudes & Atech regnant in Francia. ibi Atech cum Maximiano Aug. colloquitur, & pacem facit.
189. *Basso I I & Quintiano Coss.*
190. *Diocletiano A. I V & Maximiano A. I I I Coss.*
191. *Tiberiano I I & Diono Cæso Coss.* Constantius & Maximianus Cæsares sunt. priori Galliar commissa, posteriori Illyrici prouinciar. Bononia à Constantio Cæs. capta, Baraui Francis erepta.
192. *Hanniballiano & Asclepodoto Coss.*
193. *Diocletiano V & Maximiano I V Coss.*
194. *Constantio Cæsare, & Maximiano Cæsare Coss.*
195. *Tusco & Anulino Coss.*
196. *Diocletiano Aug. V I & Constantio Cæs. I I Coss.*
197. *Maximiano A. V & Maximiano Iouio Coss. I I Coss.*
198. *Anicio Fausto I I & Seuro Gallo Coss.*
199. *Diocletiano Aug. V I I & Maximiano Aug. V I Coss.*
300. *Constantio Cæs. I I I & Maximiano Iouio Cæs. I I I Coss.*
301. *Titiano I I & Nepotiano Coss.*
302. *Constantio Cæs. I V & Maximiano Cæs. I V Coss.*
303. *Diocletiano Aug. V I I I & Maximiano Aug. V I I Coss.*
304. *Diocletiano Aug. I X & Maximiano Aug. V I I I Coss.* Diocletiano & Maximiano Hereulio purpuram sponte deponentibus, Constantius, & Galerius Maximianus cognomine Iouius, qui Cæsares erant, Augusti sunt appellati.
305. *Constantio Aug. V & Maximiano Aug. V Coss.*
306. *Constantio Aug. V I & Maximiano Aug. V I Coss.* Constantinus, mortuo patre Constantio, imperium Galliarum obtinet, & Afcariæ ac Regiæ, Francorum Reges, Galliam depopulantes vincit, captosque fœtis obicit, deinde Franciam ingreditur.
307. *Maximiano Herculo nouies, & Constantino Aug. Coss.*
308. *Maximiano Herculo decies & Maximiano Iouio septies Coss.* in Italia & Africa Maxentio & Romulo Coss.
309. *Post Consulatum decimum, & septimum: aliàs, Rufino & Eusebio Coss.* in Italia Maxentio I I & Romulo I I Coss.
310. *Anno I I post Consulatum decimum, & septimum: in Italia Maxentio I I I solo Coss.* Maximianus senior, cognomine Hereulius, perit.
311. *Maximiano Aug. V I I I & Licinio Coss.* in Italia Rufino & Volusiano Coss. Maximianus iunior, cognomine Iouius decessit.
312. *Constantino Aug. I I & Licinio Aug. I I Coss.* in Italia Maxentio I V solo Coss. Maxentius à Constantino victus & cæsus. Galerius Maximinus, qui in Oriente regnabat, perit.
313. *Constantino I I I & Licinio I I I Coss.* Franci in Gallia victi, & Francia à Constantino vastata.
314. *Volusiano & Anniano Coss.*
315. *Constantino I V & Licinio I V Coss.*
316. *Sabino & Rufino Coss.* Diocletianus apud Salonam priuatus moritur.
317. *Gallicano & Basso Coss.* Crispus, Licinius, & Constantinus Cæsares creati. Crispo Cæsari Gallia commissa.
318. *Licinio A. V & Crispo Cæs. Coss.*
319. *Constantino A. V & Licinio Cæs. Coss.*

320. *Constantino A. VI & Constantino Caf. Coss.*
321. *Crispo Caf. II & Constantino Caf. III Coss.*
322. *Probiano & Iuliano Coss.*
323. *Severo & Rufino Coss.*
324. *Crispo Caf. III & Constantino Caf. III Coss.* Constantius, Constantini A. filius, Cæsar appellatur.
325. *Paulino & Iuliano Coss.* Licinius victus à Constantino A. & priuatus ex Imperatore factus, interficitur.
326. *Constantino A. VII & Constantio Caf. Coss.* Crispus Cæsar, Constantini A. patris sui iussu interemptus. Romæ Constantinus Vicennalia edidit.
327. *Constantino & Maximo Coss.*
328. *Iannario & Iusto Coss.*
329. *Constantino A. VIII & Constantino Caf. IV Coss.*
330. *Gallicano & Symmacho Coss.* Dedicatur Constantinopolis v Idus Maias.
331. *Basso & Ablabio Coss.*
332. *Pacuriano & Hilariano Coss.*
333. *Delmatio & Xenophilo Coss.* Constans à Constantino A. patre suo Cæsar creatur.
334. *Opaso & Paulino Coss.*
335. *Iulio Constantio & Rufino Albino Coss.*
336. *Nepotiano & Facundo Coss.*
337. *Feliciano & Titiano Coss.* Constantinus moritur, eiusque filij Constantinus iunior, Constantius, & Constans, qui Cæsares erant, Augusti saluantur. è quibus Constantinus maior natu Gallias obrinet.
338. *Viso & Polemio Coss.*
339. *Constantio A. II & Constante A. Coss.*
340. *Acindyno & Proculo Coss.* Constantinus iunior A. ab exercitu Constantis fratris victus & cæsus.
341. *Marcellino & Probino Coss.* Franci in Galliam erumpunt, & cum Constante Aug. varia fortuna pugnant.
342. *Constantio A. III & Constante A. II Coss.* Constans pacem cum Francis facit.
343. *Placido & Romulo Coss.*
344. *Leontio & Sallustio Coss.*
345. *Amantio & Albino Coss.*
346. *Constantio IV & Constante III Coss.*
347. *Rufino & Eusebio Coss.*
348. *Philippo & Salia Coss.*
349. *Limenio & Catulino Coss.*
350. *Sergio & Nigriniano Coss.* Magnentius, natione Francus, Constantem A. per Gaisonem Francum interficit, & Occidentis Imperium obtinet.
351. *Post Consulatum Sergij & Nigriniani in Oriente; at in Occidente Magnentio & Gaisone Coss.* Magnentius ad Mursiam acie vincitur à Constantio A. Constantius Gallus ab eodem Cæsar creatur.
352. *Constantio Aug. V & Constantio Gallo Caf. Coss.* in Oriente; in Occidente autem Decentio & Paulo Coss. Magnentius ad Longaticum vincitur, apud Ticinum vincit.
353. *Constantio A. VI & Constantio Gallo Caf. II Coss.* Magnentius victus Lugduni gladio se transfigit. Decentius Cæsar, eius frater, se suspendit.
354. *Constantio A. VII & Constantio Caf. III Coss.* Constantius Cæsar iussu Constantij A. capite truncatur.

355. *Arbetrione & Lolliano Coss.* Siluanus, Francus, Magister pedum per Gallias, Coloniz Agrippinæ Augustus appellatur, & xxviii imperij die interficitur. Iulianus à Constantio Aug. Cæsar creatur, & præficitur Galliis vii Idus Nouemb. Florebanr tum in Palatio Malari-cus Gentilium rector, Mallobaudes Tribunus Armaturarum, Laniogai-sus Tribunus, aliique Francorum Optimates.
356. *Constantio A. vii & Iuliano Coss.* Iulianus Cæsar Coloniam à Fran-cis ante x. menses captam recipit, & pacem ibidem cum Francorum Regibus facit.
357. *Constantio Aug. ix & Iuliano Coss.*
358. *Datiano & Cereale Coss.*
359. *Ensebio & Hypatio Coss.* Iulianus Cæsar Saliis & Chamaus, Francis gentibus, bellum infert: Salios complures in deditionem accipit: cum Chamauorum Rege Nebiogaste pacem acceptis obsidibus facit.
360. *Constantio A. x & Iuliano Coss.* Iulianus Cæsar Luteciæ Pari-siorum, vbi hiemabat, Augustus appellatur, ac Franciæ fines ingre-ditur.
361. *Taur & Florentio Coss.* Constantio A. mortuo, Iulianus solus imperat.
362. *Mamertino & Nevitta Coss.*
363. *Iuliano A. iv & Salustio Coss.* Iulianus occiditur in Persarum finibus, & Iouianus impetat. Malari-cus, Francus, ex-Tribuno Gentilium, Magisterium militum Galliarum recusat.
364. *Iouiano Aug. & Varroniano Nobilissimo Coss.* Iouiano A. mortuo suffici-tur Valentinianus, qui Valentem fratrem in consortionem Imperij recepit, ac Orienti præposuit, Occidentem ipse restituit.
365. *Valentiniano Aug. & Valente Aug. Coss.* Charietto, Francus, Comes per utramque Germaniam, ab Alamannis interficitur.
366. *Gratiano Nobilissimo & Degalaifo Coss.* Iouinus Magister equitum vincit Alamannos.
367. *Lupicino & Iouino Coss.* Gratianus apud Ambianos à Valentiniano A. patre creatur Augustus. Franci, & Saxones Gallias terramarique in-festant, & à Theodosio Comite vincuntur.
368. *Valentiniano ii & Valente ii Coss.*
369. *Valentiniano Nobiliss. puero & Victore Coss.*
370. *Valentiniano iii & Valente iii Coss.* Saxones in Gallia perfidiâ Ro-manorum circumuenti.
371. *Gratiano Aug. ii & Probo Coss.*
372. *Modesto & Arinthao Coss.*
373. *Valentiniano iv & Valente iv Coss.* Saxones circa Deufonem in Francia à Rom. cæsi. Burgundionum xc ferè millia ad Renum descendunt.
374. *Gratiano A. iii & Equitio Coss.*
375. *Post Consulatum Gratiani iii & Equitij.* Valentinianus A. obir, & Va-lentinianus iunior, eius filius, Augustus appellatur. cui Gratianus Ita-liam & Africam dedit, Galliis sibi retentis.
376. *Valente Aug. v & Valentiniano iuniore Aug. Coss.*
377. *Gratiano A. iv & Merobaudes Coss.*
378. *Valente Aug. vi & Valentiniano A. ii Coss.* Mallobaudes Rex Franco-rum, & Comes Domesticorum Gratiani Aug. Alamannos acie vin-cit in Gallia, & Priarium eorum Regem interficit. idem postea Ma-crianum Alamannorum Regem in Franciæ finibus victum occidit. Eo-dem anno Ricomeres, Francus, Theodomeris Regis Francorum ex Afcula pater, Comes Domesticorum Gratiani similiter fuit.
379. *Ausonio & Olybrio Coss.* Theodosius, Theodosij Magistri equitum fi-



- lius, à Gratiano Aug. creatur Imperator, Orientique præficitur.
380. *Gratiano Aug. v & Theodosio Aug. Coss.*
381. *Syagrio & Eucherio Coss.*
382. *Antonio & Syagrius Coss.* Priamum tum tenuisse in Francia auctor est Prosper.
383. *Merobaudes ii & Saturnino Coss.* Theodosius Aug. Arcadium, maiorem natu filium, Augustum appellandum curat. Maximus, ex Britannia transgressus in Galliam, Gratianum Aug. apud Parisios vincit, & circa Lugdunum interficit, Galliasque occupat.
384. *Richemere & Clearcho Coss.* Hic est Ricomerus Francus, quem Theodosius A. Magistrum vtriusque militie, deinde Consulem fecit.
385. *Arcadio Aug. & Bauto Coss.* Hic Bauto, Græcis Bauto melius dictus, natione Francus fuit, Duxque Gratiani primum, deinde Valentiniani celeberrimus, à quo creatus Consul Mediolani sumit insignia Consularia, & ab Augustino tum Rhetore laudatus est.
386. *Honorio Nobiliss. puero, & Eudodio Coss.*
387. *Valentiniano Aug. iii & Eutropio Coss.*
388. *Theodosio Aug. ii & Cynegio Coss.* Genobaudes, Marcomeres, & Sunno Francorum Reges in Galliam erumpunt, & vastatis eius prouinciis, Coloniz metum incutiunt. Quintinus, Dux Maximi, Franciam ingressus cum exercitu, magnam ibicladem accipit. Maximus à Valentiniano A. & Theodosio Aug. apud Aquileiam victus, capite truncatur. Arbogastes Comes, genere Francus, Victorem Cæsarem, Maximi filium, in Gallia interficit.
389. *Timasio & Promoto Coss.* Franci ex Gallia prædas agunt. Valentinianus, cum Marcomere & Sunnone Francorum Regibus collocutus, pacem acceptis obsidibus facit.
390. *Valentiniano Aug. iv & Neoterio Coss.*
391. *Tatiano & Symmacho Coss.*
392. *Arcadio Aug. iii & Rufino Coss.* Arbogastes, Francus, Magister militie, Valentinianum Aug. Viennæ interimat, & Eugenium Imperatorem facit: & Sunnoni ac Marcomeri Franc. Regibus insensum, Franciam vastat.
393. *Theodosio Aug. iii & Abundantio in Oriente Coss.* in Occidente autem *Theodosio A. iii & Eugenio P. N. Coss.* Theodosius Honorium, minorem filium, Augustum appellat.
394. *Arcadio Aug. iii & Honorio Aug. ii Coss.* in Occidente *Arbogaste & Flavianio Coss.* Eugenius & Arbogastes magnis Francorum auxiliis freti, magis diuina virtute quàm vi Theodosianorum superantur. Arbogastes se duobus gladiis transuerberat.
395. *Olybrio & Probino Coss.* Theodosio mortuo, Arcadius in Oriente, Honorius in Occidente regnat. Honorius per Stiliconem Magistrum militum sordus ex more cum Francis inat. Arcadius Eudoxiam, Bautois supradicti, viri Franci, filiam ducit uxorem.
396. *Arcadio Aug. iv & Honorio Aug. iii Coss.*
397. *Attico & Casario Coss.* aliàs, *Casario & Attico Coss.*
398. *Honorio Aug. iv & Eutychiano Coss.*
399. *Malio Theodoro & Eutropio Coss.* Huius Eutropij eunuchi, paullo post deportati, deinde occisi, nomen ex Fastiserasum.
400. *Stilicone & Aureliano Coss.*
401. *Vincensio & Frasio Coss.*
402. *Arcadio Aug. v & Honorio Aug. v Coss.* Theodosius ix mensium infans à patre Arcadio Augustus creatur.

403. *Theodosio iuniore Aug. & Rimerido Coss.*
404. *Honorio VI & Arifianeto Coss.*
405. *Stilicane II & Anthemio Coss.* Godigifclum Regem Vandalorum, per Franciam iter in Galliam facientem, Franci acie fundunt, & occidunt, xx Vandalorum millibus cæfis.
406. *Arcadio VI & Frobo Coss.* Alani, Vandali, Sueui, Burgundiones, alique gentes Barbaræ Gallias pridie Kalendas Ianuar. ingrediuntur.
407. *Honorio VII & Theodosio iuniore III Coss.*
408. *Basso & Philippo Coss.* Constantinus in Britannia tyrannus exoritur, & Galliarum imperium occupat. Arcadio A. mortuo, Theodosius iunior, eius filius, in Oriente solus imperat.
409. *Honorio VIII & Theodosio iuniore III Coss.* in Gallia *Constantino Coss.* Alani, Vandali, & Sueui Hispaniis se superfundunt. Atralus Romæ fit Imperator. Goar Alanorum Regulus cum suis remanet in Gallia.
410. *Fl. Varane & Tertullo Coss.* Huius Tertulli, ab Attalo Consulis facti, nomen è Fastis postmodum erasum. Roma à Gothis, Alanci ductu, capitur & diripitur. Gaiso, Francus, Comes sacrarum largitionum, deinde Magister Officiorum Honorij A. fuit.
411. *Theodosio Aug. IV Coss.* Constantius Dux Honorij Edobicum, Francum, Magistrum militum Constantini tyranni, auxiliis Francis instructum vincit. quo cognito Arelatenfes Constantinum viuum Constantio tradunt.
412. *Honorio IX & Theodosio V Coss.* Gothi, qui & Vesigothi, Ataulfi Regis ductu Gallias ingrediuntur.
413. *Heraciano & Lucio Coss.* Heraciani Consulis, ob affectatam tyrannidem interfecti, nomen è Fastis erasum. Burgundiones partem prouinciæ Germaniæ primæ Reno propinquam obtinent Gundacario Rege. Iouinus & Sebastianus fratres, in Gallijs tyranni orti, paullo post occidunt. Vrbs Treuironum à Francis direpta; & Castinus Domesticorum Comes aduersus eos missus.
414. *Constantio & Constante Coss.* Attalus, adiutoribus Vesigorhis, purpuram resumit in Gallia.
415. *Honorio X & Theodosio VI Coss.* Attalus à Vesigorhis destitutus capitur, & Constantio Patricio traditur. Ataulfus Rex Vesigothorum à suis interimitur, deinde Sigeticus, cui Valia succedit.
416. *Theodosio VII & Palladio Coss.*
417. *Honorio XI & Constantio II Coss.*
418. *Honorio XII & Theodosio VIII Coss.*
419. *Monaxio & Flinto Coss.* Valia Vesigothorum Regi Aquitania II, & Tolosa, cum quibusdam alijs urbibus datur ab Honorio. Defuncto Valia eodem anno Theodoricus substituitur.
420. *Theodosio IX & Constantio III Coss.* Honorius Aug. Constantio Patricio, Placidia sororis suæ viro, societatem impenj deserit inuirsus. Circa id tempus Faramundus regnat in Francia.
421. *Agricola & Eustachio Coss.* Constantius Aug. imperij mense VII decedit.
422. *Honorio XIII & Theodosio X Coss.* Castinus, Magister militum, à Vandalis in Batica magno prælio superatur, amissis militum millibus fere xx.
423. *Mariniano & Asclepiodoto Coss.* Honorius Aug. Placidiam sororem suam cum liberis pellit, ac paullo post moritur, & Ioannes Imperium Occidentis occupat.
424. *Castino & Victore Coss.* Theodosius Aug. Valentinianum, Constantij Aug. & Placidia amittæ suæ filium, Cæsarem facit, & ad recipiendum Occidentem cum copiis mittit.

425. *Theodosio A. XI & Valentiniano Casare Coss.* Ioanne tyranno oppresso, Valentinianus, sextum annum agens, decreto Theodosij Augustus appellatur. Placidia Aug. filij & Insuperij tutela commissa.
426. *Theodosio A. XII & Valentiniano Aug. III Coss.*
427. *Hiario & Ardabure Coss.* Vandalis, inuitati à Bonifatio, ductu Geiserici in Africam transeunt.
428. *Felice & Tauro Coss.* Chlodio, Faramundi filius, regnat in Francia. pars Gallia, propinqua Reno, quam Franci possidendam occupauerant, Aëtij Comitis ductu recepta.
429. *Florentio & Dionysio Coss.* Aëtius, Magister militum factus, Iuthungos vincit gentem Alamannam.
430. *Theodosio XIII & Valentiniano III Coss.* Aëtius Noricos rebellantes domat.
431. *Basso & Antiocho Coss.*
432. *Aëtio & Valerio Coss.*
433. *Theodosio XIV & Maximo Coss.*
434. *Aspare & Ariebindo Coss.*
435. *Theodosio XV & Valentiniano IV Coss.* Pax cum Geiserico Rege Vandalorum facta, data ei Africæ parte. Gundacarius, Rex Burgundionum in Gallia, Belgicæ primæ manum iniciens, ab Aëtio funditur.
436. *Isidoro & Senatore Coss.* Gundacarius Rex, amissis suorum millibus XX, pacem ab Aëtio impetrat, & paullo post ab Vptaro Hunnorum Rege interficitur. ei succedere Gunducius ac Chilpericus filij. Vesigothi pace rupta Narbonem frustra obsident.
437. *Actio II & Sigisunto Coss.* Bellum aduersus Vesigothos, Hunnis auxiliariis, geritur. Chlodio Francorum Rex, salu Carbonario, Turnaco, & Camaraco ac Ambianis occupatis, sedem capit in Gallia.
438. *Theodosio XVI & Fanilo Coss.* Aëtio Duce VIII millia Vesigothorum cæsa.
439. *Theodosio XVII & Fisto Coss.* Litorius Comes à Vesigothis victus & captus, & pax cum eis facta. Geisericus Vandalorum Rex Carthaginem, pace rupta, ac omnem simul Africam capit.
440. *Valentiniano Aug. V & Anatolio Coss.* Deserta pars agri Valentini Alani traditur, cum incolis diuidenda.
441. *Cyro V. C. Coss.* Britannia ab Anglis occupatur. Attila & Bleda, Hunnorum Reges, Illyricum vastant.
442. *Dioscuro & Eudoxio Coss.* Attila & Bleda Illyricum & Thraciam depopulantur. cum Geiserico à Valentiniano Aug. pax facta, & Africa inter vtrumque diuisa. Alani, quibus agri dari erant ab Aëtio Parricio, expulsis dominis, terræ possessionem vi adipiscuntur, ductu Sangibani Regis.
443. *Maximo II & Paterno, vel Paterno Coss.* Sapaudia Burgundionibus datur cum indigenis diuidenda.
444. *Theodosio XVIII & Albino Coss.* Attila Bledam fratrem & regni consortem interimit.
445. *Valentiniano VI & Nemo Coss.*
446. *Aëtio III & Symmacho Coss.*
447. *Calpurnio & Ardabure Coss.* aliàs, *Ardabure & Alypio Coss.* Attila totam Thraciam & Illyricum vastat, fuso exercitu Romano.
448. *Postumiano & Zenone Coss.* Chlodione defuncto, regnat apud Francos Metoucus.
449. *Asturio & Protogene Coss.* aliàs, *Asterio & Protogene Coss.*
450. *Valentiniano VII & Auieno, vel Abieno Coss.* Theodosius Aug. obit,

- cuius soror Pulcheria Aug. Marcianum Imperatorem facit, eique anus nubir. Galla Placidia Aug. Romæ moritur.
451. *Marciano Aug. & Adelfio Coss.* Attila Hunnorum Rex Galliam depopulatur, & in campis Catalaunicis, cruento utrunque cerramine commisso, pulsus ab Aëtio, domum redit. Huic prælio Meroueus Francorum Rex cum magnis copiis interfuit, accitus ab Aëtio, & Theodoricus Vesigothorum Rex, cui ibidem ab Hunnis interfecto Thorismodus filius substituitur.
452. *Herculano, & Sphoracio, vel Sphoracio Coss.* Attila redintegratis viribus Italiam ingreditur, Aquileiam, & multas alias vrbes excidit, & Valentiniano Aug. pacem per legatos petenti annuit.
453. *Opilionem & Vincomalo Coss.* Pulcheria Aug. & Attila decedunt. Thorismodus quoque Vesigoth. Rex à Theodorico & Friderico fratribus iugulatur, & Regnum occupat Theodoricus iunior.
454. *Aëtio & Studio Coss.* Aëtius Patricius Valentiniani Aug. manu in Palatio confoditur.
455. *Valentiniano v. i. i. & Anthemio Coss.* Valentinianus ab Aërij farellicibus auctore Maximo occiditur. Maximus lxxvii imperij die à famulis regiis & militibus dilaniatur. Geisericus Vrbem diripit. Auitus in Gallia fit Imperator. Meroueus Francorum Rex per Germaniam primam, ac Belgicam ii arma circumfert, & Regnum, quod Suminâ terminabatur, vsque ad Sequanam prolarat.
456. *Ioanne & Varane Coss.* In Oriente à Metoueo direpta & incensa. Auitus Aug. à Ricimere Magistro militum capitur, & sic Episcopus. Gunducus & Chilpericus, Burgundionum Reges, fines Regni sui proferunt.
457. *Constantino & Ruffo Coss.* In Orientemortuo Marciano Aug. Leo ab exercitu Imperator consalutatur v. i. Idus Februar. Maiorianus quoque in Occidente fit Imperator consensu & voluntate Leonis Aug.
458. *Leone Aug. & Maioriano Aug. Coss.* Meroueo patri suo, Francorum Regi, Childericus succedit. Egidius Gallie Magister militum datur.
459. *Ricimere & Patricio Coss.* Maiorianus Aug. cum Theodorico Rege Vesigothorum pacem & societatem init.
460. *Magne & Apollonio Coss.* Maiorianus, Africam & Vandalos petens, abductis à Geisericu nauibus suis vacuis, desistere incepto cogitur.
461. *Seuerino & Dagalaifo Coss.* Maiorianus A. à Ricimere Patricio interficitur, & Seuerus appellatur Augustus.
462. *Leone Aug. ii & Severo Aug. Coss.* Agrippinus Comes Narbonem tradit Theodorico Vesigothorum Regi.
463. *Basilio & Vianiano Coss.* aliàs, *Vibiano & Felice Coss.*
464. *Rusticio & Olybrio Coss.* aliàs, *Olybrio & Rustico Coss.*
465. *Hermenrico & Basilio Coss.* Seuerus Aug. moritur.
466. *Leone A. iii & Tatiano Coss.*
467. *Pasao & Ioanne Coss.* Anthemius ad vrbem Romam Augustus appellatur. Theodoricus Rex Vesigothorum ab Eurico fratre intetiminur.
468. *Dn. Anthemio Aug. ii solo Coss.* Leo & Anthemius Geisericu bellum inferunt.
469. *Marciano & Zenone Coss.*
470. *Severo & Iordane Coss.* Romanus Patricius, affectati Impetij reus, capite truncatur.
471. *Leone Aug. iv & Probiano Coss.*
472. *Festo & Marciano Coss.* Ricimer Patricius Olybrium Imperatorem creat, & Anthemium Augustum focerum suum interficit, nec multo post obir. Olybrius

Olybrius Aug. eodem anno moritur.

473. *Leone Aug. v. solo Cof.* Glycerius Italiz Impetium arripit. in Oriente Leo A. Leonem nepotem suum Augustum creat.
474. *Leone iuniore Aug. Cof.* Leo iunior patrem suum Zenonem Impetij consortem facit, ac paulo pōst decedit. Iulius Nepos, Glycerio A. in ordinem coactō & Episcopo constituto, Imperium occupat.
475. *Post Consulatum Leonis iun. Aug. vel Zenone Aug. 11. Consule.* Orestes Patricius, Nepote Aug. in Dalmatiam fugato, filium suum Augustulum Imperatorem facit. Euticus Vefigothorum Rex Aruernos, A-uaticum, & Turonos circa id tempus occupat.
476. *Basilisco 11 & Armato, vel Harmatio Coss.* Odoacer Orestem Patricium victum interficit, & Paullum fratrem eius; castello Augustulum includit, ac euerso Occidentis Imperio Regem se appellari iubet. Geisericus Rex Vandalorum & Alanorum decedit.
477. *Sine Coss. vel, Post Consulatum Basilisci 11 & Armati, Odoacer Prouinciam Eutico Regi donat.*
478. *Illo, vel Helio V. C. Cof. Indictione 1.*
479. *Zenone Aug. 111. solo Cof. aliās, Zenone Aug. 11. Cof. solo, Indict. 11.*
480. *Basilio iuniore V. C. solo Cof. aliās, Post Consulatum Zenonis 111. Ind. 111.*
481. *Placido V. C. solo Cof. Ind. 1 v.* Childericus Francorum Rex, post Aurelianos & Andecauios captos, & Regnum à Sequana ad Ligerim prolarum, sub anni exitum moritur.
482. *Seurino iuniore, & Trocande, vel Troconde Coss. Ind. v.* Apud Francos regnare cōpē Chlodoueus, filius Childerici.
483. *Fanjo V. C. solo Cof. aliās, Post Consulatum Trocandi V. C. Ind. v 1.*
484. *Venantio & Theodorico Coss. aliās, D.N. Theodorico & Venantio Coss. Ind. VII.* Eurico Vefigothorum Regi, patri suo, Alaticus succedit.
485. *Symmacho V. C. solo Cof. aliās, post Consulatum Theodorici V. C. Ind. VIII.*
486. *Dccio & Longino Coss. Ind. 1 x.* Chlodoueus Francorum Rex Syagrium Ægidij filium victum acie, & ab Alarico Rege, ad quem perfugerat, traditum interficit.
487. *Bethio V. C. unico Cof. Ind. x.* Odoacer Rex Italiz Febam Regem Rugorum vincit & capit.
488. *Synacio & Sisidio Coss. Ind. x 1.*
489. *Probrino & Eusebio Coss. Ind. x 11.* Theodericus Ostrogothorum Rex, Zenonis permissu, Italiam ingreditur.
490. *Longino 11 & Fanfo Coss. aliās, Fanfo iuniore Cof. Ind. x 111.*
491. *Olybrio V. C. solo Cof. Ind. x 1 v.* In Oriente Zenon Aug. decedit. Anastasius ex Silentiariorum ab Ariadne Aug. fit Imperator. Chlodoueus Turingis victis tributum imponit.
492. *Anastasio Aug. & Raso Coss. Ind. xv.*
493. *Albino & Eusebio Coss. aliās, Eusebio 11. & Albino Coss. vel Albino V. C. Cof. Ind. 1.* Theodericus contra religionem iurifurandi Rauennæ Odoacrem occidit. Chlodoueus Francorum Rex Chrothildum in matrimonium accipit.
494. *Asterio & Præsidio Coss. Ind. 11.*
495. *Viatore V. C. Cof. Ind. 111.*
496. *Paullo V. C. Cof. aliās, Post Consulatum Viatoris. Ind. 1 v.* Chlodoueus, victis apud Tolbiacum Alamannis, Alamanniam & Sueciam subigit, fitque ex voto Christianus. Francorum pars maior exemplum Regis imitatur. Verodunenses, qui defecerant, à Chlodoueo recipiuntur.
497. *Anastasio Aug. 11. solo Cof. Ind. v. aliās, P. C. Viatoris anno 11.*
498. *Paulino & Ioanne Scythæ Coss. Ind. v 1.*

499. *Ioanne Gibbo V. C. solo Cos. aliàs, Post Consulatum Paulini Ind. VII.*  
 500. *Patricio & Hyppatio Cos. Ind. VIII.* Chlodoueus iunctus Godegisila Gundobadam Burgundionum Regem, Gundiuci filium, vincit acie, Auenione obsidet, pacem petenti tributum imponit. Eodem anno Gundobadus receptis viribus Godegisilum Regem, fratrem suum, Viennæ captum interemit.
501. *Anieno, vel Abieno & Pompeio Cos. Ind. IX.*  
 502. *Anieno, vel Abieno iunior & Probo Cos. Ind. X.* in Chronico Alexandrino malè, *Probo & Abieno II Cos.*  
 503. *Volusiano & Dexicrate Cos. Ind. XI.*  
 504. *Cesareo V. C. solo Cos. Ind. XII.*  
 505. *Theodoro & Sabimiano Cos. Ind. XIII.*  
 506. *Messala & Areobindo, vel Ariobinda Cos. Ind. XIV.*  
 507. *Anastasio Aug. I. I. & Venantio Cos. Ind. XV.* Chlodoueus Frane. Rex Alaticum Vesigothorum Regem vincit acie, ac interficit, & Regnum Tolosanum, seu omnem Aquitaniã occupat. Gesalicus Alarico succedit.
508. *Venantio Iunior & Celere Cos. Ind. I.* Chlodoueus Rex Ecolifnãm capit, & ab Anastasio Aug. codicillos de Patriciarũ accipit. Theodericus Ostrogothorum & Italarum Rex, Alarici foer, Ibam Duem cum exercitu mittit in Prouinciam, à quo fusi Franei, Arelatum obsidione liberatum, & Prouincia recepta.
509. *Impertuno V. C. Cos. aliàs, Opportuno solo Cos. Ind. II.* Ostrogothi in Chlodouei Regnum erumpunt.
510. *Boethio solo Cos. Ind. III.* Arelatum iterum obsident Franei; ac obsidionem soluere iterum coguntur.
511. *Felice & Secundino Cos. Ind. IV.* Gesalicus Vesigothorum Rex ab Iba Duee vincitur, & interficitur, & Theodericus Ostrogothorum Rex, sub specie tutelæ Amalarici pueri, nepotis sui, Regnum Vesigothicum occupat. Eodem anno XXXI Episcopi apud Aurelianos iussu Chlodouei conueniunt VI Idus Iulias. Chlodoueus Magnus deeedit, & v Kal. Septemb. sepelitur in Basilica SS. Apostolorum, in qua B. Genouefa eodem anno sepulta fuerat. Chlodoueo I v filij succedunt.
512. *Paullo & Muschiano, vel Musciano Cos. Ind. V.*  
 513. *Probo & Clementino Cos. Ind. VI.*  
 514. *Senatore V. C. solo Cos. Ind. VII.*  
 515. *Florentio & Anthemio Cos. Ind. VIII.*  
 516. *Petro V. C. Cos. Ind. IX.* Gundobado Burgundionum Rege defuncto, regnat Sigismundus eius filius.
517. *Anastasio & Agapeto Cos. Ind. X.* hoc est forsitan, *Anastasio Aug. IV. & Agapeto Cos.*  
 518. *Magno solo Cos. aliàs, Agapeto II. & Magno Cos. Ind. XI.* Anastasius Aug. obit; & Iustinus ex Comite Excubitorum fit Imperator.
519. *Iustino Aug. & Eutharico Cos. Ind. XII.*  
 520. *Ruficio & Vitaliano Cos. Ind. XIII.*  
 521. *Valerio & Iustiniano Cos. aliàs, Iustiniano & Valerio Cos. Ind. XIV.*  
 522. *Symmacho & Boethio Cos. Ind. XV.* Sigisfricus iussu Sigismundi Burgundionum Regis, patris sui, occiditur.
523. *Maximo Consule solo. Ind. I.* Sigismundus Rex Burgundiæ à Chlodomere Francorum Rege fatus acie captus, nec multo post interficitur: Regnum Burgundiæ recipit Godomarus frater Sigismundi.
524. *Iustina Aug. II & Opsione Cos. Ind. II.* Chlodomeres Francorum Rex à Godomaro Burgundionum Rege interficitur.
525. *Probo Iunior & Philoxeno Cos. aliàs, Philoxeno & Probo Cos. Ind. III.*

526. *Olybrio solo Cof. Ind. 4 v.* Theodericus Rex Ostrogothorum ac Vesigothorum decedit, & nepotes eius, Athalaricus Regnum Ostrogothicum; Amalaricus Vesigothorum Regnum obtinuerunt.
527. *Manottio Romano, vel Mabertio solo Cof. Ind. v.* Iustinus Aug. Iustinianum, sotoris suæ filium Imperatorem creat, & 1 v post mense decedit.
528. *Iustiniano Aug. 11 solo Cof. Ind. v1.*
529. *Decio inniore P. C. solo Cof. Ind. v11.*
530. *Lampadio & Oreste Cof. Ind. v111.*
531. *P. C. Lampady & Orestis, Ind. 1 x.* Theddoricus, Francorum Rex, Toringis acie victus, & Herminastido Rege eorum interfecto, Toxingiam facit tributariam. Childebertus, Francorum Rex, eodem anno Amalaricum Vesigothorum Regem vincit acie, fugientemque interfecit. Theudis regnat in Hispania post Amalaricum.
532. *Item P. C. Lampady & Orestis Cof. Ind. x. seu P. C. Lampady & Orestis anno 11.* Childebertus & Chlotharius fratres, Francorum Reges, fuso Godomato Rege, omnem Burgundiam occupant.
533. *Ind. x1. Iustiniano Aug. 111 Cof. solo.*
534. *Ind. x11. Iustiniano Aug. 1 v & Paulino inniore Cof.* Theodotius Francorum Rex, maximus natu Chlodouei filiorum, decedit, & Theodebertus eius filius apud Austrasios regnat. Eodem anno Athalaricus Ostrogothorum Rex obit, & Theodahadus substituitur. Iustitianus Aug. Africam Vandalis eripit.
535. *Ind. x111. Belisario P. C. solo Cof.* Iustinianus A. legatos de societate belli aduersus Ostrogothos mittit ad Francorum Reges.
536. *Ind. x1 v. P. C. Belisary P. C.* Vitigis Theodahadum Regem occidit. Prouincia à Vitige, Ostrogothorum Rege, Francorum Regibus traditur cum parte Alamannorum, quæ post prælium Tolbiacense in Italiam sese contulerat.
537. *Ind. x v. Iterum P. C. Belisary, vel P. C. Belisary anno 11.*
538. *Ind. 1. Ioanne P. C. solo Cof. aliis, Polusiano & Ioanne Cof.*
539. *Capione, filio Strategæ, P. C. solo Cof. Ind. 1 s.* Theodebertus, Francorum Rex, Italix fines cum armatis millibus ducentis ingreditur. Vitigis Rex Ostrogothorum Belisario se ac Rauennam dedit.
540. *Ind. 111. Iustino Inn:ore solo Cof.*
541. *Ind. 1 v. Basilio P. C. solo Cof.*
542. *Ind. v. 1 ost Consulatum Basilij P. C.*
543. *Ind. v1. P. C. Basilij anno 11.* Childebertus & Chlotharius Francorum Reges Hispaniam ingrediuntur, Cæsaraugustam obsident, & totam prouinciam Tarraconensem depopulantur.
544. *Ind. v11. P. C. Basilij P. C. anno 111.*
545. *Ind. v111. P. C. Basilij P. C. anno 1 v.*
546. *Ind. 1 x. P. C. Basilij P. C. anno v.*
547. *Ind. x. P. C. Basilij P. C. anno v1.*
548. *Ind. x1. P. C. Basilij P. C. anno v11.* Theudis Vesigothorum Rex occiditur, cui Theudiscus succedit. Theodebertus Francorum Rex obit, successore Theodebaldo filio relicto. Lanthacarius Dux Francorum à Romanis in Italia fusus & cæsus.
549. *Ind. x11. P. C. Basilij anno v111.*
550. *Ind. x111. P. C. Basilij P. C. anno 1 x.* Vesigothi, iugulato Theudisclo, Agilam Regem salutarunt.
551. *Ind. x1 v. P. C. Basilij anno x.* Iustinianus Aug. legatos ad Theodebaldum Francorum Regem mittit.
552. *Ind. x v. P. C. Basilij anno x1.* Liberius Patricius à Iustiniano Aug. in

## CHRONICON FRANCICVM.

Hispaniam cum exercitu mittitur, & Narſes Patrieius in Italiam, qui Totilam & Teiam Oſtrogothorum Reges fundit acie, ac interficit, ac omnem Italiam Imperio Romano reſtruit.

553. *Ind. 1. P. C. Baſily V. C. anno XII.* Leutharius & Buecelinus, cum Francorum & Alamannorum LXXV millibus, ingrediuntur Italiam.
554. *Ind. 11. P. C. Baſily V. C. anno XIII.* Leutharius in Italia morbo interit cum ſuis. Buecelinus, peruagatus ac depopulatus omnem Italiam, à Narſe Iuſtiniani Duce proelio ſuperatur, & interficitur.
555. *Ind. 111. P. C. Baſily V. C. anno XIV.* Hamingus Dux Francorum, cum Oſtrogothorum reliquiis fertet auxilium, in Italia ab Narſe victus & exſus. Theodebaldus Francorum Auſtraſiorum Rex deſungitur, cuiusque Regnum occupat Chlotharius, maior ipſius patruus, fratre ſuo Childeberto excluſo. Eodem anno cum Saxonibus rebellantibus Chlotharius Francorum Rex feliciter pugnatur.
556. *Ind. 1V. P. C. Baſily V. C. anno XV.* Chlotharius cum Saxonibus, coactus à ſuis, infeliciter dimicat, pacemque facit.
557. *Ind. V. P. C. Baſily V. C. anno XVI.* Chramnus Chlotharij patris Regnum populatur. Saxones in Franciam erumpunt. Chlotharius tertium Saxoniam ingreditur. Childebertus Campaniam Remenſem, quæ Chlotharij erat, igne & ferro vaſtat.
558. *Inc. VI. P. C. Baſily V. C. anno XVII.* Childebertus Rex Francorum moritur, & Regnum eius Chlotharius obtinet.
559. *P. C. Baſily anno XV 111. Ind. VII.*
560. *P. C. Baſily anno XXI. Ind. VIII.* Chramnus ſuſis Britannicis auxiliis, quibus fidebat, à Chlothario patre ſuo victus & caprus interficitur.
561. *Ind. 1X. P. C. Baſily V. C. anno XX. imperij Iuſtiniani XXXV.* Chlotharius Rex Francorum deecedit, & 1V filios totidem regnorum relinquit ſueceſſores.

## NOTITIA PROVINCIARVM ET CIVITATVM GALLIÆ.

*In Provinciis Gallicanis qua ciuitates ſunt.*

*In Provincia Lugdunenſi prima  
Ciuitates numero III.*

Metropolis Ciuitas Lugdunenſium, *Lyon.*

Ciuitas Æduorum, Auguſtodunum, *Aulun.*

Ciuitas Lingonum, *Langres.*

Caſtrum Cabillonenſe, *Chalon.*

Caſtrum Matisconenſe, *Maſcon.*

*In Provincia Lugdunenſi ſecunda  
Ciuitates numero VII.*

Metropolis Ciuitas Rotoma-

genſium, *Roſen.*

Ciuitas Baiocallium, *Bayeux.*

Ciuitas Abrincatum, *Auranches.*

Ciuitas Ebroicorum, *Eureux.*

Ciuitas Saiorum, *Siez.*

Ciuitas Lexouiorum, *Lizieux.*

Ciuitas Conſtancia, *Conſtances.*

*In Provincia Lugdunenſi tertia  
Ciuitates numero IX.*

Metropolis Ciuitas Turonorum, *Tours.*

Ciuitas Cenomannorum, *Mans.*

Ciuitas Redonum, *Rennés.*



# NOTITIA GALLIÆ.

Ciuitas Andicauorum, *Angers.*

Ciuitas Namnetum, *Nantes.*

Ciuitas Coriofopirum, *vel Curiosolium, Quimpercorentin en Cornouaille.*

Ciuitas Venetum, *Vannes.*

Ciuitas Osismorum, *Triguier.*

Ciuitas Diablintum, *Dol.*

*In Prouincia Lugdunensi quarta, vel Senonia, Ciuitates numero VII.*

Metropolis Ciuitas Senonum, *Sens.*

Ciuitas Carnotum, *Chartres.*

Ciuitas Autifiodorum, *Auxerre.*

Ciuitas Tricassium, *Troyes.*

Ciuitas Aurelianorum, *Orleans.*

Ciuitas Parisiorum, *Paris.*

Ciuitas Meldorum, *Meaux.*

*In Prouincia Belgica prima Ciuitates numero IV.*

Metropolis Ciuitas Treuerorum, *Treues.*

Ciuitas Mediomatricorum, *Metz.*

Ciuitas Leucorum Tullum, *Toul.*

Ciuitas Verodunensium, *Verdun.*

*In Prouincia Belgica secunda Ciuitates numero XII.*

Metropolis Ciuitas Remorum, *Reims.*

Ciuitas Sueffionum, *Soissons.*

Ciuitas Catalaunorum, *Châlons.*

Ciuitas Veromanduorum, *Saint Quentin en Vermandois, ex aliis Vermand.*

Ciuitas Atrabatum, *Arras.*

Ciuitas Camaracensium, *Cambray.*

Ciuitas Turnacensium, *Tournay.*

Ciuitas Siluanectum, *Senlis.*

Ciuitas Bellouacorum, *Beauvais.*

Ciuitas Ambianensium, *Amiens.*

Ciuitas Morinum, *Teruanna, Terouanne.*

Ciuitas Bononiensium, *Bouloigne.*

*In Prouincia Germania prima Ciuitates numero IV.*

Metropolis Ciuitas Mogontiacensium, *Mayence.*

Ciuitas Argentoratensium Strataburgum, *Strasbourg.*

Ciuitas Nemetum Spira, *vel Spiracia, Spire.*

Ciuitas Vangionum Borbetomagus, *vel Warmatia, Wormes.*

*In Prouincia Germania secunda Ciuitates numero II.*

Metropolis Ciuitas Agrippinensium Colonia, *Cologne.*

Ciuitas Tungrorum, *Tongres.*

*In Prouincia Maxima Sequanorum, vel Sequanico, Ciuitates numero IV.*

Metropolis Ciuitas Vesontien-sium, *Besançon.*

Ciuitas Equestrium Nouiodunus, *vel Niuidunum, Nion près Lausanne.*

Ciuitas Helueticorum Auenticum, *Auanche.*

Ciuitas Basiliensium, *Basle.*

# NOTITIA GALLIÆ.

**Castrum Vindonissense, Vin-**  
*disch.*

**Castrum Ebrodunense, Iuerdun.**

**Castrum Rauracense, vel Au-**  
*gusta Rauracum, Augst.*

**Portus Abucini, vel Bucini,**  
*alias, Portus Abbucina.*

*In Prouincia Alpium Graiarum &*  
*Penninarum Ciuitates num. II.*

**Metropolis Ciuitas Centronum**  
*Darantasia, Monstier en Ta-*  
*rentaise.*

**Ciuitas Vallensium Octodo-**  
*rum, Martinachen Vvalais.*

*Item in Prouinciis septem.*

*In Prouincia Viennensi Ciuitates*  
*sunt numero XIII.*

**Metropolis Ciuitas Viennen-**  
*sium, Vienne.*

**Ciuitas Genauensium, Geneue.**

**Ciuitas Gratianopolitana, Gre-**  
*noble.*

**Ciuitas Albensium Viuarium,**  
*Vuiers.*

**Ciuitas Decensium, Die.**

**Ciuitas Valentinarum, Valence.**

**Ciuitas Tricastinarum, Saint**  
*Paul de Tricastin.*

**Ciuitas Vasiensium, vel Vase-**  
*nsum, Vaison.*

**Ciuitas Arausicorum, Orange.**

**Ciuitas Cabellicorum, Canailon.**

**Ciuitas Auennicorum, Avignon.**

**Ciuitas Arelatensium, Ailes.**

**Ciuitas Massiliensium, Marseille.**

*In Prouincia Aquitania, vel Aqu-*  
*itanica prima Ciuitates num. VIII.*

**Metropolis Ciuitas Biturigum,**  
*Bourges.*

**Ciuitas Aruernorum, Clermont**  
*en Auvergne.*

**Ciuitas Rutenorum, Rodez.**

**Ciuitas Albiensium, alias Albi-**  
*gensium, Alby.*

**Ciuitas Cadurcorum, Cahors.**

**Ciuitas Lemouicum, Limoges.**

**Ciuitas Gabalum Mimate, Man-**  
*de en Genaudan.*

**Ciuitas Vellauorum Podium,**  
*le Puyen Velay.*

*In Prouincia Aquitania secunda*  
*Ciuitates vi.*

**Metropolis Ciuitas Burdigalen-**  
*sium, Bordeaux.*

**Ciuitas Aginnensium, Agen.**

**Ciuitas Ecolismensium, Angou-**  
*lesme.*

**Ciuitas Santonum, Saintes.**

**Ciuitas Pictauorum, Poitiers.**

**Ciuitas Petrocoriorum, Peri-**  
*gucux.*

*In Prouincia Nouempopulana, vel*  
*Nouempopulis, vulgo Vasconia*  
*dicta, Ciuitates numero XII.*

**Metropolis Ciuitas Elusarium,**  
*Eus.*

**Ciuitas Aquensium, Aqi, vel**  
*Dac.*

**Ciuitas Lactoratium, Lactoure,**  
*vel Lestore.*

**Ciuitas Conuenarum, Commin-**  
*ges.*

**Ciuitas Conforannorum, Con-**  
*serans, vel Couzrans.*

**Ciuitas Boatium, Bayonne.**

**Ciuitas Benarnensium, Lescaren**  
*Bearn.*

**Ciuitas Aturensum, Aire.**

**Ciuitas Vasatica, Bas.**

**Ciuitas Turba, vel Turfa, vbi**

# NOTITIA GALLIÆ.

- castrum Bigorra. *Vulgò Tax-* Ciuitas Aptensium, *Apt.*  
*ba Bigerrorum, Tarbe en Bi-* Ciuitas Reiensium, *Riez.*  
*gorre.* Ciuitas Foroiulienſium, *Freius.*  
 Ciuitas Elloronensium, *Oleron.* Ciuitas Vapincensium, *Gap.*  
 Ciuitas Aufciorum, *Auſch.* Ciuitas Segesteriorum, *vel Se-*  
*gesterica, antè dicta Segu-*  
*ſtero, Siſteron.* Ciuitas Antipolitana, *Antibe.*  
*In Prouincia Narbonenſi prima,*  
*Septimania & Gothia poſtea di-*  
*cta, Ciuitates numero VII.*  
 Metropolis Ciuitas Narbonen- *In Prouincia Alpium Maritima-*  
 ſium, *Narbonne.* *rum, vel Alpina Maritima, Ci-*  
 Ciuitas Tolofatium, *Toulouſe.* *uitates numero VIII.*  
 Ciuitas Beterrenſium, *Beziers.* Metropolis Ciuitas Ebrodu-  
 Ciuitas Agathenſium, *Agde.* *nensium, Ambrun.*  
 Ciuitas Nemaufenſium, *Niſmes.* Ciuitas Dinienſium, *Digne.*  
 Ciuitas Magalonensium, *Ma-* Ciuitas Rigomagenſium.  
*guelonne.* Ciuitas Salinenſium.  
 Ciuitas Luteuensium, *Lodene.* Ciuitas Sanitienſium, *Senez.*  
 Caſtrum Vcetiense, *aliàs Ciui-* Ciuitas Glannatina, *vel Glan-*  
*tas Vcetica, Vzés.* *nateua, Glandefue, aut Glan-*  
*In Prouincia Narbonenſi ſecunda,* *denez.*  
*vulgò Prouincia dicta, Ciuitates* Ciuitas Cemelenensium, *vel*  
*numero VII.* *poſiùs Cemencelenſium.*  
 Metropolis Ciuitas Aquen- Ciuitas Vintienſium, *Vence.*  
 ſium, *Aix en Prouence.*

*In Prouincijs XVII Ciuitates CXV.*







HADRIANI  
VALESII  
RERVM FRANCICARVM  
LIBER PRIMVS.



Es gestas Francorum à primordiis vsque ad Chlotharij maioris mortem scribere aggredior, quam partem historiæ nemo è nostris præter vnum & alterum adhuc attigit, & quam cum ob venerationem antiquitatis; tum ob claritatem gentis negligi ac pæne omnem omitti non oportuit: nisi fortè nos tentatæ per annos ampliùs CC Gallix, deinde occupatæ, originumque ac Maiorum nostrorum puderet, quorum alij Imperatores Romanos pacem & salutem prouinciarum annuo tributo redimere coegerunt, & subactis Germaniæ gentibus semper antea liberis, docuerunt Germanos nisi à Germanis domari non posse: alij cum spe honorum & opum inducti ad Romanos se contulissent, Tribunatus legionum, Magisteria militiæ, ordinarios Consulatus, nonnumquam Imperium ipsum quoque, præmia meritorum votis suis maiora sunt consecuti: qui tamen haud paullo maiori laude digni fuissent, si præfenti statu contenti in patria remanere, & eandem virtutem, quam Romani aduersus populares

A

suos sæpenumero præstiterunt, popularibus aduersus Romanos præstare maluissent. Me quidem, vtrumque hæc accipientur, nequaquam penitebit clarissimæ gentis ac summorum virorum facta supra millesimum & trecentesium annum reperita veterum auctorum collatione illustrauisse; atque de occasu Imperij Occidentis, & de obscuris initiis nationum, quibuscum Franci bella gesserunt, noua nec à quodquam prodita dixisse; & hoc quaecumque est munus patriæ obtulisse, cui si nihil aliud, fidem certè ac diligentiam præstare conabor.

Anno  
Christi  
nati  
CCLV.



**F**RANCORVM nomen Romanis primùm audiri, & arma metui cœpere Valeriani principatu, cum pauci ex his traiecto Reno, quo à Gallis diuidebantur, in Galliam eruptionem fecerunt, & per inferiorem, superioremque provinciam Germaniam sunt effusi. Præerat tum opido Mogontiaco Aurelianus Tribunus legionis VI Gallicanz, qui Francos incòpositos adortus septingentos occidit, trecentos captos sub corona venundedit: cuius victoriæ tâta Romæ fama percrebuit, vt Aurelianum Imperator Galliarum restitutorem appellaret, & de eo facti versus tota Vrbe percelebrarentur. Verùm nemo mirari debet, quòd Francorum nomen à Rômanis primùm auditum Valeriano imperante dixerim: cum contra Auctor Chronici Alexandrini tradat, Traianum Decium Aug. ante bienniũ quàm Valerianus Imperator appellaretur, dum expeditionem in Francos faceret, vnà cum filio Herennio Etrusco Decio à suis occisum esse: quippe reliqui omnes historici Decios transgressos Danubium in expeditione Gothica periisse scribunt.

Dum Valerianus Aug. in Mesopotamia cum Sapore Rege Persarum aduersis auspiciis pugnat, P. Licinius Gallienus Aug. Francos, quos Aurelius Victor, & Zosimus libro 1 Germanos vocant, in Galliam incursionem facere conantes transitu Reni strenuè arcuit, vsusque consilio Postumi, qui tum iuuentæ Gallienæ, deinde Salonini eius filij pueritiæ moderator fuit, isto fœdere fe-

rarum gentium motum compressit, & Belgarum securitati consuluit. Vnde apud Zonaram dicitur Gallienus cum Francis bellum gessisse.

Non fuit patre fortunatior in regendo Imperio Gallienus, quo Romæ ludos & conuiuia parante, cum extra Italiam tot ferè tyranni, quot prouinciæ essent, occasione inuitati Franci complures variis ex pagis, (quippe multæ Germaniæ gentes Francorum finibus, & nomine continebantur) tumultuariis myoparonibus extremam Galliæ oram prædando sunt præteruecti, fretoque Gaditano mare internum ingressi, Hispaniam citeriorem attigere. Ibi Franci non contenti vicorum, & castellorum spoliis, caput ipsum regionis Tarraconem, urbem maritimarum clarissimam & opulentissimam, nudam præsidio cepere, diripere, ac diruere: tantumque tractus eius populis terrorem iniecere, vt annos ferè XII quamdiu Gallienus & Claudius Imperium obtinuerunt, totam Hispaniam in potestate habuerint, & rapinis, cædibus, incendiisque vastauerint: Nonnulli etiam in Africam transmisere, à sociis spe maioris prædæ disiuncti.

De ea Francorum expeditione commemorant Nazarius in Panegyrico, Eusebius Pamphilus in libro 1. Historiæ temporum, Aurelius Victor, Eutropius, ac Magnus Paullus Orosius. Et Nazarius quidem scribit *Francos, cum ad bella efferuescerent, ultra ipsum Oceanum astu furoris euectos, Hispaniarum etiam oras armis infestas habuisse. Ex quo intelligitur eos non solum etate Gallieni, sed sæpe aliâ partem Hispaniæ Tarraconensis interno mari appositam piraticis expeditionibus terruisse. Eusebius, quem Hieronymus transtulit, addit Gallieno voluptatibus dedito, Germanis (hoc est à Francis) Hispanias obtinentibus Tarraconem expugnatam esse. Apud Aurelium Victorem dicitur Gallienus rem Romanam quasi naufragio dedisse, adeo vt Alamannorum Iushungi Italiam; Francorum gentes, direptâ Galliâ, Hispaniam possiderent, Tarraconem opidum vastarent, ac pane diruerent: nactaque in tempore nauigia pars eorum vsque in Africam transiret. Quibus verbis indicat Victor Francos terrestri iti-*

neretotam quàm longa est, Galliam populabundos peragruisse, transscensóque Pyrenæo Tarraconem cepisse: tum aliis ad excidium Hispaniæ conuersis, alios in vacuas naues opportunè oblatas insiluisse, & in Africam transmisisse. Quæ Victoris sententia quantam cum Nazarij opinione, tantam cum veritate dissimilitudinem habet: quis enim credat Francos non modò nullo hoste prohibente Renum transire; sed etiam omnem Galliam incurfione vastare, Pyrenæos montes transgredi, per Hispaniam effundi, & onustos præda retrò quæ venerant domum redire potuisse? Eutropius ait Galliæ Reip. habenas per summam ignauiam & molliem remittente; *Alamannos depopulatis Galliis in Italiam erupisse: Germanos (id est Francos) usque in Hispanias penetrasse, & civitatem nobilem Tarraconem expugnauisse.* Orosius Hispanus de eâ re in libro VII sic refert. *Capto Valeriano, Germani (ita Iuthungos appellat) Alpibus, Ratiâ, Italiâque penetratâ, Rhenannam usque perueniunt. Alamanni Galliâ peruagati etiam in Italiam transiunt. Germani vltiores abrasâ potiuntur Hispaniâ. Exstant adhuc per diuersas provincias in magnarum urbium ruinis parua, & pauperes ades, signa miseriarum, & nominum indicia seruantes: ex quibus nos quoque in Hispania Tarraconem nostram ad consolationem miserie recentis ostendimus.* Idem eodem in libro deffens luctuosam cladem, quam Alani, Vandali, & Sueui Honorij principatu ætate sua Hispaniæ intulere, antequam eius provincias factâ inter se pace fortirentur: *Hoc nuper, inquit, per biennium illud, quo hostilis gladius seuiit, sustinere à Barbaris Hispania: quod etiam sub Imperatore Galliæ per annos propemodum XII Germanis eueritentibus exceperunt.* Francos Orosius Germanos vltiores appellat, non quod vltra Renum habitabant, eoque flum. à Germanis provincialibus diuidebantur, nam id & Alamannis conueniebat, sed quod vltioris inferiorisve Germaniæ, à citiore Mæno flumine diuisæ, vltimam partem ripæ Rheni & oræ Oceani proximam tenebant: aperteque indicat Tarraconem post excidium nihil præter nomen retinuisse, & intra CXL annos florentissimam quondam ac



validissimam urbem minimè resurgere potuisse: quamvis Magnus Aufonius in libro de Claris Urbibus, & Aurelius Prudentius, natione Hispanus, ac Orosij æqualis ~~æli~~ ~~et~~ ~~quidam~~ prodant sua eam ætate arce, & inauratis tectis insignem fuisse. Alamannorum, quos & tum Orosius Gallias peruagatos ait, Rex erat Chrocus, cui capto apud Arelatum iussu Mariani Præsidis collum præcisum esse Gregorius & Sigibertus scribunt. Hic est Chrocus, qui cunctas ædes antiquas in Gallia, præ ceteris in urbe Aruernis delubrum vetus è marmore, Vasso à Gallis dictum incendit ac diruit, atque Priuatim Gabalitanæ ecclesiæ Episcopum idola colere recusantem fuste percussit.

Dum Franci igni ferroque Hispaniam vastant: M. Cæsarius Postumus Gallus, interfecto Salonino Cæsare, Galliarum Imperium occupauit, & (sicut ait Trebellius Pollio) *Celtica, & Francica*, hoc est Germanorum, & Francorum magna accersuit auxilia: quibus instructus cum Gallieno, Præfectisque Gallieni diu bellum variâ fortunâ gessit: donec tandem, oppresso insidiis Postumo, Lollianus Principatum obtinuit, Victorino ipse cessurus. Sunt qui asserant Lolliani partibus afflictis Postumum à militibus suis occisum esse, quod Mogontiacum illis ad diripiendum tradere noluerat. ~~At Gallienus, quasi omnibus~~ Anno  
ccxiii.  
post Chri-  
stum na-  
rum. hostibus superatis, mimicum Romæ triumphum egit Albino II. & Dextro Coss. ostenditque populo Romano ductos in catenis iuuenum globos ducenûm capitum singulos, quorum alium Persarum captiuorum, alium Gothorum, hunc Sarmatarum, illum Francorum esse credi volebat: & decimum imperij annum magnificis ludis celebrauit. Idem postea, siue eos hoc bello ceperat, siue mercede accersiuerat, nonnullos ex Francis delectos corporis custodibus immiscuit. Certè Bonitum, quem Francum natione fuisse nomen indicio est, Stipatorem Gallieni Principis Claudius adhuc priuatus in epistola ad Regillianum Ducem appellat. Ceterùm apud Trebellium Pollionem, & Aurelium Victorem dicitur Postumus non modò Germanas gentes, Francos in primis, armis ex Gallia expulisse; eiûsque prouincijs pacem ac securitatem reddidisse: sed etiam castella trans Renum in

agro barbarorum posuisse, & communiuisse; quæ post cædem Postumi primo impetu Germanorum direpta, ac incensa Lollianus restituit. Deufonem quidem, quod erat in Francia castellum contra Coloniam Agrippinam, præsidio occupauisse Postumum, & Maculam, opidum Batauorum ab Francis captum, quod hodiè-que Ancusam appellant, recepisse indicant Postumiani nummi, HERCVLI DEV SONIENSI, & HERCVLI MACVSANO inscripti: quorum nota est ex altera parte Postumus nudus, clauam tenens, ex altera templum. Idémque Postumus, ob pulsos Galliâ Germanos, in quibusdam nummis Reno flumine signatis, RESTITVTOR GALLIÆ, in aliis GERMANICVS MAXIMVS vocatur.

ccix-  
xiv:

Interemto ab suis Gallieno, & Marco Aurelio Claudio Aug. natione Dardano qui ex Duce factus erat Imperator, intra biennium mortuo, L. Domitius Aurelianus Sirmienfis, Dux fortissimus rerum potitus est, & altero Consulatu ex Oriente, & Occidente triumphauit, captâ Zenobiâ Reginâ, Tetrico in deditionem accepto, qui ex Senatore, & Præside prouinciæ Aquitanix, beneficio Victoriæ Victorini matris factus erat Imperator: & (quemadmodum Flavius Vopiscus scribit) inter ceteros religatis post tergum manibus Francos, atque Germanos ante currum duxit, quos Tetrico bellum inferens, fortè per Galliam effusos, ac populabundos oppresserat: quare & ipse Germanicus Maximus est appellatus: & Aurelius Victor memoriæ tradit, ab Aureliano, *Germanis Galliâ pulsus, Tetrici legiones casas esse.*

Eiusdem Principis auspiciis videtur Marcus Aurelius Probus flumen Renum transiisse, & Francos in suis finibus inopinantes fudisse. Nam cum Imperium à militibus Probo delatum Senatus decreto confirmaret, eum Francicum vocauit; quodd (vt apud Flauium Vopiscum Syracusanum Manlius Tatianus loquitur) *testes Probi virtutis essent Franci in suis strati paludibus: testes Germani, & Alamanni longè à Reni summati litoribus.*

Florebat tum Pompeianus Dux, qui quodd forsitan Francus natione erat, cognominatus est Francus, quem

in Eusebij Chronico inuenio in magna apud Immam Aureliani aduersus Zenobiam pugna ad XXX lapidem ab Antiochia fortiter fecisse. Eius posteros sua ætate Antiochiæ adhuc mansisse tradit Hieronymus, in his Euagrium Presbyterum amicum suum, virum diuitem, nobilem, ac doctum, quem principatu Theodosij Magni pars Antiochenisium Catholicorum Flauianum auerlata Paulini mortui in locum Episcopum suffecit, & quem Basilus in Epistola VII Presbyterum Euagrium filium Pompeiani Antiochiensis appellat.

Aureliano III, & Marcellino Coss. post Aureliani mor- CCLXXV.  
tem fuit per sex menses sine Imperatore Respublica : militibus ad Senatum inuicem Senatoribus ad milites electionem Principis reiicientibus. Hoc interregnum rei bene gerendæ opportunitatem rati Germani magnis coactis copiis limites aperuere, & vrbes Galliarum LX opulentissimas velut perpetuæ possessionis causâ occupauere : nec M. Claudius Tacitus ex Consule, & Principe Senatus Augustus salutat, propter Imperij vix semestris breuitatem potuit vexatæ prouinciæ opitulari : cuius successor Probus Sirmienfis, Magister antè militiæ, ~~Germanorum~~ millibus quadringentis (si ipsi de se credimus) caesis, opida & prædam omnem recepit : reliquosque trans Renum secutus partim vltra Nicrum flumen, partim vltra Albim remouit : nouem Regibus obsides, frumentum, pecus, ac sexdecim millia tironum imperauit : & his conditionibus pace cum Germaniæ gentibus facta, in supradicta ripa castella è regione extremarum urbium Galliarum posuit : ac collocatis ibi præfidiis agri quantum satis erat assignauit : quem *limitem transfrenanum* Valerianus Aug. apud Pollionem, & Velius Cornificius Gordianus Consul apud Vopiscum appellant. Quare Aurelius Victor prodit à Probo *Barbarorum gentes attritas esse, quæ Principibus Romanis* (hoc est Aureliano, & Tacito) *suorum scelere interfectis irruerant.* Et Eusebius in Chronico, Eutropius libro IX ac Orosius libro VII scribunt Gallias, quas Barbari occupauerant, Probi felicitate restitutas, & multis ac grauib. proeliis deletis tandem hostibus esse liberatas. Bar-

baros hosce Zosimus in libro primo Lugiones, Lygióſve, Francos, Burgundiones, & Vandalos vocat, áitque Probum, vt vrbes Germaniæ ciſrenanæ vexatas à Barbaris accolis Reni vindicaret, in Galliam contendisse: ac primùm cum Lugionibus, quorum Ducem nomine Semnonem, Ducisque filium ceperit; deinde cum Francis, quos per præfectos vicerit, postremò cum Burgundionibus, & Vandalis pugnauiſſe: ac demum rebus repetitis, & redditis bellum compositum eſſe. Ex ea victoria cognomen Francici maximi, & Germanici maximi retulit Imperator Cæſar M. Aurelius Valerius Probus, vt inſcriptio ab Onuſſio Panuino libro 1 Fastorum inserta confirmat, & Germanos captiuos in triumpho duxit, eosque, ac supradictos tirones per varias Imperij Romani prouincias sparsit, plerisque in limitibus constitutis.

Euentus docuit mutatione cæli animum non mutari. Pauci enim ex Francis, qui in Ponto fuerant collocati, posteaquam detineri Probum bellis ciuilibus audierunt, cum naturali patriæ desiderio, tum otij impatientia, & odio Romanorum ducti, deprehensis nauibus Bosporum Thracium, Propontidem, ac Hellespontum, deinde Ægæum, & Ionium mare sunt emensi. In transcursu oras Asiæ minoris, Thraciæ, Macedoniæ, & Græciæ crebris excursionibus vexauere. Visum est exinde Siciliam petere insulam assuetudine pacis imbellem, & opulentem: quam vt tenuerunt, agris vastatis, vicis incensis, ipsum prouinciæ caput Syracusas cum magna strage expugnauerunt, prædæque in naues impositâ, Africæ litora legerunt: hanc dum latrocinandi dulcedine illecti sæpius infestant, nihil propius est factum, quàm vt missis Carthagine copiis opprimerentur. Pulsi itaque celeriter naues conscenderunt, & Numidiam, ac Mauritaniam præteruecti, superato freto Gaditano, Oceanum intraverunt. Tandem longo Hispaniæ Galliarumque circuitu salui & incolumes in Franciam ad suos postliminio redierunt.

Expeditionis huius Francorum, & susceptæ audacter, & feliciter fortiterque confectæ, mentionem facit Eumenius in oratione, quam habuit de rebus gestis Fl.

Va-

Valerij Constantij Nobilissimi Cæſaris. *Recurſabat* (inquit) *in animos illa ſub Diuo Probo paucorum ex Francis captiuorum & incredibilis audacia, & indigna felicitas: qui, à Ponto uſque correptis nauibus, Græciam, Aſiâque populati, & impune plerisque Libya litoribus appulſi, ipſas poſtremo, naualibus quondam victoriis nobiles, ceperant Syracuſas: & immenſo itinere peruecti Oceanum, quâ terras irrumptit intrauerant, atque ita euentu temeritatis oftenderant nihil eſſe clauſum Piratica deſperationi, quò nauigiis pateret acceſſus.* Zofimus in libro 1 ab Eumenio diſſentit, ſcribitque Francis aliquot, qui à Probo petierant, vt ipſis agrum daret; ſedes attributas eſſe: nec multo poſt partem eorum ab Imperatore deſciuiſſe: contractisque nauibus omnem Græciam tumultu perturbauifſe: inde in Siciliam traieciſſe, & clâſſe de improuiſo ad Syracuſas applicatâ portum intrauiſſe, ac magnam in vrbe cædem feciſſe: mox Libyam petiiſſe, & à Carthagineniſibus in naues compulſam, nullo incommodo accepto domum rediſſe. Libyam Eumenius, & Zofimus; vtî antè Virgilius, vocant prouinciâ Proconſularem, in qua magna Carthago eſt, quæ apud omnes ferè Geographos, & Hiſtoricos propriè Africa dicitur. aded vt nobiliſſimum Carthaginienſium portum Nazarius, Seuerus Sulpicius in libro de Virtutibus Ægyptiorum Monachorum, atque Gregorius libro x Hiſtoriæ Africæ portum appellant. Ceterùm in deſcriptione nauigationis Zofiſum potiùs, & oram ipſam maritimam; quàm Eumenium ſum ſecutus: propterea quòd inter Pontum & Græciam Aſia interiacet: & ex Aſia in Africam tendentibus pluriſima cùm continentis, tùm inſularum opida, & litora prænauganda ſunt.

Quo tempore ſupradicti Franci reſertis prædâ nauibus patriam petebant: Proculus, à Francis deducens genus, Galliæ Imperium, & quæ prouinciæ eius erant, Hiſpanias; ac Britanniam obtinuit. quem Probus fugatum in vltimam Galliam, cupientemque Francorum auxiliis adiungi, à quibus originem ſe trahere dicebat, ipſis prodentibus Francis (vt ſcribit Vopifcus) apud Coloniâ Agrippinam vicit, & interfecit. Idem auctor eſt,

cùm Romanæ naues lusoriæ appellatæ, in quibus milites ad arcendos transitu Germanos excubare solebant, ab eisdem Germanis in flumine Reno essent incensæ: Bonosum Præfectum classis, ne pœnas negligentiae daret, Imperium arripuisse, moxque armis Probi, adiuti copiis Francorum, quos Barbaros, & Germanos vocat, circa Coloniam Vbiorum oppressum esse. Tum Probum redditâ Prouinciis pace, in Pannonia, & sicut Aurelius Victor tradit, in Mœsia quoque, & Gallia militum manibus vineas instituisse: & emissâ palude agrum Sirmiensem siccare cœpisse, illos indignantes vinitorum se ac fossorum loco haberi; in Probum impetum fecisse, fugientemque interemisse: ac Marcum Aurelium Carum Narbonensem Præfectum Prætorij Augustum salutauisse. quam Probi cædem suam esse occasionem rati Germani, qui circa ripam Reni colebant, hoc est Franci, atque Alamanni, in Galliam incurrerunt: eiusque finibus ab Carino Cari filio sunt expulsi. quare Aurelius Victor scribit, missum à Caro ad muniendam Galliam maiorem filium, quam cognitâ Probi morte Barbari opportunè inuaserant. & Olympius Nemesianus in libro Cynegeticôn, quem post Marci Aurelij Cari obitum, Carini, & Numeriani fratrum principatu edidit, alterum Germanorum & Sarmatarum victorem; alterum domitorem & Persarum laudat his versibus.

*Mox vestros meliore, lyrâ memorare triumphos.*

*Aggrediar, Diui fortissima pignora Cari.*

*Atque canam nostrum geminus sub finibus orbis*

*Litus, & edomitæ fraterno numine gentes.*

*Quæ Rennus, Tigrimque bibunt, Tanaisque remotum*

*Principium, Nilique vident ab origine fontem.*

*Nec tacetam primum, quæ nuper bella sub Arcto*

*Felici Carine manu consecera, ipso.*

*Pæne prior genitore Deo.*

Diocletiano II & Aristobulo Coss. Carinus post patris, fratrisque mortem interemptus est, & Diocletianus Damata ab exercitu Augustus consalutatus, Maximianum amicū suū Cæsarem, ac mox Imperatorem appellandum curauit, qui Maximo & Aquilino Coss. Rusticos,

Bacaudas Gallis dictos, Æliano, & Amando ducibus bellum cientes, & iam vastatis agris opida oppugnantes feliciter oppressit. nec multo post Burgundiones, Alamannos, Chabiones, & Erulos, in Galliam effusos partim fame, partim ferro confecit: atque ædificandæ apud Bononiam classi, & vindicando à Francorum, & Saxonum latrociniiis mari Belgico, & Armorico Carausium præposuit, quem Eumenius in Batauiâ; Aurelius Victor in Menapia Galliæ Belgicæ regione ei finitima, natum ait. Is vir obscuræ originis, sed spectatæ virtutis, oblatam sibi facultatem putauit rei familiaris potius quàm publicæ agendæ, augendæque. & cùm permultos piratas domum redeuntes exciperet in freto Britannico; neque aut prædam omnem silco inferret; aut prouinciabilibus, quæ cuiusque fuerant, restitueret: suspectus fuit societatem latrocinij cum Barbaris coiuisse. quare à Maximiano iussus occidi, corrupto exercitu Britanniam occupauit: vti Aurelius Victor, Eutropius, ac Orosius scribunt.

At Maximianus, indignatus tantâ Francos confidentiâ in Galliam incursiones fecisse; Renum transiit, eorundemque agros inuicem est depopulatus, quam expeditionem hinc apud ipsum verbis extollit Claudius Mæmærtinus. *Tu, Imperator inuicte, feras illas indomitâsq; gentes vastatione, præliis, cadibus, ferro, ignique doministi. Audieras hoc, Imperator? an ipse per te diuinâ tuâ mente prosperexeras, ita demum hostes funditus posse subuersti, si in propriis sedibus vincerentur, nec prædam modo, quam cepissent, amitterent; sed ipsi coniuges, ac liberos, & parentes suos, & carissima omnium capta mererent.* Eam ob causam Auctor orationis habitæ in nuptiis Fl. Constantini ait, *Maximianum eius socerum (quod iam falsò traditum de antiquis Imperatoribus putabatur) Romana trans Renum signa primum Barbaris gentibus intulisse. Quasi non Probus idem paucis antè annis fecisset.* Maximianum in Franciastatiua habentem Atech seu Adech Rex Francorum, magna multitudine comitatus, pacis petendæ & sui purgandi causâ conuenit: ac rebus ex sententia confectis domum reuertit. Genobaudes autem, quem for-

tasse amantem otij, bellumque dissuadentem Franci expulerant; tum ab eodem Maximiano in regnum est restitutus. *Per te* (inquit Mamertinus) *regnum recepit Genobundes: Atech vero munus accepit. quid enim aliud ille expetuit, in conspectum tuum cum omni sua gente veniendo, nisi ut tunc demum integra auctoritate regnaret, cum te Maximiane placasset? Ostendit ille te idem idem, ut audio, popularibus suis: & intueri diu iussit: & obsequia discere: cum tibi ipse seruiret.* Idem in Genethliaco Maximiani Aug. dicit cum tropæa Germanica in media Barbaria constituisse: & Francos armorum terrore coegisse, ut ad petendam pacem cum Rege venirent. Ob hanc, quam Mamertinus vocat *transfrenanam victoriam*, & fufis Francis confectum bellum Piraticum: Diocletianus Docleates & Maximianus Pannonius Francici, & Germanici sunt appellati. (quippe titulos suos, sæpe leuibus proeliis quasiatos, alter cum altero communicabant) Certè apud Onufrium vocantur IMPP. CÆSARES. C. AVRELIVS. VALERIVS. DIOCLETIANVS. IOVIVS. ET MARCVS. AVRELIVS. VALERIVS. MAXIMIANVS. HERCVLIVS. IIV. IMPERATORES. PII. FELICES. AVGVSTI. PERSICI. FRANCICI. ALEMANNICI. GOTHICI. GERMANICI.

ccxci. Non multo post expeditionem Germanicam Maximiani, Tiberiano & Dione Coss. Cōstantius ortus opido Dardaniæ Naifo, Flauij Eutropij filius, Crispi Claudij Aug. fratris ex Claudia filia nepos, cū Maximiano Cæsar creatus est: præuersusque ortus & aduentus sui nuntios in vltimam Galliam contendit: Gesoriacum portum Morinorum, quam & Bononiam vocabant, oppugnauit: & iactis molibus cū vt Carausianum præsidium exitu, sic Britannica auxilia aditu prohiberet, in fidem recepit. deinde terram Batauiam, quam permittente Carausio Chamaui, Frisij, aliæque Francorum gentes occupaue-  
rant, recuperauit: Francosque partim interfecit, partim expulit, partim captos vnà cum coniugibus & liberis in incultis agris Galliæ collocauit: vt quam ipsi fecerant, solitudinem habitarent, & Romana deinceps signa sequerentur ex Germanis prouinciales, ex hostibus com-



militiones. præterea hiberna alarum & cohortium, quæ à Francis fuerant euerfa, in ripa Reni restituit. Vnde Eumenius in laudatione Constantij Cæs. scribit Constantium terram Batauiam, quam Vacalis interfuit, & diuortiis aquarum Renus amplectitur, *sub ipso quondam alumno suo* (id est sub Carausio Batauo) à diuersis Francorum gentibus occupatam, ab omni hoste vindicauisse: nec contentum victoria, eas in Romanum solum transtulisse: neque aut situ locorum ad fraudes accommodato, aut paludum & siluarum perfugiis Barbaros defendi potuisse: quominus omnes in deditionem redigerentur, & cum coniugibus, liberis, ac rebus suis, magnisque examinationibus necessitudinum in loca deserta commigrarent, & in destinatas sibi solitudines traducerentur. tum ita orationem concludit: *Insultare mehercule communi Galliarum nomine libet, & (quod pace vestra loquar) ipsis triumphum assignare prouincius. arat ergo nunc mihi Chamauns, & Frisius: & ille vagus, ille pradator, exercitio squalidus operatur: & frequentat nundinas meas pecore venali: & cultor Barbarus laxat annonam. Quinetiam si ad delectum vocetur, accurrit, & obsequiis teritur, & tergo coercetur, & seruire se militia nomine gratulatur.* Idem in orat. de restituendis scholis Augustodun. ait Batauiam, quæ tum desineret esse Barbaria, non minus feritate Francorum velut haustam desedisse, quàm si eam circumfusa flumina, & mare alluens operuisset: ac sub dextra Constantij ipsam, atque Britanniam squalidum caput siluis, & fluctibus tandem exerere. De eadem Constantij expeditione ita loquitur Auctor Epithalamij Constantini Aug. & Faustæ. *Multa ille Francorum millia, qui Batauiam, aliasque cis Renum terras innaferant, interfecit, depulit, cepit, abduxit.* Et Iulianus scribit auos Constantij Maximianum, & Constantium Barbaros agtis, quos iam dudum occupauerant, expulisse, iisque munita castella opposuisse.

Post receptam à Constantio Batauiam, Carausius Britanniam nihilominus tenebat: & magna coacta classe, atque ad prædam euocatis non mediocribus copiis Francorum, mare infestum habebat: dux acer, & peritus;

felix quoque, si ut contra vim hostium, ita contra domesticorum insidias munitus esse potuisset. Hunc enim septimo anno postquam in insula regnare coeperat, Allectus Praefectus occidit, principatûque occupauit. Tum primûm Constantio Caesari spes accessit Britanniae potiundae. itaque Renripam tunc Maximiano Augusto, ne Franci, aut Alamanni in Galliam irrumperent; Asclepiodorum Praefectum Praetorii, cum parte classis praemisit, reliquis copiis ipse subsequiturus. Et Asclepiodorus quidem ostio fluminis Sequanae in Oceanum inuectus, nebula prospectum adimente, classem hostium ad Vectim insulam stantem feliciter euasit, & in terram milites exposuit. At Allectus in portu Rutupino ad fretum firmo nauium praesidio relicto, cum aliis, tum maxime Francis mercede conductis fretus, Asclepiodoro occurrit: commissoque proelio, anno imperij tertio, victus est, & occisus. Complures Franci ex proelio superfuere, ac Londinium Cantiorum se contulere. fugissentque direpta vrbe copiosissima: nisi Constantiani aliquor, qui à commilironibus fortè deerrauerant, aduerso Tamesi flumine eodem delati incautos, & per vicos domosque discurrentes oppressissent. Confecto iam bello transit in Britanniam Constantius: & compositis rebus, quod agri Ambianorum, Bellouacorum, Tricassium, & Lingonum vacabat, à Francis captiuis coli habitarique iussit: sicut antea Francos dediticios in Treuironum finibus Maximianus collocauerat. Hic est Constantius, quem quod in Occidentis partibus Caesar erat Maximiani Herculij Aug. bis ab Eumenio in oratione pro restaurandis scholis *Cesarem Herculum* appellari notasse me, & Ioanni Tristano viro doctissimo indicasse memini.

Ceterum legimus plerosque Allecti milites, ut quamplurimos secum Germanos habere crederentur, Francorum auxilium vestitu habituque vsos, caesariem etiam promississe, ac sapone vnxisse. Certè Eumenius scribit neminem ferè Romanum in acie caesum esse: solisque Barbaros, aut more Barbariae cultos, & prolixo crine rutilos; tum verò puluere, & cruore foedatos totis campis & collibus iacuisse: & inter eos ipsum vexilla-

rium latrocinij. deinde ista subiicit. *Enimuero, Caesar inuicte, tanto Deorum immortalium tibi est addicta consensu victoria omnium quidem, quos adortus fueris, hostium; sed precipue internecio Francorum: ut illi quoque milites vestri, qui per errorem nebulosi maris abiuncti, ad opidum Londinense peruenierant: quidquid ex mercenaria illa multisudine Barbarorum praelio supersuerat, cum direpta ciuitate fugam capessere cogitarent, passim tota urbe confecerunt: & non solum provincialibus vestris cade hostium dederint salutem, sed etiam spectaculo voluptatem. O victoria multi iuga, & innumerabilium triumphorum, qua Britannia restituta: qua gentes Francorum penitus excisa: denique ad perpetuam quietem maria purgata sunt. Pulsis Batavia, ac Britannia Francis merito Flavius Valerius Constantius Chlorus, (ut apud Onufrium Panviniū in libro II Fastorum legimus) Germanicus, & Francicus est appellatus. Quare Iulianus in laudatione Constantij scribit, quos eius Maximianum Herculum, ac Constantium Galliam ab hostibus vindicauisse, & finitimos Barbaros rapinis, & incursionibus prohibuisse.*

Eumenius in oratione habita de rebus gestis Constantini Aug. auctor est Constantium recepta Britannia, interiores Francia nationes non iam ab his locis, qua olim Romanis eripuerant; sed a propriis, & origine suis sedibus, atque ab ultimis Barbaria litoribus auellisse: ut in desertis Gallia regionibus collocata, & pacem Romani Imperij cultu iuuarent, & arma delectu in Lingonicis campis, & circa Vindonissam Alamannos procellis fudisse: atque immanem ex diuersis Germanorum populis multitudinem in insula quadam Reni classe circumfedis, ac in dedicationem accepisse.

Diocletianus IX, & Maximianus VIII Coss. Imperium ac purpuram sponte deposuerunt Kal. April. & Fl. Constantium, ac Galerium Maximianum nati in Dacia mediterranea, quos Tiberiano & Dione Coss. Caesares creauerant, vocato ad concionem exercitu Augustos appellauerunt.

Constantio VI, & Maximiano VI Coss. in Britanniam profectus est Constantius Augustus, ut partem in-

sulæ sibi subiectam à Pictis, libera Britanniz gente, vindicaret. quâ occasione vsi Alcaricus, & Regaisus Reges Francorum in Galliam cum magna manu irrupere. Nec multo pòst mortuo Constantio, Flavius Valerius Constantinus Naistanus, maximus natu è filiis eius, à militibus Gallicanis & Britannicis Imp. appellatus, ex Britannia in Galliam transiit: Francosque inopinantes, vagos, prædâ graues, improuiso aduentu oppressit: Reges ipsos cepit: ambosque, quòd pacem fortè cum patre suo factam rupissent, per finitimas vrbes circumductos Gallis ostentauit: ac Augustæ Treuironum, quæ tum regia eius erat, edito ob victoriam magnificentissimo munere, in media amphitheatri arena laniandos bestiis obiecit: priusquam à Maximiano Herculio matrimonio filiz eius Faustæ, & Augusti nomine honoraretur. Francicos quoque ludos instituit, & quotannis per septem dies, nimirum exante diem Idus Iulias vsque ad XIII Kalendas Aug. cum aliis ludicris certaminibus, tum maximè Circensibus supradictam victoriam celebrauit. Sic enim in Fastis principatu Constantini digestis legimus.

*Pridie Idus Ludi Francici Equorum Italicorum Proborum.*

		<i>Idus</i>	
XVII.	<i>Kalendas Aug.</i>	<i>Ludi</i>	<i>Francici.</i>
XVI.		<i>Ludi</i>	
XV.		<i>Ludi</i>	
XIV.		<i>Ludi</i>	
XIII.		<i>Francici.</i>	

Eumenius Augustodunensis Rhetor de ea clade à Constantino Francis illata sic scribit, vt inuidiam crudelitatis non amoliat. *Imperatoris igitur filius, & tanti Imperatoris, & ipse tam feliciter adeptus Imperium, quomodo Rempublicam vindicare cæpisti? ignobilem credo aliquam Barbarorum manum, qua repentino impetu, & improuiso latrocinio ortus tui auspicia tentasset; affecisti panam temeritatis? Reges ipsos Francia, qui per absentiam patris tui pacem violauerant, non dubitasti vltimis punire crucia-*

ciatibus: nihil veritus gentis illius odia perpetua, & inexpiabiles iras. cur enim ullam reputet inesse severitati offensam Imperator, qui quod fecit tueri potest? Te verò, Constantine, quantumlibet oderint hostes, dum perhorrescant. Cautior licet sit, qui deuinctos habet perueniam perduelles: fortior tamen est, qui calcit iratos. Renouasti, Imperator, veterem illam Romani Imperij fiduciam, quæ de captis hostium Ducibus vindictam morte sumebat. Inde est igitur pax ista, qua fruimur: neque enim Reni iam gurgitibus, sed nominis tui terrore munimur. Sciunt posse se Franci transire Renum: (quos ad perniciem suam libenter admisit) sed nec victoriam possunt sperare, nec veniam. quid ipsos maneat, ex Regum suorum cruciatibus metiuntur. ideoque tantum abest, ut amnis illius transitum moliantur: magis ut comperta potestate desperent. Vbi nunc est illa ferocia? ubi semper infida mobilitas? Iam ne procul quidem Renum audetis accollere: & vix securi flumina interiora potatis. contra hinc per intervalla disposita magis ornant limitem castella, quam prosequunt. arat illam terribilem aliquando ripam inermis agricola, & toto nostri greges flumine bicorni merfantur. Hac est tua, Constantine, de Ascarici, Regisique supplicio quotidiana atque aterna victoria, omnibus quondam secundis præliis anteponenda. compendium enim est deuincendorum hostium Duces sustulisse. De eodem Constantini facto Nazarius loquitur his verbis. Tu, Imperator optime, inito principatu, adhuc aui immaturus, sed iam maturus imperio ostendisti cursum ætatis non expectandum in festinatione virtutis. Tu ferocissimis Regibus Ascarico, & comite suo captis, tantâ laude res bellicas auspicasus es: ut eam auita magnitudinis obsidem teneremus. Vt Herculem ferunt tenerum adhuc atque lactentem duos angues manus elisisse. sic tu, Imp. in ipsis imperij tui incunabulis, quasi geminos dracones necares, per sauisimorum Regum supplicia preludebas. Sic etiam Auctor Epithalamij Constantini & Faustæ scribit eum ab ipsis Francorum Regibus auspicasum esse: simulque & præterita illorum scelera (hoc est incurisiones) punisse: & totius gentis lubricam fidem timore vinxisse. Eutropius denique in libro X Historiæ Romanæ ait Constantinum, cum Maximiani so-

ceri insidiis est petitus; in Gallis & militum & promincialium ingenti fauore florentem regnauisse, casis Francis, atque Alamannis, captisque eorum Regibus: quos, cum magnificum spectaculum muneris parasset, bestiis obiecerit. De Alamannis autem nulla fit à ceteris scriptoribus mentio. contra in libro de vita & moribus Imperatorum, quæ Aurelij Victoris epitome vulgò inscribitur; & in libro XI Historiæ miscellæ inuenimus Crocum Alamannorum Regem, Britannicæ expeditionis comitem Constantio se adiunxisse: cuiusque maximè operâ Constantinum patrio Imperio successisse. sed nimirum quemadmodum Francorum; sic & Alamannorum mulri pagi, ac Reges fuere: vt alij Galliam depopulari; alij Romanos auxiliis iuuare vno tempore potuerint.

Non contentus Ascaricum, & Regaisum Reges indignâ morte affecisse Constantinus, Renum traiectis copiis, in Bructerorum fines; qui pagus Francorû flumen attingebat, impetum fecit: vt prædones prædationibus vlcisceretur. & oppressis inopinantibus; multis occisis, captis; pecore abacto, vel iugulato; vicis, quotquot adiri potuerunt, incensis; se in Galliam recepit: puberesque omnes captiuos feris obiecit. ac imitatus Iulium Cæsarem apud Coloniam Agrippinensem pontem in Reno facere constituit, opus cum propter fluminis magnitudinem, altitudinẽque arduum: tum ad traducendum exercitum accommodum. quo ponte incepto (perfici enim Constantinus vetuit difficultate aut metu deterritus: vel certè effectum Franci resciderunt) suis rebus timentes Franci pacem petierunt, obsidẽque Constantino obtulerunt. *Vt omnibus modis* (inquit Eumenius) *Barbarorum immanitas frangeretur: nec sola hostes Regum suorum supplicia mererent, immisã Bructeris vastatione fecisti, Imperator inuicte. in quo optima consilij tui fuit ratio, quo exercitum repente traiecto, inopiantes adortus es: non quod aperte Marti diffideres: vt qui palam congredi maluisses. sed vt illa natio, per fugiũ siluarum & paludium bellum solita frustrari, fuge tempus amitteret. Casi igitur innumerales: capti plurimi: quidquid fuit pecoris, captum; aut trucidatum est: vici omnes igne consumti: Puberes, qui in manus*

venerunt; quorum nec perfidia erat apta militia, nec ferocia seruituti, arena spectaculo dati sauentes bestias multitudine suâ fatigârunt. Insuper etiam in Agrippinensi ponte faciundo reliquiis afflictæ gentis insultas: vt ne vñquam metus ponat, semper horreat, semper supplices manus tendat: cum tamen hoc tu magis ad gloriam Imperij tui, & ornatum limitis facias; quàm ad facultatem quoties velis in hosticum transeundi. quippe cum totus armatis nauibus Renuis instructus sit, & ripis omnibus vsque ad Oceanum dispositus miles immineat. Hoc opus & difficile factu, & vsu futurum est sempiternum. Certè quidem iam tibi in exordio sui hostium mouit obsequia, qui pacem supplices petierunt, & nobilissimòs obsides obtulerunt. ex quo nemo dubitat, quid perfecto ponte facturi sint, qui iam seruiunt inchoato. Non multo post vindicaturi se à Flauio Constantino Bructeri, & Chamaui, Francorum gentes; (vt apud Nazarium legimus) cum Cheruscis, Vargionibus, Alamannis, & Tubantibus in ita belli societate in Galliam transiere. ad quos Constantinus ipse, priuatum habitum indutus, ac duobus tantum equitibus comitatus quamproximè poterat accessit, negauitque adesse Imperatorem: ita suâ credulitate ad fiduciam elatos Germanos proelio fudit, ac concidit. quare Praxagoras Atheniensis apud Phorium ait Constantinum initio principatus, priusquam Maxentio bellum inferret; Germanos, & Francos gentes finitimas ac barbaras pæne funditus euertisse.

Anno II post Consulatum decimum, & septimum, cccx. vel Maxentio III solo Consule Maximianus senior cognomine Herculus, pater Maxentij Aug. & Constantini Principis focer periit, cum bis depositam purpuram tertium resumisset. quod quomodo factum sit quoniam nemo diligenter scripsit operæpretium est exponere. Sic igitur partim ex veteribus Historicis, partim ex tribus Panegyricis, quorum vnus Eumenij; duo ignoti auctoris sunt, rem gestam esse colligo. Diocletianus IX Consulatu suo, & Maximianus VIII postquam Romæ ex Persis magnificum triumphum egerant, & ante puluinar Iouis Capitolini Imperium se deposituros alter alteri iurauerant: prior Nicomediæ; posterior Mediolani vno

die purpuram priuato habitu mutauere: Maximianus eiurauit his verbis: Recipe Iupiter quod commodasti. eadēque hora Constantius, & Galerius Maximianus cognomine Iunior, qui Cæsares erant, Augusti sunt salutati: Seuerusque & Maximinus Cæsares creati. Et Constantius quidem Galliæ, Hispaniæ, ac Britanniæ prouinciis quibus Cæsar præfuerat contentus, Italiam & Africam remisit Galerio collegæ. qui Maximinum Orienti, Ægypto, Asiæ ac Ponticæ dioecesi; Seuerum Italiæ atque Africæ præposuit: ipse Illyricum, in quo dum Cæsar erat morabatur, retinuit. Anno 11 post Constantius cum Maximiano VI Consul Eboraci in Britannia insula decessit. ibidēque Constantinus eius filius, cum ad Diocletianum, Herculium & Galerium de summa Rep. quid fieri placeret retulisset, ab exercitu moræ impatiente delatam purpuram sumere coactus est: & Cæsaris tantum appellatione suscepta; Imperatoris recusatâ Gallias, Hispanias ac Britanniam obtinuit. factum militum iudicio seniorum Principum, hoc est trium supradictorum comprobatum est. Eodem anno Maxentius Maximiani Herculij filius Romæ à Prætorianis iniussu patris, & Galerij soceri consalutatus Augustus, Italiam & Africam paternum Imperium occupauit. qua re cognita Herculius Romam aduolat ex amoenissimo secessu Lucaniæ, verbo ut animos sedet, re ut Imperium quo non sponte cesserat recipiat: Diocletianumque in villa sua prope Salonas rusticantem ad resumendum Principatus fastigium frustra literis hortatur. Romam ut venit, rogatus à Senatu Populoque Rom. iterum insignia imperatoria ac Augusti nomen accepit. ac insequenti anno Kalendis Ianuariis cum Constantino nonum iniit Consulatum. qui annus in Fastis Consularibus Hydatij omisso primi Consulis nomine ita notatur *Nonies & Constantino*; in libro Fastorum quem Ioannes Cuspinianus edidit, *Diocletiano IX & Constantino* manifesto errore: cum Diocletianus ante triennium tum nimirum cum Imperium deposuit, nonum Consul & Maximianus Herculius octauum fuerit. Eo anno Imperator Maximianus Herculius Seuerum Cæsarem à Galerio Maximiano



Aug. aduersus Maxentium cum magno exercitu missum, pecunia sollicitatis ad prodicionem militibus non solum obsidionem vrbs Romæ soluere coegit: sed etiam desertum à suis comite filio persecutus obsedit Ra-uennæ: & perfidia ac simulatione colloquij deceptum vinxit: captiuque habitu in Vrbem perductum custodiri iussit, ac postea subaduentum in Italiam Galerij iugulan-dum curauit: Per idem tempus Maximianus Herculus Aug. Constantinum ex Cæsare Imperatorem fecit, at-que ei Faustam filiam in matrimonium, ac suum Her-culij nomen, quemadmodum Constantio Chloro dederat, dedit. Proximo anno Imperatores Maximianus Hercu-cccviii.lius decimum, & Galerius Maximianus septimum Con-sulatum inierunt. qui annus in Fastis Hydatianis notatur *Decies, & Maximiano septies, vel Maxentio & Romulo*: in Fastis à Cuspiniano vulgatis, *Diocletiano X & Maxi-miano VII*, simili eius de quo supra diximus errore. quo anno Galerius Maximianus adscito in consilium Dio-cletiano, Licinium veterem amicum bellique Persici commilitonem, Cæsarem creauit. eique tutelâ Illyrici delegatâ, cum maximis copiis ingressus Italiam Maxen-tium generum suum Romæ obsedit, & arte Maximiani Herculij ab Vrbe repulsus est. quippe cum suos spe præ-miorum sollicitari ad defectionem, & multos ad hostem transfugere videret: timens ne vt Seuero contigerat, de-fereretur ab omnibus, Italiâ excessit. Tum Maximianus Herculus Maxentium filium iam confirmato imperio validum, cuius marcori metuebat, in concione purpura exuere conatus, conuicia & seditionem Prætorianarum cohortium tulit: magnamque adiisset periculum, nisi ad tentandam eorum in filium suum fidem id se egisse ficto extempore mendacio militibus affirmauisset. Itaque vbi animaduertit Galerio regente Illyricum & Thracias; Maximino Ponticam diocesin, Asiam, Orientem, ac Ægyptum obtinente; Maxentio in Italia & Africa do-minante; Constantino trans Alpes imperante, nusquam sibi locum consistendi esse, nec se sine prouinciis & sine exercitu Imperatoriam dignitatem tueri diutius posse, iterum cedit Imperio, postquam annos circiter duos in-



cccx.

signia Principatus retinuerat. cūque se odio esse Maxentio & eius militibus sciret, à Galerio Maximiano petiit, sibi vt per filium ex Vrbe & Italia expulso in Illyrico reliquum vitæ agere priuato liceret. repudiatusque ab Galerio anno II post Consulatum suum decimum, & Galerij septimum, sub specie officij velut visendi Constantini generi sui gratiā in Galliam profisciscitur, à Maxentio se pulsum simulans: tamquam facilius esset generum spoliare quàm filium. Igitur in urbem Augustam Treuironum magno omnium fauore & obsequiorum occurſu exceptus, priuatum otium in Galliis & regias opes à Constantino consequitur. mōxque vt erat matura quidem senectute, sed crudā vir ambitione, & temeritate iuuenili: meditatās dudum insidias genero molitur. à quo digressus Augustæ Treuironum, lentē iter faciendo consumtis annonis mansionum, ne quis eum sequi posset exercitus: Arelati in Palatio repentē confedit purpuratus. & militibus aliquot sibi adiunctis bis depositum tertio vsurpauit Imperium, literisque & pollicitatione præmiorum, ac honorum oblationibus exercitus Constantini ad transitionem frustra sollicitauit. Qua re cognita Constantinus, qui tum in vrbe Treuiris commorabatur, cum omnibus copiis ad eum opprimendum contendit. & in Cabillonensi portu militibus in naues impositis, secundo Arare defluens Lugdunum; inde Rhodano Arelatum peruenit. qua vrbe iam relicta Maximianus Massiliam Græcorum se contulerat. vbi obsessus confestim oppressusque, & captus, cū ad filium in Italiam perfugere pararet: ab irato Constantini milite fractis laqueo ceruicibus sexagesimo ætatis anno perit: ac foeda morte meritas perfidiæ & intempestiue ambitionis ac sæuitiæ poenas dedit. satellites verius quàm milites, qui eum Imperatorem appellauerāt, ad vnum omnes interfecti sunt. Eutropius ac Orosius scribunt Maximianum venisse in Galliam, vt oblata occasione Constantinum interimere: sed proditum à Fausta filia, quæ patris sui insidias & scelestā consilia viro aperuerat, profugisse Massiliam, ibique oppressum esse.

Constantino II, & Licinio II Coss. Fl. Constantinus

Maximus, qui postea ob imagines suas statuâsque in cccxi.  
 vrbe Emona deiectas, Licinio bellum intulit: indigna-  
 tus statuas suas Romæ, iussu Maxentij affinis, euerfas  
 esse: iniuriam vlcisci constituit. atque vt ait Aurelius Vi-  
 ctor, *compositâ pace per Gallias*, ac forsitan quoque cum  
 Francis factâ: (quid enim pacati esse Gallis aliter poterat?)  
 in Italiam profectus est: victorque & occiso M. Aurelio  
 Maxentio Italiam, ac Africam occupauit. tum reuersus  
 eò vnde venerat, tertio Consulatu suo in Germaniam cccxiii.  
 inferiorem contendit. quod Francorum magnæ copię  
 ad ripam Reni consedisse, & datæ fidei immemores eru-  
 ptionem minari dicebantur. simulâsque timere se ma-  
 gis ab Alamannis superiori Germaniæ, celeriter in eam  
 partem versùs castra mouit, ac suo discessu Francos ci-  
 tra flumen eliciuit: qui cùm in occultas insidias incidis-  
 sent, à Romanis circumuenti sunt, & oppressi. Inter-  
 ea Flavius Constantinus milites Renum transportauit:  
 agros vastauit: vicos incendit: magno hominum nu-  
 mero capto, nec paucioribus deimproviso cæsis Fran-  
 ciam terroris impleuit. Reportato demum exercitu,  
 victoriam ludis celebrauit, & captiuos crudelem in mo-  
 dum feris obiecit. Hic Constantini arrogantiam mirari  
 libet, quod cùm Maximianum socerum suum paullo an-  
 tè ob purpuram tertium sumtam occidisset, eiusdém-  
 que statuas subuertere iussisset in Galliis: parem sibi à Ma-  
 xentio eius filio factam iniuriam ad eò iniquo tulit ani-  
 mo, vt armis vindicandam putârit.

Eodem tempore in Francia, è regione Coloniz Agrip-  
 pinæ, Castrum Diuitensium iubente ac præsentè Con-  
 stantino à Diuitensibus (quod legionis nomen erat) post  
 victos Francos ædificatum esse arbitrantur Philippus  
 Melanthon, Nicolaus Vignierius, Philippus Cluerius, &  
 Isaac Pontanus, fictam abs Ruperto quodam Abbate  
 inscriptionem secuti. quam cùm omnium auctorum de  
 ea re silentium; tum maximè Postumiani nummi, &  
 Hieronymus, ac Senator refellunt. ex quibus discimus  
 nullum vsquam castrum Diuitensium; sed Deufonem in  
 Francia castellum contra Coloniam Vbiorem ante Con-  
 stantini principatum antea amplius fuisse, quinetiam

*Nouesium* siue Nouesium, (castrum cisrenanum Agrippinæ proximum) quod Claudius Ptolemæus in magna Germania collocat: id mihi mutandum potius, & *Δουσιον*, hoc est Duëfio, vel Deufio suo loco reddendus, quàm tantus Geographus arguendus videtur. Denique Porphyrij quos subiecturus sum, versus nihil trans Renum Constantini fuisse declarant.

Supradictam Constantini aduersus Francos expeditionem ab obliuione vindicauit auctor quidam Gallus in oratione, quâ victum Maxentium, & receptam Italiam Constantino gratulatur. *Non fessus præliis, & expletus victoriis (ut natura fert) otio te & quieti dedisti: sed eodem impetu, quo redieras in Gallias tuas, perrexisti ad inferiorem Germania limitem: magnâ scilicet intercapedine temporis, ac breui locorum distantia! post annuam expeditionem statim bella auspicatus. Rupe-ras fidem gens leuis, & lubrica Barbarorum: & robore, atque audaciâ lectis eruptionis auctoribus instiisse Renonumciabantur. Illico obuius adfuiſti: & præsentia tuâ, ne auderent transitum, deterruisti. Et iam videbaris rem votis tuis fecisse contrariam: quod inhibita eruptione non foret materia victoria. sed inopinato consilio usus es. abeundo enim, simulato nuntio maioris in superiore limite tumultus; occasionem stolidis ac ferinis mentibus obtulisti in nostram veniendi: relictis in occulto ducibus, qui securos adorirentur. quò cum venissent, consilium tuum sequitur fortuna. toto Reni alueo oppleto nauibus deuectus, terras eorum ac domos mastas lugentisq;e populatus es: tantâmq;e cladem vastitatemq;e periuræ genti intulisti, ut vix post illud nomen habitura sit. Quid hoc triumpho pulchrius, quo cadibus hostium uteris etiam ad nostrum omnium voluptatem: & pompam munerum de reliquiis Barbarica cladis exaggeras: ac tantam captiuorum multitudinem bestiis obiciis, ut ingrati & perfidi non minus doloris ex ludibrio sui, quàm ex ipsa morte patiantur? Inde est, quòd cum exitum differre liceat, perire festinant: seseq;e letalibus vulneribus & moribus offerunt. Ex quo ipso apparet, quàm magnum sit vicisse tam prodigos sui. Facile est vincere timidos, & imbelles, quales amena Græcia, & delicia Orientis educant,*  
vix

vix leue pallium, & sericos sinus vitando Soli tolerantes: & si quando in periculum venerint, libertatis immemores, ut seruire liceat orantes. Romanum verò militem, quem qualemcumque ordinat disciplina, & sacramenti religio confirmat: aut truce[m] Francum, ferinā solā carne distentum, qui vitam pro victus sui vilitate contemnat, quanta molis sit superare, vel capere? quod ita; Imperator, & nuper in Italia, & in ipso conspectu Barbaria paullo ante fecisti. Ex his iudicari potest quā falso simul & ridiculē affirmet Constantinus Porphyrogenetus Constantinum Maximum inter successores suos, & gentium exterarum Reges, præsertim Christianæ religionis expertes, affinitates contrahi vetuisse: vnīs Francis exceptis, qui & cognatione quadam, ac commercio cum Romanis iuncti essent: & splendore, nobilitate, ac potentia ceteris nationibus antecellerent: maximè quod Constantinus ipse ex his partibus, hoc est ex Britannia Franciæ proxima Princeps ortus esset. apud Eboracum enim patre mortuo delatam sibi à militibus purpuram sumserat.

Ita fractis Franciæ viribus, non immeritò Constantinus Maximus Augustus præter cetera cognomen Germanici, & Francici vindicauit. quippe in inscriptione, quam Onufrius profert, appellatur IMP. CÆSAR. D. CONSTANTI. FILIVS. FL. CONSTANTINVS. MAX. VICTOR. AC. TRIUMPHATOR. PIVS. FELIX. INVICTVS. AVG. GERMANICVS. SARMATICVS. FRANCICVS. GOTHICVS. VANDALICVS. Constantini de Francis victorias intelligi voluit Eusebius libro I de vita eius, eū ait Barbaros, accolae fluminis Reni & Occidentalis Oceani, intractabiles; præcipiti audacia tumultuantes: à Constantino initio principatus domitos esse ac mansuefactos. alios autem, quotquot ad humanitatem traduci non posse intelligebat, velut feras quasdam bestias à finibus Imperij Romani remotos, & incursionibus absterritos esse. Eadem victorias per ironiam extollit Iulianus in libro de Cæsaribus, in quo anteponit sese Alexandro Magno Flavius Constantinus Maximus: quod illi cum imbellibus & pauidis Asiaticis: sibi cum Romanis, cum Germanis gen-

tibus; hoc est cum Francis & Alamannis; cum Scytharum quoque populis res fuerit.

cccx. Multa deinde bella aduersus Francos paternâ fortunâ gessit Fl. Iul. Valer. Crispus Cæsar, quem Constantinus, ex Mineruina priore coniuge genitum, Galliz præfecerat: eosque & cis Renum, & in Francia proeliis superauit. ut legimus in oratione, quam habuit Nazarius anno XV imperij Constantini Aug. Crispi, & Constantini iunioris Cæsarum quinto, Constantino VI, & Constantino Cæsare Coss. *Franci ipsi præter ceteros truces sub armis tuis ita conciderunt, ut deleri funditus possent: nisi diuino instinctu, quò geris omnia, quos ipse afflueras, consciendos filio seruasses. Quamquam ad gloriam vestram secunda malis suis natio ita raptim adoleuit, robustèque recreata est, ut fortissimo Cæsari primitias ingentis victoria daret: cum memoriâ accepta cladis non infracta, sed asperata pugnaret. Qua tuum, Constantine Maxime, mite pectus mundauit gratulatio, cui tanto intervallo videre filium licuit, & videre victorem? Narrauit utique exhausta bellâ, & hoc ad tuam gratiam, non ad sui ostentationem: qualis in excipiendo hoste; quam resistenti uehementis, quam facillè supplicanti. Addit Nazarius iacere in latere Galliarum, aut in sinu suo susam Barbariam: Crispumque Cæsarem iam in obrependis hostibus grauem, terrorem patenti, quò semper Barbaria omnis intremuit; deriuare ad nomen suum cæpisse.*

cccxix. Constantinus Gallias tametsi filiis alij post alium commissas non raro uisit ac inspexit, & Consulatu suo ac Licinij Cæs. iterum Pacatiano & Hilariano Coss. Coloniâ Agrippinam petiit. (sicuti leges ibi ab eo supra dictis Coss. latæ docent) credo ut cum Francorum Regibus colloqueretur, quos ab Agrippinensibus Renus diuidebat.

ccc. xxv. Post receptum armis orbem Romanum, quem Diocletianus ante annos circiter XXXI V primus diuiserat: Constantino annum imperij XX Nicomediz ludis celebrante, Paullino & Iuliano Consulibus Fl. Iulius Crispus Francis bellum parabat inferre. sicut indicare videtur Publius Opatianus Porphyrius, cuius hi sunt uerbus.

ex poemate non laboriosè magis quàm ridiculè compo-  
posito ad Constantinum Aug. Vicennalia spectacula  
edentem.

-- Sed Crispi in fortia vires

*Non dubia ripâ Renum, Rhodanumque tueri*

*Vltiore parant, & Francis tristia iura.*

Idem ait *populos feroces*, hoc est Francos; & Alaman-  
nos, ductu Flauij Crispi Cæsaris & Gallorum copiis  
transitu Reni, ac rapinis prohiberi.

*Omnis ab Arctois plaga finibus; hœrîda Cauro,*

*Et tibi fida, suis semper bene militat armis:*

*Risque gerit virtute tuas: populosque feroces*

*Propellit.*

Reliqua piget subiicere. Miror autem, cur Porphy-  
rius vtramque Rhodani ripam neget tum Romanorum  
fuisse: cum Rhodanus profluat ex monte Adula, qui  
est inter Rætos, & Gallos: atque inde per Gallicas gen-  
tes in mare decurrat: constetque Gallos omnes, ac Ræ-  
tos sub imperio Constantini fuisse.

Et Crispum quidem adolescentem eximium, à Flauia  
Maximiana Faustâ nouerca de stupro frustra appellatum,  
deinde ~~falso~~ infamatum credulus ac crudelis pater se-  
ptimo Consulatu iussit interfici. Mirum ~~ve non sit~~ Con-  
stantinum, qui in eadem innocentis filij durauerit, in  
Francos captiuos tam inhumanè seuiisse. Crispo substi-  
tutus est Constantius Cæsar, sicut Iulianus scribit: qui  
cum Regibus Barbarorum, inter quos Constantinus ex  
industria bella seuerat; crebrò collocutus est: nec multo  
post ad custodiam Orientis traductus: & Flauio Clau-  
dio Constantino iuniori Cæsari Gallia commissa, qui  
anno post patris obitum tertio, Acindyno & Procuro  
Coss. temerè bellum ciens; dum spoliare fratrem cona-  
tur, victus apud Aquileiam, & obtruncatus suum ipse  
Imperium amisit.

Sic Flauius Iulius Constans, minimus natus à filiis Con-  
stantini, Constantij Aug. nepos, qui Italiam, Illyricum,  
& Africam obtinebat: ad eas prouincias Galliam, Hispan-  
iam, ac Britanniam adiunxit. Eodémque tempore  
Marcellino & Probino Coss. Franci magnâ manu Re-

num transferunt: & eum Constante Augusto variâ fortunâ congressi, depopulatâ Galliâ in ea hiemaerunt: ac  
 cccxlii. se Gallorum copiis aluerunt. quos Constans secundò Consulatu, anno ætatis XX quia ferro minimè poterat, auro repulit: non (vti Libanius per adulationem mentitus tradidit) alacritate suâ territos vt pacis condiciones reciperent subegit.

Hanc pacem omnibus victoriis anteferendam ait Libanius in oratione de rebus gestis Imperatorum Constantij, atque Constantis: miraturque Francos, quæ gens Martem spirans quotidianis incurfionibus Gallias vastare, & Imperatores fatigare, antea consueuisset: neque vllis vñquam verbis, aut viribus à populationibus deterri potuisset: Constantis aduentu ac fiducia commotos, prælio cum eo decertare ausos non esse. pacem bello, quietem suo contentam dulci aliena prædandi licentiæ prætulisse. accepisse etiam à Constanto Principes inspecturos & enuntiuros, si quid aduersus Imperium Romanum iniretur consilij. Eum in modum sine pugna ac sine cuiusquam vulnere domitos esse Francos, quibus absistere bello, seruitutis instar sit; à rapinis temperare, detrimenti. Addit Libanius ceteras Barbaras gentes maiores, ac minores, quæ modò singulæ per se, modò iunctis viribus vniuersæ finitimas prouincias continuis eruptionibus latrocinijque vexauerant: vbi Francos, cunctis antea terribiles, metu perturbatos pacem petiisse atque domum rediisse compererunt: consternatas similiter, velut detracto sibi capite, quieuisse. Quare apud Aurelium Victorem, & Zosimum, & in libro de vita & moribus Imperatorum dicitur Constans *exterarum gentium* (id est Francorum, & Pictorum Alamannorumque) *motus compressisse*, nihilque à Barbaris metuisse: & eximiâ formâ pueros redemptæ pacis obsides ab illis accepisse. Sophronius Eusebius Hieronymus in Historia temporum, quod Chronicon vocant, refert Constantem anno imperij 1111. *vario euentu aduersus Francos pugnauisse, à quo perdomiti fuerint* anno insequenti, & *pax cum eis facta*. Hermias quoque Sozomenus libro 111 Historiæ Ecclesiasticæ negat vllum



ex Italia, & Transalpinis partibus Episcopum Antiochenſi Concilio interfuiſſe: quoniam eo tempore Franci Galliam depopulabantur, & in Oriente terra mouebat. Et Socrates libro II ait Marcellino, & Probino Coſſ. <sup>cccxl.</sup> Rempubicam non mediocriter eſſe perturbatam: quod Franci in Galliam tranſierant, quos Conſtans iterum <sup>ccc. xlii.</sup> Conſul vicerit, & ex hoſtibus foederatos Romanorum fecerit. Socratis verborum malus interpres fuit Aurelius Caſſiodorus Senator, (tameſi eum & Auctoꝝ Histoꝝiæ Miſcellæ in libro XI, & Sigebertus in Chronico ſunt ſecuti) apud quem libro IV Histoꝝiæ Tripartitæ Conſtans dicitur *gentem Francorum circa Gallias poſitam, ac tum Romanis infeſtam oppreſſiſſe, & Romano Imperio ſubieciffe.* Eundem in Chronico ſefellit biennium. ſcribit enim Leontio, & Salluſtio Coſſ. (quem annum quin- <sup>ccc. xlii.</sup> tum poſt Conſtantini mortem fuiſſe putat, cùm fuerit ſeptimus) *Francis à Conſtante perdomitis pacem datam eſſe: qui quemadmodum victi, domiti, & oppreſſi ſint, Libanius Conſtantis æqualis ſuprà indicat.* Huius Francorum eruptionis, & Conſtantis aduerſus eos expeditionis mentionem habet in Faſtis etiam Hydatius Foro Limicorum ortus, Aquilauieniſis, non autem (vt Sigebertus dicit) Limiceniſis Epicoꝝ: traditque Marcellino, & Probino Coſſ. à Conſtante Aug. in Galliis contra gentem Francorum pugnatum: & Conſtantio III, ac Conſtante II Coſſ. *victos* ab eo *Francos eſſe, atque pacatos.* Denique ex Cedreno in Epitome Histoꝝiarum, & ex Nicephoro Calliſto in libro IX diſcimus Conſtantem cum Francis, qui Occidentalem Galliam incurſionibus maximè vexabant decertauiffe, ac rem bene geſſiſſe. Noſtram Galliam, Occidentalem Galatiam Græci vocabant, vt diſtinguerent à Gallogræcia, quam Galatiam Orientalem, & minorem dixerunt.

Poſt Conſtantis in Francos expeditionem anno octauo ineunte, Sergio, & Nigriniano Coſſ. Magnentius, <sup>ccccl.</sup> natione Francus, Protectoꝝ antea Conſtantini Maximi, tum autem Iouianorum & Herculianorum Tribunus, Auguſtoduni Æduorum XV Kal. Februar. inter cenam appellatus eſt Imperatoꝝ: vir fortiſſimus, & ob res præ-

clare gestas acceptissimus militi: confestimque ad Constantem insequendum & interficiendum emissarium factionis ac gentis suæ Gaisionem cum lectissimis copiis misit: quem huius cædis ergo in annum sibi Consulatus collegam assumpsit: Gallias, Italiam, & Africam occupavit: Flaviū Nepotianum, scenicum Principem, vnaque matrem eius Eutropiam, Constantini sororem, Romæ intra mensem oppressit: multos vtriusque ordinis, Nepotiani partium adiutores proscripsit & occidit: cum Verranione, qui sub idem tempus in Pannonia ab Illyrico exercitu factus erat Imperator, societatem iniuit: ac legatos de consortio imperij, & de affinitate frustra ad Constantium misit. deinde non inferiora domesticis copiis auxilia Francorum popularium suorum, Saxonumque accersivit: P. C. Sergij & Nigriniani Constantianos in Pannonia concidit: ad Murciam acie victus & castris exutus est amissis suorum millibus XXXVI, cæsis hostium XXX millibus. Decentio Cæsare, & Paulo Coss.

cccll. in Occidentis tractibus; in Oriente Constantio Aug. V, & Constantio Cæsare Coss. in Alpibus Iuliis ad mansionem Longaticum (quam *ἡ Τεῖξ* vetus castellum impositum Alpibus à Iuliano in oratione II de laudibus Constantij A. vocari animaduerto) iterum fusus fugatusque, hostes incautos apud Ticinum superavit: & in Gallia circa Montem Seleucum tertio prælio pulsus, Lugdunum sese contulit: obsessusque clauso Palatio matrem, & Desiderium Cæsarem fratrem iugulavit: similiter propinquos, & familiares, si qui alij aderant, hostilibus contumeliis eripuit. tandem XV III Kal. Sept. gladio seipse transfixit Constantio VI, & Constantio Gallo II. Coss. corpus eius à Constantianis laceratum, caput per Europæ, Africæ, Asiæque vrbes circumlatum est. denique Decentius Cæsar, quem Magnentius Aug. frater Cisalpinis regionibus præfecerat, III post die, XV Kal. Septemb. Agendici Senonum, collo in fasciam inferto, se suspendit, Gordianum seniore mimitatus. Constantius (vri in libro XV Codicis Theodosiani inuenimus) v Consulatu viui Magnentij acta rescidit: eiusdem filium infantem seruauit: & Magnentiacos, Decentia-

cccll. in Occidentis tractibus; in Oriente Constantio Aug. V, & Constantio Cæsare Coss. in Alpibus Iuliis ad mansionem Longaticum (quam *ἡ Τεῖξ* vetus castellum impositum Alpibus à Iuliano in oratione II de laudibus Constantij A. vocari animaduerto) iterum fusus fugatusque, hostes incautos apud Ticinum superavit: & in Gallia circa Montem Seleucum tertio prælio pulsus, Lugdunum sese contulit: obsessusque clauso Palatio matrem, & Desiderium Cæsarem fratrem iugulavit: similiter propinquos, & familiares, si qui alij aderant, hostilibus contumeliis eripuit. tandem XV III Kal. Sept. gladio seipse transfixit Constantio VI, & Constantio Gallo II. Coss. corpus eius à Constantianis laceratum, caput per Europæ, Africæ, Asiæque vrbes circumlatum est. denique Decentius Cæsar, quem Magnentius Aug. frater Cisalpinis regionibus præfecerat, III post die, XV Kal. Septemb. Agendici Senonum, collo in fasciam inferto, se suspendit, Gordianum seniore mimitatus. Constantius (vri in libro XV Codicis Theodosiani inuenimus) v Consulatu viui Magnentij acta rescidit: eiusdem filium infantem seruauit: & Magnentiacos, Decentia-

cósque numeros ita dictos, ne nouis rebus studerent, in Orientem transtulit: ac confecto bello anno XVI post patris mortem totius Romani Imperij potitus est. Scribit Zonaras Desiderium nullum à Magnentio letale vulnus accepisse, ei que breui curato, ac dediti se Constantium incolumitatem concessisse.

Hunc exitum fecit Magnentius anno ætatis circa L, <sup>cccliii.</sup> imperij IV: iustasque dedit pœnas Constanti interfecto, qui eum quondam ab ira militum obiectu purpuræ suæ defenderat. Fuit autem corpore magno, & robusto; legendi studiosus; latino sermone promptus; æcer; animi immodicus; in rebus secundis audax, & tumidus; in aduersis cū vana ostentatione fiducia timidus; nec sine magna simplicitatis simulatione versutus, & malignus: Religione Christianus: **P** nā Magnentianos, & Decentianos nūmismos notā **X** hoc est Christi signatos, & a ac Ω literis inscriptos videmus. De Magnentio quidem quæ à Iuliano, & Aurelio Victore ac Athanasio dicuntur, fuisse eum diris, atrisque moribus; stultum; crudelē; signauum; spectaculis, & voluptatibus ac magicis vanitatibus deditum; rei militaris, & artis imperatoris imperium; perfidum, impium; hostium coniuncta magis, quā Historicorum verba puranda sunt, præferunt cū Iulianus ipse vi veritatis victus in satyra de Cæsariibus Magnentium multas magnas ac gloriosas res gessisse fateatur. <sup>lib. x. c. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.</sup>

Ceterū ne quis mireretur, quod Magnentium Francum appellauerim: Iulianus in laudatione Imper. Constantij scribit Francos, & Saxones omnium populorum, qui trans Renum & super Occidentalem Oceanum incolunt, maximē bellicosos, sese cum Magnentio naturalis cognationis ergo coniunxisse. & Magnentianum bellum, civile appellari non oportere: excitatum enim esse à Barbaro, qui Imperium nefarie arripuisset. Constantiumque rectē fecisse, quod omnes difficultates perferre, atque omnia pericula adire, quā Barbarū Romanis imperantem; Tribunicia potestate leges ferentem; Republicam constituentem; Pontificemque Maximum pro salute Imperij vota facientem videre maluisset. Indi

gnatūque Magnentium, natione Barbarum; maiorum Constantis mancipium; prædæ Germanicæ infelices reliquias, domino suo manus attulisse: cūque Romanis imperare voluisse, qui nisi eorum beneficio liber esse non potuisset. Idem Iulianus in alia oratione de rebus gestis Constantij tradit Magnentium milites legionarios complures, nec minorem multitudinem equitum ex Gallia & Hispania, præterea cohortes & alas ex præsidiis vtriusque provinciae deductas secum habuisse: easque copias aduentu Germanorum esse duplicatas, qui Reno, & Oceano in Occidentem Solem spectanti proximi, communis patriæ causâ, ac spe prædæ ad Magnentium ultro confluerant. Romanos autem milites, quod à Magnentio homine Barbaro & externo spernebantur, ac Germanis postponebantur: contra Constantium non sponte arma tulisse. & in eadem oratione Magnentium asperum ac impudentem Barbarum ex eorum numero, qui non multo antè bello capti fuerant, appellat. Aurelius Victor, qui Constantij Aug. æqualis fuit, Magnentium *gentis Barbaræ* vocat. Et Auctor libri de vita & moribus Imperatorum eundem parentibus Barbaris, qui in Gallia domicilium habebant, genitum dicit. Zosimus quoque libro 11 scribit Magnentium genus quidem duxisse à Barbaris: sed domo emigravisse, & inter Lætos, quæ gens Gallica erat, sedem cepisse: atque à Constantino virtutis ergo ad excelsos militiæ gradus esse promotum: ita eum disciplinæ ac linguæ Romanæ notitiam habuisse: uxorem duxisse Iustinam Constantiani & Cerealis alterius post alterum Tribunorum stabuli sororem, ex qua postea Imperator Valentinianus filium sui nominis tulit. Ex his satis apparet Magnentium natione Francum fuisse: siue, ut Auctor Epitomes Victoris refert, apud Gallos natus sit parentibus, quos inter ceteros Francos Constantius Chlorus ceperat, & in Galliam traduxerat. siue ipse sponte (vbi Zosimus commemorat) relictâ Germaniâ vnâ cum patre & fratribus, Constantini principatu, ad Romanos se contulerit, & in ea terra locum domicilio delegerit. Lætos autem, vel (sicuti in libris Ammiani manuscriptis, & apud Zosimum

mum legimus) Leros gentem Gallicam fuisse vt Zosimus  
 suprâ, ita & Eumenius in oratione de rebus gestis Con-  
 stantij Cæsaris videtur indicare : in qua ait Lætum in  
 agrum Neruicum, vnde credo Barbarorum armis expul-  
 sus fuerat, iussu Maximiani Aug. *postliminio esse restitu-  
 tum.* Idem in libro, qui inscribitur Notitia dignitatum,  
 ac prouinciarum Imperij Romani, Læti Neruij appel-  
 lantur : & Lætiæ opido Neruiorum, cuius mentionem  
 facit Hugbaldus in libro de vita Rictrudis, nomen de-  
 dere. tamen in suprâdicta Notitia Lætus cùm Gallorum,  
 tum etiam Germanorum præfidiariorum per Galliam  
 dispositorum, scilicet Batauorum, Neruiorum, Lingo-  
 num, Gentilium Sueuorum, Francorum, Teutonicia-  
 norum cômune prænomen est. Ammianus quidem libro  
 XX adolescentes *Letos quosdam, cis Renum editam Bar-  
 barorum progeniem*; atque in libro XXI legionem quam-  
 dam Lætos vocat. Er Imperator Valentinianus maior  
 in libro VII Codicis Theodosiani negat quemquam  
 nisi datis prædibus Lætis præponi. Ibidem quoque Ho-  
 norius Augustus Lætos, Alamannos, & Sarmatas, nimi-  
 rum capriuis, aur dediticiis oriundos, delictui obno-  
 xios esse, & legionibus inseri solere declarat. Idem-  
 que libro XIII, Barbaris, qui ex multis ac variis genti-  
 bus ad ipsum confluxerant, *terras Laticas* diuidi iubet;  
 & pro suis cuique meritis statutum à se agri modum at-  
 tribui : à quibus terris Lætici Liticiani apud Iordanem,  
 nî fallor, cognominantur, & Aëtium in bello Hunnico  
 auxilio iuuisse dicuntur. Ceterùm non est quòd quis  
 existimet Magnentium Francum non fuisse, quòd no-  
 men Romanum ipse fratresque eius ac Magnus pater tu-  
 lerint. nam & Siluanus nomine latino appellatus est fi-  
 lius Boniti Franci : & Barbari qui spe honorum & opum  
 inducti ad Romanos Principes se contulerant, nihil an-  
 tiquius vtpurimum ducebant, quàm originis suæ mo-  
 numenta abolere, mirum vt non sit Magnum filiosque  
 eius Magnentium, Decentium, ac Desiderium, qui diu in  
 Gallia domicilium habuere, patria sua nomina Romanis  
 nominibus mutauisse.

Constantio VII & Constantio III Coss. Constantius cccxv.

E

Aug. Constantium Gallum fratrem patrualem, quem Cæsarem ante triennium creauerat, & Constantinæ sorori suæ matrimonio iunctum Oriënti præposuerat, ob eandem Domitiani Præf. Montij Quæst. aliorumque complurium euocatum purpurâ exui, & capite trûcari iussit.

ccclv.

Anno secundo post Magnentij Franci mortem, nouus iterum in Gallia ex eadem gente ortus est Imperator. *Tum in Palatio Francorum multitudo florebat*: vt ait Ammianus Marcellinus libro decimoquinto, indicioque sunt tot apud eum Germana nomina Protectorum, ac Tribunorum; & ille Candidatus Imperatoris Constantij, quem Hieronymus scribit petito à Principe comitatu, sumtisque ad Consularem Palæstinæ literis commendaticiis, cum magno comitatu iter vehiculis publicis fecisse: & honorificentissimè à Decurionibus Gazæ ad Hilarionem perductum, ac eiecto Dæmone sibi redditum fuisse. Horum Francorum auctoritate & dignitate facilè primus erat Siluanus, Boniti fortissimi viri, & in bello Liciniano optimè de Constantino meriti filius: qui Tribunus Armaturarum, paullo ante prælium Murfinum, cum lectissimo equitatu à Magnentio ad Constantium transierat. sicuti Iulianus in oratione I de rebus gestis Constantij, & Aurelius Victor, ac Ammianus Marcellinus libro xv memoriæ tradunt. Is (vt in artum contraham, quæ Ammianus libro xv verbosius

ccclv.

narrat) Arbetrione, & Lolliano Coss. Magister peditum factus est, & in Galliam missus, quam præsidiis nudam Germani, in primis Alamanni igne ferroque vastabant. Ibi dum hostes fortiter repellit: non autem, vt Iulianus oratione II ad Constantium scribit, exactâ à ciuitatibus pecuniâ ac Germanis datâ pacem amicitiamque redimit: machinatorè Lampadio Præfecto Prætorij, consciis Eusebio, ac Ædesio, apud Imperatorem à Dynamio accusatur maiestatis. frustra ciuem suum, amicùmque defendentibus, & calumniatores falsi conuincentibus Malarico Gentilium rectore; Mallobaude Tribuno Armaturarum, paullo antè inquisitore Gallo Cæsari dato: Bappone, ductore Promotorum; (quem xvii post anno, Modesto, & Arinthæo Coss. Præfectum vrbs

fuisse in libro VI Codicis Theodosiani inuenimus) Bainobaude tùm Scutariorum, deinde Cornutorum Tribuno; Teutomere Protectore Domestico, hoc est Principis Scipatore; Seniauco turmæ equestri præposito, ceterisque in aula eminentibus Francis. Quibus de rebus Flavius Siluanus in Agrippinensi Colonia certior factus, audiensque seruos & clientes suos torqueri, ac bona velut in fiscum inferenda describi; ne indictâ causâ capitis condemnaretur, nō mediocriter timebat. sollicitum, & aut in Franciam fugere, aut popularibus per Galliam effusis se credere cogitantem deterruit à proposito Laniogaisus Tribunus, natione Francus; quondam Candidatus Imperatoris Constantis, eiusque fugæ vnicus socius; affirmans fore, vt à Francis interficeretur, vel viuus Constantio caput ipsius licitanti traderetur. Itaque mutato consilio Siluanus exercitum, cui præerat, promissis maximis sollicitauit, & Augustus est appellatus. iamque confluentibus vndique ad eum promptissimo quoque & egentissimo; ad opprimendum in hibernis Constantium, per Alpes Cottias Mediolanum contendere parabat: cum ipsum spe ingentis pecuniæ clam corrupti per Vrsicinum milites die imperij octauo & vicesimo trucidauere. Mox quæstiones de Siluani amicis, & coniurationis participibus crudeles habitæ sunt. Proculus & Poemenius supplicio affecti. Asclepiodorus, Lutto, & Maudio Comites necati. & vt apud Iulianum in oratione II de rebus gestis Constantij legimus, Siluani paruus filius, quem is in Galliam proficiscens obsidem fidei apud Imperatorem reliquerat, incolūmis seruatus. Ammianus Marcellinus Siluanum fortissimum ducem, magnorūque meritorum appellat: Aurelius Victor *in Gallia natum Barbaris parentibus* dicit. Eundem Auctor libelli de vita & moribus Imperatorum *Barbaro* quidem *patre genitum*, sed Romanis artibus ac disciplinis institutum; naturâ autem blandum, & patientem ait fuisse. vt non dubitem, quin falsò & malignè Claudius Mamertinus in ea oratione, qua Iuliano Aug. pro Consulatu gratias agit, Siluanum tamquam imbellem; libidinosum; curarum, vigilæ, & laboris intolerantem; avarum,

crudelémque carpat, & *propter cacam imperandi cupiditatem* in ferrum ruisse affirmet.

CCCLV.

Eodem anno VIII dus Nouemb. Flavius Iulius Constantius Aug. Flauium Claudium Iulianum, fratrem patruelem, Iulij Constantij filium, Constantij Chlorig. nepotem, Galli Cæsaris fratrem, quatuor & viginti annos natum Mediolani Cæsarem creauit, & in Galliam ad repellendos Germanos misit: qui (sicuti Iulianus ipse in epistola ad Athenienses, & Libanius scribunt) quinque & quadraginta vrbibus captis, direptis, ac dirutis; multis præterea castellis; Gallicam ripam Reni omnem, agrósq; vsque ad trecentesium stadium à flumine tenebant: & adiacentem sibi regionem per nongenta stadia erant depopulati. Hos Germanos Zosimus libro III Francos, Alamannos, & Saxones fuisse dicit. Et Alamannos quidem Libanius in laudatione Iuliani, Hermias Sozomenus libro V Historiæ Ecclesiasticæ, & Socrates libro III à Constantio, cum Magnentio bellum gerente, per literas euocatos ac mercede conductos in Galliam erupisse tradunt: contra quos comparatas copias Magnentius in Constantianos duxit, Galliæ tutelâ Decentio fratri permiffa, quem Cnodomarius Rex Alamannorum, populatione Galliarum nobilis prælio superauit. Quamquam Iulianus oratione I de rebus gestis Constantij factum eius aut dissimulans, aut ignorans, affirmat Magnentium, abductis secum Galliæ viribus, prouinciam vacuum *Barbaris* reliquisse: quo nomine non Francos, aut Saxones; (quippe hi Magnentij socij erant) sed Alamannos à Iuliano & supradictis auctoribus designari apparet. Francos autem eodem tempore in Galliam incurrisse indicat Ammianus Marcellinus in libro X V, apud quem Constantius Aug. de Iuliano Cæsare faciendo exercitum alloquens, ait *Barbaros tyrannorum*, hoc est Francos Magnentij, atque Siluani popularium *Manibus Romano sanguine parentare*, ruptisque limitibus Gallias impunè peruagari. Franci certè, Barbari ab Marcellino appellari, statim post Siluani mortem Coloniam Agrippinam, clarissimam urbem inferioris Germaniæ obsedere, captamque deleuere. At



Saxonibus cum Iuliano rem fuisse nemo præter Zosimum scribit : quæ gens piraticâ famosa, Cimbricam Cheronesum & insulas Albis ostio obiectas colens ; oram Galliæ maritimam vimineis nauculis, corio bubulo circumfusus ; infestam habere magis quàm opida oppugnare, aut interiora regionis penetrare consueuerat.

Insequenti anno Viennæ cùm hiemauisset, & insignia CCCLVI.  
 Consularis summisset Iulianus Cæsar, Coloniam Agrippinensem ante menses circiter decem captam ; vt ipse in epistola ad Senatum populûmque Atheniensem ait ; recepit. Vnde Ammianus Marcellinus libro XVI tradit Iulianum *ingressum Agrippinam, ante eius in Gallias aduentum excisam, non prius inde mouisse ; quàm cum Francorum Regibus, furore mitescere perterritis, pacem Reipublica profuturam firmauisset, urbemque munitissimam rescisset.*

Constantio IX, & Iuliano Cæsare II Coss. apud Argentoratum commisso prælio cæsa sunt Alamannorum CCCLVII.  
 sena millia ; Chnodomarius Rex captus ; plurimi vi fluminis Reni ablati, atque submersi : ex parte Iuliani CCXL & VII desiderati ; in his Bainobaudes, de quo suprà mentionem feci, natione Francus, Tribunus Cornutorum. Cùm post eam victoriam Iulianus Cæsar vastatâ Alamanniâ, exercitum in hiberna deduceret ; audiissetque Francos aliquot per occasionem, prædarum agendarum causâ, in Galliam irrupisse : & inter Renum ac Mosam loca nuda præsidiis, vicisque Iuliacensium, ac Tancietensium depopulari : ad eos opprimendos contendit. Erant autem Franci (sicuti Marcellinus libro XV II scribit) haud ampliùs quàm sexcenti : quos, credo quoddam & patrio more leuiter armati, & insicâ quadam velocitate præditi erant ; velites appellat. Hi Cæsaris aduentû exterriti duo munimenta dudum deserta, ad ripas Mosæ posita occupauere : circumfessique per II fere menses Decembrem atque Ianuarium, nimirum dies IV & L oppugnationem sustinuerunt. Interea Cæsar veritus ne quia flumen congelauerat, silentio profugerent ; milites luforiis, hoc est leuibus nauigiis inuectos, noctu glaciem frangere iubebat. Ita Franci fame & inoplà pressi, & assiduis laboribus vigilisque confecti se dedi-

derunt, atque ad Constantium sunt missi. quos ille confestim solutos, & armatos copiis suis immiscuit, miratus speciem ac magnitudinem corporum: nam singuli multorum instar esse videbantur. Addit Marcellinus Francos magnâ manu ad eximendos obsidione ciues venisse: cûmque eos iam captos ad Constantium perducere cognouissent; nihil præterea ausos domum reuertisse. At Libanius in laudatione Iuliani ait hos multis suorû amissis repulso esse, nec sexcentos, sed mille admodum castello vacuo ab incolis se inclusisse, atque ab Iuliano captos esse. Hoc est, quod in epistola ad Athenienses Iulianus ipse scribit duobus præliis, & vnâ expugnatione Barbaros mille, ætate florentes, in suam potestatem venisse.

ccc.  
lix.

Eusebio, & Hypatio Coss. Claudius Iulianus Cæsar, sexcentarum nauium classe fabricatâ, deductâque in Renum, Germanis bellum intulit: partem Saliorum in fidem accepit: Chamauos expulit: magno puerorum, mulierum, pecorisque numero potitus est: tantum denique Chamauis terrorem iniecit, ut & obsides dederint: & quæ præcipua expeditionis causa erat, frumentum ex Britannia insula (quod ipsis inuitis supportari potuisse negat Eunapius) in castella ac hiberna militum ad Renum posita tutò deinde & facillè sit subuectum. sicuti fieri consueuisse Libanius in laudatione Iuliani, Ammianus Marcellinus libro XVIII, & Zosimus libro III tradunt. Equidem Iuliano in epistola ad Athenienses ita loquenti de se magis quàm Marcellino, tum in Oriente sub Vrsicino militanti, credi arbitror oportere: qui nec vllius classis comparatæ mentionem facit; nec in Reno, hoc est, ut Zosimus docet, in insula Batavorum; sed in continente Gallia aduersus Salios, & Chamauos bellum à Iuliano gestum esse dicit. Sic enim libro XVII refert: cûm Franci, qui Salij appellantur, Toxandriam locum, vel opidum Toxandrorum ante aliquot annos occupauissent: Datiano, & Cereale Coss. Iulianum ad eos opprimendos omnibus copiis contendisse. properanti, & iam Atuacam Tungrorum ingresso legatos à Saliis de pace occurrisse, ac postulasse, ut sibi, nisi lacefferentur, quieturis suis in finibus confidere eius

ccc.  
lviii.

voluntate liceret. quos Iulianus Cæsar cum mandatis donisque remiserit pollicitus, dum re deliberata reuerterentur, se ibidem expectaturum: ac nihilo segnius post discessum legatorum motis castris; & Seuero Magistro equitum ad ripam Reni versus, quæ effugium patebat, proficisci iussu, celeriter exercitum in Salios duxerit, cunctosque deimproviso diuersis è partibus aggreffus, percullos ac supplices cum coniugibus & liberis in deditiorem acceperit. è Chamauis deinde, qui similiter cis Renum agros armis quæsitos tenebant: multos occisos; captos; reliquos in fugam coniectos esse; ac pace per legatos impetratâ incolumes domum rediisse. Tum tria munimenta, siue castella, quæ illi imposita flumini Moxæ funditus euerterant, iussu Iuliani à militibus esse restituta. libro autem XVIII Marcellinus scribit anno insequenti Eusebio, & Hypatio Coss. Iulianum CCCLIX. horrea in eorum locum, quæ Germani circa ripam Reni incenderant, plurima exstruxisse, in eaque frumentum, quod alendis militibus satis erat, condidisse. Eiusce aduersus Salios expeditionis quis fuerit euentus Libanius in laudatione funebri Iuliani docet, in qua dicit Iulianum Cæsarem, more fulguris circa flumen Renum repente visum, tantum omnibus Saliis terrorem iniecis-  
 se; vt traduci eò quò vellet suppliciter orarent, sub eius imperio & ditione futuri. agros itaq; petentibus Cæsarem dedisse, ac postea Barbarorû aduersus Barbaros operâ in bello vsum esse. Quæ ita gesta esse Iulianus ipse supra scribit: nisi quodd non nomen omne Saliorum, vt ait Libanius, sed partem tantum gētis, quæ in Galliam irruperat, deditiorem fecisse veriùs dicit. Salios autem in Galliæ finibus à Iuliano collocatos esse docet libellus, principatu Honorij & Theodosij minoris editus, qui Notitia dignitatum & prouinciarum Imperij Romani inscribitur: in quo legimus Salios Seniores, eo cognomine à Saliis Iunioribus distinctos; quodd primi inter Romanos recepti sunt, intra Gallias sub viro illustri Magistro equitum Gallicanorum militauisse. Zosimus non modò Salios, sed etiâ Quados in deditiorem redactos esse lib. III affirmat, ac memoriæ tradit Quadis, parti Saxonum, cum eru-

ptionem in Galliam facere pararent, finitimos Francos, captis armis, iter per suos fines dare noluisse: ne Cæsar iustam belli ipsis iterum inferendi causam haberet. (Nam vt supra docuimus, Iulianus in primo Consulatu cum Regibus Francorū, Deufonem Coloniz Agrippinensi ab ipso captæ oppositum, pagosque vicinos, per quos Saxones nonnumquam in Galliam contendebant, tenentibus, pacem inierat.) Quados itaque tumultuariis nauiculis Franciam circumuectos accessisse ad insulam Barauorum amnicarum maximam: quam occupauerant Saliij, Francica gens, à Saxonibus agris expulsi: & fusis fugatisque Saliis, ibi sedem capessuisse. tum superueniente cum exercitu Iuliano Cæfare, Salios iam à Quadis exagitatos vnà cum Rege suo vterò eius se fidei ditionique permisisse: Chamauos Cariettonis Franci præclarâ operâ furis potius quàm præliis oppressos esse: & ex vtriusque gentis dediticiis legiones, quæ eius ætate nomen retinerent, à Iuliano factas. Quibus verbis Zosimus docet Salios, hoc est partem Saliorum; sub aduentum Iuliani in Gallias, à Saxonibus è finibus suis pulsos, in insula Barauorum confedisse: ibique Iulianum Cæsarem cum Saliis, & Quadis bellum gessisse. Quamquam nonnulli docti viri, cum animaduernerent Quados à Valeria regione Pannoniæ flumine Danubio diuisos; ab Oceano, & Saxonia longissimè abesse: & apud Iulianum, ac Marcellianum Saliorum, & Chamauorum velut vnâ eadēque expeditione subactorum mentionem fieri: Zosimum errare, & Chamauos in Quadorum locum substitui oportere existimauerunt. in quos quæ de Quadis Zosimus dicit, nihilo magis conueniunt. Neque enim Chamauos partem Saxonum appellare licuit, cum & ab Eumenio in laudatione Constantij Cæsaris, & à Sulpicio Alexandro libro IV Historiæ inter Francorum gentes numerentur. Neque eosdem aut per fines Francorum pedestri itinere in Galliam contendere: aut vt insulam Barauorum inter ora fluminis Reni positam peterent; Franciæ litora classe præteruehi oportuit: si verum est, quod Cornelius Tacitus, Tabula Theodosiana, Sulpicius Alexander, & Eunapius Sardianus docent, Chamauos

uos circa inferiorem ripam Reni coluisse: vnde in Galliam, à qua tantum flumine Reno dirimebantur, ipsis transire facillimum fuit. Præterea auctores huiusce sententiæ, dum Zosimi errorem vitare volunt, in alium nec opinantes incidunt: Chamausque, & Salios, utroque Francorum populos, sine causa hostes ex conterraneis ac consanguineis faciunt. Erunt forsitan, qui credent, quidquid Zosimus de Quadis suprà dixit, Caucis maioribus convenire: quos Claudius Ptolemæus scribit oram Septemtrionalis Oceani ab amne Visurge vsque ad flumen Albim tenuisse; Saxonibus super ceruicem peninsulæ Cimbricæ habitantibus confines: ita ut Cauci à conterminis Saxonibus postea domiti, parseorum vocari potuerint. Cui opinioni libenter accederem, si apud auctores, qui de eo bello scripsere, & in Notitia dignitatum Imperij Romani vti Saliorum, ac Chamauorum, sic Cauconum mentio fieret: & Claudianus Caucon Francorum nationibus non annumeraret.

Ceterum animaduerto Chamauos (vt ex his, quæ Eunapius & Petrus tradunt, colligi potest) multis suorum occisis; multis captis; in his Regis ipsius filio; ex insula Batauorum à Iuliano expulsos, in finitimam partem Germaniæ; hoc est in suas sedes reuertere, quibus Cæsar in hosticium transgressus, ac cum Rege gentis collocutus pacem acceptis obsidibus dederit. Sic autem Eunapius scribit Iulianum Cæsarem, cum in Germaniam transiret, & Chamaui, vt ipsis ignosceret, supplices peteret: Nebiogastem Regem in colloquium venire iussisse. quem vt in ripa fluminis Reni cum suis stantem conspexit; adhibito interprete se, si obsides sibi darent, cum his pacem facturum dixisse. affirmantibus Chamaui totidem eum fidei obsides, quot captiuos habere: Iulianum respondisse hos se bello cepisse: obsides verò à volentibus tradi oportere. deligerent itaque ex Optimatum numero, quos huic rei maximè idoneos existimarent. aliter pacem suspectam & infidam fore. Rogantibus Barbaris; diceret apertè, quos vellet obsidum nomine accipere: Cæsarem, vt Regis vnicum filium, quem ipse captiuum in sua potestate habebat, ad se adducerent, exegisse. Tum verò

Nebiogastem, ac Chamauos magno gemitu eiulatūque flentes, & ad pedes Cæsaris prouolutos orâsse, ne imperaret, quod facere non possent: neque enim mortuos ad vitam reuocare sibi licere. tandem silentio facto Regem ita locutum esse. Vtinam Cæsar, viueret filius, tibi vt obses traderetur, hac seruitute quàm regni mei possessione fortunatior futurus. At ille, dum fortiùs quàm cautiùs more iuuenum dimicat: à militibus tuis quis esset ignorantibus est interfectus: quem tu, tamquam adhuc uiuat; pacis obsidem poscis: ego autem occisum nunc primùm impatienter lugere incipio: propterea quòd intelligo co amisso spem pacis mihi simul esse sublatam. Hunc si in acie cecidisse credideris, consolabor me ipse, quantum in meo grauissimo casu potero: sin minùs, & pater, & Rex inuidiosè miser habendus sum. quoniam nunc domesticam calamitatem cum Republica communicare cogor, & idèò Regni potiri videor, vt mihi priuatim non liceat esse infelici. Hac oratione motum Iulianum\* ne lacrymis quidem temperauisse auctor est Eunapius: & postquam satis Barbaros deluserat, filium Nebiogastis Regis Chamauorum; cui capto omnis honos, cultusque regius seruabatur, repentè produxisse: & cum patre colloqui iussisse. tùm Barbaros perinde à mærore in admirationem versos, quasi non Regis filium adolescentem, sed eius imaginem ab inferis excitatam viderent, stupentibus similes stetisse, ac totis artibus diriguisset. Deinde Iulianum Cæsarem, postquam Chamauis mens rediit; & captiuus finem loquendi fecit; talem orationem habuisse. Hunc vos iuuenem in prælio perisse existimabatis, sed Deus fortasse, aut Romanorum clementia seruauit: quem ego non à vobis ex pacto traditum, sed bello ac vi captum, obsidis loco habere constitui. Et ipsi quidem, dum apud me erit, nihil ex pristina fortuna defuturum polliceor. vos verò, si fidem datam fregeritis, nec conuentis steteritis, vestrorum omnium iacturam facietis. neque id propterea dico, quòd in obsidem quidquam grauius sum consulturus. crudelis enim, & inhumani animi est pœnas alieni criminis ab infonte expetere, & ferarum rabiem imita-

ri, quæ venatores canēsque insequentes dum fugiunt, in obuium quemque sæuire solent: sed quodd gloriari licet neminem adhuc mecum sine sua pernicie pugnauisse: nedum credatis vobis, si foedus ruperitis, Deo aduerso melius successurum. His per interpretem auditis, Chamaui suppliciter magis pacem petentes, quam (vt ait Eunapius) Iulianum Cæsarem, tamquam præsentem Deum venerabundi procubuerunt: eidemque bona ac læta omnia sunt precati: qui pace cum eis æquis legibus inicitâ, Nebiogastis matrem, sicuti poposcerat, obsidem accepit.

Constantio X, & Iuliano III Coss. milites Gallicani, cccix, quorum optimam & maximam partem Imperator Constantius ad custodiam Mesopotamiæ traducere volebat: transmarinam militiam detrectantes defecere: & Iulianum Cæsarem Luteciæ Parisiorum, vbi tum hiemabat, inuitum per vim Augustum appellauere. qui eodem anno (vt Marcellinus in libro XX scribit) cum Attuarij, Franciæ gens quietis impatientissima; finitimorum claudibus nequaquam deterriti oram Galliæ exteriori prædationibus licentiùs infestarent: in inferiorem Germaniam contendit: & apud opidum Tricesimam exercitu Renum transportato, eorum regionem proximam flumini improuiso intrauit: ac Attuarios inopinantes, atque etiam securos, quodd se locorum aditu difficilium præsidio munitos existimabant; neque ob id vllum antea Principum Romanorum in suos pagos exercitum introduxisse meminerant; facillè oppressit: multisque capteis, & occisis reliquos omnes, vt pacem peterent, & leges à se dictas acciperent subegit: non aliter Gallos, qui circa ripam Reni, & oram Oceani incolebant, à Francorum latrociniis tutos se præstare posse arbitratus. Ex his, quæ suprà diximus, apparet Claudium Iulianum, cum de bello Constantio inferendo apud milites orationem haberet, haud immeritò gloriatum populandi diuturnam licentiam, & continentes irruptiones Alamannorum atque Francorum suo ductu ac ipsorum virtute repressas esse: ab eo enim (sicut Eutropius & Orosius loquitur) magnâ Alamannorum multitudine,

ne fusa; & *summis ultra Renum Germanis*, (hoc est Francis) fines sui Imperio Romano sunt restituti.

Anno insequenti Tauro & Florentio Coss. mortuo Constantio Aug. Iulianus Orbis Romani potitus est.

ccc-  
LXIII.

Iuliano IV Consule ad bellum Persicum profecto, atque occiso: v. Kal. Iulias Iouianus Varroniani Comitiss filius, natione Pannonius Imperator est salutatus: eodemque anno Malaricus Francus, qui sub Constantio Augusto Tribunus Gentilium fuerat: cum negotia, quæ habebat in Italia, per se ipse procuraret: delato sibi per codicillos à Fl. Iouiano Principe Magisterio militum Galliarum vti noluit. Circa idem ferè tempus Mellobaudes Tribunus, & Siluani quondam amicus, ac ciuis (quemadmodum Marcellinus in libro XX v scribit) vnà cum Neuitta, & Victore apud Saporem Regem Persarum pacis obses fuit: dum Fl. Iouianus Aug. magis militum fami quàm famæ suæ consulens, regiones quasdam & opida atque castella ad ripas Tigris posita hostibus tradidit. quamquam hunc in aliquot Marcellini libris manuscriptis non Mellobaudem; sed Bellouedium appellari animaduertit. Non multo post Seniaucum quoque Tribunum, cum Lucilliano Iouiani focero, milites Gallicani seditione orta interemerunt.

ccc-  
LXIV.

In libro quintodecimo Codicis Theodosiani inuenio insequenti anno, quo Iouianus, & Varronianus Consules fuerunt, exercitui, qui in Dacia Ripensi erat, Tauro eodem Ducem præfuisse. cuius ego Ducis nomen nec linguæ Græcæ, nec Latinæ notum emendari, & in Teutomerem mutari oportere arbitror: eoque nomine Teutomerem designari: quem & natione Francum, & Constantij Augusti Stipatorem fuisse scripsi.

Eodem anno mortuo Iouiano Flavius Valerius Valentinianus Cibalensis Gratiani Comitiss filius ex Tribuno ab exercitu factus est Imperator.

ccc-  
LXV.

Valentiniano & Valente Augg. Coss. Valentinianus Coloniam Agrippinam petiit, non ob aliud, credo, quàm vt cum Francorum Regibus fœdera antiqua ex more iniret: vt docet lex Codicis Theodos. libri XI titulo XI inserta, & data pridie Kalendas Octobres Agrippinæ



Valentiniano & Valente Augg. Coss.

Eodem anno superioris, inferiorisque Germaniæ legionibus præerat Charietto homo Francus; cuius super mentio facta est: & cuius de rata magnitudine, de eximiiis viribus, de præclaris factis, & de inuicta terribiliq; audacia Ammianus Marcellinus libro **XVII** Eutropius apud Suidam, ac Zosimus libro **III** referunt. Hic, vt Marcellinus in libro **XXVII** tradit, supradictis Coss. cum Alamannis pugnavit, qui post Kalendas Ianuarias Renum transferant, & apertis limitibus Galliam incursionibus vastabant: dùmque fugam suorum oburgationibus, & obiectu corporis sistere conatur; diuque confidenter consistens pedem referre erubescit; ab hostibus est interfectus: & Alamanni per vtramque Germaniam, ac Belgicam licentiùs effusi prædam ex agris egerunt: quos, vt in tres partes exercitum diuiserant; anno sequenti Flavius Iouinus Magister equitum cum furtis belli feliciter oppressit; tum proeliis fortiter superauit, semel apud Catalaunos Barbarorum **VI** millibus in acie cæsis, **IV** vulneratis. vnde apud Hydatium in Fastis dicitur Valentinianus Gratiano Nobilissimo, & Dagalaifo Coss. gentem Alamannorum vicisse.

Lupicino & Iouino Coss. Flavius Valerius Valentinianus Pannonius, vt antea Valentem fratrem, ita Gratianum filium nonum annum agentem, assentiente exercitu Gallicano Samarobriæ Ambianorum in conformationem Imperij recepit. Tum sicuti Marcellinus in libro **XXVII** scribit, Franci, & qui Francis finitimi erant, Saxones tractum omnem Galliarum vicis ac opidis, quò adire terrâ marique potuerunt, direptis ac incensis; captiuis etiam interfectis sunt depopulati. Hoc loco notandum est non apud Marcellinum tantum, sed etiam apud Iulianum, Eutropium, Ambrosium, Orosium, Zosimumque, & alios scriptores Francos Saxonibus semper, ac plerumque Alamannis quadam honoris prærogatiuâ præponi; atque à Libanio plurimarum gentium Barbararum maiorum minorumque caput appellari. propterea quòd longè validissimi & nobilissimi Germanorum omnium, ac belli gloria præstantissimi erant.

Sub idem tempus cùm Picti, Scoti, & Atacotti Neſtari-  
dum præfectū oræ maritimæ, & Fullofaudem Ducem in  
Britannia victos occidiſſent: Theodoſius, Theodoſij  
Principis pater, à Valentiniano Aug. aduerſus eos miſſus  
eſt. qui Barbaris in ſiluas ac paludes ſuas compulſis; re-  
giones, quas intra Vallum occupauerant, recepit: & vt  
exiſtimo rebus Britannia compoſitis, mare à piraticis  
clafſibus Francorum & Saxonum vindicauit: & Francos  
quidem in inſula Batauorum fudit: Saxones autem gen-  
tem feram in Septentrionalis Oceani litoribus ac palu-  
dibus inuiſi ſitam, virtute ac repentinis incurſionibus  
terribilem circa Orcadas nauali proelio ſuperauit. Sanè  
apud Onufrium, & Goltzium legitur inſcriptio, in qua  
Imperator Cæſar Fl. Valentinianus, vnà cum Fl. Valente  
fratre, & cum Fl. Gratiano filio Imperatore II, Conſule  
I, *Germanicus Maximus, Alamannicus Maximus, Fran-  
cicus Maximus, Gothicus Maximus, Tribunicie poteſtatis  
VII, Imperator ſextum, Conſul II* appellatur. Præterea  
Drepanius Pacatus, Gaſſus, Procōſularis vir in oratione,  
quâ Theodoſio Aug. occiſum Maximum gratulatur, in-  
ter patris eius Theodoſij res geſtas clades Francis Saxo-  
nibꝫſque illaras numerat his verbis. *Quæ Renuſ, aut  
Vacaliſ vidit aggrediar? Iam ſe mihi Sarmatica cade ſan-  
guineus Iſter obuiet. Attritam pedestribus præliis Bata-  
uiam referam? Saxo conſumptus bellis naualibus offeretur.  
Redactum ad paludes ſuas Scotum loquar? Compulſus in  
ſolitudines auiaſ omnia Alamannus, & uterque Maurus  
occurrent.* Eundem Theodoſium Drepanius eadem in  
oratione Saxonici nomen meruiſſe ait. Apud Claudia-  
num de IV Conſulatu Honorij Aug. auus eius Theodo-  
ſius ſupradictus appellatur

*Terribilis Mauro, debellatōrque Britanni*

*Litoris, ac pariſer Borea vaſtator & Auſtri.*

cuius ductu

— *Maduerunt Saxone fuſo*

*Orcades: incaluiſ Pictorum ſanguine Thule:*

*Scotorum cumulos fleuiſ glacialiſ Iuerna.*

Quibus in verſibus quod aſſerit Claudianus, Pictos in  
inſula Thule; Scotos in Ibernia à Theodoſio fuſos ac  
fugatos eſſe: id poëticiâ fide dici conſtat. Nam Marcel-

linus, & Pacatus Drepanius auctores sunt Pictorum, & Scotorum copias in Britannia proeliis victas esse: cuius dimidiam partem ad Septemtriones conuersam, siluis & paludibus impeditam ac sterilem ob idque neglectam à Romanis, & muro per transfuersam insulam ducto exclusam Picti indigenæ, siue Britanni liberi; ferro ora artúsque pingere soliti; & Scoti ex Ibernia orti tenebant.

Valentiniano III, & Valente III Coss. Saxones, qui <sup>cco</sup> <sup>lxx</sup> piraticis lembis iterum in Galliam peruecti maritimam oram depopulabantur, perfidiâ Seueri Magistri peditum circumuentos, ac occidione occisos esse Ammianus Marcellinus libro XXVIII scribit. Quam iniuriam cladémque popularium vlturi Saxones Valentiniano IV & Valente IV Coss. cùm tertium in Galliam erumpere <sup>ccc</sup> <sup>lxxii</sup> pararent, eoque per Germaniam magnâ manu ire contenderent: circa Deufonem in Francorum finibus Valentiniani auspiciis oppressi sunt, & interfecti. quem admodum Hieronymus, & Orosius in libro VII, & Cassiodorus Senator in Chronico tradunt. Hic Pontanum, & quosdam alios nostræ ætatis doctos viros mirari conuenit, qui à Marcellino, & ab Hieronymo, ac Orosio vnus eiusdémque Saxonum expeditionis mentionem fieri dicunt. cùm altera incursio naualis; altera pedestris: hæc tertio Consûlatu Valentiniani Aug. (vt Marcellinus ait) illa quarto (sicuti Cassiodorus Senator prodit) facta fuerit. cùm præterea in hac incursione Saxones classe Galliam petierint; ibi prædas ex agris egerint; Nanneium fuderint; pactique vt inuiolatis abire & naues conscendere liceret, à Severo contra religionem iurisiurandi insidiis excepti sint, & occisi: In illa *periculosam Romanis finibus eruptionem* (sicuti Orosius loquitur) *magna mole meditanter* priusquam Renum transirent, & Galliam ingrederentur, in regione Francorum apud Deufonem à Romanis sint cæsi: quod castellum Coloniz Agrippinz obiacens tum forsitan Romanorum præsidio tenebatur. quippe Ammianus Marcellinus in libro XXVIII & XXX auctor est Valentinianum Aug. castra siue hiberna legionum, & castella à capite

Reni vsque ad ostia posita in altitudinem extulisse : & cellissimas turres in vtraque fluminis ripa Romana hostilique opportunis locis crebras constituisse : vnde longè latèque despici posset, ne qua ex improviso à Germanis in Galliam eruptio fieret. Quæ causa fuit, quare Franci principatu Valentiniani ad vastandam Galliam Renum aut numquam, aut admodum rarò transierint : præsertim cum Valentinianus delectu habito in prouinciis, maximèque in Gallia; tironibus etiam ex Germania conductis exercitus adauxisset.

ccc.  
lxx.

Supradictis Valentiniano III & Valente III Coss. Burgundiones, gentem Germanã, quos Marcellinus Burgundios appellat, bellicosos & immensa multitudo omnibus finitimis timendos; Valentinianus Aug. crebrò scriptis ad eorum Reges literis in Alamannos immisit: pollicitus eodem se tempore Renum cum exercitu transiturum, & territis ac palantibus superuenturum. quo probato consilio Burgundionum Reges cum lectissimis copiis vsque ad ripas Reni progressi, antequam Valentinianus in extruendis munimentis occupatus milites in vnum locum conduxisset, prouincialibus magno terrori fuere: atque ibi paullum commorati ad Valentinianum Aug. qui die constituta non venerat, legatos misere cohortes auxiliarias petunt, quibus suorum domum redeuntium terga tegerentur. quo non impetrato indignati se à Principe deceptos ac derisos in suas sedes reuerterunt. ita Marcrianus potentissimus Alamannorum Rex Burgundiones euasit. vt libro XXVIII tradit Ammianus Marcellinus, qui & adiicit Regi apud Burgundiones vetere quodam instituto Regnum abrogari consueuisse, si sub eo clades accepta esset; aut frumentum angustius prouenisset: sacerdotem verò omnium maximum, qui Sinistus appellaretur, fuisse perpetuum, nec vllis discriminibus obnoxium: Burgundionèsque de finibus ac de salinis cum Alamannis sæpe pugnauisse: & iam inde à priscis temporibus *sobolem* eos esse Romanam: quos Mamertinus contrà in Genethliaco Maximiani Aug. cum Vandalis, Burgundiis, & Alamannis numerat inter populos, *quibus numquam contigit esse Romanis.* At Hieronymus  
in

in Chronico, Orosius in libro V II, & Cassiodorus Senator scribunt triennio post, nimirum IX imperij Valentiniani anno, Valentiniano & Valente IV. Coss. *Burgundionum LXXX fere millia ad Renum descendisse, & ripa fluminis insedisse.* quo anno Saxones, gens quò ventus ferret inexplorato erumpere; & captiuorum decimum quemque Diis patriis immolare solita, cum transire in Galliam pararent, apud Deusonem in Francorum finibus ab Valentiniano Aug: oppressi fuerant. Orosij verba notanda sunt. *Burgundionum quoque novorum hostium capit nomen novum, qui plusquam LXXX millia, ut fertur, armatorum ripa Reni fluminis insederunt.* Ex quibus colligo Valentiniani principatu intra quadriennium duas à Burgundionibus expeditiones esse susceptas: quarum altera à Marcellino describitur; altera ab Hieronymo, Orosio, & Senatore enarietur. quippe in priori expeditione Burgundiones accersiti amicique venerunt, & in Valentiniani gratiam Alamannis bellum illaturi: in posteriori *hostes*, (vt ait Orosius) Valentinianoque ob promissum non seruatum infesti, ac in Galliam, si possent, erupturi: hæc Valentiniano III & Valente III Coss. illa in IV vtriusque Consulatu facta est. neque existimo armata millia LXXX non aliter quam *cateruas lectissimas* ab Ammiano Marcellino appellari debuisse, aut ad domumreditionem egere externi presidij, ac tantopere tergis suis timere potuisse. mirorque Paullum Orosium, quòd Burgundiones Valentiniani maioris principatu *novos hostes*, ignotosque antea Romanis fuisse putet, *novumque* eorum *nomen* tum audiri primum cœptum affirmet. cum Plinius Secundus in libro IV Germanos, & partem Vindilorum, hoc est Vandalorum Burgundiones vocet: quos Zosimus similiter libro I Vandalis tamquam finitimos adiungit, Burgundosque appellat, vt eorum nomen Valentiniano impetrante novum esse nequaquam potuerit, quod ætate Plinij, seu Flauij Vespasiani principatu ante Valentinianum annis amplius CCC notum iam Romanis erat. Sed nec tum *novi hostes* Romanorum Burgundiones fuisse dici possunt: si quidem (vt Zosimus libro I prodit) post Au-

CCLXXV. reliani Aug. mortem vnà cum Vandalis in Galliam eru-  
 pere, depopulatisque eius prouinciis vbi domum reuer-  
 tere; in suis sedibus Probi Principis vires experti sunt  
 anno ferè centesimo ante IV Valentiniani Consulatam.  
 & paucis pòst annis, adiunctis sibi Alamannis, magnâ  
 manu Renum transiere, ac in Gallia (quemadmodum  
 ait Claudius Mamertinus.) fame & pestilentia magis,  
 CCLXXC. quam Maximiani Herculij armis Romanorùmque mi-  
 LXX. litum virtute confecti sunt: mórque orto de finibus bel-  
 lo Alamannorum agros occupauere, & amissa repeten-  
 tibus Alamannis, vtraque gens magnis cladibus attrita  
 est. Denique Hieronymus, & Senator, cùm de eadem,  
 qua Orosius, Burgundionum expeditione loquentes di-  
 cunt *Burgundionum LXXX ferè milia, quot numquam  
 antea; ad Renum descendisse.* latis apertè indicant multas  
 antea alias expeditiones aduersus Gallos à Burgundioni-  
 bus susceptas, nullam tamen tot ac tantis copiis factam  
 esse. Et hi quidem Burgundiones, quos Procopius &  
 Agathias Burguziones, & nonnumquam Burgunziones;  
 Iordanes manuscriptus Burgundzones appellat, trans  
 Renum in Germania sedes habuere. alij autem Burgun-  
 diones, Scythica gens vltra Istrum coluere: à Claudio  
 Ptolemæo Frugundiones dicti, & in Sarmatia Europæa  
 positi. quos Iordanes in libro originù rerùmque Gotho-  
 rum Burgundiones vocat, & Philippi principatu à Fasti-  
 da Gipedum Rege, exercitum hac veluti proluione ex-  
 CCLXV. peditioni Gothicæ præparante, pæne ad internecionem  
 cæsos ait. Eosdem Zosimus in Historiæ libro I Vrugun-  
 dos appellat, & vnà cum Gothis, Boranis, ac Carpis Istri  
 accolis Illyricum omne incursionibus impune vastauisse  
 CCLXIII. Valeriano & Gallieno imperantibus tradit, atque vrbes  
 Europæ, quæ Thraciæ prouincia erat, captas diripuisse.  
 Ex quibus intelligitur hosce Burgundiones Gothis, &  
 Carpis fuisse finitimos: quod & Claudius Mamertinus  
 indicat in Genethliaco Maximiani Aug. vbi etiam Bur-  
 gundiones gentem Germaniæ à Burgundiis (ita enim ap-  
 pellat) gente Scythica distinguit. yerba Mamertini vt  
 emendentur ponenda sunt. *Gothi Burgundios penitus  
 excidunt: rursum pro victis armantur Alamani.* Vbi Alani

fuο loco reddendi sunt, & Alamanni in Germaniam remittendi. Alani enim Tanaitæ Gothorum, qui Greutungi vocabantur, fines attingebant. at Critici quidam, cū Burgundiones, gentem Germanam Alamannis confinem, & Burgundios apud Mamertinum vnam eandemque nationem esse putarent, Burgundiis pro Alanis Alamannos socios & auxiliosos temerè adiunxere. Idem mendum reperio in libro II Constantij Presbyteri de vita Germani Autessiodurensis Episcopi, in quo Eocharius pro Alanorum Rege Alamannorum Rex appellatur. Agathias Burgundiones hosce, *Burugundos gentem Hunnicam*, non veriùs quàm Burgundiones eos, qui ex Germania in Galliam transiere, gentem Gothicam vocat. quippe Historiæ libro V scribit Hunnos, qui communi nomine Scythæ appellentur, in plures nationes fuisse diuisos, atque alios Cutriguros; alios Vturguros, vel Vtigueros; alios Vltinzuros; alios Burugundos; alios aliter nuncupatos: qui cū Mæotin transissent, cultoribus regionum victis & expulsis in Europa confederint: è quibus Vltinzuros, ac Burugundos vsque ad Leonem Aug. <sup>CCCC-LVII</sup> hoc est, vsque ad Attilæ mortem nobiles ac validos fuisse: sua autem ætate, nimirum Mauricij Tiberij principatu neutrius gentis nomen audiri Romanis: vel quòd <sup>CDLXXII</sup> excisi ac funditus euerfi pridem erant: vel quòd alias sedes remotas à limitibus Imperij Orientis petiuerant. Hi sunt Vltinzuri, quos Iordanes Vltinzures appellat, & cum Bittuguribus, hoc est Vtiguris, & Angilciris Denzici Hunnorum Regi Attilæ filio paruissè prodig. Prosper autem & Iordanes auctores sunt mortuo Attila Rege plerosque, qui sub Hunnorum imperio erant, ab eius filiis de regno inter se contendentibus descivisse, inde bella exarisse, & ferocissimos populos mutuis incursionibus ac cladibus esse attritos, nec paucos domo emigravisse. Equidem Burgundiones præter ceteros paruissè Hunnis scio. nam Apollinaris Sidonius in carmine VII Burgundiones, atque vnà Sciros, gentem Sarmaticam, Attilam in Galliam secutos dicit,

*Scerum Burgundio cogit.*

Sed ob id gentibus Hunnorum eos annumeratos esse,

G ij

CCC.  
LXXV.

aut vnà cum Hunnis Mæotin transisse non credo. cùm Hunni ætate Valentis Aug. paludem Mæoticam transferint, & Sarmatiam Scythiàmve Europæam Gothis expulsis occupauerint: Burgundiones verò supradicti (vti Zosimus indicauit) ante hunc transitum annis amplius CXX in Sarmatia Europæa sedes haberent, & Thraciam ac Illyricum depopularentur, Vt appareat eisdem postea ab Hunnis Mæoticum lacum transgressis vnà cum finitimis Alanis & Gothis, ceterisque Sarmatarum nationibus domitos esse: meliusque ac verius Agathiâ Procopium affirmare Hunnos Vtiguros, ac Cutriguros solos, (qui tamen iam tum his nominibus noti fuisse mihi non videntur) nec vllos vnà Burgundiones Mæotin transisse. Hæc de Burgundionibus cum Transrenanis, tum Transistrianis notauī, vt studiosi facilius auctores de vtrisque loquentes intelligerent, neque ex Germanis & Scythis confusis gentem vnā facerent.

CCC.  
LXXV.


Post Consulatum Gratiani III, & Æquitij Valentinianus maior Bregetione in Valeria parte quondam Pannoniæ decessit: & Valentinianus minoreius ex Iustina filius, tum quadrimus in castris ad Aquincum opidum VI post die ab exercitibus Gallicanis & Illyricis Imperator est consalutatus; Æquitio, & Merobaude Magistro peditum, ac Cereale pueri auunculo auctoribus: factumque militum mox Gratianus Aug. Valentiniani maioris ex Seuera priori vxore filius comprobauit. à diuerticulo Francos repetamus.

Vetus quidam rerum nostrarum scriptor, Theoderici Merouingorum Regum penultimi æqualis; Rorico Monachus; Auctor libri de vita Sigeberti Dagoberti filij; Aimoinus in libro I Historiæ; Sigebertus, alique recentiores tradunt Troianis, seu Sicambris Pannoniæ tum incolis, ac Mæotidi paludi vicinis, iamdiu Imperio Romano (vt affirmant) subiectis tributa in decenniū ab Valentiniano maiore remissa esse. quòd eorum operâ Alanos, qui defecerant, victique in supradictam paludem se receperant, ibidem ad internecionem cecidisset. ob id Francos, hoc est feroces, ab Imperatore appellatos esse: post annos 10 vestigal dependere recusauisse: Senatorem



Romanum, exactorésque interfecisse: & à Valentiniano atroci proelio fufos præter ceteros Regem Priamum Alanorum victorem amiffisse. tum Francos ne libertatem perderent digredientes finibus Pannoniæ, ac reliâ vrbe Sicambriâ, Marcomere & Sunnone ducibus in Germaniam commigrauiſſe, & circa oſtia fluminis Reni ſedem cepiſſe. Et in legis Salicæ proœmio dicuntur Franci pauci numero, ſed virtute præſtantes grauiſſimum Imperij Rom. iugum excuſſiſſe: armisque libertatem recuperaiſſe. ſimiliter Monachus quidam in libro. II rerum geſtarum Caroli Magni ſcribit Germaniam, Francosque à Romanis defeciſſe. Quam totam fabulam aliàs, vt ſpero, euertam, neque huic loco inferuiſſem, niſi nonnullos doctos viros, quidquid apud quosque auctores legerint, pro certo habere animaduertiſſem. Nunc ( ne de Francorum origine, ac nomine; de Sicambria opido; & de Pannonia procul à palude Mæotide terris fluminibúſque diuiſa loquar.) nego Francos, & Alanos Principibus Romanorum ſtipendiarios vmquam eſſe factos. Nam & Franci centum annis ante Valentiniani ætatem continentibus incuſſionibus, quas ſuprà ſcripſi, prouincias Imperij Romani, in primis finitimam Galliam vaſtauerunt: & Flavius Vopifcus auctor eſt, cum Interamnæ ſtatue marmoreæ Taciti ac Floriani fratrum fulmine ictæ contritæque concidiſſent; conſultos Haruſpices reſpondiſſe ex eorum familia Imperatorem Romanum quandoque exoriturum, qui Parthis ac Perſis iudices daret; & Francos ac Alamannos legibus Romanis aſſueſciceret. Nitardus quoque in libro I bellorum ciuiliũ ait Francos Romanis viribus domari non potuiſſe. Denique ne Valentinianum quidem Alanis bellum intuliſſe vllus historicus ſcribit. contrà Ammianus Marcellinus libro XX XI tradit eoſdem ſua ætate, id eſt Valentiniani principatu, in Scythia finitimis omnibus bello ſuperatis, qui & ipſi victorum nomine appellabantur, imperaiſſe. conſtatque Renum vt antea, ſic tum maxime; & Danubium, ex quo Aurelianus vetere Daciâ deceſſit; finem Imperij Romani fuiſſe: & quarto regni Theodoſij, ſepimo poſt mortem Valentiniani anno, Antonio,

& Syagrio Coss. (sicut Prosper Aquitanus in Chronico refert) Priamum in Francia regnare cœpisse. Neque est, quòd quisquam dicat à Constante, & ab Honorio Reges Franciæ præpositos fuisse videri. quando Drusus Cæsar Vannium Sueuis imposuit: & Zizais à Constantio Aug. Regnum Sarmatarum liberorum accepit: atque Parthamaspates à Traiano Rex Parthorum apud Ctesiphontem est constitutus. Sueuostamen, & Sarmatas, & Parthos nemo est qui credat vñquam Imperio Romano paruisse. Nec auctorum contrà sentientium opinionem Iordanes quidquam adiuuerit, à quo dicitur *Ætius superbiam Sueuorum*, hoc est Iuthungorum, *Francorumque barbariem magnis cadibus seruire Imperio Romano cœgisse*. quippe his verbis Iordanes tantum ostendit Francos, & Iuthungos post aduersa prælia, factamque pacem Romanis contra hostes auxilium tulisse: sicut Meroueus Francorum Rex bello Hunnico fecit. Ita Flavius Vopiscus in libro de vita Probi Aug. loquitur, affirmans omnes Germanos, hoc est Francos, & Alamannos, quos alij Alamanos, alij Alemannos, quidam Alemanos appellant, cum à Proculo sollicitarentur, *Probo seruire, quàm cum Proculo esse maluisse*.





HADRIANI  
VALESI  
RERVM FRANCICARVM  
LIBER SECVNDVS.



PTANDVM nobis fuerat, vt re-  
rum à Maioribus nostris aduersus  
Romanos, & Barbaros tetra ma-  
riq̃ue gestarum Francos scripto-  
res haberemus. Verùm quoniam  
vti ceterarum nationum ita &  
nostræ à Romanis primordia pe-  
tenda sunt, qui præsertim in panc-  
gyricis clades gentium dissimula-  
tis earumdem victoriis in Imperatorũ gratiam amplificâ-  
runt: vereor ne plerâque superiore libro de Francis dicta  
ingratâ relatione lectorum animos fatigarint: dum in-  
felices incurfionum euentus; victos Francos, & aut cæ-  
sos in acie; aut captiuos in arena cum Regibus suis be-  
stiis obiectos; ac insultationes Romanorum expono.  
Quamquam si quis attentè cõsideret, quo se modo Fran-  
ci his in calamitatibus gesserint: haud dubiè fatebitur  
nusquam clariùs & illustriùs eorum virtutes eluxisse,  
quas ipsorum hostiũ oratores aliud agendo imprudentes  
laudauerunt. Quanto enim animo quantâque constan-  
tiâ Franci captiui, ne in amphitheatro Romanis diutiùs

spectaculo essent, mortem sibi ignominia leuiorem ma-  
 turauere? & cùm ceteri ad bestias condemnati supplici-  
 ter vitam precari; aut exsanguis metu totâ arenâ fugere  
 solerent: ipsi tamquam parum esset emissas cauea feras  
 exspectare, vltro eis occurrebant; sæuientium rabiem  
 laceßebant; vsorum rictibus semet ingerebant. cùm  
 tamen natio frequens & valida tot continuis cladibus  
 non infringi, sed accendi; tam crudelibus suorum sup-  
 pliciis non ab incursionibus deterreri, sed ad vltionem  
 stimulari, & ad maiora audenda incitari videretur. Certè  
 Fl. Valerius Constantius Cæsar in Batavia, in insula Bri-  
 tannia, in média denique Francia magnas ex Francis vi-  
 ctorias tulit. num ideo postea Constantini principatu  
 Franci rariùs in Gallias irruerunt? Num à Constantino  
 toties victi arma deposuerunt? nonne & Crispo Cæsari,  
 & Constanti Aug. eius filiis bellum intulerunt? nonne,  
 vt ceteros antea omnes in Gallia tyrannos; sic cum Ma-  
 gnentium auxiliis iuuerunt? nonne occupationibus, &  
 mortibus Imperatorum; segnitia Ducum; absentia le-  
 gionum in occasionem incursionum vsi sunt? vt quæ  
 domi deerant opes de Romanis quærent, & ignomi-  
 niam acceptam vlciscerentur. Si tamen tam ignomi-  
 nioso nomine clades Francorum appellare licet, quos  
 constat ab Romanis non vi, sed dolo; non præliis, sed  
 furtis vinci consueuisse: & quos præter ceteros truces,  
 ferina contentos, ac vitæ contemptores Panegyrista qui-  
 dam fatetur difficillimè superari potuisse. Ascaricum  
 quidem & Regaïsum Francorum Reges tamquam trans-  
 fugas vel fugitiuos turpissima ac tæterrima morte affe-  
 ctos esse indignabitur magis quàm mirabitur, qui Du-  
 ces hostium à veteribus Romanis victos ante currum  
 duci, & in carcere necari solitos non ignorauerit. Sic  
 Aristonicum Regem Pergamenorum carnificis manu  
 strangulatum; sic Iugurtham Numidiæ Regem fame  
 necatum; sic Antigonom Iudæorum Regem iussu M.  
 Antonij Triumuii securi percussum accepimus. & ne  
 sibi placeant finitimi Francis Alamanni; Regem eo-  
 rum Valentiniani maioris principatu à militibus Ro-  
 manis captum & suffixum patibulo apud Ammianum  
 Mar-

Marcellinum inuenimus. minùs vt mirum sit Constantinum, qui in Dardania natus inter Mœsos *ipforum* (vt ait Florus) *Barbaros Barbarorum*, multum à popularibus traxerat feritatis: qui filium; vxorem; ambos Licinios, alterum sororis virum; alterum filium; multòsque amicorum suorum interemit: in Reges nostrostam inhumanè sæuissè. cuius sæuitiæ hanc præcipuam causam fuisse ex Eutropio intelligitur, vt eo supplicio Constantinus militum sibi & Gallorum animos conciliaret: quorum alteri continuis Francorum irruptionibus fatigati semper in armis esse cogebantur: alteri sine intermissione vexati populationes agrorum suorum in auctores vindicari cupiebant, & perpetuam sibi securitatem ac pacem occisis hostium Regibus promittebant. Neque tamen prouincialibus voto potiri, ac militibus quiescere licuit, antequam Constans Aug. Constantini Maximi filius pacem cum Francis fecisset. quo tempore ob aduentum eorum in Galliam tanta Occidentis prouincias perturbatio, tantusque terror inuaserat, vt Galliarum atque etiam Italiæ Episcopi inuitati à Constantio Aug. ecclesias sibi commissas deferere, & Concilij habendi causâ Antiochiâ proficisci non auderent. Tum igitur pace factâ, multi primores Frâcorum ad Constantem; ac deinde ad Constantium fratrem eius se contulere: eorumque multitudo in Palatio florere cœpit. ita factum est, vt qui domi remanserant Franci rariùs postea in Galliam erumperent. Siue quòd Optimates suos Principibus Rom. militantes reuerebantur: siue quòd cum popularibus pugnare nefas esse existimabant. tantùm enim fidei ac virtuti Francorum Imperatores credebant, vt eos sæpiùs ac libentiùs quàm Romanos ad muniendam ripam Reni, & ad reprimendos non Alamannos modò, sed etiam Francos ipsos mitterét. Ita Siluanum Francum Constantius Magistrum militum fecit, & in Galliam, quæ ab Francis & Alamannis ferro & igne vastabatur, misit. Ita Charietto nationis eiusdem principatû Valentiniâni Comes per vtramque Germaniam, exercitum Francis, Alamannisque oppositum rexit. Ita Mallobaudes Francorum Rex ab Gratiano Aug. Comes Domesti-

corum factus, & cum magnis copiis aduersus Alaman-  
nos missus est. à qua expeditione libri huius Deo auspi-  
ce sumemus exordium.

CCC-  
LXXVIII.



VALENTIS VI & Valentiniani II Consula-  
tus quàm Occidentalibus lætus, & felix;  
tam Orientalibus Romanis funestus ac  
pæne exitiabilis fuit. quippe Gothi, quos  
à Mœsia inferiore & Scythia Thraciæ pro-  
uinciis Ister antea diuidebat: ab Hunnis suis sedibus ex-  
pulsi, ac iussu Imperatoris in finibus Thraciæ collocati  
ex constituto rebellaure. ac primò Lupicinum; mox  
Traianum Duces fudere: vltimò Valentem ipsum totis  
Imperij viribus instructum ad duodecimum lapidem ab  
Hadrianopoli acie victum occidere. atque exinde ex  
vexatoribus Thraciæ & Illyrici prouinciarum posses-  
sores fieri cœpere: maiori postea Occidentalibus, quàm  
Orientalibus Romanis exitio futuri. At eodem anno in  
Occidentis tractibus cùm Lentientes, Alamannorum  
gens Rætiæ proxima; XL millibus hominum coactis in  
Galliam irrupissent: Gratianus Aug. Nannienum cau-  
rum Ducem cum exercitu aduersus hostes misit: ei que  
socium imperij dedit *Mallobaudem, Domesticorum Co-  
mitem, Regemque Francorum, virum fortem ac bellicosum.*  
qui ambo apud Argentouariam opidum superioris Ger-  
maniæ Lentientes acie fuderunt ac fugauerunt. adeò vt  
(quemadmodum Ammianus Marcel. lib. XXXI scribit) ex  
proelio Barbarorum millia non ampliùs quinque super-  
fuerint: REXque ipse, nomine Priarius, auctor belli sit  
interfectus. Eiusdem Lentientium, siue Alamannorum  
cladis Hieronymus, Orosius, & Cassiodorus Senator  
mentionem faciunt: è quibus Senator, à Marcellino sine  
causa dissentiens, Gratiano IV & Merobaude Coss.  
proelium commissum esse dicit. Hic est Mallobaudes  
Rex, quem Marcellinus libro XXX Mellobaudem ap-  
pellat: & cuius insidiis circumuentum Macrianum,  
Alamannorum Regem potentissimum, dum popula-  
bundus auidius quàm cautiùs Franciam peruagatur; per-  
iisse tradit. quem præterea Tiro Prosper prodit Rico-

CCC-  
LXXVII.

mere, & Clearcho Coss. Magistrum militiæ fuisse, & Gratiano circa Luteciam Pariliorum cum Maximo confligente, ad Maximū transiisse. Verba Prosperi huic loco inserere conuenit. *In Britannia per seditionem militum Maximus Imperator est factus: quo mox in Galliae transfretante, Gratianus apud Parisios Merobaudis Magistri militum proditione superatus, & fugiens; Lugduni captus atque occisus est.* Quibus in verbis mendū esse, & sublato Merobaudis nomine, Mellobaudis nomen in suū locum restitui oportere nulli animaduersum miror. Nemo enim in Marcellini ac Pacati lectione versatus nescit Merobaudem Magistrum peditum in Gallia; deinde bis Consulē, Imperatorisq; Gratiani amicum & consiliarium, fidem ei ad vltimum sanctissimam præstitisse: rebūque perditis, & Gratiano ab exercitu suo deserto ac prodito, quod militibus Romanis paucos Alanos ingenti mercede conductos anteponeret: arbitrium Maximi victoris suapte manu occupauisse. Comites autem, hoc est rectores Domesticorum equitum & peditum (ne quis Mallobaudem Francorum Regem eo functum officio miretur) Præfectorum; & Magistrorum militiæ auctoritati proximi fuerē: adeoque dignitate eminere, vt Diocletianus, & Michael cognomento Τραπεζιτης ex Comitibus Domesticorum; Iouianus ex Domesticorum primo; Glycerius etiam ex Domestico facti sint Imperatores: & Bacurius à Rufino gentis Iberorum Rex, à Socrate Regalis dictus; ac Ataulfus, qui post Alarici mortem Gothorum Rex fuit; præterea Dagalaifus, Ricomeres, Stilicó, Castinus, Sporacius, Venantius, Maucortius, qui omnes ad Consulatum peruenere; Comites Domesticorum fuerint. quamobrem Malchus præfecturam, seu (sicuti vocabant) Comitiam Domesticorum inter Palatinas dignitates claram & illustrem appellat. Apud Ammianum Marcellinum inuenio Mallobaudem, & Ricomerem vno eodémque anno, nimirum Valente VI & Valentiniano II Coss. Comites Domesticorum Gratiani fuisse. Ex quo apparet alterum Domesticis equitibus; alterum Domesticis peditibus præfuisse. Et de Mallobaude quidem suprà diximus: nunc de Ri-

CCC.  
LXXXIV.CCC.  
LXXVIII.

comere pauca dicenda sunt.

Fuit Ricomeres natione Francus; stirpis Regiæ; patriæ virtutis & religionis tenax. Hic à Gratiano Augusto, ad quem se contulerat, in Thraciam præmissus; postulante Frigigerno Rege Gothorum, ut Imperator Valens ex nobilibus viris aliquos ad se obsides mitteret; ultro se ad hostem ferum ac perfidum iturum pollicitus est, *argumenta dignitatis* (inquit Marcellinus) & *natalium daturus*. Ausonio deinde & Olybrio Coss. inter ceteros, quos ut antea Valentinianus fratri; sic Gratianus Theodosio primo eius imperij die (sicuti Pacatus dicit) tradidit: apud Sirmium Comes Theodosio datus est. Libanius in libro de vita sua scribit à Ricomere Deorum cultore Magistro militum dilectum se antè quàm visum: & apud Antiochiam mutuo conspectu ac congressu amicitiam coniunctam, & omnem sibi honorem habitum esse: inde Ricomerem ad Imperatorem Constantinopolim venisse: eodémque se eius mox futurum Consulis literis euocatum, Consulatum incuncti eloquentiam suam laudatione approbauisse: & Ricomerem interroganti Principi, cuius maximè Rhetoris oratione esset delectatus; Libanij respondisse. Ex quo apparet Ricomerem, quem Socrates Rychomelianum appellat; non modò Latinis, sed etiam Græcis literis doctum fuisse: & à Theodosio Magistrum vtriusque militiæ; deinde cum Clearcho Còsulem factum, nequaquam post Gratiani mortem (ut aliqui arbitrantur) ad Theodosium se contulisse. Nam Socrates libro V, Marcellinus in Chronico, Paullus in libro XII Historiæ, Miscellæ Merobæ de II & Saturnino Coss. V III Kal. Septembris; Prospera tèm, & Cassiodorus Senator anno insequenti Ricomere & Clearcho Coss. Gratianum occisum memorant: Ut etiam si Socrati ac Marcellino credere velimus; tamen non potuerit Ricomeres intra menses IV ex Gallia Constantinopolim peruenire; unde Theodosio probatus simul ac visus Antiochiam ad res Orientis componendas mitti; Constantinopolim regredi, & Consul creari, quod præmium nisi expertis & benemeritis dari non solebat. Neque mirandum est, quòd

ccc.  
LXXIX.

ccc.  
LXXXIV.

ccc.  
LXXXIII.



ambo Consules vnus eiusdémque anni à Theodosio facti sint: cùm Consûlatu Theodosij Aug. II, & Cy-<sup>CCC-  
LXXX.  
VIII.IX.  
&X.</sup>negij; item Timalij & Promoti; Arcadij Aug. II & Rufini; dominante in tractibus Occidentis Valentiniano, idem acciderit. Zosimus à Libanio & à vero dissentit, ac libro I v prodit Ricomerem in regia Valentiniani, hoc est Mediolani in Italia versatum: quo tempore Arbogasti, nimirum populari suo atque amico Fl. Eugenium commendauerit: ac postea ad Imp. Theodosium profectum esse. additque Theodosium expeditionem in Eugenium parantem, equitatu Ricomerem virtutis multis bellis expertæ virum præficere statuisse: sed hunc interim morbo obiisse. Quintus Symmachus quidem, cuius sunt ad Ricomerem, quem studiosè coluit, XVI epistolæ; eum siue à Theodosio missus; siue aduersus Maximum in Italiam ductus erat; Romam venisse scribit. eiusdem constantiam in amicitia, virtutes, occupationes, curas, literas optatas & iucundas, benignitatem in se, mores, & merita; communes etiam amicos Flauianum, qui bis Præfectus Prætorij, & Historicus disertissimus fuit; ac Eugenium postea Imperatorem celebrat: eique pro munere Consûlatus eius, quod anno post acceperat, gratias agit. Apud Libanium v epistolas MSS. legimus: quam in vna nuntio victoriæ Ricomeris allato Antiochenes lætari admodum dicit. In alterâ citis ductu magnas res gestas; multa secunda proelia facta; plurimos hostes superatos; eius consilio ac manu Imperatorē adiunari scribit. tres reliquæ nihil memoriæ dignū habende. Ceterum non dubito, quin Ricomeres ille ipse sit, qui in Fastis Cōsulat. à Gregorio citatur Richimeres vocatur; Theodomeris Regis Francorum et Ascula pater. cū Ricomeres Clearchi collega in Fastis Capitolinis, & in Senatoris Chronico Ricimer, ac Flavius Richimer; à Græcis Richomeres appelletur: & apud Ammianū Marc. gazetium splendore ac dignitate eminuissē dicatur.

Aufonius Burdigalensis; ex Præfecto Consul à Graciano factus; in Precatione prid. Kalendas Ianuarias fascibus sumtis, & in gratiarum Actione pro Consûlatu Francos, ac Sueuos (id est Alamannos) ceterarū ad obsequia,

vt cum Romanis militent, scribit: & Gratianum Aug. discipulum suum affirmat vocandum esse Germanicum ob deditionem gentilium; Alamannicum ob traductionem captorum: atque vno anno pacatum esse Danubij limitem, ac Reni. & in antiqua inscriptione apud Resendium Gratianus *Germanicus Maximus, Alamannicus Max. Francicus Max. Gothicus Max. Consul* IIII appellatur, non immerito: quippe Mallobaudis Regis, comitumque eius Francorum; præterea Ricomeris, ac Bautonis opera utebatur: & Arbogastem Francum, factione inimicorum expulsam domo cum suis ad se receperat: atque Valente VI & Valentiniano II Coss. per Nannienum ac Mallobaudem Alamannos Lenticenses acie fuderat: coegeratque robustissimos iuvenes, tironibus admiscendos, obsidum loco tradere: & multitudinem captiuorum in Galliam traduxerat: & eodem anno ductu Theodosij Magistri militum Gothos, Hunnos, ac Alanos interfecto Imperatore Valente, deletoque eius exercitu per Thraciam & Illyricum licentiùs effusus tanta cæde prostrauerat, paucis vt clam Danubium tranandi, aut litribus transeundi, domumque reuertendi spatium daret. Quæ fuit causa, quare Gratianus Augustus Theodosium, Theodosij Magistri equitum viri fortissimi ac felicissimi ex Thermantia filium, natum in vrbe provincie Callicie Cauca, annum tertium & tricesimum agentem, Ausonio & Olybrio Coss. XIV. Kalendas Februarias apud Sirmium Imperatorem crearet, & de exercitus sententia in Valentis patris locum substitueret: quem Marcellinus in Chronico Diui Traiani ciuem, & Italice genitum falso scribit.

ccc.  
lxxviii.ccc.  
lxxix.

Huic paullo post aduersus Gothos, Hunnosque Thraciam & Macedoniam Frigiderno duce depopulantes bellum gerenti, & à Gratiano auxilium expetenti missus est cum magnis copiis Bauto dux, & vnà Arbogastes, qui quod sub Bautone ciue ac amico & tum & sæpe alias militauit, eique dignitate ac potentia proximus fuit; apud Eunapium Bautonis secundarius fuisse dicitur. Erant autem ambo (vt Zosimus libro I v scribit) natione Franci, viri fide in Gratianum singulari, summâ erga

Romanos beneuolentiâ; maximè omnium abstinentes, nec vnquam pecuniâ corrupti; consilio in bello ac virtute præstantes. quorum aduentu territi Barbari, relictâ Macedoniâ, vltimam Thraciam petiere, & pace factâ domum rediere. Et Bauto quidem à Græcis Bauto; in plerisque Fastis Flavius Bauto appellatur: quod prænomen Constantinus Maximus gentiliciû habuit, omnisque fermè à Constantino Imperatores, & Augustæ; & priuatorum vanissimus quisque; plerique Consules; etiam Theodericus Ostrogothorum & Italarum Rex; Vesi gothi Hispaniæ Reges ampliùs decem; & Autharius Princeps Langobardorum ridiculâ affectatione vsurpauere. Is bello Alamannorum, qui tum Galliam continuè excursionibus vastabant; inter celeberrimos Duces fuit, ac magnas ibi res gessit: cùmque Clemens Maximus interfecto Gratiano Cisalpinas prouincias occupauisset; Italiam, & Africam Valentinianus minor Gratiani frater haberet in potestate; Theodosius, ac Arcadius Imperium Orientis obtinerent: Gratiani partium viris aliis occisis, aliis qua quisque ratione potuit sibi consulentibus; ipse vnà cum Arbogaste ex Gallia in Italiam ad Valentinianum per fugit. vel certè abs Gratiano Comes, & Magister militiæ fratri datus est: apud quem à Probo Præfecto Prætorij potentiâ secūdus est habitus: Hunnisque ac Alanis mercede conductis fretus Iuthungos, gentem Alamannam, quos Maximus ad depopulandam Rætiā euocauerat, non modò fudit ac fugauit: sed etiam Alamanniam ingressus, vastatis agris magnū finitimis Gallis terrorem iniecit. Idem præterea cum Arcadio Aug. Consul creatus Mediolani Consulatum iniit: vbi <sup>ccc-lxxxv.</sup> ab Aurelio Augustino homine eloquentissimo sanctissimoque, ea tum in vrbe artis Rhetoricæ Professore Kalendis Ianuariis maximo conuentu laudatus est. sicuti Augustinus ipse libro III aduersus Petilianum tradit. Apud Quintum Symmachum in libro I V duas ad Bauto nem epistolas legimus. in alterâ Symmachus Bauto nem fidelissimum; & vt diligentem in comparandis amicitiiis, ita in seruandis firmum atque constantem ait esse: eique pro munere Consulari, quale Consules ini-

tio anni amicis mittere solebant, gratias agit. In altera crebris Bautonis literis, *fraterni animi testibus, ac vera religionis interpretibus*, negat sibi quidquam esse iucundius. Ex quo apparet Bautonem Christianum non fuisse. Vnde etiam Ambrosius Mediolanensium Episcopus in Epistola ad Imperatorem Eugenium refert *presentibus viris amplissimis honore Magistratus militaris Bautone & Rumorido*, dissuadentibusque; Valentinianum minorem in sumtus sacrorum pecuniam erogari, stipendium Flaminiibus, ac virginibus Vestalibus de publico statutum reddi, & aram Victoriæ Romæ in Curia reponi vetuisse: contrà Eugenium petentibus Arbogaste & Flauiano Præfecto de se benemeritis iussisse. Idem in Relatione legationis suæ ad Valentinianum Aug. epistolâ XXVII colloquium suum cum Maximo, & sermonem de Bautone habitum scribit his verbis. Max. *Me lussisti, & ille Bauto, qui sibi Regnum sub specie pueri vindicare voluit; qui etiam Barbaros mihi immisit: quasi ego non habeam, quos possim adducere, cum tot millia Barbarorum mihi militent? Ambt. in quo te fefellit Bauto, qui deuotionem Imperatori exhibuit suo? an quia Principem suum non prodidit? Quos immisit Barbaros Bauto Comes? & quid mirum, si hoc Bauto fecisset Transfrenanus genere; cum tu ministeris Imperio Romano Barbarorum auxilia? Vide autem, quid intersit inter tuas minas, & Valentiniani Augusti pueri mansuetudinem. tu id agitabas, quò Barbarorum stipatus agminibus Italia te infunderes: Valentinianus Hunnos, ac Alanos appropinquantem Gallia, per Alemannia terras reflexit. Quid habet inuidia, si Bauto Barbaros cum Barbaris fecit decernere? In medio Romani Imperij sinu Iuthungi populabantur Ratias: & ideo aduersus Iuthungum Hunnus accitus est. Idem tamen quia de finitimo proterebat Alemanniam, & iam vicinia mali urgebat Gallias; coactus est suos triumphos deferere, ne tu timeres. Confer vtriusque factum. tu fecisti incurfari Ratias: Valentinianus suo tibi auro pacem redemit.*

Bautonem hunc Philostorgius lib. XI, & Niceph. Callistus libro XIII produnt natione Barbarum, (hoc est Francum) & Magisterio militum in Occidentis tractibus

bus clarum atque illustrem fuisse, ac filiam nomine Eudoxiam reliquisse, puellam eximiâ corporis pulchritudine, sed vt origine sic ferociâ ac insolentiâ barbarâ: quæ ob id & à Cedreno Barbara dicta, cùm apud Promoti Consularis viri filium educaretur, Olybrio & Probino Coss. Arcadio Augusto nupsit, virum & Remp. habitu-<sup>ccc.  
xcv.</sup>ra in potestate. ea Nobilissimam Flaccillam auix paternæ cognominem; Pulcheriam Aug. Marciani coniugem; Arcadium; Theodosium minorem postea Principem; ac Marinam peperit: & Arcadiâ grauida Augusta est salutata; depositâ Nobilissimæ appellatione. Eutropium eunuchum ex seruulo Præpositum sacri cubiculi, Patricium, & Consulem factum; & Ioannem cognomento Chrysostomum, disertissimum ac sanctissimum Episcopum sibi aduersantes oppressit: & Selymbriam opidum Thraciæ restitui, atque Eudoxiopolim appellari iussit. Eidem; ante annum quàm decederet, Theodosio iuniore & Rumorido Coss. argentea statua palu-<sup>cccc.</sup>data super columnam ex porphyrite Constantinopoli ante Senatum locum ita dictum posita est, & scenicis ludis dedicata. Ceterùm errant, qui Hydatium securi Eudoxiam Arianam fuisse, & ob id Ioanni infestam tradunt. nam nec de fide cum Ioanne contentiones habuit: nec in relegati locum Hæreticum Antistitem; sed Arfacium pium hominem, atque religiosum sufficiens curauit: nec ab Innocentio vrbis Romæ Episcopo; ac ne à Ioanne ipso quidem; nedû à quoquam alio vilius hæreseos accusata est. Quare non magis Eudoxia Aug. Arianarum partium fuit, quàm aut Theophilus, aut alij insignes Sacerdotes, quorum illa operâ Ioannem oppressit. Præsertim cùm Marcus Diaconus in libro de vita Porphyrij Gazensis Episcopi tradat eam Ioanni ac Porphyrio Episcopis honoris causâ in vestibulo cubiculi occurrisse: priorem eos salutauisse: & inclinato capite vt ipsam Theodosiûmque filium benedicendo signarent rogauisse: discedentésque viatico prosecutam esse: & orando ac instando à viro suo pæne inuito impetrauisse, vt in vrbe Gaza templa dirui ad solum, & idola publica ac priuata deiici iuberet: atque ibidem magnificentissi-

mam Ecclesiam cum Xenodochio suâ pecuniâ exstruendam curauisse. Ridiculas quidem literas, quibus Innocentius Ecclesiæ Romanæ Episcopus, post Ioannis in exsilio obitum, Arcadio & Eudoxiæ sacris interdicat; non minùs quàm Arcadij ad Innocentium & Honorij ad Arcadium ineptissimas apud Baronium epistolas; fides esse à Nicephoro Callisto & Glyca, vel ab alio quouis ex eo intelligitur, quòd ante Ioannem Eudoxia Aug. decesserat. Hanc enim Socrates in Historiæ libro VI &

CCCCIV. Marcellinus in Chronico Honorio VI & Aristæneto Coss. IV Nonas Octob. obiisse scribunt. Illum post trien-

CCCCVII. nium Honorio VII & Theodosio iuniore II Coss. in Cappadocia mortuum esse idem Socrates prodit. De Eudoxia loqui existimo apud Baronium Honorium Aug. in literis scriptis ad *Dominos sanctos fratrem nepotemque Augustos venerabiles*: (ita Arcadium & Theodosium appellat) in quibus queritur *imaginem muliebrem nouo exemplo per provincias circumlatam*, hoc factum publica lingua carpente. quippe hic honos non aliis quàm Imperatoribus habebatur. sed nimirum Iulia Eudoxia Imperatori ipsi imperabat. Neque multo post factum est, ut femina cum Iuliam Mæsiam, Soæmiada, Mamæam, & Iustinam imitatæ Imperiû Romanum regere cœpissent: sicuti Pulcheria sub Theodosio fratre suo; Placidia sub Valentiniano filio: eosdem sibi quos Imperatores titulos vindicarent. Certè nummos aureos tres à Lælio Paschalino acceptos profert Cæsar Baronius, in quibus Placidi Valentiniani Aug. mater Domina Galla Placidia; & eiusdem Imp. soror maior natu Dn. Iust. Grat. Honoria; hoc est Domina Iusta Grata; aut Iustina Gratiana Honoria; & Licinia Eudoxia eius coniux Theodosij minoris filia nouo more P.F.A V G. id est *Pia Felices Augusta* dicuntur, geruntque diadema. Nam antea Imperatores quidem *Pios Felices Aug.* eorum autem vxores, sorores, matres simpliciter *Augustas* appellari consueuisse ex veterum nummorum inscriptionibus intelligitur. Et in literis quas ad Theodosiû & ad Pulcheriam scribit Galla Placidia, se ipsa *Piissimam & perpetuam Augustam*; & Æliam Pulcheriam similiter *Piissimam semper Augustam* vo-

cat. Sed à Bautonis filia Iulia Eudoxia Aug. ad Maximū; & ab Orientis tractibus in Occidentem reuertamur.

Clementem Maximum, à quo Gratianus Aug. occisus est, & pulso Valentiniano totius Occidentis Imperium occupatum; sub Theodosio Magistro equitum Theodosij Augusti patre in Britannia militauisse, eiusque familiæ clientem & affinem, atque Hispanum fuisse Pacatus Drepanius in panegyrico, & Zosimus libro I V produnt. quem *ab immanissimis Germanorum gentibus tributa ac stipendia solo terrore nominis exegisse* quòd Orosius dicat, equidem miror. licet enim Maximus Pictos, & Scotos, partem Britannix Imperio Rom. subiectam depopulantes, vi superatos represserit: & (vt Ambrosius supra, ac Sozomenus in libro VII scribunt) *multorum millium Barbarorum, aut Celtarum*; hoc est Germanorum operâ in bellis sit vsus: non tamen Germanos sub imperio Maximi fuisse, sed mercede accersitos pro eo pugnauisse credendum est. quippe constat Transrenanos ne Octauio Augusto quidem, aut Vlpio Traiano; nedum Maximo tributa pependisse: contra plerosque Imperatores pacem amicitiamque ipsorum pecuniâ redemisse. Ambrosius quoque epistolâ XVI tradit Maximum à Francis; à Saxonum gente; apud Sisciam; apud Petouionem; vbique demum terrarum à Theodosio absentem victum esse. de qua Francorum victoria quæ Sulpicius Alexander in libro III Historiæ apud Gregorium refert, huius loco sunt inferenda.

Theodosio Aug. II & Cynegio Coss. dum Maximus à Valentiniano & Theodosio in Illyrico bis absens victus amissâ spe Imperij, rebûsque perditis Aquileiæ sedet: Genobaude, Marcomere, & Sunnone ducibus Franci in inferiorem Germaniam intrupere: ac limite aperto multis mortalibus interfectis, fertilissimos pagos depopulati, Colonix Agrippinensi metum incussere. quod vbi Augustam Treuirorum perlatus est; Nannenus & Quintinus Magistri militiæ, quibus infantem filium, Galliâque Maximus commiserat; coacto exercitu Agrippinam peruenere. At Franci onusti prædâ domum rediere; multis suorum ad iterandam populationem in Gallia

CCC.  
LXXX.  
VIII

relictis. adeò verum est, quod dicit Libanius in Oratione, quæ Imperatoria inscribitur: Francos prædandi causa Renum transeuntes, si militem Romanum in ripa collocatum vicissent; sequi non destitisse: sin victi essent; finem fugæ initiû incurfionis fecisse: & priusquam vna eorum manus repelleretur, alteram superuenire consueuisse. atque ob id Marcellinus libro XXI *Germanos, hostes asiduos* appellat. Igitur Nannenus, aliis Nannienus; aliis Nannius ac Nanneius dictus, & Quintinus Duces profecti Colonia ad Francos, qui in Gallia remanserant, contenderunt: & commisso proelio apud Carbonariam, magnæ eorum multitudinem conciderunt. tum consilio conuocato, Quintino ceterisque vtendum victoriâ & in Franciam transeundum consentibus; dissuasit Nannenus: quòd domi Francos non imparatos, & propter locorum difficultatem ac notitiam superiores futuros intelligebat. cùmque frustra disputaret, & nemini sententiam suam probaret, iratus Mogontiacum reuertit. Quintinus verò cum exercitu circa Nouesium castellum Renum transgressus, secundis à flumine castris casas ligneas vacuas atque ingentes vicos desertos offendit. Franci enim simulato metu se in interiores saltus abdiderant: & arboribus cæsis aggestisque extrema siluarum obseperant. Itaque Romani omnibus ædificiis vstis, quorum in incendiis summam victoriæ positam arbitrabantur; noctem sollicitam sub armis egerunt: ac primâ luce, Quintino duce, saltus ingressi, ferè ad horam sextam totos sunt peruagari. tandem cùm diu implicuissent sese erroribus viarum, & maximis sepibus omnia clausa reperissent: in palustres campos, qui cum siluis continentes erant, proruperunt. molientibus primùm Franci rari apparuerunt: qui coniunctis arborum truncis (quas Romani concædes, ipsi Combros appellabant) insistentes, inde velut è fastigiis turrium tormentorum ritu sagittas emifere. erant autem illæ veneno ex herbis expresso tinctæ; adeò vt si vel summam cutem degustauissent, leuem plagam mors certa sequeretur. Deinde maiori Francorum multitudine circumfusa, Romani aperta camporum, quæ de industria Franci liberum ac-



cessum habere voluerant; auidius quàm cautiùs petiere. Ibi equites primi voraginibus summersi, & foedâ hominum iumentorumque strage oppressi sunt. pedites etiam, quos equorum ruina non protriuerat; implicati limo ægerrimè ad ingrediendum trura explicabant: cùmque ex paludibus vix emerfissent, trepidi se in siluas abdebant. palantibus instare Franci; fugientes insequi; impeditos more pecudum trucidare; fortunæ non deesse. Eum in modum turbatis animis ordinibusque cæsæ sunt legiones Romanæ. Heraclius Tribunus Iouianorum; ac pæne omnes, qui militibus præerant, interfecti. paucis tutum effugium nox, & siluæ præbuere. Quæ cum ita sint, ridiculè Fredegarius dicit Heraclium & Iouinianum cum exercitu vltra Renum transgressos, magnâ cæde suorum à Francis factâ vix ex proelio elabi potuisse. & falsò Sigibertus affirmat anno VII post Valentis mortem Quintinum ac Heraclium Romanorum Duces circa Augustam Treuironum cum suis pæne omnibus ab Francis occisos esse. Ex Sulpicio Alexandro intelligitur tres tum minimùm in Francia regnauisse; nimirum Genobaudem, quem ipse Genobaldum, Fredegarius Genebaudum appellat; Marcomerem; & Sunnonem. falsòque Eumentum affirmare Francos per fugiis siluarum & paludum bellum frustrari solitos esse.

Eadem hoc anno in Italia fortuna Tyranni partiù fuit. CCCL-  
XXXVIII  
Maximum bis victum milites sui viuum tradiderunt: quo ad tertium milliare ab Aquileia interfecto; Andragathius Gratiani percussor, sicut erat armatus, è naui in flumè sese deiecit. missusque in Galliam à Theodosio Arbogastes Magister militiæ Victorem Cæsarem Maximi filium, & vnâ (vt equidem arbitrator) Nannenum, ac Quintinum celeriter oppressos interemit. sanè Sulpicius Alexander libro IV prodit Cariettonem natione Francum, & Syrum in locum Nanneni substitutos post Victoris cædem, & in prouincia Germania inferiore cum exercitu Francis oppositos esse. Sic Valentinianus in Imperium patrum restitutus, & Fl. Theodosius (quod per LXXXIV annos bis tantùm contigerat; primùm victo Maxentio Con- CCCLII,  
CCC-  
LVII.stantino II & Licinio II Coss. iterum Constantio IX &

ccc.  
lxxxix.

Iuliano Cæs. II Coss. post eadem Magnentij) Romam intrauerunt, & Timalio ac Promoto Coss. ex ciuili bello triumphauerunt, populóq; Romano congiariú dederunt.

cccl.  
xxxviii.

Philostorgius libro X scribit Timalium, Ricomerem, Promotum, & Arbogastem Duces ab Theodosio aduersus Maximum missos esse: à quibus victus, captus, & priuato vestitu ad Imperatores deductus sit: Certè clarissimus eo bello Dux fuit Arbogastes, qui Valentiniani fugientis comes, & in recuperando Imperio adiutor, vt in libro. VII ait Orosius, *cùm Theodosio paruit, magnis instructum auxiliis Maximum cepit*: & (si Prospero, Hydatio, ac Zosimo credimus) Victorem interemit. Hydatius quidem, cùm in Chronico dicat *filium Maximi, nomine Victorem in Gallis per Arbogastem Comitem interfectum esse*: in Fastis Consularibus ait Theodosij Aug. II & Cynegio Coss. eundem à Comite Theodosij Aug. paucis post patrem diebus occisum. Minimè autem mirandum est Arbogastem, qui Valentiniani Comes fuerit, ab Hydatio *Comitem Theodosij* vocari. Nam & Zosimus scribit Arbogastem Magistrum militiæ ab Theodosio ad recipiendas Gallias, & ad interficiendum Victorem missum esse. Quippe non modò Valentiniani partium viri, sed etiam Valentinianus ipse profugus ac extorris Theodosio, à quo reducebatur, parebat: victóque Maximo Theodosius res Occidentis composuit: & Valentiniano in Galliam profecto, tres annos in Italia velut in prouincia sua vnà cum Honorio filio, quem Senatui Rom. commendauit; moratus cuncta administravit: ex qua tandem, credo ne Valentinianum in partem Imperij paterni restituisse; partem sibi iure belli vindicare videretur: Tatiano & Symmacho Coss. in Thraciam transmisit: ac Constantinopolim IV Idus Nouemb. intrauit. quo anno Ricomerem Magistrum militum Theodosij fuisse in libro VII Codicis Theodosiani inuenio. Quominùs mirari Orosium conuenit, quòd libro VII prodat, *interfecto à Maximo Gratiano, Theodosium Imperiũ Orbis Romani solũ annis XI obtinuisse*.

ccc.  
xci.

Eunapius Sardonius Rhetor apud Suidam & Eustathium ait Arbogastem Francum, quem Abrogastem

appellat, Bautonis secundarium; viribus corporis & asperitate iræ totum igneum; virum rigidæ & perfectæ temperantiæ; cum pecunia quasi cum hoste continuum bellum gessisse: censu nihil à gregario milite differentem. ob eam rem Imperatori Theodosio idoneum visum esse, quem in regia Valentiniani naturâ ad seueritatem æquitatēque propensū veluti rectam quamdam columnam propter gravitatem suam collocaret: ne quid in aula peccaretur, cuiquāme noceretur sedulò prouisurum. Quibus ex Eunapij verbis intelligi potest Arbogastem, Curij aut Fabricij similem, Valentiniano adolescenti moderatorem à Theodosio appositum esse. Zosimus libro IV prodit Arbogastem ortum ex gente Francorum, quem Gratianus Aug. in bello Ducem à Bautone secundum esse voluerat; post vtriusque mortem, suâ in agendo industriâ fretum, sine auctoritate Principis magisterium militum occupauisse: omnisque exercitui propter virtutem, ac scientiam belli, & pecuniæ contemptum idoneum visum ad magnam potentiam peruenisse. Decessit autem Bauto, (vri existimo) antequam Maximus rupto fœdere Valentinianum ex Italia expelleret, & ad Theodosium in Græciam perfugere cogeret. nulla enim in reductione Valentiniani fit eius mentio, qui si tum vixisset, in hoc bello ipse, non Arbogastes; Magistri militum locum sicut antea erat habiturus. Apparet ergo Arbogastem quidem primū Magisterio militum ab exercitu sibi delato vsum esse: deinde cū Valentinianus spoliatus Imperio Italiā excessisset, ac Thessalonicam venisset; ipsum pariter profugum Magisterium amisisse: ac Valentiniano post annum ferè reducto à Theodosio pristinæ simul dignitati restitutum, atque etiam Principi admodum iuueni rectorem appositum esse. Orosius in libro VII Arbogastem, quem Hermias Sozomenus, Nicephorus & Hydatius Arbogastem, & Aruagastum vocant; *virum Barbarum; animo, consilio, manu, audaciâ, potentiâque nimium; & simulacrorum cultorem* appellat. Eundem oriundum ex Gallia minore; Magistrum militum; naturâ sæuum admodum ac sanguinarium fuisse ait Socrates: apud quem ignarum lo-

corum Franciam veterem transrenanam non proprio nomine Galliam minorem appellari puto. propterea quòd Arbogastes natione Francus fuit: & (vti Aimoinus in libro de vita Ambrosij legisse se dicit) ad Romanos se contulit: constatque cognomen minoris cuius alij prouinciæ magis quàm Galliæ conuenire. Philostorgius Arbogasti patrem Barbarum fuisse libro XI tradit, sed eum in Gallia natum esse non scribit.

CCC-  
LXXXIX.

Timasio & Promoto Coss. Franci elati recenti victoria Renum transierunt, atque ex prouincia Germania prædas egerunt. Quo cognito Arbogastes, iam obexilium suum ciuibus infestus, vehementer arsit cupiditate vlciscendi: fremensque incursionem in Galliam se Magistro militum factam, ac moræ impatiens monuit Valentinianum pœnas à Francis debitas expetendas: nisi omnia, quæ superiore anno cæsis legionibus diripuerant, confestim redderent; auctoresque belli ad piaculum perfidiæ ruptique fœderis traderent. Itaque Valentinianus profectus in inferiorem Germaniam Marcomerem & Sunnonem Reges Francorum ad se euocauit: & habito cum his colloquio, imperatisque ex more obsidibus (sicut Sulpicius Alexander libro IV tradit) post paucos dies Augustam Treuiorum in hiberna concessit. vnde in libro IV & in libro VI Codicis Theodosiani leges Valentiniani duas, alteram ad Messianum Procuratorem rerum priuatarum; alteram ad Constantium Præfectum Prætorij missas inuenio: quarum hæc data XVIII Kalendas Iul. Treuiris Timasio & Promoto Coss. illa data VI Idus Nouemb. eodem anno eadēque ex vrbe dicitur. cuius primæ subscriptionis mendum vt corrigatur, Kalendas Iul. in Kalendas Ian. mutari oportere arbitror. Nequaquam enim Valentinianus XV III Kal. Iul. Consulatu Timasij & Promoti in vrbe Treuiorum statua habere potuit: si verum est, quod Socrates, Hermias Sozomenus, ac Marcellinus in Chronico tradunt; eundem vnà cum Theodosio & Honorio puero nondum quimo Idibus Iuniis, siue pridie eius diei Romæ supradictis Coss. de Maximo triumphum egisse. Fredegarius Scholasticus, qui ex Gregorio epitomen fecit, Sulpicium Alc-

Alexandrum non intellexit, cùm scripsit Arbogastem clarum superbiam Francis bellum intulisse; & acie victum fugisse; Francosque Augustæ Treuironum hibernauisse. Nec minùs (sicut existimo) errauit Ioannes Auentinus, qui Arbogastem cùm apud Claudianum exsulem appellari, & Regibus Francorum inimicum fuisse dici apud Sulpicium forsitan animaduertisset; Marcomeris, ac Sunnonis fratrem esse, & ab his domo expulsam credidit.

Postquam Theodosius Aug. Italiâ decessit, Imperatori Valentiniano cum Arbogaste discordia esse cœpit: quæ huic primùm; deinde & illi, multisque vnâ hominum millibus exitiabilis fuit. Causa inimicitiarum erat, quòd neuter alteri volebat esse subiectus. quippe Valentinianus (si Zosimo credimus) Arbogastis tristem seueritatem, & in reprehendendo libertatem ferre non poterat: titulumque Imperij penes se, potestatem penes illum esse indignabatur. Arbogastes verò quidquid nec aulam decere, nec imperatoris dignitati conuenire existimabat, aut improbabat factum; aut ne fieret prouidebat: suoque arbitrio cuncta administrabat. cui cùm sæpe aduersaretur Valentinianus, nec quidquam proficeret, propterea quòd Arbogastes militum studiis muniabatur: in eo opprimendo vires suas experiri statuit. sedensque in regia sella, & toruo vultu hominem intuens sui salutandi causâ propius accedenti literas in manum tradidit, quibus ei Magisterium militum abrogabat. Has Arbogastes lectas concepsit: & proiecit: negans cuius beneficio honorem non esset affecutus, eius se arbitrio depositurum. Tum Valentinianus iram contemptumque non ferens desiluit è solio Arbogastem percussurus, nisi à Protectore, cui gladium auferre conatus erat, inhibitus esset. eisdemque paullo post tantæ iræ causam ex ipso percunctanti meditato mendacio respondit: quoniam Imperator cùm esset quod vellet facere prohiberetur; sibi ipsum manus afferre, & vitam miseram ac iniucundam abrumpere voluisse. Inde non iam occulta discordia, sed apertæ inter vtrumque inimicitie fuerunt: & in caput Valentiniani consilium iniri cœpit. Arbogastes enim, cùm animaduertetet dissensionem hanc nisi

alterius morte non posse finire; aduersarium tollere, quàm perire maluit. Itaque de fide popularium securus (sicut Sulpicius Alexander tradit) rei militaris curam Francis satellitibus mandat: ciuiles magistratus in societatem coniurationis adsciscit: quidquid militum ac eunuchorum in aula erat, pecuniâ & spe augendæ dignitatis sollicitat: Valentinianumque Principem apud Viennam Palatio intramurano includit pêne infra priuati fortunam reductum: adeò vt nemo vnus ex omnibus sacramento obligatis inueniretur, qui familiari eius sermoni aut iussis parere auderet. Et Valentinianus quidē crebrò per literas Theodosium de Arbogastis arrogantia Maximi tyrannide grauiore certiore fecerat, auxiliùmque petierat affirmans, si suas iniurias neglexisset, se ad eum secundò venturum. sed ab Theodosio nulla adolescentis querimoniarum ratio habita erat. Nihilominus Arbogastes sibi à Valentiniano, & Valentiniani amicis metuebat, vel metuere simulabat: neque eius verbis credebat. Quamobrem Valentinianus, ante biduum quàm exstingueretur; Ambrosium Mediolanensem Episcopum (vti ipse in Concione funebri de obitu Valentiniani Aug. scribit) vadem fidei suæ futurum per epistolam euocauit. tanta enim Ambrosio cum Arbogaste vel necessitudo, vel familiaritas fuit, vt idem eadem in Concione dicat se, si Viennam venisset, Arbogastem Valentiniano reconciliaturum: sin Arbogastes inexorabilis nullam concordiae conditionem accepisset; apud Imperatorem remansurum, eisque consilij sui copiam facturum fuisse. Sed iam Alpes Graias superanti Ambrosio de cæde Principis nuntiatum est: cui, cum propter murum vrbis Viennæ ludicro certamine cum paucis militibus sese exerceret, Arbogastes per emissarios fauces obliſerat. Sunt, qui meridianem ab cubiculariis; sunt, qui meridie dum omnes ministri prandebant in regia interiore ad ripam Rhodani ludentem à Protectoribus Arbogastis immisso strangulatum; & vt mortem sibi metipſe consciuisse crederetur, exanimem suspensum esse scribant. Quæ fuit causa, quare Prosper ac Senator sparſo in vulgus rumore decepti memorie

traderent Valentinianum nimia Arbogastis Magistri militum seueritate ad tædium vitæ deductum suspendio periisse. Rufinus ac Sozomenus aiunt quosdam publicam opinionem securos, id dolo & insidiis Arbogastis Ducis factum affirmauisse. alios expertem quidem scele-  
ris Arbogastem; sed cum Valentiniano tanquam ætate nondum valido liberam potestatem imperij non indulgeret; indignabundo adulescenti causam mortis fuisse dixisse. Augustinus in libro V de Ciuitate Dei dubitat, utrûmne is per insidias; an quo alio pacto vel casu fuerit extinctus. Interfectus est Valentinianus Idibus Maij, Arcadio Aug. II & Rufino Coss. antequam baptizaretur, vicesimo ætatis; sextodecimo imperij anno expleto: <sup>ccc. xcii.</sup> adolescens Principatu dignus; Regiis corporis, animique virtutibus præditus; atque si ad virilem ætatem peruenisset, patrem iustitiâ superaturus. cuius cædem omnes dissimulauere: quòd Arbogastem, virum ob contemptum pecuniæ fortitudinẽque multis bellis expertam militibus acceptissimum, & magnâ auctoritate subnixum metuebant. Fuerat inter coniurationis participes Eugenius quidam Magister scrinij, antè Grammaticæ Latinæ professione celebris; nomine magis quàm re & studio Christianus: quem à Ricomere sibi commendatum ac traditum Arbogastes in amicorum numero habebat. Hunc aut propter genus diffusus sibi ipse, (sicuti ait Philostorgius) aut vt affectati Principatus suspicione careret: Imperatorem appellandum curauit, Imperium Occidentis, Eugeniumque resturus.

Eodem anno quo Valentinianus perierat; (vt Alexander scribit) hoc est Arcadio Aug. II & Rufino Coss. Arbogastes, qui Sunnonem & Marcomerem Reges Francorum gentilibus odiis prosequabatur; <sup>ccc. xcii.</sup> *Coloniã Agrippinã rigentẽ maximè hieme petiit: ratus tunc omnes Francia recessus penetrandos vrendosque, cum decussis arborum folijs nuda atque arentes silua insidiantes occulere non possent. Collecto ergo exercitu, transgressus Renum Bructeros ripæ proximos; pagum etiam, quem Chama- ni incolunt, depopulatus est: nullo usquam occurrente: nisi quòd pauci ex Amsinariis & Chattiis, Marco-*

*mere duce, in ulterioribus collium iugis apparuere. Animaduerto Arbogastem alias præterea in Francos expeditiones fecisse. Paulinus enim in libro de vita Ambrosij scribit cum aduersus gentem suam; hoc est Francos, bellum gessisse, atque non paruum multitudinem manu fudisse, cum reliquis verò pacem iniisse: quærentibusque Francorum Regibus (nimirum Marcomeri & Sunnoni) quos ad cenam inuitauerat, an Ambrosium Episcopum nosset; ab eo se homine diligi, & frequenter cum eodem conuiuari solere respondisse. tum Reges dixisse: meritò te Arbogaste felicem ferunt, quoniam Ambrosium victoriarum conciliatorem inuenisti, cuius iussu solis ipsius cursus sisti potest. Addit Aimoinus in libro de vita Ambrosij referri Arbogastem primò acie victum ab Francis fugisse: deinde conuinicto iterum proelio ingentem hostium multitudinem parua manu fudisse, & cum reliquis pacem fecisse. Quæ Nicolaus Vignerus falsò existimat tum gesta esse; cum Eugenius susceptâ expeditione *Reni limitem petiit, ut* (quemadmodum tradit Sulpicius Alexander) *cum Alamannorum & Francorum Regibus antiquis fœderibus ex more initis, immensum eâ tempestate exercitum gentibus feris ostentaret.* Ab Arbogaste enim bellum cum Francis variâ fortunâ gestum, & postea æquis conditionibus est compositum. ab Eugenio verò cum his, & cum Alamannis iuncta sunt fœdera: sicut Imperatoribus Romanis initio principatus facere mos erat. quæ in vnam eamdemque expeditionem nullo modo conueniunt.*

Allato nuntio de cæde Valentianiani, Theodosius non mediocriter est conturbatus. dolebat affinem & confortem potestatis, magnâ spe; ætate integrâ; nefariè occisum. & ut Eugenium hominem nouum atque imbellem, Imperatorem factum esse indignabatur: ita Arbogastem propter scientiam rei militaris auctoritatemque & fortitudinem audaciæ coniunctam maximè metuebat. Accedebat ad mærorem Gallæ coniugis luctus orantis, ut fratris mortem vlcisceretur: nèu sorores suas, Iustam & Gratham, deuotas Deo virgines in hostium potestate & in periculo iniuriæ esse sineret. bellum itaque



summa ope parare constituit. & quòd pacem cum finitimis gentibus fecerat ; Duces ac exercitus è limitibus euocat. auxilia ex Armenia maiore, Colchide, & Iberia accersit. Gildonem etiam Comitem magnæ in Africa auctoritatis ac potentiz sollicitat: qui tutò fortunam speculari, & neutrarum esse partium maluit, quàm cum periculo Theodosio contra Eugenium auxilia mittere. Auctor est Rufinus Sacerdotes de pace legatos ab Eugenio venisse ad Theodosium: & immunem sceleris, si quod in morte Valentiniani inesset, Arbogastem testatos esse. Theodosium autem cum Clericis, & populo omnes Ecclesias circuiuisse: ante Apostolorum & Martyrum reliquias cilicio inuolutum prostratúmque humi iacuisse: per quos auxilium se à Deo impetraturum confidebat, non tam armis & excubiis; quàm precibus ieiuniis ac peruigiliis fretus. Dum milites vndique conueniunt; reuertit ex Thebaide Eutropius Præpositus cubiculi, vbi Ioannem Lycopoliten, Monachum diuino afflatu res futuras prædicentem, de euentu belli consuluerat: & responsum refert Theodosium superiorem fore; multorum tamen morte vltoriam constaturam. quo ille velut oraculo maximè est confirmatus: & tertio Consulatu Flauium Honorium minorem filium patruo cognominem, nonum annum agentem (nam Arcadio diadema pridem imposuerat) IV Idus Ianuarij in Tribunali Hebdomi de sententia militum Augustum nuncupauit: atque anno insequenti, Arcadio III & Honorio II Coss. ccc.  
xciii. profectus est Constantinopoli, vires Orientis & amplius vicena millia Gothorum foederatorum secum ducens: cui per Daciam mediterraneam & superiorem Mœsiam iter facienti magna manus Hunnorum & Alanorum circa sinistram ripam Danubij colentium vltro seiunxit. inde per Pannonias, & agrum Noricum in Italiam contendit.

At Arbogastes quas sibi sumserat Imperatorias partes strenuè & prudenter implebat. nam innumerabiles copias ex Cisalpinis provinciis, Italiæque coegerat: & ne Gallia incursionibus vastaretur, depositis odiis cum Francorum Alamannorúmque Regibus foedus inierat:

ac pro communi patria magna à Francis auxilia impetraverat: néve in Maximi erratum incideret, qui sparsis incauté manibus faciliorem Theodosio de se victoriam dederat; in vestibulo Italiæ castris positis hostem opperiebatur, de Imperio totis viribus pugnaturus. Italiam à Septemtrionibus claudunt Alpes Iuliæ, interruptis tantum angusto transitu celsissimis iugis. has fauces, quæ maximè in artum coeunt, Arbogastes munitionibus firmaverat, & sub radicibus montium ita confederat, ut omnem ferè planitiem eius copiæ complerent. Quas ad angustias ut Theodosius deimproviso peruenit; muro ac turribus, quibus aditum Arbogastes intercluserat repente concidentibus; præsidium loco deiecit, patefactoque itinere editum collem castris occupavit. Inde cum auxilia Gothorum, Gaina & Saule ducibus, in campum descendissent; sub eius oculis acris pugna commissa est: cuius hic euentus fuit, ut Gothorum decem millia caderent; reliqui undique pressi, ac pæne circumventi vix noctis beneficio recipiendi sui facultatem haberent. Anxius itaque Theodosius quid optimum factu videretur ad consilium retulit. Negabant Timasius & Stilico Imperatoris amicorum primi, ceterisque Duces militibus timore perturbatis quidquam committi oportere: secundo proelio hostes sublatos, & ad pugnandum alacriores factos: tantæ multitudini paucitatem suorum opponendam non esse dicebant. redeundum igitur retro quæ venerant, reparatisque copiis veris initio bellum renouandum. Non tenuit iram Imperator, sed graviter castigatis consilij auctoribus, quod turpissimam & periculossimam fugam reditus nomine prætexerent; ac Christi Crucem imagine Herculis infirmiore existimarent; in secretum concessit: precatúsque Deum, ut meliori causæ faueret; circa galli cantum præ ægritudine somno est consopitus. Tum secundum quietem visi equites duo albat iusserunt cum primâ luce exercitum aduersus Eugenium educere, Ioannem se ac Philippum professi, & operam victoriæque polliciti. Lætus Imperator manè pro concione nocturnum visum exposuit, ac velut Iudas Maccabæus de proelii euentu secu-

rus, milites cohortatus est; vti duces cælo missos impigrè sequerentur: neu plus in armatorum numero, quam in eorum antesignanorum viribus reponderent. Magnum habet momentum religio humanis mentibus iniecta. Theodosiani, qui paullo antè aduerso proelio infracti pauore marcebant; tum repentè mutati alacritatem vultu verbisque præferebant: Augustum, vt confestim duceret, orabant: suarum esse partium Deum; cælites habere se auxilios vniuersi credebant. nec moratus impetum Theodosius, signo Crucis dato, cum suis ex summo monte decurrit, & in hostem ire contendit. Arbogastes descendentes procul conspicatus, primò fidentè oculorum damnabat. vnde enim tantum audaciæ victis accessisse? mox exemptâ dubitatione aciem instruxit. alloquensque milites Eugenius admonuit adesse optatum votis laborum finem: hostes incompósitos, lymphatis similes cæco timore in perniciem incurrere: ipsis cum mollibus Græculis; cum imbellibus Asiaticis; cum Syris luxuriâ effeminatis rem fore. Irent fortes; irent felices; tenues fusi pridie exercitus reliquias delerent; præmia certæ plenæque victoriæ consecuturi. Neutris cohortatione opus erat: hos ira incitabat; illos confirmabat fiducia. Alpes Iulias transgressis, & Aquileiam petentibus aperit se spatiosa planities, sub radicibus montium iacens: per quam delapsus ex Alpibus fluuius Frigidus fertur non longiùs à supradicta vrbe millibus passuum sex & triginta. hîc acies dimicauere. Ac primum cum propter locorum angustias & impedimentâ calorum agmen suum paullo tardiùs in aciem descendere, & incitari Eugenianos eâ morâ animaduertèret, desiluit equo Theodosius, & ante aciem progrediens exclamauit, vbi est Theodosij Deus? quo dicto suos omnes excitauit. Hunc igitur ante signa cum paucis procurrentem Arbetio Comes Eugenij insidiis excepit: moxque conuersus ad reuerentiam Imperatoris (vt ait Orosius) non modò eum periculo liberauit; sed etiam auxilio instruxit: tum summis copiis vtrimque cœptum contendere, & variâ fortunâ pugnatum. Dextrum Theodosianorum cornu cum sinistro Eugenianorum æquo Marte certabat: at Gothi,

ceterique Barbari, qui in læuo cornu erant collocati, compluribus suorum occisis ægrè hostium impetum sustinebant: & iam terga daturi videbantur, nì Bacurius rector Domesticorum primis ordinibus comitatus laborantibus opem tulisset, præliumque fortiter restituisset. Et si neutra inclinata erat acies; apparebat tamen futurum, vti Theodosiani numero ac virtute aduersariorum, vel sola diuturnitate pugnæ defatigati vincerentur. Cùm subitò è summis Alpibus frigidus & vehemens Aquilo (qualis antea numquam flauerat) aduersus Eugenianos coortus magnam singulis ac vniuersis intulit cladem. alij abreptis scutis aut reiectis nudari: alij applicitis impediri: pars illis obuerberari: plerisque densus puluis in ora volutus prospectum adimere, & buccam implendo spiritum intercludere. non ordines seruandi, firmiter consistendi, vulnera inferendi aut vitandi potestas dari. vires perpaucis, animi præsentia nemini adesse. quæ coniecerant tela, turbo contrarius miris modis circumacta in ipsos retorquebat; vel innoxia aliò deflectebat: Theodosianorum autem hastas sagittasque ultra spatium humanis viribus concessum longè deferrebat, nullum vt eorum iaculum irritum caderet. Eugeniani conferti procumbebant: occæcati puluere, venti perculsi, toto corpore inutiles & illigati ab integris & expeditis more pecudum trucidabantur. Fluvius Frigidus coaceruatorum cadauerum sanguine redundabat, coloremque & frigus amiserat. Cùm magnus Eugenianorum numerus esset occisus; reliqui tandem Deo cedendum esse intellexerunt: atque armis abiectis à Theodosio Aug. vt ipsis ignosceret supplices petiere: quos Imperator pro sua clementia omnes concessit: ex hisque nonnullos ad Eugenium comprehendendum misit. quos cùm Eugenius in aggere confidens cursu ad se tendentes ac anhelantes videret; victoriæ nuntios ratus interrogauit, an quemadmodum præcepisset, Theodosium viuum & vinctum perducerent. illi autem non, inquit, Theodosium ad te captiuum adducimus: sed (sicut Deo visum est) te ad Theodosium victorem adducturi venimus. confestimque hominem de-

detractum è folio , ablatis insignibus imperatoriis , religatis manibus ad Theodosium deducunt. cui postquam Theodosius Valentiniani nefariam cædem , tyrannidem scelere quæsitam , atque imaginem Herculis impiè agminibus prælatam obiecit , ac bellum ciuile imputauit : demississimè vitam precanti ante pedes eius caput præcisum est. Arbogastes ( vt loquitur Rufinus ) *aduerso Deo nequidquam fortiter faciens* ; vbi desertum se à suis vidit , profugit ex prælio : desperatisque rebus , duobus semetipse gladiis transuerberauit. multi præterea clarissimi viri in acie ceciderunt. Flauianus omnibus honoribus functus , qui Haruspicinà & obseruatione siderum deceptus victoriam Eugenio prædixerat : antequam pugna committeretur , in Alpium faucibus , quas valido præsidio tuebatur , est interfectus.

Theodoritus in libro V ac Nicephorus Callistus in libro XII ita , vt suprâ diximus , biduo bis pugnatum scribunt. At Socrates in libro V & Hermias Sozomenus in libro VII memoriæ tradunt cùm se acies Theodosiana in planitiem demississet ; ibique dubio Marte prælium committeretur : partem exercitus Eugenij in summo monte confidentem à tergo apparuisse. ac Theodosium veritum , ne sui pauci à multis , defessi à recentibus circumuenti interficerentur ; Ducibus copiarum in monte consistentium datâ , sicut petierant , fide augendæ dignitatis eam manum ex insperato sibi iunxisse. Interea in campo permagnum Barbarorum Theodosij auxilium numerum esse occisum. Itaque Imperatorem proiectis armis fusum humi maximo fletu Deum implorauisse : ac subito Bacurium Regalem Iberorum , pietate & virtute animi corporisque præstantem subsidio laborantibus venisse : factâque impressione Eugenianos , qui paullo antè aduersariis pulsus vehementer instabant , in fugam conuertisse : atque magnam illam vim venti coortam esse. Turanius Rufinus quoque , quem Socrates Scholasticus & Hermias Sozomenus non secuti sunt modò , sed ferè totum transtulerunt ; in lib. XI prodit , collocatis in superiore iugo insidiis , Eugenianos in descensu montis aciem instruxisse : & vbi ad primos ventum est , atque

hi se illico Theodosio tradiderunt; in imis vallibus prælium atrox initum esse: fusâque auxilia Barbarorum terga dedisse. tum Theodosium, ut auersos suos vidit, pro salute periclitantium Deum precatum esse: ac mox Theodosianis animum virtutemque rediisse: Bacuriumque ingenti strage agmina hostium conferta & constipata perrupisse: & vehementem ventum in eorumdem exitium consensisse. Zosimus Christianæ religioni & Theodosio infensus, ne piissimum Principem beneficio Dei ex aduersariis victoriam tulisse fateretur, mentiri maluit: ac nullâ cum huiusce venti, tum precationis mentione factâ in libro IV scripsit, cum auxilia Theodosij magnâ cæde prostrata fuissent; postridie Eugenianos securos temulentos ac semisomnos deimproviso oppressos, fusos, fugatosque esse: Eugenium in fuga captum: cuius capite amputato & per castra circumlato, ac veniâ promissâ, vniuersi se Theodosio dediderint. Arbogastem verò in montes asperos ex fuga se recepisse: cumque dimissis à Theodosio in omnes partes militibus ad mortem conquireretur, ludibria arbitriumque hostium sua manu occupauisse. Adiciere ex Philostorgio licet pugnatum acerrimè, & multos utrimque desideratos. etsi enim Auctor libri de vita & moribus Imperatorum Rom. & Iordanes in libro de successionem Regnorum produnt Eugenium tyrannum, & Arbogastem ab Theodosio superatos prælio esse, ex eorum exercitu deletis armatorum millibus decem: tamen eadem eorum millium cædes Gothis Fœderatis magis conuenit, quorum decem millia à Theodosio præmissa Magister militum Arbogastes apud Orosium & Paullum dicitur interfecisse. at ex parte Eugenij non paruum numerum fusam esse, sicut ait Orosius; sed ingentem hominum multitudinem cecidisse Claudianus præter ceteros ostendit his versibus.

*Alpina rubuere niues: & Frigidus amnis  
Mutatis sumauit aquis; turbâque cadentum  
Staret, nî rapidus inuisset flumina sanguis.  
Crescunt intumulum strages: vallémque profundam  
Equauere iugis: stagnant immersa cruore*

*Corpora. turbantur permisso funere manes.*

Victus est Eugenius VIII Idus Septembres Arcadio III & Honorio II in Oriente; in Occidente Flauiano & Arbogaste (vt existimo) Consulibus; post Valentiniani cædem annis II & mensibus ferè IV. & summa Imperij ante annos XXX ab Valentiniano maiore diuisi ad Theodosium peruenit. Ceterùm tam memorabilem felicemque victoriam Theodosius pietati suæ religiosisque precibus magis quàm armis debuit: vti Paullinum Aquitanum in Panegyrico quodam scripsisse ait Gennadius. Quare Claudianus versibus notissimis, & ab Augustino ac Orosio citatis testatur ætherem Theodosio militauisse, & coniuratos ventos ad classicum venisse. Et Augustinus in libro V de Ciuitate Dei Theodosium *contra robustissimum Eugenij exercitum magis orando, quàm feriendo pugnauisse* affirmat. atque apud Prosperum Tironem in Chronico *aperto Dei fauore conspirantibus elementis* Eugenius dicitur esse superatus.

Non diu Theodosio licuit bello confecto lætari, ac fructum laboris sui percipere. Nam Mediolani aquam intercutem nactus, cùm manè ludis Circensibus victoriam celebrauisset; post prandium subito ingrauescente morbo spectaculo interesse non potuit: etque Honorium filium, quem ex Thracia acciuerat, præsidere iussit: ac proximâ nocte decessit XVI Kalendas Februarias, Olybrio & Probino Coss. anno ætatis XLVIII; imperij sextodecimo exeunte: Arbogasti non longiùs IV mensibus ac vndecim diebus superstes: duobusque filiis ex priore coniuge Ælia Flaccilla Aug. genitis Flauio Arcadio puero annorum circa XV II partes Orientis; Fl. Honorio annum vndecimum agenti Imperium Occidentis recens armis quæsitum reliquit. qui eodem anno lege data XI Kalendas Maij Mediolani, quam libro XV Codicis Theodosiani insertam legimus; Eugenij acta infirmauerunt: cuiusque, & Arbogastis, ac Nicomachi Flauiani *funestorum* (ita enim appellant) *Consulatus* nomina ex Fastis eradi iusserunt. Ex his colligi potest, quàm falsò Prosper, & Prosperum secutus Cassiodorus Senator affirmant Olybrio & Probino fratribus Coss. Eugenium

ccc.  
xciv.

viſtum eſſe, & Theodoſium morbo interiſſe. cùm non modò Hydatius ac Marcellinus, ſed etiam vetuſtiores Proſpero Claudianus & Socrates; alter ſecundo Conſulatu Honorij Aug. alter V III Idus Septembris Arcadio III & Honorio II Coſſ. Eugenium à Theodoſio pulſum acie & occiſum eſſe memoriæ tradant.

Hocce prælium, præter quinque ſupradictos Hiſtoriæ Eccleſiaſticæ auctores, deſcribunt Ambroſius in laudatione funebri Theodoſij, Claudianus, Aurelius Auguſtinus, Magnus Oroſius in libro VII, & Zoſimus in lib. IV à ceteris omnibus conſuetudine ſua diſſentiens. Apud Oroſium quidem (cuius verba Marcellinus in Chronicum ſuum, & Paullus Langobardus in librum XIII Hiſtoriæ Miſcellæ tranſtulere) dicitur Arbogaſtes Valentiniano interfecto *mox Imperatorem creaviſſe Eugenium: eligens hominem, cui titulum Imperatoris imponeret; ipſe geſturus atque ſibi vindicaturus Imperium: ac contraxiſſe undique innumeras & inuiſtas copias partim ex Romanorum præſidiis; partim ex auxiliis Barbarorum; apud hos poteſtate (hoc eſt Magiſterio militum) apud illos cognatione ſubnixus: & aduerſus Theodoſium collectis Gallorum, Francorumque viribus exundaviſſe.* Gallos, & Francos Oroſius appellat, quos ſuprà cognatos, id eſt populares Arbogaſtis, item *Barbaros; ac Romanos.* Quod autem ait Eugenium ab Arbogaſte Imperatorem factum; Claudiani, Oroſij, Proſperi, atque Zoſimi auctoritate nititur: adeoque verum eſt, vt qui parciùs vel negligentiùs ea de re loquuntur Hiſtorici, ſcilicet Auctor libri de vita Imperatorum, Socrates, Marcellinus, ac Nicephorus Calliſtus; nihilominùs Eugenium *Arbogaſtis fauore & viribus conſiſſum; ſive adiutore Arbogaſte Imperium uſurpauiſſe* ſcribant. quem ego virum tanto maiore admiratione dignum iudico, quanto glorioſius eſt Imperium, cùm occupare poſſis, ſatiſcere, & dare alij malle. Quamquam videtur Arbogaſtes (ſicuti prodit Oroſius) Eugenium ignobilem & imbellem homunculum ex induſtria delegiſſe, vt inane nomen perſonæve Principis ferenti ipſe imperaret: & penes eum umbra Imperij; corpus penes ſe atque vires forent. Certè Eugenium,



quem Christianum fuisse Ambrosius ac Paullinus aiunt, Philostorgius Socratis æqualis negat; Zosimus quidem amicum Arbogastis vocat: at Claudianus humillimum abiectissimumque eius clientem, atque etiam famulum, seu in rebus omnibus morigerum; Arbogastem verò *Barbarum, & Germanum exsulem*, hoc est Francum domo expulsam appellat his versibus.

*Interea turbata fides. ciuilia rursus  
Bella tonant, dubiumque quatit discordia mundum.  
Proh crimen Superum! longi proh dedecus aui!  
Barbarus Hesperias exsul possederat vrbes:  
Sceptraque desecto dederat Romana clienti.*

Idem in eodem Panegyrico de III Consulatu Honorij Aug. ita de morte Arbogastis refert:

*At ferus inuentor scelerum traiecerat altum  
Non vno mucrone latus: duplexque sepebat  
Ensis: & vtrices in se conuerterat iras  
Tandem iusta manus.*

Et alio loco de Maximi, & Eugenij; deque Andragathij & Arbogastis, qui eorum Comites & Magistri militum fuerunt, exitu sic loquitur.

*Per varium gemini scelus erupere Tyranni  
Tractibus Occiduis. hunc sana Britannia fudit:  
Hunc sibi Germanus famulum delegerat exsul:  
Ausus uterque nefas; Domini respersus uterque  
Infantis iugulo.  
Hic noua moliri praeceps; hic querere tuta  
Prouidus; hic suscipis; collectis viribus ille;  
Hic vagus excurrens; hic intra claustra reductus;  
Dissimiles, sed morte pares: euadere neutri  
Dedecus, aut missis licuit procumbere telis.  
Amisâ specie, raptisque insignibus ambo,  
Qui modo tam densas nutu mouere cohortes;  
In quos iam dubius sese libauerat orbis;  
In vultus rediere suos: manibusque reuinctis  
Oblati gladiis summittunt colla paratis.  
Amborum periere Duces. Hic sponte carina  
Decidit in fluctus: illum suus abstulit ensis.  
Hunc Alpes, hunc pontus habet.*

Apud eundem Claudianum Honorius puer, de sententia exercitus factus Imperator, Theodosiū patrem rogat, vt cum eo sibi liceat ad bellum Eugenianum proficisci.

*Sed cur non potius, verbis quæ differis, vsu  
Exterior? gelidas certè nunc tendis in Alpes.*

*Duc tecum comitem: figant sine nostra Tyrannum  
Spicula: palleſcat nostro sine Barbarus arcu.*

*Italiæne feram furiis prædonis acerbi*

*Subiectam? patiar Romam seruire clienti?*

CCC.  
XCV.

Olybrio & Probino Coss. sub finem anni Rufinus natione Aquitanus, natus Elusæ in Nouempopulis, quem Theodosius Magistrum Officiorum & Consulem fecerat, ac tutorem Arcadio moriens instituerat, periit: vir strenuus; prudentia; altitudine ingenij; magnitudine corporis; extemporali sermonis facilitate excellens; sed avarus & rapax: quem Patricium & Præfectum Prætorij Stilico vtriusque Imperatoris tutelam sibi vindicans, in Tribunali Hebdomi per milites Orientales post victum Eugenium domum remissos interficiendum curauit, affectati Imperij falsò suspectum: quippe Alaricum Gothorum Regem pecuniâ sollicitatum in Græciam; Hunnos in Armeniam & Cappadociam immiserat non ob aliud, quàm vt contra Stiliconis insidias eorum præsidio muniretur. insequenti anno Rufini vxor, & filia in exsilium missæ sunt.

CCCL.  
XXXII.

Per hæc tempora in Francis Regnum obtinebant Marcomeres & Sunno, forsitan Priami eius, quem Tiro Prosper quarto imperij Theodosij anno in Francia re-gnauisse scribit, filij. Certè in libro de vita Sigeberti posterioris Francorum Regis reperio Priamum patrem Marcomeris, auum Faramundi, Clodionis proauum, abauum Merouei Alanos vicisse: & ab Imperatore Valentiniano victum acie atque occisum esse. Vetus quoque Historicus, qui res gestas Merouingorū Regum scripsit; Abbâsque Monasterij Vrspergensis Conradus Marcomerem Priami filiū, & Sunnonem Antenore quodam natum principatu Valentiniani Priamo successisse dicunt. & Rorico Monachus Marcomerem Priamo genitum ait. Denique Priamum imperante Valentiniano ma-

iore in Francia regnâsse auctor est Sigibertus: affirmâtque quosdam eum à Valentiniani exercitu prælio fûsum & occisum scribere. ipse anno v post Valentis Aug. mortem obiisse credit, eodémque anno Marcomerem Priami filium, ac Sunnonem Principatum in Francia obtinere cœpisse. Neque hoc Priami nomen, quodd Græcum est, & originem Francorum ad Troianos referendi materiam multis scriptoribus præbuit: ob eam rem videri debet viro Germano minimè conuenire. cùm (vt de ceteris sileam) è tribus Alamannorum Regibus vnū Serapionem; alios duos Vrsicinū, & Macrianum; & Quadorum Regulum Gabinium Ammianus Marcellinus nominibus Aegyptiis & Latinis appelleret. Si autem verum est, quod Tiro Prosper dicit: apparet Priamū à priore Valentiniano occidi non potuisse, qui anno septimo post eius mortem, quarto imperij Theodosij in Francia regnare occœperit: eundémque, ac Mallobaudem vno tempore Franciæ imperium obtinuisse. quem Mallobaudem (sicuti suprascripsimus) Gratianus Aug. Comitem, ac bellorum commilitonem per annos ampliùs VI habuit: & cuius ductu Macrianus atque Priarius potentissimi Reges Alamannorum acie victi sunt & interfecti. Quo magis miror à Prospero Priami quidem pæne ignoti viri mentionem fieri: Mallobaudem verò, Genobaudem, Marcomerem, ac Sunnonem nobilissimos Reges Franciæ præteriri. quippe nullum Regem Prosper Priamo, & Faramundo medium interponit: sed hunc anno IV Imperatoris Theodosij; illum Honorij sexto & vicefimo regnare cœpisse affirmat: vt Priamo, quicumque est, vnde quadraginta annos attribuere videatur: cùm is, si IV imperij Theodosij anno Regni potiri occœperit, vix sexennium complere potuerit. Nam dum Maximus Aquileiæ amisâ spe Principatus amens & attonitus sedet; siue Theodosio Aug. iterum & Cynegio Coss. anno decimo post exortū Theodosij, Francos Genobaude, Marcomere, & Sunnone ducibus in Germaniam prorupisse auctor est Sulpicius Alexander: quem cùm nequaquam intelligeret Gregorius, & apud eundem scriptorem legisset, Arbogaste Francorum agros depopulante;

cccc:  
xxxviii.

*paucos ex Amsuariis & Catts Marcomere duce in vltioribus collium iugis apparuisse* : haud dubitauit affirmare Francis Duces, non Reges eâ tempestate fuisse. hocque non solum veteribus nostris Historicis Fredegario, Aimoino, Roriconi, Adoni, Sigeberto, ac Iuoni; sed etiam Nicolao Vignerio, aliisque recentibus nimis credulis auctoritate sua persuasit. tanta omnium vel securitas, vel linguæ Latinæ ignorantia fuit, vt quod cuiusquam ductu gestum sit; id eo duce actum esse Latine dici nescierint: non minùs ridiculi, quàm qui Iunonem apud Virgilium ita de se loquentem

*Me duce Dardanius Spartam expugnauit adulter?*

Ducem appellandam diceret, Reginam negaret. Scilicet Atech; Genobaudes, Mamertino Genoboudes dictus; Ascaricus; Regaifus; Nebiogastes, vel Nebigastes; atque Mallobaudes Reges Francorum fuerunt! Genobaudes minor, Marcomeres, & Sunno non fuerunt! quos posteriores duos Sulpicius Alexander ipse, & Paulinus in libro de vita Ambrosij, ac Claudianus Reges nuncupant. Quid quòd & Reges, quorum cum apud ceteras nationes; tum maximè apud Francos, gentem liberam atque bellicosam, præcipuè partes semper fuerit, vt exercitus ducerent; auctores Latini Ducum nomine sæpe vocauerunt? Sic Titus Liuius in lib. XLV Solouettium & Ducem Gallorum, & Regulum Gallorum appellat. Publius Virgilius Maro Turnum modò Ducatorem; modò Regem Rutulum nuncupat. Sed hoc clariùs ac certius est, quàm vt indicari egeat aut probari. Neque est, quòd tantopere sudet Gregorius, dubitèque Reges; an regiam vicem functi fuerint Marcomeres, & Sunno: quoniam ambos idem Sulpicius Alexander Francorum Regales, ac Subregulos Francorum vocet. licet enim Regales propriè dicerentur Regum filij, atque propinqui, qui Regibus quidem auctoritate & potentiâ inferiores essent; sed Subregulis, ac nonnumquam etiam minoribus Regalibus imperarent: tamen ex superioribus satis apparet Alexandrum licentiùs verbis abusum Regales, & Subregulos pro Regibus dixisse.

Vt

Ut autem cuius filij; ita & cuius successores fuerint Genobaudes, Marcomeres, & Sunno, (nam saltem Marcomerem, & Sunnonem fratres fuisse infra docebimus) inter auctores non constat. Aimoinus Francioni cui-dam fabulis memorato; Nicolaus Vignerus Mallôbau-di; alij scriptores Priamo eos successisse tradunt. Regna-re in Francia cœpere paullo ante alterum Theodosij Consulatam: quo anno Clementis Maximi bello civili pressa absentia inuitati, transito Reno, Galliam incursio-nibus vastauere: ac transgressos in Franciam Romanos fudere & fugatiere: cui expeditioni non diu superfuisse videtur Genobaudes, à Sulpicio Genobaldus; à Frede-gario Aimoinoque Genebaudus dictus. quoniam Sul-picius Alexander nullam deinde eius; sed Marcomeris tantum ac Sunnonis mentionem facit; Genobaudem Marcomeri, Marcomerem Sunnoni præponens. ex quo intelligitur ut Genobaudem maximum ex fratribus; ita Sunnonem minimum natu fuisse. Idem Auctor apud Gregorium scribit Marcomerem & Sunnonem, ob actas ex provincia Germanja prædas, Timasio & Promoto Coss. euocatos ab Imperatore Valentiniano in collo-quium venisse: datisque ex more obsidibus domum re-diisse: ac Arcadio Aug. II & Rufino Coss. sub finem an-ni, Arbogaste agrum Bructerorum ripæ Reni prox-i-mum, & pagum Chamauorum populante; paucos Am-siuarios, & Cattos Marcomere duce in vltioribus col-libus apparuisse: belloque variâ fortunâ gesto pacem factam; & postea Valentiniano interfecto ab Eugenio antiqua fœdera cum Francorû Regibus, id est cum Mar-comere & Sunnone inita esse. Hoc loco animaduerto Arbogastem Postumi, Lolliani, Probi, Maximiani, Con-stantij maioris, Constantini, Crispi Cæs. Iuliani, Valenti-niani, & Quintini Magistri militum exempla securum in Franciâ transiisse: in qua præter homines & pecora nihil erat, quod capi posset; præter casas nihil, quod miles incenderet. atque post id tempus attritis Imperij viri-bus neminem Romanum vnumquam cum exercitu fines Francorum ingrediausum esse. præterea Marcomerem Faramundi patrem in Bructeris, Chamauis, Amsiuariis, & Cattis Regnum obtinuisse. quippe ille, nisi his populis

præfuiſſet, priores duos defendere non debuit; poſteriores duos milites habere non potuit. Erant autem Amſuarij, vei Bruſteri, Chamaul, & Catti; Franciæ gens, quos Caius Cornelius Taciſtus in libro XIII Annalium Amſibarios; Iulius Honorius Orator in libello de Coſmographia, ac Iſidorus Amſuaros, & Amſibaros appellant: & quos quidam apud Anſimianum Marcellinum Attuarios dici falſò affirmant: cùm Attuarij Franci quidem & ipſi, Renòque coniuncti, & antedictæ trigæ populorum finitimi, ab Strabone Chattuarij, Attuari à Velſcio; à Tacito & Ptolemæo Chaſuari; & in Annalibus rerum geſtarum Caroli Ducis Hattuarij, atque Hazzoarij vocentur.

Ceterùm notandum eſt veterem Auſtorem Hiſtoriæ Franciæ, Roriconem Monachũ, Adonem Viennenſium Episcopum, Sigibertum, Iuonem, multòſque alios, cùm apud Gregorium legiſſent *Genobaude Marcomere & Sunnone ducibus Francos in Germaniam irrupiſſe*, ex eaque prædas egiſſe; deceptos nomine Germaniæ tradidiſſe Francos relictâ Pannoniâ Marcomeriſ & Sunnonis ductu in Germaniam commigrauiſſe: & loca circum extremas partes Reni, ſeu circa oſtium fluminis occupaiſſe. Ut appareat ab iſſdem Sulpicij Alexandri verbis non intellectis & hunc recentiorum ſcriptorum, & ſupradictum Gregorij errorem ortum eſſe. Miror verò, quòd Marcomerem, & Sunnonem (priorem noſtri Marcomirum; poſteriore Sonnonem, ac Somnonem appellant) ſex & triginta annos regnaiſſe Sigibertus prodatur. nam ambo paullo ante alterum Theodoſij Aug. Conſulatum Regni potiti, ſub initia principatus Honorij ante Stiliconem Conſulem perierunt. Certè Claudianus, Poëta æqualis huius temporis in libro 1 de laudibus Stiliconis ſcribit Marcomerem & Sunnonem fratres, non ſanguine & Regni ſocietate quàm morum ſimilitudine coniunctiores, quoniam inquieti & otij impatientes fœdus cum Honorio iſtum frangere volebant; miſerabilem exitum feciſſe. eorum enim alterum, id eſt (ut aliqui arbitrantur) Marcomerem à ſuis vel auro corruptis, vel bellum perôſis viuum Flauio Honorio traditum eſſe: quem Imperator in carcerem & vincla conie-

cccl.  
xxxviii.

cccc.

cerit, atque cognitâ causâ in Etruriam relegauerit. alterum, fratris se exsilium ac iniuriam ulturum minitantem, Principum Maiorumque coniuratione esse interfectum.

*Provincia missos*

*Expellet citius, fallax quàm Francia Reges,  
Quos dederis. acie non iam pulsare rebelles,  
Sed vinclis punire licet. sub iudice nostro  
Regia Romanus disquisit crimina carcer.  
Marcômer, Sonnoque docent: quorum alter Etruscum  
Pertulit exsilium: cùm se promitteret alter  
Exsulis ultorem, iacuit mucrone suorum.  
Res auidi concire nouas, odioque furentes  
Pacis, & ingenio scelerumque cupidine fratres.*

Quibus etiam versibus videtur indicare Claudianus in locum Marcomeris & Sunnonis Reges ab Honorio esse suffectos. Vnde in libro I in Eutropium tradit Honorium Aug. cùm ei Eutropius eunuchus ex Oriente Consul nuntiatus est; siue Consulatu Mallij Theodori cum Germaniæ gentibus fœdera iunxisse, aliis Reges imponen-<sup>ccc.  
xcix.</sup>tem, aliis obsides; aliis milites imperantem.

*Tum forte decorus*

*Cum Stilicone gener pacem implorantibus ultro  
Germanis responsa dabat: legesque Caycis  
Ardens, & flauis signabat iura Suenis.  
His tribuit Reges: his obside fœdera sancit  
Indictô: bellorum alios transscribit in usus:  
Militet ut nostris detonsa Sicambria signis.*

Deinde Romam cum Honorio sic loquentem fingit.

*Ante pedes humili Franco, tristisque Sueuo  
Perfruar, & nostrum video Germanice Renum.*

Sed ut hoc incertum est; ita maximè constat Flauium Stiliconem, Magistrum militum, paucis comitarum in Rætiam contendisse & flumen Renum pernaugasse; euocatis ad se Alamannorum, ac Francorum Regibus: qui contra Theodosium adiuti Arbogastis & Eugenij sibi conscij pro summo beneficio pacem acceperint, filiosque obsides dederint. cùm antea Imperatores Romanos tributarios haberent, nec nisi acceptâ pecuniâ incurfio-

nibus abfisterent. Sic Stiliconem perueniffe ad locum, ubi Renus duo in ora feſcindit: rebuſque ex ſententia confeſtis, poſt paucos die quam proſectus erat reuerſiſſe. Marcomeres autem, & Sunno etiam tum in Francia regnabant: qui paullo poſt (vt ſupradictum eſt) cum id foedus frangere vellent, indignum nobilitate ac virtute ſua exitum fecere. Ex quo intelligitur Faramundum Marcomeris filium præter ceteros oblidem Honorio datum eſſe. Hoc foedus initio principatus Honorij ex more initum, ſeu potiùs renouatum eſſe Olybrio & Probi-  
no Coſſ. priuſquam Stilico in Alaricum Gothorum Regem Macedoniam & Epirum depopulantem expeditionem faceret, & Theodoſianos ciuiliſ belli victores domos remitteret, docet Claudianus in Panegyrico Honorio IV Conſuli dicto, Honorium alloquens Stilicone ſubnixum.

CCO.  
XCV.

*Hunc tamen in primis populos lenire feroces,  
Et Renum pacare imbes. volat ille citatiſ  
Vectus equis; nullæque latus ſtipante cæterua,  
Aſpera nub. ſeras quæ Ratia porrigit Alpes,  
Pergit; & hoſtiles ( tanta eſt fiducia ) ripæ  
Incomitatus adit. totum properare per amnem  
Attonitos Reges humili cernice videres.  
Ante Ducem noſtrum ſlauam ſparſere Sicambri  
Caſariam: pauidoque orantes murmure Franci  
Procubuerunt ſolo. iuratur Honorius abſens,  
Imploratque tuum ſupplex Alemaniam nomen.  
Baſterna venere truces; venit accola ſilua  
Bructerus Hercynia; latifque paludibus exit  
Cimbrus; & ingentes Albim liquere Cheruſci.  
Accipit ille preces varias, tardeque rogatus  
Annuit, & magno pacem pro munere donat.  
Quod longis alij bellis potuere mereri,  
Hoc tibi dat Stiliconis iter. Poſt otia Galli  
Limitis hortariſ Graias fulcire ruinas.  
Ionium regitur velis.*

Hanc pacem operâ Stiliconis factam cum Germanis ac-  
colis Reni; hoc eſt cum Francis, & Alamannis, ac fortaſſe etiam pretio redemptam; velut felicem aliquam ex-



celsamque victoriam magnificentiùs inflatiùsque quàm  
verius carminibus celebrat idem Poëta in libro I de lau-  
dibus Stiliconis.

*Miramur rapidis hostem succumbere bellis,  
Cum solo terrore ruant? non classica Francis  
Intulimus: iacuerè tamèn. non Marte Suenos  
Contudimus, queis iura damus. quis credere possit?  
Ante tubam nobis audax Germania seruit.  
Cedant Druse ini; cedant Traiane labores.  
Vestra manus dubio quidquid discrimine gessit,  
Transcurrens egit Stilico: totidemque diebus  
Edomuit Renum, quot vos potuistis in annis.  
Quem ferro, ulloquii; quem vos cum milite, solus.  
Impiger à primo descendens fluminis ortu  
Ad bifidos tractus, & innecta paludibus ora  
Fulmineum perstrinxit iter. Ducis impetus undas  
Vincebat celeres: & pax à fonte profecta;  
Cum Reni crescebat aquis. Ingentia quondam  
Nomina, crinigero flauentes vertice Reges,  
Qui nec Principibus donis precibusque vocati  
Paruerant; iussi properant: segnique verentur  
Offendisse morà. transuerti lustribus amnem  
Occursant, ubicumque velis. nec fama fefellit  
Iustitia: videre piùm, videre fidelem:  
Quem veniens timuit; rediens Germanus amauit.  
Illi terribiles, quibus otia vendere semper  
Mos erat; & fœdâ requiem mercede pacisci:  
Natis obsidibus, pacem tam supplice vultu  
Captiuoque rogant, quàm si post terga reuincti  
Tarpeias pressis subeant ceruicibus arces.  
Omne, quod Oceanum fontèsque interiacet Istri,  
Vnius incursu tremuit: sine cade subactus  
Seruitio Boreas, exarmatique Triones.  
Tempore tam paruo tot prælia sanguine nullo  
Perficis; & Lunâ nuper nascente profectus  
Antè redis quàm plena fuit; Renumque minacem  
Cornibus infractis adeò mitescere cogis:  
Vt Salus iam rura colat, flexosque Sicambri  
In faucem curuent gladios, geminasque viat or*

*Cùm videat ripas, qua sit Romana requirat:  
 Vt iam trans fluuium non indignante Cayco  
 Pascat Belga pecus; mediũque ingressa per Albim  
 Gallica Francorum montes armenta pererrent.  
 Vltro quinetiam deuota mente tuentur,  
 Victoriq̃ fauent. quoties sociare catervas  
 Orauit, iungique tuis Alemania signis!  
 Nec doluit contemta tamen, spretoque recessit  
 Auxilio laudata fides. Prouincia missos  
 Expellet citius, fallax quàm Francia Reges,  
 Quos dederis.*

Quibus ex versibus apparet Claudianum aut studio adulandi, aut æstu quodam ingenij longiùs Breptum incredibilia narrare. Si enim Stilico nouâ Lunâ profectus, & à Mediolano ad diuortium Reni ampliùs I C millia-ria emensus ante plenilunium rediit: quâ festinatione intra tam breue temporis spatium, hoc est intra XIV cir-citer dies Principes Cheruscorum, & Cimbrorum ex interiore Germania; atque etiam Duces gentis Baster-narum seu potiùs Bastarnarum ex Sarmatia euocari, ne dicam in colloquium venire potuere? Quòd si quis di-cet earum nationum Regulos ad ripam Reni aduentura Stiliconis opperiri monitos esse, vt venienti celeriter oc-currerent: constabit ne sic quidem Bastarnas eò acciri debuisse, nisi fortè Bastarnæ Reno quàm Danubio pro-piores; aut Sarmatarum incursiones Galliz magis quàm Pannoniz Mœsizque metuendæ fuerunt. Præterea mi-ror Claudianum sperauisse cuiquam posse persuaderi pe-cora Belgarum non solùm vltra Renum propulsa in pa-bulum; sed etiam trans Amisium, & Visurgim, ac Al-bim ipsum, quod flumen à Reno millia passuum quadrin-genta abesse Velleius affirmat; pastum vñquam exacta esse. Quam ego mendam à librariis ortam, & ita corri-gendam arbitror.

*Vt iam trans fluuium, non indignante Cayco,  
 Pascat Belga pecus; mediũque ingressa per alueum  
 Gallica Francorum montes armenta pererrent.*

Vbi fluuium, mediũque alueum cùm dicit, Renum Poëta vult intelligi: & Caucos, seu Caycos, nationem

Germanam, gentibus Francorum annumerat. Sic Eumenius de laudibus Constantini Aug. dicit *greges Gallorum toto flumine bicorni* (id est Reno) *mersari* post Ascaricum & Regaifum Reges Francorum victos & captos.

Ob id fœdus, sicut antè dictum est, factum cum Francis & Alamannis; Claudianus Galliam indignantem querentemque nondum Consulatum præmium meritorum Stiliconi datum esse, fingit his versibus.

*Qui mihi Germanos solus, Francosque subegit,  
Cur nondum legitur fastus? cur pagina tantum  
Nescit adhuc nomen, quod iam numerare decebat?  
Vsq̃ue ad cœne leuis pacati gloria Reni?*

Honorio Aug. 1111 & Eurychiano Coss. aduersus Gildonem Maurum idolorum cultorem, sub specie partium Arcadij Africâ sibi vindicantem Mascizel eius frater, vir Christianus est missus: quocum se Francorum Imperatoris sociorum classem coniunxisse falsò affirmat Nicolaus Vignerius: quòd apud Claudianum Honorius, Gildoni hosti à Senatu iudicato bellum inferre paratis sic loquitur.

ccc.  
xcviii.

*Transmittere primus  
Ipse paro. quacumque uox gens Barbara nulu  
Stringitur, adueniat. Germania tota stratur  
Nausbus, & socia comitentur classe Sicambri.  
Pallida translatus iam sentiat Africa Rhenum.*

Quippe Claudianus ipse in lib. belli Gildonici, & Orosius in libro VII docent Mascizelem Pisis profectum Caralim venisse: inde secundo vento in Africam traiecisse: habuisse autem secum non plura quàm quinque militum millia; nimirum Iouianos, Herculianos, Sagittarios Nervios, Felices, Augusteos, Inuietos, & Leones: quæ tum nomina legionû erant. eaque manû Gildonem, filiorum suorum interfectorem, fretû armatis millibus LXX pæne sine pugna ac sine sanguine vicisse. Ut appareat exercitum, quem Imp. Honorius auctore Stilicone aduersus Gildonem misit, haudquaquam (sicuti credit Vignerius) ex Franciæ Germaniæque gentibus fuisse confectum. Gildone interfecto, & Africâ receptâ multi, qui partium eius adiutores fuerant, proscripti sunt: in his Mar-

charidas, nî fallor, cuius mentio fit in Codicis Theod. libri IX titulo XLII.

Quod verò suprà Claudianus ait Sicambros, quos quidam Græcos auctores secuti Sugambros, aut Sygambros appellant, sub signis Ducibûsque Romanis militauisse; hoc de Francis dictum esse facîle intelligi potest: quoniam ea tum gens agrum veterum Sicambrorum possidebat. & Notitia prouinciarum Imperij Romani, Honorij principatu scripta, Salios in partibus Orientis Auxiliis Palatinis annumerat: docetque Alam primam Francorum Apollonos; Cohortem XI Chamauorû Peamû; Cohortem VII Francorum Diospoli; Alam I Francorum Cuñnæ; & Alam octauam Flauiam Francorum Ripaltæ (quæ Thebaidis, Syriæ, & Mesopotamiæ loca erant) in præsidio fuisse. quæ Auxilia, Alas, & Cohortes Imperatores Constantinus Maximus & Constantius eius filius ex Francis cùm captiuis, tum dediticiis confecisse videntur, & in Orientem transtulisse. Eodem in libro in Occidente Francorum gentes Salij, Bruçteri, Amsuarij, ac Salij Gallicani inter Auxilia Palatina numerantur: ex quibus Salij seniores, Bruçteri, & Amsuarij in Galliis sub viro illustri Magistro equitum militabant: Salij iuniores Gallicani in Hispania præsidij causâ constituti erant: & Præfectus Lætorum Francorum Redonis, vrbi prouinciæ Lugdunenſis tertiz, præfuisse dicitur.





HADRIANI  
VALESII  
RERVVM FRANCICARVM  
LIBER TERTIVS.



**V**IR ES Occidentis Theodosianis bellorum ciuiliū victoriis, ac continuis Barbarorum incursionibus attenuatas Fl. Stiliconis perfidia & ambitio fregit: quī Magister vtriusque militiæ, bis Consul, & Patricius, ac Honorij focer, inflatus matrimonio Sere-næ Augustorum sororis patruelis, nec contentus arbitria pacis armorūque agere; Eucherio filio suo Imperium conciliare conatus est; nomine eius nummis clam percussis inscripto: nouāque & Reipublicæ perniciosā rationem excogitauit, quā se nemini suspectum fore existimabat. Nam Alaricum Regem Gothorum apertis Alpibus immisit Italiæ, & sæpe victum opprimere cū posset noluit; sæpe insidiis inclusum de industria incolumem dimisit: ac nihilominus Radagaisi Regis quoque Gothorum copiis partim cæsis, partim fame in deditionem subactis; Alanos, Sueuos, Vandalos, vnde genus ducebat, Burgundiones, multāque alias Germaniæ gentes magnis donis illectas clam ad

depopulandam Galliam euocauit. præterea Præfectos Italiam, ac Galliarum, ac potentissimos quosque copiarum duces in societatem coniurationis adsciuit: ratus turbatis rebus necessariò milites, contemptâ Honorij desidiâ, Imperium ad Eucherium consciolorum impulsu delaturos, seque Barbaròs uti incitasset, sic in medio spatio facillè repressurum. Igitur Alani, Tanais antea, tum Danubij accolæ, Respendiale & Goate ducibus primi arma sumserunt: & per agrum Marcomanorum, Toringorum, atque Francorum impune iter fecerunt, & ad flumen Renum peruenere. Ibi Respendial aduentum Vandalorum expectare statuit: Goat autem Regulus partis Alanorum cum suis ab eo se abruptit, Romanisque iunxit. Vandalis mox eandem viam ingressis Franci armati occurrerunt, præliòque commisso millia hominum vicena occiderunt. Rex ipse, quem alij Godigisclum, alij Gogidigisclum, alij Gundigisclum appellant, est interfectus. nec quisquam ex tota gente cædi superfuisset, nisi Respendial audito Vandalos ab Francis itinere prohiberi, confestim copias suas circumegisset, & opportunè adueniens perterritos ac de salute desperantes periculo liberauisset. Ità Vandali coniuncti cum Alanis iter inceptum perrexerunt, & in Godigiscli locum Gundericum eius filium substituere; ut Renatus Profuturus Frigeridus apud Gregorium docet his verbis. *Interea Respendial Rex Alanorum, Goate ad Romanos transgresso, à Reno agmen suum conuertit, Vandalis Francorum bello laborantibus; Godigiselo Rege absumto acie; viginti ferme millibus ferro peremptis; cunctis Vandalis ad internecionem delendis, nisi Alanorum vis in tempore subuenisset. Credendum tamen est Francos, postquam Vandalos acie vicerant, superuentu Alanorum fusos, & fugatos esse: aut falsò Paullus Orosius affirmat eos à supradictis Barbaris protritos esse. Excitata (inquit ille) per Stiliconem gentes Alanorum, Sueuorum, Vandalorum, ipsòque simul motu impulsorum Burgundionum, multæque cum his alia copiis viribusque intolerabiles, quibus nunc Galliarum, Hispaniarumque provincia premuntur; Francos proterunt; Renum transeunt; Gallias inuadunt; directòque impetu ad*

*Pyrenæum usque perveniunt: cuius obice ad tempus repulsa, per circumiacentes provincias refunduntur. Ex quo intelligitur Orosium existimavisse Sueuos, ac Burgundiones, cum Alanis Vandalisque coniunctos, longo itinere per Franciam in Galliam ire contendisse. cùm Sueui isti, quos Hieronymus in epistola ad Gerontiam, & Gregorius in libro II Historiæ Alamannos appellant; finitimi Burgundionibus ad superiorem partem Reni ferè pertinerent. Verba Orosij non eâ quâ Beda fide transcripsit Gregorius hunc in modum. *Stilico congregatis gentibus Francos proterit, Renum transit, Gallias peruenitur.* tamquam Stilico ipse Germanis instructus apertâ defectione provincias Imperij Romani igne ferroque vastauerit, nec auctorem se solum populationis, sed etiam ducem Barbaris præbuerit. Paullus Langobardus nequaquam fuit Gregorio diligentior, qui arbitratus Francos in Gallia iam tum confedis, tradit Alanos, Sueuos, Vandalos, & Burgundiones *Renum fluvium transisse, Francosque fugare e. Galliam voluisse.* Similiter Sigibertus non contentus eruptiones duas, annorum CXL spatio diuisas ferè coniunxisse, Vandalisque tribuisse, quarum altera Galliæ principatu Croco duce ab Alamannis; altera à Vandalis ductu Gundërici imperante Honorio in Galliam facta est; credit Francos cum Vandalis in Gallia pugnavisse, atque *Vandalis Gallias incursantibus congressos Francos Modigisilum Regem* (ita Godigisclum vocat) *cum XX milibus Vandalorum interemisse.**

Cùm igitur constet Godigisclum Regem Vandalorum, iter per vim tentantem, in Fræcia pulsus acie & occisus esse: & cùm Vandalos, quos alius Vindilos, alius Vandilos, alius Vandalios appellat, Plinius Secundus inter genera Germanorum quinque; Tacitus inter antiquas Germaniæ gentes numeret: cùmque Dio Cassius in libro LXXII, Iulius Capitolinus, Eutropius, Tabula Theodosiana, ac Hieronymus eos Marcomanis & Quadis Germanorum populis confines, circa Danubium & Albis caput ponant: mirari conuenit cuiquam probari potuisse opinionem Procopij, abusq; Mæotide Vandalos deducendis,

affirmantisque eos fame & inopiâ compulsos, Alanis sociis sibi adscitis, in Germaniam, quæ tunc Francia vocaretur, & ad flumen Renum venisse: inde Godigifeli ductu in Hispania sedem cepisse. Quamquam Saluianus in libro VII de Prouidentia Diuina tradit Deum *excitatas* *pene ab ultimis terra finibus gentes trans mare misisse*, quæ Afrorum scelera punirent. quod de Alanis quidem verè dicere potuit; de Vandalis non item, si eos gentem Germaniæ esse, aut certè ex Germania in prouincias Imperij Romani transisse existimabat. Et Sidorius in carmine, quod inscribitur Narbo, Vandalos

— *Africana*

*Telluris Tanaiticum rebellem*

appellat: atque in Panegyrico dicto Maioriano Aug. Consuli de Geiserico Rege Vandalorum luxuria enervato sic loquitur

*Consumit in illo*

*Vim gentis vite vitium Scythicam feritatem.*

Vt Vandalos in Scythia sedem habuisse circa Tanaim flumen Sidonius credidisse videatur, quemadmodum sensit Procopius. At Iordanes Dexippum secutus ait Vandalos ab Oceano circum Scanziam insulam fuso profectos, ad Romanum limitem; hoc est ad Danubium vix anni itinere peruenisse: & in vetere Dacia consedisse: ibi ab Oriente habuisse Gothos, ab Occidente Marcomanos, à Septentrione Hermunduros, à meridie Danubium: victosque acie à Geberico Gothorum Rege, in Pannoniæ agris ab Constantino Maximo Aug. esse collocatos: qua ex prouincia Honorij principatu vnà cum Alanis in Galliam; ac postea in Hispaniam; tandemque in Africam transierint.

Procopium de supradicta Vandalorum expeditione ac migratione ita vt diximus loquentem secuti sunt, neque tamen intellexere Theophanes apud Constantinum Porphyrogenetum in libro de administrando Imperio, Paullus Langobardus, & Nicephorus Callistus in libro XIV. quippe produnt Vandalos iunctos Alanis, & Germanis, qui Franci appellabatur, Godigifelo duce per Gallias in Hispaniam peruenisse, atque ibi consedisse. At



Vandali, & Alani ex Germanis Sueuos, & Burgundiones huiusce expeditionis socios; Francos autem infestissimos hostes habuere: & Godigifclius, seu Modogifclius Rex Vandalorum à Francis antequam Renum superaret victus atq; interfectus est. Quare falsò iidem Auctores dicunt mortuo in Hispania Godigifclo filium successisse Guntharum, qui à Procopio Gontharis, Condaris à Zonara, ab ceteris Gundericus nominatur: quo Rege Vandalos in Galliam primùm, deinde in Hispaniam commigrauisse Gregorius in libro II memoriæ tradit. Minor frater Gunderici fuit Geisericus claudus, Godigifclij Regis ex ancilla filius, cuius incursionibus vastatas Gallias & Hispanias, ac iam pæne amissas Alarico Regi Gothorum sedes quæritanti Honorium Aug. paullo ante prælium Pollentinum, hoc est Arcadio V & Honorio V ccccc. Coss. condonauisse ait Iordanes: cum eo anno nondum sollicitatis à Stilicone Barbaris Gallia omnis, & Hispania sub imperio Honorij ac ditione fuerit: & Geisericus anno IV post Honorij mortem, post prælium Pollentinum XXV, sicut Hydatius scribit, Gunderico successerit, Eundem Iordanem deceptum credo, cum ait Vandalos Gratiani principatu in Galliam incursionem fecisse.

Igitur Alani Respendiale duce, Vandali Gunderici auspiciis; Sueui Hermerico, seu Ermenrico Rege; Burgundiones ductu Gundicarij Renum transiere, finisque Galliarum facile sunt ingressi: propterea quòd citeriorem ripam fluminis Stilico præsidiis antè nudauerat. Quamobrem apud Claudianum in libro II de laudibus Stiliconis.

*Grates Gallus agit: quòd limite tutus inermi,  
Et metuens hostile nihil, noua culmina totis  
Ædificet ripis: & sauum gentibus amnem  
Tibridis in morem domibus praeleat amanis.*

Idemque auctor est Stiliconem bello Gothico legionum, quæ eius limitis tuendi causâ ex more gentibus Germaniæ oppositæ erant, operâ vsum esse.

*Armina quinetiam flauis obiecta Sicambris,  
Quæque domant Castos, immanes uosque Cheruscos,  
Huc omnes vertere minas: tutumque remotis*

*Excubiis Renum solo terrore relinquunt.  
 Vllâne posteritas credet? Germania quondam  
 Illa ferox populis, qua vix instantibus olim  
 Principibus totâ poterat cum mole teneri;  
 Tam sese placidam prabet Stiliconis habenis:  
 Vt nec, praesidiis nudato limite, tentet  
 Expositum calcare solum; nec transeat amnem,  
 Incustoditam metuens attingere ripam.*

De tempore huius Barbarorum expeditionis inter Auctores non conuenit. irrupisse Alanos, Sueuos, & Vandalos in Galliam tradit Honorij Aug. æqualis Paullus Orosius ante biennium, quàm Roma caperetur: (Roma autem Flauio Varane Consule ab Alarico capta est) Prosper quoque in Chronico XIII imperij Honorij anno, hoc est (vt Marcellinus Illyricianus scribit) Basilio & Philippo Coss. sed apud Senatorem, & Zosimum, atque in Fastis, qui etiâ sub Tironis Prosperi nomine feruntur, Arcadio VI & Probo Coss. pridie Kalendas Ianuarias eisdem Barbaros Galliam ingressos inuenio. de quibus Fastis, Chronicóque hoc sentio, alterutrum opus Prosperi non esse: cum minimè verisimile sit vnũ eundemque Auctorem non solum de eisdem rebus bis scripsisse, sed etiam cum in aliis; tum maximè in notatione temporum à se ipsum discrepare potuisse. Idem Prosper in præfatione librorum de Prouidentia Galliam & Aquitaniam à Vandalis & Gothis per annos X depopulatam dicit, & castella rupibus, opida montibus præaltis, vrbes magnis fluminibus impositas Barbarorum dolis aut virtuti patuisse. Honorij autem X & Theodosij VI Consulatus, quo anno Ataulfus Gothorum Rex Gallia excessit, & in Hispania interemtus est; post Arcadij VI & Probi Consulatum, quo Vandali in Gallias eruperunt, nonus est annus: & insequenti anno Theodosio VII & Palladio Coss. Valia Ataulfi successor pacem cum Honorio fecit.

Quantis copiis inundauerint Gallias Alani, Sueui, Vandalis, & Burgundiones, plurimarũ gentium Barbararum velut amnium accessu adaucti; quot vrbes ceperint, diripuerint, diruerint; Sophronius Eusebius Hieronymus, illius ætatis locuples Auctor in epistola ad Gerontiã de Mo-

nogamia docet his verbis. Innumerabiles & ferocissima  
 nationes uniuersas Gallias occuparunt. quidquid inter Al-  
 pes & Pyrenaeum est, quod Oceano & Reno includitur,  
 Quadus, Vandalus, Sarmata, Alani, Cipedes, Eruli, Sa-  
 xones, Burgundiones, Alemanni, & o lugenda Respublica!  
 hostes Pannonij vastarunt. Etenim Assur venit cum illis.  
 Magontiacum nobilis quondam ciuitas capta, atque sub-  
 uersa est, & in Ecclesia multa hominum millia trucidata.  
 Vangiones longâ obsidione deleti. Remorum urbs prepo-  
 tens, Ambiani, Atrebata, extremique hominum Morini,  
 Tornacum, Nemeta, Argentoratus translata in Germa-  
 niam. Aquitania, Nouemque populorum, Lugdunensis,  
 & Narbonensis provincia, prae-ter paucas urbes, populata  
 sunt cuncta: quas & ipsas foris gladius, intus vastat fa-  
 mes. Non possum absque lacrimis Tolosa facere mentio-  
 nem, quâ ut hucusque non rueret, sancti Episcopi Exsuperij  
 merita praestiterunt. Ipsa Hispania, iam iamque peritura,  
 quotidie contremiscunt, recordantes irruptionis Cimbrica:  
 & quidquid alij semel passi sunt, illa semper timore pa-  
 tiuntur. Olim a mari Pontico usque ad Alpes Iulias quae  
 erant nostra, non nostra sunt: & per annos XXX fracto  
 Danubij limite in medijs Imperij Romani regionibus pu-  
 gnatur. quod non culpâ Principum, qui religiosissimi sunt,  
 sed scelere Semibarbari accidit proditoris, qui nostris con-  
 tra nos opibus armauit inimicos. Praeterea Augustam Ve-  
 romanduorum à Vandalis, Alanis & Hunnis euerfam  
 Fortunatus ait: ab hisque oppugnatum Laudunum ca-  
 pi potuisse negat Auctor libri de vita Salabergæ. Se-  
 dunum quoque, Andematunnum Lingonum, & Vefon-  
 tionem urbes à Vandalis expugnatas esse auctores sunt  
 Vsuardus, ac Sigebertus: Desideriûmque Episcopum  
 Lingonicæ Ecclesiæ cum Vincentio Archidiacono;  
 multisque opidanorum iugulatum; Antidium Vefon-  
 tionensem Episcopum occisum esse. Ex quibus intelli-  
 gitur verum esse, quod Saluianus Ecclesiæ Massiliensis  
 Presbyter in libro VI atque VII de Prouidentia Dei  
 scribit, Vandalos, ceterosque Barbaros per prouinciam  
 Germaniam cognomine primam, deinde per Belgicam,  
 & Aquitaniam iter fecisse: hisque regionibus igne &

cccc.  
xxviicccc.  
viii

ferro vastatis singula Galliarum membra lacerauisse: & Mogontiacensium atque Basiliensium ciuitates ab eisdem excisas esse, atque deletas: nec falsò Prosperum in Chronico prodere *Alanos, & Vandalos partem Gallia Saxonum incurfione vastatam deuastauisse*. Alemanos autem Hieronymus suprà vocat, quos Historici Sueuos, gentem Alamannis ac Rætis finitimam, fuisse dicunt. *Hoftes* quoque *Pannonios*, Hunnos appellat, qui victo & interfecto Valente Augusto Pannoniam annis L tenuerunt, ex eaque Hierio & Ardabure Coss. (vt Iordanes & Marcellinus scribunt) ab Romanis, adiutoribus Gothis, sunt pulsi. Nec de aliis quàm Hunnis Hieronymum loqui indicio sunt sequentia verba: *Assur venit cum illis*. quippe veteres Hunnorum fines non longè aberant à flumine Tigri, & monte Niphate: quorum alterum à Septemtrione, alterum ab Occidente habebat Assyria, ab Assure Noë abnepote cognominata. vnde apud Claudianum in libro primo in Eutropium dicuntur Hunni initio principatus Arcadij, *rupto Niphate*, Armeniam, Cappadociam, Ciliciam, & Syriam incurfione deuastauisse. & Theophylactus Simocatta in libro IV Historiæ prodit Cosdroem posteriorem Regem Persarum, cùm Regno expulsus & profugus Tigrim transisset, velut in confinio gentis positum dubitauisse; vtrūmne ad Hunnos, qui Turci appellabantur, an ad Romanos sese conferret. Ceterum quas vrbes Gallia *translatas in Germaniam* ait Hieronymus, in ditionem nationum Germanarum redactas vult intelligi: & *Semi-barbarum proditorem*, Stiliconem Vandalo patre natum nuncupat, qui cùm detecta coniuratio esset, X Kalendas Septembres; aut vt Olympiodorus scribit, IX. Kalendas Decembres Rauennæ Basso & Philippo Coss. dato signo cum consciis ab exercitu est interfectus. Eucherius eius filius Romam in Ecclesiam confugit, ac paullo pòst occisus est. & iisdem Coss. Arcadius Aug. moriens successorem Imperij Orientis filium Theodosium, annorum septem puerum reliquit. Sed non possum non mirari, quòd Hieronymus in ea epistola dicat Hispanos, viros valde aut memores, aut doctos, sua ætate irru-

irruptionem Cimbricam recordatos esse: quorum ne atauorum quidem atavi Cimbros in Hispania videre potuerunt. Cimbri enim, antequam sese Italiae superfunderent, Pyrenæum saltum transgressi, depopulationis agris, multisque opidis excisis, abs Celtiberis finibus Hispaniæ sunt expulsi. à quo tempore ad irruptionem Vandalicam & Suevicam anni sunt ferè 1088. Noluit, credo, Hieronymo cedere Iordanes. nam ut ille affirmat Hispanos cladis ante multa sæcula à Cimbris maioribus suis illatæ meminisse: ita hic in libro rerum Gothicarum ait Ilium, Gallieni principatu, post CCCCCLVI circiter annos quàm à Græcis captum fuerat, *vix à bello Agamemnonio aliquantulum respirasse*: quæ vrbs & post illud excidium restituta diutissimè stetit; & iterum à Caio Flauio Fimbria incensa surrexit ac floruit, donec dominante Galliæno ab Gothis direpta atque deleta est.

Dum ea, quæ antè diximus, in Gallia geruntur; & à Gothis vexatur Italia: ne qua Occidentis protincia Barbaris, aut Tyrannis vacaret, insulæ quoque res nouatuerant. quippe exercitus Britannicus Marco primùm, inde Gratiano municepe insulæ altero post alterum Imperatoribus factis, & intra VI menses interfectis; Constantinum gregarium militem nudi nominis omnisque causâ Augustum salutauit. mirandum ut non sit in epistola Hieronymi Presbyteri ad Ctesiphontem Britanniam *provinciam fertilem Tyrannorum* vocari, quæ (ne de Carausio, & Allecto loquar) & Clodium Albinum, & Clementem Maximum, & Constantinum Galliis immiserit. De tempore defectionis exercitus Britannici, Constantinique non conuenit. Olympiodorus apud Photionem ante septimum Honorij Consulatam, hoc est Arcadio VI & Probo Coss. Prosper in Fastis, & Zosimus in lib. V, Honorio VII & Theodosio II Coss. sub finem anni Constantinum in Britannia Tyrannum exortum aiunt. Paullus Orosius Alanis, Sueuis, Vandalis, & Burgundionibus *per Gallias bacchantibus*; id est Consulatu Bassi & Philippi eum Imperatorem appellatum dicit. Similiter Hermias Sozomenus in Historiæ Ecclesiasticæ libro I

CCCCVI,  
CCCCVII.

CCCC  
VIII.

prodit eodem tempore, quo Arcadius decessit, (Basso autem & Philippo Coss. decessit) Constantinum Galliam occupauisse, & Arelate Imperij sedem statuisse: eoque Honorium ab Stilicone deterritum esse, ne Constantinopolim ad res Orientis ordinandas proficisceretur. Quibus ego ambobus eo libentiùs assentio, quòd cum moris esset Principibus Romanis auspicia imperij à Consulatu capere; Constantinus anno insequenti Kalendis Ianuariis Consulatam iniiit: sicuti docet inscriptio Græca à Iacobo Sirmundo viro eminentis ingenij edita, in qua Honorij VIII Cof. collega non Theodosius, sed Constantinus nominatur. Hic vt primùm creatus est Imperator, Iustino, & Neobigaste Franco, quibus maximè confidebat, Ducibus lectis; exercitum Bononiam transmisit: & Galliam, ac Aquitaniam in ditionem suam redegit, *ubi saepe à Barbaris incertis fœderibus illusus est*: Constantemque filium natu maiorem, ex Monacho Cæsarem factum, cum Barbaris quibusdam fœderatis cognomine Honoriaci, aduersus Didymum & Verinianum fratres propinquos Honorij in Hispaniam misit: quì ambobus in Lusitania prælio victis, captis, & inreremtis omnem prouinciam obtinuit; & *remotâ rusticianorum vtili ac fidâ custodiâ*, Honoriaci Pyrenæos saltus claustra Hispaniæ temerè commisit; ac cum re bene gesta ad patrem reuertisset, Augustus est appellatus. Tum Constantinus Honorio bellum inferre constituit, & per Alpes Cottias traductis suis copiis ad opidum Ligurum Libarnam venit: iamque Padum transire paranti de cæde Ellebici Magistri militum Honorij nuntiatum est: quem hominem vt puto Francum alij Allobicum, alij Alabicum vocant: & quòd suspectus erat Constantini partibus fauere, ab exercitu interfectum esse tradunt. Igitur Constantinus retro quâ venerat Galliam repetiit, & Arelate se contulit: eodemque tum & Constans (vt ait Sozomenus) ex Hispania profugus rediit: quoniam Honoriaci laxatis custodiis, patefactisque Pyrenæi claustris Alanos, Sueuos, & Vandalos per Galliam effusos in Hispaniam immiserant, eisque se iunxerant. Renatus Profuturus Frigeridus apud Gregorium scribit Constan-

tem à Constantino patre accitum ex Hispania, vt ambo de summis rebus consilium caperent; vxorem, & instrumentum aulæ Cæsaraugustæ deposuisse: ac Hispaniensi exercitu Gerontij nequam improbiq; hominis fidei commisso, ad patrem festinauisse: & interiectis diebus plurimis, cùm nihil ab Honorio metuendum videretur, monente patre in Hispaniam reuerti statuisse: præmissisque agminibus, superuenisse qui nuntiarent Gerontium defecisse, & Maximum, vnum è clientibus suis, Imperatorem appellandum curauisse, relictóque eo Tarracone, auxiliis Barbarorum, quibuscum pacem pepigerit, instructum contra Constantinum Constantemque præparari. quo nuntio non mediocriter omnes esse perturbatos, & *Edobeco ad Germanas gentes præmisso; Constantem, & Decimum Rusticum, ex Magistro Officiorum Præfectum Prætorij, petiisse Gallias, cum Francis, & Alamannis, omniq; milium manu ad Constantinum iam iamque redituros.* Ita Hermias Sozomenus quoque Historiæ libro IX, & Nicephorus Callistus libro XIV tradunt defectione Gerontij cognitâ Edobicum Ducem, quem Zosimus Edobincum natione Francum, appellat, ab Constantino trans Renum in Germaniam missum ad auxilia Francorum, & Alamannorum accersenda: Imperatori Constanti Viennæ, finitimarumque urbium curam mandatam esse. Sed ferendum non est Zosimi mendacium, qui nequam Stiliconis sui memoriæ inurat notam, libro VI prodit à Gerontio infenso Constantino, quodd alium quàm se Ducem cum Constante filio in Hispaniam misisset, Barbaros Transfrenanos accersitos in Galliam transiisse.

Iam Gerontius Constantem apud Viennam interfecerat, & Arelate, quod se Constantinus contulerat, magno impetu oppugnabat: quum Honorius Augustus expertus, quantas clades Respublica Magistris militum Barbaris, nimirum Stiliconi, Ellebicóque subiecta accepisset: Constantium Naïsitanum, virum bello & fide egregium exercitui præposuit, atque in Galliam ad Tyrannos opprimendos misit: ad quem confestim plurimi Gerontianorum transiere. Itaque Gerontius cum paucis

in Hispaniam fugit, contemptusque ab exercitu Hispanienſi, & noctu circumſeſſus domi ſuæ, aduerſarios amplius trecentos telis confodit: deficientibusque iaculis, & ſeruis clam fugâ elapſis, poſtridie manè ubi ignem ædibus ſubiectum vidit, desperatâ ſalutē primum Alano cuidam fideliffimo ſeruo, qui ſolus ab eo non diſceſſerat, deinde & Nûnechiæ cariffimæ coniugi, viriliter mortem precanti caput amputauit: poſtreinò pugione ſeiſpſe tranſfixit. Maximus, quem Olympiodorus famulum Gerontij, Sozomenus familiarem eius vocat; exutus purpura, deſectusque à militibus Gallicanis inter Barbaros, qui per Hispanias effuſi erant, exſul inopem vitam tolerauit. Huic ablatis inſignibus imperatoriis veniam & incolumitatem conceſſam ait Proſper in Faſtis: quòd *modestia humilitasque hominis affectati Imperij inuidiam non merebatur.* Eundem Maximum Agricola & Euſtathio Coſſ. iterum Hispaniarum imperium per vinum obtinuiſſe; & proximo anno vnâ cum Iouino Iouianove claro Duce, quo adiutore Imperator reſectus erat, bello captum, atque ad Honorium tricelſimum imperij ſui annum ludicris certaminibus celebrantem Rauennam perductum, oſtentatumque populo, ac demum interfectum eſſe Proſper, & Marcellinus in Chronico, & Paullus Diaconus in libro XIV memoriz tradunt.

cccc.  
xxl

Non erat Conſtantini hoſte mutato commutata fortuna. quippe is poſt Gerontij fugam à Conſtantio Magiſtro militiz nihilo ſegniùs Arelate obſidebatur: & comperto Edobicum, à quo antea fuſo fugatoque circa Valentiam Saro fuerat obſidione liberatus, breui cum magnis auxiliis affore; oppugnationem ſtrenuè ſuſtinebat. quâ re cognita tantus Honorij copiarum duces timor inuaſit, vt in Italiam reuertendum eſſe cenſerent. Interim Conſtantiſ ab exploratoribus certior factus Edobicum adeſſe, neceſſariò damnato priore conſilio flumen Rhodanum tranſit, atque appropinquantibus obuiam proficiſcitur; & Viſilam Gothum Præfectum equitum haud procul conſidere occultum iubet. Igitur cum Conſtantiniani inſidiarum locum prætergreſſi, ac iam cum peditibus Honorianis, quibus Conſtantiſ præerat,



prælium commissuri essent: dato signo subito sese equites à tergo necopinantibus ostenderunt, & sublato clamore incautos adorti in fugam coniecerunt: itaque multi cæsi sunt: compluribus suppliciter positis armis veniam precantibus vita concessa. Edobicius equo admissus in villam Ecdicij cuiusdam perfugit, quem magnis suis beneficiis affectum, fidum sibi amicum esse arbitrabatur. At ille cum fortuna mutatus noctu dormienti caput abscidit, tulitque ad Constantium: qui non tam lætus aduersarij cæde, quàm Ecdicij perfidiam auersatus homini quidem gratias agere Remp. dixit, sed remanere apud se volenti denuntiavit, ut exemplò castris excederet. Sic Ecdicius occisi hospitis & amici præmium pro honore ac donis, quæ sperauerat, ignominiam tulit. Victores Honoriani ad obsidendos opidanos cùm reuertissent, Constantinus Edobici morte & clade suorum cognitâ, purpuram ac cetera insignia imperatoria abiicit, ingressusque Ecclesiam Presbyter ordinatur. tum milites eius, & Arelatenses acceptâ fide portas aperuere, atque omnes diligenter sunt conseruati. Constantinus cum Iuliano filio natu minore, quem Nobilissimum appellandum curauerat, antequam Rauennam ad Honorium perduceretur, in itinere interficitur. Hic exitus Constantini fuit, ut Hermias Sozomenus, & Nicephorus Callistus produnt. Sozomeno non videtur assentiri Frigeridus vetustus & grauis auctor. quippe is apud Gregoriũ scribit incunte quarto obfessionis Constantini mense repentè ex vltiore Gallia venisse, qui nuntiarent Iouinum Imperatorem factum esse, & cum *Burgundionibus, Alamannis, Francis, Alanis, omniq[ue] exercitu obsidentibus imminere*. ita Arelatensibus celeriter ad dedicationem conditionum æquitate compulsis, Constantinum viuum traditum, confestimque ductum in Italiam, & à Principe missis obuiam militibus supra Mincium flumen capite truncatum esse. Ex quo colligi potest, quàm falsò Iordanes, & Nicephorus Callistus parum sibi ipse constans in fine libri XIV tradat Constantinum tyrannum à Vesigothis in Gallia interfectum esse: cùm Tiro Prosper Aquitanus, & Hydatius in Fastis, ac Mar-

- ccccxi. cellinus in Chronico cum Theodosio Aug. IV Cos. per-  
iisse, caputque eius fixum in conto XIV. Kal. Octob. ad  
Honorium latum esse affirmant: Gothi autem, qui &  
Vesigothi, ac Hypogotthi appellantur, & quos Clau-  
dianus ac Sidonius crinitam & pellitam gentem vocant;  
insequenti anno Honorio IX & Theodosio V Coss. (si-  
cuti ait Prosper) Ataulfo Rege Galliam ingressi sint.
- ccccx. Antè annum, quàm Constantinus interimeretur, Va-  
rane Cos. Imperator Honorius Gaïsonem, natione Fran-  
cum, Comitem sacrarum largitionum; deinde & Ma-  
gistrum Officiorum habuit: quem postea Honorio IX &  
ccccxii. Theodosio V Coss. Magistrum militum fuisse in libro  
VII, ac libro IX Codicis Theodosiani inuenio.
- ccccx. Eodem anno Vesigothi, cùm ab filiis Theodosij, cui  
se Athanarico Rege mortuo sponte commiserant, defe-  
cissent; relictâ Pannoniâ, vbi per annos amplius XXX  
confederant, ductu Alarici Romam cepere ac diripere.
- ccccxii. Honorio IX & Theodosio V Coss. Ataulfus, quem  
Gothi post Alarici affinis eius mortem Regem consalu-  
tauerant, onustus Italiæ ac vrbs Romæ spoliis in Gal-  
liam transgreditur: atque inter Alpes & Pyrenæum om-  
nibus depopulatis, & Iouino ac Sebastiano tyrannis op-  
pressis; repulsus à Massilia per Bonifatium, Burdigalam  
post datam opidanis fidem diripit ac incendit: Vatasas  
obsidet: Narbonem Martium, caput prouinciæ cogno-  
minis capit: ibique Kal. Ian. Constantio, & Constante  
cccc. xlv. Coss. Placidiam Theodosij Aug. & Gallæ filiam, Hono-  
rij sororem, quæ Romæ excepta fuerat, multis blandi-  
tiis ac verbis tandem expugnatâ eius pertinaciâ vxorem  
ducit: & Attali ac Phœbadij panegyricis & epithala-  
miis nuptiæ sunt celebratæ. sed ex Placidia natus infans,  
nomine Theodosius paullo post obiit. Tum Ataulfus  
pacem cum Honorio facit, interdictisque sibi nauibus  
& commerciis gentium exterarum, Galliâ excedere co-  
actus Narbonem relinquit, & Hispanias petit, ac demum  
Barcinone, apud quam urbem opes & imbellem ma-  
num deposuerat, cum sex filiis ex priore vxore subla-  
tis à suis interficitur. Sed non possum non mirari, quòd  
Nicephorus Callistus secum ipse pugnans, ac in libro

XIII dictorum immemor, in libro XIV prodat ab Honorio Aug. Romanis ob seditiones ac defectionem irato Alaricum, quem Magistrum militiæ Gallicanæ fecerat, fidumque sibi esse arbitrabatur, ad vindicandam suam iniuriam Romæ immissum. illum Vrbe dolo capta atque direpta Gallam Placidiam Honorij sororem ibidem rapuisse, & apud Constantium Comitem amicum suum deposuisse: qui cum puella ad Imperatorem venerit, moxque accepto ab eo exercitu Alaricum acie vicerit, nec multo post fidei virtutisque præmium Placidiam in matrimonium acceperit.

Iordanes Rauennatum Episcopus in libro de Origine Gothorum scribit aduentu in Galliam Ataulfi perterritas gentes, quæ dudum Gallias infestabant, cum Francos, tum Burgundiones suis se finibus continere cœpisse: Vandalos autem, & Alanos ex Gallia, quam non multo antè occupauerant, fugientes in Hispaniam commigrauisse: ita Gallias Ataulfo patuisse. Quam falsam laudem Iordanes Gothus Ataulfo populari suo non affinxisset, si apud Prosperum & Hydatium legisset Alanos, Sueuos, & Vandalos triennio antequam Ataulfus fines Galliæ ingrederetur, Honorio VIII & Theodosio III Coss. in Hispaniam transscendisse. Burgundiones quidem metu Gothorum in suas sedes non reuertisse indicant Tiro Prosper, & Cassiodorus Senator in Fastis, qui eisdem insequenti anno Lucio Consule, post sexennium quàm Renum transierant, *partem Galliæ propinquam Reno*, hoc est partem superioris seu primæ Germaniæ ripæ fluminis appositam obtinuisse tradunt. quod est principium Regni Burgundionum à Gundicario in Gallia conditi. Similiter Franci aduentu Ataulfi ab incursionibus faciendis adèò non sunt deterriti, vt eo ipso anno, quo Iouinum & Iouinianarum partium adiutores Honoriani iugulauerant, post Consulatû Honorij IX & Theodosij V, siue Lucio Consule, Augustam Treuiorum direptam incenderint. Lucij huius collega in Consulatu Heraclianus Comes Africæ fuit, qui cum impulsus Imperij cupiditate Consul in Italiam exercitum traiecisset, apud Oriculum ad XLVII lapidem ab Vrbe fusus à Ma-

ccccx

ccccxiii

rino Comite fugit in Africam: hostisque iudicatus vnà cum conscis coniurationis, & iussu Honorij Carthaginæ in æde Memoriz capite truncatus est, noménque eius ex Fastis erasum.

ccccxii Anno proximo post Constantini Tyranni eadem (libentius enim Prospero, ac Hydatio, quàm Frigerido assentior) Honorio IX & Theodosio V Coss. Iouinus nobilissimus Gallorum, à Sozomeno & Nicephoro Iouianus dictus, Imperatoris nomen assumpsit, Sebastianumque fratrem in consortionem Imperij recepit: qui paulo post vnà cum Sallustio quodam interfectus cum esset, Iouinus fugiens Valentiam se contulit: & ab Ataulfo Rege Gothorum, quem Dardanus vir strenuus ab eius amicitia ac societate auerterat, expugnato opido captus, Honorianisque traditus, & Lucio Consule occisus est. Hydatius ambos fratres oppressos ab Honorianis, & Narbone interemtus dicit. Iouinum hunc Olympiodorus Thebanus apud Photium scribit Imperij insignia corripuisse adiutoribus Goare Alanorum Regulo, qui abruptus à Respendiale in Gallia morabatur, & Guntiaris Phylarcho Burgundionum: (ita Gundicarium Regem appellat) mox Sebastianum fratrem potestatis consortio sibi æquatum Imperatorem appellauisse, inuito Ataulfo: qui iratus pacem cum Honorio fecerit, & ad eum Sebastiani ac Iouini, alterius à se interfecti, alterius Valentiz capti, & Dardani Præfeti Galliarum manti occisi; capita miserit, quæ præfixa hastilibus, & Rauen-næ pro portis ostentata sunt.

cccc.  
xiii.

Eodem tempore (vt ait Frigeridus) *Decimius Rusticus Præfetus Tyrannorum, Agræcius ex Primicerio Notariorum Iouini, multisque nobiles apud Aruernos capti à Ducibus Honorianis, & crudeliter interemti sunt: ciuitasque Treuorum à Francis, qui Constantinum, & Iouinū auxilii iuuerant, direpta incensaque est secundā irruptione. nec multo post Castinus Domesticorum Comes, expeditione in Francos susceptā, in Gallias mittitur. cuius expeditionis Fræcieq; tali duce non multo meliorem euentum fuisse quàm postea Vandalicæ existimo. Falsò enim Sigonius & Pontanus victos ab Castino Francos & ex Gallia expullos dicunt,*  
Fre-

Fredegarium quendam, ineptum hominem ac verè Scholasticum secuti, qui vti Frigeridum; sic & Orosium à Gregorio citatum de Castino loqui arbitratus, vtriusq; Auctoris verba ita in Epitomen suam transtulit, vt Castinum *Francos protrivisse, Renum transisse, Gallias pervagatum esse, ac usque ad Pyrenæos montes pervenisse* scriberet: & Frigeridum non intelligens, Ioviniano (sic Iouinum vocat) Imperatore facto, Constantinum in Italiam fugisse, ac missis ab eo percussoribus capite truncatum; multos nobiles iussu eiusdem apud Atuernos opidum captos; & ab Ducibus Honorianis interfectos esse tradidit.

Ceterum cum Profuturus Frigeridus civitatem Treuironum tum à Francis secunda irruptione direptam & incensam esse prodatur: apparet aliquot ante annis principatu Honorij Francos primum in eandem urbem irrupisse. Vnde Sigibertus in Chronico tradit Francos, sæpe in Galliam transeuntes, anno Honorij Principis XVI dirupisse prima irruptione; secundam etiam incendisse urbem Treuironum. quam urbem Galliarum summam & opulentissimam post septem circiter annos à Barbaris, id est à Francis tertio expugnatam, exustam, & eversam; opidanos alios captos; alios interfectos; nonnullos ambustos; reliquos spoliatos ac nudatos esse in libro VI de Gubernatione Dei indicat Saluianus: indignaturque paucos nobiles, qui tribus continuis patriæ excidiis supererant, quasi pro solatio ludos Circenses ab Imperatoribus, hoc est ab Honorio & Constantio petiisse, nec impetrauisse. idem adiicit Augustam Treuironum postea quarto excidio concidisse, & aliam non longè positam, ac pariter ferè opulentiarum magnitudinisque urbem; id est (vt arbitror) Agrippinam, eodem tempore captam ac direptam esse: ideoque tum, cum hæc scriberet, vtrobi-  
que ludos ex more celebrari desiisse: quod illa posterior urbs hostibus plena esset; Augusta Treuironum quater eversa, & deleta fuisset. Scripsit autem Saluianus post Litorianam cladem, captamque à Vandalis Carthaginem: vt appareat circa XVII imperij Valentiniani annum, Chlodione regnante, ab Francis coloniam Augustam Treuironum quartum expugnatam, & Colo-

CCCC.  
XII.

niam Agrippinam Vbiorum occupatam esse. Ceterum notandum est, quod Saluianus eodem in libro tradit, Romæ tum ac Rauennæ, quæ sedes Imperatoribus Occidentis erant, ac *in paucis præterea urbibus Romanis* ludos Circenses & scenicos fieri consueuisse: in reliquis urbibus vel ob ærarij fiscique inopiam, vel quoddam sub ditione Barbarorum esse cœperant, edi desisse.

- ccccxv. Honorij X, & Theodosij sextus Consulatus morte Thermantiæ Aug. Stiliconis filiæ, coniugisque Honorij; cæde Ataulfi Regis Gothorum, cui Sigericus frater Sari, ac post VII diem Valia successit; & Prisci Attali captiuitate insignis fuit: de quo Attalo pauca dicenda sunt. Hic, natione Ion, Symmachi libri VII epistolâ LIV ac CXIII celebratus, cum à Romanis iussu Alarici ex Præfecto Urbis factus esset Imperator Honorio VIII & Theodosio III Coss. Alaricum Præsenti militiæ, Ataulfum Domesticis equitibus præposuit: Tertullum Consulem fecit: iudicisque, hoc est rectores militum & prouinciarum, in primis Constantem quemdam in Africam misit: & comite Alarico ad opprimendum Honorium Rauennam ire contendit: eiusque legationi cōsortionem ipsi Imperij deferenti respondit, Honorio nisi priuato, relegatoque in insulam, & manibus ac pedibus truncato vitam se non concessurum. sed Alaricus à Saro Magistro militum Honorij acie victus, & à Rauenna repulsus est. Interim Heraclianus, interfecto Constante, custodias in litoribus Africæ disponit, ac frumentum Romam inuehi vetat. qua re cognitâ Attalus in Urbem redit, & consilium Alarici suadentis, ut quingentos Gothos aduersus Heraclianum mitteret, damnat; ratus Africam Barbaris tutò committi non posse. Igitur ab Alarico irato, atque Honorij promissis sollicitato ante Urbem insignia Imperij deponere iubetur: Romani, quoscumque ad dignitates promouerat, discinguntur: Tertullus Varanis collega Consularu,
- ccccx. Marcianus Præfecturâ Vrbana se abdicat. quidam extra urbem Ariminum; sunt, qui ad LX à Rauenna stadium Attalum cedere Imperio coactum dicunt. Attalus ipse priuatus apud Alaricum nihilominus cum filio remanet, & Ataulfum eius successorem sequitur in Gallias, quo ad-

Iutore iterum Imperatoris nomen assumit Constantio & Constante Coss. & proximo anno ab Ataulfo pace cum Honorio initâ in Hispaniam transeunte desertus ac proditus; dum Africam petit, in mari capitur: & Constantio Patricio viuis à Gothis traditur. quem Honorius in XI Consulatu Romæ triumphans, ante currum egit, & præcisâ manu, aut (vti ait Philostorgius) duobus tantum digitis amputatis, infelicem Liparâ insulâ clausit, Quidam dicunt Fl. Priscum Attalum postdic eius diei, quo purpuratus cum stipatoribus processerat; iussu Alarici Gothi serui habitu ministrâsse. Quamobrem Orosius scribit Attalum ab Alarico intra breuissimum temporis spatium *Imperatorem factum, infectum, resectum, ac defectum*; hoc est bis purpurâ indutum, bis exutum esse.

Prosper & Hydatius scribunt, XXIV imperij Honorij anno; Monaxio & Plinta Coss. Constantium Patricium Valiæ Gothorû Regi, quocum pacem fecerat, reuocato ex Hispania, ob egregias victorias de Alanis & Vandalis, redditamque Placidiam; condonauisse terras à Garumna flumine ad Oceanû pertinentes: hoc est Nouempopulos, & prouinciam Aquitaniam cognomine secundam, ac clarissimam Galliæ Narbonensis urbem Tolosam Tectosagum: quæ apud Rutilium V.C. in libro I Itinerarij ante annum Urbis CIOCLXIX, seu ante Honorium XI & Constantium II Consules ab Ataulfo, vt opinor, capta esse dicitur, & per annos LXXXVIII Regum Gothorum regia fuit. Dixi Consulatam Monaxij & Plintæ XXIV Honorij Aug. annum ab Hydatio putari: quod Prosper, & Hydatius in Chronicis, aliique multi Consulatam Olybrij & Proбини, cuius initio Theodosius maior obiit, non Honorij, sed Theodosij annis adnumerant.

Valiæ, qui triennio tantum regnauit, & Monaxio ac Plinta Coss. decessit, plus XII annos tribuit Iordanes. huic successit Theodoricus maior, qui ab aliis Theodores, ac Theodoris; ab aliis Theodorus, & Theodoredus dicitur.

Theodosio IX & Constantio III Coss. Honorius Fl. Constantio Patricio, cui ob res gestas ante triennium Placidiam sororem suâ recusantem iunxerat, æquam socie-

tatem Imperij, ita vt Diui fratres; Seueri filij; & Maximus atque Balbinus fecerant, pro indiuiso obtinendi inuitus magis quàm sponte detulit. cuius imagines ad se missas Theodosius minor fastidiit ac reiecit, nouitatem hominis causatus. sicut postea eandem ob causam imaginem Marciani à Pulcheria Aug. in consortium dignitatis recepti vix tandem, vicesimo mense quàm Imperator salutatus erat, Herculano & Sporacio Coss. Valentinianus ex more in vrbe Roma proponi permisit. Constantius irritatus contumelià, cum agitare Theodosio bellum inferre, Agricolâ & Eustathio Coss. imperij mense VII lateris dolore oppressus decessit: ex Galla Placidia liberis genitis Honorîâ, ac Placido Valentiniano, quem Honorîus Nobilissimum appellauit. Eum Rauennâ ab Honorio Monaxio & Plinra Coss. Imperatorem factum, ibidem proximo anno in tertio Consulatu obiisse falsò affirmat Hydatius: cum in Codicis Theodosiani libro II & III Imperatorum Honorij Theodosij & Constantij leges duas ad Palladium Præfectum Prætorij missas, alteram V I Idus Mart. alteram V Kalendas Aug. datas Rauennâ Eustathio & Agricola Coss. inueniam.

cccc.  
LII.cccc.  
XXI.cccc.  
XIX.

Admonet me Rauennâ mentio, quamobrem Honorius eam Imperij sedem, regiàmque delegerit, causam requirere. Augustus Cæsar, & omnes ab Augusto Imperatores Romæ in Palatio habitauerunt: cuius ex montis nomine cum regio X Vrbis, tum domus Cæsarum appellationem traxit. Roma autem non solum (vti ait in libro V Liuius) regionum Italiæ, sed etiam totius Imperij Romani media habebatur. Vnde Antoninum Pium præter ceteros in Vrbe sedisse auctor est Iulius Capirolinus, vt medius ex omnibus prouinciis nuntios audire celeriter posset. Postea Diocletianus Iouius, cum Maximianum Herculium in consortionem potestatis recepisset, & Fl. Valerium Constantium, ac Galerium Maximianum Cæsares nuncupauisset, Imperium Romanum ita diuisit, vt Herculio Augusto Italiam, & Africam; Gallias, Hispanias & Britanniam Constantio; Galerio Illyricum ac Thraciam committeret, ceteras prouincias ipse retineret. tum Iouius quidem Nicomediam; Con-



stantius Augustam Treuirorum; Galerius Sirmium, urbem Pannoniæ Quadis & Sarmatis interfluente Danubio oppositam; sedes habere cœpere. at Maximianus Hereulius Mediolanum Iusubrium se contulit; quod opidum ab vrbe Roma millia passuum  $10XXX$  abest, atque hunc domicilio locum elegit, vnde Italiam ab incursionibus finitimorum Alamannorum securam præstaret; & quotiescumque res cogeret, per Alpes Graias aut Peninas in prouinciam Germaniam; per Venetiam, saltumque Iulium in Illyricum maturè contenderet. Mediolanum verò non vni Herculio, à quò muris, thermis, aliisque operibus exornatum est; sed insequentibus Principibus, dum in Italia hibernarent, annos ampliùs centum sedem fuisse argumento sunt historiæ eorum temporum, legesque plurimæ Mediolani datæ: ex quibus etiam intelligitur Honorium initio principatus Mediolani fuisse: deinde alternauisse, ac modò Mediolani, modò Rauennæ mansisse: demum circa Lucij Consulatum posthabito Mediolano, quam ob id *quondam Regiam urbem* Iordanes appellat, domicilium Imperij Rauennam transtulisse. quare Claudianus in libro de VI Consulatu Honorij Aug. Romam sese ab Imperatoribus pridem desertam querentem fingit his versibus.

*Quem, precor, ad finem laribus seiuncta potestas  
Exsulat, Imperiùmque suis à sedibus errat?*

*Cur mea, qua cunctis tribuere, Palatia, nomen,  
Neglecto squalent senio? nec creditur orbis*

*Illic posse regi? medium non deserit vnumquam  
Celsi Phœbus iter, radiis tamen omnia lustrat.*

*Segnius an veteres Istrum, Renumque tenebant,*

*Qui nostram coluere domum?*

Causa Mediolanum relinquendi eadem Honorio fuit, quæ Herculio causa fuerat deligendi; nimirum propinquitas Barbarorum. quippe id opidum expositum ad pericula repentinæ incursionum obsidionisque; contrà Rauenna, vrbs nobilissima prouinciæ Flaminiz, quanto remotor à Germania & rebeli Gallia, tanto tutior homini desidi ac timido videbatur. quæ (vt ait Iordanes) in sinu Imperij Romani, Hadrizque sita ab Orien-

te mari alluitur, ab Occidente paludibus cingitur, à Septentrione & à Meridie Padum habet eò duabus fossis perductum: vnde Honorius: (quod Alarico Rauennæ appropinquante facere voluisse dicitur) Epirum petere, si res cogeret, & ad Theodosium fratris filium perfergere potuit. quem hominem, vt ex ortu tot Tyrannorum, & ex tot gentium incurfionibus intelligitur, & à fuis & à Barbaris ob defidiam contemptum, omni Gallia ac Hispania propemodum amiffa, in Italia latuiffe de falute magis quam de Imperio follicitum, nec vmquam Alpes transfire aufum effe nemo non mirabitur: qui animaduertit Fl. Valerium Constantium, & inſequentes Imperatores, aut Imperatoribus abſentibus Cæſares raro Galliâ exceſſiſſe; in repellendis continuis Francorum & Alamannorum bellis occupatos: atque Auguſtam Treuironum, vtriuſque gentis finibus ferè mediam interpoſitam, annos amplius centum eorum regiam fuiſſe. quam ob id Marcellinus *clarum Principum domicilium; ſolium*, hoc eſt Imperatorum ſedem, & *Auguſtam urbem* Auſonius appellat. vnde Gregorius Maximum, quòd ibi plerumque morabatur, *Imperatorem Treuircum* vocat. Honorij exemplum Valentinianus, deinde Odoacer, Regesque Gothorum ſecuti, Rauennam, *urbem Regiam* ob id à Senatore & Iordane dictam, Regni ſedem habuere. Sed tempus eſt iam à Romanis ad Francos noſtros, & ex Italia in Germaniam tranſire.

cccc.  
xx.

Faramundum, quem & Varamundum & Faramodum appellant; ſexto & viceſimo imperij Honorij anno defectione Solis inſigni, in Francia regnauiſſe, & IV principatus Valentiniani, vndecimum regni ſui annum non exceſſiſſe ait Proſper in Chronico. Vbi adnotare conuenit Proſperum Honorio poſt patris mortem XXXIII annos aſſignare, qui XXIX tantum annos imperauit: itaut detracto ſuperuacaneo illo triennio aut Faramundum non plus octo annos regnauiſſe; aut ſi XI annos impleuit, Imperatoris Honorij anno XXIII, Honorio XI & Conſtantio II Coſſ. Regni potiri cœpiſſe putandum ſit. Præterea animaduerto inter Marcomeris Sunnoniſque mortem, & initium Faramundi annos minimùm

cccc.  
xvii.

XVII interfluxisse : intra quod tempus vt qui in Francia Regnum obtinuerint incertum est : ita Godigifclum Regem Vandalorum à Francis pulsum acie & interfectum ; Constantinum, & Iouinum tyrannos copiis adiutos ; atque coloniam Augustam Treuironum bis captam, direptam, ac incensam esse constat. Vetus quidam Historicus, Theoderici Regis & Caroli Ducis Francorum æqualis, scribit mortuo Sunnone, Marcomerem Principem gentis, quem tùm adhuc vixisse existimat, Francis persuasisse, vt Faramundum filium suum Crinitum Regem crearent. Aimoinus, Rorico, Auctor libri de vita Caroli Magni, Ado, & Iuo de Faramundo consentiunt, Marcomeris viri illustis filium, & primum ( vt falsò arbitrantur ) Regem Francorum fuisse : qui nihilo veriùs in vetusto Chronico Sunnonis filius, primus Franciæ Rex Capillatus vocatur : ac in Stemmate Regum nostrorum duos filios, alterum nomine Clenum omnibus ignotum, alterum Chludium, hoc est Chlodionem sustulisse dicitur. Sigibertus oblitus sui, qui Priamum in Francia regnauisse affirmauerat, post Sunnonis & Marcomeris Ducum interitum, Francos ad Faramundum Marcomeris filium Regnum detulisse anno CCCCXIX tradit : regnasse autem Faramundum annis XI : quo tempore quatuor primores gentis, vsu rerum ac virtute præstantes, ex omnibus omnium consensu delectos ; ter actis conuentibus, quos mallos appellabant, in vicis Germaniæ Salichamio, Bodichamio, & Widihamio legem Salicam à Salichamio vocatam cõdidisse : Quatuoruiros fuisse Wisigastem, Salagastem, Bosogastem, & Widogastem : quos Iuo, prætermisso vno, Wisogastem, Arbogastem, à quibusdam Bosogastem dictum, & Salegastem vocat ; Ado Sigiberto & Iuone vetustior, & Auctor Historiæ Franciæ antè citatus Wisouastem, Wisogastem, Arogastem, ( hoc est Widogastem & Arbogastem ) & Salegastem deprauatis nominibus nuncupant. Mihi quidem similitudo nominũ cum latorum legis, tum locorum, in quibus condita dicitur, suspecta semper fuit : neque existimaui, cum Burgundiones, Vesigothi, Ostrogothi, & Langobardi non priùs

leges scriptas habuerint, quàm hi in Gallia, illi in Italia confedissent, legem Salicam in Germania Francis fuisse descriptam: quæ utique Faramundo regnante Germanicis conscribi literis, & à subsequentibus Regibus post occupatam Galliam linguâ Latinâ verti debuit. at huius conuersionis nemo mentionem facit. Quare ut Gundobadus Burgundionibus, Vesigothis Theodoricus posterior, aut ut aliqui arbitrantur, Euricus, Ostrogothis Theodericus, Rotharius Langobardis, Regnis iam diuturnitate confirmatis, iura Latine describere: sic Chlodoueus Regnum primò, deinde & legem Salicam, quam in procemio legis correxisse tantum dicitur, videtur condidisse: cuius filius Theodoricus legum Francorum cognomine Ripariorum, Alamannorum, ac Baioariorum auctor fuit. Ceterum Gregorius, ex quo nos primorum Franciæ Regum res gestas discere oportebat, non modò Faramundi acta; sed etiam nomen ipsum prætermisit: Chlodionem quoque, Meroueam, ac Childericum ferè inditos reliquit. nec illi deerant libri, ex quibus multa excerperet: sed vir bonus Principes Christianæ religionis expertes silendos arbitrabatur. Hoc solum affirmare possumus, si Honorio XI & Constantio II Coss. regnare Faramundus occæpit, principatu eius ac forsitan etiam ductu Francos in Galliam eruptionem fecisse, & Augustam Treuironum (sicuti antè dictum est) tertium captam diripuisse ac incendisse. præterea ex Prosperi Fastis Chronicoque colligimus Faramundum partem Galliæ Reno proximam possessionis causâ occupauisse, quam primo regni anno Chlodio eius filius amiserit.

cccc.  
xvii.

cccc.  
xxii.

Honorio XIII & Theodosio X Coss. cum Vandalis & Alani, paullo antè ex Callæcia in Beticam instante Astorio Comite Hispaniæ transgressi, finitimas prouincias incursionibus vastarent: Castinus primarius Senator, ex Comite Domesticorum Magister militiæ factus, aduersus eos cum magno exercitu & auxiliis Gothorum mittitur. qui Bonifatium virum belli artibus præclarum inepto & iniurioso imperio ab expeditionis suæ societate auertit. Nam ille (ut loquitur Prosper in Fastis) periculosum sibi atque indignum ratus eum sequi, quem discordem super-

bien-

*bientémque expertus esset; celeriter Portum Urbis petiit, atque inde in Africam transiit, omnémque prouinciam occupauit. Idque Reip. multorum malorum initium; ea Africæ causa cladis exitiabilis fuit. At Castinus, qui se ipse tanto collega priuauerat, ne in societatem certæ exploratæque, ut putabat, victoriæ quemquam reciperet, vecordiæ pœnas dedit. Cùm enim Vandalos obluderet, adeo ut inopia pressi deditionem facere iam pararent; fiducia virium ferox, hostiùmque arroganter contemnens, temerè prælium commisit: & auxiliariorum suorum fraude deceptus victusque, ignominiosâ fugâ Tartaconem petiuit. Viginti ferè millia militum Romanorum cæsa Prosper est auctor in Chronico, qui falsò inno octauo post Honorij Aug. obitum hanc cladem Romanis illatam dicit. Notandum autem est, id quod Saluianus in libro VII de Gubernatione Dei scribit, Vandalos timore perturbatos librum diuinæ legis apertum venientibus Romanis opposuisse: credo ut eo commento Christianos se esse, & ab Christianis sine causa oppugnari indicarent. Sic igitur Vandali (ut ait Saluianus) *post experimenta belli diu parati intellexerunt sibi Romana Reip. vires etiam cum Barbarorum auxilio pares esse non posse.* Nec multo post Castinus ex Magistro militum & ex Consule non solum priuatus sed etiam exsul factus, quod Ioanni Imperium occupanti fauisse dicebatur; ex Italia in Africam ad Bonifatium inimicum suum perfugere coactus est, & genibus aduolui, patrociniòque ac fidei se permittere eius, quem tamquam militem & Barbarum antè despexerat. Hic est Bonifatius, qui Placidia ab Honorio fratre suo vnà cum liberis expulsæ solus fidem seruauit, aurumque subministravit; & Africâ strenuè contra Ioannis copias defensâ fecit, ut Imperium tandem cum Valentiniano filio reciperet. Idem paullo post Hierio & Ardabure Coss. cùm in Africa potentiâ gloriæque augeretur, falsò clam defectionis accusatus ab Aëtio, dolosusque eiusdem literis deterritus, in Italiam venire euocatus à Placidia recusauit. Quamobrem arbitrio Felicis Magistri militum, ut ait Prosper, vel potiùs Aëtij, Maurotio primùm ac Galbione Ducibus; deinde ambobus*

CCCC.  
XX XLCCCC.  
XX VII.

Q

interemtis, ductu Sigifuulti Comititis bellum ei illatum est, cuius repellendi causâ Bonifatius data acceptâque fide Vandalos, qui vti nauibus nesciebant, ex Hispania in Africam transportauit.

Galla Placidia post Constantij Aug. viri sui mortem, de qua dictum est, Rauennæ remanebat, magni animi femina, ambitiosa, & imperij auida. Ea cum Honorio primùm adeò coniunctè vixit, vt nimia familiaritas, crebritasque osculorum locum incesti amoris suspitioni daret: mox Helpidiâ nutrice Placidia & Leontio eiusdem Procuratore id agentibus, magnum inter ambos odium intercessit: donec post multas rixas, ac seditiones inter Honorianos Gotholque Placidia comites Rauennæ ortas, à fratre soror expulsa vnà cum liberis Honoria & Flauio Valentiniano nauibus Constantinopolim petiit: & à Theodosio Arcadij fratris sui filio honoratissimè accepta est Mariniano & Asclepiodoro Coss. quo ipso anno XVIII Kalendas Septemb. morbo, quem hydropa vocant, Honorius Aug. interiit, XXXIX ætatis annum nondum transgressus: filius, frater, patruus, & auunculus Imperatorum: vir ita secors & ignauus, nulli vt vquam prælio inreresse ausus sit. si tamen virum appellare cum licet, cuius vxores Maria & Thermania Stiliconis filia altera post alteram virgines & intactæ obisse dicuntur. siue quòd naturâ frigidus in venerè, & inefficax fuit: siue quòd (vti ait Philostorgius) medicamentum sterilitatis à Stilicone datum biberat. Imperauit autem Honorius cum patre annos duos, dies VII; cum Arcadio fratre annos XIII, menses tres, dies XIV; cum Theodosio fratris filio annos XV, menses III, dies XV. vt appareat Prosperum & Hydatium, tricennialibus spectaculis ab Honorio editis deceptos, in Chronicis suis errare, quorum alter Theodosio XVII imperij annos, Honorio post eius obitum XXX; alter huic XVII, illi XXXII annos assignat: cum ab ortu Principis Theodosij ad mortem Honorij anni sint quinque & quadraginta non pleni.

Mortuo Honorio Ioannes, qui primus Notariorum fuerat, non prohibente magis quàm adiuuante Castino

cccc.  
xxiii.

Magistro militum, Occidentis Imperium nullo sibi iure debitum occupavit. & Exsuperantius Pictauns, Præfectus Prætorij Galliarum, is qui Armoricos Præses provincie Lugdunensis III rexerat, Arlati seditione orta à militibus interemtus est: atque Pæonius auctor cædis, Ioannis partibus aduersus, paullo antè ad opprimendum Marcellum quemdam Imperiū affectantem signifer iuuentutis, fascis ac insignia Præfecturę corripuit. At Theodosius Aug. de Ioannis exortu certior factus nomen & insigne Cæsareum per Helionem Patricium missum Valentiniano amitino dedit Castino & Victore <sup>cccc-  
xxiv.</sup> Coss. quod Olympiodorus, Philostorgius, & qui pleraque de eius libris exscripsit, Nicephorus Callistus Thesalonicæ; Hydatius Constantinopoli factum ait. Eodem anno Gallam Placidiam iussu Theodosij Augustam salutatam esse Olympiodorus apud Photium scriptum reliquit & Marcellinus: cui ego ab Honorio, qui illius ergo Constantium Imperatorem, Valentinianum Nobilissimum appellauit, hoc nomen vnà cum Imperio delatum existimo. alioqui Prosper in Fastis Placidiam tum, cum ab Honorio fratre suo eiecta ad Theodosium confugit, Augustam non vocaret. Theodosius cum Placidia Aug. & Valentiniano Cæsare Ardaburem, & Asparem Ardaburis filium Duces in Italiam misit. Et Ardabures quidem post captam Salonam aduerso vento in manus hostium delatus est, & exceptus. At Aspar Præfectus equitum meliore fortuna usus primò Aquileiam caput Venetiæ; post Rauennam; ibique facto leui prælio Ioannem ipsum imperij mense duodeuicesimo à suis proditum cepit: cui Aquileiam perducto dextram præcidi, caputque amputari Placidia Aug. iussit Theodosio <sup>cccc-  
xxv.</sup> XI & Valentiniano Cæsare Coss. Fl. Actio venia, & Comitatus dignitas data est: quod Hunnis, quos mercede conductos ad LX millia die tertio post Ioannis mortem in Italiam adduxerat, quosque Aspar post commissum atrox prælium iterum aggredi non audebat, persuasisset, vt accepta fide atque pecunia, obsidibusque traditis domum reuerterentur. Castinus Senator Consularis, & Magister militiæ in exilium missus: & Felix in eius lo-

cum substitutus. Bonifatius ( sic enim Græci melius, quam Latini Auctores Bonifacium, vocant ) Africam, quam strenuè contra Ioannis copias defenderat, obtinere iussus, & ex Tribuno Comes Domesticorum & Africæ factus. Ita oppresso Tyranno, & recepto feliciter Imperio Placidus Valentinianus puerulus sextum annum agens VIII Idus Aprilis; aut ( vt ait Socrates ) ad X Kalendas Nouembres VII ætatis suæ anno, decreto Theodosij, ac consensu totius Italiæ Augustus appellatur: & Helion Magister Officiorum, atque Patricius Romæ ( sicuti Olympiodorus, Prosper, ac Hydatius scribunt ) diadema capiti eius imponit, quem falsò Marcellinus & Iordanes Rauennæ factum Imperatorem dicunt. Ex his apparet errare Nicephorum, qui Placidiam pro amita sororem Theodosij appellet, & à Ioanne Tyranno ante Honorij obitum eiectam esse in libro XIV tradat.

Eo tempore imperium Orbis Romani, quem vix tum viri fortissimi prudentissimique à Barbaris tueri potuissent, penes feminas erat. quippe in partibus Orientis Flavius Theodosius quatuor & viginti annos natus, solo nomine auum; inertiâ patrem Arcadium referens, Pulcheriæ Augustæ sororis maioris natu & eunuchorû consiliis regebatur. in Occidente autem Placidia Aug. Placidi Valentiniani filij sui Imperijque tutelam à Theodosio sibi commissam gerebat. Hic est Theodosius, qui dum Reip. membra lacerabantur à Barbaris, parentem suum imitatus, domi Sanctorum corporum reliquias collegebat: & amisso propemodum Illyrico, vt ei prouinciarum suarum numerus constaret, nouas prouincias non armis, sed vnus in duas aut plures diuisione faciebat, quasi hacce ratione clades Imperij regi, aut iactura reparari posset.

CCCC-  
XXVIII.

Anno V post Honorij mortem regnauit in Francia Chlodius; vt ait Prosper in Chronico, & annos viginti Regnum obtinuit. Clodium vocat eum Prosper & Sigebertus; Sidonius Cloionem, multi Chlodionem ac Chlogionem appellant. eundem Scriptor Historiæ Francicæ Caroli Ducis æqualis, Aimoinus, Rorico,



Auctor libri de vita Caroli Magni, aliique plurimi Faramundo patri successisse tradunt, & Chlodionem Crinitum nuncupant. similiter in vno & altero Stemmata Regum nostrorum Chlodio Faramundi filius & successor fuisse, & (sicut etiam supra citatus Historicus, Adoque memorant) XX annos regnauisse dicitur. Addit utique tum Francos in finibus Toringiæ confidentes crinitis Regibus parere coepisse. Quo magis miror à Fredergario Chlodionem appellari filium Theudemeris Francorum Regis, Richimere patre nati, ab Romanis (vti ait) ductu Castini proelio fusi atque occisi, quem Theudemerem vel Theodomerem, *filium Richimeris quondam*, seu potius Consulis vocat Gregorius, ac cum Ascila matre sua interfectum, & Chlodionis æqualem fuisse ex Consularibus Fastis videtur indicare. à morte autem Richomeris Consularis ad initium Chlodionis anni sunt XXXIV; ita vt Theodomerem, si eo patre genitus fuit, certò ante Chlodionem Franciæ imperium obtinuerit. Hic est Teudomerem, vt existimo, cuius & nomen & vultum in nummo aureo publicauit Paullus Petauius Vir Clarissimus. Ius in Chronico Didionem quemdam Faramundi filium, omnibus nostris auctoribus ignotum, Faramundo & Chlodioni medium interponit. cum Sigebertus Iuonis æqualis nullam eius mentionem faciat, Chlodionemque Capillatum post Faramundi patris obitum rerum potiri occœpisse anno CCCCXXX, ac in Francia annos duodeuiginti regnasse prodatur, atque ex illo tempore Francorum imperium penes comatos Reges esse coepisse. Ego (pace Gregorij, Adonis, Sigeberti, Iuonisque dixerim) nequaquam crediderim tum primum Reges Franciæ cæsariem promississe. quippe Claudianus (vt de ceteris taceam) in libro I de laudibus Stiliconis Marcomerem Chlodionis auum, ac Sunnonem eiusdem maiorem patruum *Reges crinigeri vertice flauentes*, hoc est flauos & crinitos appellat: & Eumenius in laudatione Constantij Cæsaris, Francorum, qui pro Allecto Tyranno mercede pugnaverunt, *corpora Barbara & prolixo crine rutilantia* vocat.

Tiro Prosper in Fastis, & qui multa de eo libro ex-

cccc-  
xxviii.

scripsit Cassiodorus Senator tradunt Felice & Tauro Coss. *partem Galliarum proximam Reno, quam Franci possidendam occupauerant, multis casis Aëtij Valentiniani Comitibus armis receptam esse.* Felice autem & Tauri Consulatus à morte Honorij Aug. quintus, & regni Chlodionis primus est annus: vt in Chronico, quod Prosperi esse dicitur, inuenio. quare si initium Chlodionis Regis, & prima Aëtij aduersus Francos expeditio in vnum eundemque annum inciderunt, existimandum est partem prouinciæ Germaniæ inferioris Reno propiorem à Faramundo perpetuæ possessionis causâ occupatam; Consulatu Tauri & Felicis, quo anno Chlodio Faramundi filius principatum iniit, Aëtij ductu magnâ cæde Francorum factâ, reliquis è Galliæ finibus pulsis, ab Imp. Valentiniano receptam esse. Erunt forsitan, qui credent de eodem bello Hydatium loqui, qui biennio seriùs, nimirum anno VII post Honorij mortem, imperij Valentiniani VI, Aëtiû Ducem expeditionem in Francos fecisse, eòsque anno insequenti, hoc est Basso & Antiocho Coss. proelio superauisse, pacemque cum victis iniisse memoriæ tradidit. Antiochum hunc ex eunucho & Præposito sacri cubiculi Præfectum & Consulem factum falsò scribit Baronius: si verum est, quod ait Marcellinus in Chronico, Eutropium omnium spadonum primum & vltimum Consulem fuisse. Poscere videtur hic locus, vt de Flauio Aëtio pauca dicamus.

cccc-  
xxviii.cccc-  
xxx.cccc-  
xxxi.

Aëtio Durostorum opidû in Mœsiæ cognomine secundæ, & Scythiæ confiniis positum patria fuit: pater Gaudentius, domi primoris loci, Magister equitum, qui in Gallia seditione ortâ à militibus interemptus est; mater Italica, nobilis ac locuples femina, mendosè apud Gregorium Itala appellata: quam Ioannes Chrysostomus Constantinopolitanus Episcopus, ad eam scribens, Romanam fuisse indicat, hortaturque vt per se ac per suos Orientis Ecclesias perturbatas atque distractas in concordiam reducere conetur. Aëtius ipse à puero Prætorianus, Domesticusve Protector, tribus annis apud Alaricum Gothorum Regem; deinde apud Hunnos, quibuscum amicitiam coniunxit, obses fuit: postea

Carpilionis Comit̃is Domesticorum filiam, quam tamen Sidonius Gotham ac stirpis regiæ fuisse indicat, in matrimonium duxit, & Palatij Ioannis curam egit. falsò vt Paullus Langobardus, Constantinus Porphyrogenetus, & Nicephorus Callistus in libro XIV Bonifatium & Aëtium Duces ab Imper. Theodosio Fl. Valentiniano petenti missos esse tradant. quamuis ambo in Thracia Theodosij prouincia nati essent. Tum Aëtius Hunnis, quos in Italiam opem Ioanni laturos adduxerat, cum persuasisset vt domum redirent, Comes creatur: cæsis Gothis, & Anaolfo Optimate eorum capto, Arelate obsidione liberat: atque Bonifatio Patricio, quem ob inuidiam Africâ pellere conabatur, falsò defectionis accusato bellum inferendum curat: cuius repellendi causâ Bonifatius Hierio & Ardabure Coss. Geisericum Regem trans Gaditanum fretum accitum cum Vandalorum & Alanorum millibus LXXX in Africam immisit. At Aëtius Magister militum factus Felicem Patricium virum Consularem, cui in Magisterio militiæ successerat, cum Padusia vxore sibi insidiantem occupat, ac Rauennæ interimit: Iuthungos vincit: Noricos, qui rebellauerant, domat: Francos è Galliz finibus pellit: ac Bonifatium Magistrum militiæ in ipsius locum susceptum, & acceptâ à Placidia fide Romam reuersum bello aggreditur, ac vulnerat: pulsusque ad Rugilam Regem Hunnorum perfugit, & Barbarorum auxiliis fretus, Bonifatio iam ex vulnere mortuo, in Italiam; nec multo post Sebastiano Bonifatij genero fuso fugatoque, in gratiam cum Valentiniano & Placidia redit: neque Magisterium militum solum, sed etiam Patriciam dignitatem assequitur: Gothos à Narbone Martio per Litorium repellit, bellumque cum eis triennio Hunnis adiutoribus gerit: quorum Barbarorum auxiliariorum Regulus Gausericus Cossionem Vasiatium diu frustra obsedit, Gallisque magis oneri, quàm terrori hostibus fuit. post Aëtius oppressis Bacaudis, in tractu Valentino deserto Alanos, quibus Sangibanus præerat; in Sapaudia Burgundionum pæne excisorum reliquias collocauit: & Carpilionem filium suum legatum ad Attilam Regem Hunnorum misit,

cccc.  
xxvii.

cccc-  
liv.

eumdémque pace ruptâ transgressum in Galliam atroci proelio superauit. demum suspectus Imperium affectare Aëtio & Studio Coss. ab Valentiniano Aug. interfectus est. Hic notare conuenit Aëtium ter Consulem, & annis circiter XXV Magistrum militum, hunc de quo loquimur, & cuius de virtutibus Renatus Frigeridus in Historiæ libro. X I I apud Gregorium retulit, cum esse non videri, qui Studij collega fuit, semelque Consulatum iniit. alioqui in Fastis non Aëtium & Studium Coss. sed Aëtium I V & Studium Consules scriptos inueniremus. Rebus gestis Aëtij strictim perscriptis, ad Chlodionem reuertendum est.

Gregorius in libro I I scribit multos memoriæ tradere Francos, digressos finibus Pannoniæ, primùm circa ripas Reni incoluisse: deinde transito Reno in Toringiam immigrauisse; ibique Reges crinitos ex nobilitate delectos, qui pagis aut ciuitatibus præessent, creauisse: ac Chlodionem Regem Francorum virum fortissimum ac nobilissimum in castro quodam Toringiæ nomine Dispargo sedisse. eodémque tempore partem Galliæ à Reno ad Ligerim, id est ad meridiem versùs sub ditione Romanorum fuisse; vltra Ligerim Gothos, trans Rhodanum Burgundiones coluisse. Chlodionem verò, vt præmissi exploratores perspectis regionibus tuta omnia renuntiauisent; fuis fugatisque Romanis, opidum Camaracum cepisse: eoque in opido paullisper constitisse; inde vsque ad Suminam flumen omnia occupauisse. Quibus de rebus vt dicam quod sentio; non dubito, quin Auctores, qui Francos ortos Pannoniis prodidere, quos Gregorius & Historici Gregorio recentiores secuti sunt; similitudine Nominum decepti Francos à Brencis Breucisve gente Pannoniæ originem ducere crediderint. Sed cum ex Pannonia in Toringiam proficiscentibus Menus vel Mænus sit transeundus: Gregorium Renum nobis pro Meno ingressisse miror, tantùmque vel eius errorem, vel librarij mendum ab nemine animaduersum correctùmque esse. Quòd si Chlodio præter ceteros in Toringorum finibus confedit; Toringiam omnem, aut saltem partem eius Cattis confinem dudum sub imperio Francorum

corum fuisse, vel à Chlodione ipso armis occupatam Francis postea in Galliam transgressis defecisse putandum est. Quare Aimoinus ac Sigebertus scribunt Chlodionem finitimis Toringis genti Germaniæ bellum intulisse, depopulatisque eorum finibus castellum nomine Dispargum cepisse, atque ibi aliquamdiu confedisse. Nicolaus Vignerius, multique alij cùm animaduertent Francos profectos Pannoniâ superato Reno non in Toringiam, sed in Galliam migrare oportuisse; apud Gregorium Toringiam & Toringos in Tungriam Tungrosque mutauere. ita dum errorem vitare volunt, in errorem inciderunt. nam Tungri etiamtum sub Romanorum ditione fuerunt: si verum est, quod Gregorius dicit, antequam Chlodio in Galliam erumperet, Romanos à Reno ad Ligerim Galliam Belgicam Lugdunensemque tenuisse: & Seruatium Tungrorum Episcopum cognominem ei, qui Synodo Agrippinensi principatu Constantis interfuit, multis eum lacrimis Deum obsecrâsse, vt ab gente sibi commissa omnique Gallia Hunnos Christianæ religionis expertes auerteret. quem Hunnorum aduentum in Gallias Seruatius tantopere deprecari ac timere non debuit, si iam Franci non minus Hunnis Christianam sectam exosi, idolorumque cultores agrum Tungrorum occupauerant. Sunt, qui Dispargum supradictum, nunc esse Duisburgum falsò arbitrentur. quippe Dispargum Gregorius, veteresque omnes Historici castrum Toringorum vocant; recentiores nostri Auctores castellum Tungrorum appellari malunt. at Duisburgus neutrius gentis finibus adscribi potest: est enim opidum Germaniæ ad ripas Reni positum, quod flumen vti Franci tùm accolebant, sic Toringia numquam attigit. Tungros quoque ortos à Germanis Plinius Secundus, Caius Cornelius Tacitus, & Claudius Ptolemæus in Gallia; non in Germania ponunt. vt appareat eam gentem ne florente quidem Romanorum potentiâ, nedum Valentiniani principatu vltimos agros atque opida trans Renum habuisse. Ceterùm quod ait Gregorius ante occupatum à Chlodione Camaracum Gallicas gentes, quæ à Reno ad Ligerim per-

R

tinent, sub ditione Romanorum fuisse; vltra Ligerim Gothos imperitauisse; Burgundiones trans Rhodanum incoluisse: non perinde intelligi oportet, quasi tum Romani omnes Transligeritanas, ac Transrhodanicas regiones Barbaris condonauissent, aut amisissent. Aquitaniam enim cognomine primam, & partem maiorem prouinciæ Narbonensis, & præter Sapaudiam Burgundionibus datam quod agri inter Rhodanum Alpè que erat, Imper. Valentinianus tenebat. Immo ne tum quidem, cum Chlodionis ductu Franci in Gallia confederunt, videntur Burgundiones trans Rhodanum sedes habuisse. siquidem anno XX post Honorij Aug. obitum ( vti ait Prosper in Chronico ) Aëtius Sapaudiam eis cum incolis diuidendam dedit: transiisse autem in Gallias Chlodionem anno XIV post Honorij mortem Marianus Scotus tradit.

CCCC.  
XLIII

Et ita quidem Gregorius, vt antè dictum est, de Chlodionis expeditione scribit. at Historicus, qui posteriore Theodorico regnante floruit, ex Toringia regione Germaniæ præmissis ad Camaracum exploratoribus, Chlodionem cum magnis copiis Renum transisse dicit, multisque Romanis cæsis ac fugatis, Carbonariam siluam intrasse; Turnacum, deinde Camaracum cepisse; ibique interfectis Romanis, hoc est Gallis, aliquantisper substitisse; & vsque ad Suminam flumen, quod alij Somenam, alij Sumnam appellant, atque ab Camaraco circiter millia passuum XXIV abesse aiunt, omnia loca armis occupauisse. Ex quo intelligitur Chlodionem, cum relicto Dispargo Renum transierit, ( vti & Rorico, Sigebertus, ac Iuo tradunt ) non ex Tungria, prouinciæ inferiore Germania, sed ex Toringia, & magna vel Transfrenana Germania in Galliam Belgicam erupisse. Adiicit Rorico Samarobriuâ Ambianorum opido ad Suminam posito potitum hunc esse, eamque regiam elegisse, atque exinde à nemine interpellatum iure belli quietè tenuisse. cui Auctori haud scio an magis assentiri nos oporteat, quàm Adoni scribenti Chlodionem saltum Carbonarium, quæ Arduennæ pars est inter Mosam, & Scaldem; obtinuisse: Camaracumque, quod à

Reno CXXX millia passuum abest; non Samarobriam regni sedem statuiffe. In libro autem, quem Hincmarus de vita Remigij composuit, inuenio Francos Turnaco & Camaraco opidis expugnatis, & hinc vsque ad Suminam parte prouinciæ Belgicæ occupatâ, ibi diu sub Chlodione & Meroueo Regibus confedisse. Sed nemo è nostris Auctoribus supradicti Regis victorias licentiùs amplificauit, quàm Marianus Scotus. quippe in libro Chronicorum II prodit post Christum natum CCCCXXVIII, Theodosij Principis post Honorij mortem XIV anno, hoc est Aëtio II & Sigisulto Coss. quo anno Aëtius in bello Gothico repellendo, & in defectione Bacaudarum coërcenda erat occupatus: Chlodionem Batauos, Menapios, Tungros, Turnacenses, Taruennenses, Morinos, Atrebates, Camaracenses, Ambianos, Bellouacos, & quidquid inter Sequanam ac Ligerim erat, Francico Regno adiecisse. quod Sigebertus septennio seriùs, nimirum anno CCCCXLV post Christi natalem actum esse tradit.

Apparet ergo Chlodionem Regem Francici in Gallia Imperij auctorem ac conditorem fuisse: cùmque cum magno exercitu ex Germania transgressum in Galliam castella aliquot ad Renum, (aliter enim interiora regionis tenere vix potuit) superatoque Mosâ siluam Carbonariam, & Turnacum ac Camaracum opida Scaldi flumini apposita; inde omnia vsque ad Suminam perpetuæ possessionis causâ occupauisse. cùm nec ab Romanis postea ex hisce opidis expulsus dicatur; nec urbem aliquam captam Regni sedem statuere eius sit, qui prædam sibi solùm, non imperium quærat, & finibus hostium depopulatis domum redire festinet: à quo consilio tantùm abfuit Chlodio, vt Atrebates quoque ditionis suæ facere voluerit. Certè in eos exercitum duxit, nullis, sicut antè, speculatoribus præmissis, & ad vicum Eleenam fluménque peruenit, more Germaniæ mulierum agmen trahens. ibi dum quidam clarus inter Francos virginem nationis eiusdem matrimonio sibi adiungit, saltantiùmque vocibus collis ripæ proximus resonat, Aëtius inopinantes improuisò aggreditur: angustiis lo-

corum inclusos fundit, fugátque: nouam nuptam capit: plaustrisque compluribus potitur. Locum, ubi res gesta est, Elenam vicum Apollinaris Sidonius appellat: quem Ioannes Sauaro nunc esse Hefdinium vetus Quantix flumini impositum falsò existimat. cùm Elenavicus in primis Atrebatium finibus, quà Camaracenses attingunt; hoc est forsitan Lensium ad Deulam, Lennense caltrum Balderico in Historiæ lib. II dictum: Hefdinium autem vetus (si rùm tamen iam erat) non in Atrebatibus, licet nunc eis attribuat, sed in Morinis ad Oceanum versùs castellum fuerit. Hoc furto belli magis quàm prælio circa Elenam fusi ac repressi sunt Franci paullo post Cæsarodunum Turonum per Iulium Maiorianum à Gothorum metu vindicatum, siue post Aëtij II & Sigifuulci Consulatum. vt scribit Apollinaris Sidonius, apud quem vxor Aëtij, non minùs inuidens Maioriani iuuenis gloriæ, quàm pro Gaudentio communi filio sollicita, & huius magnitudinem illius incrementis quandòque obstaturam rata sic virum alloquitur.

cccc.  
xxxvii.

*Cùm bella timentes*

*Defendit Turonos, aberas. post tempore paruo  
Pugnastis pariter, Francus quæ Clojo patentes  
Atrebatum terras peruaseras. Hic cœuntes  
Claudebant angusta vias, arcuque subactum  
Vicum Elenam, fluménque simul sub tramite longo  
Artus suppositis trabibus transmiserat agger.  
Illic te posito, pugnabat ponte sub ipso  
Maiorianus eques. fors ripæ colle propinquo  
Barbaricus resonabat hymen; Scythicisque choreis  
Nubebat flauo similis noua nupta marito.  
Hos ergo, vt perhibens, strauit. crepitabat ad ictus  
Cassus, & oppositis hastarum verbera thorax  
Arcebat squamis, donec conuersa fugatus  
Hostis terga dedit. plaustris rutilare videres  
Barbarici vaga festa tori, coniectaque passim  
Ferula, captiuasque dapes, cirròque madente  
Ferre coronatos redolentia fersa lebetas.  
Illicet increfcit Mauors, thalamique refringit*



*Plus ardens Bellona faces. rapit effeda victor,  
 Nubentemque nurum. non sic Pholoëtica monstra,  
 Atque Pelethronios Lapithas Semelcius Euan  
 Miscuit: Hamonias dum flammant orgia matres,  
 Et Venerem Martemque cient; ac prima cruentos  
 Consumunt ad bella cibos; Bacchóque rotato  
 Pocula tela putant: cum crudeſcente tumultu  
 Polluit Emathium ſanguis Centauricus Oſhrym.  
 Nec plus nubigenum celebrentur iurgia fratrum.  
 Hic quoque monſtra domat, rutili quibus arce cerebri  
 Ad frontem coma tracta iacet; nudatáque ceruix  
 Setarum per damna nitet; tum lumine glauco  
 Albet aquoſa acies; ac vultibus undique rafiſ,  
 Pro barba tenues perarantur peſtine criſta.  
 Strictius aſſuta veſtes procera coërcent  
 Membra virum. patet his alſato tegmine poples:  
 Latus & anguſtam ſuſpēdit balteus aluum.  
 Excuisse citas vaſtum per inane bipennes,  
 Et plaga præſciſſe locum, clypeóſque rotare  
 Ludus, & intortas præcedere ſaltibus haſtas,  
 Inque hoſtem veniſſe prius. puerilibus annis  
 Eſt belli maturus amor. ſi fortè premantur  
 Seu numero, ſeu ſorte loci; mors obruit illos,  
 Non timor: inuicti perſtant, animóque ſuperſunt  
 Iam prope poſt animam. tales te teſte fugauiſt  
 Et laudante viros.*

Ex quo apparet Francos, quos ridiculè ob proceritatem  
 eximiam Sidonius monſtra appellat, tantâ magnitudine,  
 ac pernicitate corporum, tantâ in armis exercitatione,  
 atque arte cum viribus coniunctâ, tantâ fortitudine in  
 periculis, tantâ à paruulis bellandi cupiditate fuiſſe, vt  
 ab hoſte etiã inuito laudarentur. Sic Libanius in ora-  
 tione de laudibus Conſtantij atque Conſtantis Augg.  
 fratrum ait Francos multitudine innumerabiles, haud  
 paullo tamen quàm pro multitudine validiores non ma-  
 re magis quàm continentem timere: & frigus Septem-  
 trionale cæli temperie gratius; orium, calamitatem ma-  
 ximam; quietem, languorem ducere: contrà ſummam  
 ſibi felicitatem in bello poſitam exiſtimare: ac ſi quis

dextram perdidit, debilem reliquâ manu pugnare : virtutique apud eos, quam temeritatem ac dementiam Libanius vocat, & honorem haberi, & sua præmia legibus esse proposita. Quod autem ait Sidonius Francos post mortem animo pæne superesse: idem Florus dicit de Romanis à Pyrrho Rege victis; relictas in eorum vultibus minas, & *in ipsa morte iram vixisse.*

CCCC-  
XXVIII.  
CCCC-  
XXXI.

Ceterum vti Felice & Tauro Coss. aut Consulatu Bassi & Antiochi accepta apud Renum clades Chlodionem minimè deterruit, ne in Galliam iterum transiret: ita Elenensis pugna eidem haud obstitit, quominus regionem, quam armis occupauerat, obtineret. videturque Aëtius post hoc leue prælium pacem cum Francis fecisse, atque Chlodioni liberam possessionem saltus Carbonarij, & Turnaci, ac Camaraci tradidisse. quod facile credet, qui animaduernerit Aëtium reliquiis Alanorum, qui Goare duce principatu Honorij in Gallia confederant, agrum Valentinum condonauisse, & Burgundionibus pæne funditus euersis non solum pacem, sed etiam Sapaudiam dedisse. Certè Saluianus, qui tum iuuenis scribebat, in libro V de Gubernatione Dei postquam multum questus est de iniquitate potentiorum humiliores possessionibus per iniuriam expellentium, deque acerbissimis tributis & exactiōe capitum; affirmat Francos, Hunnos, Vandalos, & Gothos esse horum scelerum immunes, atque apud Barbaros meliore conditione Romanos vti. ex quo intelligitur vt tum Hunni Pannonias, Gothi Aquitaniam, Vandali Africam prouincias Imperij Rom. possiderent; sic & Francos partem Belgicæ Galliæ tenuisse.

CCCC-  
XXIX.

Anno VI post Honorij Aug. mortem, hoc est Florentio & Dionysio Coss. Iuthungi Danubij accolæ, non vt ait Dexippus Scythiæ, sed Alamanniæ gens; Rætiā depopulari soliti, arma corripuere: & Norici ac Vindelici prouinciales ab Imperio Romano defecere. siue seorsum bellum parauerant: siue potiùs Norici ac Vindelici cum finitimis Iuthungis vires iunxerant. quos omnes Aëtius supradictis Coss. vicit, & insequenti anno (vt ait Hydatius in Chronico) Noricos rebellantes domuit, ac

Vindelicos subegit. Hoc est, quod Prosper in Chronicis tradit post annum septimum quàm Honorius decesserat, Aëtium Iuthungorum gentem delere conatum esse. Eam expeditionem aduersus Iuthungos, & Noricos ac Vindelicos susceptam esse ab Aëtio Auitum secum habente, antequam Burgundionibus bellum inferret, scribit Apollinaris Sidonius in Panegyrico Auito Aug. socero dicto.

*Aetium interea, Scythico qui saepe duello est  
Edoctus, sequeris: qui quamquam celsus in armis  
Nil sine te gessit, cum plurima tu sine illo.  
Nam post Iuthungos & Norica bella, subaëto  
Victor Vindelico Belgam, Burgundio quem trux  
Prefferat, absoluit iunctus tibi.*

Iordanes eiusdem de Iuthungis Aëtij victoriæ mentionem facit in libro de origine & actis Gothorum, cum ait Aëtium *superbiam Suauorum immensis cadibus seruire Romano Imperio coegisse*. Neque enim dubito, quin Suauorum, hoc est Sueuorum nomine Iuthungos appellauerit Iordanes, quòd alteri alteris proximi, & vtri-que Rætis confines erant. Certè Aëtius Sueuis in Germania habitantibus bellum intulisse non dicitur: Sueuos autem idem in Callæcia sedem habentes ad eò Imperio Romano seruire non coegit, vt contrà, ipso Magistro militum, Rechila Rex Hermerici Sueuorum Regis filius Andeuotum Romanum Ducem proelio superatum castris exuerit; Emeritam, Myrtilim, ac Hispalim vrbes claras occupauerit; & Vito Magistro militiæ cum suis Gothisque auxiliariis fuso Bæticam. & Carthaginensem prouinciam impunè vastauerit. Sed quoniam incidit Sueuorum mentio, notare conuenit Sueuos, cum qui in Germania remanserant, tum qui in Callæcia sedem ceperant; atque etiam Sauientes, Sauix seu prouinciæ ad flumen Sauum incolas, à Iordane Suauos; & tam horum quàm illorum regionem communi nomine Suauiam appellari: similiter Procopium in libro I rerum Gothicarum *Suauos mediterraneos non Francis parentes, sed alios*; hoc est non in Germania habitantes, Alamannisque finitimos; sed Sauii accolæ, Dal-

mariae & Pannoniae confines, Siscienſibus & Carnis medios interponere. Ex quibus Procopij verbis etiam intelligitur ætate eius, ſeu Iuſtiniani principatu Sueuos, quos Suauos vocat, vnà cum finitimis Alamannis Theodeberto tum in Francia Orientali regnanti paruiffe. Hac nominum ſimilitudine deceptus Iordanes prouinciales Sauienſes, Sueuóſque gentem Germaniae confudit, cùm Hunnimundum vel Chunimundum, quem Eugepius in libro de vita Seuerini Alamannorum crebro tum Noricum vaſtantium Regem fuiſſe indicat; regnaſſe in *Suauiæ Dalmatiæ Pannoniaeque vicina*, hoc eſt in Sauia ſcribit: & nihilominus regionem illam Suauorum, apud quos Hunnimundus regnabat, ab Oriente Baiobaros; ab Occidente Francos; à Meridie Burgundiones; à Septentrione Toringos habere; Alamanniſque foederatis confinem, hoc eſt Sueuiam Tranſrenanam fuiſſe prodiit. Simili idem errore Telephum, quem in Myſia Aſiatica regnaſſe conſtat, Myſiae ſeu Moefiae Europæ, Gothorúmque ibi ſedes habentium Regem ait fuiſſe.

Dum Franci in Gallia ductu Chlodionis ſedem capeſſunt: Theodoricus maior Rex Gothorum rupto foedere Narbonem Martium obſedit. ex altera parte Gundacarius Burgundionũ Rex, Gundacharius à Senatore dictus, non contentus agro prouinciæ Germaniae primæ, quem ante annos XXIII occupauerat, finitimos Belgas prouinciæ Belgicæ primæ incolas armis ſub imperium ſuum ſubiungere conatus eſt: quem Aëtius Theodoſio XV & Valentiniano IV Coſſ. repreſſit ac fudit, atque anno inſequenti Iſidoro & Senatore Coſſ. altero prælio victis & cæſis millibus hominum XX ſic fregit, vt non iam de proferendis finibus, ſed de ſua ſuorúmque ſalute cogitaret. itaque per legatos pacem ab Aëtio ſuppliciter petiit, atque eo facilius impetrauit, quòd iam Romani Gothico bello coeperant impediri. Nec diutina ea Burgundionibus, aut ſida pax fuit. Hunni quippe, hi credo, quorum auxilia ex Dacia Tranſdanubiana Romani accerſuerant, quibúſque tum adiutoribus bellum cum Gothis in Gallia gerebant, ſi non immiſſu, ſaltem permiſſu Aëtij  
Gun-

cccc.  
xxv.cccc.  
xxvi.

Gundicarium fessum adorti interfecerunt, vnâque propè omne nomen ac stirpem Burgundionum deleuerunt: vt Tiro Prosper in Fastis, Hydatius, & Cassiodorus Senator in Chronicis prodidere. Hancce Burgundionibus ab Vptaro Rege illatam calamitatem, eiusdémque ac Hunnorum cæde bellum esse finitum indicant Socrates Scholasticus in Historiæ Ecclesiasticæ libro VII, Sigebertus in Chronico, & Nicephorus Callistus in libro XIV, scribuntque Burgundiones, (quæ gens Barbara, circa Renum colens, vitam quietam atque otiosam sequeretur, fabrilémque artem, quâ se tueretur, ferè omnis exercebat) cùm continuis Hunnorum incursionibus vexarentur; depopulatâ regione, multisque suorum acie fufis & cæsis, humani consilij auxiliisque inopes communi consensu religionibus maiorum nuntiauisse, & in Christo spe victoriæ positâ ab Episcopo cuiusdam vrbis Galliæ, vt Christianis sacris ipsos initiaret, petiisse: mox rite edoctos quæ credenda ac facienda erant; atque septem dierum ieiunium seruare iussos, octauo demum die Baptisma consecutos, præpositoque eis Episcopo domum dimissos esse: tum ingenti fiduciâ accensos ad hostes contendisse: nec spe sua frustratos esse. Vptaro quippe Hunnorum Rege; qui mendosè à Sigeberto Suprar appellatur, noctu latetate rupto; cùm ducis morte turbatos improuisò inuasissent, à Burgundionum millibus III millia Hunnorum deha interfecta esse. ex illo tempore Burgundiones ardenti amore, & summa cum cura ac diligentia Christianam religionem coluisse. Hæc autem gèsta esse Proclo Constantinopolitanæ Ecclesiæ curam agente, cuius ille Episcopus factus est Aspare & Ariobindo Coss. ante annum quàm Aëtius Burgundionibus bellum inferret. Quamquam Paullus Orosius, qui Honorio & Theodosio minore Principibus, Valiâ Rege Gothorum in Hispania cum Alanis Vandalisque bellante Historiam scripsit, Burgundiones iam tùm Christianos fuisse in libro VII memoriæ tradidit his verbis. *Eorum esse prauā et perniciosā manū Gallia hodiēque testes sunt, in quibus præsumptā possessione consistunt. quamuis prouidentia Dei omnes Christiani mo-*

cccc.  
xxxiv.

do facti, catholicâ fide, nostrisque Clericis, quibus obedirent, receptis; blandè, mansuetè, innocentèrque viuant non quasi cum subiectis Gallis, sed velut cum fratribus Christianis. Nemo alius autem, vti opinor, Burgundiones, in primis armata millia III iniriavit & tinxit, quàm Seuerus Treuironum Episcopus magnæ sanctitatis vir: quem Constantius in libro II de vita Germani tradit, antequam in Britanniam ad resurgentis hæresis Pelagianæ incendium extinguendum vnâ cum Germano proficisceretur, *Gentibus prima Germania*, hoc est Burgundionibus in ea prouincia confidenribus *verbum Dei predicauisse*. Scuerum hunc Treuiricæ Ecclesiæ ordinatum Episcopum, discipulum Lupi Tricassini Episcopi fuisse in libro de vita Lupi inuenio, & *prima Germania Gentibus predicasse*, ob idque inter Apostolos sedem suam habere meruisse. Gentes autem eo tempore à Romanis vocabantur nationes Barbaræ sui iuris, nec Imperio Rom. subiectæ; vt Franci, & Burgundiones, præter quos paucissimi rum in omni Gallia idola coluerunt. Er Burgundiones quidem postea Vesigorhorum, credo, contagione corrupti Arianam sectam sequi maluerunt. quo magis miror eos apud Gregorium ante aduentum in Gallias Chlodionis, quo tempore vix dum Christiani erant facti, Arianos fuisse dici. Viuebat tum Sidonius, qui Burgundiones ob proceritatem septipedes ac Gigantes appellat, & animis ac corporibus rigidos & incultos fuisse ait, atque promissam comam butyro perfudisse, & pridianis epulis graues manè allia ac cepas assumere, trichordisque citharis canere consueuisse. Ceterùm *uniuersam pene gentem Burgundionum cum Rege per Aëtium bello deletam* ideo forsitan Prosper in Chronico prodit, quod Aëtius in Gundicarium, quocum pacem fecerat, clam Hunnos immiserit. errâtque Paullus Langobardus, qui in libro v Appendicis ad Eutropij Historiam adiunctæ auctor est Atilæ Galliæ fines ingresso Gundicarium Burgundionum Regem armatum occurrisse, ac primo impetu obtritum esse. Post Gundicarij parentis sui mortem apud Burgundiones regnauere Gundiucus, vitio exemplarium à Iordanè Gnudiucus, à Roricone Gundeueus di-

ctus, ac Chilpericus, quem Apollinaris Sidonius in libro epistolarum V, *Chilpericum Magistrum militum*, & modò *Tetrarcham*, modò *Regem*; Iordanes Hilpericum appellat: & quem Gregorius in libro de vita Lupicini urbem Geneuam Regni sedem statuisse scribit. Hi fratres collectis paternæ cladis reliquiis, anno XX post Honorij Aug. obitum, Maximo II & Paterio Coss. Sapaudiam, regionem inter Rhodanum ac Alpes iacentem beneficio Imperatoris Valentiniani, Aëtiique Patricij possidere: atque subactis paullatim per occasionem finitimis Regni terminos promouere. Nunc quoniam de bello Burgundionum diximus, superest vt de bello Gothico, quod eodem tempore ortum est, pauca dicamus.

Valia vel Vallia Rex Gothorum, qui & Vesigothi vocantur, redditâ Placidiâ & pace factâ cum Honorio, in eius gratiam bellum Barbaris Hispaniensibus intulerat: ac pæne funditus euersis Alanis in Lusitania confidentibus, & Vandalis Silingis in Bætica ad internecionem cæsis; promissi memor aliquot Hispaniæ prouincias Imperio Romano restituerat: ob idque Aquitaniam secundam, Nouempopulos, & quasdam vrbes confinium prouinciarum, in primis Tolosam, datas ab Honorio sedes acceperat. Successit Valiæ Theodoricus, Olympiodoro Theuderichus, Theudo Gregorio dictus; qui Castino Magistro militum Honorij in Vandalos expeditionem suscipienti magna misit auxilia: & quem Theodosio XI & Valentiniano Cæs. Coss. quo anno Placidia Aug. & Valentinianus Cæsar aduersus Ioannem bellum gerebant, ex occasione pacem rupisse, & *Arelatum nobile opidum Galliarum multa vi oppugnanisse, donec imminente Aëtio non impunitus abscederet*; ait Prosper in Fastis. quamquam Prosper in Chronico biennio seriùs, nimirum anno IV post Honorij Aug. obitum Arelatum ab Aëtio Gothica obsidione liberatum dicit: Hydatius autem anno VI post Honorij mortem circa Arelatum quamdam Gothorum manum ab Aëtio cæsam, & Anaolfum Optimatem eorum captum esse memoriæ tradidit. Et tum quidem solutâ obsidione Arelati, Theodoricus foedus cum Valentiniano Aug. pepigit, obsi-

CCCC.  
XXXV.  
CCCC.  
XXXVI.

désque à nobilitate Galliæ accepit, in his Theodorum Auiti, eius qui postea imperauit, propinquum: & cum in recipiendo Magisterio militum, quod à Bonifatio victus amiserat, Hunnorum operâ Aëtius vteretur, rogatus à Placidia auxilia contra eum misit. Sed idem postea non contentus Regno Aquitanico, anno duodecimo post Honorij mortem, vt ait Hydatius in Chronico; vel insequenti anno Isidoro & Senatore Coss. sicuti refert Prosper in Fastis, pacem rupit: & pleraque municipia Romanæ ditionis vicina sedibus suis occupauit: Narbonemque Martium, cui ob vicinitatem maximè erat infestus, diuturna obsidione fatigauit. quam urbem Gothis cum Rege in fugam versis Prosper eodem anno; insequenti Hydatius à Litorio Comite summis obsessio- nis & inopiæ periculis liberatam dicunt. Aëtio II & Sigisualto Coss. Romani Hunnos, qui equitatu multum poterant, operâ Aëtij mercede conduxere, & aduersus Gothos, qui tanto apparatu territi pacem missis ad Valentinianum Episcopis frustra petiuerant, bellum gessere. Accidisse tum credo, quod Gregorius Ecclesiæ Turonicæ Episcopus in libro I de Gloria Martyrum scribit, vt ab Hunnis, quorum Ducem claro nomine Regem Barbarorum Chunprum Gaufericum appellat; diu multumque obsideretur Cossio Vafatium, vrbs in Nouempopulis sita Gothicæ ditionis: quæ Episcopi sui viri sancti precibus votisque defensa est, pauore hostibus iniecto: itaut Gaufericus nescio quibus monstis & speciebus perterritus obsidionem soluerit, & fugienti similis vnâ cum suis inde abierit. Theodosio XVI & Fausto Coss. aduersus Gothos in Gallia quædam feliciter gesta sunt, & ductu Aëtij Magistri militum octo millia Barbarorum caesa.

CCCC.  
XXXVIII.

CCCC.  
XXXIX.

Tandem Theodosio XVII & Festo Coss. post quartum annum quam ceptum erat, bellum finitum est. Litorius, qui potestate secundus ab Aëtio Hunnis auxiliariis præerat, caput Regni Gothici Tolosam obsidebat, vir magnis in eo bello, ac recens aduersus Armoricos rebellantes rebus gestis illustris. Is dum Aëtij Patricij gloriam superare cupit, dumque fallacibus Haruspicum



responsis confidit, qui ipsum Tolosam intraturum dicebant, si acie dimicauisset, proelium cum Gothis imprudenter commisit. quo tempore Theodoricus Rex tametsi Arianus, priusquam manu pugnaret precatatione pugnauisse, & vsque ad diem proelii stratus cilicio suppliciter Deum orauisse dicitur. Fecit igitur exitum Litorius, qualem inconsiderati ac temerarij Duces facere consueuerunt. amisit cum suorum pæne omni tum Hunnorum auxiliatorum manu, ipse vulneratus venit in Gothorum potestatem: *& urbem hostium, quam eodem die victorem se intraturum crediderat, retortis post tergum brachiis, victis manibus captiuus intrauit.* vt in libro VII de Gubernatione Dei loquitur Saluianus, qui & cum *longo tempore & diuturna in ergastulo Barbarorum sate consumptum ait*, quem tamen Hydatius post paucos dies quam captus fuerat interfectum dicit. Cum itaque auxiliarem manum Hunnorum ab Gothis caesam auctor sit Hydatius, & cum Litorium Isidorus in Chronico exercitum amisisse scribat: apparet falso Prosperum in Fastis tradere, tantam à Litorio hostibus cladem illatam fuisse, vt nisi temerè pugnans captus esset, dubitandum foret Gothis Romanisne victoria adscriberetur: Gothosque post dubij Martis luctuosum experimentum *humilius quam umquam antea pacem poposcisse*, quæ & eodem anno facta sit. Nec verius Iordanes in libro de origine actisque Gothorum scribit diu vtrunque instructa acie *cum vtrique fortes, & neuter infirmior esset, datis dextris in pristinam concordiam redisse* Romanos & Gothos, foedusque ac fidam pacem iniisse. Quippe vt omittam moris non esse victoribus pacem à victis petere; auctor est Apollinaris Sidonius in Carmine VII, seu in Pannegyrice Auito Aug. socero dicto, cum Aëtius Litoriana clade & ipse fractus nec pecunia nec precibus hostem superbum ac insolentem placare, multo minùs pacare armis posset; Auitum Praefectum Praetorio Galliarum eius rogatu ad Theodoricum Regem Gothorum litteras scripsisse, idque egisse, vt victor Barbarus, qui vsque ad flumen Rhodanum Regni sui terminos proferre & poterat & volebat, mutatus mitigatusque foedus cum Romanis

iungeret. Versus Sidonij operæpretium est subiicere.

*Nil prece, nil pretio, nil milite fractus agebat  
 Actius. capto terrarum damna patebant  
 Litorio: in Rhodanum proprios producere fines  
 Theodorida fixum: nec erat pugnare necesse  
 Sed migrare Getis. rabidam trux asperat iram  
 Victor: quòd sensit Scythicum pro mœnibus hostem  
 Imputat: & nihil est grauius ( si forsitan vñquam  
 Vincere contingat ) trepido. Postquam undique nullum  
 Præsidium, Ducibusque tuis nil, Roma, relictum est,  
 Fœdus Auite nouas, seuum tua pagina Regem  
 Lecta domat. iussisse sat est te, quod rogat orbis.  
 Credent hoc vñquam gentes populique futuri?  
 Littera Romani cassat quod Barbare vincis.*

Vbi notandum est, quod ait Sidonius, nihil esse grauius timido, si fortè vñquam vicerit; Gothos naturâ timidos esse, sed victoriâ feroces & intolerabiles fieri solere indicans: idem Saluianum Presbyterum in libro VII de eodem bello loquentem dicere: nimirum *cùm Gothi metuerent, spem illos in Deo; Romanos in Hunnis posuisse: illisque datam esse in summo timore palmam, Romanis in summa elatione confusionem.* Ita Gregorius Turonicus Episcopus in libro II Historiæ scribit Alaricum Regem Gothorum, supradicti Theodorici nepotem, *metuentem ne propter Syagrium iram Francorum incurreret, (ut Gothus pauere mos est) victum eum legatis Chlodouei tradidisse.* idémque eodem in libro tradit, in Vogladensibus campis *secundum consuetudinem Gothis terga vertentibus,* Chlodoueam Francorum Regem victoriam tulisse. Hoc ideo notauimus, vt Hispani, qui tantopere Gothis maioribus gloriantur, sciant hos esse eòdem Gothos, ex quibus in bello pauere, & timidè, vel (vt ipsi loquuntur) cautè ac prudenter se gerere, & terga vertere, & parua victoria tamquam re noua & insperata insolescere didicerint.

Non multo postquam bellum Gothicum finitum erat, Britannia pars ad Meridiem spectans, quæ iam inde à Claudio Cæsare Drusi filio in prouinciã redacta Romanis parebat, ab Anglis occupata est. Quomodo res

gesta sit, scire conuenit. Clemens Maximus primùm, deinde anno pòst XXVI Constantinus in Britannia à militibus Imperatores facti, transmissio in Galliam exercitu Britannico & multa iuuentute numquam domum rediturâ, vacuam vicinis Barbaris in insulam reliquere. quam obrem Prosper in Chronico scribit anno Honorij Principis quintodecimo, transgresso in Galliam Constantino Tyranno, præ imbecillitate Romanorum vires Britannix penitus esse attenuatas. & Zosimus Comes in lib. VI tradit postquam Cōstantinus in Galliam suas copias traduxit, Britanniam nudatam militaribus præsidiis Barbaris patuisse, neque postea eam insulam Romanorum fuisse. Igitur Britanni, cūm continuis Pictorum atque Scotorum incursionibus vexarentur, aduersus eos auxilia ab Aëtio Magistro militiæ petiere, quibus negatis (nam Aëtius finitimorum Barbarorum hoc est Veligothorum bello in Gallia detinebatur) Vertigernum Anglorum Regem mercede accersiuere. Anglos gentem vetustam magis quàm claram Tacitus & Ptolemæus inter Sueuos in Germania ponunt, & ad mediam partem fluminis Albis pertinuisse dicunt. Hi peruecti in Britanniam Pictos & Scotos represserunt, deinde vt honestam aliquam belli causam perfidiæ prætenderent, questi parçè sibi ac malignè depensum stipendium, in Britannos ipsos arma verterunt, ac pæne totam ab Oriente ad Occidentem insulam igni ferroque vastatam subegerunt. Hanc Britannis illatam cladem anno XVIII post Honorij obitum ait Prosper in Chronico: Beda & Marianus Scotus secundo imperij Marciani anno, hoc est Herculano & Sporacio Coss. Miror autem qui Angli fuerint, à Prospero Saxones dici, *Britanniasque in ditionem Saxonum redactas esse* scribi. tametsi enim tum Anglorum fines Saxones attingerent, & quidam ex ea gente Vertigernum in Britanniam sequi potuerint: tamen verisimile non est Britannos ab infestissimis hostibus populatoribûsque insulæ auxilium expetiuisse. Saxones quidem, eo ipso anno quo Germanus Autissiodurensis Episcopus in Britanniam profectus est, nimirum Florentio & Dionysio Coss. ante aduentum in in-

cccc-  
ix.cccc-  
ix.cccc-  
xii.cccc-  
lii.cccc-  
xxix.

fulam Anglorum annis XII, regionem eius aliquam Pi-  
ctis confinem obtinuisse videtur indicare Constantius de  
vita Germani, Britonibus, hoc est Britannis Romanæ  
ditionis, bellum ab Saxonibus & Pictis iunctis viribus  
illatum describens. Nunc igitur Britanniae prouincias V,  
quæ Romanis Principibus paruerant, Angli occupaue-  
re: reliqua Picti, Scotique incolebant. & cum antea, vt  
Prosper docet, pars Britanniae Imperio Romano sub-  
iecta, *Romana insula*; pars à Pictis & Scotis habitata,  
*Barbara insula* appellaretur: omnis Britannia Barbara  
insula facta est.

CCCC-  
XLVIII.

Anno V ac vicesimo post Honorij mortem ( vt ait  
Prosper in Chronico ) hoc est Postumiano & Zenone  
Coss. Chlodione defuncto regnare in Francia coepit Me-  
roueus, quem alius Merouecum, alius Merouicum, alius  
Mereueum appellat. Hunc ex Chlodionis stirpe fuisse  
Gregorius ait quosdam prodidisse: Aimoinus in libro I  
eiusdem affinem tantum vocat. Vetera Stemmata I V  
edidit Andreas Duchenius, vir rerum nostrarum ac  
antiquitatum peritissimus, quorum vno & altero, nullâ  
Faramundi atque Chlodionis mentione factâ, origo Re-  
gum Franciæ ad Meroueam refertur: vt appareat eum  
Chlodionis filium habitum non esse. in tertio Stemmate  
Meroueam Regem, Chlodionis quidem successorem,  
sed Meroueo quodam patre natum; in quarto verò  
Chlodebaudum Chlodione genitum inuenio: qui forsi-  
tan in libro II de vita Genulfi Chlodomeris nuncupa-  
tur, & Chlodioni ac Meroueo Regibus medius interpo-  
nitur. è contrario Fredegarius in Epitome, & qui vitas  
Sigeberti minoris ac Caroli Magni literis mandauere  
Monachi Meroueam Chlodionis filium fuisse dicunt.  
Addit Fredegarius vxorem Chlodionis ætate cum viro  
in litore meridianem lauandi causâ in mare descendisse,  
atque à bellua Minotauro simili, hoc est à marino ho-  
mine vi compressam Meroueam peperisse: ne Alexan-  
drum Magnum, Scipionem maiorem, & Augustum Cæ-  
sarem, Galeriumque Maximianum dracone patre glo-  
riatos miremur. Fredegarium sequitur Sigebertus, ac  
Meroueam Chlodionis filium annos X regnasse scribit,  
ab

ab eo fortissimo Rege Francos Merouingos esse cognominatos. vti & Rorico, & Hincmarus de vita Remigij, & Auctor libri de vita Sigeberti posterioris prodidere. cum Auctor quidam Historiæ Francicæ; tempore Gregorio proximus, Fredegarius Scholasticus in Epitome, Eginardus, ac cereri rerum nostrarum scriptores Francorum Reges tantum, virosque generis regij à Meroueo dictos Merouingos veriùs affirmant: quos quidam Merouinchos, Merouincosque; aliqui Meroueos appellant; & cæsariem barbâmq; immitisse aiunt. Eisdem in spina pilos serarum suillarum similes naturalem stirpis notam habuisse; ob idque Cristatos, hoc est *Τειχεράνις*, seu hirtâ spinâ insignes vocatos esse tradunt Landulfus Sagax in Historiæ Miscellæ libro XXII, & Georgius Cedrenus de vita Leonis Isauri, ambo Theophanem, quem Anastasius transtulit, secuti, atque suspecti, alter Græculus Franco nomini infensus; alter (nisi fallor) Langobardus, in gratiam posteriorum Caroli Magni Merouingos deridens. Priscus Panopolites de Regibus, qui eâ tempestate apud Francos regnauerunt, ita omiſſis singulorum nominibus scribit, vt rem ex dubia incertiotem faciat. quippe auctor est post Theodosij iunioris interitum Attilam Occidentis partes petere statuisse, vbi res ipsi foret non tantum cum Italis, vt Honoriam Valentiniani Aug. sororem, misso clam per eunuchum anulo nuptias suas pactam, vxorem duceret: verum etiam cum Gothis, vt Geisericò Vandalarum Regi gratum faceret; atque cum Francis. belli autem Francis inferendi occasionem Attilæ obtulisse Regis eorum mortem, & de Regno inter eius filios ortam contentionem: ex quibus alter maior natu auxilia ab Attila accerfere decreuerat; alter Aëtium sibi adiungere parabat. Minorem ait se Priscus Romæ vidisse, quò à patre legatus venerat, imberbum adolescentem, flauâ comâ per humeros effusâ conspicuum: quem Aëtius honoris causâ per arma sibi filium adoptauerit, & Imperator Valentinianus ac idem Aëtius iunctâ societate atque amicitia proficiscentem plurimis donis sine proſecuti. Deceſſit verò Theodoſius minor Valentiniano

cccl. VII & Gennadio Auieno Coss. qui regni Merouei tertius est annus: ita ut duos Regis Francorum, hoc est forsitan Chlodionis filios de Regno aliquot annos contendisse Priscus Sophista indicare videatur. At Meroueam Chlodioni successisse, siue eius filius natus minor; siue nepos; siue tantum affinis fuerit, nullam belli civilis mentione illatam, nostri Auctores constanter tradunt: eundemque Rorico tradit in opido Ambianorum Samarbriua, quam Chlodius regiam elegisset, Regem salutarum; virtutis prudentiæque ergo tantæ Francis venerationi fuisse, ut tamquam communis pater ab omnibus coleretur. Ceterum non est quod quis existimet Meroueam, ac multo magis Chlodionem nihil in Gallia tenuisse: quoniam utrumque, uti Faramundum, in *Francia regnauisse* tradit Prosper in Chronico. quippe Chlodius & Meroueus, quod paucos in Gallia, plurimos in Germania Transfrenana pagos atque regiones, nimirum veterem Franciam obtinere, in Francia regnasse optimè dici potuerunt.

cccl. Valentiniano VII & Auieno Coss. Flavius Theodosius minor, Arcadii filius, Theodosii maioris nepos, octiesdecies Consul, quoties ante eum nemo, Constantinopoli obiit quinquagesimo ætatis anno, relicta Eudoxia unica filiâ, quæ Valentiniano Aug. nupta erat. Hic nouem mensium infans ab Arcadio patre ad Hebdomon Augustus, non (ut ait Marcellinus) Cæsar creatus, imperauit cum patre & Honorio patruo annos VII, post parentis obitum cum Honorio annos XV, quo mortuo annis XXVII Imperium Orientis tenuit, Valentiniano amitino Augusto appellato, Occidentique præposito. Theodosium hunc, amisso pæne omni Illyrico, & decrescente Imperio, prouinciarum quæ ipsi supererant ac Præsidum numerum auxisse supra diximus: quod & antea patrem eius Arcadium Aug. fecisse, impulsu Eutropii eunuchi prouinciarum præfecturas auro vendentis, apud Claudianum in libro II in Eutropium queritur Oriens his versibus.

*Aula choris epulisque vacat, nec perdita curat,  
Dum superest aliquid. ne quid tamen orbe reciso*

*Venditor amittat, prouincia quæque superstes  
Diuiditur, geminumque duplex passura tribunal  
Cogitur alcerius pretium sarcire peremptæ.  
Sic mihi restituant populos. hac arte reperta  
Rectorum numerum terris pereuntibus augment.*

Quare Innocentius, qui imperante Arcadio, & initio principatus Theodosij Ecclesiæ Romanæ Episcopus fuit, in epistola ad Alexandrum Antiocheni Episcopum missa sciscitanti ei, *utrum diuisis Imperiali iudicio prouinciis, ut dua Metropoles fiant; sic duo Metropolitan Episcopi debeant nominari:* respondet Ecclesiam Dei commutari ac diuisiones perpeti non oportere. at nihilominus Concilij Calchedonenensis decreta docent Imperatorum exemplum imitatos esse postea quosdam Orientales Episcopos, qui Principis permissu vnâ prouinciam in duas diuidebant, ut nouæ prouinciæ Metropolitanî appellarentur. Vt autem appareat quales Hispani Imperio Romano Principes genuerint, fuit Theodosius clemens quidem, pius, patiens; sed non minùs patre & patruo ignauus & deses: numquam enim armatum exercitum vidit, nisi fortè cùm militibus ex aliqua expeditione reuertentibus obuiam extra portam Vrbis ex more egrediebatur: leuis idem, simplex, Monachi demum quàm Imperatoris similior, qui quotidie manè inter sorores suas psalmos canere solebat, & magis quartâ & sextâ feriâ ieiunia seruare quàm prouincias didicerat, meliùs libros legere quàm milites norat. Præterea exemplo Arcadij Barbaris, præsertim Hunnis, obnoxius fuit, & feminis ac eunuchis ita addictus, ut quemadmodum pater eius suâsu Eutropij eunuchi Abundantium Consularem; impulsu Eudoxiæ vxoris Ioannem sanctissimum Constantinopolis Episcopum relegauerat, ipse in gratiam Dioscori & Eutychetis Hæreticorum Flauianum optimum ac piissimum eiusdem Augustæ vrbis Episcopum Chrysaphij spadonis impulsu in exilium mitteret: adeo zelotypus, ut in vrbe Cæsarea Cappadociæ Paullinum Magistrum Officiorum falsò suspectum in Eudocia vxore sua iugulandum curaret, & ob eamdem causam (sicut puto) Seuerum Presbyterum ac

cccc-  
xxiii.

Ioannem Diaconum Hierosolymis ei ministrantes occidi iuberet. Sed quia Eudociæ incidit mentio, quam biennio post factas nuptias, & post genitam Eudoxiam Mariniano & Asclepiodoto Coss. IV Nonas Ianuar. Augustam demum appellatam esse Chronicon Alexandrinum docet, dabit mihi veniam Lector, si cum morem obscurum & paucis notum illustraero.

ccc-  
xcv.

cccc.

Animaduerto igitur à multis Imperatoribus coniuges nonnisi post expertam fecunditatem Augustas dictas coronatasque esse. Sic Caius Cæsar Miloniam Cæsoniam enixam vxorio nomine dignatus est, vti ait Suetonius Tranquillus. Sic Nero Claudius Cæsar Aug. (sicut tradit Cornelius Tacitus) natam sibi ex Poppæa filiâ appellauit Augustam, dato & Sabinæ Poppææ eodem cognomine. & Flavius Domitianus Domitiam Longinam vxorem, ex qua in secundo suo Consulatu filiū tulerat, altero anno consalutauit Augustam. Sic Eudoxiam, quæ Arcadio Aug. nupserat Olybrio & Probino Coss. v Kalendas Maias, & duas filias iam pepererat, Stilicone & Aureliano Coss. v Idus Ianuar. grauidam Augustæ nomine honoratam esse supradictus Auctor Chronici Alexandrini prodit, cum antea tantū Nobilissima vel Nobilissima femina vocaretur. Sicut ex duobus nummis æreis, quos à Fitone Anglo Presbytero acceptos nuper publicauit magno vir ingenio Ioānes Tristanus, in vno quidē Constantini Maximi vxor, credo antequam pareret, *Fausta NF*, hoc est Fausta Nobilissima femina; in altero eius filia, Iuliani Cæsaris coniux similiter *Helena NF* inscribitur. Denique in Historia Miscella inuenio Iustinianum Aug. cognomine Rhinotmetum, post receptum Imperium, Theodoram vxorem suam vnā cum filio Tiberio, quem ex ea tulerat, coronauisse, & Augusti nominis participem fecisse: & Mariam coniugem Leonis Isauri Aug. cum Constantinum enixa esset, v III Kalend. Ianuarias in Triclinio Augustam salutatam, coronatamque esse: atque Constantinum hunc ipsum, qui cognominatus est Copronymus, Eudociæ vxori suæ in Tribunali vnde viginti accubitorum coronam & nomen Augustæ impo-  
luisse, filiisque ex ea genitos Christophorum & Nice-



phorum Cæsares creauisse, Nicetam natu minimum nomine ad Cæsaris dignitatem proximè accedente *Nicetianum* vel *Emperianum*, hoc est Nobilissimum appellauisse, & his chlamydes ac Cæsarianas galeas; illi chlamydem similiter & coronam auream imposuisse.

Antequam Theodosiū Aug. decessisse palam fieret, Pulcheria Aug. eius soror, ne Imperium amitteret, anus nubere constituit. confestim igitur Marcianum accersit, atque ei, quem ipsa ex omnibus Senatoribus tanto fastigio dignissimum delegisset, Imperium promittit hac conditione, si se vxorem ducere & potestatis consortem bona fide habere vellet. Erat Marcianus grauis & prudens senex, patre milite natus in agro Thraciæ Philippopolitano; primū gregarius miles; deinde Imperatoris Domesticus Protector, Asparem Magistrum militiæ in bellum Vandalicum secutus; vnde à Procopio Domesticus Asparis vocatur: postea ad Tribunatum, Senatoriāque dignitatem peruenerat. qui insperatā fortunā lætus se imperata facere paratum esse dixit, & seruandæ dignitatis virginitatisque fidem dedit Pulcheriæ. Itaque Pulcheria Anatolium Constantinopolitanum Episcopum, ~~Senatūque~~, ac primores populi in suburbanum conuenire iubet, & ad septimum ab vrbe Augusta milliarium, quem locum ob id Græci *Ἐξόμυρ*, Latini Septimum appellant, in Tribunali Marcianum VIII Kalendas Septembres de sententia omnium Imperatorem creat. Tum primū ministerio sacerdotali in precatione agenda, & in coronando Imperatore vsos esse Romanos animaduerto. Sempérque postea Constantinopolitani Episcopi electionibus Imperatorum interfuerunt, sæpe vt sollemnem precationem tantummodò facerent, nonnumquam vt electos Principes etiam coronarent. Vti enim semper ante Marcianum, sic non rarò post eius principatum Imperatores Romani suismet ipsi manibus diadema successoribus suis imposuere, purpurāque circumdedere. Marcianus postquam Augustus nuncupatus est, promissi memor statim Pulcheriam A. virginem Deo deuotam, quæ tum quinquagesimum secundum annum agebat, imaginariis nuptiis du-

xit vxorem. Quæ cùm ita sint, miror Marcianum in epistola ad Leonem Romanum Episcopum data Constantinopoli Consularu Valentiniani perpetui Augusti de ortu suo sic scripsisse, vt nulla Pulcheriæ auctoris suæ mentione factâ, *se ad maximum imperium venisse Dei providentia, & electione Senatus excellentissimi, cunctaque militia* diceret: quòd forsitan Imperatorem se à muliere factum fateri erubescibat. Fuit autem Marcianus vir Catholicus, & pius, atque admodum beneficus, quietus, & felix, qui cum Persis Orientem vastantibus, & cum Vandalis omnia infestantibus maria pacem fecit; Attilæ minas compescuit; Nubâsque & Blemmyas, gentes Æthiopiarum, in Ægyptum transgressos per Florum Alexandriæ Procuratorem repressit. Sed intelligo me propositi metas excessisse, qui tamdiu in Orientis rebus immoratus sim. in Occidentis tractus reuertendum est.

cccl. Paulo post Theodosij Aug. mortem suprâdictis Valentiniano VII & Auieno Coss. non (vt ait Hydatius) in sequenti anno Galla Placidia Aug. Theodosij prioris ex Galla Gratiani & Valentiniani minoris sorore consanguinea filia, Valentiniani maioris neptis, soror quoque, amita, vxor, & mater Imperatorum Romæ v Kalendis Decembres obiit: virilis animi, optimi ingenij, magnarumque virtutum femina, & regendo Imperio haud paullo magis quàm Valentinianus filius idonea. Ac mihi quidem Theodosij maioris posterorum virtutes & vitia perpendenti semper visum est ambos eius filios Arcadium & Honorium, ambòsque nepotes Theodosium iuniorem & Placidum Valentinianum, imbelles, timidos, ignavos, desides, fuso quàm iaculo torquendo aptiores, feminis ac eunuchis subiectos, Imperio denique indignos, ac malo publico natos fuisse: vt ex suprâdictis satis intelligitur. contrà eiusdem Theodosij filiam Gallam Placidiam, ac neptes Pulcheriam & Honoriam, proneptemque Eudoxiam, veluti sexum cum maribus mutauissent, magno animo præditas, audaces, impigras, exsomnes, prudentes, Imperatorum ipsorum dominas magis quàm potestatis consortes, & vt imperarent quidvis facere ac pati paratas fuisse. Quis enim Gallæ Placi-

diaz regium animum non miretur, quæ Ataulfum Vesi-  
 gothorum Regem, à quo captiua cogi poterat, tamdiu  
 procum aspernata est, nec nisi multis blanditiis & ratio-  
 nibus potuit expugnari? cui postea viduæ ac postlimi-  
 nio reuersæ, vt Constantio Magistro militum & Patricio  
 secundum Consulatam incuntem nuberet, vix ab Hono-  
 rio fratre persuasum est: quæ virum, quamdiu priuatus  
 fuit, vt imparem spreuit, nec fratrem obtundere desistit,  
 antequàm eundem Imperatorem; ipsam Augustam; &  
 comunem amborum filium Nobilissimum appellauisset:  
 quæ demum post Constantij mortem, motis Rauennæ  
 seditionibus Honorio Aug. fratri suo insidiata est:  
 neque priùs quieuit, quàm eo mortuo per Theodosium  
 Arcadij fratris filium reducta in Italiam, ac (vt loquitur  
 Prosper) *tandem illata optato Regno*, Valentinianum fi-  
 lium Imperatorem, & omne Imperium Occidentis sibi  
 subiectum vidit. Præterea tametsi res non successit, quis  
 prudentiam Placidiaz non laudet Bonifatium euocatum  
 ex Africa suspecto Duci æmulum opponentis, ac primò  
 ipsum, mox Sebastianum eius generum substituents in lo-  
 cum Aëtij Magistri militum, cuius potentia nimia & gra-  
 uis Reip. erat. Iam verò Pulcheriam Arcadij Aug. filiam,  
 Theodosij neptem nemo abundè mirari potest, quæ vir-  
 guncula vixdum quintumdecimum transgressa annum,  
 cùm Flaccillam maiorem natu sororem haberet, Au-  
 gusta appellari voluit; & Imperium, Theodosiumque  
 fratrem biennio tantummodò minorem tamquam in-  
 fantem rexit; & ne imperare disceret, sub manu cum sua  
 eunuchorumque semper tenuit; parèmq; se Reip. gu-  
 bernandæ esse credidit. Ea cùm ita integritatem pud-  
 citiæ Deo deuouisset, vt consecrata velatæque nec esset  
 nec esse velleret; sororibus suis vt similiter virginitatem  
 seruarent persuasit, ne earum viros potentiæ socios aut  
 æmulos pateretur: & Athenaida Leontij cuiusdam Athe-  
 nienfis Philosophi filiam baptizatam appellatamque Eu-  
 dociam fratri nuptum dedit, vt ipsa puellam formâ qui-  
 dem, ingenio, & Poëticiæ studio eminentem, sed genere  
 obscuram pro collato beneficio obsequentiorem habe-  
 ret. Eadem postremò post fratris obitum vtrgo non solum

quingagesimum secundum iam annum agens, sed etiam deuota Deo, ne ex Augusta priuata fieret, nupsit, senemque & ignobilem in consortionem potestatis recepit, vt eo morigero omnibus in rebus vteretur. Quid de Honoria dicam Gallæ Placidæ filia, Theodosij maioris nepte, quæ dimidiam partem Imperij Romani tamquam sibi à Constantio Aug. patre suo relictam, debitamque à Valentiniano fratre repetiit, càmque Attilæ armis occupare conata est, neque dummodò imperaret Barbarum virum fastidiit? Denique Eudoxia Aug. Theodosij minoris filia, vt viri sui mortem vlcisceretur, & facinus in Maximum auctorem vindicaret, Geisericum Vandalorum Regem in Urbem recipere quàm Valentiniani interfectorem in torum suum maluit. Sed de his plura dixi fortasse quàm debui, præstat res Gallicas Francicæque persequi.

Paucis post annis, quàm Meroueus apud Francos regnare cœperat, Attila Hunnorum Rex cum magnis copiis Gallias ingressus est. De tempore huiusce expeditionis est inter scriptores controuersia. Tiro Prosper, Priscus Panopolites Sophista, seu Rhetor, Hydatius, & Cassiodorus Senator in Chronicis, quibus libens assenserim; Marciano Aug. & Adelphio Coss. Attilam in Gallia victum aiunt. contrà Auctor Appendicis Chronico Victoris Tununensis Episcopi adiunctæ, Herimannus, & Nicephorus Callistus in Historiæ Ecclesiasticæ libro XIV. ante Imper. Theodosij obitum Asturio & Protogene Coss. in campis Catalaunicis pugnatum esse dicunt. Sed quoniam ad Attilam venimus longè maximum clarissimùmque omnium ætatis suæ Regum, de tantiviri maioribus pauca præfari conuenit.

cccc.  
ll.

cccc.  
xlx.





# HADRIANI VALESII

RERVM FRANCICARVM

LIBER QVARTVS.



VNNI, qui & Huni, Scythica gens, ferè ignoti priscis Aucto-ribus ( nemo enim præter Dio-nysum Characenum & Plinium eorum mentionem fecit ) inter Pontum & sinum Caspium sedes habuere, ac Septentrionalia mon-tis Caucaſi tenuere : à quibus Aba-res, Turci, Hungarique sunt orti.

Chunos Aufonius, Claudianus, Prosper, Sidonius, ceteri-que recentiores eos appellant: cùm tamen Ptolemæus in Europa inter Bastarnas & Roxolanos Chunos ponat. Horum iuuentus multitudine innumerabilis Flauij Va-lentis principatu partiâ decessit: paludem Mæotin tran-siit tentatam antea nemini: Alanorum Tanaitarum mul-tos interfecit; reliquos, vt ait Ammianus, pacto societa-tis & amicitie sibi adiunxit; vel si Iordani credere ma-lumus, eos crebris certaminibus fatigatos subegit. inde Gothis, & Gipedibus partim multâ cæde subactis, par-tim expulsis vsque ad Danubium imperium protulit. Quò fit, vt Procopium mirer in belli Gothici libro I V

tradere, cùm hanc paludem Hunni transierunt, iam tura Vandalos in Africa, Vesigothos in Hispania confedisse. Emigrantium finibus suis Hunnorum Rex erat Balimir, Iordani ac Sigeberto Balamber dictus, qui Winitharium Regem partis Gothorum acie victum occidit. Proximi post Balamirum simul regnauere Mundiucus, Attilæ pater, quem malè Nicephorus Numidium, aliqui Mundzucum appellant; & Huldès, is quem Zosimus in libro cccc. v tradit Vincentio & Frauito Coss. capite Gainæ Gothi Magistri militum rebellis ad Imper. Arcadium missò munera accepisse, & pacem cum eo atque amicitiam iunxisse. Eundem Hermias Sozomenus in libro IX & Nicephorus Callistus in XIII libro produnt initio principatus Theodosij rupto fœdere cum magnis copiis Danubium transisse, & Castra Martis Mœliæ opidum cepisse: vnde dum excursiones in Thraciam facit, à propinquis suis, & à plerisque ducibus ac militibus ad Romanos transcurrentibus desertus amissâ magnâ multitudine Scirorum, qui agmen claudebant, trans flumen refugerit. Non desunt, qui hunc esse Huldin putant Hunnorum auxiliatorum ducem, cuius egregiâ operâ bello Radagaisi vsus est Honorius Augustus. Apud Olympiodorum Charatonem quemdam *Regem Hunnorum primum* dictum inuenio, quem, ob cædem Donati cuiusdam Subreguli iureiurando circumuenti ac iugulati à Romanis, irâ incensum donis placauerit Theodosius Aug. circa quartum imperij sui annum. Post hos regnum in Hunnis obtinuerunt Mundiuci fratres Ostar & Roas, à Prisco Iordanéque ita dicti, quorum alterius nomen tantummodò nouimus: alterum Prosper ac Sigebertus Rugilam; Socrates in libro VII Rugam; Theodoritus in libro V ac Nicephorus in libro XIV Roilam appellant. Hic, vt suprà diximus, Ioanni Tyranno auxilia contra Valentinianū misit: & Aëtium, ab Sebastiano Bonifatij genero expulsus ex Italia, reducendum curauit: ac quemadmodum Prosper in Chronico & Priscus tradunt, pace cum Theodosio pridem; cum Valentiniano recens initâ, domi morbo interiit anno XI ab Honorij morte, Aspare & Ariobindo Coss. Quamquam idem

apud Socratem, & Theodorum, ac Nicephorum dicitur, cū transito Danubio in Thraciam incursionem fecisset, populabundūque regionem Constantinopoli excidium minitaretur, maximum exercitum amisisse partim pestilentia laceratum, partim tempestate & igneis turbinibus oppressum: ipse in primis fulmine ictus cecidisse.

Rox patruo Attila & Bleda fratres successere, qui non contenti tributum duplicauisse, ac <sup>cccc.</sup> <sup>xlii.</sup> ICCC auri libras Romanis Orientalibus imposuisse, cū antea OCTARI & Rox in annos singulos tantū CCCL penderentur; Cyro Consule iunctis viribus in Illyricum erupere: Naissum, Singidunum, Sirmium, plurimāque alia opida funditus diruere: iterum insequenti anno Dioscuro & Eudoxio Coss. Illyricum, & Thracias seuā popula- <sup>cccc.</sup> <sup>xlii.</sup> tione vastauere: vsque ad Athyram flumen, quod à Constantinopoli millia passuum XXIV abest, omnia castella, atque omnes vrbes cū maritimas tū mediterraneas præter Hadrianopolim & Heracliam cepere: tantūque Theodosio Aug. terroris iniecere, vt exercitum aduersus Geisericum missum reuocauerit, ac nihilo min⁹ datis auri librarum millibus sex, & libris mille annuorum munerum (ita Romani appellabant) nomine promissis, pacem discessūque eorum per legatos redimere coactus sit. deinde, vt est infida Regni consortio; Attila, Græcis Atrelas dictus, Bledam fratrem insidiis circumuentum interficit, atque Regnū eius suo adiungit: confirmatōque imperio Reges & populos suæ ditionis secum ducens Callepio & Ardabure Coss. omnes ferè, quæ in Europa iacebant, ditionis Theodosij prouincias depopulatur: vrbes castellāque expugnat ac excidit: Arnegisclum, Magistrum militiæ in Dacia Ripensi circa flumen Vtum obuium prælio vincit, atque occidit: peragratāque Macedoniā atque Thessaliā vsque ad Thermopylarum angustias peruenit. quemadmodum Marcellinus in Chronico memoriæ prodidit. quamquam Iordanes & Græcus quidam Faistorum Auctor, qui mendosè Anargiscum eum Ducem vocat, apud Marcianopolim pugnatum esse, occupatūque id opidum dicunt.

His Coss. anno X XIV post Honorij Aug. mortem non minùs LXX ciuitates ab Hunnis direptas atque vastatas, cùm nullam Valentinianus Theodosio socero opem ferret, Prosper in Chronico tradit. Præterea Priscus scribit ab Attila depopulatum agrum Mœsiæ cognomine primæ, & Daciæ Ripensis rectâ Istri regione à finibus Pannoniæ superioris ad Nouas opidum Mœsiæ secundæ pertinuisse, & in longitudinem millia passuum circiter CCLXXX; quâ recedebat à ripa, v dieum iter expedito patuisse, ac aliquamdiu Attilâ coli eû vetante vacauisse : Attilâmque, quem & Regalem Scythiam vocat, à Theodosio Aug. atque à Senatu Magistrum militum Romanorum esse appellatum, vt non ei tributa pendere, quæ tum auri pondo duûm millium centenûm erant, sed tamquam Duci stipendia soluere viderentur. tenuisse autem Attilam non solùm omnem Scythiam, & quædam in Oceano insulas; sed etiam ex legibus pacis cum Aëtio initæ prouinciam Sauiam, & (sicut Eugepius quoque, de vita Seuerini, Iordanésque ac Gregorius docent) vtramque Pannoniam, ex quibus Iordanes secum ipse pugnans ait Ostrogothis post Attilæ mortem domo eiectis ac profugis ab Imper. Marciano Pannoniam condonatam. idémque præter Scythiam & Sarmatiam Europæam tradit Daciam antiquam illam vltra Danubium iacentem, & *Regna Germanica*, hoc est Quados, Marcomanos, reliquâque gentes Germaniæ, Sarmatis & Danubio proximas, sub ditioe Attilæ fuisse.

Hic tot tantarûmque nationum ac Regum Rex, Regis etiam pater, (Ellacem enim maiorem filium Acatziris genti Ponticæ Regem præposuerat) cùm Theodosium opésque Orientis exactione grauium tributorum, crebris incurſionibus, & legationibus exhaustisset, arma in Occidentis partes vertere constituit. Materiam belli præbuit Honoria soror Valentiniani Augusti maior natu, patruo magno auunculóque cognominis, tres tum & triginta circiter annos nata: quam aliquot antè annis ex Eugenio Procuratore suo grauidam cùm frater Palatio expulisset, &, vt ait Iordanes, clausam seruari iussisset, (nam falsò Theodosio Principi missam Marcelli-



nus dicit ) Eugeniumque mandasset interfici : puella vltionis ac licentiæ peccandi cupida, nec minùs dolore quàm libidine accensa clàm Attilam per fidum eunuchum inuitauerat, vt in Italiam transfiret, ei que nuptias pollicita erat. Quamobrem Attila legatos ad Valentinianum misit, qui Honoriam vt traderet peterent, & anulum datæ fidei pignus dubitanti monstrarent, dicerentque nullam puellæ iniuriam fieri, quam sibi ipse vxorem despondisset. itaque Valentinianum dimidia parte Imperij, quam ab Constantio Augusto hereditario iure Honoriz filiz relictam inuasisset, sorori sibiq; cedere æquum esse. nî fecisset, eius vlciscendæ causâ se in Italiam venturum. Legatis Valentinianus respondit Honoriam Attilæ nubere non posse, propterea quòd iam alij nupsisset: ( videtur tum Honoria viro collocata fuisse, ne ab Attila ampliùs peteretur ) nihilque ad eam pertinere Imperium Romanum, quod virorum, non feminarum esse consueuisset. Iterum legati cum eisdem mandatis ad Valentinianum missi eadem ad Attilam responsa retulere. Iordanes duarum aliarum legationum mentionem facit, alterius ad Valentinianum Aug. alterius ad Theodoricum Vefigothorum Regem ab Attila missarum, vt faciliùs vtrosque impatatos & distractos opprimeret: atque Attilam ad Imperatorem scripsisse nequaquam sibi cum eo, quocum factam pacem sincerâ fide custodiret, & cui Galliz ac Hispaniz prouincias dudum amissas armis restituere pararet; sed cum Theodorico communi vtrorumque hoste esse certamen: contrà Theodoricum per litteras hortatum esse, vt inter eum ac Valentinianum initam societatem dirimeret, memorque belli atrocis paullo antè ipsi à Romanis illati Aëtium securum, & Gallias aggrederetur: se in Italiam eodem tempore erupturum. Attilam autem aduersus Theodoricum multis muneribus concitauerat, & velut currenti calcar addiderat Geisericus Rex Vandalorum, qui Theodorici filiam Hunerico filio suo nuptam, ob suspicionem comparati ab ea veneni naribus auribusque amputatis deforme ac miserandum spectaculum Tolosam remiserat, & ne pater puellæ in-

iuriam vlcisceretur, non immeritò timebat.

Igitur Attila quammaximis poterat coactis copiis profectus Pannoniâ, per agrum Quadorum & Matcomanorum ditionis suæ populorum, ac per Toringos, quorum multos sibi voluntarios adiunxit; tetendit in Cartos, & Bructeros: hi Franciæ pagierant. Vbi quid rerum egerit, & de Regno contendentibus fratribus, Regis Francorum mortui filiis, an maiori, à quo (vt ait Priscus) erat accersitus, contra minorem auxilium tulerit, veterum Auctorum negligentia scire nos prohibet. tantùm Childericum Merouci filium ab Hunnis vnâ cum matre captum esse, & Wiomadi cuiusdam Franci opetâ profugisse Fredegarius tradit. Vt cumque Attila se in Francia gessit, certè non paucos & ex ea regione sibi socios adsciuit: inde ad flumen Renum peruenit, atque monoxylis lintribus, quas in Hercynia silua ex singulis arboribus cauari, ac in plaustra imponi ad eum vium paratas iusserat, exercitum traiecit. Sequebantur Attilam (vt Sidonius in Carmine VII, & Paullus in Historiæ Miscellæ libro XV produnt) subiectæ ei nationes, Hunni, Gipedes, & Ostrogothi, hi Ardarico; illi Valameri Regibus Hunnorum tributariis parentes: Alani, Bastarnæ, Turcilingi, Sciri, Eruli, Rugi, Bellonoti à Valerio Flacco in Argonauticôn libro VI Ballonoti dicti: Sarmatæ; Burgundiones, Sarmatica gens, Gothis Alanisque confinis; Quadi; Marcomani; Sauenses, quos Suauos appellant: & inter voluntarios Toringi; Franci accolæ fluminis Vicri, & qui Francis annumetabantur, Bructeri. Omnium numerus (si Iordani & Sigeberto creditur) quingentorum millium, aut etiam multo pauciorum magis quàm, vt ait Paullus, septingentorum fuit.

Cum tanta multitudine vbi Renum transiit Attila, fingit se belli Vesigothis inferendi causâ in Galliam venisse; fidemque pacis cum Imperatore Valentiniano factæ seruare, nec priusquàm Aquitaniam intrauerit, ferrû stringere sibi in animo esse. ita vrbes Galliæ partim dolo & simulatione pacis; partim vi capit. Diuodurum Mediomatricorum opidum Hunnorum sæuitiam aut primum, aut in primis expertum est: opidani, cùm Pascham per-

uigilio celebrarent, trucidati: Presbyteri ante altaria interfecti: vrbs direpta, ac exceptâ Ecclesiâ Stephani Martyris tota incensa: Augusta Treuirorum diruta, magnâ inde prædâ prius egestâ: Aduaca Tungrorum funditus euerſa, agrique populati: Durocortorum Remorum, post annos XLIII quàm ab Alanis & Vandalis captum fuerat, iterum excisum, ac Nicasius Antistes (vti Sigebertus scribit) cum Eutropia sorore plurimisque aliis cæsus: quem plerique Honorio Principe à Vandalis necatum dicunt. Augustobonæ Tricassium opido pepercit Attila Lupi Episcopi precibus motus, & cæde paucorum, quos vir sanctissimus pro ciuibus vitam precatum miserat, reliqui seruari sunt: quod Attilâ domum redeunte quidam factum esse putant. Autissiodurum à Barbaris incendiis vastatum, atque ibi Fraternus eo ipso die, quo Sacerdos factus erat, iugulatus: quem tamen apud Vsuardum Confessorem appellari video. Denique regiones inter flumen Renum ac Ligexim pleræque vexatæ & perditæ: in omnibus pæne vicis, castellis, opidis omnia barbaræ feritatis, auaritiæ, libidinis exempla edita: donec Attila ad Aurelianos peruenit, & castra ante urbem posuit, cuius expugnatione apertâ sibi Aquitaniâ, Theodorici Regis fines ingressurus, ac prius Vesi-gothis quàm Romanis bellum illaturus videbatur. Præsenſerat hanc tempeſtatem Annianus Aurelianensis Episcopus, summæ vir prudentiæ, ac sanctitatis singularis, & Arelate ad Aëtium venerat auxilium postulatam, dimissusque cum pollicitatione opis bonum animum habere opidos; muros, portas, & propugnacula reficere; turres tormentis ac telis complere; omnia demum ad defensionem vrbs parare iusserat. Et Aureliani quidem, quamquam murus vndique arietibus pulsabatur, oppugnationem strenuè sustinendo totam nubem belli detinebant. Aëtius autem promissi memor, dimissis quoquouersus legationibus, copias cogere, & obsessis succurrere maturabat. Venerat ille ex Italia in Galliam cum paucis militibus, iam Attilâ Galliam Belgicam ingressoratus Theodoricum secum vires & castra iuncturum: quem vt comperit in Regno suo subsistere, aduentumque

ibi hostium expectare statuisse, Auitum Aruernum nobilissimum virum ad eum misit. Erat Auitus magnâ apud Vesi gothos propter vicinitatem gratiâ, legationemque fauorabilem contemplatio communis periculi faciebat. itaque Theodorico Regi, qui ab Hunnis per Aëtium mercede accersitis bellum sibi illatum recordabatur, facile persuasum est, vt Reipublicæ, cuius membrum tenebat, opitularetur, & cum Aëtio celeriter sese coniungeret. quo factò ambo cum omnibus copiis ad Aurelianos proficiscuntur. tum fortè Annianus in castra hostium supplex ierat, & pro opidanorum libertate Attilam deprecatus repulsusque, postridie VIII Kalendas Iul. ne per vim opidum expugnaretur portas aperiri iusserat. Iamque procures Hunni intromissi incolas cum suis quemque coniugibus & liberis inter se sortiebantur, ac prædam in plaustra imponebant: cùm Romani atque Vesi gothi interueniunt, ac Barbaros inopinantes opprimunt. fit magna cædes: plerique, qui urbem ingressi erant, interficiuntur: multi in flumen Ligerim compulsi gurgitibus hauriuntur: reliqui fugâ salutem petunt. vt appareat verum esse, quod Sidonius in libri V III epistola XV, & Auctor libri de vitâ Anniani dicunt urbem Aurelianorum ab Attila *obsessam, oppugnatam, irruptam, neque tamen direptam* fuisse. Quamquam Gregorius, Acta Anniani superiorum dissimilia secutus, in Historiæ libro II tradit quassato & labante crebris arietibus muro, Aëtium Patricium ac Theodoricum Vesi gothorum Regem ad opidum Aurelianorum deimproviso peruenisse, & Hunnis repulsis atque fugatis opidanos obsidione exemisse. Corrigendus est hoc loco error Sigeberti, qui Collisionem Valsatium ait diu obsessum ab Attila Hunnorum Rege, quem constat non vltra Aurelianos processisse, & solutâ obsidione retro in Galliam Lugdunensem rediisse.

Aëtius Aurelianis tanto periculo liberatis Sangibannum Alanorum Regulum cum valido præsidio præposuit, neque hostes perterritos insequi, & quamquam opportuna esse occasio rei bene gerendæ videbatur, fortunam periclitari voluit: quodd antequàm prælio con-

ten-

tenderet, variarum gentium auxiliis per legatos accersitis adiungi cupiebat. quippe expectabat præ ceteris (vt ait Iordanes) copias Francorum, Sarmatarum, Armoricianorum, Liticianorum, Burgundionum, Saxonum, Ripariolorum, Brionum. Francos quidem in auxiliū Romanis venisse Paullus Langobardus quoque in rerum Romanarum libro v, & Auctor libri de vita Sigeberti Regis Dagoberti filij tradunt, quos (sicuti Gregorius & Sigebertus scribunt) Rex gentis Meroueus adduxit. Sarmatiam autem Europæam non omnem Attilæ fuisse indicant supradicti Sarmatæ, accolæ fluminis Vistulæ, qui Aëtio Magistro militum opem tulerunt, & quemadmodum Saxones; nauibus in Galliam venerunt: Ceterum non est, quod quisquam miretur Armoricianos, siue Armoricos ab Iordane inter auxiliares numerari. cum Zosimus in libro v i prodat, effusis per Gallias Germanis, omnes Armoricos, & nonnullas alias earum regionum præfecturas atque gentes; quod nullum in Imperatore Honorio, & Constantino Tyranno ipsis esset præsidium, defecisse: eiectisque ob iniquitatem magistratibus Romanis & tributorum exactoribus Rempublicam suo arbitrio constituisse. Quare principatu Valentiniani Aëtius Magister militum primò Litorum cum Hunnis mercede accersitis; deinde aliquot post annis Eocharicum Alanorum Regem in Armoricos rebelles immisit. vt appareat eos, tamquam liberos & iuris sui populos, non iustos; sed rogatos auxilia contra Attilam Aëtio misisse. Idem de Ripariolis dicere conuenit, qui Galli incolentes circa ripam Reni ac fluminis Ruræ, vbi Bonna, Colonia Agrippina, Iuliacum, & Marcodurum sunt; cum continuis Francorum incursionibus vexarentur, nullumque in Romanis sibi præsidium positum esse intelligenrent, Armoricos imitati ab eorum imperio defecerunt, ac suis legibus vti instituerunt, se suæque à Francis domesticis viribus defensuri: quos postea nostri Auctores pro Ripariis Ripuarios, ac Ribuarios mendosè vocauerunt. Denique Briones, vt ait Iordanes, antea Romanæ ditionis, tum iuris sui gens; hi sunt, quos Senator & Fortunatus Breones, veteres Geogra-

cccc.  
xxx.

phi Breunos appellant, atque in Vindelicia ponunt. Quamquam Sidonius in Carminē VII, & Hydatius in Chronico tradunt Noricos & Vindelicos, qui rebellauerant, anno VII post Honorij Aug. mortem Theodosio XIII & Valentiniano III Coss. ab Aëtio Magistro militiæ subactos perdomitosque esse. Liticianos apud Iordanem in libro I diximus nobis videri Lætos esse vel Letos, qui cū alibi, tum in pago Letico ad flumen Letiam, cuius pagi in rebus gestis Philippi Augusti Francorum Regis fit mentio, sedem habuere. tum autem Meroueus Rex terras Leticas in prouincia Belgica secunda vltra flumen Suminam iacentes obtinebat. quamobrem Liticiani, hoc est Leti, tamquam Francis parentes inter auxilia Aëtij à Iordane numerantur. His animaduersis ad ordinem reuertor.

Postquam tot gentium nationūque auxilia conuenerunt, iam non impar hostibus Aëtius proelio decertare constituit. Præerat Aurelianus (vt diximus) præfidiōque ibi relicto Sangibanus Alanorum Rex. is siue euentum pugnæ Romanis exitiabilem futurum arbitratus; siue clām per populares sollicitatus ab Attila promissis, urbem se suosque traditurum promisit. quā re cognitā præuenerunt inceptum vtriusque Theodoricus ac Aëtius, & munitā vrbe, eductisque ex eadem Alanis, ad Attilam rump per Galliam Lugdunensem & Belgicam vagantem contenderunt, atque in campis Catalaunicis contra eius castra confederunt. Campi Catalaunici Tetricianā clade nobiles vltra flumen Matronam iacent, quos Iordanes Priscum secutus Mauriacos vocat, atque in longitudinem leugas centum; hoc est CL millia passuum, in latitudinem septuaginta patere. Antequam proelium hīc committeretur, accidit res digna memoriā. Manus Francorum Aëtianorum Gipedes & numero & virtute pares noctu improvisò obuios habuit. haud aliās vehementius vtrimque ac pertinacius initum certamen. quippe quasi vir virum legisset, mutuis ictibus omnes ad vnum occubēre: nec ex omni eo Francorum ac Gipedum numero, qui fuit quindecim millium, quisquam superfuit. Erat in supradictis campis mons, quem qui teneret, loci

opportunitate superior futurus videbatur. Eius montis summum iugum Aëtius ac Thorismodus Theodorici Regis filius cum celeriter adscendissent, & firmo præsidio occupauissent, Hunnos eodem subeuntes faciliè deiecere. quo incommodo perturbatos milites suos Attila oratione confirmat, & quamquam deterritis Haruspicum responsis circiter horam nonam prælium committit. Læuo cornu Valamerem; dextro Ardarium præposuerat: mediâ aciem ipse cum Hunnis tenebat. Aëtius autem in sinistro cornu; Theodoricus in dexteriore erant: Alanos, ac Sangibanum Regem in medium agmen contulerant, ut vir suspectus inter Romanos ac Vesigothos positus, spe fugæ atque transi- tionis sublatâ, necessariò pugnare cogeretur. Fit prælium atrox, multiplex, cruentum, pertinax; Hunnis de gloria, Romanis de libertate pugnantis. Theodoricus Rex, dum ad cohortandos suos in omnem partem decurrit, ex equo deiectus iumentorum ungulis obteritur: aut, ut quidam dicunt, sagittâ ab Andage Ostrogotho Amalæ stirpis emissâ configitur. Quàm acriter utrimque pugnatum sit ex eo colligi potest, quod vix intempesta nox certamen diremit. quippe Vesigothi, nondum Regis morte cognitâ, abrupti ab Alanis mediâ Hunnorum aciem inuaserant: magnûmque adisset periculum Attila, nî dux prouidens receptui cani iussisset, & suas copias reduxisset in castra, ubi pro vallo plaustra obiecta, & sagittariorum præsidia ad defendendos aditus disposita erant. Thorismodus natu maximus Theodorici Regis filiorum, ratus ea castra sua esse, cæcâ nocte ad hostium carpenta & stationes accessit, fortiterque dimicans capite vulnerato equo deiectus, atque ab suis ex periculò ereptus est. similiter Aëtius inter medios hostes versatus vagus, & ignarus quæ fortuna Vesigothorum fuisset, tandem sicut & Thorismodus, in castra peruenit. Ibi dispositis scutatorum stationibus atque custodiis reliquum noctis egerunt.

Postero die primâ lucē fœda strages spectaculo Aëtianis fuit. iacere corpora totis campis vident: amnem exiguum ac ignobilem, qui agros secabat, sanguine intui-

muiffe: Attilam quoque castris ſeſe tenere, & armorum ſonitu cantuque ſignorum fiduciam ac eruptionis faciendæ conſilium ſimulare. tum demum viciffe ſe intellexerunt. Veſigothi Theodorici Regem inter acervos corporum conquiſitum ac inuentum, ſub hoſtium oculis, comitantibus Thorifmodo ac Theodorico filiis, cum inſignibus regiis extulerunt & ſepeliuerunt, funuſque eius more patrio cantu lugubri & lacrimis celebrauerunt. Iuſtis Theodorico ſolutis Thorifmodus ibidem Rex à ſuis ſalutatur; cùmque vlcifci patris mortem guperet, Aëtium adit, ac quid faciendum eſſet exquirir. Is veritus, ne Veſigothi Hunnis occidione occiſis, remotoque potentiſſimi hoſtis metu, Romano Imperio graues forent; Thorifmodo perſuadet, vt celeriter Tolofam regrediatur: ne eius fratres, qui domi remanſerant, (quatuor autem remanſerant Fredericus, Euricus, Rotemerus, & Himmeritus) pecuniam regiam, ac Regnum patrium occupent. idẽmque (vt ait Gregorius) cum Meroueo Francorum Rege ſimili agens dolo effecit, vt conſeſſim ſe in Regnum reciperet. ipſe lectis ſpoliis Arelate; Attila cum cladis reliquiis domum rediit. Thorifmodus poſtea aurea gemmataque lance quingentũ pondũ ab Aëtio donatus eſt. Attilam Veſigothorum, ceterorumque diſceſſu cognito inſidias veritum diu caſtris ſeſe cõtinuiſſe auctor eſt Iordanes, nec priuſquam diuturnum ſilentium omnem dubitationem profectionis hoſtiũ expuliſſet, extra vallum egredi aulũ eſſe. Apparet ergo fabuloſum eſſe, quod in Hydatij Chronico, quale illud Ioſephus Scaliger edidit, inuenimus; Theodorici Regem apud Aurelianos contra Attilam pugnauiſſe, & cum ipſo Veſigothorum millia CC; Hunnorũ CL millia cecidiſſe; deinde in Tricaſſium finibus circa Mauriacum (quod opidum ad ripam Sequanæ poſitum nunc Meriacum vocatur) Thorifmodum cum Attila dimicauiſſe, & certamine toties nocte diremto ac luce repetito, infinitum numerum Barbarorum occiſum eſſe: Aëtium Patricium inſtructum Francorum auxilium Hunnos diſcedentes vſque ad Toringiam procul inſecutum, noctu ignes in caſtris plurimos fieri iuſſiſſe, vt immenſe mul-



titudinis speciem præberent. Nec verius est, quod scribit Damascius in libro de vita Isidori Philosophi, commisso ad urbem Romam prælio inter Romanos & Sythas, hoc est Hunnos, quos Attila ducebat, tantam utrimque eadem esse factam, nemo ut cum Romanorum tum Barbarorum præter Duces paucosque eorum stipatores ex pugna superfuerit: cumque pugnantes multis acceptis vulneribus cecidissent, corporibus defatigatos ac iacentes, animis nihilo segnius stetisse, ac riduo tribusque noctibus certamen continuasse. Errat similiter Nicephorus Callistus, cum in Historiæ Ecclesiasticæ libro XIV tradit Theodoricum ac Aëtium improvisè Attilam ultra Danubium castra habentem adortos, multa hominum millia interfecisse: Attilamque, quem Gothum fuisse, & nihilominus à Gipedibus genus duxisse ait, hasta confossum; Theodoricum ipsum sagitta confixum occubuisse. Hic fuit exitus magni illius prælij, quo in prælio grauem utrimque cladem acceptam, & *neutri cedentibus inestimabilem stragem factam* Tiro Prosper scribit; Hunnosque eo victos habitos esse, quod amisâ pugnandi fiduciâ qui supererant celeriter domum redierint. Hydatius millia hominum ferè CCC; Iordanes ac Freculfus CLXV; Paullus Langobardus ac Sigbertus millia armata CLXXX cecidisse dicunt. quo in numero cæsum ineundo Paullus à Iordane dissentire nemini videri debet. quippe alter XV millia Gipedum ac Francorum excipit: alter hos quoque ceteris in nouissimo prælio interfectis annumerat. Ex quo intelligitur Attilam non copias Darij aut Xerxis exercitibus numero pares, sed longè pauciora quàm quingenta armatorum millia in Galliam adduxisse. cum post prælium nec è castris erumpere obsessus; nec Aëtium Vefigothorum Francorumque discessu multo infirmiore factum aggredi; nec Galliarum provincias peruagari ausus sit: idemque apud Gregorium *cum paucis* domum reuertisse dicatur: cui, si initio belli 15 millia hominum habuit armata; tamen apud Ligerim Hunnos non paucos, & in Catalaunicis campis utrimque millia CCC cecidisse credendus: tamen ex utroque prælio plura quàm ducenta

cccc.  
lil.

millia Barbarorum superesse oportuit. Præterea ex his quæ suprà diximus, intelligi potest quantis copiis Franci, atque Vesigothi in auxiliū Romanis venerint. siquidem Aëtio ipsi, cui opem ferebant, suspecti timendique præ multitudine, & hac re nondum confecto bello tamquam graues socij, metu nouarum rerum Meroueo ac Thorismodo Regibus iniecto, ocius dimittendi fuerunt. Insequenti anno Herculano & Sporacio vel Sphoracio Coss. Attila, clade in Galliis præter spem accepta furia- tus, celeriter reparatis copiis per Pannoniam & Noricum in Italiam contendit, vt cum loco belli fortuna mutaretur. Crederes non Hunnos paullo antè à Romanis; sed ab Hunnis victos esse Romanos. ita alteri fracti; alteri irâ, & vlciscendi ignominiam cupiditate ferociores facti erant. Certè Aëtius, qui manus cogere, & angustas Al- pium Iuliarum fauces, vnde subeuntes Barbaros faciliè propellere potuisset, valido præsidio occupare debue- rat; re improuisa perterritus eo magis quòd ab hoste recens fuso fugatòque nihil tale metuendum existima- uerat, relinquendæ Romæ ac Italiæ petendæque Gal- liæ consilium cepit: atque Imperatori Valentiniano sua- sit, vt vnâ secum ex Vrbe profugeret. quod cum turpe ac periculosum videretur, vicit pudor timorem, credi- tumque est opulentissimarum prouinciarum populatio- ne posse sæuitiam hostium & auaritiam expleri. Igitur Attila Alpes Iulias, quæ Italos ab Noricis diuidunt, va- cuas præsidio transgreditur: & per Carnorum regionem, quæ tum Istriæ iuncta Venetia inferior dicebatur, iti- nere factò ad Aquileiam coloniam peruenit. Erat Aqui- leia posita ad amnem Natisonem, & ab Hadriatico mari millia passuum XII distabat: vrbs situ & mœnibus in- gentis operis munita, armis atque viris valida, magnitu- dine, commercio, monetæ officina, gynæceo, ac Vene- ticæ classis statione insignis. Eam urbem; frustra quon- dam non à Barbaris modò; verùm etiam ab Imperatori- bus Romanis obsessam, Attila diu circumfedit, admodum- que muralibus machinis, & omni genere tormentorum acriter oppugnatam, defensamque pertinaciter tandem vi cepit, propugnatores, opidanique partim interfecti;

partim capti sunt: vrbs direpta, incensa, ac funditus diruta: vix vt vllum eius hodièque vestigium exstet. mox eodem impetu Concordia excisa: Altinum deletum: Patauium quoque, Vicetia, Verona, Brixia Venetiæ vrbes flammis ferroque vastatæ. Hunni deinde nondum Romanorum opibus expleti, & sanguine satiati in Italiam Transpadanam, quæ tum Liguria appellabatur, perueniunt: Bergomum capiunt: Mediolanum caput Liguriæ, quondam Imperatorum domum eruunt: Ticinum Regiam urbem à Paulo Langobardo dictum, quòd ea postea Regibus Langobardorum sedes fuit, ac proxima loca æquant solum. abest autem Ticinum à mansione Adrante Italiæ Noricique confinio millia passuum circiter CCCI. Elatum successu Attilam, & iam circumactis suis copiis Romam petere cupientem ab eo consilio detertere cœperunt principes amicorum, veriti ne quod Alarico Gothorum Regi acciderat, expetentibus pœnas Romæ direptæ Diis patriis; paullo post captam Urbem morbo interiret. Dum ergo incussa superstitio moratur impetum, Rêxque dubius de Roma secum in vtramque partem deliberat: idipsum metuens Imper. Valentinianus, cui ad prohibendum vires deerant, communi consilio Senatus populique Romani Leonem Episcopum Romanæ Ecclesiæ, Gennadium Auienum Consularem Coruinorum genitum familiâ, Abienum quibusdam dictum, & Trygetium præfectura & legatione ad Vandalos functum legatos ad eum misit, qui pacem peterent. Fuit aduentus legatorum non ingratus Attilæ tum in agro Venetorum Ambuleio ad Mincium castra habenti: quòd vt mandata; sic pecuniam Imperatoris, quâ vnâ pelli poterat, ad ipsum deferebant. itaque Barbarus muneribus magis quàm verbis precibusque placatus (quamquam id Historicos dicere puduit) pacem supplicibus dedit, suosque abstinere cædibus & incendiis iussit, ac per eadem vestigia quâ venerat Daciam Transdanubianam repetiit, antequam legatos dimitteret, sæpe minatus grauiorem se Italiæ cladem illaturum, nisi Valentinianus sororem suam Honoriam sibi vxorem, vnâque partem opum regaliū ei debitam mitte-

ret. Pacem tum non solum pecuniâ datâ, sed etiam pacto pensionis stipendij redemisse Romanos indicat Iordanes, apud quem equites Hunni nœniam canentes dicunt Attilam *utrumque Orbis Romani Imperium captis ciuitatibus terruisse*, & ne reliqua diriperet, *placatum precibus annuum vectigal accepisse*. Et ita quidem, vt suprà diximus, Tiro Prosper, & Iordanes Priscum auctorem Attilæ æqualem secutus de eo bello scripsere. Ex quo apparet falsò Hydatium dicere vrgente fame, & ingruentibus morbis, atque militibus, qui ab Marciano Principe missi auxilio Italiam venerant, sc̃que Aëtio Duci adiunxerant, Attilam pacem cum Valentiniano fecisse, ac se in suum Regnum, quod ab alio Marciani Augusti exercitu vastari compererat, recepisse. Nec melius Constantinus Porphyrogennetus in præceptis de regendo Imperio ad Romanum filium, Attilam Abarum Regem appellat, qui Hunni Abares anno imperij Iustiniani XXXVII, post Consulatum Herculani & Sporacij CXLII Romanis primùm noti esse cœperunt: eundemque ait ad urbem Romam, atque in fines Calabriae peruenisse, quem haudquaquam Padum flumen transiisse constat. Notandum tamen est, quod Constantinus eodem libro ac loco tradit, Attilâ Italiam depopulante, seu potius finibus Italiae appropinquante, cum pleræque vrbes & opida ab incolis deferrentur; multos ex Aquileia, Concordia, Iustiniana, & ex castro Noni, quod mutatio ad Nonum in Itinerario Hierosolymitano vocatur; (adde potuit ex Altino, Patauio, Opitergio) perfugisse, & in incultas insulas Venetico litori adiacentes, nimirum Rium altum, Gradum, Romatinum, Liquestiam, Madaucum, vel Meduacum, fossam Clodiam, & Lauretum se recepisse, ac structis tuguriis ibi confedisse, eamque Venetiæ, vrbis notissimæ & maximæ, originem fuisse. Sanè Prosper in Chronico prodit, Attilâ petente Italiam, *incolas motu solo territos campis praesidio nudauisse*, quod de alia re quàm fuga Italicorum intelligi non potest. Venetiam autem, vel (vt alij vocant) Venetias non tamquam urbem, sed tamquam insulas à nautis & mercatoribus vimineas casulas per ma-

re sparsas ac plurimas naues habentibus, solo piscatu videntibus, & salinas exercentibus habitatas primus (sicuti puto) descripsit Cassiodorus Senator in libri XII epistola XXI V, qui Auctor anno quinquagesimo post excisam Aquileiam florebat. eiusdemque opidi postea à Paulo Langobardo, & à scriptoribus rerum gestarum Caroli Magni fit mentio.

Sed non possum non mirari, quòd Iosephus Scaliger Iulij Cæsaris filius in Commentario operis Catulli scribat Attilam, quem Regem Hungarorum, gentis ante Arnulfi principatum eo nomine nequaquam notæ, malè & improprie appellat, cùm in Italiam erupisset, ab Theoderico Scaligero Gotho Veronensem finibus prohibitorum repulsùmque ad occupandam Aquileiam contendisse: Venetòsque repentino Barbarorum aduentu perterritos proximas insulas in Hadriatico mari sitas fugâ petiisse, quam Venetia vrbs opulentissima & munitissima originem habeat. Hunc Theodericum à Germanis Auctoribus Veronensem appellari, & Theoderici Magni Regis Italiæ fratrem patruelem fuisse, atque opidi Terioliensis regionisque ei appositæ, præterea Veronæ ac Sirmionis principatû obtinuisse. Quasi verò Attilam, per Pannoniâ (vt ait Prosper) itinere factò Italiam ingressum, non priùs ad urbem Aquileiam venire, quàm in fines Veronensem proficisci oportuerit: & qui Italiam ne Aëtio quidem Magistro militiæ prohibente populabatur, cum Theodericus iste nescio quis vnus aut alterius vrbis viribus pellere potuerit: aut alius tum quàm Valentinianus Aug. vllarum Rætiæ & Italiæ vrbiũ imperium obtinuerit. Neque Theodericus Scaliger iste homo ignotus; nec, vt Auentinus putat, Theodericus Triarij filius, qui Zeponis principatu obiit, & numquam in Italiam venit; sed Theodericus Ostrogothorum & Itolorum Rex à Germanis scriptoribus appellatus est Veronensis, quòd Odoacrem apud Veronam atroci prælio superauisset, eamque urbem ob id non rarò sedem habuisset, & thermis, Palatio, ac porticu nouis operibus, aquæductu, murisque refectionis exornauisset. Quod autem adiicit Iosephus Scaliger, Theodericum Scalige-

rum hunc, auctorem originis & nominis Scaligerorum Principum, Theoderici Italix Regis fratrem patruelem fuisse, æquè fabulosum est. nam Iordanes scribit Vandalarium, Vuinitharij Regis filium ab Amalo deducendum genus, tres filios sustulisse Valamerem, Theodemerem, & Vuidemerem Ostrogothorum Regulos: è quibus Valamer, (vt Malcho & Damascio placet) ex Ercleua concubina Græcis Eusebia dicta Theodericum, qui postea in Italia regnavit, Theodemundum, ac duas filias tulit: Vuidemer Vuidemerem, patruelem fratrem Theoderici Regis genuit. at de isto Theoderico Scaligero Cassiodorus Senator, & Iordanes, & Malchus, atque etiam reliqui ferè omnes Historici Paulo Æmilio Veronensi vetustiores tacent. Postremò cum Theodericus Valameris post Attilæ in Italiam aduentum, siue post Consulatam Herculani. & Sporacii anno LXXXIV, Olybrio Consule decesserit: vt Theodericus Scaliger non plusquam XXX annos Herculano & Sporacio Coss. habuerit, tamen necesse erit inter Theodericorum fratrum patruelium alterius natalem, mortem alterius annos CIV interfuisse. nec vñquam Paullus Æmilius & Iosephus Scaliger mihi persuadebunt Scaligeros multo ante diuturnum interregnum Friderici Aug. mortem secutum, vel ante Mastinum quemdam emergere; & Veronam regionemque ei adiunctam possidere cepisse.

LXXXVI.

CCCC.  
XII.

MCCCLX.

Attila, vbi vastatâ Italiâ domum reuersus est, otij impatiens legatos ad Imper. Marcianum & Pulcheriam Aug. misit, stipendiumque, quod ipsi Theodosius pendere consueisset, sub belli denuntiatione petiit. Iordanes in libro rerum Gothicarum scribit Attilam Gentium dominum memorem acceptæ in Gallia cladis, omisso, aut in aliud tempus reseruato Marciano; partem Alanorum, quæ trans flumen Ligerim confidebat, aggredi, & his subactis, bellum Vesigothis inferre constituisse: profectumque Dacia atque Pannonia prouinciis suis, alio quàm quo antea venerat itinere in Galliam contendisse. Thorismodum autem Vesigothorum Regem, cum dolum presensisset, celeriter in auxiliû Alanis venisse, At-

tilamque fines eorum intrantem paratis copiis excepiſſe, & prælio fuſum ac fugatum in ſuas ſedes reuerti coegiffe. ita Hunnos acceptum in campis Catalaunicis incommodū dum expiare volunt, geminauiſſe, & Alanos periculo eſſe liberatos: quoſtamen ab Thorifmodo prælio domitos eſſe Gregorius in libro II tradit. Sigebertus Iordanem ſecutus Attilam à Veſigothis, quos aggrediebatur, victum ait. Ego, pace Iordanis ac Sigeberti dixerim, vix crediderim Hunnos poſt Catalaunicam cladem in Galliam reuertiffe. cū quodd præter Iordanem ac Sigebertum nullus de eo bello ſcripſit: tum quodd non mihi videtur Attila intra triennium tribus tantis ac tam longinquis expeditionibus ſine cauſa Regni vires fatigauiffe. contra idem apud Hydatium & Paulum Langobardum poſt exceſſum ex Italia atque domum redi- tionem mox obiffe dicitur. certè (vt ait Proſper) inſequenti anno Opilione & Vincomalo Coſſ. deceſſit: & cum more patrio, poſt ſuſceptos ex pluribus vxoribus liberos, puellam virginem excellentis formæ nomine Il- dico in matrimonium accepiſſet, & mero ac ſomno grauatus noctu ſupinus iacuiſſet, manè repertus eſt mortuus, ſanguine, qui è naribus fluere ei conſueuerat, in fauces lapſo. ſolus Marcellinus Aëtio & Studio Coſſ. ab noua nupta cultro traiectum dicit. Tum ex gente Hun- norum: lectiſſimi equites parte comarum ſciſſa, genſi- que ferro laniatis circa corpus Attilæ medio in campo intra ſerica tentoria poſitum decurrere, cantu lugubri laudes mortui proſequentes. inde conſecto ſilicernio, quā Barbari ſtrauam appellabant, noctu clām phaleræ gemmis diſtinctæ; arma cæſis hoſtibus detracta, & inſignia regia cum Attila condita ſunt atque deſoſſa: moxque magna de Regno inter eius filios orta contentio eſt; & aliquot gentium, quæ ſub Hunnorum imperio eſſe conſueuerant, in primis Gipedum, Oſtrogothorum, Alanorum, Erulorum, Rugorum, atque Scirorum defectiones ſecutæ bella excitauere, quibus ferociſſimi populi attererentur. Fuit autem Attila ſtatura breui; lato pectore; capite grandiore; paruis oculis; ſimo naſo; barba rara; canis ſparſus; colore tæter; magnus animo;

versutus & callidus ; bellorum quidem amans , sed ita ut in præliis mente, non manu rem gereret ; consilio prudentissimus ; supplicibus exorabilis ; propitius receptis in fidem ; iracundus ; impotens , successibus elatus ; superbiam incessu vultuque præferens ; huc atque illuc circumferens oculos ; cum externis omnibus præsertim Romanis , tum etiam suis maximè terribilis.

cccc-  
LIII

Eo ipso anno , quo Attila obierat , Opilione & Vincomalo Coss. mense Julio decessit Ælia Pulcheria Regina , filia Arcadij Principis , Imperatorum Theodosiorum alterius neptis ; maior natu soror alterius ; amittina Placidi Valentiniani ; vxor Marciani. Thorismodus quoque Vesigothorum Rex , quem aliqui Thurismundum appellant , à Theodorico ac Friderico fratribus iugulatus est , & Theodoricus Regnū occupavit. quod Auctor Appendicis Victoris Chronico insertæ Constantino & Rufo Coss. factū esse falsò ait. Admonet me hic locus , ut de Alanis , quibus Attilam bellum fecisse ; Thorismodum autem auxiliū tulisse Iordanes scribit , pauca dicam.

cccc-  
LVII

Cum Hunni Valentis principatu in Scythiam Europæam erupissent , Alanosque subegissent , aut potius pacto societatis sibi adiunxissent : multi ex ea gente , relicti sedibus suis , permissu Principum Romanorum ( si Iordani credere libet ) in finibus Pannoniæ confedere : unde exciti ab Stilicone Consulari , Magistro militum ac Patricio vnà cum Vandalis in Gallias se effudere. Præerant Alanis Goar & Respendial Reges : è quibus Goar ad Romanos cum suis transiit , ac in Gallia remansit : ubi Iouinum Mogontiaci Imperatorem consulendum curavit. reliqui adiunctis Vandalis & Sueuis , ductu Respendialis Hispaniam ingressi sunt Honorio VIII & Theodosio III Coss. & Lusitaniam , ac provinciam Carthaginensem obtinere. ubi à Valia Rege Gothorum per triennium continuum bello pressi , multos suorum , in primis Atacem vel Utacem Regem , qui Respendiali successerat , amittere : ita ut qui Vandalis antè ac Sueuis potentiâ præstabant , fracti præliis & ad paucos redacti abolito regni nomine se Gunderico Regi Vandalorum partisq; Callæciæ in clientelam dicarent , atque Hierio

cccc-  
IX



CCCC.  
XXVII.  
CCCC.  
XXVIII.

& Ardabure Coss. aut (vti ait Hydatius) anno V post Honorij Aug. obitum Consulatu Felicis & Tauri Geisericum fratrem Gunderici ac successorem in Africam sequerentur. vnde Geisericus, & Hunericus, ac eorum successores Vandalorum & Alanorum Reges sunt appellati, cumque sibi titulum in edictis adscripserunt. Alani, qui in Gallia remanserant, Valentiniani principatu in duas partes videntur esse diuisi, & alteri ad Ligerim, alteri ad Rhodanum in agro Valentino sedem cepisse, hi Eocarico, illi Sangibano Regibus parentes. Certè Constantius in libro II de vita Germani Eocharicum ferocissimum Alanorum bellicosæ gentis Regem, ac idolorum cultorem vocat, & cum equitibus suis feratis ad coercendos Armoricos rebelles ab Aëtio missum esse dicit, quem idem (sicut existimo) cum populoribus circa ripam Ligeris collocauit, vt metu finitimorum Barbarorum Armorici in fide continerentur. Hic est Eocaricus, vel Eocricus, quem Tiro Prosper in Fastis *Vitricum* pro Iucrico appellat, aitque Theodosio XVI & Festo Coss. *Reipublica Romana fidelem, & multis documentis bellicis clarum habitum esse.* Igitur Attila, si vquam in Alanos expeditionem suscepit, eam partem Alanorum trans flumen Ligerim confidentem à Iordane dictam aggressus est: qui se postea ita Britannis in tractum Armoricum transgressis immiscuere, vt multi Britannorum Reges ac Duces præter ceteros Alani vocati sint, nec vllum hodiè que in ea prouincia notius sit nomen. Alteri Alanorum parti præfuit Sangibanus, quem Sambidam pro Samgiba Prosper in Chronico appellat, scribitque tractum Valentinum desertum ab Aëtio locum domicilio accepisse, & anno vnde uicesimo post Honorij Aug. mortem, Dioscoro & Eudoxio Coss. resistentes possessores agris expulisse, atque ita Alanos id quod cum incolis diuidere iussi erant, totum armis occupauisse. Iidem Alani Gallicani finitimam partem Galliz postea incursionibus vastauere. quippe Maiorianum Aug. cum expeditionem in Alanos, qui Gallias infestabant, faceret, à suis interfectum auctor est Iordanes. Nec de Alanis plura quæ memorentur occurrunt, nisi quòd scire

CCCC.  
XXXIX.CCCC.  
XLII.CCCC.  
LXII.

conuenit Albanos à Menandro Zonara & plerisque recentioribus Græcis corrupto nomine Alanos vocari.

cccc.  
LIV.

Aëtio & Studio Coss. anno Marciani Principis IV magnæ Valentinianū inter & Aëtium Magistrum militum inimicitia esse cœperunt, breui vtrique exitio futuræ. Habebat in matrimonio Valentinianus Liciniam Eudoxiam Aug. Theodosij minoris & Eudociæ filiam, nep-  
tem Arcadij Aug. & Eudociæ, Theodosij maioris pro-

cccc.  
XXIV.

neptem, quam Castino & Victore Coss. cum Cæsar factus esset, iussu Theodosij quibusdam sibi desponde-

cccc.  
XXXVII.

rat, & quam Aëtio II & Sigisualto Coss. Constantino-  
polim profectus, dato promunere socero Illyrico, vxorem duxerat. ex ea filias duas susceperat Eudociam & Placidiam, hanc maternæ auia; illam paternæ cognominem: è quibus Eudociâ Gaudentio Aëtij filio fide vtrimque datâ desponderat. Igitur Aëtius iratior promissa resposcebat, causamque filij animo patrio agebat, petens vt Eudocia adulta iam virgo connubio Gaudentio iungeretur. At Heraclius spado Præpositus cubiculi, subornatus à Maximo Senatore Valentiniano persuasit hac affinitate insidias tegi, nec tam filiam ipsius quàm vitam ac Imperium peti: proinde ne opprimeretur, celeriter aduersarium esse præoccupandum. Erat Heraclius in paucis carus Valentiniano, cuius animum (vt loquitur Prosper) *non sincera famulatus*; hoc est forsitan matrum familiâs introductionibus, sibi ita deuinxerat, vt cum facili ad quæ *veller* impelleret: Aëtiūque suspectum nimia potentia faciebat. itaque solus in Palatium venire iussus Valentiniani manu, & circumstantium gladiis confoditur. amici eius, viri maximis honoribus sumpti, in primis Boethius Præfectus Prætorij per Protectorem, vel, vt tum dicebant, Spatharium alius post alium introducti sunt atque iugulati: moxque legati ad Reges Barbarorum, qui cædis causam docerent, missi: & Maiorianus, quem sub se militantem Aëtius impulsu coniugis suæ domum remiserat, ab Valentiniano euocatus, vt per eum tutius Aëtij milites Palatinis legionibus & auxiliis adiungerentur. Fertur quidam interrogatus à Valentiniano, quid de Aëtij cæde sentiret, respondisse: iu-

re, an iniuriâ cæsus sit ignoro; Imperator: hoc tamen scio finistrâ tibi manû dextram præcidisse. Hunchabuit exitum Aëtius Dux; & ter Consul, ac Patricius; *magna* (vt ait Marcellinus) *Occidentalis Reip. salus*, ac singularis spes populi Romani: & vnâ cum eo Imperium Occidentis sic concidit, vt per annos CCCXLV iacuerit; nec nisi Francorum manibus atque virtute erigi potuerit. Nam qui Valentiniano succedere, Maximus; Auitus, insequentisque VII Principes vsque ad Odoacrem, intra annos XXII mortui omnes, aut expulsi; Reges Italiæ magis quam Imperatores fuerunt appellari que debuerunt. vt non absurdè Cassiodorus Senator in Chronico dicat Maiorianum, qui vnus è Valentiniani successoribus fuit, *Italia Imperium suscepisse*: ceteris nimirum Occidentis prouinciis ferè omnibus tum amissis: ac ne Italiâ quidem ipsa propter Vandalorum latrocinia pacarâ & securâ. Aëtium autem ait fuisse Frigidus medio corpore, in quo nec obesitas oneri, nec gracilitas infirmitati esset; virili habitu atque decoro; animo alacrem; membris vegetum; equitem promptissimum; sagittandi, contoque pugnandi peritissimum; quorum alterum ab Hunnis, alterum à Gothis, aut Sarmatis Hunnorum stipendiariis obses didicerat: bello optimum; pacis artibus celebrem; expertem auaritiæ; ne impulsoribus quidem prauis ab instituto suo deerrantem; iniuriarum patientissimum; amantem laboris; minimè periculorum metuentem; famis, sitis, atque vigilie tolerantissimum. idemque auctor est ei adolescentulo prædictum, fore vt ad magnam potentiam perueniret. quas laudes etsi Aëtio meritò impertiri Frigidum existimo: tamen defectio Bonifatij clarissimi ductus, & amissio omnis ferè Africæ; & Hunni bis in Italiam adducti; & per eiusdem gentis auxilia maior Galis quam Vesigothis illata calamitas; & destitutio Britannorum opem flagitantium; & veniente in Italiam Attila nudatæ præfidiis, ac velut ex industria apertæ Alpes; & corruptus otio, atque longa pace emollitus miles haud scio an alij debeant imputari. Certè Aëtius virtutes suas immodica ambitione scædauit, ita Placidie &

Valentiniano parens, vt aliis imperare omnibus cuperet. quippe, ne quem haberet parem, Felicem Patricium veluti sibi infidiantem interemit: Bonifatium, cuius inuidebat gloriæ, potentiâque timebat, vt opprimeret, falso crimine inuisum Placidia fecit: Sebastianum eius generum, virum peritum belli gerendi; Palatio domoque expulit: denique ad recuperandam dignitatem Barbaros in Italiam immittere, ac bellum nefarium suo Principi inferre sustinuit.

ccc.  
lv.

Valentiniano V III & Anthemio Coss. anno Imperatoris Marciani V Aëtij mortem cædes interfectoris consecuta est. Adiunxerat sibi imprudenter Valentinianus atque inter stipatores corporis retinuerat Aëtij ab se occisi amicos & armigeros, Optilam & Traustilam Gipedes, quos alius familiares Aëtij; alius satellites; milites eius alius appellat. Hi opportunitatem speculati egressum extra Urbem Principem, & vt ait Prosper, ludo gestationis intentum viâ Labicanâ inter Duas Lauros XV II. Kal. April. gladiis iugulauere: simulque Heraclium Præpositum cubiculi, tanti causam mali, vti erat lateri proximus, interemere. neque in magna circumstantium Protectorum, Aulicorumque multitudinē repertus est quisquam, qui tantum ac tam atrox scelus vlcisceretur. Valentinianum Aug. Romæ in Campo Martio dolo Maximi Patricij circumuentum & occisum auctores sunt Hydatius, Marcellinus, Senator, & Victor Episcopus: è quibus Hydatius Aëtium anno Marciani Principis tertio; Valentinianum quarto iugulatum falsò dicit. Adicit Gregorius in Campo sedentem eum pro tribunali, concionantemque apud populum ab Optila Buccellario, hoc est milite Aëtij gladio confossum esse. vt malè Zonaras & Nicephorus à Maximo ipso in Palatio interfectum putent. Sic periit Flavius Placidus Valentinianus XXX VI ætatis, XXX imperij annum nondum transgressus, Constantij Aug. & Gallæ Placidia filius, Theodosij & Gallæ nepos, Valentiniani maioris pronepos: Princeps plebi quidem ob popularitatem carus: vnde in Codice Theod. semel atque iterum *amantissimum sui populum Rom. appellat*: sed fortissimo cuique  
in-

inuidens; fastidiosus Nobilitatis; nihil ex proauo præter nomen & rectam de Deo sententiam retinens; quantum à paterna auitaque virtute degener, tantum Arcadio & Honorio auunculis suis, Theodosioque consobrino ac socero similis; nullum in vita seruans modum; veneficis deditus; margaritis & gémis operiri Imperatorium ducens; Barbaris obnoxius & vectigalis; mulierosus, defes; à matre semper dominandi cupida & ab eunuchis more Regū Assyriorum & Persarum domi clausus, vitæque delicatæ & umbratili ita assuefactus, semel vt modò, neque belli incundi sed vxoris ducendæ causâ, ex Italia pedem extulerit, numquam castra viderit, eique Româ Rauennam aut vicissim Rauenna Romam proficisci maximus labor & instar expeditionis fuerit, sicut Theodosius minor eiusdem amitinus & socer Perinthum aut Cyzicum Propontidis opida aut Calchedonem amœnos secessus petere solebat, reuertentique ac Constantinopolim intranti, tamquam Hunnorum Persarumve victori Præfectus Urbis ac Senatus occurrens coronam auream nonnumquam offerebat. Quare Valentiniani principatu Byzacium, Tripolim, maiorem Numidiæ partem, & prouinciam Proconsularem à Vandalis occupatas; inferiorem Belgicam in Francorum potestatem redactam; Britanniam ab Anglis subactam; Alanis & Burgundionibus datos agros in Gallia; ac possessas ab Attila Pannonias non magis mirari conuenit, quàm Honorio imperante pleramque Hispaniam amissam; Romam à Gothis; à Burgundionibus sedem circa Renum captam; & Aquitaniam eisdem Gothis condonatam esse, apparétque inclytum Occidentis Imperium, atque etiam Orientem quatuor Principum Hispanorum, nimirum amborum Theodosij maioris filiorum ac amborum nepotum ignauia cecidisse, quippe Arcadij & Theodosij minoris exemplum secuti posteriores Imperatores vsque ad Heraclium, cum nullis vmquam proeliis interessent, curamque bellorum Ducibus delegarent, desidia suâ Rempublicam labefactarunt. Non immerito igitur Caius Apollinaris Sidonius Placidum Valentinianum *seminarium amentem* appellat, & in Carmine ad Maiorianum

Aug. ait post Valentiniani fratris Gratiani à Theodosio in Imperium restituti eadem numquam venisse Imperatores in Galliam, vbi maxima moles bellorum erat: contrà Honorio & Valentiniano sub specie maiestatis muliebriter Palatio inclusis & occultis, Orbis Romani prouincias à Barbaris vastatas & occupatas esse tradit his versibus.

*Ex quo Theodosius communia iura fugato  
Reddidit Auctoris fratri, cui guttura fregit  
Post in se vertenda manus: mea Gallia rerum  
Ignoratur adhuc Dominis, ignarâque seruit.  
Ex illo multum periit: quia Principe clauso,  
Quidquid erat miseri diuersis partibus Orbis  
Vastari sollemne fuit. contempta tot annos  
Nobilitas iacuit: pretium Respublica forti  
Rettulit inuidiam.*

Idémque in Panegyrico Auito Aug. socero dicto scribit pueritiam ac vicia Valentiniani Principis (addo & Honoriij) cladium, lacerationis, occasusque Imperij causam fuisse: talémque Imperatorem propter claritatem familiæ eius, religionémque sacramenti perpeffos esse milites Romanos. quo fit, vt Theodosius maior iustissimè felix dici potuerit, si filios superstites non reliquisset.

*Quàm nos per varios dudum fortuna labores  
Principe sub puero laceris terat aspera rebus;  
Fors longum, Dux magne, queri: cum quippe dolentum  
Maxima pars fueris, patria dum vulnere luges.  
Has nobis inter clades ac funera mundi  
Mors vixisse fuit. Sed dum per verba parentum  
Ignauas colimus leges, sanctumque putamus  
Rem veterem per damna sequi; portauimus umbram  
Imperij, generis contenti ferre vetusti  
Et vitia, & solitam vestiri murice gentem  
More magis quàm iure pati.*

cccc-  
xvi.

Interfecto Valentiniano, Petronius Maximus, Palladij forsitan Theodosij Aug. in VII Consulatu collegæ filius, qui cupiditate Imperij adductus Optilam & Traustilam ad tantû facinus impulerat, postero die XVI Kal. Apriles

Romæ appellatus est Imperator: homo magnis clientelis, maximisque diuitiis, & qualis à Sidonio in libri II epistolâ XIII describitur; Præfecturis, Patricia dignitate, & duobus Consulatibus insignis; Clementis Maximi Tyranni ex filio nepos falsò à Procopio & Nicephoro dictus. siquidem constat Clementi Maximo vnicum filium nomine Victorem fuisse, eumque intra infantie annos iussu Theodosij paullo post patris mortem in Gallia iugulatum esse. Hic cum periclitanti Reip. profuturus crederetur, interfectores Valentiniani, quos ad mortem duci oportebat, in cohortem amicorum recepit: & Eudoxiam Aug. virum lugere prohibitam, imperij sui confirmandi causâ, intra paucissimos dies vt sibi nuberet coëgit: Palladium filium, quem ex priore vxore tum defuncta susceperat, Cæsarem creauit, eique Eudociam, Valentiniani filiam, pactam Gaudentij in matrimonium dedit: ac Auitum Magistrum militum fecit, cuius metu Francos, qui prouinciam Germaniam superiorem, & Belgicam secundam Meroueo duce depopulabantur; transgressos in Galliam Alamannos; & Saxones tractum Armoricanum prædationibus infestantes domum rediisse Apollinaris Sidonius Poëtica fide in Panegyrico Auito socero dicto scribit his versibus.

*Vixque tuo impositum capiti diadema, Petroni:*

*Illico Aremoricus piratam Saxona tractus*

*Sperabat: cui pelle salum sulcare Britannum*

*Ludus, & assuto glaucum mare findere lembo.*

*Francus Germanum primum, Belgamque secundum*

*Sternebat: Renumque ferox Alamanne bibebas*

*Romanis ripis, & utroque superbus in agro*

*Vel ciuis, vel victor eras. Sed perdita cernens*

*Terrarum spatia Princeps iam Maximus (vnum*

*Quod fuit in rebus) peditumque equitumque Magistrum*

*Te sibi Auite legit.*

*Vt primum ingesti pondus suscepit honoris,*

*Legas, qui veniam poscant Alamanne furoris:*

*Saxonis incursus cessat: Cattumque palustri*

*Alligat Albis aqua.*

Quibus ex versibus cognoscitur non solùm Catos gen-

tem Franciæ fuisse, cùm Sidonius quem suprà Francum vocauit, infrà Cattum appellet: (id quod & Sulpicius Alexander docet, *paucos ex Amsinariis & Cattis Marcomere duce apparuisse* Romanis in Franciam transgressis scribens) verùm etiam eosdem Catts, qui, vt indicat Sulpicius, Marcomeri Faramundi patri, Chlodionis auo paruerant, Meroueo quoque Chlodionis successorì paruisse.

Non omittendũ est, quod Procopius in libro I belli Vandalici, & Ioãnes Antiochenfis in Historia de Aëtij & Valentiniani Maximique cæde scribunt: Valentinianum minorem, captum amore coniugis Maximi Senatoris lusisse cum eo tesseris, & ab victo, cui tum fortè nihil aliud erat, anulũ accepisse, ac velut ob rem aliquam seriam demandata alij vice sua egressum cubiculo, quemdam cum anulo misisse, qui accersirẽ Maximo vxorem, & apud Augustam cenaturam diceret. illam viso vocatore, qui viri sui familiaris esset, & ostenso sibi ad faciendam fidem cognisq̃ue eiusdem anulo in Palatium venisse, exceptamq̃ue ab eunuchis, vt erat imperatum, & in gynæconitida deductam, atque ibi ab Imperatore per vim esse stupratam. deinde post lusum domum aduenienti Maximo ignaro facti occurrisse mulierem corporis ludibrium deplorantem, & tamquam proditori pudicitie suæ probra ingessisse. Maximum autem re cognitã occidendi Principis consilium iniisse: quod cùm viuo Aëtio Magistro militiæ fieri non posse intelligeret, primò Valentinianum ad cædem eius velut insidiantis per spado-  
nem impulsisse: mox ipsummet tanto præsidio nudatum interemisse, & Eudoxiam Reginam annorum circa XXXIII, feminam eximiæ pulchritudinis, vxorem duxisse, atque amore malè sanum pro blanditiis beneuolentiæ conciliatricibus mulieri dixisse cupidine potiundæ eius Valentinianum à se interfectum. enimuerò Eudoxiam cognito auctore viri sui cædis, cuius causa fuisse ipsa diceretur, Geiserico in Africa regnanti scripsisse, vt Romam confestim veniret, sc̃que miseram Maximi improbissimi hominis potestate liberaret. Ex quibus intelligitur, id quod Nicephorus Callistus in libro XV tra-



didit, & Latini Historici de industria omifere, Placidum Valentinianum à Maximo ob corruptam eius vxorem interentum esse. Ceterùm Geisericus Vandalorum Rex, vt erat vitio gentis suæque auarissimus, ac pecuniæ cupidissimus prædo; oblatam sibi exinsperato tantæ vrbis diripiendæ facultatem gauisus, & maximis Augustæ donis illectus celeriter naues conscendit, & cum copiis, quas ad piratica latrocinia repentinâsque expeditiones paratas habere consueuerat, in Italiam venit. cuius aduentu Romam nuntiato Senatus populique R. pars maior ex Vrbe profugit. Maximus, ob eandem Valentiniani nulli non inuisus, omnibus abeundi sibi que consulendi potestatem fecit, cùmque & ipse fugam capeffere trepidus parâret, seditione militum & populi, ac foederatorum Burgundionum pridie Idus Iunias ab Vrso quodam milite Romano interfectus, & à famulis Reginæ membratim discerptus, tractusque per vicos, vt Vitellio & Elagabalo contigerat, atque in Tiberim deiectus est, nec Principatum scelere quæsitum plus LXXXVII diebus tenuit.

Tertio die post Maximum occisum, Geisericus Vandalorum & Alanorum Rex, quem alij Gensericum, vel Ginfiricum; alij Gaisericum; Græci Gezerichum, & Gizerichum appellant, Urbem ab omni præsidio vacuam occupauit. cui Romam aduentanti Leo Episcopus extra portam occurrit, hominẽque crudelem & ferum precibus suis in tantum mitigauit, vt (quemadmodum ait Prosper) incendiis, cædibus, ac suppliciis suos abstinere iuberet. quamquam operibus miraculisque Vrbis ignem iniectum Nicephorus dicit. igitur à Vandalis per XIV dies securè ac liberè singula rimantibus, post annos XLV quàm ab Gothis erat capta, Roma direpta est: Capitoliũ ad partem dimidiam detectum, & regulæ eius æræ inauratæ sublata: insulæ, domus, Ecclesiæque spoliata: & in reditu vrbes Campaniæ Capua ac Nola omni clade belli vastata, nec contentus ingenti prædâ Barbarus ac perfidus Pirata Eudoxiam Aug. à qua erat æcerfitus, ambâsque eius filias Eudociam & Placidiam, Gaudentium filium Aëtij, ac multa captiuorum millia;

vt quisque aliquam ætatis, aut artificij commendationem habebat; Carthaginem abduxit. è quibus Eudociam Hunerico filio natu maximo, à multis Honorico dicto; non (vt ait Hydatius) Gentoni in matrimonium dedit: Placidiam vix tandem Imperatorum Marciani & Leonis, aliorumque legationibus fatigatus cum Eudoxia matre Constantinopolim remisit, vbi Olybrio Senatori, qui eò Româ perfugerat, conciliante nuptias Leone Aug. nupsit. Neque postea Geisericus Siciliam ac Italiam atrociniis & opidorum expugnationibus direptionibus ac excidiis infestare desit, hanc quorannis veris initio causam bello præterdendens, quòd sibi bona Valentiniani, & Aëtij, quorum liberos ceperat, non darentur. quamobrem cum Eudociam captiuam Hunerico filio vxorem dedisset, partem bonorum Valentiniani ab Leone Imperatore Orientis velut dotis nomine accepit.

Paullo post Vrbem captam Auitus in Gallia appellatus est Imperator, Ecdicij, eius qui Edobicum hospitem & amicum interfecerat, filius. Hunc ait Sidonius natione Aruernum fuisse, natum Augustonemeti familia nobili, & Præfectis, Patriciis, in primis Philagrio, ac Consulibus clara: venandi studio insignem: Burgundico bello sub Aëtio militauisse: mox titulo Præfecturæ Prætorianæ Gallias rexisse: tum Theodosio X VII & Festo Coss. Theodorico Vesigothorum Regi litteris persuasisse, vt pacem cum Valentiniano Aug. faceret, legatumque ab eodem impetrauisset, vt cum Romanis aduersus Attilam arma consociaret: deinde à Petronio Maximo Magistrum militum esse factum, atque Præmissis Messiano aduentus sui nuntio ad Theodoricum minorem bellum parantem legatum venisse, mediūque inter Regem & Fridericum eius fratrem iunctis cum vtroque manibus Tolosam intrasse. interea Theodoricum, vt Romam captam, & Maximum occisum cognouit, coacto Seniorum concilio Auito petenti pacem non solum annuisset, sed etiam auctorem recipiendi Imperij fuisse, & in hæc fidem ei cum fratre dedisse. inde reuerso Vgernum Auito idem suasisse principes Gallorum, excubiasque neco-

cccc.  
xxxv.  
xvi.

cccc.  
xxxix.

cccc.  
li.

cccc.  
lv.

pinanti circumdedit, ac tertio post die Arelatum confluxisse Proceres, & milites, ab quibus in tribunali torque militari ex auro & gemis pro diademate coronatus, & imperatoriis insignibus donatus sit. Quare non dubitat scribere Hydatius Auitum Gallum post Urbem captam primum Tolosæ ab Gothis; deinde ab exercitu Gallicano Honoratisque Arelati Augustum esse salutarum. quibus ambobus, ac præsertim Sidonio Auiti genero assentiri præstat, quàm Victori Tununensi Episcopo, qui LXXV demum die post Romam captam Auitum magnæ simplicitatis virum in Gallia Imperium obtinuisse scribit. Certè etiâ Auctor Chronici à Cuspiniano editi Maximum quidem Valentiniano VIII & Anthemio Coss. pridie Idus Iun. occisum, Urbemque à Geisericodireptam; Auitum autem VI Idus Iulias, hoc est XXVIII die post Petronij Maximi cædem in Galliis Imperatorem factum ait.

Ad Auitum Aug. Theodoricus Rex Vefigothorum fratribus suis comitatus Arelatum venit, eique se auxilium, si res posceret, laturum promisit. quo Tolosam reuerso Imperator accersitus à Romanis in Italiam contendit, & summo Senatus ~~populi~~que fauore in Urbem receptus est: ac (vt existimo) nondum per legatos concordia cum Marciano Principe constiturâ, initiosequentis anni Kalendis Ianuariis ex more Consulatum iniit ediditque. cuius Consulatus mentionem facere dicuntur præter Sidonium inscriptiones duę, altera à Iacobo Sirmundo; altera à Ioanne Sauarone prolata: è quibus prior Eparchium Auitum, posterior Flauium Auitum, vtraque Consulem, neutra tamen Augustum appellat. Cùm igitur eo anno non Auitum, sed Ioannem & Varanem ambos in Oriente Consules factos inueniamus in Fastis: apparet antè Auitum Consulatum iniisse, quàm electionem sui Marciano in partibus Orientis dominantibus approbauisset. quod etsi fecisse eum ait Hydatius, tamen Marcianus legum suarum titulis non Auitum Aug. magis quàm Maximum adscripsit.

Regnabat tum in Callæcia & Lusitania Rechiarius Sueuorum Rex, Hermerici nepos, à Iordâne Riciarius

cccc-  
XLII

dictus, vir inquietus & vanus. Hic impulsus cupiditate proferendi Regni Carthaginensem regionem, quam à patre Rechila occupatam ipse Herculano & Sporacio Coss. pace facta Valentiniano Aug. reddiderat, depopulabatur: ac prouinciâ Tarraconensem Romano etiamtum Imperio subiectam continuis incursionibus vastabat, successusque ferocior redditus legatos Auiti Principis, & Theodorici posterioris vxoris suæ fratris ludibrio habuit. Quamobrem Theodoricus Vesigothorum Rex, Gundiuco & Chilperico Burgundionum Regibus auxiliariis comitatus, Auiti Aug. voluntate & ordinatione cum magnis copiis in Hispaniam ire contendit, ingressusque Asturiam Rechiarium sibi occurrentem in campo Paramo apud flumen Urbicum ad XII ab Asturica Augusta miliarium III Nonas Octobres acie vicit, fugientem cepit, & mense Decembri interfecit.

cccc-  
XLII

Eodem tempore magna manus Vandalorum, quæ LX nauibus Gallias, aut Italiam petebat, in Corsica ab Ricimere Comite, quem Hydatius Rechimerem, quidam Richemerem vocant, insidiis circumuenitur, & cæditur. idemque Comes aduersus aliam Vandalorum manum ab Auito in Siciliam cum exercitu mittitur. ac nihilominus Geisericus Vandalorum Rex Mauritanias, atque Numidiam, præter quas prouincias nihil in Africa Imperio Occidentis reliquum erat, Regno suo adiecit. Quare Marcianus Princeps bis legatos ad eum misit, qui peterent, vt vastatione Italiæ ac Siciliæ abstereretur, vxoremque & filias Valentiniani captiuas dimitteret. Auitus quoque ei denuntiavit pacis Dioscoro & Eudoxio Coss. cum Valentiniano factæ, & Africæ certis finibus inter vtrumque diuisæ meminisset: id si facere recusaret, bellum se ipsi suis copiis sociorumque auxiliis illaturum: & regressus Arelatum, ad prouincias ripis Reni proximas ordinandas Augustam Treuironum proficiscitur. ibi simularâ valetudine, cum à coniugibus Senatorum visitaretur, vxorem Lucij Consularis Belgicæ primæ forma excellentem captus amore mulieris per vim stuprat, nec contentus adulterio patientiam viri petulantibus verbis illudit, quem tamquam segnem in ven-

nerem;

nerem, & tali coniuge indignum iridens quæsiuit, quid-  
 ita qui pulchras thermas haberet, frigida lauaretur.  
 Et ille quidem tum dolorem pressit, sed reuerso in Ita-  
 liam Imperatore Augustam Treuirorum in potestatem  
 Francorum tradidit, à quibus vrbs direpta est ac incen-  
 sa. Aimoinus, etiam si sicut Fredegarius Scholaisticus id  
 ab Auito Aug: factum dicit, tamen non Merouicum ait  
 regnauisse tum in Francia, sed Faramundum, quem an-  
 no V post Honorij mortem, ante Auitum Principem  
 XXVII decessisse auctor est Prosper. Non multo post pœ-  
 nas libidinis Auitus pendit destitutus à Gothis, nam  
 Remiscus Patricius adiutor eius partium in Palatio Clas-  
 sis X V Kal. Octob. occisus est: ipse imperij mense XVI I  
 aut XVIII, à Ricimere Magistro militum, atque etiam, vt  
 ait Marius in Chronico, à Maioriano apud Placentiam  
 victus & captus, Imperiū deponere cogitur, nouaque &  
 hactenus inaudita fortunæ commutatione ex Imperato-  
 re fit supradictæ vrbis Episcopus, innocenti ac simplici  
 homini parcente Ricimere. ac Messianus, quem Patri-  
 cium fecerat, XVI Kal. Ianuar. interimitur. Gregorius in  
 Historiæ libro II tradit Auitum Senatorem, & ciuem  
 Aruernum, ob libidines à Senatu deiectum Imperio, cu-  
 ius in possessionem vacuam inuolauerat, & apud Placen-  
 tiam Episcopum constitutum; cū comperisset Sena-  
 tum adhuc indignantem vitā ipsum priuare velle, Bri-  
 uatem vicum Aruernorum, tumultu Iuliani Aruerni  
 Martyris nobilem, cum multis muneribus fuga petere  
 contendisse, vt loci religione salutem suam tueretur, ac  
 in itinere decessisse, delatūque Briuatem, & ad pedes  
 Iuliani sepultum esse. quem falsò Hydatius tertio im-  
 perij anno obisse; Iordanes dies paucos; Euagrius & Ni-  
 cephorus VIII menses imperauisse scribunt. è quibus  
 Euagrius ac Nicephorus Callistus Auitum pestilentia  
 correptum, sublatūque dicunt. Auito filius fuit Ecdi-  
 cius, cuius de virtutibus infra referemus: & Papiantilla  
 filia, vxor C. Sollij Sidonij Lugdunensis, viri nobilissi-  
 mi, & de primariis Galliarum Senatoribus, patre, auo, &  
 proauo Præfecturis Vrbis Prætorianisque; & Magi-  
 sterio Palatino militarique insignibus nati: qui primò

Comes, mox Præfectus Urbis, ac Patricius, deinde Aduernorum Episcopus fuit.

cccc.  
LVI.

Eodem anno Ioanne & Varane Coss. Gunducum & Chilpericum Burgundionum Reges, qui Aëtio contra Attilam auxilium tulerant, & belli Rechiaro inferendi causâ Theodoricum Vesigothorum Regem in Hispaniam secuti erant; post victos acie Sueuos domum reuersos, ac interregno tamquam occasione prolatandorum finium vsos inuenio. quippe tum *Burgundiones partem Gallia occupauisse*, atque agrum armis quæsitum cum *Gallis Senatoribus diuississe* auctor est Marius Auenticensis Episcopus in Chronico. quo tempore Lugdunum à Burgundionibus, Sapaudiam proximam ei regionem tum obtinentibus, captum esse arbitror, quod Apollinaris Sidonius Colnes ab Maioriano Aug. paullo post receptum dicit, sêque, qui mortuo Auito focero contra eum arma tulerat, in Gallia victum atque seruatum.

cccc.  
LVII.

Constantino & Rufo Coss. qui ambo, sicut Ioannes & Varanes, Constantinopoli Consulatum inierunt, in Oriente Marcianus Aug. obiit VII imperij; LXV ætatis annum agens. ei que Flavius Leo Tribunus militum, natus in regione Bessica Thrax Thraci successit, VII Idus Februar. auctore Aspare Patricio & Consulari ab exercitu Senatûque Imperator appellatus: quem Candidus Isaurus oriundum ex Dacia prouincia Illyrici, & Præfectum militum in opido Thraciæ Selymbria præsidij causâ constitutorum fuisse ait. in Occidentis autem tractibus Flavius Ricimer Arianus, patre Sueuo; matre Gothæ Valiæ quondam Vesigothorum Regis filia genitus, ex Magistro militum Patricius factus est pridie Kalendas Mart. atque eodem die Iulius Valerius Maiorianus in eius locum Magister militum constituitur: vt scribit vetus Auctor Chronici editi ab Cuspiniano. quas dignitates videtur Marcianus Aug. rogatus per legatos à Senatu populôque Romano paullo ante obitum amobus per codicillos contulisse. neque enim à se ipsi alter Patricius; alter Magister militiæ fieri potuerunt. Certè in litteris initio insequentis anni Rauennæ datis, quarum infra mentionem faciemus, *patrem Patriciûmque*

*suum Ricimerem* Marcianus appellat. falsò vt cum Hydatius post XI annos ab Anthemio Aug. matrimonio filiz suæ, & Patricia dignitate honoratum dicat.

Non diu Magisterio militiz functus est Maiorianus. quippe eodem anno Kal. April. ad milliarium VI ab vrbe Rauenna in campo ad Columellas cum Imperatorem esse salutatum tradit Auctor Chronici à Culpiniano editi. Cùm tamen Maiorianus ipse de ortu Consulatusque suo coniunctim ad Senatum Idibus Ianuariis Rauennâ scripserit, nec verisimile sit amplissimum Ordinem de tanta re X post mense factum esse certior, Rauennâque ab vrbe Roma non ampliùs millia passuum CCLIV distet: haudquaquam dubito, quin sub anni exitum Maiorianus Principatum; proximisque Kalendis Ianuariis Rauennæ Consulatum inierit. Cum omnibus Historicis, & Fastis pugnat Victor, qui Leone Aug. Cos. Maiorianum <sup>cccc. LVIII.</sup> Romæ Imperium recepisse falsò prodit in Chronico. Et ille quidem in litteris ad Patres Conscriptos missis ab exercitu Imperatorem se appellatum dicit. At Apollinaris Sidonius non solum militum, & Senatus populique Rom. omniùmque ordinum, sed etiam collegæ consensu iudicioque ad eum delatum Imperium ait: quo collegæ nomine Leonem Aug. designat. tametsi enim Iordanes in libro de origine Gothorum tradit Maiorianum iussu Marciani Principis Imperium Occidentis regendum recepisse: idem tamen in libro de successione regnorum dicta retrectans, & Marcellinus in Chroco nutu ac voluntate Leonis eum apud Rauennam Augustum consalutatum esse scribunt. quamuis Leo non Maioriani magis quàm Seueri successoris eius nomen legibus suis præfixit. Ex quo intelligitur, id quod infra magis apparebit, Theodosium minorem, post Placidum Valentinianum primò Cæsarem, deinde Imperatorem factum; Theodosiique successores Marcianum & Leonem in Oriente dominantes, despectâ Occidentalium infirmitate primum sibi dignitatis locum, ac ius electionis Principis confirmandæ, dandique etiam Imperij Occidentis vindicauisse, quique illud iniussu suo recepissent, in Tyrannorum numero habuisse. Quare Hydatius

& Cassiodorus Senator in Chronicis scribunt Honorio mortuo *solum Theodosium Romanum Imperium annis x xvii tenuisse*, similiterque post Valentiniani cædem Marcianum. & in libro qui Notitia prouinciarum Imperij Romani inscribitur, quique Theodosio minore Principe editus est, Oriens Occidenti præponitur. præterea Iordanes principatum Seueri, qui iniussu Leonis Aug. Maioriano successit, *Tyrannidem Seueri* vocat, eumque 111 *Tyrannidia sua anno expleto obisse* ait: atque Glycerium ob eandem rem *Tyranni more* Imperium arripuisse dicit. Quasi verò non multo antè Valentinianus Aug. Valentem fratrem, & Gratianus Theodosium Imperatores fecerint, retentoque sibi Occidente tamquam præstatori Reipublicæ membro Orienti præposuerint: aut quasi non ab vrbe Roma velut à capite in eas partes nominis Imperijque Romani sit diffusa maiestas. Quare Galla Placidia Aug. in litteris, quas ad Theodosium Aug. de posteriore Synodo Ephesi habita scribit, sic loquitur. *Decet nos huic maxima ciuitati, qua domina est omnium ciuitatum tuarum, in omnibus reuerentiam seruare.* Omitto Occidentales Consules in Fastis & in legibus Imperatorum Occidentis Orientalibus præponi consueuisse. quòd scio (vt vel ex vno Marcellini Chronico cognoscitur) Orientales contra Consulum suorum nomina Occidentalium Consulum nominibus anteposuisse.

cccc.  
lviii.

Rauennæ, vbi Consulatum inierat, leges complures tulit Iulius Maiorianus, quem Victor Maioranus, Procopius & Euagrius Maiorinum appellant: & quidquid vsque ad Indictionem XI. id est vsque ad Consulatum suum reliquorum erat, prouincialibus remisit: ac sociis sibi ad bellum adscitis Bastarnis, Sueuis, Neuris, Hunnis, Gothis, Gipedibus Daciam Transdanubianam tum obtinentibus, Alanis, Rugis, Burgundionibus Sarmatica gente, reliquisque Barbaris Danubij & Tanais accolis, circa Idus Nouembres ex vrbe Rauenna profectus est. cui Alpes transgresso etiamtum Consuli sub finem anni Panegyricum dixit Apollinaris Sidonius, cum ex Gallia per Hispaniam in Africam transire, ac bellum



Vandalis inferre constituisset, classisque ad transportandum exercitum in mari Supero & Infero, nimirum Aquileiæ, Rauennæ, ac Miseni fieret. quare Cassiodorus Senator scribit Maiorianum Aug. Consulatu suo in Africam mouisse: vt appareat biennium in apparatu belli Vandalici esse consumtum. constat enim ex Hydatio & Mario Maiorianum ante annum quàm interficeretur, Magno & Apollonio Coss. profectum in Hispaniam, & <sup>cccc. lx.</sup> Africam petere parantem, mox captis ab Vandalis nauibus suis frustratum spe transmittendi, in Italiam reuertisse. Maiorianum hunc in Panegyrico carmine tradit Sidonius viri Illustris Comitæ sacrarum largitionum filium fuisse, intimi familiaris ac commilitonis Aëtij: auum maternum habuisse Maiorianum, qui initio principatus Theodosij maioris Magister militum per Illyricum fuit: sub Aëtio adolescentem militauisse: Cæsaro-dunum Turonum à Gothis defendisse: in prælio, quod cum Chlodione Rege Francorum in Atrebatibus commissum est, fortiter fecisse: Ricimeremque Valiæ Regis ex filia nepotem contubernalem suum sibi familiari amicitia coniunxisse: ac post magnas res gestas ab Aëtio uxori inuidæ morem gerente in agrum patrum relegatum, deinde interfecto Aëtio à Valentiniano Aug. euocatum, tandem auctore ac adiutore Ricimere Imperatorem appellatum esse.

Leone, & Maioriano Augustis Coss. patre mortuo regnare in Gallia cœpit Childericus, à quibusdam Hildericus; ab aliis Hildricus dictus, filius successorque Merouei: quem Merouicum post Aëtij mortem prouinciæ Germaniæ primæ, ac Belgiæ secundæ bellum intulisse, vt Regni terminos promoueret, in Panegyrico socero dicto scribit Sidonius, Auitique Magistri militum metu in Franciam veterem trans Renum sese cum suis abdidisse vult credi. ex quo intelligitur eum, cum antea Carbonariam siluam, Turnacum, Camaracum, & Samarobriam Ambianorum opidum ab Chlodione armis quæsitum solus aut ex parte tenuisset: mortuo Aëtio occasione usum Suminam flumen transisse, & intra triennium saltem vsque ad Sequanam pleraque occupauisse. Neque

enim Childericus paullo postquam in Regnum patrum, quo ob intemperantiam & ignaviam expulsus fuerat, est restitutus, circa Aurelianos fluménque Ligerim proeliis cum Saxonibus potuisset conflare, si Regnum à patre Sumina flumine terminatum accepisset. Vetus Auctor Historiæ Francicæ Theoderici Regis æqualis, Rorico Monachus, Ado aliique Historici Childericum regnauisse scribunt XXIV annos, quibus biennium addit Sigebertus: quorum XXIV annorum pars sunt octo Childerici exilij regnéve Ægidij anni.

Præter tum exercitui Gallicano Ægidius, quem ab Maioriano, paullo postquam Auito successerat, in Galliis Magistrum militum factum esse in libro II tradit Gregorius. Ricimer autem Patricius Magister militiæ erat eius, quam quoddam Imperatores circum se habere consueuerant, Præsentem appellabant: ut docet lex Maioriani Aug. de Clericis per vim non ordinandis data V Kalendas April. Arelati Magno & Apollonio Coss. & ad Ricimerum virum Illustrum Comitem, & Magistrum utriusque militia ac Patricium missa. Præterea Euagrius atque Nicephorus Maiorianum ab Ricimere, quem τὸν Πατριάρχου Στρατηγὸν, hoc est Magistrum militiæ vocant, dolo cæsum dicunt: ut appareat Ricimerem Patricium, postquam Maiorianus Imperator factus est, Magisterium militiæ, quo ei paullo antè cesserat, resumisse.

cccc.  
lx.

cccc.  
lix.

Ricimere & Patricio Coss. Iulius Valerius Maiorianus Aug. cum Theodorico Rege Vesigothorum, quem proelio superauerat, non tantum pacem, sed etiam belli societatem iniit, ac gentes, quæ Imperij R. fines attingebant, plerasque aut bello, aut missis legationibus sibi adiunxit. hanc pugnam, cuius Hydatius mentionem facit, inter Romanos & Vesigothos tum fuisse existimo, cum Ægidius Magister militiæ Gallicanæ Arelati obsessus, interclususque à suis, inuocato Martino ex vrbe eruptionem fecit, & hostibus fufis ac fugatis cum auxiliis sese coniunxit, eaque victoria Maioriano Principi securitatem, Galliæ pacem reddidit. ut scribit Gregorius in libro I virtutum Martini, secutus Paullinum, cuius

versus in libro VI de vita Martini ad Perpetuum Episcopum digni sunt qui hîc legantur.

*Illustrem virtute virum, sed moribus almis  
Plus clarum, magnûmque Fide, quâ celsior exstat,  
Ægidium hostilis vallauerat agmine multo  
Obsidio, obiectis qua mœnia sēpserat armis;  
Auxilia excludens, & clausos viribus vrgens:  
Vt minus obsessis faceret diuisio robur.*

*Nec iungi ad bellum socialia castra liceres.  
Verum presidio Domini deiecta fugantur  
Milia, & egressum portis bipatentibus agmen  
Restaurat solidas securo Principe vires.*

*Interea trepido vicinia mæsta pauore  
Pallebat tanti Proceris discrimine, & omnis  
Anxia pendebat populorum cura pauentum.*

*Dum se quisque putat similem perferre procellam:  
Inque vno nutat, quidquid consistis in vno.*

*Haud alio penitusque ipso rerum ordine venit  
Nuntius illam urbem tanta obsidione solutam;  
Præcipitem Rhodanum molli qua ponte subegit,  
Et iunxit geminas connexo tramite ripas,  
Vt siccum praberet iter, quod puppibus instat,  
Desuper & presso nutans via pendet in amne.  
Hanc quoque presenti sociatus Sancte patrono  
Eripis.*

*Socialia castra*, forsitân auxilia Burgundionum; *Præsentem patronum* Paullinus Genesium ciuem & Martyrem Arelatensem; Martinum autem sicut sæpe alibi; simpliciter Sanctum, & Dominum appellat: quem Seuerus Sulpicius Dominum Martinum bis, & semel absolutè Dominum vocat, Gregorius in libri VIII Historiæ capite VI Dominum suum. Ex quo apparet morem fuisse plerisque Gallis Martinum honoris causâ eo nomine appellare.

Magno & Apollonio Coss. mense Maio Maiorianus <sup>cccc.  
lx.</sup> cum maximo exercitu ingressus Hispaniam, in prouinciam Carthaginensem contendit: ex qua in Africam transire decreuerat bellum Vandalis illaturus. quos, tamquam parum esset tot ac tam opulentas Africæ prouincias nutrices populi Rom. occupauisse; maria obtinere,

vrbes portúsque Siciliae & Italiae capere ac diripere indignabatur. qua re cognita Geisericus Vandalorum Rex pacem ab eò per legatos petit, irritúsque spei Mauritaniam oppositam Hispaniae, per quam Maiorianum iter facere oportebat, omnem igne ferróque vastat: frumenta, & quidquid vsui esse potest, corrumpit: fontes veneno miscet, nudum solum relinquit. cùmque ex transfugis cognouisset classẽ Romanam ad transportandos milites factam in Illicitano sinu iuxta Carthaginem Spartariam stare; celeriter inuectus in eum locum naues ferè trecentas, vt erant deligatae ad litus, & inanes, abducit. ita frustratus spe Africae recipiendae Maiorianus Aug. reuertit in Italiam, ac Geiserico per legatos pacem petenti dedit.

cccc.  
lx.

Eisdem Coss. IV Leonis imperij anno Æliam Eudociam Aug. Theodosij quondam coniugem in vrbe Ælia Hierosolymitanorũ decessisse Nicephorus libro XIV prodit.

cccc.  
lxi.

Insequenti anno Seuerinus, & Dagalaifus Consules fuerunt. è quibus Seuerinus, *vir inter magnos Principum motus & inaequalem Reip. statum gratia semper equalis*, Arelati Consularum inijt, & ex more ludorum Circensium spectaculum edidit: atque vnà cum Magno Consulari, Camillo, Pæonio, Athenio, Gratianense, Sidonioque à Maioriano Aug. conuiuio adhibitus est.

cccc.  
lxi.

Eodem anno Imperatorem Maiorianum, cùm ex Gallia rediret Romam, aut (si Iordani quàm Hydatio credere malumus) cùm aduersus Alanos Galliam vastantes expeditionem suscepisset, Ricimer Patricius inuidia, & consiliis improborum impulsus apud Dertonom IV Nonas Aug. Imperio deiecit, & VII Idus Aug. ad flumen Iram vel Iriam, quod urbem eiusdem nominis attingit, fraude circumuentum per emissarios interfecit, cùm, vt ait Iordanes, I V principatus annum transgressus non esset. Falsò enim sicut Victor Tununensis Episcopus, & Auctor, qui Chronico eius nonnulla inferuit, alter Olybrio & Rusticio Coss. alter Basilio & Viuiano Coss. Maiorianum occisum dicit: ita Euagrius ac Nicephorus non ampliùs biennio imperauisse eum scribunt. Procopius ab omnibus Historicis dissentit, Maiorianumque morbo

cccc.  
lxiv.  
cccc.  
lxiii.

morbo interiisse tradit. Hunc aiunt militibus suis ob virtutem admirationi amorique, hostibus maximo terrore fuisse; equitandi, iaculandi, ac cæstu dimicandi peritissimum; patientem laboris & impigrum Ducem, adeo ut nullam rei bene gerendæ occasionem prætermitteret; liberalem; mitem; pium; & salua auctoritate multi ioci; denique dignum qui felicior esset: ut non immerito queratur Ennodius humili sepulcro (qualia sepulcra Tyrannis fieri consueuerant) conditum tanti Imperatoris corpus.

Interfecto Maioriano Ricimer Patricius Libium Seuerum natione Lucanum, cædis eius conscium, Rauennæ cccc.  
LXI. primum ab militibus XIII Kal. Decemb. deinde Romæ a Senatu Imperatorem appellandum curauit: quem *in-  
iussu Leonis Aug. locum Maioriani inuasisse, & Principatum Occidentis arripuisse* Marcellinus & Iordanes dicunt. Quamobrem apud eundem Marcellinum in Fastis Orientalibus duorum insequentium annorum alter notatur Leone Aug. II solo Consule; alter Viuiano & Felice Coss. at in Fastis partium Occidentis editis ab Ioanne Cuspiniano, & apud Marium Auenticensem Episcopum in Chronico prior annus notatur Leone II & Seuerio Coss. posterior Basilio, & Viuiano Coss. ut appareat Leonem Aug. qui senior, ac Macelles appellatus est; Occidentales Consules, nimirum Seuerum ipsum, & Cæcinam Basilium ex Præfecto Prætorij & Patricio ab eo Consulem factum in Fastos referri vetuisse. biennio quidem paria Consulum, duo Rusticium & Olybrium, Hermenericum & Basiliscum, Leo in Oriente; nullum in Occidentis tractibus Consulem Seuerus designauit. Quamquam videtur Seuerus postea legationibus Leonem ambiisse, ac sibi placauisse, non tam quod duabus legibus datis Romæ, & ad Basilium Præfectum Prætorij ac Patricium missis eius nomen præfigit, ac præponit suo: (quippe & Marcianus initio principatus per menses circiter XX nomen Valentiniani Aug. à quo nondum in collegium Imperij receptus erat, nihilominus legibus suis adscripsit) quàm quod ab Leone auxilium contra Vandalos expetiuit. Nam, ut auctor est Priscus Pa-

nopolites, Romani Occidentales, hoc est Itali & Seuerus Aug. post Maioriani Principis mortem legatos ad Leonem seniore[m] misere, classem, aut vt Vandalos ipsis placaret, petentes. quorum precibus motus Leo naues quidem negauit dare se posse, propterea quod pacem cum Geiserico fecisset: sed Phylarchum quemdam ad eum misit rogatum, vt Italis bellum inferre desineret. cui Geisericus respondit non prius se arma depositurum, quam Valentiniani & Aëtij bona ab ipsis accepisset, & mox Vandalos, ac Mauros repentinis incurfionibus atque latrociniis omnibus litoribus timendos, in Italiam ac Siciliam immisit. Quamobrem Leo Aug. fatigatus altera legatione Italorum, negantium nisi Geiserico placato stare rem Italam posse, Tatianum tum Patricium, ac non multo post Consulem futurum, oratorem ad eum misit, qui suaderet, vt vastatione Italiae & Siciliae abstereret, Reginasque captiuas dimitteret. Ricimer quoque eidem denuntiavit pacis cum Diuo Maioriano factae meminisset, neu foedus paullo antè iunctum sine causa rumperet. Quae legationes etsi apud Barbarum nullius momenti fuerunt, indicant tamen Leonem Aug. Seuero Principi, cuius Imperij tantam ageret curam, inimicum tum esse non potuisse. Ceterum Hydatius in Chronico scribit Eudoxiam Aug. coniugem Placidi Valentiniani, & Placidiam minorem eius filiam secundo imperij Seueri anno ab Geiserico, datâ prius in matrimonium filio suo Eudociâ naru maiore, Constantinopolim remissas esse: & Procopius in belli Vandalici libro Iambas ad Leonem Aug. à Geiserico missas tradit. Quo minùs assentiri possum Euagrio atque Nicephoro, qui dicunt Eudoxiam & Placidiam Reginas cum cultu comitatusque regio Constantinopolim remissas ab Geiserico Rege Vandalorum, vt Imperatori Marciano satisfaceret indignanti urbem Romam incensam, easque Carthaginem abductas esse: & mox Marciani iussu Placidiam Eudoxiae filiam Olybrio nupsisse.

cccc-  
LXIII.





# HADRIANI VALESI

## RERVM FRANCICARVM

### LIBER QVINTVS.



**N** Occidentis tractibus, potentia Barbarorum magis magisque crescente, vires Romanorum in dies minuebantur: & tamquam Imperium sua infirmitate ac veluti senectute factis citò occasurum non esset, ciuiles dissensiones atque discordiæ interitum eius maturabant. id indicat supradicta mors Maioriani ab Ricimere insidiis oppressi, viri, cui ad tuendam augendamque Remp. nihil præter fidem amicorum defuit. id ipsum indicat & factum Agrippini, eius, qui ingratiâ Anniani noui Aureliatorum Episcopi victos omnes variorum criminum reos solui iussisse dicitur: & ad quem Euphronius Augustodunensis Episcopus de quibusdam in cælo animaduersis sub Attilæ ingressum in Galliam epistolam misit. quippe anno <sup>cccc.</sup> Leonis Principis VI, Seueri I, magis quàm vt ait Hydatius <sup>LI.</sup> II, Leone II & Severo Coss. Agrippinus Comes, natione <sup>cccc.</sup> Gallus, Ægidio viro insigni Magistro militiæ Gallicanæ <sup>LXII.</sup> inimicus, cum intelligeret ad eum palam oppugnandum opes sibi deesse, dispendio Reip. vires acquirere suis par-

tibus statuit: atque vt externis auxiliis iuuaretur, Narbonem Martium circa XLIV annos instar firmissimi muri Vesigothis oppositum, quem Constantius Atraulfo eripuerat, & Aëtius per Litorium obsidione Theodorici maioris liberauerat, in potestatem Theodorici minoris eius filij tradidit. vnde ille postea quasi conuulsis repagulis decurrens vsque ad Rhodanum imperium protulit: cum iam post victum Rechiarium Regem Sueuorum occupatis opidis Hispaniæ, Bracarâ, Emeritâ, Asturicâ, Pallantiâ, & Scalabi ab Occidente Regnum Ana flumine terminauisset. Hic est Ægidius, quem veteres nostri Historici modò *Ducem*, modò *Principem*, modò etiam *Regem Romanorum* in Gallia habitantium; modò *militem Imperatoris*; nonnumquam *Regem militia Romanæ*, hoc est rectorem exercitus; Aimoinus & Iuo *Patricium* appellant, & in Childerici Regis locum à Francis suffectum esse dicunt. hunc virum natum esse in Gallia Occidentali scribit Priscus, atque maximas circum se copias habuisse, & mortem Maioriani, cuius Comes, ac bellorum commilito fuerat, vlturum fuisse, nisi à bello Italici, hoc est Seueri & Ricimeri cædis auditoribus, inferendo propior cum hostis in semet auertisset. quippe de finitima regione, nimirum Aruernia, aut Armorica, inter eum ac Gothos in Gallia sedem habentes ortam esse contentionem, aduersus quos fortiter bellum gesserit, maximasque res egerit. Vbi notandum est apud Priscum vitio exemplarium *Νηδίου* nomen pro *Αγιδίου* legi. Certè Fridericus frater Theodorici Regis Gothorum, quem alius Frediricum, alius Fretiricum, alius Fridaricum appellat; & quem Hilarus Papa in epistola ad Leontium Arelatensem Episcopum data Domino Seueri Aug. Cos. *Magnificum virum filium suum* vocat; apud Hydatium anno Leonis Principis VI cum copiis intrauisset prouinciam Armoricam dicitur, & ab Ægidio *Comite vtriusque militia*, hoc est Magistro equitum & peditum, optimo viro piissimoque fusus acie, ac cæsus esse. cuius prælij mentionem quoque facit Marius in Chronico, sed in notatione temporis ab Hydatio dissentit. scribit enim Basilio & Viuiano, vel Vibiano Cos. qui est

cccc.  
lxii.cccc.  
lxiil.



VII imperij Leonis annus, inter Ægidium & Gothos pugnam fuisse circa Aurelianos in medio inter Ligerim & Ligericinū, hoc est Ligerittum flumen campo, ibique Fridericum Regem Gothorum (sic cum falsò tamen appellat) interfectum. Armoricos autem ab Vefigothis flumen Liger diuidebat: & tractui Armoricani limitis vt prouincia Lugdunensis secunda, ac tertia, ita & Senonia, cuius vrbs Aureliani erant, adscribebatur. quemadmodum inuenio in Notitia prouinciarum Imperij Romani. Eodem bello, quod Theodoricus Rex pacis cum Diuo Maioriano factæ immemor ciebat, Narbo Martius ab Agrippino, vt diximus, proditus; & Caino ab Ægidio oblectus est. quippe apud Gregorium in libro de Gloria sanctorum Confessorum inuenio Cainonem castrum Turonum, quod præsidio Gothico tenebatur, ab Ægidio oppugnatum: cūque castellani & agrestes eodem compulsi aquā fluminis Vigennæ prohiberentur; nec obstructo puteo, qui in latere montis fossus erat, aquari amplius possent; precibus Maximi Abbatis Martini discipuli à Deo impetratam pluuiam, & Romanos fragore nubium ac fulguribus in fugam coniectos esse: ita solutam obsidionem, castrūque seruatum.

Paullinus in libro VI virtutum Martini ad Perpetuum Episcopum Turonicæ Ecclesiæ, Ægidium Procerem virtute animi magnum, sed probitate & Fide maiorem, in quo vno omnia Galli reponerent, appellat; ac scribente se vixisse indicat. Perpetuus autem Concilio Turonico primo interfuit, & subscripsit Seuerino V. C. Consule <sup>cccc. lxi.</sup> XI V Kal. Decembres, pridie quàm Seuerus Imperator appellaretur: ita ut Episcopatum inire non potuerit post Martini mortem, id est (vti putat Gregorius) post Attici & Cæsarij Consulatum anno LX V, Basilio & Viuiano <sup>cccc. lxiil.</sup> Coss. Versus Paullini tametsi suprà positos iterum huic loco inferere conuenit.

*Illustrem virtute virum, sed moribus almis  
Plus clarum, magnūque Fide, qua celsior exstat,  
Ægidium hostilis vallauerat agmine multo  
Obsidio, obiectis qua mania sepserat armis.*

Hydatius in Chronico tradit VII imperij Leonis, III

ordinatum consecratumque esse. vt appareat Seuero imperante vno eodemque tempore Ægidium Gallum, & Gundiucum Regem Burgundionum ambos in Gallia Magistros militiæ fuisse, alterum à Maioriano factum, alterum forsitan priori oppositum ab Seuero, nimirum Gundiucum, qui cùm Hilario de eiusmodi rebus scripserit, & tantam pacis Ecclesiæ curam egerit, non Ariana- rum; sed Catholicarum partium fuisse videri potest.

Ex supradictis faciliè intelligitur Ægidium Rusticio & Olybrio Coss. septimo Magisterij militum anno decessisse: si verum est, quod ait Gregorius, vbi Maiorianus Augustus consalutatus est, mox Ægidium Romanum, hoc est Gallum, *missum à Republica*, nimirum ab Imperatore capite Reip. & *Gallus Magistrum militum datum esse*: & quod Hydatius scribit III imperij Seueri anno eundem obisse. Dissentit ab Hydatio Gregorius, Ægidiumque Anthemij principatu excessisse è vita indicat. quippe eius morti coniunctim subtexit Gothorum aduersus Britannos pugnam, atque victoriam, quos Britannos Anthemio Principe in finibus Britan- gium pul- sos ab Vefigothis acie infra dicemus. Dissentit ab Hyda- tio etiam Sigebertus, qui anno demum Childerici Regis XXIV, post Consulatum Rusticij & Olybrij XVII regnante in Italia Odoacre Ægidium mortuum parum tamen verisimiliter tradit: siquidem Childericum IV regni anno expulsus, & in eius locum Ægidium ab Francis susceptum VIII annos regnauisse, ac post redi- tum Childerici anno XII decessisse ait. Cùm autem eo- dem anno, nimirum Leone & Maioriano Coss. Childericus regnare in Gallia, & Ægidius exercitui Gallicano præesse occoeperint, nec simile veri sit Childericum ip- so initio seu primo anno regni sui pulsum fuisse, constet- que eum octauo exsilij anno reuocatum reuertisse, & multa cum Ægidio proelia commisisse: apparet diutius Ægidium vixisse, quàm Hydatio videatur, nec nisi An- themij principatu decessisse.

Ceterum de Childerico, Ægidioque Historici nostri Gregorius, Fredegarius Scholasticus, Aimoinus, Roricó- que sic scribunt: Childericum Merouei filium libidino-

cccc.  
LXIV.cccc:  
LXXXI.cccc.  
LVIII.

sum & intemperantem, quòd ætati suæ indulgens nobi-  
les matronas virginésque ad stuprum raperet, à Francis  
Regno pulsum, & ad necem conquistum, consilio Wio-  
madi perfidelis amici, declinandi periculi causâ exsula-  
tum abire statuisse: & cum Wiomadò, quem aliqui  
Widiomarum, alij Winomadum vocant, nummum au-  
reum diuississe, monitum vt si quando alteram nummi  
cius partem accepisset, confidenter domum rediret: tuta  
enim omnia reuertenti; & Francos placatos ac morige-  
ros fore. ita in Toringiam fugisse, & apud Bisinum To-  
ringorum Regem latuisse: vbi velut oblitus amissi ob li-  
bidinem Regni Basinam Reginam, mulierem eximia  
pulchritudine, adulterio cognouerit. interea Ægidium,  
Magistrum militum Romanorum in Galliis constituto-  
rum, cui Imperator Galliarum tutelam delegauerat, à Fran-  
cis vna voce Regem salutatum esse, & instinctu Wio-  
madi, quo consiliario plurimùm utebatur, simulata ho-  
minis amicitia deceptus, Francos talium onerum inso-  
lentes grauissimis tributis oppressisse, in capita singula  
tres aureos imponendo: centum quoque Optimates  
manu promptos, qui Childerici restitutioni maximè ad-  
uersaturi videbantur, ad infringendos gentis spiritus in-  
teremisse. tum Wiomadum arrepto tempore intulisse  
se in circulos popularium fortunam suam comploran-  
tium, castigantem fletus, quos sibi ipsi conciuissent,  
quo enim furore impulsos fuisse, vt cui externum per  
interpretem audiendum, cùmque nationis Francis sem-  
per infestæ; humanissimo Regi dominum crudelem,  
superbum, & avarum; honestæ denique libertati tur-  
pissimam seruitutem anteferrent: & quod antea ne vi-  
ctis quidem vmquam contigisset, vltro victores se suâ-  
que omnia in hostis ditionem dederent? ideòne Chil-  
dericum optimi Principis bonum filium, quia ætate frui  
volebat, ferri non potuisse, vt Ægidio, Imperatoris mi-  
liti, quidquid liberet, facere liceret? & nunc illum, qui  
precario, & alieno beneficio regnet, ad acerbissimas  
nouorum tributorum exactiones eadem Nobilitatis ad-  
iungere, quanto humilioribus infirmioribusque; tanto  
obsequentioribus Francis vsurum: Childericum Regno  
patrio

patrio spoliatum in exilio & egestate consensescere. Sed quoniam hæc fato quodam accidissent, dandā omnibus operam, si viri essent, vt alterius reuocatione, expulsiōne alterius emendarentur. quippe nec de Ægidio quidquam nisi nefarium, & antefactis respondens sperari oportere: nec dubitandum, quin Childericum res aduersæ sapientio rem fecissent, cuius vnā cum ætate animus iam maturuisset, ac cupiditates deferbuissent. Assentientibus cunctis, & poenitentiam culpæ approbantibus, sed vbi Rex esset scire se negantibus; Wiomadum preces popularium suorum cum dimidiata parte aurei nummi, vt conuenerat, clam per nuntios ad Childericum perferendas curauisse, reuertentique in Galliam comitatum Proceribus Francorum apud castrum Barrum occurrisse, & Barrensibus, quod primi Regem receperant, tributi remittendi auctorem fuisse, atque ex eo potestatis consortem egisse, adeo vt *regnasse simul* ambo à Gregorio dicantur. at Ægidium post octo annos quàm regnare cœperat, expulsum à Francis, ac (si Aimoino credimus) acie victum ab Childerico & Wiomado, Regno decedere coactum esse. Basinam vero Reginam Toringorum, audito in Regnum & in gratiam cum Francis rediisse Childericum, quem amanti absentia, & fortunæ mutatio desiderabiliorem faciebat; relicto viro ad eum venisse, interrogantique tam longi itineris causam respondisse ob fortitudinem dignitatēque formæ conditionem Childerici sibi meliorem visam: si quem alium vsquam gentium sapientia & virtute præstantiorem nosset, ex eo liberos quæsituram fuisse. delectatum responso Childericum Basinam secum connubio iunxisse, Chlodouicumque genuisse, & multa prælia atque ea secunda cum Ægidio commisisse, qui paullo post amissam Coloniam Agrippinam, & Augustam Treuironum obierit.

Rusticio & Olybrio Coss. pars Alanorum eorum, qui post Attilæ mortem ab Hunnorum imperio defeccerant, aliquamdiu vagata & sedes quærens, transscensis Alpibus Iuliis erupit in Italiam, atque apud Bergomum antea Italiæ Transpadanæ; tum Venetiæ opidum, sub

CCCC-  
LXIV.

radicibus montis VIII Idus Februar. à Ricimere Patricio proelio fusa est: & Rex Beorgor, quem quidam Beur-gum, alij Biorgum appellant, cum exercitu cæsus est: vt Auctor Chronici à Cuspiniano editi, Marcellinusque, & Cassiodorus Senator scribunt. Ex quo apparet falli Iordanem, ac Sigebertum: è quibus Sigebertus Maioriani principatu hanc victoriam de Alanis Ricimeri contigisse tradit; Iordanes Anthemio imperante. Vbi & notare conuenit Ricimerem magno errore à Marcellino Regē dici.

CCCC-  
LXV.

Hermenerico & Basilisco Coss. Seuerus Aug. IV imperij annum agens, XV III Kal. Septemb. Romæ in Palatiodecessit: quem sua morte defunctū, præter Paullum Langobardum, Apollinaris Sidonius in Panegyrico Anthemio Aug. iterum Consuli dicto indicat his verbis:

*Auxerat Augustus natura lege Seuerus  
Dinorum numerum.*

Contrà Cassiodorus Senator in Chronico fraude Ricimeris veneno necatum dicit. Imperauit Seuerus annos III, menses VIII, dies XXVII, quorum mensium ratione non habita Iordanes eum tertio imperij sui annō expleto obiisse ait; Euagrius triennio imperauisse.

Interregnum deinde per biennium fuit. cui occasione defuisse Francos non arbitror. tamen scribit Sidonius Ricimerem Interregem Ostrogothis tum cultoribus Pannoniæ, Francisque accolis Reni aded terro-ri fuisse, vt alteri Noricum; alteri Galliam tentare non auderent.

*Noricus Ostrogothum quod continet, iste timetur:  
Gallia quod Reni Martem ligat, iste pavori est.*

CCCC-  
LXVII.

Pulæo tandem & Ioanne Coss. cum Vandalis quotannis initio veris in Italiam venire soliti ab Italis timerentur: Senatus populūque Romanus auctore Ricimere legatos ad Leonem Aug. misit, qui peterent, vt Anthemium clarum genere atque opibus Senatorem ipsis Principem, eiusque filiam Ricimeri Patricio nuptum daret. Anthemius natus erat Constantinopoli patre Procopio Magistro militiæ per Orientem, atque Patricio; Anthemij, qui Consul, Præfectus Prætorij, & Patricius fuit, genero: ac Marciani Aug. vnicam filiam

nomine Euphemiam adolescens duxerat vxorem, atque ab focero primùm Comes, deinde Magister vtriusque militiæ, ac Patricius, mox & collega Valentiniani VIII<sup>cccc.</sup> Consulis factus fuerat. idem ab Imp. Leone successore<sup>LV.</sup> Marciani missus cum copiis in Illyricum, quod Valamer, Theodemer, & Widenmer Ostrogothorum Reges depopulabantur, ibi ita se gessit, vt præsidio prouinciis; hostibus terrori fuerit: cùmque Sarmatæ duce Babai vel Babaz Regulo per adstrictum glacie Danubium in superiorem Mœsiam erupissent, occupatōque Singiduno finitimam Mœsiæ omnem Daciam mediterraneam incursione vastarent: apud Serdicam cum eis pugnavit, & Camundi Ducis collegæ sui fuga perturbatos milites confirmavit, præliumque restituit, ac repressos Barbaros cæde Camundi proditoris, qui re malè gesta ad ipsos transfugerat, pacem Leonis iussit redimere. Igitur Anthemium Leo Aug. nominatim exposcentibus Italis Imperatorē creauit Pulæo & Ioanne Coss. & cum lectissimis Comitibus, cùmque magno exercitu in Italiam misit. quare in lege de bonis vacantibus Leo Aug. ait Deum, & se, *cui totius mundi regimen commisit diuina Prouidentia, Anthemio plenam imperij potestatem detulisse.* Auctor libri de publicis ædificiis Constantinopolis scribit Anthemium, antequam in Occidentem proficisceretur, ea in vrbe ex domo sua, Ecclesiam fecisse, & locum curandis senibus dedicatum, balneasque extruxisse, eundemque Theophanes & Nicephorus piissimum, ac Christianissimum fuisse dicunt. Quominus assentiri possum Damascio de vita Isidori Philosophi, apud quem inuenio Anthemium priuatum clàm idola coluisse, & (vt antè Eugenius Tyrannus; & Eucherius Stiliconis filius; ac postea in Oriente Zeno Aug. facere voluisse dicuntur) reuocandæ idololatriæ occulta consilia iniisse cum Seuero Patricio, idem sentiente; & arti magicæ dedito, quem postea secutum se in Italiam Imperator Consulem designauerit.

Postquam Anthemius classe peruenit in Italiam, ab exercitu Italico, qui cum Ricimere Patricio erat, ad octauum milliarium ab vrbe Roma mense Augusto Au-

cccc-  
LXVII.

gustus appellatus est: vt ait Hydatius in Chronico, qui eum falsò pro filio Procopij fratrem vocat, atque nulla diuturni interregni ratione habitâ ( sicuti & Sigebertus facit ) eo ipso anno, quo Seuerus Princeps decesserat, Imperatorem consalutatum dicit. Apud Auctorem Chronici ab Cuspiniano editi, & in Chronico Græco, quod Alexandrinum appellant, inuenio Anthemium Romæ pridie Idus April. Pusæo & Ioanne Coss. Imperium recepissee. Marcellinus, Cassiodorus Senator, Victor, & Marius Auenticensis Episcopus de anno consentiunt. è quibus Senator Anthemium ad tertium lapidem ab Vrbe in loco Brontota Imperatorem appellatum ait. Adiicit Auctor Chronici Alexandrini imaginem Anthemij per Ferentium Præfectum Urbis Constantinopolim ex more introlatam esse, eique Senatum populúmque cum ture & cereis occurrisse. Non fuit immemor collati sibi à Leone Imperij Anthemius. nam (vt leges eius duæ docent ad Lupercianum Præf. Præt. missæ) leges Leonis, quem *Dominum, & patrem suum, Principem sacratissimum* vocat, sæpe confirmauit, eundémque multis de rebus non raro consuluit: & inuicem Leo Anthemium *pium, ac triumphatorem, semper Augustum, filium suum serenissimum Principem* appellat, legibusque, quas tum tulit, eius nomen præfigit, ac coniungit suo.

cccc-  
LVII.

Sub finem anni Anthemius Aug. spe publicæ securitatis filiam virginem in matrimonium dedit Ricimeri, quem anno Anthemij Principis tertio generum Imperatoris, & Patricium factum falsò tradit Hydatius. cum (vt suprà indicauimus) Constantino & Rufo Coss. Patricia dignitate honoratus fuerit: & Sidonius, qui tum Romæ erat, in libri I epistola IX scribat post factas filiæ nuptias Anthemium proximis Kalendis Ianuariis secundum Consulatum iniisse. Sed non possum non mirari Sauaronem, & quosdam alios, qui cum apud Gregorium legissent Theodomerem Regem Francorum, filium Richimeris cum Ascila matre sua interfectum; Richimerem hunc, qui natione Francus, & pater Regis Francorum fuit, Ricimerem de quo nunc

loquor, hominem paterno genere Sueuum, materno Gothum; & Alcilam, feminam vt nomine sic gente Barbaram, Anthemij Aug. filiam, vxorémque eius fuiffe putauerunt.

Eodem tempore Aruandus, qui Præfectus Prætorij Galliarum bis fuerat, Romam in custodiam abductus; & à legatis prouinciæ Galliæ Tonantio, Ferreolo Afranij Syagrii Consulibus nepote, Thaumasto, & Petronio publico nomine accusatus maiestatis; atque Senatuf-consulto damnatus est, & bona eius publicata. propterea quòd per epistolam, quæ intercepta fuerat, Gothorum Regi suaserat, vt Græco Imperatori, (ita Anthemium appellabat accitum ex Græcia) & *Britannis super Ligerim* bellum inferret, & cum Burgundionibus iure gentium Gallias diuideret. quemadmodum scribit Sidonius in libri I epistola VII. Hic apud Senatorem in Chronici vetere editione Arabundus; pro Arbando, & in recentiore Ardaburius vocatur; apud Paullum Langobardum & Sigebertum pro Eruando Seruandus. Videtur autem Anthemius pœnam capitis Aruando remisisse motus precibus Sidonij & Auxanij eius amicorum, atque exsilio fuisse contentus. etsi enim Sigebertus Aruandum ob affectatum Imperium anno Anthemij Principis secundo necatum scribit: tamen ceteri, in primis Senator, Marciano & Zenone Coss. ob hæc ipsa relegatum dicunt. quamquam ex Sidonij verbis intelligitur Aruandum non affectatæ purpuræ, sed litterarum ad Gothorum Regem missarum accusatum, & ante secundum Consulatam Anthemij, hoc est Pusæo & Ioanne Coss. circa finem anni esse damnatum. cccc.  
LXIX.

In Chronico Marij Auenticensis Episcopi inuenio Theodoricum Regem Gothorum, interemtorem Thorismodi fratris sui, supradictis Pusæo & Ioanne Coss. ab Eurico fratre Tolosæ interfectum: quem Auctor, qui Chronico Victoris nonnulla de rebus Gothicis inseruit, anno antè Leone Aug. III & Tatiano Coss. iugulatum prodit. Euricum autem Marius Euthoricum vocat; Sidonius in libri VII epistola IX pro Eudorico Theodoricum mendosè, & in libri VII epistola VI Euarigem;

Cc iij



CCCC-  
LXVIII.

alij Eoricum, & Euarigem appellant.

Insequenti anno Anthemio Aug. Romæ secundum Consulatam incunty Apollinaris Sidonius Panegyricum dixit, ab eoque præfecturam Urbis, & Patriciæ dignitatis gradum obtinuit.

Eodem anno Leo Aug. multis de causis bellum Vandalis inferre constituit: primùm quòd Afros gràvissimis tributis oppressos; dirutos Africæ urbium muros; agros provincialium à Rege Vandalis datos; Episcopos sedibus expulsos; spoliatas Ecclesias; multos propter constantem Catholicæ fidei professionem necatos, multos relegatos dolebat: tum etiam maximè quòd Geisericus ab eo per Phylarchum legatum certior factus Anthemium Imperatorem creatum esse, & sub belli denuntiatione iussus Italiam ac Imperium dimittere, recusaverat affirmans Romanos Occidentales fœdera rupisse. Accedebat, quòd cùm Geisericus in dies vires augetet suas; timendum erat, ne ut Africæ provincias ad Imperium Occidentis pertinentes occupaverat, ita finitimæ Libyæ ac Ægypto Orientalis Reip. membris manum iniiceret. Quamobrem Leo Princeps Basiliscû Consulare Verinæ Aug. coniugis suæ fratrem, impium hominem atque Eutychianum cum mille & centum navium classe in Africam aduersus Vandalos mittit. cui proficiscenti Aspar & Ardabures Ariani Imperium promississe dicuntur, si Geisericò Ariano & ipsi, Arianaque gentis Regi exercitum prodidisset, & de se victoriam dedisset, aut saltem bellum traxisset. Orientalibus Basilisco duce delatis in Siciliam, atque inde breui & commodo traiectu in Africam transitoris accepta fide iunxit se magna cum manu Marcellinus Patricius Occidentis, Marcellianus Procopio dictus, moxque ab eisdem contra religionem iurifurandi dolo confossus est. cuius de cæde vbi Geisericus cognouit, lætus velut iam exploratâ victoriâ affirmavit Romanos sinistra sibi manu dextram amputauisse. Hic autem Marcellinus Patricius, & Iulij Nepotis, qui postea imperavit, auunculus dicitur idola coluisse, & Sallustio Cynico similiter idololatæ familiarissimè vsus esse,

vir alioqui pace belloque optimus, diuinationis bene peritus, & Romanis disciplinis eruditus. idem post occisum Aëtium amicum suum, metu similis exitus ad Valentinianum Principem venire recusauit, coactaque magna manu Scytharum Dalmatiam Illyrici Occidentalis prouinciam occupauit, ac ita in potestate habuit, vt sui iuris esset, nec ulli Imperatori, aut Barbararum gentium Regi pareret. transiit deinde in Siciliam, Vandalosque fusos ac fugatos ex insula expulit. rogatusque ab Romanis Occidentalibus Leo Cæsar per Phylarchum quemdam legatum ei persuasit, ne, quod auctis copiis facturus putabatur, popularibus suis nefarium bellum inferret. Haud multo post Marcellinus sponte, aut (sicut scribit Procopius) rogatu Leonis Augusti potius quam (vti ait Hydatius) missu Anthemij Sardiniam Vandalis breui ac facile eripuit, & se Orientalibus auxilij gratiâ iunxit, atque impulsore Ricimere, qui militum partem maiorem ab eo ad se pecuniâ traduxerat, mense Augusto interfectus est. apparuitque breui Geisericum, cognita tanti viri cæde, non sine causa victoriam sperauisse. quippe Basiliscus cum Africam petiisset, & fuis apud Tripolim Vandalis, captaque ea vrbe Carthaginem Magnam à mari oppugnare cœpisset, clam collocutus cum Geisericis supradictam urbem antè Barbaro pecuniâ vendidit, quam in Romanorum potestatem redegisset, exercitumque, vt inter ambos conuenerat, prodidit ac perdidit. Itaque intempesta nocte à Vandalis naues ad vnam omnes incensæ sunt, vehementi vento extemplò ignem spargente, ac per totam classem latè effundente: milites semisomnes partim flammis, partim gurgitibus hausti; partim contis remisque confecti. Basiliscus ipse ægrè cum paucis euasit, regressusque Constantinopolim in Ecclesiam Magnam confugit, atque Verinæ Aug. sorori donatus, & Heracleam Thraciæ, quam veteres Perinthum dixerunt, à Leone missus, breuique reuocatus est: atque, vt ex Prisco intelligitur, mox pace facta Eudoxia & Placidia Constantinopolim redierunt. Procopius in libro I belli Vandalici tradit, post victos Vandalos occu-

patámque Tripolim seu Neapolim, bellum facilitè confici & Carthaginem expugnari potuisse, si Romani eò protinus contendissent: sed factum lentitudine aut ignavia Basilisci ad promontorium Mercurij tempus terrentis, aut certè prodicione eius, vti occasio victoriæ dimitteretur, & vt v dierum indutiæ Geiserico ad deliberandum darentur, aut auro venderentur, intra quod tempus Barbarus classem instruxerit.

Hic fuit euentus nouissimè Romanorū aduersus Vandalos expeditionis, quam anno Anthemij Principis tertio factam falsò ait Hydatius. neque quidquid dicat Cedrenus; Leo postea, aut vllus alius Geisericum bello lacerare ausus est. Quem ego virum fortiorem, an fortunatiorem dicam nescio. nam cùm non (vt prodit Senator) ab Gothis exclusus Hispaniâ, sed accitus ex Bætica à Bonifatio, initio regni cū Vandalis omnibus & Alanis Hierio & Ardabure Coss. mense Maio in Africam transmississet; eundem accepta à Placidia Aug. fide & magno exercitu missum aduersus se, iunctumque Aspari Orientalium copiarum Duci vicinæ acie Aëtio & Valerio Coss. maximamque multitudinem Romanorum, in primis Marcianum Asparis Domesticum, qui postea in Oriente imperauit, cepit: reliquos in fugam coniecit. Quamobrem Placidus Valentinianus in quarto Consulatu suo per Trygetium legatum pace necessaria magis quàm vtili compositâ, partem ei Africæ condonauit. cùmque paullo pòst Barbarus rupto fœdere piraticam exercuisset, & multas insulas, præcipuè Siciliam vastauisset, Carthaginemque cum omni Africa dolo captam diripuisset, Carthaginensibus Senatoribus nudis in Italiam transire compulsis, nec iam Imperium Occidentis modò, verùm etiam Orientem latrocinii infestaret: iterum Theodosius Aug. Cyro Consule Ariobindum, vel Arcobindam natione Gothum, Patricium & Consularem, Anaxilam, & Germanum Duces cum CIOCLXX nauium classe aduersus eum misit: qui Siciliam petire, & longis cunctationibus insulæ magis oneri, quàm Africæ auxilio fuere. siquidem insequenti anno Dioscuro & Eudoxio Coss. Attila vel forte, vel Geiserici ipsius

cccc-  
xxvii.cccc-  
xxxii.cccc-  
xxxv.cccc-  
xli.cccc-  
xlii.

ipſius bellum à ſe auertere cupientis impulſu, Thracias & Illyricum depopulante, coactus eſt Theodoſius exercitum morantem adhuc in Sicilia ad tutelam prouinciarum ſuarum celeriter reuocare, pacemque cum Geiſerico inire. imitatus quoque ſocerum Valentinianus ſtatim pace facta cum eo Africam Occidentalem diuiſit, Byzacium, Tripolim, & prouinciam Proconſularem Barbaro cedens, retentâ Mauritaniâ Sitifenſi, Mauritania Cæſarienſi, atque Numidia, & quæ pars Mauritaniz veteris fuerat, ſed Hiſpaniz prouinciis annumerabatur, Tingitania: quæ IV prouinciæ poſt Valentiniani mortem vnâ cum Sardinia, Maiorica, Minorica, Ebuſo, aliſſque mediterranei maris inſulis à Vandalis ſunt occupatæ. Pace facta Geiſericus Byzacenâ, Abaritanâ, Gætuliâ, & parte Numidiz ſibi reſeruatis; Zeugitanam & Proconſularem prouinciam exercitui diuiſit. Quis deinde Maioriani Principis, quis poſtremò Baſiliſci ab Leone Aug. miſſi expeditionis Africanæ exitus fuiſſet, & quæ Placido Valentiniano mortuo à Vandalis geſta eſſet, narrauimus. ex quibus intelligitur Geiſerico ad vincendos Romanos nec virtutem vniquam, nec fortunam deſuiſſe: qui, quod Alaricus, Ataulfus, & Attila Reges facere voluerant, fortiter felicitérque perfecit, ac poſt euerſum demum Imperium Occidentis voti compoſ obierit. Geiſericus autem Godigiſci Regis partis Vandalorum ex concubina filius, Gunderici frater minor natu, atque ſucceſſor, dicitur ex equi caſu claudicauiſſe; ſtaturâ fuiſſe modicâ; ſermone raro; magna ad ſimulandum altitudine ingenij; continens; exſomnis; iracundus; ſæuus; auarus; callidus; inter quietas gentes bella, inter concordēs odia ſerendi ſcientiſſimus; ſemper expedita claſſe, & exercitu, quem alere conſueuerat, ad nauigandum parato hoſtibus timendus; rebus ſecundis ſuperbus & ferox, nec ſine cauſa, quippe qui toties repellens bellum, aut inferens, nunquam niſi fortè leuibus præliis abſens ſuperatus ſit. cum Attila non ſolùm eo validior, ſed etiam omnium ætatis ſuz Imperatorum ac Regum potentiſſimus, pæne exitiabilem in Gallia cladem acceperit: quem tamen

adeò magis quàm Geisericum videntur metuisse Romanum, numquam ut armati eius Regnum ingredi sint ausi. Geiserico successit Hunericus natu maximus filius; Hunerico Gunthamundus; huic Thrasamundus non minùs Geiserico & Hunerico in Catholicos sœuus: post Thrasamundum Hildericus, Hunerici ex Eudocia Regina filius regnavit. eo in custodiam dato, ac post interemto Regnum Gelimer Geiserici adnepos occupavit: quo per Belisarium Magistrum militum ac Patricium acie pulso, atque in deditiorem accepto, Iustinianus Aug. omnem Africam Imperio Romano restituit. ut Iordanes, Victor, Procopius, & Isidorus scribunt. Hoc notandum duxi, quòd Gregorius in Historiæ libro II nescio quem Auctorem secutus omisso Geiserico, atque Gunthamundo, Reges Vandalorum quinque tantum, ac ne ordine quidem enumerat, nimirum Gundericum, Trasimundum, (ita appellat) Honoricum, Childericum, ac Gelesimirum, hoc est Gelimerem: scribitque post Gundericum, quo duce Vandali vastatis Galliis in Hispaniis confederant, regnante Trasimundo, inter Suevos & Vandalos de finibus ortam esse contentionem, quòd utrique in Callæcia sedem habebant: ac iam instructa utrimque acie conuenisse, ut duorum militum pugna controuersia finiretur, & cuius populi cuius vicisset, is populus omnem Callæciam solus obtineret: atque cæso Vandalo, Trasimundum ex fœdere icto post parata ad iter necessaria Hispaniâ decessisse, & prosequentibus Suevis usque ad Traductam, quod est opidum Bæticæ freto pròximum Transducta à Ptole-mæo dictum, exercitum in Africam traieccisse, eamque occupauisse: post Trasimundum autem Honoricum electum Regem à Vandalis Regnum Africæ obtinuisse; Honorico Childericum; Childerico mortuo Gelesimirum successisse, qui ab Romanis victus Regnum amiserit, Africâ Imperio restitutâ. Non negauerim tamen Vandalos in Hispania cum Suetis bella gessisse. quippe Hermericum Sueuorum Regem rupto fœdere à Gunderico Rege Vandalorum anno Honorij Principis XXV in montibus Neruâsorum obsessum auctor est Hydatius, &

insequenti anno Gundericum dimissa oppugnatione Sueuorum, instante Asterio Comite Hispaniæ, urbem Bracaram Augustam, & prouinciam Callæciam reliquisse, atque in Bæticam immigrauisse, vbi Castinum Magistrum militum acie vicerit, viginti ferè millibus Romanorum cæsis, móxque prædatus Baleares insulas, & depopulatus Hispanias, captâ ac direptâ Carthagine Spartaria atque Hispali, anno IV post Honorij mortem obierit: cuius frater successorque regni Geisericus sequenti anno, Hermigario Sueuo in Lusitania apud Augustam Emeritam cum multis oppresso atque interfecto, Vandalos omnes in Mauritaniam transmiserit. Auctor Chronici, quod Prosperi esse dicitur, quo nihil est in notatione temporum mendosius, anno VIII post Honorij Aug. mortem XX millibus Romanorum in Hispania interfectis Vandalos in Africam transisse dicit: cum hæc clades sub Magistro militiæ Castino accepta sit, Honorio XIII & Theodosio X Coss. & quinquennio post Vandali Africam petiuerint. cccc.  
xxii.

Marciano & Zenone Coss. Anagastes Comes Dengizicem, Attilæ filium, Regem partis Hunnorum, quem Marcellinus Denzicem, Iordanes Dindzichum appellat, victum occidit, caputque eius Constantinopolim ad Leonem Aug. latum est. cuius maiorem fratrem nomine Ellacem Regem Barbari, in primis Gipedes, & Ostrogothi ab Hunnis desciscences paullo post Attilæ mortem acie victum occiderant. cccc.  
lxi.

Eodem anno Magnum Felicem, natione Gallum, Magni Consulis filium, & Sidonij amicum, qui Præfectus Prætorij fuerat, Anthemius Aug. Patricium fecit. hic postea mutata veste religioni se dedit, & à Fausto Reienti Episcopo per epistolam in proposito confirmatus est.

Seuero & Iordane Coss. Romanus Patricius, is credo, quem Tribunum militum vnâ cum Romulo Comite & Promoto Norici Præsede Valentinianus Aug. legatum ad Attilam misit, Imperium affectasse conuictus capitali supplicio afficitur. cccc.  
lxx.

Circa id tempus, cum Euricus Rex Vesigothorum, crebram mutationem Principum Romanorum suam

cccc-  
LXL

occasionem putans, totam Galliam occupare conaretur: ad eum repellendum Anthemius Aug. Britannica auxilia accersuit. Britanni enim complures, subtractâ ab Anglis nobilissima parte Britanniae insulae, externae dominationis intolerantes in tractum Armoricum duce Rioualo emigrauerant Placidi Valentiniani principatu, & in finibus Venetorum, Curiosolitarum, ac Osismiorum confederant, regionemque Britanniam appellauerant. quorum Britannorum Episcopum nomine Mansuetum Seuerino V. C. Consule Concilio Turonico interfuisse ac subscripsisse inuenio. Horum Rex, à Sidonio in libri III epistola IX Riothamus; à Iordane Riothimus Rex Brittonum dictus, XII armatorum millia in naues imposuit, & secundo aestu Oceani inuectus os Ligeris, aduerso flumine subiit, atque exscensione factâ Auaricum Biturigum pedibus peruenit: receptusque ab incolis, ut socium decebat, ac inde progressus priusquam cum Romanis vires suas iungeret, in Euricum incidit circa vicum Dolos, ubi diu cum esset pugnatum, ab hostibus numero magis quam virtute victus, amissâ magnâ parte exercitus ad Burgundiones, gentem finitimam, trans Ligerim perfugit. Erant tum Burgundiones socij Romanorum atque amici, adeo ut Chilpericus eorum Rex, cuius Regia Lugdunum erat, tamquam successor officij Gunduici fratris sui, Magisterio militum in Gallia fungeretur: quemadmodum Sidonius tradit in libri V epistolâ VI, qui & ob id in epistola I V libri III, & in carmine ad Catullinum Burgundiones *propugnatores, & patronos* Aruernorum vocat. Eius pugnae mentionem habuit proximus à Iordane Gregorius, Britannosque ab Gothis finibus Biturigum expulsos, & multos apud Dolensem vicum interfectos esse scripsit: quam victoriam de Britannis Eurico Regi contigisse anno II post Anthemij mortem imperante Iulio Nepote falsò Sigebertus prodit.

cccc-  
LXXIV.cccc-  
LXXI.

Leone Aug. IV & Probiano Coss. Aspar, Ardaburis viri Consularis filius, Consularis & ipse, ac trium Consularium pater, primusque Patriciorum iussu Leonis Aug. cui sua auctoritate Imperium conciliauerat, occi-

ditur: de quo, etiam si in Oriente floruit, ut antea mentionem feci, sic nunc mihi pauca dicenda sunt. Hic Aspar sectâ Arianus, Asper à Græcis quibusdam dictus, quem Candidus Isaurus natione Alanum; Iordanes Gothum fuisse dicit, à Principe Theodosio minore Magister militiæ, Patricius, & Consul erat factus, plurimùmque apud eum, & apud Marcianum potuerat, ac ex tribus vxoribus tres filios susceperat Ardaburem, Patricium, & Hermenericum. quorum natu maximo Ardaburi vel Ardaburio Theodosius Ducatus, Patriciam dignitatem, Consulatumque; Marcianus Magisterium militum Orientalium detulerat: Patricium verò, quem quidam Patriciolum vocant, Leo Aug. non solum Consulem, sed etiam Cæsarem ex pacto creauerat, atque Hermenericum quoque Consulem fecerat. tantâ potentiâ fretus Aspar Magister militum Præsentium cum fauere Vandalis diceretur, Isaurósque, quos circum se Leo Aug. habebat, sollicitare; affectati Imperij suspectus magis quàm reus Constantinopoli in Palatio vnâ cum Ardabure à spadonibus iugulatus est. Hermenericus absens re cognita in Isauriam perfugit, vnde postea reuersus Constantinopolim, notham Zenonis Principis filiam duxit vxorem. at Patricius Cæsar etsi multis vulneribus acceptis tamen conualuit. cui in exsilium misso Ariadnen vxorem ademptam, ac Zenoni in matrimoniû datam falsò ait Nicephorus, secutus Marcellinum, qui Patricium generû Leonis Principis appellatum tradit. cum Iordanes in libro de successione regnorum Asparem occisum dicat *instinctu Zenonis, qui Imperatoris gener erat.* Certè Zonaras Patricium quidem Cæsarem à Leone Aug. factum; non item matrimonio filia eius in affinitatem receptum ait: contrà regiarum virginum alteram Zenoni; alteram Marciano nuptum datam, Asparem autem idèò occisum esse prodit, ut Leo Aug. nepoti ex Zenonè & filia Ariadne Leoni Imperiû conciliaret. & Georgius Cedrenus secundo Leonis imperij anno Ariadnen maiorem natu eius filiam Zenoni nupsisse tradit. Patricij vel Patricioli filius fuit Vitalianus, is qui cupiditate Imperij impulsus Anastasio Aug. bellum intulit, móxque



DXX.

Magister Præsentis militiæ, & Consul ab Iustino factus; V II mense Consulatus sui in Palatio factione Iustiniani Patricij XVI plagis confossus est: cuius filius nomine Ioannes Germani Patricij filiam duxit, & Magister militiæ in Italia principatu Iustiniani aduersus Ostrogotos magnas res gessit. Ceterum errat Hydatius in Chronico, cum XI Leonis imperij anno Asparem non occisum, sed priuatum factum, & tantummodò filium eius, nimirum Ardaburem, interfectum dicit.

CCCC.  
LXXI.

Eodem anno, quo Leo Asparem fiduciâ meritorum sibi aduersantem ac prægrauem trucidauit, in Occidente inter socerum & generum orta discordia est. nec Anthemius ferre æqualem volebat, nec Ricimer superiorem. Aspar cum filiis fraude Leonis deceptus in oculis Ricimeris erat, cauendum sibi intelligentis, ne similiter ab Anthemio securus opprimeretur. alentibus odium vtriusque amicis, alter Romæ; Mediolani alter ciuile bellum parabant: cum reconciliatio gratiæ per Epiphanium Ticinensem Episcopum facta est. ac insequenti anno Festo & Marciano Coss. Ricimer Patricius violata fide Romæ cum Anthemio bellum gessit: Olybrium potentissimum Senatorem Romam à Leone Aug. missum in locum viui ac videntis soceri Imperatorem suffecit: & Bilimerem, rectorem Galliarum, Principi in auxilium venientem apud pontem Hadriani aciesusum occidit: moxque Anthemium ipsum V Idus Iul. contra reuerentiam imperatoris Maiestatis & ius affinitatis cum magna clade Urbis interemit, quem falsò Victor in Chronico Leone Aug. IV & Probiano Coss. occisum dicit.

CCCC.  
LXXI.CCCC.  
LXXII.

Eisdem Festo & Marciano Coss. Theodericus Triarij filius, Ostrogothorum Rex frustratus hereditate Asparis sororis suæ viri, & Ostrui Comes Gothus, mortem eius, cuius quondam Prorektor fuerat, vlscisci cupiens Constantinopolim obsedere, atque per Zenonem & Basiliscum ab vrbe repulsi sunt.

Circa id tempus Scronatum Præfectum Prætorij Galliarum Barbaros, in primis Vesigothos clam inuitantem, uti prouincias Romanas occuparent, Romam per-

duxere Aruerni, & Maiestatis accusauere: de quo Senatus conuictio atque damnato supplicium sumit.

Anthemio ex Euphemia filij fuere Marcianus, Romulus, & Procopius. è quibus Marcianus Patricius, & Consul à patre Aug. factus filiam Leonis Aug. Leontiam natam in purpura duxit vxorem: cuius soror Ariadne, patre adhuc priuato genita, Zenoni nupserat. Quamobrem Marcianus post loceri mortem vxorio iure Imperium sibi vindicauit. causa Leontiae quibusdam fauorabilis videbatur. nam Darius Persarum Rex Xerxem minorem filium ob idipsum Artameni natu maiori ante regnum suscepto; similiter Xerxes Darii maiori filio Artaxerxem praposuisse dicitur. sic postea Henricus Henrici Regis filius, Demetrius quoque Porphyrogegnetus Despotas Manuelis Aug. filius, cum ob eandem causam Imperium sibi deberi dicerent, maioribus natu fratribus prior Ottoni; posterior Ioanni bellum intulere. Igitur Marcianus cum aduersus Zenonem Principem plebem Constantinopolitanam armasset, superatisque ad ipsas Palatii fores Isauris, oppugnationem eius in posterum diem distulisset, à suis deseritur, & per illum Isaurum, Patricium & Consulare virum in Thermis Zeuxippi vincitur, & capitur. quem Zeno per Acacium Patriarcham Presbyterum faciendum curauit, & Mazacà Cæsareà clausit: vnde clam elapsus circa Ancyram caput Galatiæ primæ tumultum mouit; iterumque comprehensus, & in castello Papii apud Isauros custoditus est. Euagrius & Nicephorus tradunt Marcianum Constantinopoli extractum ex Martyrio Apostolorum, quod confugerat, & Cæsaream Cappadocum in exilium missum esse: ibi fugam meditantem apud Monachos latuisse, atque patefacto consilio in vrbe Ciliciæ Tarso Presbyterum ordinatum. Romulus, & Procopius fratres coniurationis participes ad Regem Gothorum Theodericum, Triarii filium, cognomine Strabonem in Thraciam perfugere, frustra quoque sæpius per legatos ab Zenone repetiti, assignati agelli redditu precariam vitam tolerauere. Fuit etiam Zeno Anthemij Aug. nepos, is quem Procopius Iustiniani principatu Præsidem

Ægypti fuisse, & nullis relictis liberis decessisse scribit.

CCCC.  
LV.

Olybrius, qui post Anthemium imperauit, genitus erat Aniciâ familiâ, quæ vetustate, maximis rebus honoribusque gestis, possessionibus per omnes Imperij Romani prouincias sparsis adeò inter Senatorias gentes eminebat, vt Imperator Iustinus natus in vico Thraciæ, & Iustinianus Aug. sororis eius filius huic se familiæ inferuerint, quasi nouitatem suam hocce mendacio nobilitaturi. Is ante Vandalorum aduentum relictâ vrbe Româ Constantinopolim petierat Valentiniano VIII & Anthemio Coss. & Placidiam Diui Placidi Valentiniani filiam, Diui Valentiniani maioris abneptem, ab Geiserico cum Eudoxia matre Constantinopolim remissam in matrimonium acceperat. Idem Senator vrbis Romæ ab Hydatio dicitur; Patricius, & Princeps Senatus Romani à Nicephoro, qui, vt & Ióannes Zonaras, tradit Geisericum Nobilissimam Placidiam, vbi Olybrio desponsam fuisse cognouit, vnâ cum matre Marciano Aug. sponsoque remisisse. Nos Priscum Rhetorem secuti, qui tum Constantinopoli Historiam scribebat, suprâ diximus Placidie nuptias à Leone Principe conciliatas esse: quibus celebratis, Geisericus Vandalorum Rex multo quàm antea infestius Siciliam Italiâque vastauit, vt Olybrio, nurus suæ sororem in matrimonio habenti, Imperium Occidentis conciliaret. Eundem Leo Aug. cum Rusticio Magistro militiæ Consulem fecit: quem Victor & Marius in Chronicis etsi ab Imperatore Orientis in Oriente designatum, & posteriorem renuntiatum; tamen quòd Senator Romæ veteris erat, tamquam Occidentalem Consulem Rusticio Orientali præponunt. Auctor est Nicephorus Callistus in libro XV operâ Valerij & Olybrij Patriciorum Athenaidi, vel Æliæ Eudociæ Theodosij minoris quondam vxori reconciliatam Pulcheriam Aug. Marciani Principis coniugem, perque eam factum, vt cum Geiserico pace initâ Eudoxia Eudociæ filia, neptisque Placidia in vrbe Roma captæ, Constantinopolim dimitterentur. Cui ego assentiri non possum, cum Marcianus (sicuti ipse eodem in libro tradit) datæ Geiserico fidei me-

CCCC.  
LXIV.

memor initio principatus, ante quadriennium quàm Roma caperetur, cum Vandalis pacem fecerit, & Pulcheriam Reginam anno Marciani Principis tertio, Oplione & Vincomalo Coss. mense Iulio, hoc est biennio ante Urbem capram decessisse Hydatus ac Marcellinus prodant. Igitur Olybrius post annos XV I quàm Constantinopolim se contulerat, Romam reuersus cum Placidia vxore, operâ Ricimeris Patricij, à quo erat reuocatus, recepit Imperium, atque Anthemium Aug. oppressit. Neutri tamen licuit victoriâ belli ciuilib diu lætari. quippe Fl. Ricimer Magister vtriusque militiæ, ex Consule ordinario, atque Patricius XV Kal. Septemb. post Anthemium occisum nono ac tricesimo die, aut (vt Senator ait) XL mortem obiit: vir bellicosus quidem, ac pæne tum solus in Italia Ducis nomine dignus; sed perfidiosus; fallax; sæuus; nec aliis, nec sibi ipsi consentiens; & ad conciliandum adimendûmque Imperium potentiâ suâ malè vsus. Olybrius autem allecto inter Patricios Gundiuaro, sororis Ricimeris filio, quem Senator Gundibatum, aliqui Gundibalum appellant, Romæ VII imperij mense decessit, vt Marcellinus, Iordanes, & Cassiodorus Senator scribunt. Quare si verum est, quod Auctor Chronici ab Ioanne Cuspiniano edici ait, Imper. Anthemium Festo & Marciano Coss. v Idus Iul. periisse, eodémque anno Olybrium Aug. Romæ X Kal. Nouembr. obisse: credere conuenit ante tertium mensẽ quàm Anthemius interficeretur, Olybrium Imperatorem appellatum esse. Ex his intelligitur errare Paulum, qui in Historiæ Miscellæ libro XV tradit à Glycerio cõreptis apud Rauennam insignibus Imperatoriis Olybrium Imperio expulsũ. Placidia Augusta cum filia, quàm ex Olybrio habebat, paucis annis post viri mortem Constantinopolim repetiit, atque à Zenone Aug. Leonis successore honorificentissimè accepta, habitaque est. quo ei nomine gratias per legatos egit Hunericus Geiserici filius Rex Vandalorum, cui soror Placidia Eudocia nupserat, & rogatus à Zenone ac Nobilissima Placidia Carthaginensi Ecclesiæ permisit, vt quem vellet sibi Episcopum ordinaret. mentionem eius

CCCC.  
LXXVIII.

13 XII.

CCCC.  
XLIX.CCCC.  
XCI.  
12XXVII.

facit Simplicius Romanus Episcopus in epistola ad Zenonem Aug. Illo Conf. missa, in qua Placidiam *Nobilissimam feminam* vocat. Olybrij & Placidie filia, quam Zeno Princeps Theoderico Valameris filio daturum se uxorem sponndit, si Theoderico Triarij bellum inferre voluisset; fuit Iuliana Nobilissima Patricia, à Paulo in libro XV Historiæ Miscellæ dicta Illustrissima femina: nupta Areobindo Duci ac Patricio, Areobindi Gothi, Magistri militum, Patricij, atque Consularis nepoti, quem Catholicarum partium virum anno sexto post initum Consulatam Paulo & Musciano Coss. plebs Constantinopolitana, odio Anastasij Aug. Eutychiani vel Theopaschitæ, Imperatorem facere voluit. Iuliana autem tanta fuit pietate, tantæque constantia, ut Basilicam Beatæ Mariæ exstruxerit, neque ei à Timotheo Patriarcha, ac ne ab Imper. quidem Anastasio persuaderi potuerit, ut actis Synodi Calchedonenfis damnatis, Eutychetis Presbyteri & Abbatis sectam sequeretur. Hæc est Valentiniani Aug. neptis Iuliana, quam Cyrillus Monachus ad magnum Sabam Monachum in suburbano Rufini ad Calchedonem morantem XXII imperij Anastasij anno crebrò venisse scribit. Chronici Alexandrini Auctor tradit Olybrium Rotnam missum à Leone Aug. inuitum & coactum à Romanis, Imperium recepisse: & ex Placidia uxore Iulianam filiam tulisse, quæ Areobindo postea nupsit, eique Olybrium minorem futurum Consulem genuerit. falsò enim supradictus Auctor Areobindum Iulianæ virum, Areobindum maiorem fuisse scribit, singulari certamine in Perside inito illustratum, quem Asturio & Protogene Coss. decessisse ex Marcellino cognoscitur. Falsò item Areobindi & Iulianæ filium hunc esse Olybrium tradit, quo Consule Zeno Aug. obiit, cum non nisi Iustini principatu Consulatam inierit.

Anthemij & insequentium Imperatorum principatû florebat Arbogastes Francus in Gallia, Arigij clarissimi ac ditissimi viri filius, Romanis fidus: præeratque Augustæ Treuironum, (quam urbem Meroueus paucis antè annis direptam & incensam diffidens ab se teneri

posse reliquerat ) vbi successor Iamblichus Metropolitæ Episcopo voce publica destinabatur. Arbogastis nobilitatem; spectatas belli domique virtutes; religionem; sanctitatem; verecundiam; vrbaneitatem; fortitudinem; iustitiam; temperantiam; elegantiam sermonis Latini, consuetudine. & familiaritate cum accolis Barbaris, hoc est cum Francis minimè corruptam Apollinariis Sidonius Aruernorum Episcopus Epistolarum libri IV epistolâ XVII celebrat. eundemque Auspicius Tullensis Antistes Ecclesiæ magno Arbogasti Magistro militum, qui ante annos LXXX Imperatores interemerat, & fecerat, antepont. Ex Auspicii ad Arbogastem virum Spectabilem Comitem Treuironum epistolâ versibus trochaicis tetrametris scriptâ pauca quædam ponere operæpretium duxi.

*Pater in cunctis nobilis fuit tibi Arigius,*

*Cuius tu famam nobilem aut renouas, aut superas:*

*Sed tuus honor, eius est; eiusque, tibi permanet.*

*Congratulandum tibi est, o Treuerorum ciuitas,*

*Quæ tali viro regeris, antiqua comparabili.*

*De magno origo semine descendit sui nominis:*

*Certe virtutis eius est, ut Arbogastes legitur.*

*Scribantur in annalibus huius triumpho pariter,*

*Sicut & eius scripti sunt, quem supra memorauimus.*

*Sed hoc addamus meritum huic, qui verè maior est,*

*Quod Christi nomen inuocat religioni deditus.*

*Fuit in armis alacer ille antiquus, verum est:*

*Sed infidelis moritur, & morte cuncta perdidit.*

*Hic autem noster, strenuus, belligerosus, inclytus,*

*Et (quod hic cunctis maius est) cultor diuini Numinis.*

Tum etiam Francos, & Veligothos societatem coiuisse, Euricumque Regem Sigisméri cuiusdam Francorū Regis filio (nam in Francia vno eodémque tempore plures regnabant) filiam suam velut pignus pacis nuptum dedisse auctor est Sidonius, qui in epistola III libri VIII scribit Euricum victorem cum Barbaris ad Vacalim trementibus fœdus iunxisse: & in epistola IX tradit senes Sicambros, hoc est Seniores Maiorēve natu Francorum, legatos de pace ad Euricum Burdigalam venisse, capillo

E c ij

(vtri victis mos erat) pone verticem summiſſo. Sigif-  
merem quidem *Regium iuuenem*, ſive Regalem; cum  
iret in Prætorium futuri foceri, filix eius in matrimo-  
nium petendæ cauſâ, viſum à ſe Sidonius didit; in-  
ceſſiſſe autem pedibus medium inter ſuos pediſequos  
atque curſores, agalonibus inſtratos phaleris gemma-  
tis equos ducentibus: fuiſſe flauo capillo; ore rubi-  
cundo; candido corpore; cocco, ſerico, & auro cultum;  
comitatum Regulis, ac ſociis, quorum veſtitum, habi-  
tum, armaturamque ſupradictus Auctor ita deſcribit,  
nomen vt gentis non tam præteriſſe, quàm ſuperuaca-  
neum exiſtimâſſe videatur. Sed non poſſum non mira-  
ri, quòd Francos, quos nunc Sicambros; nunc Catos  
appellat, in Francia veteri inter Renum & Albim tan-  
tum, nec vſquam alibi ponat Sidonius: quaſi Franci  
ætate eius nondum in Gallia ſedem cepiſſent. Sic cer-  
tè in Panegyrico Auito Aug. dicto Sicambros in ripa  
Reni collocat.

— *Flauis in pocula fracte Sicambris  
Rene tumens.*

Et in eodem Carmine Attilæ Gallias petenti Francos,  
accolas fluminis Vicri, voluntarios expeditionis comi-  
tes iungit:

*Bructerus, vluosâ vel quem Vicer alluit undâ,  
Prorumpit Francus.*

Sic ibidem poſt Valentiniani cædem Francos, qui pro-  
uinciam Germaniam primam, & Belgicam ſecundam  
incurſione vaſtabant, metu Auiti Magiſtri militum do-  
mum rediſſe ait, Albimve repetiſſe.

— *Cattumque paluſtri  
Alligat Albis aqua.*

Et in libello ad Imperatorem Maiorianum.

*Sic ripa duplicis tumore fracto  
Detonſus Vacalim bibat Sicamber.*

In Carmine etiam ad Conſentium Narbonenſem, virum  
Clariffimum, qui Valentiniani principatu Conſiſtoria-  
nus fuerat, & mox ab Auito Aug. ſibi mandatam Pala-  
tij curam egerat, Franciæ amnes appellat Sidonius Va-  
calem, Vicrum, Viſurgim, Albim.

*Tu Vicrum, & Vacalim, Visurgin, Albim,  
 Francorum & penitissimas paludes  
 Intrares, venerantibus Sicambriis:  
 Solis moribus inter arma tutus.*

Sic demum supra *Barbaros ad Vacalim* Francos vocat: nihil vt in Gallia præter insulam Batauorum inter Vacalem & Renum positam Francis assignare videatur, qui tamen (vt alibi diximus) non contenti pagis Transrenapis, iam inde à Chlodione partem Belgicæ secundæ armis occupauerant. quare etiam Sidonius ipse in libri IV Epistolarum epistola I, ætate sua Sicambrorum, Alanorum, & Gelonorum, qui cum Alanis in Gallia Honorij principatu confederant, stoliditatem à Gallis rideri dicit, ferociam timeri: & in epistola XVII ius Romanum *in terris Belgicis & Renanis* pridem abolitum ait, ac sermonem Latinum. Francos Sidonius nunc Catos, nunc Sicambros appellat, secutus veterem Iuuenalis Scholiastem, qui Catos, & Sicambros *gentes Germanorum siue Francorum* interpretatur. Ceterum feci, vt apud Sidonium in Panegyrico Auito Aug. dicto, vbi Nicer erat Alamanniæ veteris vltra Mænum fluius in Renum exiens; mutatâ vnâ litterâ Vicer poneretur: & in Carmine ad Consentium Tuncrum flumen omnibus Orbis situs & Historiarum Auctoribus ignotum similiter in Vicrum mutaui. Est autem Vicer Franciæ Transrenanæ amnis, opidum sui nominis attingens, influensque in Oceani ingentem sinum vel æstuariû, vulgò Zuiderseum, hoc est paludem Austrinam dictum: quem à Claudio Ptolemæo in Germania inter Renum & flumen Amisum positum, vitio exemplarium Vidrum pro Vicro appellari, & hodièque Vectum vocari animaduerto.

Leone Aug. v solo Consule post interregnum, quod per menses IV diésque XIV fuerat, Rauennæ III Nonas Martias hortante Gundiuaro Patricio Glycerius ex Domestico Imperium arripuit iniussu Leonis Aug. quem ob id Marcellinus & Iordanes dicunt *Tyranni more, & presumptione magis quàm electione Casarem factum.*

Eodem anno Fl. Leo Augustus, cum Zenonem generum suum, Consularem & Patricium virum, ex Co-

Ec iij



mite Excubitorum , & ex Comite Orientis, vel potiùs (vt quidam dicunt) ex Magistro militum Orientis consortem imperij facere voluisset, atque repugnante plebe Constantinopolitana esset inhibitus; Leonem eius filium, ex Ariadne filia nepotem suum, Augustum appellauit. Quamquam Ioannes Zonaras à Candido Isauro dissentiens scribit Leonem maiorem capiti Leonis nepotis sui admodum infantis diadema imposuisse, propterea quòd Zenonem hominem deformi corpore ac facie , animo autem longè turpiore ac deteriore, nequaquam Imperio idoneum existimabat.

Tum etiam Widimer, Wandalarij filius, Winitharij Regis nepos, eius, qui apud Senatorem in libri XI epistola I mendosè Munitaurius vocatur; Walameris & Theodemeris Regum frater, patruus Theoderici, qui postea Regnum Italiæ occupauit; Rex partis Ostrogothorum summa rerum omnium inopia compulsus emigravit finibus inferioris Pannoniæ, quam post Attilæ Regis mortem annis ferè XX beneficio Marciani Aug. cum fratribus possederat, atque in Italiam venit, moxque ibidem moriens Widimerem filium reliquit superstitem. cui Imperator Glycerius datis muneribus & mandatis persuasit, vt quemadmodum Beremundus Thorismundi Ostrogothorum Reguli filius antea fecerat, in Galliam, vbi tum Euricus regnabat, proficisceretur, & cum Vesigothis hominibus eiusdem & sanguinis & linguæ suas vires iungeret. Similiter Theodemer, ab Iordane Theodemir; à Senatore Theudimer dictus, maior frater Widimeris, Réxque maioris partis Ostrogothorum, cui Imperium Orientis depopulandum fortitò obtigerat, sollicitatus à Geiserico pecuniâ cum suis inferiore Pannoniâ decessit, transitòque amne Sauro Naifum occupauit, quod opidum Ptolemæus Dardaniæ; recentiores Auctores Daciæ Mediterraneæ attribuunt. inde per Vlpianum ingressus Thessaliam, Heracleam & Larissam prouinciæ eius vrbes capit ac diripit, atque Thessalonicam caput Illyrici Orientalis oppugnat: quam cum facilè recepturus videretur, Leo Aug. per Hilarianum Patricium muneribus datis pacem redemit, iunctoque

foedere cum Theodemere, Ostrogothis, qui cum eo erāt, sedes in prouincia Scythia minore, nimirum Bereum, Cium, & finitima loca concessit, vbi armis depositis Barbari confedere.

Leone iuniore Aug. Consule Leo senior decessit quo mortuo Imperator Leo minor impulsus à Verina auia & Ariadne matre, consensu & auctoritate Senatus capiti Zenonis patris sui diadema imposuit in Campo ad VII miliarium ab vrbe Constantinopolitana, & coram exercitu Imperatorem eum appellauit, vt Candidus Isaurus, Theodorus Anagnostes, Cedrenus, & Zonaras scribunt. Imperarunt ambo simul paucis mensibus ita tamen, vt filij nomen patris nomini præponeretur. móxque Leo eodem anno mense Nouembri obiit, cū vix annum vnum imperauisset: solusque Zeno Orientis Imperium obtinuit. Hic natus erat Seleucia in Isauria patre Rufumbladeoto nobilissimo viro, & Tarasiodifas, aut ( vt Euagrio placet ) Arimenes vocabatur: sed cū Isauros ad custodiam Leonis Aug. in urbem Constantinopolim adduxisset, filiāque eius Ariadnen in matrimonium accepisset, & Magister militum Orientis esset factus, Zeno maluit appellari nomine Isauri cuiusdam ethnici Flauij Zenonis, qui ad Consulatum, & ad Magisterium militum peruenerat, & accersitus ab Theodosio Principe cum magna popularium manu Constantinopoli bello pressæ auxilium tulerat, Imperatoribusque Theodosio ac Marciano ob nimiam potentiam suspectus ac timendus fuerat.

Eodem anno Zeno Aug. fratris filiam, aut, vt ait Malchus, Verinæ Aug. cognatam Iulio Nepoti Patricio, Nepotiani ex Marcellini Patricij sorore filio, Rauennæ in matrimonium dedit, cūque ibidem per Domitianum clientem suum Imperatorem appellandum curauit: quem ob id Iordanes *Regno legitimo potitum* dicit. Hic est Nepos Magister militum Dalmatiæ, ad quem Imperatores Leo & Anthemius Augusti legem misere Codicis Iustiniani libro VI insertam, datam Kalendis Iuniis Leone Aug. IV Cos. Igitur Nepos deimproviso superueniens in Portu Urbis, quem alij Portum Roma-

CCCC-  
LXXIV.CCCC-  
LXXI.

num; alij Portum Augusti vocant, Glycerium Principatu deiecit, tonsūmque Salonæ opidi maritimi Dalmatiæ Episcopum fecit, pro Imperio Ecclesiam rectorum: (vt Iordanes in libro de successione regnorum, & Eua-  
grius tradunt) atque ipse mox Romæ VIII Kalendas Iulias Imperator est consalutatus. Quamquam Marcellinus in Chronico & Iordanes sibi non consentiens in libro de origine Gothorum minimè verisimiliter scribunt Glycerium in Portu vrbis Romæ Episcopum constitutum esse: è quibus Marcellinus insequenti anno Zenone Aug. II Consule Nepotem Romæ Imperatorem appellatum dicit, sed à Cassiodoro Senatore, & Mario refellitur. Vt appareat falsum esse, quod Eua-  
grius, secutique cum Paullus Langobardus & Nicephorus Callistus aiunt, Glycerium post quintum imperij sui annum expulsū ab Iulio Nepote, & in ordinem coactum: quem constat sextumdecimum imperij mensem non expleuisse. falsò etiam Victor in Chronico scribit post Olybrij mortem Herculānum nescio quem Orestis filium, qui Imperium arripuerat, cum patre suo interentum esse, locūque eius Nepotem inuasisse.

CCCC-  
LXXV.CCCC-  
LXXV.

Eo tempore florebat Faustus, ex Abbate Monasterij Lerinensis Reiorum Episcopus, Maximi in vtraque dignitate successor, vir doctrina ac pietate eminens, qui præter Homilias & epistolas volumen de Spiritu sancto, & aduersus Arianos ac Macedonianos libellum edidit, & de Gratia Dei liberòque arbitrio partim probata scripsit: è quibus librum de Spiritu sancto per Riochatum Antistitem ac Monachum, popularem suum pro se Britannis suis misit. vt in libri IX epistola IX ad eum ipsū missa tradit Sidonius, quem secutus Auitus Vienneſis Episcopus, in epistola ad Gundobadum Burgundionum Regem, Faustum natione Britannum; domicilio Reienſem fuisse dicit: cūm Facundus Hermianensis Episcopus, in libro aduersus Mucianum Scholasticum, Gallum eum vocet, quod si verum est, fateri conuenit Faustum non in insula Britannia, sed in Britannia cismarina vel Armoricana, parte prouinciæ Lugdunenſis tertiæ, natum esse.

Post

Post Consulatum Leonis iunioris Aug. vel Zenone Aug. II Consule cū Euricus Vesigothorum Rex, turbas occasionem suam ratus, rupto antiquo fœdere ab Oceano & Pyrenæo vsque ad Ligerim Regnum proferre conaretur; Iulius Nepos Imperij fines armis tueri pararet: Epiphanius Ticinensis Episcopus, magnā vir sanctitate morum & auctoritate, legatus ad Euricum venit, (sicuti scribit Ennodius) ferocique Barbaro persuasit, vt pacem cum Nepote æquis conditionibus faceret. Sunt, qui existiment Nepotem Aug. Aruernis & Biturigibus, præter quas ciuitates Romanis tum in Aquitania nihil erat reliqui; Eurico cessisse, atque ex Sidonij libri VII epistola VI ad dominum Papam Græcum Massiliensem Episcopum missa id intelligi credant. quæ tamen epistola si semel atque iterum perlecta perpendatur, apparebit Sidonium de tam turpi & ignominioso fœdere tamquam de re non comperta sed incertis rumoribus accepta loqui, & cauere sibi ipsum his verbis: *ut fama confirmat: quantum audio.* Quare idem Auctor in eiusdem libri II epistolis posterioribus decimā & XI *periculum se à vicinis timere* ait, (hoc est à Vesigothis) *inuidiam à patronis*; nimirum Burgundionibus: & *semissis muri fragilis angustis clausum se metu belli* dicit: nondum vt tum Aruernos sub imperio Eurici fuisse constet. Certè Iordanes in libro de origine Gothorum Augustonemetum Aruernorum opidum armis occupatum ab Eurico esse indicat. quippe scribit eum contemtu tot annuorum, quadrimestrium, ac trimestrium Imperatorum; præterea Geiserici muneribus impulsum, Gallix obtinendæ causā Romanis bellum intulisse; & *Aruernos Gallie ciuitatem occupauisse.* præfuisse autem vrbi *Romanorum Ducem*, vel Magistrum militiæ *Ecdicium, nobilissimum Senatorem*, Auiti Aug. filium, qui post diuturnam propugnationem, & multa certamina edita; cū Vesigothos repellere non posset, relicta hosti vrbe atque patriā, in tutiora loca sese receperit. Sigebertus quoque auctor est Euricum *Aruernos Galliarum urbem*, hoc est Augustonemetum, Nepotis principatu *inuasisse*: Hic est Ecdicius; frater Papianillæ vxor-

ris Sidonij, cui Iulius Nepos promissam ab Anthemio ob res aduersus Vesigothos gestas Patticiam dignitatem per codicillos contulit: & quem crebris eruptionibus ac furtis magnam Barbarorum stragem edidisse; priuatis opibus contracto exercitu bellum sustinuisse; Burgundionum pauperum ampliùs IV millia ob sterilitatem procul patriâ vagantium in villis suis pauisse, & redeunte vbertate frugum in plaustra impositos domum dimisisse inuenio.

CCCC.  
LXXV.

Igitur Euricus Rex Vesigothorum Zenone Aug. II solo Consule, cùm Augustonemetum Aruernorum diu multùmque frustra tentatum vel armis, vel conditionibus iuris sui fecisset; Victorium Comitem, quem Gregorius Ducem appellat, opido præsidere iussit: & Sidonium Episcopum, virum Romani animi, muris Liuianæ millia passuum XI à Carcassone distantis inclusit: vnde postea Leonis Eurici consiliarij curâ sedi suæ est restitutus. nec dubito, quin Euricus potitus Aruernis, eodem tempore eadêmque opera Auaricum Biturigum, & Cæsarodunum Turonum occupatit. At Iulius Nepos Aug. Ecdicium Patticium, quem relictis Aruernis tuta in loca concessisse compererat, ex Gallia euocauit ad sese, & Orestem in eius locum Magistrum militiæ constituit. Hic notandum est malè Gregorium existimasse Euricum Regem Vesigothorum XIV regni sui anno Aruernis potitum esse: cùm scribit Victorium Ducem ab Eurico anno regni quartodecimo septem ciuitatibus, in primis Aruernis præpositum fuisse, & annos nouem Augustonemeti vel Aruernis versatum esse, cùmque ibi alienas vxores iniret, metu mortis ex vrbe Romam profugisse, atque à Romanis ob libidinem saxis obrutum esse, ante quadriennium quàm Euricus decederet, quem ait Gregorius XXVII regni sui anno obiisse, cùm annum imperij XIX non sit transgressus.

Orestes Tatulli Pannonij filius vxorem duxerat Peto-  
uionensem, patre Romulo genitam Valentiniani Principis Comite, multis legationibus pro Rep. obitis claro, ex eâque filium Romulum Augustum suscepit, quem

veteres Historici ob pueritiam Augustulum; recentiores Auctores Euagrii vitiata exemplaria secuti pro Romulo Momyllum magno errore appellant, & qui in nummis Dn. Romulus Augustus P. F. Aug. dicitur. Is quod habitabat in prouincia Sapia, parte veteris Pannoniæ, Attilæ Hunnorum Regi subiecta, Notarius Barbari fuerat, & scribendarum nomine eius epistolarum officio fungebatur, à quo etiam non raro cum mandatis ad Theodosium Aug. Constantinopolim missus est: post Attilæ obitum in Italiam reuerterat, & Patriciam dignitatem erat consecutus. Tum verò ab Iulio Nepote Magister militum factus, tantæque potestate instructus ducendum in Vesigothos exercitum in auctorem dignitatis suæ conuertit: Rauennam omnibus copiis occupauit: fugatúmque Nepotem v Kal. Septemb. imperij mense XV conscensa naui Dalmatiam, cui post Marcellinum auunculum præfuerat, petere coëgit: Romulúmque filium suum admodum puerum Rauennæ pridie Kal. Nouembr. post Nepotis fugam mensibus II Imperatorem fecit, ac cum Geiserico Rege Vandalorum fœdus iunxit. Auctor Chronici cuiusdam nuper editi scribit Nepotem Aug. metu Orestis Patricij, qui opprimendi sui causâ cum exercitu Rauennæ appropinquabat, se in nauem contulisse, & ab vrbe Rauenna Salonam fuga petiisse, quod in opidum Glycerium spoliatum Imperio sub Episcopatus titulo paulo antè relegauerat. Dissentit Iordanes à ceteris eorum temporum Historiæ scriptoribus: quippe tradit Orestem, accepto ab Iulio Nepote exercitu cùm discessisset Româ, tamquam in hostes proficisceretur, Rauennam peruenisse, ibique Romulum Augustulum filium Imperatorem appellandum curauisse: quo audito Nepotem relicta vrbe Româ in Dalmatiam fugisse.

Basilisco II & Armato Coss. Zeno Aug. Verinæ Aug. <sup>cccc-  
lxxv</sup>  
focrus suæ & Basilisci fratris eius insidiis circumuentus, vnâ cum Ariadne vxore fideisque amicis aduersa tempestate in Isauriam fugit: & adiutore Theoderico Triarj Basiliscus Senator, Consularis vir Imperium Orientis arripuit: cuius iussu Patricius Magister officiorum,

Ff ij

cccc.  
LXXVII

cui Verina adamato nubere & Impetium conciliare voluerat, occisus est. ac insequenti anno post Consulatum Basilisci II & Armati, postque menses XX, quàm Constantinopoli expulsus fuerat, Zeno pecuniâ corruptis Basilisci ducibus recuperavit Imperium. vt docent Simplicii Papæ epistolæ II: altera Basilisco II & Armato Coss. IV Idus Ianuar. data, qua Zenonem hortatur, vt pro Imperatore quædam agat: altera data post Conf. Basilisci II & Armati VIII Idus Octobr. qua eidem de recuperato Imperio gratulatur: & leges Imper. Zenonis Aug. duæ Codicis Iustiniani libro V insertæ: prior ad Ælianum Præf. Præt. missa, & data Kalend. Ianuar. Basilisco II & Armatio Coss. posterior ad Sebastianum P.P. data X Kal. Mart. supradictis Coss. ex quo intelligitur errare Marcellinum & Victorem, qui Zenonem in II Consulatu pulsum, Basilisco II & Armato Coss. Imperium recepisse tradunt.

cccc.  
LXXVI

Basilisco II & Armato Coss. Odoacer Ediconis filius, non eius, quem Edeconem Hunnum Priscus vocat, sed eius, quem Iordanes *Edicam Scirorum Primatem* appellat, Italiæ Regnum occupauit: de quo pauca dicenda sunt. Odoacer apud Eugepium de vita Seuerini Abbatis nunc Odouachar; nunc Odobagar; interdum Orachar vocatur, & cum quibusdam Barbatis venisse in Italiam dicitur, iuuenis procerus, vilissimis pellibus vestitus, moxque (vt Seuerinus proficiscenti prædixerat) Regnum eius obtinuisse. Hunc mendosè Agathias in libro primo aduenam Turennum pro Tutcilingo; Marcellinus quoque in Chronico *Gothorum Regem* magno errore appellat, cum postea ab Gothis bello victus sit & occisus. Falsò eundem Iordanes in libro de successionibus regnorum *natione Rugum* fuisse ait, quippe quem post subactam Italiam Rugis bellum intulisse constat. Eum idem Auctor in libro de origine Gothorum *Odo-uacrem Turcilingorum Regem* gentis ignobilis vocat, & secum Sciros, Erulos, ac variarum nationum auxilia habuisse tradit, quibus fretus Italiam occupauerit. Sciri autem, quos Sozomenus Scirros, Sidonius Sceros appellat; & Eruli, vel Eluri, Scythicæ gentes tum super

Danubium colebant. Igitur Odoacer Basiliſco II & Ar-  
mato Coſſ. ab extremis finibus Pannoniæ Italiã petit,  
& itinere per Noricum factò, atque Alpibus Iuliis ſu-  
peratis, cum magna Scirorum & Erulorum manu pri-  
mùm Venetiã ingreditur, mox Liguriã. (ſic tum re-  
gionem Tranſpadanã vocabant) ibi Oreſtem Patri-  
cium Imperatoris patrem victum acie Ticini obſidet,  
potitùſque opido viuum capit, & tranſito Pado apud  
Placentiã Æmiliæ urbem occidi iubet: atque Paulum  
fratrem eius ad Pineta prope Claſſem portum Rauen-  
natem prælio pulſum interficit: deinde Rauennã in-  
greſſus Romulo Auguſto Imperium abrogauit, miſera-  
tùſque formã ac ætatem eius, quamquam inſtiganti-  
bus in cædem amicis, puero non ſolùm vitam, ſed et-  
iam ſex ſolidorum millia annua dedit, in Lucullanum  
Campaniæ caſtellum cum propinquis ſuis amoto, quod  
Senator in libri VIII epiſtolâ XXV, & Gregorius Ma-  
gnus caſtrum Lucullanum; Suetonius villã Lucullia-  
nã appellat. Ita Odoacer occupatã Italiã, abolito in  
Occidente Imperatoris nomine, ſine purpura regiòque  
inſigni Regis nomen aſſumſit. Quæ Romanis Orienta-  
libus, vel Græculis cauſa fuit eos, qui poſtea Italiæ Oc-  
cidentiſque Imperium obtinuerũt, Latino nomine Πῖζας  
vocandi. adeò vt ægrè nec niſi belli metu Imperator Mi-  
chaël leges pacis à Carolo Magno, quem Romanorum  
Imperatorem Auguſtum vocari indignabatur, dictas  
acceperit, quibus ipſum per legatos Αὐτοκρατορ, & Βα-  
σιλεὺς appellare iubebatur: Baſiliùſque Macedo homo  
ignobilis, Saracenis & Bulgaribus obnoxius, Ludoui-  
cum Aug. Caroli Aug. pronepotem per litteras mo-  
nuerit, ne alienos titulos & indebita honorum voca-  
bula uſurpare perſeueraret, ſed vnum Baſilium Βασιλεὺς  
τῶν Ρωμαίων Cæſarem Auguſtum; ſe tantummodò Πῖζα  
τῶν Φερίγγων & eſſe & dici oportere meminifſet. Quare  
Willelmus Tyrionum Archiepiſcopus in Hiſtoriæ libro  
ſextodecimo tradit Græcos iniquò tuliffè animo Ger-  
manorum Regem, velut Imperij æmulum, & Conſtan-  
tinopolitano Imperatori dignitate æqualem, *Imperato-  
rem Romanorum* dici, eaque appellatione plurimum de-



trahi Principis sui maiestati existimauisse, *quem ipsi* Μοιάρηλεω, *tamquam Romanorum unicum & solum Imperatorem* appellarent. Quasi verò non Βασίλει; tam Regem quàm Imperatorem significet, multòque ante Imperatores Romanos non magnarum gentium modò; sed etiam vnius vrbis Regibus ab veteribus Græcis hoc nomen delatum fuerit: aut quasi non Imperatores ipsi & Augustæ, Reges ac Reginae ab Auctoribus sæpe dicantur. Certè, vt alios omittam, Plinius Secundus initio libri XXIX Valeriam Messallinam Aug. Claudij Cæs. *Reginam* vocat. Claudianus quoque in Epithalamio Honorij Aug. & Mariæ Mariam *Reginam* appellat. & Seuerus Sulpicius in libris de vita Martini Constantium Principem Constantini Maximi filium, *Regem*; Valentinianum maiorem & Clementem Maximum sæpiùs *Reges* quàm *Imperatores*; Maximi autem coniugem *Reginam* semper nuncupat. Similiter Hydatius prouinciæ Callæciæ Episcopus in Chronico Pulcheriam pro Augusta *Reginam* vocat. & Marcellinus Comes Illyricianus Imperatorem Theodosium minorem, *Theodosium Regem*; & vxorem eius *Eudociam Reginam* appellat. Sed nimirum Græculi hosce imperij titulos studio siùs quàm Imperium ipsum semper seruauere, quanto magis eos amplificassent, tanto potentiores se habendos rati. Sic postea Comneni, ac Palæologi Principes, quantum imminuto Imperio tantum vanitate crescente, Aulicorum cateruas augebant: & dum foris premebantur à Turcis, pro Euphrate ac Nilo Mæandro clausi & Eurymedonte amne Pamphyliæ, nouas domi dignitates excogitabant. cùmque antea Augusti, Traiani, Antonini, Seueri, Diocletiani quoque, & Constantini florentissimis rebus Romanis non aliter quàm Αυτοκράτες, Καίσαρες, Σεβαστοι, dicerentur: ipsi filios, fratres, ac generos suos Δεσπότες, Σεβαστοκράτες, Καίσαρες, Πρωτοσεβαστους, Παυσεσεβαστους; ac Παυσεσεβαστάτες appellari iuebant, vt viderentur plusquam Imperatoribus & Augustis imperare. Ceterùm, vt redeam vnde digressus sum, Auctor Chronici ab Ioanne Cuspiniano editi scribit Basilisco

salutatū esse, Orestēque Patricium Placentiæ v Kal. Septembr. Paullum apud Rauennam pridie Nonas Septembres occisum. Ego Cassiodoro Senatori, Auctori Chronici à doctissimo viro Henrico Valesio fratre meo vulgari, Sigeberto, ceterisque assentiri malo, qui Oreste & Paulo interfectis Odoacré Regem appellatū dicunt.

Non fuit contentus Odoacer finibus Italiæ. itaque Basilisco II & Armato Coss. Siciliam Vandalicis atrociniis & opidorum expugnationibus diutissimè infestam ac vastatam (vt ait Victor Vticensis) pacto tributi recepit ab Geiserico Rege Vandalorum: ac post Consulatum Basilisci II & Armati Bracilam Comitem, quem quidam Brauilam appellant, sibi suspectum v Idus Iul. Rauennæ interemit. Idem Senatum Rom. & Romulum legatos ad Zenonem Aug. mittere coëgit, qui Imperij insignia, & omnia ornamenta Palatij ad eum reportarent, dicerentque Occidentales proprio Imperatore non indigere, sed communem vtrique Orbi vnum Imperatorem Zenonem sufficere: ob id Odoacrem ab ipsis promotum esse, virum Reip. defendendæ idoneum, & belli pacisque artium peritum: orare se nomine Senatus, atque obsecrare Zenonem, vt Patriciam ei dignitatem codicillis, & Italiam administrandam daret. Legatis Zeno Aug. respondit è duobus, quos ex Oriente Imperatores acceperant, Anthemium ab Senatoribus occisum; Iulium Nepotem in Dalmatiam expulsū esse: cui viuō parere eos, ac neminem alium præferre oportere. Odoacrem rectè atque ordine facturum, si à Nepote Aug. Patriciam dignitatem peteret, votique sui compos factus vestitu & habitu Romanis conueniente vteretur, & Imperatorem, à quo tantum honorem assecutus esset, beneficij memor coleret. Nihilominus Zeno in litteris, in quibus Patriciam dignitatem Odoacri negabat, Patricium eum appellauit. Alius à superiore legationis mentionem facere videtur Candidus Isaurus in libro Historiæ II apud Photium, cum ait, post Imperatores Nepotem & Augustulum expulsos, Odoacrem Italiæ & vrbis Romæ imperium obtinuisse: Gallosque, quotquot adhuc Romanæ ditionis erant, tu-

multum mouisse, ac Odoacris imperium aspernatos esse: atque cum ipsos; tum Odoacrem de ea re legatos misisse ad Zenonem Aug. qui in Odoacrem magis studiis inclinauerit. Eo ipso tempore, quo legatos ad Zenonem Senatus miserat, legati à Iulio Nepote venerunt Constantino-  
 polim, qui Zenoni receptum recens Imperium, & Basiliscum Tyrannum oppressum gratularentur: orarētque, ut cum idem passus esset, quod Nepos; non ignarus mali calamitoso opem ferret, cumque ad recuperandum Principatum auxilii & pecuniā iuaret. Legatis quid Zeno responderit, Malchus non scribit, sed Theodericum Valameris filium, Ostrogothorū Regem, atque Patricium, Zenone Aug. III Col. post depopulatam Græciam cum Adamantio Patricio de pace agentem dixisse prodit paratum se esse, si Imperator iuberet, ex Dalmatia Nepotem expellere. ut videatur Zeno Aug. opprimendi Nepotem magis quàm in Imperium reducendi consilium iniisse. Et ille miser anno V post amissum Imperium Basilio juniore Consule V II Idus Maias insidiis Glycerij Episcopi Salonitani, quem Principatu deiecerat, petitus ac circumuentus periit, sicuti Malchus scribit: vel (ut auctor est Marcellinus) Viatoris & Ouidæ Comitum suorum scelere haud procul ab opido Salona sua in villa oppressus est & occisus. Hunc Ouidam natione Gothum, Cassiodorus Senator in Chronico Odiuam mendosè appellat, & insequenti anno Placido V. C. Col. in Dalmatia, quam interemto Nepote sibi vindicabat, ab Odoacre victum; & caesum esse tradit.

cccc.  
LXXIX.cccc.  
LXXX.cccc.  
LXXVI.cccc.  
XXVII.cccc.  
XXVII.cccc.  
XXXIX.

i. Basilisco II & Armato Coss. sub anni exitum Geisericus Rex Vandalorum & Afrorum decessit: quem Hydatius ait anno IV. post Honorij Aug. interitum Gunderico fratri successisse, & insequenti anno cum omnibus Vandalis mense Maio Hispaniæ finibus emigrauisse: Prosper in Fastis melius Hierio & Ardabure Coss. ex provincia Bætica transisse in Africam dicit. Obiit Geisericus anno regni sui & aduentus in Africam L. non (sicuti Ildorus putat) LX, post captam Carthaginem XXXVII mense III: quam urbem XIV Kalend. Nouemb. Theodosio XVII & Festo Coss. non (ut ait Hy-

Hydatius) anno XV post Honorij mortem, hoc est <sup>CCCC-XXXVIII.</sup> Theodosio XVI & Fausto Coss. occupauerat, Regniq̃ue sedem delegerat. vnde à Damascio Carthaginensium Rex appellatur. Victor Tununensis Episcopus magno errore decessisse Geisericum scribit XL regni anno Rusticio & Olybrio Coss. qui est annus XXXVIII postad- <sup>CCCC-LXIV.</sup> uentum in Africam Geiserici, ante eius obitum XIII. Idémque Hunericum Geiserici filium regnauisse annis VII mensibus VI, & tamen Zenone Aug. III Consule <sup>CCCC-LXXIX.</sup> obisse dicit, id est anno XV post Consulatum Rusticij & Olybrij. Mortuus est autem Hunericus Theoderico & Venantio Coss. cuius regni annos V Victor ad Gunthamundi successoris eius duodecim annos adiunxit, <sup>CCCC-LXXIV.</sup> vt in trium insequentium Regum annis digerendis temporum ei ratio constaret.

Post Gundicarium parentem suum apud Burgundiones regnasse Gundiucum, & Chilpericum in libro III diximus. è quibus Chilpericum Andreas Duchenius Gundiuci filium, fratremque Gundobadi fuisse falsò tradit: cùm Auiti principatu, nimirum anno LXI ante Gundobadi interitum, Chilpericus vnà cum Gundiucum iam in Burgundia regnaret, vt prodidit Iordanes. Gundiucum autem vel Gundeucum Fredegarius Gundiochum; Ado mendosè Gundoueum; Gregorius Gundiucum appellat, ac genus eum duxisse ait ab Athanarico Rege Teruingorum Gothicæ gentis, qui populares Christianos variis suppliciis affecit, & Regno expulsus à suis, Constantinopoli Theodosio maiore imperante decessit: quo tempore Teruingi cum Taifalis in Dacia vetere Transdanubiana; Burgundiones in Germania sedes habebant, alteri ab alteris multis magnisque regionibus ac fluminibus diuisi. tamen Agathias quoque Burgundiones nostros, Burgundiones gentem Gothicam vocat. Gundiucum IV filij fuerunt Gundobadus; Godegisilus; Chilpericus, vel Hilpericus; & Godomarus, qui & Gundomarus, ac Gotemarus dicitur. Hi post patris patruisque mortem circa initia regni Odoacris apud Burgundiones regnare cœperunt: cùm iam Gundiucus & Chilpericus regiones ripis fluminis Rhodani

Ararísque proximas, quas Magistri militum ipsi à Barbaris antè defenderant, & in potestate Imperatorum Rom. retinuerant, post euersum Occidentis Imperium egentes præsidij nec inuitas Sapauidæ suæ adiecissent. Hos fratres excepto Chilperico Chrothildis patre Arianos cum popularibus suis fuisse videtur indicare Gregorius initio libri III Historiæ. quippe Godegisilum, Gundobadum, & Godomarum Hæreticos vocat, atque ob hæresim Regnum simul & animas perdidisse ait, non omissurus Chilpericum eorum fratrem, si & ipse Arianus fuisset.

Circa idem tempus eadem, quâ Burgundiones, occasione inuitatus Euricus Vesigothorum Rex per Hispaniam & Galliam longè latèque Regni terminos promouebat. Auctor est Iordanes Geisericum missis ad Euricum & Theodemerem Reges legatis cum muneribus id egisse, vt Vesigothis Occidentem; Ostrogothis Imperium Orientis vastantibus, ipse quietus & à Leonis ac Zenonis insidiis tutus in Africa regnaret. Igitur Euricus Pompelonem, Cæsaraugustam, Tarraconem, ac totam Hispaniam superiorem sub ditionem suam subiunxit, reuersusque in Galliam Arelatum, & Massiliam Græcorum cepit, & victis Burgundionibus Vesigothici imperij æmulis, quibuscum postea pacem fecit, vsque ad Alpes Ligusticas, vel Maritimas fines Regni prolatauit. Auctor Appendicis, quæ Chronico Victoris Tununensis Episcopi inserta est, Anthemij principatu Iordane & Seuero Coss. vrbes Arelatum ac Massiliam à Gothis occupatas falsò dicit. quippe Procopius in belli Gothici libro I tradit Odoacrem, quem, quodd in iussu Zenonis Aug. in Italia regnauerit, *Tyrannum* appellat, iacentes inter Rhodanum & Alpes terras Vesigothis donauisse. Quo magis miror Gregorium in Historiæ libro II prodere prouinciam Massiliensem Clodouei principatu sub Regum Burgundionum imperio fuisse. cum non solum Arelatum, Massiliam, Aquas Sextiæ, Forum Iulij, Antipolim, Diniam, Sanitium, sed etiam Auenionem Alarico Eurici & Ragnahildæ filio paruissè ex Episcoporum, qui permissu eius Messalla Cos.

CCCC-  
LXX.

1591

Agathæ conuenere, subscriptionibus cognoscam: & cum apud Fredegarium in Chronico, atque in testamento Caroli Magni Prouinciam à Burgundia distinguam animaduertam.

Quid rerum interea reuocatus in Galliam Childericus egerit, quot & quantas victorias ex hostibus tulcrit, quemadmodum vsque ad flumen Ligerim Regnum protulerit, scire difficile est. siquidem Gregorius, ceterique nostri Historici veteres paucis tantum memoriæ prodidere ab Francis Coloniam Agrippinam expugnatam, ad eam ut Ægidius multis suorum amissis ex vrbe profugeret: depopulatique agris, qui intererant, coloniam Augustam Treuironum captam, & incensam esse: ac Childericum Regem Francorum magnâ manu ad Aurelianos, hoc est Genabum Carnutum contendisse, ibi prælia commisisse, agrumque vrbs vastauisse. Sub id tempus Adouacrium, quem Gregorius Odoacrium, Fredegarius Odouacrum Saxonum Regem appellat, nauibus Galliam petiisse, & flumine Ligere subeuntem Iuliomagum, vulgò Andecauos dictum venisse, magnam in opido cædem fecisse, cognitaque Ægidij morte ab opidanis & finitimorum locorum incolis obsides accepisse. tum Paullum Comitem cum Gallis, quos Romanos vocant, & cum Francis auxiliariis bellum intulisse Gothis recenti victoria de Riothimo Britannorum Rege exsultantibus, atque ex eorum agro prædas egisse. postridie autem eius diei, quo die Adouacrius Iuliomagum intrauerat, Childericum deimproviso superuenisse, interfectoque Paulo Comite, qui ei præerat, urbem per vim occupauisse: Adouacrium naue profugisse. (quamquam quidam auctores sunt Iuliomagum absente Adouacrio ab Childerico captum) deinde ab Gallis prælio fufos, fugatosque Saxones insequentibus victoribus multos suorum gladio amisisse: insulas Ligericas, in quibus tamquam in stationibus opportunis deponendæ prædæ causâ hiberna muniuerant, cum magna strage à Francis captas euersasque esse. postea Adouacrium Saxonum Ducem cum Childerico pacem ac foedus iniisse, & iunctis ambos viribus in Ala-

CCCC-  
LXXXI.

mannos, qui partem Galliæ peruaferant, expeditionem fecisse : quibus victis Childericum Francorum Regem, cùm Samarobriam Ambianorum reuerteretur, morbo interiisse XXIV regni anno vertente, hoc est Placido V. C. Consule.

Ceterùm notare conuenit, id quod vetus Auctor Historiæ Francicæ tempore Gregorio proximus, Hincmarus in libro de vita Remigij, & Sigebertus scribunt, Coloniam Agrippinensem & Augustam Treuironum à Francis captas suprà dici, non (vt putat Rorico Monachus) ab Childerico. quippe Coloniam Agrippinam Vbiorum, Chlodoueo regnante, Sigiberti senioris cognomine Claudi Francorum Regis sedem fuisse tradit Gregorius in Historiæ libro II, quæ vrbs si à Childerico occupata fuisset, nemini alij quàm Chlodoueo eius vnico filio ac successori fuit haud dubiè paritura. Ex quo intelligitur Coloniam saltem (ne de Treuiris loquar) à patre Sigiberti Regulo partis Francorum, & propinquo Childerici Regis expugnatam, ac filio cùm Regno relictam esse. Aurelianos autem Hincmarus de vita Remigij, Aimoinus ac Sigebertus, ab Childerico captos aiunt: è quibus Aimoinus prodit Childericum apud Aurelianos pugnauisse cum Adouacrio Saxonum Duce, quem victum fugientemque persecutus Iulio-  
magum Andecauorum cùm non reperisset, urbem ipsam expugnauisse, Paullumque Comitem interfecisse, atque ita usque ad flumen Ligerim prolato Regno suo Aurelianos & Andecauios capita gentium adiecisse. Et ita de Aurelianis videtur sensisse Gregorius: tametsi enim in libri II capite XVIII tantùm tradit Childericum ad Aurelianos pugnâs commisisse: tamen in huiusce capituli inscriptione ait *Childericum Aurelianos; Adouacrium Andecauos venisse*: vt intelligamus, quemadmodum Adouacrius Andecauios teperit, sic & Childericum Aurelianis potitum esse.

Saxones quidem & tùm, & sæpe antea modò soli, modò iuncti finitimis Francis, oram Galliæ Belgicæ, & Lugdunensis latrociniis infestauerunt, adeò vt in tractu Armoricano, & in prouincia Belgicâ II circa Granno-

nam & Marcos, quemadmodum & in insula Britannia, *Litus Saxonicum* ab his prædonibus populatoribûsque suis sit cognominatum. multique Saxones non contenti præda Gallicana, iam abolito in partibus Occidentis Imperatoris nomine, in finibus Baiocassium confederunt, quos Saxones Baiocassinos Gregorius in Historiæ libro V ac X appellat, & quorum pagum Carolus Rex Francorum, Ludouici Aug. filius in legibus Siluaci latis *linguam Saxoniam* vocat. multi etiam ex eadem gente in agro Namnetico sedem cepere, quamobrem Venantius Fortunatus in Carminum libro III Felicem Namneticum Episcopum Saxones mansuefecisse, & Christianis mysteriis initiauisse scribit.

Similiter Alamanni non contenti Sueuiâ & Rætiæ parte maiore, transito Reno in finibus Galliæ, quam incursionibus sæpe vastauerant, confedere: agrumque Heluetium, monte Iura ab Sequanis; lacu Lemano ac flumine Rhodano à Sapiaudia & prouincia Viennensi diuisum, armis occupauere, Alamanniâque appellauere. quorum Alamannorum Gallicanorum Seruius Honoratus Grammaticus in Georgicôn libri IV versum CCLXXVIII, & Isidorus Hispalensis Episcopus in Originum libro IX mentionem faciunt: quippe scribunt *populos habitantes iuxta Lemanium flumini*, cum, de quo Annæus Lucanus loquitur, (lacum debuerunt dicere) *Alemanos vocari*. Seruius autem Flauio Honorio imperante viguit, vt appareat eius principatu Alamannos in agro Heluetio iam sedem habuisse. Præterea Gregorius Episcopus Turonicæ Ecclesiæ tradit *Iura deserta inter Burgundiam & Alamanniam* (hoc est inter Sequanos, & Heluetios) *sita vrbi Auentico adiacere*, qua in Alamannia eremôque Lupicinus ac Romanus fratres tria Monasteria statuerint. Hi sunt Alamanni, quos Fredegarius in Chronico, bello ciuili inter Theodobertum ac Theodoricum germanos orto, cum Transiurensibus, id est cum Sequanis pugnauisse ait, & à quibus Aimoinus in Historiæ libro I, ac Hugo Monachus pagos Heluetiorum incolæ produunt.

Seuerino iuniore, & Trocundo Coss. regnare cœpit cccc.  
lxxxii.

Gg iij



Chlodoueus, Childerici Francorum Regis filius, XV annos natus, cuius de nomine, quo nullum peius acceptum, aut sæpius mutatum fuit, pauca dicenda sunt. Alcimus Ecdicius Auitus Viennensis Episcopus, Venantius Fortunatus Presbyter in Carminum libro IX, & quidam alij Chlodouechum Regem cum appellant. ipse in epistola ad Ecclesiæ Gallicanæ Episcopos post victum Alaricum missa Chlothouechum Regem se vocat. Similiter Episcopi, qui Felice Consule in vrbe Aurelianis conuenerunt, *Dominum suum, Catholica Ecclesia filium, Chlothouechum gloriosissimum Regem* nuncupant. Idem apud Cassiodorum Senatorem Luduin; & apud Iordanem Lodoin Rex Francorum, vtroque corruptè pro Luduui, & Lodoui dicitur. Certè in præfatione legis Salicæ *Lodoueus pulcher, & inclytus*; in libello de vita Romani Rotomagensis Episcopi Ludouius; nonnumquam in veteribus libris Clodouius, & cum adspiratione Hludouuius appellatur. Agathias Scholasticus in rerum gestarum Iustiniani Aug. libro I hoc nomen, quod ore Græco concipi nequibat, corruptit, & omisâ litterâ vnâ pro Chlothoueo Chlothozum dixit. Paullus Langobardus, & Freulfus Lexouiorum Episcopus Ludouicum vocant; Hincmarus quoque de vita Remigij Chludouuicum, & Chlodouuicum, vel Hludouuicum, maximum omnium ante se Franciæ Regum, fortissimūque; Sigebertus in Chronico Ludouuicum. Denique Imperator Ludouicus Pius ei ipsi Principi se cognominem esse ait apud Frodoardum in Historiæ Remensis libro II, qui Auctor nunc Clodoueu; nunc Ludouicum, Ludouuicum, & Lodouicum nuncupat: quemadmodum Herimannus in Chronico Ludouuicum, eundem & Chlodoueu magnum Francorum Regem esse, dicique non semel tradit: & Aimoinus in Historiæ libro IV Chlodoueu Dagoberti filium, Hlodouicum etiam vocatum scribit. ex quo intelligitur Chlodoueos Francorum Reges à Ludouicis non magis, quàm Chlotharios ab Lothariis distingui oportere. In veteri stemmate, quod edidit Andreas Duchenius, Chlodoueus noster Childeuius appellatur, & Chlode-

rici, hoc est Childerici, filius; Chlodebaudi nepos; Chludij, vel Chlodionis pronepos; Faramundi abnepos; Hlodmari frater; Hildeberti, Theoderici, & Hlotharij pater fuisse dicitur, nullâ factâ Merouci mentione, quem Chlodouei auum paternum fuisse constat. Hlodmarus quidem, qui Chlodouei frater ibi appellatur, videtur pro Chlodomere vno è quatuor eius filiis ac successoribus positus esse.

Venantio & Theoderico Coss. Euricus Vesigothorum Rex XIX, vel (vt quibusdam placet) XIX regni sui anno Arelati, herede Alarico filio, excessit è vita: quem Auctor Appendicis Chronico Victoris Tununensis Episcopi insertæ Leone Aug. III & Tatiano Coss. interfecto fratre Regnum inualisse, ac Symmacho V. C. solo Consule, hoc est vndeicesimo post anno obiisse, & tamen XVI tantum annis regnauisse tradit; Gregorius maiori errore XXVII. Eo regnante Vesigothi leges scriptas habere cœperunt, apud quos antè mos maiorum pro legibus erat. Euricum autem, quem modò Eoricum, modò Euarigem appellat, non multo antequam interiret, Catholicos in Galliis, præsertim in Nouempopulana & *utraque Germania* persecutum esse in Historiæ libro II prodit Gregorius, *truncasse passim* de Deo rectè sentientes, Arianamque hæresim exosos: Clericos in vincula coniecisse: Sacerdotes partim in exilium egisse, partim interfecisse: & Ecclesiarum aditus spinis obserari iussisse: existare hodièque Sidonij epistolam ad Basilium Episcopum ea de re scriptam. Et ita quidem Gregorius loquitur: at Apollinaris Sidonius in supradicta epistola, quæ in Epistolarum libro VII sextum locum obtinet, tantum ait Crocum & Simplicium Episcopos sedibus suis expulsos, relegatosque esse: & apud Burdigalenses, Petrocorios, Rutenos, Lemouices, Gabales, Elufates, Vafates, Conuenas, Auscos, ac plerasque alias vrbes, hoc est in Aquitania prima, Aquitania secunda, & Nouempopulis, *summos Sacerdotes morte truncatos*, id est sua morte mortuos, nec ullos Episcopos in defunctorum locum substitutos esse: desertas rusticas parochias: & aut la-

CCCC.  
LXXXIV.CCCC.  
LXVI.  
CCCC.  
LXXXV.

psa Ecclesiarum culmina; aut *valuarum* cardinibus *anulſis* *Baſilicarum* *aditus* *vepribus* *obſtructos*: eamque *Catholici ſtatus valesudinem occultam* appellat, ac Euricum *non tam Romanis urbibus, quàm legibus Chriſtianis inſidiaturum* videri ſibi ſcribit. Ex quo iudicari poteſt, qua fide Gregorio credere nos oporteat, qui ſic Auctores intellexerit. *Geminam* autem *Germaniam* vocat ſuprà Gregorius vtramque prouinciam Aquitaniam, credo quòd ab Veſigothis gente (vt putabat). Germana teneretur: videturque imitatus more ſuo Apollinarem Sidonium, qui prouinciam Lugdunenſem primam in libri V epiſtola VII *Lugdunenſem Germaniam* appellauit, propterea quòd à Chilperico priore, Magiſtro militum, & Rege Burgundionum gentis Germaniæ poſſidebatur.

Ægidius Magiſter militum, atque Patricius, natione Gallus, moriens filium reliquerat ſuperſtitem nomine Syagrium, quem Gregorius *Romanorum*, hoc eſt Gallorum, *Regem*; Fredegarius & Aimoinus *Romanorum Patricium*; *Principem Romanorum* Hincmarus appellat: quòd forſitan nonnullas regionum vrbiùmque Galliæ, quas pater eius in poteſtate Imperatorum retinuerat, poſt euerſum Occidentis Imperium in formulam regni redegiſſet. In eum Chlodoueus, non ignarus occupati ab Ægidio paterni Regni, hereditarium odium exercebat, & claras Galliæ Belgicæ vrbes ab homine Gallo tamquam æmulo imperij ſui teneri indignabatur. Igitur V regni anno Decio & Longino Coſſ. coactis omnibus copiis, Ragnachario etiam Rege partis Francorum cognato ſuo à Camaraco accito, bellum Syagrio inferit, ingreſſuſque fines Sueſſionum diem pugnæ locumque ab eo petit. nec Syagrius detrectauit certamen, victuſque acie Tolofam ad Alaricum Veſigothorum Regem perfugit. Eo bello Chararicus Francorum Regulus accerſitus à Chlodoueo procul cum exercitu conſtitit, euentum prælij ſpeculaturus, & cum victore amicitiam conciliaturus: quæ eidem poſtea cauſa exitij fuit. Chlodoueo ſub belli denuntiatione Syagrium depoſcente, Alaricus metuens, ne alienæ cladis acceſſio fieret,

cccc.  
lxxxvi.

ret, (vt timere Gothis mos erat) vinctum legatis tradidit. quem Chlodoueus custodiendum vinculis, dum eius Regnum occuparet, deinde clàm iugulandum curauit. ita Augustam Sueffionum, Syagrii regiam, necnon Durocortorum Remorum, vt opinor, aliàque cōplura opida & castella imperio suo subiunxit. Accidit tum res digna memoriâ. milites Franci post spoliatas multorum locorum Ecclesias, apud Durocortorum Remorum vasa omnia, quibus ad res diuinas vti mos est, in primis vrceum ex argento maximum pulcherrimūque sustulerant. cuius iacturâ motus Remigius Remensis Ecclesiæ Episcopus quosdam homines ad Chlodoueam misit vrceū suppliciter repetitum: quos Rex Augustam Sueffionum sequi se iussit. vbi prædâ in medium collatâ cū vrceum, extra sortem, ac super partem suam, postulanti ei dedisset exercitus, vnus è militibus temeritatis ac impudentiæ incredibilis elata voce simul ac bipenni vrceum impulit, Regem in vas nisi sortis beneficio ius habiturum negans. & Chlodoueus quidem, mirantibus vniuersis leuitatem hominis ac cōtumaciam, dolorem pressit, acceptūque vrceum Ecclesiæ, vnde erat, restituendum curauit: sed insequenti demum anno ostendit memoriā facti in animo suo non exoleuisse. Tum Frāci quotannis Kal. Mart. in campum armati & ad bellum parati conuenire consueuerant, idque conciliū *Campum Martium*, & *Martii Campum* appellabant. quem conuentum cū post Pipinus maior sexto regni anno in mensem Maium differre ad colligendum populi fauorem maluisset, *Campum Mainm*, vel *Maij Campum* vocare cōeperunt. Huiusmodi Chlodoueus indicto concilio cū exercitum recenseret, singulōsque circuiret ac recognosceret, ad supradictum militem accessit: eius arma diu multūque inter manus versans negauit. versa, acuta, & ad pugnam habilia esse: securim etiam, tamquam hebes esset, de industria abiecit in terram. ad quam colligendam cū sese miles inclinauisset, elatam alrè securim suam Rex inopinantis capiti infixit, adiectis etiam verbis: sic superiore anno. vrceum percussisti. eacæde Francos obsequentiores ac reuerentiores sui red-

ditos, quòd à bello vacabat, domum redire omnes iussit. Ceterùm notare conuenit vrbis nomen, ex qua vrceus raptus est, ab Gregorio omitti, quam vrhem Fredegarius, Hincmarus, & Frodoardus Remos nomine gentis vocant. è quibus Hincmarus scribit Chlodoucum Durocortorum Remorum intrare noluisse, ne quam opidani ab armatis iniuriam acciperent: quosdam tamen Francorum insciente Rege vrhem ingressos sacra vasa, vrceúmque abstulisse.

cccci-  
xxxvii.

Boëthio V.C. vnico Consule Odoacer Rex Italiæ Rugos domuit, de qua gente quæ ex Eugepio aliisque didicimus, huic loco inferenda sunt. Rugi, Christiani quidem, sed Arianarum partium, Regibus Hunnorum paruere, & post Attilæ mortem recuperata libertate, pars in Danubij vltiore ripa contra Noricum cõfedere: pars Bizyam & Arcadiopolim Thraciæ vrbes beneficio Marciani Aug. possedere. Apud priores regnavit Flacitheus, qui ab Ostrogothorum Principibus Theodemere & Widimere commeatum transendi in Italiam petiit, nec impetrauit, ac non multo pòst decedentibus Pannoniâ Ostrogothis metu liberatus est. Flacitheo patri successit Feletheus, idem Faua & Feba dictus, cuius frater Fridericus, vt erat pauper, & impius, Monasterium Seuerini Abbatis paullo antè defuncti diripuit, atque intra mensem ab Friderico Fauæ fratris filio interfectus prædam cum vita amisit. Qua re cognita Odoacer, tametsi Arianus, indignatus spoliatum esse Monasterium sanctissimi ac beatissimi viri, quem tanti viuum fecerat, nihil vt petenti denegaret, Rugis intulit bellum: Feletheúmque Regem gentis acie vicit, & cum Gisa vxore, femina crudeli & auara, captum in Italiam adduxit Boëthij Consulatu, nec multo pòst occidit: atque ob id à Iordane non solum Turcilingorum; sed etiam Rugorum Rex appellatur. Quamquam Paullus in Historiæ Langob. libro I tradit Odoacrem fretum non solum Turcilingis, Erulis, ac Italis, sed etiam parte Rugorum iamdudum sibi subiecta, Feletheo bellum intulisse. Fridericus fugâ salutem petiit, moxque hoste Rauennam reuerso, similiter domumrediit, ac Regnum

cccci-  
xxxvii.

recepit. Quamobrè Odoacer Aonulfum, vel Aunulfum fratrem suum cum magno exercitu aduersus eum misit, & vniuersos opidorum Norici ad ripam Danubij positorum incolas, continuè finitimorum Barbarorum incursionibus vexari solitos, cum suis omnibus transferri in Italiam iussit. Ita Norici sedibus suis emigrare, & assignatos sibi in variis Italiae regionibus agros colere. At Fridericus Felethei Regis filius iterum domo expulsus ad Theodericum Ostrogothorum Regem, qui tum Nouas, Moesiae inferioris urbem, sedem habebat, perfugit, hominemque inquietum spe occupandae Italiae in bellum impulit, quod antequam exponam, Theoderici res gestas, omiſſis fabulis, quas Aimoinus & Rorico de eo finxere, ab origine repetere conuenit.

Theodericus, à Marcellino Valamer, à Germanis scriptoribus Veronensis cognominatus, Valameris; non (vt Iordani placet) Theodemeris Ostrogothorum Regis ex Erlicha pallaca filius, apud Leonem Aug. patris patruorumque obles per annos X fuit. remissus ad suos XYIII ætatis anno Babai Sarmatarum Regem de improviso victum occidit: & patre patrisque mortuis Rex saluatur. cum ab Zenone Aug. qui præclara eius operâ in recuperando Imperio vsus erat, Patricius creatur, per arma filius adoptatur, atque Magisterium militiæ Præsentis consequitur, Consul etiam ordinarius cum Venantio designatur, & statua equestri ante fores Palatii posita honoratur. eidemque nihilominus Thraciam & Illyricum crebris incursionibus vastanti, resque suas sibi à Romanis ademptas bello repetenti, pars Daciae Ripensis ac Moesiae inferioris credita est, quam quinquennio cum popularibus tenuit, in opido Moesiae Nouis domicilio sibi constituto. tandem hortante cupiditate dominandi, & Friderico propinquo, Felethei Regis filio, simul Zenonis imperatoris compulſus, persuadet suis raptè viuere assuetis, vt secum in Italiam proficiscantur: probatoque Imperatori consilio pacificetur sibi mercedis nomine, si Odoacrem vicisset, fiduciarum Regnum Italiae, Zenoni, simul ac eò venisset restituendum, eaque res Zenonis Aug. decreto,

eccel.  
xxxiv.

quod pragmaticum vocant, comprehensa est. Igitur Theodericus vnà cum matre ac sorore, & cum omnibus copiis (iam enim sororem alteram, Theodemundum fratrem, ac filium ex morbo amiserat) Mœsiæ inferioris vel secundæ, & Daciæ Ripensis finibus emigrat, & per prouinciam Mœsiam primam iter in Pannoniam facit. ibi Gipedes cum Trasflila vel Trapstila Rege transitum dare nolentes ad Vlcam flumen fundit: inde Noricum emensus, Alpes Iulias nemine prohibente transgreditur, & apud pontem Sontij Odoacrem victum castris exiit Probrino & Eusebio Coss. iterum eodem anno in campis Veronensibus, Philippi Aug. Sabini Iuliani, & Maxentianorum clade nobilibus; tertio Longino II & Fausto Coss. Vesigothorum auxiliis adiutus ad Aduam flumen, non (vt mendosè apud Senatorem legimus) ad Ducam fluuium eundem reparatis viribus occurrentem truentis vtriusque præliis superat: Faustumque Nigrum virum illustrem Magistrum Officiorum legatum ad Imper. Zenonem mittit petiitum, vt eius voluntate ac permissu vestem regiam, hoc est purpuram sumeret. Interim Tusa Magister militum Odoacris, qui cum multis ad Theodericum transierat, iterum ad Odoacrem cum magno exercitu redit. qua re perterritus Theodericus muris Ticini se inclusit, suosque omnes in munimentis vrbs aliquamdiu continuit: inuitatusque ea occasione Gundobadus Burgundionum Rex Transpadanam regionem, quam tum Liguriam vocabant, maxima manu depopulatus est, & infinitam multitudinem captiuorum in Galliam adduxit. At Odoacer Rauennæ obsessus ab Theoderico, Olybrio solo Cos. noctu eruptione facta, multis hostium caesis plurimos suorum, in primis Iulium Magistrum militum amisit: repulsusque in opidum cum per annos ferme tres obsidione fortiter tulisset, post multas pugnas, & omnia frustra tentata, nouissimè accepta fide, & Thelane filio suo obside dato se Theoderico dedit: porrisque paratis post aliquot dies, magis ne res nouaret, quam (vt Ostrogothi videri voluere) ob comparatas vllas insidias, contra religionem iurisiurandi in

cccc.  
xxxixcccc.  
xc.cccc.  
xci.

Iaureto Palatij Rauennatis manu Theoderici confos-  
sus est Albino & Eusebio Coss. & eadem die eius filius, <sup>cccc.</sup>  
propinquique, & milites ad vnum omnes cum liberis in- <sup>xciii.</sup>  
terfecti. Tum Theodericus cognita Zenonis morte,  
non exspectato Anastasij noui Principis consensu, ac  
legati reditu, ab exercitu suo Rex appellatus est: atque  
VIII post anno per Festum caput Senatus atque Patricium  
mitigato Anastasio, sibi ob præsuntum Regnum in-  
fenso, factaque pace, regia insignia & omnia ornamen-  
ta Palatij, quæ Odoacer Constantinopolim deportan-  
da curauerat, recepit. vt appareat errare Iordanem,  
qui Theodericum tamquam Gorhorum Romanorumque  
Regem, anno III post aduentum in Italiam, inter-  
fecto Odoacre, Imper. Zenonis consulo priuatum pa-  
tricumque vestitum regio insigni mutauisse scribit. cum  
V anno quàm Italiam ingressus erat, nimirum Albino  
& Eusebio Coss. Zenone pridem mortuo Rauennam <sup>cccc.</sup>  
ceperit, & Odoacre interempto Rex ab suis sit consu- <sup>xciii.</sup>  
tatus.

Ita confecto bello Theodericus XVII Italix provin-  
cias; Pannoniam ferè omnem, expulso ex vrbe Sirmio  
Traferico Gipedum Rege Traffilæ filio; Sauriam; Dal-  
matiam; Liburniam occupauit: & cum Gundobado  
Burgundionum Rege icto foedere per Epiphanium Ty-  
cinensem Episcopum, Transpadanorum dediticiorum  
VI millia ab eo dono data recepit; bello captorum  
magnam multitudinem de publico redemit. vxorem,  
vel (vt Iordani placet) concubinam in Mœsia habue-  
rar, & ex ea filias duas, Theodegotham natu maiorem,  
quam Iordanes Theudicodonem, Procopius Theudi-  
chusam appellat; ac Ostrogotham. priorem Alarico  
Vesigothorum Regi; posteriorem Sigismundo Gundo-  
badi filio nuptum dedit: Amalafridam sororem suam,  
matrem iam ex alio viro Theodahadi, & Amalabergæ,  
Thrasamundo Vandalorum Regi; Amalabergam ip-  
sam Herminafrido Toringorum Regi collocauit. imi-  
tatúsque Odoacrem, tertiam parrem agri bello quæsit  
popularibus attribuit, Vesigothorū principibus æquior,  
qui in diuisione agrorum Romanos, hoc est Hispanos,



Gallos, atque Callæcos tertia parte contentos esse iusserunt. idem cum alias vrbes præcipuis operibus, tum maximè Romam, Rauennam, Veronam, Ticinum palatiis, aquæductibus, porticibus, thermis, muris, amphitheatris, similibusque monumentis partim nouis, partim reſectis exornauit, & in opportunis locis caſtella conſtituit. Patricioque & Hypatio Coſſ. Vrbem cum intrauiſſet, Senatumpopulûmq; Romanum à Zenone & Anaſtaſio multum ſibi commendatum ad Palmam auream allocutus, quæcumque priores Prinçipes Romani ſtatuerant, ſe ſanctiſſimè obſeruaturum promiſit; Circenſesque dedit; & plebem CXX millia modiorum frumenti quotannis accipere iuſſit è publico. tum *Flavius Theodoricus*, vel *Theodericus Rex* appellari cœpit, vt docent litteræ duæ ab eo ad Synodum Palmarem miſſæ Ruſo Magno Fauſto Auieno Conſule. leges quoque ſeueriſſimas, ſaluâ Iuris ciuilis, quod publicum appellat, reuerentiâ, Barbaris ac Romanis ſeruandas vno Ediçto complexus eſt. Quo magis miror Procopium in rerum Gothicarum libro I tradere nullam ab Theoderico eiûſque ſucceſſoribus latam legem; præterea nullum magiſtratum aliis quàm Romanis datum eſſe; eiſdemque permiſſum, vt quotannis ab Imperatore Conſulatum peterent, quippe Ariger- num, Sunthiadam, Maſabadum, Dudam, aliôſque Gothos homines, vt ex nominibus ipsis intelligi poteſt, *Comites*, hoc eſt Iudices fuiſſe Caſſiodorus Senator docet, & Felici à Theoderico; Paullino ab Athalarico Conſulatum delatum. & Tolum Patricius Senatu vrbiſ Romæ ſcribens affirmat multos Senatores ad Conſulatus, ad Patriciam dignitatem, atque Præfecturas ſua apud Theodericum Prinçipem ſuffragatione promotoſ. Præterea Ennodius ait Theodericû *Curules & Trabes*, (hoc eſt Conſulatus) *Patricias etiam dignitates aut naturæ*, (id eſt nobilitati) *aut moribus dediſſe*. nemo vt dubitare debeat, quin Theodericus, & Athalaricus eius ex Amalaſuentha filia nepos atque ſucceſſor eadem omnia fecerint, quæ Imperatores facere conſueuerant. Ceterum Oſtrogothos poſt Attilæ Regis mortem be-

neficio Marciani Principis in Pannonia Sirmienſi, deinde in Illyrico Orientali ſedes habuiſſe, antequam in Italiam proficiſcerentur, auctor eſt Iordanes. à quo Paullus in Hiſtoriæ Miſcellæ libro XIV, Conſtantine Porphyrogenetus in libro de regendo Imperio, & Nicephorus Calliſtus in Eccleſiaſtica Hiſtoriæ libro XIV diſſentiunt, ſcribuntque Oſtrogothos primùm in Pannonia; poſt permiſſu Theodoſij minoris vndeice-<sup>cccc.</sup> ſimum imperij annum agentis in Thraciæ finibus con-<sup>xxvii.</sup> ſediſſe, atque annis LVIII (LXI dicere debuerunt) ibi fuiſſe, tandem iuſſu Zenonis Aug. ductūque Theoderici Patricij Imperium Occidentis, nimirum Italiam, finitimāsque aliquot prouincias occupaiſſe. Hoc loco arguendi ſunt Theodorus Anagnoſtes, & Ioannes Zonaras, è quibus prior vnà cum Cedreno Theodericum Regem Italiæ *Aſrum*; poſterior *Africa Regem* appellat: cùm non Theodericus aut Oſtrogothi in Africa, verùm Vandali dominarentur. Sed tempus eſt ex Italia in Gallias, & à Theoderico ad Chlodoucum noſtrum tranſire.

Paucis poſt annis, quàm Syagrius ab Chlodoueo fuerat interfectus, Toringi, Germana gens, in agrum conſinium ſibi Francorum, hoc eſt (vt puto) Cattoꝝ in-  
curſionem fecere: obſides, quos ab eis belli deprecandi cauſâ datos acceperant, excruciatos necauere: pueros neruis femorum ex arboribus ſuſpendere: captiuas puellas plus ducentas crudeliter interemere, alias bigis nudas alligando, & pernicibus equis in diuerſum iter concitatis paſſim diſtrahendo: alias præcutis ſudibus in terram defixas ſuper orbis viarum diſtendendo, & grauibus plauſtris per eas actis obterendo: depopulatâque regione cum magna præda domum rediere. Quo nūcio Chlodoueus grauiter pro rei atrocitate commotus X regni ſui anno Olybrio ſolo Coſ. Renum tra-<sup>cccc.</sup> duxit copias, ac Toringis intulit bellum, victiſque poſt<sup>xcl.</sup> agros igne ac ferro effuſè vaſtatos tributum impoſuit, non (vt ait Gregorius) ſuo eos imperio ſubiunxit.

Eodem anno Zeno Aug. mortem obiit, vir libidinoſus; deſes; Theoderico Triarij, ac Theoderico Valameris,

Ostrogothorum Regulis, Thraciam ac Illyricum vexantibus obnoxius; & Eutychianarum partium occultus adiutor; Longino & Cononi fratribus suis, ac Sebastiano cuidam Præfecto Prætorij, rapacissimis hominibus addictus. Huius Principis ingratus animus atque perfidia à nemine satis argui potest. plerosque enim, quorum vt defectione expulsus, sic transiitione restitutus ipse in Imperium fuerat, cruenta morte remuneratus est. Armatum quidem, ab aliquibus Armatum & Harmatum dictum, Basilisci Tyranni consobrinum, Consulare virum, Magistrumque militiæ Præsentis per Honoülsum Toringum, Magistrum militum Illyricorum, occidendum ac discerpendum curauit: Basiliscumque eius filium, admodum puerum, quoniam id patri promiserat, in vrbe Nicæa Cæsarem, ac mox tamquam liberata fide sua ex Cæsare Lectorem fecit, Cyzicenorū postea futurum Episcopum. Illum verò popularem suum, quem alij Hellum, alij Illonem appellant, Patricium, Consulem, Magistrum officiorum, & Magistrum militum Orientalium factum, cum impulsu Verinæ socrus & Ariadnes vxoris interimere voluisset, vt maturius à se descisceret, excitauit, ac tandem in Papirio Isauriæ castello per Theodericum Valameris Ostrogothorum Regem captum cum Leontio Tyranno capite truncauit. Verinam Aug. socrum, quæ primò pro Basilisco fratre, mox pro ipso genetro suo steterat, multis petitam insidijs, in vrbe Ciliciæ Tarso, deinde in supradicto Isauriæ castello custodiri iussit, & ibidem in exilio mori coëgit, vbi Leontio Patricio purpuram circumdare ac diadema imponere ab Illo compulsa est. Denique cognito vnum è Silentariis Imperio & coniuge sua potiturum esse, ratus destinari Pelagium virum præstantissimum ac sapientissimum, ab Silentiariorum Schola ad Patriciam dignitatem promotum, cuius operâ Theodericum Triarij filium, Gothorum Foederatorum Ducem à Constantinopoli armatum auerterat, iussit in insula Panormo in fontem strangulari, tamquam successorem suum occidere, aut fati legem immutare posset. Cedrenus ait Pelagium Patricium, quòd Zenonem

nem ius violantem liberè argueret, & Longinum Cæsarem creari noller, ab eo vita priuatum. Suidas, nescio quem Auctorem secutus, scribit Zenoni Principi duas vxores fuisse, priorem Ariadnen, Leonis iunioris Aug. matrem; posteriorem Arcadium, Historicis Græcis Latinisque ignotam, cui statua Constantinopoli posita sit: filium quoque, admodum arrogantem, qui adolescens torminibus ex intemperantia contractis ante patrem decesserit. Ego Candidum Isaurum veterem Historicum sequi malo, qui Zenoni, postquam priorem vxorem (quæcumque illa fuerit) ex morbo amiserat, Ariadnen à Leone Aug. in matrimonium datam esse tradit.

Mortuo Zenone, cùm Longinus, eius frater, bis Consul stupris & rapinis infamis, ac inuisus, Imperium affectaret: Ariadne Augusta Leonis Principis filia, quæ fuerat Zenoni nupta, impulsæ ab Urbicio eunucho gratiosissimo, Senatu & exercitu consentiente, Anastasio Silentiarario, necdum Senatori, diadema imposuit, eidemque quamquam sexagenario mox nupsit. at Isauri ex vrbe Constantinopolitana omnes expulsi sunt, & Longinus Seleuciam Isauriæ, vnde erat, dimissus. vbi cùm res nouas moliretur, victus, comprehensus, & Alexandriam in exilium missus, Presbyterque factus paullo post obiit: vt tradit Zonaras. quamquam Euagrius & Nicephorus Callistus à Ioanne Scythæ victum cum acie vnà cum Theodoro cæsùmque aiunt.

Flavius Anastasius, in opido Epiri nouæ Dyrrachio genitus, cognomine *Δύραγος*, imperauit annos XXVII menses III. vir callidus, prouidens, mitis, crebras ob Eutychianam hæresim Constantinopolitanorum seditiones passus, & in bellis ciuilibus, quàm in externis meliore fortuna vsus. quippe & Isauros donatium ab Illo Tyranno ipsis auctum, & à Zenone inuito reconciliationis causâ concessum armis repetentes vi; & Vitalianum Ducem Foederatorum Gothorum dolo magis quàm ferro feliciter exarmauit. At eodem tempore Bulgares, Pontica gens, Thraciam, & Illyricum; Persæ Armeniam & Mesopotamiam, superatis proelio Roma-

nis, securi vastauere: Hunni, portis Caspiis effractis, & Armeniâ maiore peragratâ, Cappadociam, & Galatiam depopulati sunt: Saraceni in Phœnicen, & Palæstinam erupere. Ceterùm miror, quòd Flavius Anastasius Dyrachinus apud Baronium in litteris ad Senatum vrbis  
 10XVI. Romæ missis Petto V. C. Consule *Germanicum inclytum, Alamannicum inclytum, Francicum inclytum* se appellet; quibuscum gentibus non bellum ei, sed contrà amicitia fuit: si verum est, quod scribit Gregorius, Chlodoueo Francorum & Alamannorum Regi Patri-  
 ciam dignitatem ab Anastasio codicillis delatam esse. Hæc de Imperatoribus Orientis transcurso dicta sint: ad Chlodoueam reuertor.

Gundobadus, Godegisilus, Chilpericus, & Godomarus, (vt suprà diximus) Gundiuco patri suo Burgundionum Regi successerant, Regnùmque inter se diuiserant. Non fuit fratrum diuturna concordia. Chilpericus enim & Godomarus æqua parte minimè contenti Alamannos mercede accersiuere, & Gundobadum apud Augustodunum fufum acie Regno expulere. qui cum apud amicos lateret, audito Alamannorum auxilia dimissa esse, fratresque suos securos victoriâ fui; manu coacta in Burgundiam rediit: poritúsque Vienna, quæ tum Regum sedes erat, Chilpericum captum interfecit: Godomarum in turri quadam, in quam confugerat, viuum exussit: Chilperici vxorem oneratis lapide ceruicibus mergi in flumen; duosque eius filios capite truncatos in puteum abiici iussit. Filias Chilpericus ex coniuge duas susceperat. ambas in exilium missas ait Gregorius: quarum maior nòmine Mucuruna, quam Fredegarius Sedeleubam Reginam, quidam Chronam appellant, mutata veste virginitatem Deo deuouit, & extra urbem Geneuam Ecclesiam exstruxit: natu minor Chrothildis vocabatur. Quamquam Auctor Historiæ Francicæ, ætate Gregorio proximus, & Rorico Monachus Chronam in exilium actam; Chrothildem ab Gundobado patruo suo domi retentam, educatamque dicunt: quam posteriorem Nice-  
 tius Rodhildem; Fredegarius Chrotechildem; Rorico

Chrothildem; Hrodhildem Herimannus; aliqui Chrodigildem, & Chrodieldem appellant. Hæc, siue primum Arianam sectam cum popularibus secuta erat; deinde hæresin eiurauerat; siue potius semper Catholicarum partium fuerat; de Christo & Spiritu Sancto rectè sentiebat. quam cum vidissent legati, quos Chlodoueus Francorum Rex ad Gundobadum variis de rebus sepe miserat, admiratque puellæ formam, ac prudentiam, regia stirpe genitam, & Chilperici quondam Burgundionum Tetrarchæ filiam esse cognouissent, relatione sua Chlodoueam iuuenem in amorem virginis facilè impulerunt. Itaque Chrothildem sine mora Chlodoueus in matrimonium petiit, missisque ob id legatis traditam ab Gundobado, quia negare non audebat, ac perductam ad se duxit vxorem (vt ait Herimannus) XII regni anno, hoc est Albino & Eusebio <sup>cccc. xciii</sup> Coss. cum iam haberet ex concubina Theodoricum, & (sicuti Iordanes, Paullus, ac Freulfus tradunt) Audesledam, quam alij Odelsledam; alij Angosledam; alij Anafledem appellant, Theoderico Italiæ Regi nupturam. Gregorius tamen & Aimoinus eam Chlodouei sororem fuisse verisimiliùs dicunt: quippe apud Cassiodorum Senatorem in libri III epistola IV Theodericus Ostrogothorum Rex Chlodoueam Francorum Regem *affinem, & cognatum*, hoc est, vxoris suæ fratrem; se autem ipse *patrem* Chlodouei appellat, filium vtique appellaturus, si gener eius fuisset.

Apud Scriptorem rerum nostrarum ætate Gregorio proximum, Roriconem, aliòsque dicitur Aurelianus quidam Gallus, Chlodouei consiliarius, mendici habitum indutus Viennam ad Chrothildem venisse, eique anulum fidei pignus, & ornamenta sponsæ conuenientia à Chlodoueo attulisse: quibus Chrothildis acceptis anulum in patruì sui inscientis loculum reposuerit, atque in nuptias consenserit. tum Aurelianum à Chlodoueo legatum ad Gundobadum missum esse produnt, qui Chrothildem sponsam sub belli comminatione peteret: móxque negante primùm Gundobado, & Aurelianum speculatorem appellante, deinde vbi anulus

Chlodouei imagine & nomine signatum è locello suo prolatum vidit, ægrè annuente; virginem regiam legato traditam, & ad Regem Francorum perductam esse: qui nuptias Augustæ Sueffionum confecerit, iterumque Aurelianum ad Gundobadum miserit res Chilperici vxoris suæ patris repetitum, ab eoque, consilium popularium, suadentium ne feroci homini vllam belli materiam præberet, non sponte secuto, pretiosissimam supellectilem & multum auri argentique receperit. Fredegarius Scholasticus, & Aimoinus Monachus rem paullo aliter exponunt, nimirum Aurelianum assumto cum pera mendici habitu clam venisse ad Chrothildem Geneuam Allobrogum, vbi vnà cum sorore exulabat, & Chlodouei mandata anulumque detulisse: quo illam accepto centum solidis, anuloque suo legatum donauisse, celeriterque Chlodoueo nuntiare iussisse, nō per legatos quammaturrimè ab Gundobado patruo suo in matrimonium peteretur, deducereturque, timere se, ne Aredij interuentus cœpta destrueret. quā cognitā re Chlodoueam missis confestim ad Gundobadum oratoribus Chrothildis nuptias petiisse: cūque is consensisset, potentissimi Regis amicitiam hac affinitate se adquisiturum sperans; legatos more Franciæ oblato solido atque denario puellam virginem Chlodoueo absenti despondisse: & ad diem nuptiis Cabilloni celebratis eam à patruo Francis traditam, & in basternam esse impositam. quæ comperto Aredium Constantinopoli reuertisse, duces accomites suos festinare iter, ac se in equum inferre iusserit. id consilium euentu felicissimum fuisse: quippe Aredio tale coniugium improbante, & Chrothildem parentum mortem viri armis vlturam dicente; Gundobadum sine mora ad retrahendam puellam equites misisse, qui basternam quidem vacuam, & aurum ac ornamenta comprehenderint, sed ipsam longè progressam consequi non potuerint. tum Chrothildem, cū Francorum finibus appropinquaret, comites rogauisse, vt quantum possent extrema Burgundiæ quoquouersus igne & ferro vastarent: quo factō Villarium, qui est locus in agro Tricassino, ad Chlodoueam

perductam, ac in matrimonium acceptam esse. quas fabulas sibiisse Historicis nostros non miror, cum iidem Childericum Chlodouei patrem amissō Regno venisse Constantinopolim ad Mauriciū Tiberiū Aug, qui CXX post annis imperare cœpit, & post Basinam vxorem ductam primâ nocte portenta vix pueris credibilia vidisse memoriæ tradiderint.

Hincmarus, & Aimoinus, Rorico, ac Sigebertus, aliique Auctores Historiæ nostræ scribunt Chlodoueam, paullo post nuptias factas, Regnum suum primò vsque ad Sequanam; mox vsque ad Ligerim protulisse: & Aureliano Melodunum opidum Senonum, quod castrum appellant, præmium meritorum dedisse, simulque cum eo beneficio nomen Ducis contulisse. ceu verò non id antea Childericus Chlodouei pater fecisset, quem ipsi produnt Iuliomagum Andecauorum non longè à confluyente Meduanæ & Ligēris positum, & opidum Aurelianorum ripis Ligēris adiacens occupauisse.

Aliquanto post Chrothildis Regina marem enitur, & patiente magis quàm approbante Chlodoueo ablui eum more Christianorum iubet, Ecclesiâque velis ac cortinis ornandam curat: vt virum suum, quem verbis expugnare non poterat, eo mysterio ad Christianam religionem illiceret. Nomen infanti Ingomeres imponitur, quod Arminij Cheruscorum Principis patruo nomen fuisse accepimus, quem Cornelius Tacitus in Annalium libro I Inguiomerum appellat. Et Ingomeres quidem, ab aliquibus Ingomirus dictus, paucis post diebus interiit. cuius mortem molestè ferens Chlodoueus, ac Baptismo imputans, grauiter Chrothildem obiurgauit, dixitque Deos patrios, ob contemtum numinis sui iratos, parentibus filium eripuisse. at illa se felicitis vteri esse respondit, cuius primitias Christus sibi consecratis repetiuisset: filiūque postea peperit, qui nihilo seciūs baptizatus, & appellatus Chlodome-res cū ægrotare cœpisset, affirmante Rege fore, idem vt ei, quod fratri, contingeret, Reginæ votis, ac Dei misericordiâ conualuit. Ex his intelligitur Chlodo-





# HADRIANI VALESII

RERVM FRANCICARVM

LIBER SEXTVS.



AM Franci dudum bella non sum-  
mouere, sed inferre, & quascum-  
que aggredierentur gentes atque re-  
giones subigere consueuerant: iam  
terras inter Renum & Ligerim,  
partem Galliarum meliorem validio-  
remque, armis occupatas obtine-  
bant, & linguam Latinam, morés-  
que cultiores à Gallis docebantur: adhuc tamen pa-  
trio more siluas & fontes Deorum numero ducebant,  
atque auiibus sacrificia faciebant: timendumque erat,  
ne post confirmatum sibi Galliarum imperium si ido-  
lorum cultui non renuntiauisent, in Ecclesiam reli-  
gionemque Christianam arma conuerterent. Dei pro-  
uidentia ortum est bellum, cuius victoria Chlodoueus  
Rex gentis maximus ac potentissimus de idolis simul  
hostibusque triumpharet. quippe quintodecimo regni  
cuius anno, qui Paullum fratrem Imperatoris Anastasij  
Consulem habuit, Alamanni, gens iam inde ab Anto-  
nino Caracalla nulla Germanica gente viribus & fama  
inferior, magna manu flumen Renum transire. Cau-

cccc-  
xcvi.

sam belli, noménque Regis Auctores nostri non dicunt. tantùm apud Cassiodorum Senatorem in libri II epistola vltima inuenio Alamannorum Regem perfidiæ notari : credo, quòd fœdus cum Chlodoueo iactum violatâ fide ruperat : siue is Gibuldus Alamannorum Rex ab Eugenio in libro de vita Seuerini memoratus; siue quis alius fuit. Equidem existimo Alamannos (id quod Burgundionibus, Vefigothis, Francisque bene cessisse videbant) partem Galliæ multis suis maiorumque suorum incursionibus per annos CCLXXX vastatæ occupare voluisse. Regnabat tum Colonix Agrippinæ Sigibertus, partis Francorum Rex, regionemque ad Gallicam ripam Reni iacentem, & finitimos Germaniæ Transrenanæ pagos possidebat. cuius vbi Regnum depopulatâ iam superiore Germaniâ ingressi sunt Alamanni; Chlodoueus magnis coactis copiis ad eos contendit : adiunctoque sibi Sigiberto, apud Tolbiacum Vbiorum hostes affecutus prælium commisit. ibi cum inclinatam videret suorum aciem, & plurimis cæsis, Sigiberto etiam genu saucio, ex quo vulnere postea claudicauit, reliquos vehementer vrgeri; Chrothildis monitorum memor ad cælum oculos sustulit, & admonitu Aureliani (vt quidam aiunt) multis cum lacrimis auxilio Christi implorato vouit, si victoriam ex hoste tulisset, se Christianam sectam secuturum, quoniam Deos patrios frustra inuocauisset. statimque exauditæ sunt supplicis preces. nam & Francis animus ac virtus rediit; & iteratâ de integro pugnâ Alamanni ingenti strage fusi, ac fugati: Rex ipse occisus: nec prius finis cædendi capiendique factus, quàm Barbari, pacta salute, sese victori dedidissent. sic Alamanniam, vnâque (vti Hincmarus & Rorico dicunt) Sueuiam cum incolis ab Chlodoueo tributariam esse factam Historiæ nostræ Auctores tradunt. nisi quòd Fredegarius Scholasticus scribit Chlodoucum ad bellum proficiscentem hortante vxore supradictum votum nuncupauisse, atque Alamannos, post eam cladem acceptam extorres annos IX multis locis vagatos, cum nihil à quoquam auxiliorum contra Francorum Regem

gem impetrauissent, deditionem non sponte fecisse. Sed malo equidem Magno Felici Ennodio Chlodouei æquali accedere, qui in Panegyrico Regi Theoderico dicto ait Alamannis omnibus intra fines Italiæ sine damno prouincialium receptis accidisse, vt postquam Regem suum amiserant, alienum nanciscerentur, & ex vexatoribus prouinciarum Imperij Romani defensores fierent atque custodes: eisque feliciter cessisse fugam ex patria sua, pro agro aspero, palustri, atque siluestri solum ferax, & aratri patiens consecutis: ob idque Theodericum Alamannicum appellandum esse dicit: Ex quo intelligitur Alamannos complures, non tamen omnes, siue Chlodouei victoris arma iramque metuentes, siue imperium Francorum auersantes, relictis sedibus suis ad Theodericum Regem in Italiam perfugisse, & in extremis Regni terminis, hoc est, vt puto, in Rætiis, quæ prouinciæ Italiæ proximæ Alamannorum finibus erant, ab eo esse collocatos, vt eas regiones ab incursionibus tuerentur, & data facultate, vel oblata occasione in sedes suas maturè ac facilè reuerti possent. Quare apud Cassiodorum Senatorem in epistola vltima libri II Theodericus Ostrogothorum Rex per legatos Chlodoueo Regi gratulatur, quòd *gentem Francorum, priscâ* (sicuti falsò ait) *atate residem, feliciter in noua prælia concitaueris*, & Alamannos virtute victos domuerit. petitque vt quoniam auctores perfidiæ ceciderint, imperet animo, ignoscat fessis reliquiis, quæ ad se confugerint, Italiæque in finibus lateant exterritæ: quippe euadere mereri, qui affinem eius defensorem elegerint. Iam Regem Alamannorum cum popularium superbia cecidisse: iam innumerabilem gentem partim interfectam, partim captam esse: Alamannoque acerrimo bellatori tantum terrorem iniectum, vt victorem suppliciter vitam precari cogatur. quem triumphum amplissimum, ac dignissimum memoriâ sufficere Chlodoueo debere, ne, si cum reliquis configat, nondum vniuersos superâsse videatur. ita sibi gratissimum facturum, *nec de ea parte, qua ad se pertineat, sollicitum futurum*. Præterea eadem in episto-

la Theodericus Chlodoueu monet, vt parcat salutis suæ, atque in acie cautior sit, & aduersus victos moderatior ac mitior, & citharœdum, à Seuerino Boëthio Patricio, cùm musicæ tum omnium bonarum artium peritissimò, optimum electum, qualem petierat, inter epulas neruorum vocisq; consono cantu placitum ei mittere se pro acroamate dicit. Deprecatio tamen Theoderici pro Alamannis irrita fuit, nec vllam deditionis conditionem accipere Chlodoueus voluit. quàm obrem Alamanni non omnes quidem, (vti cum Agathia persuadere nobis conatur Ennodius) sed *ea pars*, quam suprà Theodericus ait *ad se pertinere*, annis XL in Italia sub Theoderici, Athalarici, & Theodahadi Ostrogothorum Regum imperio ac tutela fuere. reliqui, qui apud Tolbiacum se Chlodoueo dederant, quisque domi remanserant, gentis pars maior, ex eo tempore Francorum Regibus paruere. Falsum vt sit, quod in Historiæ libro I tradit Agathias Scholasticus, Mauricij Tiberij Aug. æqualis, Alamannos ab Theoderico post occupatum Italiæ Regnum subactos & stipendiarios esse factos, atque eo mortuo Ostrogothos, Iustiniani A. bello pressos; gente & agro Alamannorum in Theodeberti Francorum Regis gratiam cessisse. quasi verò Theodericus omnem Alamanniam cum habitatoribus domuerit: quorum pars tantum post prælium apud Tolbiacum relictis suis sedibus ad eum sponte perfugit, & XL post anno à Vitige Ostrogothorum Rege Theodeberto Chlodouei nepoti tradita postliminio domum rediit, Francorum Austrasiorum Principibus vnà cum reliquis popularibus paritura. Addit Agathias Alamannos, tametsi Francorum imperio subiectos, habere tamen leges suas, Deosque patrios seruare, nimirum lucos, fluuios, colles, quibus equos & alia animalia, capita abscindendo, immolare soleant: sed Francorum consuetudine mollitis paulatim animis & ritibus Barbarorum prudentissimum quemque commutarum ad meliora conuerti, breui vt ea gens omnem barbariem deponitura videatur. Ceterum Tolbiacum, pugnae locus, quod ab Colonia Agrippina XVI leugas abest, apud

quod castrum anno CXX post Consulatum Paulli Theodobertus Chlodouei abnepos à Theodorico fratre atroci prælio fusus est; indicat Alamannos prius Sigiberto Regi, quàm Chlodoueo bellum inferre voluisse. quippe cùm nec supra Vindonissam, nec multùm infra Mogontiacum flumen Renum transire Galliæ depopulandæ causâ consueuissent: si Chlodoueam præ omnibus vnum aggredi statuerant; non Germaniam inferiorem, in qua Sigibertus Rex dominabatur, petere; sed per Argentoratum aduersum finibus suis, pèrque Diuodurum Mediomatricorum ac Verodunum, Chlodouei Regnum ingredi debuerunt.

Fusus fugatisque circa Tolbiacum, vt supradictum est, Alamannis, Chlodoueus Francorum Rex Renum transiit, & cum victore exercitu ingressus Alamanniam ac Sueuiam, exceptis qui in Italiam pèrfugerant, gentes regionèsque eas à Mæno fluuio ad Alpes Ræticas vsque promissas perdomuit: atque domum reuertens Vedastum Presbyterum, popularem suum, virum sanctissimum, quem postea Remigius, sibi à Rege commendatum, Atrebatice Ecclesiæ Episcopum constituit; ex opido Leucorum Tullo deduxit, ab eoque rectam fidem & religionem in itinere edoctus, & cæci mirabili curatione in proposito confirmatus est. Chrothildis Regina, quam Sigibertus Rothildem, aliqui Chrodildem, & Chrodchildem appellant, apud Remos viro læta occurrit: victos hostes gratulatur: ordinem rei gestæ cognoscit: confestimque dum propositum calebāt, ne dilatio obliuionem, aut consilij mutationem afferret, Remigium clàm accersitum orat, vt Regem ad votum soluendum, & ad Baptismum hortaretur. Erat Remigius Remorum Episcopus, Principij Sueffionici Episcopi frater, sanctitate præcellens, & liberalibus studiis imbutus, atque, vt illa ferebant tempora, declamandi peritus, quem Fredegarius, aliique malè Remedium vocant. is Chlodoueam secretò ad se vocatum monere cœpit, vt vnum & summum Deum mundi conditorem, cuius beneficio insperatam ex hostibus palmam tulisset, crederet ac confiteretur: néve bestias

hominibus ab auctore suo subiectas, & aues rationis expertes diuinis honoribus coleret, neu' arboribus sensu carentibus sacrificia facere nihil profutura, & aquas surdam naturæ partem inuocare perseveraret. Probat Rex Remigij salubre consilium, nec recusabat voto se exsoluere, sed Francis patrij moris tenacibus materiam seditionis præbere metuebat. Commodissimum visum est apud exercitum orationem habere. Igitur aduocata concione hortatur singulos ac vniuersos, vt euerfis idolis, quæ nec sibi, nec cuiquam alij prodesse possent, Dominum ac Deum, cuius expertæ virtuti victoriam belli Alamannici deberent, Christum venerarentur, *et nondum initiatus sacris, sit sua gentis Apostolus.* Chlodouei orationem interruptit Francorum consensus vna voce testatus, succlamatumque est ab omnibus, se eum, cuius Sacerdos esset Remigius, Deum colere paratos esse. Lætus tam admirabili assensione Remigius, vbi Chlodoueus, ceterique Catechumeni quæ ad sacra pertinebant fecere, Ecclesiam velis aulæsvæ pictis, ac cortinis ornari; Baptisterium parari; spargi vnguenta; cereos accendi iubet: ac primum omnium Chlodoueam, petentem vt baptizaretur, atque in lauacrum descendentem his verbis hortatur: *mitis depone colla Sicamber: adora, quod incendisti; incende, quod adorasti.* tum Rex fidem interrogatus ab Remigio, & Deum vnum trinumque confessus, ter in aquam demittitur, vngitur, signaturque. Hincmarus de vita Remigij, Aimoinus eius æqualis in Historiæ libro I, & Frodoardus Remensis Ecclesiæ Presbyter rem admirabilem, & Gregorio, Fredegario, aliisque veteribus nostris Historicis ignotam narrant: nimirum cum ferenti Chrisma Clerico omnes ad Baptisterium aditus turba intercluderet, columbam niue candidiorem aduolauisse, ampullam rostro ferentem, eamque in Remigij aquam consecrantis manibus deposuisse, ac statim non comparuisse, ita Chlodoueam perunctum esse. Addit Hincmarus Remorum Episcopus (vt in actis Synodi Mettis habitæ, cui ipse præfedit, & in Appendice Aimoini inuenio) sacrum hoc & cælo missum

Chrisma religiosè seruari, necdum sua ætate post annos ampliùs CCCLXX defecisse, eoque Chlodoueuñ vnctum, & Regem consecratum esse. XV regni anno; in quo Hincmarum sua tempora, suique decepere mores, existimantem iisdem cærimoniis Merouingos regnum iniisse, quibus posteri Caroli Maioris domus inierint: cum Pippinus primus omnium Franciæ Regum, imitatus Iudæos; ac posteriores Vesigothorum Reges; vt se sacra vnctione venerabiliorem augustiorémque faceret, semel atque iterum vngi voluerit, ante ætatem verò Hincmari solus Ludouicus Pius; ab eo ad Hugonem Francorum Reges non ampliùs tres; nimirum Carolus Ludouici Pij pronepos, Rotbertus frater Odonis, & Lotharius Durocortori Remorum Reges vncti sunt ac consecrati. mirum vt non sit Chrisma de cælo delapsum, quod non in vllus vsus, sed in memoriam miraculi seruaretur, tamdiu superfuisse, ac post tot annos minimè consumtum ostentari potuisse. Baptizato Chlodoueo, è sororibus Regis Albofledis Baptismum accepit: Lanthildis, vel Landechildis, Christiana quidem dudum sed Arianarum partium, post eiuratum hæresim sancto Chrismate delibuta est, quam tamen aliqui vnà cum sorore tinctam affirmant. Francorum quoque sub Chlodoueo militantium millia ampliùs IIII, non (vti ait Fredegarius) VI Baptisma inierunt, qui albatì cum albato Duce triumphalis exercitus speciem præbuerunt. Lanthildem autem falsò Rorico pro Audefleda Theoderico Ostrogothorum Regi nuptum datam ait. at Albofledem (quod & fortasse de Lanthilde dicendum est, neutram enim nupsisse reperio) consecratam Deo virginem decessisse Remigij ipsius ad Chlodoueuñ epistola ostendit, in qua Albochledem eam appellat, & *benedictionem virginitatis accepisse* scribit, atque *sacratam lugeri* negat oportere. Equidem miror nec Gregorium, qui hanc epistolam legerat, nec ceteros nostros Historicos id animaduertisse, existimóque Albofledem non ab aliò quàm Remigio vt baptizatam, sic consecratam fuisse. In Chronico Roberti Monachi Autissiodorensis in-

uenio Theudechildem, Chlodouci filiam, Theuchildem Reginam ab Odoranno dictam, deuota uirginitate & pietate venerabilem, apud Agendicum vel Agēdincum Senonum Monasterium, quod S. Petri. Viui appellatur, magnifice extruxisse, Apostolis consecrauisse, ac prædijs locupletauisse, ubi & sepulta sit.

Et Chlodoueus quidem, ita uti suprà diximus, ablutus est: qua autem in vrbe, quoque tempore ablutus sit, inter Auctores non constat. Gregorius, quantum in ipso erat, id scire nos noluit: nam nec loci, nec diei mentionem ullam fecit. Fredegarius uero, qui Pippino regnante floruit, Aimoinus, Hincmarus in libro de vita Remigij, & in duabus epistolis, ac Frodoardus Presbyter in Historiarum Ecclesiæ Remensis libro primo, Chlodoueam in Basilica sanctæ Mariæ Durocortori Remorum in peruigilio Paschæ baptizatum esse tradunt, eo nimirum anno, qui uictoriam belli Alamanici secutus est. similiter Ludouicus Pius apud Frodoardum in Historiæ libro II in Remensi Ecclesia beatæ Mariæ & Chlodoueam ablutum, & se, qui ab eo genus nomēque deduceret, manu Stephani Romani Episcopi Imperatorem consecratum, unctum, ac coronatum dicit. Contra Nicetius Treuirorum Episcopus in epistola, quā Chlodosoindam Chlodouci ex Chlothario filio neptem etiam atque etiam hortatur, ut Alboinum Langobardorum Regem virum suum è secta Arii ad Catholicam fidem adducat, Chlodoueam in Ecclesia Martini Baptisma consecutum esse ostendit his uerbis: *Audisti ab auia tua Domina bona memoria Rodulde; qualiter in Franciam uenerit; quomodo Dominum Chlodoueam ad legem Catholicam adduxerit. Et cum is esset homo astutissimus, noluit acquiescere, antequam uera agnosceret. Cum ista, que supradixi, probata cognouit, humilis ad Domini Martini limina cecidit, & baptizari se sine mora permisit.* Ecclesiāne apud Turonos Martini Apostolici viri sepulcro illustrem; Martini limina appellet Nicetius; (ut Fredegarius in Chronici capite LIV) an aliquam aliam Basilicam eius nomine nobilitatam, ambigi potest. Equidem vix cre-

cccc.  
xcvii



diderim Nicetium, hominem tantæ prudentiæ ac dignitatis, qui Chlodoucum videre puer potuit, & vbi baptizatus fuisset scire non solum debuir, sed etiam videri voluit; cum Chlodouindæ scriberet, in re tam ei quàm Francis Gallisque notissima errauisse, & pro beatæ Mariæ Basilica, Martini Basilicam, siue pro Durocortoro Remorum Cæsarodunum Turonum posuisse, quam urbem constat tum Alarico Vesigothorum Regi paruiss. Certè actis Synodi permisso Alarici apud Agatham Messalla Consule habitæ Leo Diaconus missus à 1071.

Domino Vero Episcopo Turonicæ Ecclesiæ subscriptæ, auctorque est Gregorius Volusianum, & Verum hunc, alterum post alterum Turonicos Episcopos, propterea quod prodendæ Francis vrbs consilia iniuisse credebantur, à Vesigothis, in exilium actos esse. neque verisimile mihi videtur, etiamsi cetera gratis concessero, Remigio, prouinciæ Belgicæ secundæ Metropolitano Episcopo, (à quo omnes Historici Chlodoucum ablutum dicunt) viro, qui in epistola quadam Fulconi Episcopo tantopere ob Canones non seruatos irascitur, vilo modo persuaderi potuisse, vt neglectis Patrum regulis in Metropoli prouinciæ Lugdunensis-textiæ, præsentē ac spectante vrbs Episcopo, Chlodoucum baptizaret: aut Chlodoucum, victis ac domitis Alamannis, à ripa Reni ad flumen Ligerim contendisse, vt tam longè ab Augusta Sueffionum, quam interfecto Syagrio regiam delegerat, in extremis Regni terminis, ac velut sub oculis Vesigothorum intingeretur. Malo igitur cum Frodoardo Hincmarum Remorum Episcopum, amplius C C C L X X annis distinctum à Chlodouci ætate, quàm Nicetium ei supparem erroris arguere. nec dubito, quin *limina Martini* vocauerit Nicetius Ecclesiam S. Martini apud Remos ad portam Collaticiam, vel Basilicarem, cuius mentio fit in Remigij testamento. vbi ablui voluisse Chlodoucum non mirabitur, qui Martini nomen ob signa atque virtutes summæ Gallis & Francis venerationi fuisse, votaque ei ab ipso Chlodouco ante Vogladense prælium nuncupata intelliget, & Rotbertum fratrem Odonis, ac Lotharium, qui Durocortori

Remorum regnum inierunt, non in primaria vrbis Ecclesia, sed in Basilica Beati Remigij Reges ab Episcopis Remensibus consecratos esse animaduertet. Nec plura de loco, vbi ablutus est Chlodoueus, dicenda occurrunt.

De tempore non magis conuenit. Fredegarius, Hincmarus, ac Frodoardus (vti suprâ diximus) in peruiiglio Paschæ XVI regni Chlodouei anno hoc actum esse scribunt. è quibus Fredegarius, vt sententiam suam confirmet, addit Chlodoueam, cùm Remigius in *Albig* Euangelij lectionem de Domini nostri Iesu Christi suppliciis ei exponeret, dixisse, si tum vixisset, atque Francis comitatus Hierosolymis fuisset, Christi se iniuriam vindicaturum fuisse. Deceptos credo Hincmarum ac Frodoardum verbis & auctoritate Fredegarij; Fredegarium autem, opinionis eius auctorem, veteri more institutòque Ecclesiæ, quæ non aliis diebus quàm Paschæ ac Pentecostes Catechumenis valentibus Baptismum conferri permisit. quippe Nicetius Augustæ Treuiorum Episcopus, in antedicta epistola ad Dominam Chlodosoindam Reginam, Chlodoueam *sine mora baptizatum* ait, vt appareat, post victos acie hostes subactamque Alamanniam, simul ac domum rediit, circa initium hiemis finemque anni Baptismum ei collatum instante Chrothilde, non in Pascha dilatum fuisse. Sed omnem dubitationem eximit, errorémque dissoluit Alci-mus Ecdicius Auitus, Viennensis Episcopus, vir ingenio ac virtute eminens, & pro captu illorum temporum in prosa oratione carminibusque perfectus, atque (vt in epistola ad Faustum & Symmachum Senatores Urbis & Consulares ipse se appellat) Senator Romanus. Hic igitur Auitus in epistola, quâ Chlodoueo Regi de accepto Baptismo gratulatur, v III Kalendas Ianuarias, quum Christi natalis nocturna peruigilatione celebrabatur, præsentibus multis Episcopis. tinctum eum indicat his verbis, quæ si legissent Fredegarius & Hincmarus, in errorem non incidissent. *Gaudeat quidem Gratia habere se Principem legis nostra, sed non iam quia tanti muneris dono sola mereatur illustrari: quòd non desit & reli-*

reliquo Orbi claritas sua. Siquidem & Occiduis partibus in Rege non nouo noui iubaris lumen effulget, cuius splendorem congruè Redemptoris nostri natiuitas inchoauit: ut eo die ad salutem regenerari ex unda vos pareat, quo natum redemptioni sua cali Dominum mundus accepit. Igitur qui celebris est natalis Domini, sit & vestri, quo vos scilicet Christo; quo Christus ortus est mundo. Comparat Auitus hoc loco Chlodoueu Francorum Regem cum Anastasio Augusto, quem *Principem Gracia* appellat, & legis nostra, hoc est Catholicarum partium esse ait. tamquam ut Chlodoueus post Baptismum acceptum in Occidentis tractibus; sic tum in Orientis Imperio Anastasius Princeps Catholicus fuerit: quem Dioscorianorum vel Eutychianorum hæresim secutum esse, & quinque Patriarchas sibi aduersantes, ac de duabus Christi naturis rectè sentientes in exsilium misisse constat. Chlodoueu autem existimo vnum ex omnibus ætatis suæ Regibus Catholicum & orthodoxum fuisse. quippe eo tum statu res Christiana erat, ut hæresi vbique dominante Imperium Orientis Princeps Eutychianus obtineret: & Reges Barbarorum, qui in prouinciis Occidentis confederant; nimirum Sueuorum in Callæcia; Burgundionum, & Vesigothorum in Gallia; Vandalorum in Africa; Ostrogothorum in Italia; Langobardorum in Pannonia secunda; Gipedum quoque in Dacia Transdanubiana, Arii sectam sequerentur: ceteræ gentes tenaces patrij moris idola venerarentur. Causa autem, quare omnes ferè Barbari Ariani essent, hæc erat, quòd (ut scribit Prosper in Chronico) Ariani ab Imperatoribus Arcadio & Honorio Orbe Romano expulsi ad Barbaros, in primis ad Vesigothos sese contulerant, ac plerosque eorum ex idololatria, nonnullos etiam è Catholica religione ad suam hæresim perduxerant. Quamquam Iordanes in libro de Origine Gothorum, & Nicephorus Callistus in Historiæ Ecclesiasticæ libro XI tradunt Vesigothos Fridigerno Regi parentes, auctore Vifila Episcopo populari suo principatu Valentis Aug. factos Arianos, Ostrogothis, & Gipedibus consanguineis suis, ac ceteris omnibus linguæ suæ nationibus Barbaris Istri

accolis, nimirum Taifalis, Vandalis, Erulis, aliisque hanc perfidiam insequisse. à diuerticulo ad ordinem reuertor. Eadem in epistola Auitus Chlodoucum laudat, quòd cùm eum varij hæretici ad suas quisque partes trahere conarentur, Catholicam Fidem professus sit: & veritatis ac rectæ de Deo sententiæ *quidam arbiter* datus, dum *sibi eligit, omnibus iudicauerit*: nec vt pletique noxio pudore, & inutili maiorum reuententia moti facere consueuerant; Christianorum Sacerdotum monitis & cohortationibus religionem popularium & ritus patrij vtrustatem opposuerit: vt qui priscæ originis stemmate, ac nobilitate illustis proauos Reges bonorum auctores habebat, posteris suis auctor esset ipse meliorum. Adii-  
cit ab Chlodouco, quem *timendum gentibus, Regum florentissimum, ac felicissimum, ac patrem omnium* appellat; captiuos vinculis liberatos, atque dimissos: & per nuntium Viennam missum de Baptismo suscipiendo initi consilij se certiore factum: neque opus esse *Fidem perfectò predicare, quam ante perfectionem sine predicatione videris*: tum nimirum cùm Chlodoueus inuocato Christo Alamannos acie vicit, ac (sicuti suprà dicit Nice-  
tius) quæ de religione Christiana ab Chrothilde vxore audierat, *vera agnouit*, præsentè Dei auxilio compro-  
bata. Præterea se impetrasse Auitus scribit à Domino Gundobado, *sua quidem gentis Rege, sed Chlodouei* (vti ait) *milite*, ei que seruire in omnibus parato, vt viri Illustis Laurentij cuiusdam filium ad eum, quemadmodum petierat, mitteret. vnum orat Chlodoucum, vt quoniam gens vniuersa Francorum per eum breui Christiana futura sit, *ulteriores gentes*, quas vnus ac summi Dei ignaras nondum vllæ hæreses aut praua dogmata corruerunt, nimirum interiores Germanorum nationes, quæ sub imperio Francorum non erant, dimissis quoquoetsus legationibus ad religionem Christianam inuitet. Et id quidem forsitan Chlodoueus fecit. certè imitatus Constantinum Maximum, Francos saltem ditionis suæ (vti ait Sigebertus) cùm exemplo suo; tum etiã edicto ad Fidem Christianam partim inuitauit, partim perduxit. vt non sine causâ à Remigio in II episto-

*lis non solum predicator Fidei Catholica, sed defensor, meritis illustris* appelletur.

Exemplum Chlodouei Regis intra paucissimos annos Francorum pars maior & melior imitata est. eodem plerique consilio Presbyteros adire, ad Episcopos conuenire, his magistris quæ credenda erant edoceri, & Christianam religionem profiteri, colere, amplificare cœperunt. eamque postea non modò integram à contagione accolarum seruârunt, verùm etiam Alamannis, Baioariis, Toringis, Saxonibus, Frisiis, aliisque gentibus idololatriæ domitis insecuerunt. tantum denique sacrarum Virginum, sanctorum Monachorum, Abbatum, Presbyterorum, Episcoporum tulerunt: tot experimentis pietatem suam testatam fecerunt, magis vt Fidem Christi Gallos edocuisset, quàm à Gallis didicisset videri possent. Quamobrem Iustinianus Aug. apud Procopium in libro 1 belli Gothici & Agathias dicunt omnes Francos rectissimam atque eandem, quam Romanos, de Deo opinionem habere, eosdem festos dies anniuersarios agere, & hæresin atque perfidiam Arianorum damnare. & Pelagius Episcopus vrbis Romæ in epistola ad Auxanium Arelatensem Episcopum ait Francorum Reges cum Romanis in rectæ Fidei confessione consentire. similiter Gregorius cognomine Magnus, Romanæ Ecclesiæ Episcopus, in litteris cùm ad Childebertum Regem Francorum, tum ad eius filios scriptis, affirmat, quanto Reges ceteris hominibus præstent, tanto eorum Regnum Fidei sinceritate, & integritate Christianæ religionis omnibus omnium gentium regnis antecellere. Ex quo intelligitur Reges nostros, qui Chlodouei insequentiũque Principum vt virtutis ita & pietatis heredes, & Catholicæ disciplinæ semper tenaces fuerunt, iure meritòque Christianissimos appellari.

Ceterùm postquam Chlodoueus Baptismum iniit, Galli, qui sub Francorum imperio erant, multo placidiores & obsequentiores facti sunt: & qui non erant, eos habere dominos plerique summopere cupiuere. licet enim antea Galli, qui Vesigothis, & Burgundio-

nibus Arianis parebant, partim amore, partim metu impulsī, in Francos studiis inclinauerint: & beatus Aprunculus Lingonicæ Ecclesiæ Episcopus propterea Burgundionibus suspectus, & clam occidi iussus sit, atque noctu de muro castri Diuionensis demissus Aruernos petierit, in locum C. Apollinaris Sidonij tum fortè defuncti subrogandus: tamen post acceptum à Chlodoueo Baptismum multo alacrius & pronioribus animis cum alijs, tum Episcopi, homines magnæ sanctitatis auctoritatisque, pro se quisque odio hæreseos Arianæ, & amore Fidei Catholicæ res ad Francos traxere. quippe (vt Gregorius scribit) Volusianus, stirpis Senatoriæ, Turonicæ Ecclesiæ Episcopus, & Verus eius successor, cum Vesigothis suspecti essent fauere Chlodoueo, ac defectionem attentare, alter post alterum iussu Alarici Regis in exilium acti sunt. & Quintianus Rutenorum Episcopus, ante prælium Vogladense ab opidanis apud Gothos ibi habitantes accusatus initi de tradenda Francis vrbe consilij, cum cognouisset se in periculo mortis esse, noctu profugit, & ad Euphrasium Aruernicæ Ecclesiæ Antistitem, Aprunculi Diuionensis successorem, Augustonemetum se contulit, eiusque & liberalitate viui sustentatus, & mortui in locum anno V post Chlodouei obitum successus est. Postremò Aquitani, post victum cæsumque à Chlodoueo Alaricum, quàm libenter Arianum Regem Catholico mutarent, prompta omnes ac celeri deditione ostendere. Quamquam de Verò, ac maximè de Quintiano an Gregorio credi oporteat nescio. siquidem Leonem Diaconum, missum à Vero Episcopo Turonicæ Ecclesiæ, decretis Sacerdotum, qui Messalla V. C. Consule XXII regni Alarici anno Agathæ conuenerunt, subscripsisse inuenio. ex quo cognoscitur Verum, si sede sua verè expulsus fuit, circa finem eiusdem anni aut initium insequentis, quo Alaricus interfectus est, pulsum fuisse. Quintianum autem Rutenorum Episcopum constar Synodo huic apud Agatham habitæ interfuisse, eumque, at similiter Euphrasium Aruernorum Episcopum

1571. Felice V. C. Consule, ante paucos menses quàm Chlo-

15X1.

doueus decederet, acta Concilij Aurelianensis manu suâ confirmauisse. Præterea cùm tam Aruerni, quàm Ruteni sub imperio ac ditione Vesigothorum fuerint, quoad vixit Alaricus minor: apparet Quintianum, ob supradictam rem pulsū ac profugum, viuo Alarico mortis effugiendæ causâ Aruernos petiturum, & ab Euphrasio Episcopo accipiendum, agrisque ac vineis donandum non fuisse. Denique Aprunculum quidem Burgundionibus; Volusianum, ac Verum Vesigothis suspectos facere potuit propinquitas Francorum, quæ & horum commercium prodicionis adiuuaret, & illis ad occupanda retinendæque opida plurimum conferret. nam Andematunnum Lingonum non ampliùs passuum XLIII millibus aberat à Tullo Leucorum, ab Augustobona Tricassium aliquanto minùs, quæ vrbes ambæ parebant Chlodoueo. & flumen Liger, cuius ad vltiorem ripam positum est Cæsarodunum Turonum, fines Vesigothorum à Francis diuidebat. At Ruteni, vltima Aquitanix gens, & prouinciæ Narbonensi contermina, regnante Alarico variis ditionis eius nationibus vndique claudebantur. minimè vt verisimile sit Quintianum tum prodendi Francis opidi Rutenorum Segoduni consilium iniisse, quò ne præsidium quidem mittere inuitatus Chlodoueus potuisset. eò enim per Bituriges, & Aruernos, gentes infestas, hoc est, per omnem ferè, quàm lata est, Aquitaniam Alarico parentem tendere oportebat. Quare existimo Quintianum Rutenorum Episcopum, si è sede sua vnuquam expulsus est, post non solùm Alarici sed etiam Chlodouei mortem expulsū esse, idque ita accidisse. Vesigothos, cùm, vt ait Gregorius, mortuo Chlodoueo multa ex his, quæ Vogladensi proelio amiserant, armis recepissent, Segodunum opidum Rutenorum præ ceteris occupauisse, atque aliquot annis tenuisse, eiusque Episcopum Quintianum, tamquam Francis faueret: suspectum habuisse, & interimere voluisse: qui vnà cum fidissimis seruis fugâ salutem, Aruernosque petierit, ibique iussu Theodorici Francorum Regis, anno v post Chlodouei Magni obitum Euphrasio vrbis Sacerdoti successor sit datus.

Hincmarus in libro de vita Remigij scribit Chlodou-  
ueum, Proceresque Francorum post acceptum Baptis-  
mum omnibus Ecclesiis Regni ablata restituisse, ac præ-  
terea plurimas possessiones per varias prouincias Remi-  
gio piè contulisse, quarum is partem, nimirum Lulia-  
cum, castrum Codiciacum, & Bernam villam, Remensis  
Ecclesiæ prædiis adiunxerit; partem, non modicam  
castro, quod Laudunum Clauatum appellant, vel Basi-  
licæ sanctæ Mariæ ibi positæ attribuerit, eique loco Ge-  
nebaudum, nobilissimum hominem atque doctissimum,  
Episcopum præposuerit. Eulogium quoque virum po-  
tentissimum, clarissimumque, vt ex nomine intelli-  
gitur, natione Gallum, cum maiestatis reus in Ecclesiam  
beatæ Mariæ confugisset, vsusque deprecatore Remi-  
gio vitam, veniamque, ac rerum suarum dominium à  
Chlodoueo impetrauisset, Sparnacum villam suam ei-  
dem dono dare voluisse, recusantique in vsum Eccle-  
siæ Remensis argenti librarum quinque millibus ven-  
didisse. Præterea Hormisdæ vrbis Romæ Episcopum,  
post proelium Vogladense, cæsūque Alaricum, Remi-  
gio Remorum Episcopo vices suas per Regnum Chlo-  
douei commississe tradit Hincmarus, eoque sedem Apo-  
stolicam obtinente Chlodoueo hortatu Remigij le-  
gatos Romam misisse, qui coronam ex auro & gemmis,  
donum eximium, in Basilica Petri ponendam, Princi-  
pique Apostolorum dicendam & consecrandam cura-  
rent. exemplum quoque litterarum Hormisdæ ad Re-  
migium subscribit, quas non minùs falsas atque con-  
fictas, quàm Remigij testamentum subiectum arbitror.  
quippe anno IV post Chlodouei obitum, nimirum Flo-  
rentio & Anthemio Coss. (sicuti ait Marcellinus in  
Chronico) Hormisdæ in locum Symmachi Romanæ  
Ecclesiæ Episcopus est subrogatus.

Auctor Appendicis Chronico Victoris adiunctæ pro-  
dit Anastasio Aug. II Consule *Gothos*, hoc est Vesigo-  
thos, *intra Hispanias sedes accepisse*. quod cum falsum  
sit, (nam Barcinonensis regio iam inde ab Ataulfo sub  
ditione Vesigothorum fuit, & Theodoricus posterior,  
ac Euricus frater eius multas Hispaniæ clarissimas vr-

cccc.  
xcvii.



bes armis occupauerant) non dubito, quin hic error non Auctori, sed vitio exemplarium ac duabus litterulis debeat imputari, & quin Vesigothi nequaquam intra Hispaniam *sedes accepisse*, verum *caedes occupasse* dicendi sint. Certè hoc Auctoris ipsius verba indicant. addit enim Burdimelum, qui ante annum ab Alarico descuiuerat, & in Hispania regnum inuaserat, à suis traditum, Tolosam perductum, ibi tauro æneo impostum, ac flammâ subiectâ viuum crematum esse: & Messalla V. C. Consule Dertosæ à Vesigothis opido potitis alium quemdam Tyrannum interemtum, caputque eius Cæsaraugustam allatum dicit. quæ Tyrannorum Hispaniensium cædes sine multorum cædibus, qui aut participes coniurationum fuerant, aut fuisse putabantur, fieri non potuere.

Eodem anno Verodunenses à Chlodoueo defecerunt, <sup>cccc-xcvi.</sup> moxque obfessi ubi arietibus murum quat, & aggerem exstructum proferri viderunt, pro Firmino Episcopo, qui paucis antè diebus decesserat, ciuem suum Auspicium vrbis Archipresbyterum, virum sanctissimum, ad Regem misere oratum, vt sibi ignosceret, veniâque impetratâ portas aperuere, & Chlodoueam cum suis copiis opido recepere. Hoc accidisse Anastasij secundo Consulatu vt credam facit Aimoinus Monachus, qui narrationi belli Alamannici, & Baptismi Chlodoueo Regi Francisque collati continuò defectionem Verodunensium deditiõnemque subtexit. Quamquam Auctor non vetus libri de vita Maximini Verodunenses ab Chlodoueo descuiuisse inter ipsa *regni eius auspicia* tradit. quem tamen nihilominus secum pugnans honoris causâ præcedentibus Clericis urbem intrâsse, & in Ecclesia Deo gratias egisse scribit. ex quo intelligitur Chlodoueam, tum cùm Verodunum recepit, Christianum fuisse: at is non initio principatus, sed quintodecimo regni sui anno, Consulatu Paulli factus est <sup>cccc-xcvi.</sup> Christianus.

Patricio & Hypatio Coss. Theodericus Ostrogothorum Rex, anno VII post interemtum Odoacrem, ac omnem Italiam perdomitam, urbem Romam intrauit, 12.

ibique Odoinum, vel, ut alij dixerent, Odoindum, Comitum ac popularem suum sibi insidiantem capite truncari iussit in Palatio Sessorio. cuius Sessorij Palatii, in IV Synodo Romæ iussu Theoderici huius habita, mentionem fieri video, & in Actis Xysti Romani Episcopi, in quibus *Heleniana Basilica*, vel *Hierusalem Basilica* Sessorij Palatii, alio nomine *Sessorianum atrium* appellatur.

15. Eodem anno bellum Burgundicum initum ac finitum esse prodit in Chronico Marius Auenticensis Episcopus. Tum Burgundiones, qui & Burgundij, tenebant in Gallia Lugdunensem primam, Sequanos, partem maiorem prouinciæ Viennensis, Alpes Peninas, & Graias, atque Maritimas, & aliquot Narbonensis secundæ vrbes, quæ pars Galliæ Burgundia ab gente cognominata est, & ita apud Senatorem in libri I epistola vltima vocatur. Horum Rex Gundiucus IV filios, Gundobadum, Godegisilum, Chilpericum, & Godomarum, superstites ac Regni sui successores reliquerat. è quibus Gundobadus Chilpericum, Chrothildis Reginae patrem, & Godomarum interfecerat, Regnumque totius Burgundiæ occupare conabatur. ipse Lugdunum Segusianorum Regiam delegerat: Godegisilus, quem Fredegarius Gundeghiselum, Freulfus Gundeisilum, Hincmarus Godegisilum appellat, Geneuam Allobrogum opidum sedem habebat. Breui apparuit inter malos fratres fidam pacem, ac diuturnam concordiam esse non posse. cum enim alter alteri insidiaretur, bellum ciuile palam exarsit. Godegisilus, opibus & gratiâ apud populares inferior, clam per legatos annum tributum Chlodoueo, quantum vellet imponere, se pensurum promisit, si eius operâ fratrem victum occidere, aut saltem Regno spoliare potuisset. Facile à viro, qui in pace bellum querere solebat, accepta conditio est, & legati cum pollicitatione auxiliorum dimissi. Lætus igitur Chlodoueus spe prædæ, & occasione vindicandæ fœderis cædis, maximas copias cogit, & ut erat constitutum, in Burgundiam contendit. At Gundobadus ignarus fraudis legatos ad Godegisilum fratrem suum mittit oratum, sibi ut ab Francis oppugnato celeriter opituletur: condonet inimi-

inimicitias patriæ periclitanti, & aduersus communem hostem in commune consulat: ne qui iuncti pares esse Chlodoueo possint, distracti opprimantur. Pollicetur auxilium Godegisilus, moxque cum omnibus copiis ex composito adiungitur Gundobado, simul ac pugnae signum datum esset, ad Chlodoucum transiturus. tum ambo Chlodoueo armati occurrunt. Committitur proelium apud Diuionem, quod erat castrum in finibus Lingonũ ad Oscaram flumen, ab Imperatore Aureliano non (vt Gregorius putat) exædificatum, sed nouis mœnibus cinctum. Vbi pugnari cœptum est, Godegisilus, quemadmodum conuenerat, cum exercitu ad Chlodoucum transit, & arma in fratrem vertit. quod posteaquam sensit Gundobadus, multis suorum amissis fugam capeffiuit: nec munimentis Lugduni, ac ne Viennę quidem, aut Valentiaę satis confisus, Auenionis muris se inclusit, tanto (vti existimabat) ab hostibus tutior, quanto remotior fururus. cõ frumentum comportati, pecus ex agris compelli iubet. Godegisilus autem, promissa Chlodoueo parte Regni sui, discessit, triumphansque, tamquam iam totius Burgundię imperium obtineret, Viennam Allobrogum, inuitantibus opidanis ac popularibus, intrauit. Interea Chlodoueus auctis copiis suis Gundobadum quã fugerat sequi, ac interficere statuit: penetrat interiora Burgundię: superatõque flumine Rhodano castra ante Auenionem ponit, minimẽ plenam ab se latam victoriam, confectũque ducens bellum, si Rex hostium euadere potuisset. Iam depopulatis agris, cæsis oliuetis, vineis excisis, vicis incensis, feruebat obsidio, & Gundobadus intra muros cum suis non modõ de Regno, sed etiam de auxilio ac de salute desperabat. ægro animi, anxioque supradictus Aredius, amicorum eius facilẽ primus, consilij sui rationem aperit, & ex constituto ad Chlodoucum transfugit, affirmatque se victorię ipsius comitem, quã socium Gundobadi pulsi ac obfessi esse maluisse. receptus inter familiares, vir in suadendo prudens, & in arcano sibi commissõ celando fidelis, nec minũ iucundus & suauis, quã callidus, breui in magno honore apud Regem fuit.

Mm

quem cùm diuturnæ obsidionis tædere animaduerteter, arrepto tempore veniam libertatis precatus monuit, vr irrita munitissimæ vrbis oppugnatione dimissâ, Gundobado tributum in annos singulos pendendum imponeret, suâque in eo negotio operâ vteretur. Placuit Chlodoueo consilium, remissumque confestim Auenionem Aredium subsecuti eius legati Gundobadum imperata facere paratum inuenere. itaque conditiones pacis quæ ferebantur acceptæ, & promisso annuo tributo, ab altero pecunia in annum; ab altero obsidio soluta est. Chlodoueus Burgundiæ spoliis onustus exercitum prædâ grauem domum reduxit.

Exstincto eum in modum externo, ciuile bellum de-integro in Burgundia exarsit. Gundobadus enim, quem Fredegarius Gundebadum; Regino Cundibaldum appellat, post discessum Francorum receptis viribus, opidum Allobrogum Viennam caput Regni sui oppugnare instituit. id opidum Godegisilus popularium aliquot, & Francorum auxiliariorum præsidio tenebar. qui cùm angusta re frumentaria vteretur, multitudinem inopia pressam opido excedere iussit. Eiectus præter ceteros Curator aquarum publicarum; indignabundus, ac fremens contemptum se, & tamquam vnum de inutiles plebe expulsum, statim Gundobadum adit: docet frustra tot operibus, tanto cum virorum fortium periculo Viennam oppugnari, cuius poriundæ compendiarium viam demonstrare possit. probatôque Regi consilio suo, dux ipse armatis datus robustissimos expeditissimôsque militum Gundobadianorum per aquæductum ducit, & amoto ferreis vectibus magno lapide, quo spiraculum eius intramuranum clausum erat, in urbem intromittit. illi, vt imperatum erat, simulac ex aquæductu velut è cuniculo emerferunt, bucinâ signum captæ vrbis dedere. Respicientibus, qui è muris propugnabant, & se à tergo circumuentos esse videntibus, Gundobadus occupatis portis cum copiis suis in urbem irruit, & defensores perterritos ac in medio conclusos occidit. Godegisilus in Ecclesiam Hæreticorum confugit, ibique vnâ cum Episcopo Ariano Arianus interficitur, at Fran-

ci, quos à Chlodoueo Godegisilus acceperat, in turrim concessere; quos Gundobadus captos à militibus suis violari vetuit, Tolosamque perducì, (vt ait Gregorius) & Alarico Vesigothorum Regi tradi iussit. Quamquam Fredegarius Scholasticus, & Aimoinus produnt Francos hosce, v *millia* numero, vel, quod malim, II, ab Gundobadianis ad vnum omnes occisos esse. Primores Viennensium, quos Gregorius Senatores, Marius Seniores appellat, ac Burgundiones complures, qui Godegisili partibus fauerant, multis exquisitissimisque suppliciis affecti sunt, ac necati. Eum in modum Gundobadus intra finem anni, quo Patricius & Hypatius Consules fuerunt, aduersam, ac secundam fortunam expertus, primùm acie victus; deinde obsessus; paullo post fratrem, à quo erat pulsus, obsedit: Regnóque suo tam citò & faciliè recepto quàm amisso Regnum eius adiunxit: ac omnem Burgundiam occupauit, cædibus trium fratrum infamis. atque suis postea viribus confisus promissum Chlodoueo tributum non pependit: moxque Burgundionibus leges mitiores instituit, ne Romanos, hoc est prouinciales Gallos iniuriis afficerent. Hæ sunt leges, quas cùm **Auieni Consulatu** promulgatas legamus, Auieno & Pompeio Coss. vel insequenti anno, nimirum Flauio Auieno iuniore & Probo Coss. latas fuisse credere nos oportet, & quas Reges Francorum Burgundionibus domitis reliquerunt. Certè Agobardus Lugdunensis Episcopus, qui post CCC. annos, quàm Burgundia ab Childeberto & Chlothario Chlodouei filiis in prouinciam redacta fuerat, floruit, Christianissimum & piissimum Imperatorem Ludouicum semper Augustum epistola quadam hortatur & monet, vt (si fieri possit) Burgundiones, quos *cines suos*, & *Gundebados* appellat, legibus Francorum vt iubeat, legem Gundebadi Regis Burgundionum hæretici, quam & Gundebadam vocari dicit, lites non iure & virorum bonorum testimoniis; sed aut rei ipsius iureiurando, aut armis terminantem abrogando. Bello confecto Gundobadus, Christum filium Dei, & Spiritum Sanctum æqualem Patri confessus, Auitum Viennensem Episco-

pum orauit, vt clàm ipsum vngeret. Cui Auitus respondit non oportere Regem, qui nullum timere debeat, metu seditionis à publica professione veritatis deterreari: meliùsque esse, vt multitudo Regis fidem sequatur, quàm Rex multitudinis sectam. illum caput esse gentis suæ, & quemadmodum cùm expeditionem facit, præire soleat copiis quò duxerit secuturis; ita exemplo suo ac veluti ductu populares ab errore abducere debere. At Gundobadus ob supradictam causam æqualitatem trium Personarum publicè confiteri noluit, nec in ciuranda hæresi ausus est Chlodouei in patria superstitione damnanda animum imitari.

Et Marius quidem in Chronico, Gregorius Aruernus, Turonicæ Ecclesiæ Episcopus in Historiæ libro II, Fredegarius Scholasticus in eius excerptis, Freculfus, ac Aimoinus Monachus, ita vt suprà retulimus, de bello Burgundico scripsere. at Auctor quidam Historiæ Francicæ, ætate Gregorio proximus, Hincmarus in libro de vita Remigij, & Rorico Monachus, nullâ perfidiæ Godegisili mentione factâ, falsò dicunt Chlodoueam impulsam ab vxore sua Gundobado & Godegisilo iunctis bellum intulisse, ambòsque circa Diuionem acie fudisse. & aliò quidem Godegisilum; Gundobadum verò Auenionem se contulisse, mòxque obsessum, supradicto commento Aredij viri illustris Consiliarij sui, nimirum pacto pensionis annui tributi, quod seruaturus non erat, datisque multis muneribus è Chlodouei manibus euasisse, ac postea Regnum totius Burgundiæ, quoad vixit, feliciter administrauisse. quem Gundobadù alij Gundobaldum; alij Gundobaudum; alij Gundebaldum; Hincmarus ac Sigebertus Gundebaudum appellant. Procopius, Cæsariensis Palæstinus, Rhetor in libro I belli Gothici dissentit ab omnibus. quippe scribit Toringorum ac Vesigothorum Reges Herminafridum ac Alaricù posteriorem, cùm post Odoacris mortem vires Francorum iam auctas admodum timerent, eaque gens multitudini ac virtuti suæ confisa finitimos omnes lacefferet, ac apertè violaret, Theoderici Regis Ostrogothorum afinitatem delegisse. ex eo Francos metu Theoderici in-

iutiis & vexationibus Toringorum ac Vesigothorum abstinuisse, bellumque Burgundionibus intulisse. (quorum Regis filius tamen, nomine Sigismundus, Ostrogotham minorem natu filiam Theoderici in matrimonio habebat) Addit Procopius Francos postea, & Ostrogothos, quos semper Gothos appellat, hoc est Chlodoucum, & Theodericum Reges, belli Burgundionibus faciendi occupandæque Burgundiæ inisse societatem: atque vtri forte pugnae non affuissent, hos multari certâ pecuniâ, quam alteri operæ ac victoriæ præmium acciperent, ac nihilominus dimidium agri ex hoste capti obtinere placuisse. Cùm diem ex die duceret Theodericus, longumque esset eius exercitum exspectare; Francos cum magnis copiis Burgundiam ingressos esse, solosque per se aduersus Burgundiones pugnauisse: ac postquam æquo atque dubio Marte diu atque acriter dimicatum erat, & magna vtriusque cædes facta, tandem Burgundiones fufos terga vertisse, ac in extrema Burgundiæ ad Alpes versùs refugisse: quibus in partibus multa castella situ naturali & opere munita habebant. vrentibus victoriâ Francis, & reliquam omnem regionem occupantibus, celeriter aduenisse Ostrogothorum Duces cum copiis, quos lentè iter facere, atque si victos esse Burgundiones comperissent, festinare; sin autem contrâ atque speraret vicisse cognouissent, non progredi vterius Theodeticus iusserat. Hos, ac culatos grauitè & increpitos à fociis, longinquitati ac difficultatibus locorum moram suam imputauisse, partemque pecuniam victoribus pœnæ nomine dedisse: ac mox, vti conuenerat, quidquid agri Burgundionibus ademtum erat, inter Francorum ac Ostrogothorum Reges ex æquo diuisum esse. quæ gesta esse, antequam Chlodoueus Alarico Vesigothorum Regi bellum inferret. Quibus verbis videtur indicare Procopius, ante proelium Vogladense cædemque Alarici, duas à Francis in Burgundiones expeditiones fuisse susceptas, priorémque designare, cùm scribit Francos Burgundionibus bellum intulisse: de posteriore loqui, cùm ait eisdem postea vnâ cum Ostrogothis belli Burgundici socie-

tatem iniisse, ac Burgundiam ingressos esse.

Et Procopius quidem, ita ut alius nemo, bellum Burgundicum exponit. Quominus miror, quæ de Arboricis idem Auctor memoriæ tradidit: eos nimirum magnæ homines virtutis, Francis finitimos, & cum reliqua omni Gallia atque Hispania pridem Imperio Romano subiectos fuisse, tum verò veterem Reip. formam mutauisse. quos cum Franci diuturno bello experti vincere non potuissent, petiere, sibi ut cum eis foedus & connubia essent. (nam vtrique Christianam religionem profitebantur) in has leges pacem compositam, & societate ac affinitatibus ex duabus vnam gentem factam esse, talique pacto magna Francos potentiae incrementa quæsiuisse. At milites Romanos in vltimis Galliae finibus custodiæ causâ constitutos, cum numero impares nec resistere, nec in Italiam, vnde venerat, reuerti possent, nec ad hostes Arianos transire vellent, se, & quam præfidiis tuebantur regionem in Arboricorum atque Francorum ditionem dedidisse: necdum apud eorum posteros leges patrias, disciplinam rei militaris, habitumque Romanum sua ætate exoleuisse. Quos ego Arboricos, vel Arborychos ignoto nomine appellatos à Procopio, non alios quàm Armoricos esse indicarique arbitror. Nam quod ait Procopius, Arboricos Francis confines, & Christianos fuisse, atque cum reliquis omnibus Gallis ac Hispanis diutissime Romanis paruisse; id de Armoricis propriè vocatis dici posse, & verò oportere constat, qui oram prouinciæ Lugdunensis II ac III à Sequanæ exitu ad ostium Ligeris vsque promissam tenebant. quippe Armorici cum omni Gallia Christum coluere, ac Imperatoribus Rom. paruere: & Franci, dum trans Renum habitauere, tractum Neruicum & Armoricum ut proximum; sic piraticis latrociniis ac prædationibus sæpe infestum habuere. & postquam Beligam, ac pleraque Lugdunensis Galliae domuere, Aulercosque Cenomanos & Andecauos gentes Armoricis affines in deditionem accepere: iidem mihi videntur, ne quid inter Renum ac Ligerim hostile esset, ciuitatibus Armoricis bellum intulisse. Certè Gregorius in libro



primo de Gloria Martyrum scribit Ghillonem quem-  
 dam à Chlodoueo Francorum Rege in Namnetes, quæ  
 gens Armorica erat, cum exercitu missum esse, & post  
 bimestrem eorum opidi oppugnationem subitâ ac oc-  
 cultâ formidine Francorum animis diuinitus incutisâ ob-  
 fidionem soluisse, baptizarique voluisse. quod tamen  
 opidum Namnetum postea, cum Venetorum, Redo-  
 num, Abrincatuorum, Constantinorum vrbibus, ac  
 Rotomago, hoc est cum maiori parte tractus Armori-  
 cani, Chlodoueo paruissè indicant subscriptiones Epi-  
 scoporum, qui iussu eius in opido Aurelianorum con-  
 uenerunt. è quibus Veneti (vt Eginardus in Annalibus,  
 & Aimoinus in libro IV tradunt) primùm à Britannis,  
 metu Anglorum & amore libertatis ex patria profugis,  
 tributarij facti sunt: deinde ab Chlodoueo Rege domiti  
 sub Francorum ditione atque imperio per annos circiter  
 XC fuerunt. donec anno XVII regni Guntchramni<sup>151XX.</sup>  
 atque Chilperici à Waroco Britanno recepti sunt. qui<sup>VIII.</sup>  
 non multo pòst cæso cum suis copiis Beppoleno; frau-  
 de decepto Ebrachario Guntchramni Ducibus, Vene-  
 tiam in potestate sua ita retinuit, vt vsque ad Pippi-  
 num Regem, qui opidum Venetos anno DCCLIII  
 cepit, per annos CLXXIV non alios quàm Britannos  
 Regulos habuerit. atque ob id Veneticam regionem à  
 Waroco Venetorum Comite, quem Guerecum, & We-  
 rocum appellat, Broguerec Britannico nomine dictam  
 ait Auſtor libri de vita Gildæ Sapientis. Vt ad Chlodo-  
 ueum reuertamur: tametsi nec Concilij Aurelianensis,  
 nec Gregorij auctoritate niteremur; nequaquam cre-  
 dere nos oporteret, cum Regem, Armoricis post occi-  
 pitium hostibus relictis, flumen Ligerim transiturum;  
 & antequam citeriora pacauisset, occupandæ Aquita-  
 niæ causâ Alarico Vefigothorum Regi bellum illaturum  
 fuisse. Præterea vti Procopius tradit Arboricis, quo  
 tempore cum Francis societatem & amicitiam iunxere,  
 Reipublicæ formam pristinæ dissimilem fuisse: ita ex  
 Zosimo cognoscitur, id quod in libro IV notauimus,  
 effusis per Gallias Germanis, hoc est Sueuis, Vandalis,  
 & Burgundionibus; Armoricos ab Honotio Aug. in

quo nullum sibi aduersus impotentiam Tyrannorum ; & Barbarorum latrocinia, ac exactorum iniquitatem præsidium esse intelligebant, defecisse, eiectisque magistratibus Romanis, Remp. suo arbitrio constituisse. quamobrem principatu Placidi Valentiniani à Litorio subacti, (vt ait Sidonius) paullo pòst rebellauere : missoque ad eos compescendos Eocharico Alanorum Regi Germanus Autessiodurensis Episcopus persuasit, vt cum suis copiis domum rediret : ac Rauennam profectus, Imper. Valentinianum pro fontibus deprecatus est : impetrassétque veniam, nisi ea gens naturâ mobilis & perfida per idem tempus denuo defecisset. Addit Procopius, milites Romanos in vltima Gallia custodiæ causâ constitutos, cum in Italiam reuerti non possent, Barbaris eam, ac Galliam ferè totam, per quam iter faciendum erat, occupantibus; neque ad hostes Arianos transire vellent, se suâque omnia, quæ diutiùs tueri non valebant, Francorum & Arboricorum fidei potestatiq; commisisse. quibus verbis designari puto descriptâ in Notitia prouinciarum Imperij Romani præsidia opidorum portuumque oræ Armoricæ, flumine Ligere diuisæ à Vesigothis Arianis, quorum Vesigothorum imperio milites isti præsidij Francorum & Arboricorum, Christianarum Catholicarumque gentium, imperia prætulerunt. Vbi notare conuenit, cum Procopius scribat Francos fuisse Christianos, quo tempore fœdus cum Arboricis iunxerunt, & supradictos milites Romanos in deditionem acceperunt, post initum à Chlodoueo Baptismum ea gesta esse oportere. His animaduersis, tametsi Procopius in prædicto loco libri primi belli Gothici Francos, Toringos, Burgundiones, Sueuos, & Alamannos gentes Germanicas commemorat, Francisque ac Toringis Arboricos suos medios interponere videtur : tamen hosce ego nequaquam in Germanis numerandos existimo, sed Procopium ignorantia veri Armoricos gentem Gallicam, mutato eorum situ ac corrupto nomine, in Germania posuisse credo. præsertim cum, post Varum Ducem trêsq; legiones cæsas, constet Germanos Transfrenanos Imperatoribus Ro-

Romanis minimè paruisse, nullámque Germanicam gentem sedes habentem in Germania, principatu Chlodouei, quo tempore Franci Galliam occupauerunt, Christianam fuisse.

Admoneor suprafacta mentione Britannorum, vt de his aliquid dicam. Britanni complures, siue ab Anglis eiekti domo, siue externam dominationem perosi, in prouinciam Lugdunensem tertiam aduersam insulæ Britanniae transiere Placidi Valentiniani principatu; ibique domitæ parti Armoricorum, nimirum Venetis, Curiosolitibus, & finitimis nationibus iura & leges, ac nomen suum dedere. incolæ enim Britanni, vel Brittones; regio Britannia appellari cœpta, quam alij nouam, alij Gallicam, quidam Cismarinam, nonnulli minorem cognominant. Hæc regio an Francorum Regibus paruerit, ambigi potest. nam Britannos post Chlodouei Regis obitum semper sub Francorum ditione fuisse in Historiæ libro IV tradit Gregorius, quique eis præerant, pro Regibus Comites (vel Duces, addere debuit) vocatos esse. & Auctor libri de vita Leonorij Episcopi scribit Childebertum Regem Chlodouei filium Franciæ imperium Britanniaeque obtinuisse. & in libello de vita Pauli inuenio Childebertum huncce Francorum Regem *Vuithuro Comiti*, qui & *Princeps* ibidem dicitur, partem Britanniae regendam commisisse, proficiscentique anulum suum tradidisse, & Paulum Agnensi Leonensique Britanniae pagis Episcopum præponendum curauisse. Præterea Samson Britannorum vel Dolensium Archiepiscopus dicitur Monasterium Penetale Monasterio Dolensi, quod vtrumque exstruxerat, permissu Childeberti Regis subiecisse ac commendauisse. Eginardus quoque in Annalibus, Aimoinus in Historiæ libro IV, & Poëta quidam Saxo, Arnulfi Aug. æqualis, in rerum gestarum Caroli Magni libro II produnt, *Britannos ab Regibus Francorum subactos ac tributarios factos, impositum sibi vectigal quamuis inuitos soluere consueuisse*. & Episcopi, qui in villa agri Tullensis nomine Saponariis anno Domini **IOCCCLIX** conuenerunt, in epistola ad Episcopos Britannorum scribunt *eam*

*gentem Francis ab initio fuisse subiectam*, ac tributum pependisse. Auctor etiam Annalium, quos Bertinianos appellant, scribit *Salomonem Ducem Brittonum* Carolo Francorum Regi, Ludouici Pij filio occurriffe, eique se commendauiffe, & fidem sacramento obligauiffe, omnesque primores Brittonum idem facere iuffiffe, & *censum illius terra secundum antiquam consuetudinem eidem pependisse*: & insequenti anno Carolo Regi, conuentum ex toto Regno apud Pistas habenti, & annua à suis dona ibidem accipienti, supradictum censum L argenti librarum, quem Salomon *more maiorum* mittebat, oblatum esse. & in Annalibus, qui Mettenses dicuntur, inuenio Saxonum, Frisiorum, Alamannorum, Baioariorum, Aquitanorum, Vasconum, atque Brittonum, *gentium quondam Francis subiectarum* Duces, antequam Pippinus auus Pippini Regis Præfectus Palatii fieret, à Francorum Regibus, quorum desidium contemnebant, contumaciter defecisse. Et hæc quidem persuadent Britannos Francorum Regibus Merouingis paruiffe. Contra Auctor Historiæ Francicæ Gregorio proximus, ac Freulfus Lexouiorum Episcopus Chonobrum, vel Cunobertum, qui bello Chramni interfectus est, non, ut Gregorius, *Comitem*; sed *Regem Britannorum* appellant. & apud Fredegarium, ac Aimoinum, atque apud Florentinum Abbatem de vita Iudoci, & in libro de vita Dagoberti reperio Iudicailem, vel Iudichaëlum, Iuthaëli Regis filium, quem quidam Vidichailum, alij Iudicheilum nuncupant, *Britannorum Regem* & fuisse & vocari. Aimoinus etiam in Historiæ libro II versus Childeberti senioris tumulo inscriptos refert, in quibus Brittonum Regibus terrori fuisse dicitur. & Gregorius, velut secum ipse pugnans, in libro IV ac V tradit Chanaonem, seu Conanum, *Britannorum Comitem*, *Macliaui* fratris sui *Regnum* occupauisse: quo mortuo Macliauum *Regnum* recepiſſe, ac Theodoricum quemdam Bodici filium *Regno* patrio spoliauiſſe. nemo autem nescit Comitatus & Ducatus quos vocant, hoc est Præfecturas urbium atque regionum Francis subiectarum, non armis obtineri, sed ab Regibus Francorum dari ad tempus

confueuiffe. Neque ignoro Comites, & Duces, à noſtris Hiſtoricis nonnumquam Reges; & ſubicctas eis regiones, Regna appellari: ſed affirmo, id quod Gregorius ſcribit, Warocum Macliaui filium in agrum Namneticum, Redonicumque pagum ſæpe excurriſſe, & cum Chilperici atque Guntchramni Regum Ducibus pugnauiſſe, nequaquam conuenire ei, qui Francorum Regibus pareret. Vt omittam non alios quàm Britannos in Britannia Ciſmarina regnauiſſe, cùm Reges Franciæ quolibet è populis ſuæ ditionis vrbibus ſuis prouinciisſque præponere ſolerent. Certè Fortunatus in libro IX, de Chilperico Rege ſcribens, inter gentes Francorum inimicas, vti Getas, hoc eſt Veſigothos, Vaſcones, Danos, Æſtiones, quos alij Æſtios, alij Æſtos vocant, Saxones, Friſones, Sueuos; ſic & Britannos numerat. è quibus Vaſcones Pyrenæorum montium incolæ, gens Hiſpaniæ Tarraconenſis libera, prouinciam Nouempopulanam ætate Fortunati crebris incurſionibus vaſtabant, omnemque tandem vſque ad Garumnam flumen, Francis ſub Maioribus domus bello ciuili laborantibus, occupauere, & Vaſconiam appellauere. qui in Hiſpania remanſerant, *Hiſpanos Vaſcones*; qui Pyrenæum tranſgreſſi in finibus Nouempopulorum conſederant, *Citiſmos Vaſcones* ſcriptores rerum geſtarum Caroli Magni & Ludouici Pij vocant. vnde Aſinarium in Annalibus Bertinianis *Ciſterioris Vaſconia Comitem* dictum inuenio. Friſones verò vel Friſij, qui primò Francis diu paruerant, eiſdem poſtea dominantibus in Gallia, à finitimis Saxonibus ſubaſti eſſe mihi videntur, plurimique eorum in Batauiam tranſiiſſe. vnde Friſia nonnumquam Saxonia; & Batauia cùm ab aliis, tum ab Auctore Annalium Mettenſium Friſia dicta eſt. Miror tamen, quòd hoſtibus Francorum Sueuos annumeret Fortunatus, quos Procopius Rhetor eius æqualis ſub imperio Francorum fuiſſe in belli Gothici libro primo tradidit.

Vt ad Britannos redeam, Epiſcopi Gallicani in Epiſtola ad Nomenoium Britannorum Regem, quem *Priorem gentis Britannica* appellant, ſcribunt certos fuiſſe *ſines*, quos *Franci ab exordio dominationis ſuæ in Gallia*

*sibi vindicauerint; & certos, quos petentibus Britannis concesserint. & in Annalibus Bertinianis idem Nomenoius Britto anno 10000XLIV fines sibi suisque antecessoribus attributos insolenter egressus esse dicitur. quos fines Britannicos Auctor vetus libri de vita Ludouici Pij, alij Britannorum limitem, alij Germanico nomine Marcam Britannicam vocant. & qui de vita Caroli Magni scripsere, cum Widonis Comitis ductu anno 10000XCIX totam Britanniam, quod numquam antea factum erat, perlustratam armis, & à Francis subactam fuisse tradunt, satis apertè ostendunt ante Caroli Magni principatum si non omnem Britanniam; saltem maximam eius partem Francorum Regibus nequaquam paruissè. Neque Fredegarius solum in Chronico, de Chlothario iuniore Chlodouei pronepote loquens, sed etiam supradicti rerum gestarum Caroli Magni scriptores Britannorum limitem, vel Marcam Britannia, & Praefectum Britanni limitis commemorant. vt appareat Merouei posteris regnantibus, & Carolo ipso Magno in tot tantisque prouinciis dominante, Britannos, veluti alienæ ditionis gentem, à Francis limite diuisos, tribusque per eius Principis Duces expeditionibus victos magis quam domitos fuisse. Certè à Ludouico Aug. Caroli filio defecere, primùm Murmano duce, qui regium insigne nomenque sumpsit, & ab exercitu Imperatoris occisus est; deinde auctore Wiomarco, qui & ipse dolo circumuentus, ac domi suæ interfectus est. atque quatuor expeditionibus in Britannos cum per se, tum per legatos factis, & depopulata regione, id vnum tantummodò Ludouicus egit, vt obsides ex more darent, & se imperata facturos promitterent, breui fidem violaturi. siquidem Nomenoius, regij sanguinis Princeps, quem Ludouicus Aug. Iudicem, aut (vti ait Regino) Ducem Britannis dederat, rupta fide à Carolo Rege Ludouici Aug. filio desciiuit: adiunctoque sibi Lamberto Comite, qui similiter à Carolo defecerat, Reginoldum vel Rainaldum Namnetum Ducem apud Vicinoniam flumen cum magna manu Francorum occidit: nec multo post alium exercitum Caroli Britanniam ingressum, paludibus in-*

elufum proelio fudit. Idem non ſolùm Venetos, quam urbem Pippinus Caroli Magni pater ceperat, Regno ſuo adiunxit; ſed etiam *limitem antiquum tranſgreſſus* (vt ait Adreualdus) Redonas, atque Namnetas, vrbes Francicæ ditionis, partemque pagi Andecauenſis ac Cenomannici vſque ad Meduanam flumen, agris igne & ferro longè latèque vaſtatis, occupauit: & ex IV Episcopatibus ſeptem factis, pulſiſque legitimis Episcopis, & aliis in eorum locum ſuffectis, ab Archiepiſcopo Dolenſi regio more vngi ſe iuſſit. cum Carolo etiam, bis fruſtra Britanniam cum copiis ingreſſo, pacem æquis conditionibus fecit: Regnùmque Heriſpoio filio ſuo moriens tradidit, à quo Carolus Rex acie victus excedere Britannia, & pacem facere coactus eſt. Hic eſt Heriſpoius, quem datis vtrimque cum fide obſidibus ad Carolum Francorum Regem Iuliomagum Andecauorum veniſſe dicit Regino, eiſque ſeſe commiſiſſe, magniſque muneribus honoratum in Regnum rediſſe. Adicit Auſtor Annalium Bertinianorum Heriſpoium, quem, vt Nomenoium patrem eius, ſucceſſorèmque Salomonem, *Brittonum Ducem* ſemper appellat, regia veſte & *paterna* (vti ait) *potestatis honore*, hoc eſt patrio Regno à Carolo donatum eſſe, additis Redonis, Namnetis, & *Ratenſi*, id eſt, Ratiatenſi pago, qui ex nomine *vici Ratiatenſis*, quem Gregorius, in libro de Gloria Confefſorum, prope urbem Namnetas in finibus Pictorum ponit, appellationem traxit. Vbi notandum eſt, cùm Nomenoius Redonas, Namnetas, & Ratiatenſem regionem occupauifſet, Heriſpoio eius filio ac ſucceſſori Carolum Francorum Regem non tam condonauifſe ſupradictas vrbes, quas iam habebat in poteſtate, quàm earum expugnationem & poſſeſſionem ceſſione ſua comprobauifſe: pagumque Ratiatenſem ex eo tempore Britannia, à qua flumine Ligere diuidebatur, partem eſſe coepiſſe. Paucis poſt annis Heriſpoius à Salomone Duce & Almaro Britannis, poſteaquam diu rebellaucrant, interimitur, & Salomon à Britannis Rex ſalutatur. qui vt Carolum Regem placaret iratum ſibi, propterea quòd Guntfridum & Gozfridum rebelles, Ludouicum

quoque filium eius receperat, & ad depopulandam Andecauiam finitimósque pagos copiis instruxerat; anno **IOCCCLXIII** occurrit ei, commisitque sese: atque eidem sacramento fidem obligauit, ac argenti libras quinquaginta, eo anno, atque insequenti tributi nomine pependit, ob idque parte agri, qui Inter-duas-aquas dicitur, & Abbatia S. Albini à Carolo Rege donatus est. sed post triennium, nimirum anno **IOCCCLXVII** cum Britannii tributum pendere recusarent, adiunctisque Nortmannis opidum Cenomannos diripuissent, & iam Carolus bellum eis pararet inferre: tandem conuenit, ut Carolus Salomoni obsides daret, sicque Pasuuithenus, Salomonis gener, legatus ad Carolum veniret. tum Carolus Salomoni eiusque filio pagum Constantinum hac conditione donauit, si fidem ambo, quam per Pasuuithenum dabant, sibi Ludouicóque filio suo sanctè præstarent, & auxilia contra hostes petentibus mitterent: atque insequenti anno coronam ex auro gemmis ornatam cum insignibus regiis Salomoni misit, quem Nicolaus Episcopus Romanæ Ecclesiæ præter ceteros in epistola quadam Regem appellat. Idem Salomon anno **IOCCCLXXIII** Carolo, Iuliomagi Andecauorum Nortmannos obsidenti, in auxilium venit, nec tamen castra sua castris Caroli iunxit, sed trans Meduam flumen cum magno exercitu confedit, ab eaq; parte opidum oppugnauit: & filium suum nomine Wigonem ad Carolum, ut ei se commendaret, fidemque coram primoribus Britannorum sacramento obligaret, misit, nec multo post à Ducibus Proceribúsque Britannorum Pasquitano, Vurfando vel Vurnahato, & Wigone Riulini filio interfectus est. Tumque Carolus Rex Francorum de recipiendo Regno Britanniae diu multumque frustra cogitauit. Quare ipse in legibus apud Siluacum latis Redones, Namnetes, Venetos, Curiosolites, vel Coriosopites, Leonenses, Osismicum pagum, Aletenses, & Aulercos Diablintes, gentes Armoricas Britannis subiectas, inter pagos suae ditionis non numerat, nullamque eorum mentionem facit. & Asser Meneuensis est auctor Imper. Carolum Crassum Ludouici



Pij nepotem, qui Ludouici Balbi fratris sui patruelis filiis successit, præter ceteras prouincias *omnem Galliam, excepto Armoricano Regno*, hoc est, exceptâ Britannia, tenuisse. quò mortuo Francorum Reges, bellis ciuilibus ac externis impliciti, tantum abfuerunt à Britannia vindicanda occupandæque, ut ne suos quidem fines aduersus Barbaros tueri potuerint. Hæc de Britannis, digna memoriâ visa, ideo huic loco inferenda existimaui, ut omnes scirent ne Caroli Magni quidem; nedum Chlodouci posteris eos vniquam certa imperij confessione paruisset.

Messalla & Arcobindo, vel Arcobinda Coss. XVI 10VI  
Kalendas Octobres decessit Caretene Regina, quinquagesimum ætatis annum transgressa, conditaque est Lugduni in Ecclesia beati Michaëlis, quam ipsa exstruxerat: femina benefica in pauperes; cilicio, ac ieiuniis in Palatio assueta; filiisque ac nepotes suos ad Fidem Catholicam hortari solita. ut docent versus tumulo eius inscripti, relatisque ab Andrea Duchenio: qui Gundiuci Burgundionum Regis uxorem, matrêmque quadrigæ Principum, Gundobadi, Godegisili, Chilperici, ac Godomari fuisse Caretenen putat, credo quòd Consularu Messallæ, viuo Gundobado, eam de Regina Monacham obisse ibidem legerat.

*Dotibus his pollens, sublimi mente subire*

*Non spreuit sacrum post diadema iugum.*

Quasi verò non & Radegundis, Bertharij Toringorum Regis filia; similiter permissu Chlotharij viri sui vestem regiam sacro velamine, & Palatium Monasterio mutauerit. Præterea Iordanes scribit, Theodericum Ostrogothorum Regem, *simul ac in Italiam venit*, hoc est, saltem statim post confectum aduersus Odoacrem bellum, Asterio & Præsidio Coss. filiam natû minorem nomine ccce. xciv.  
Ostrogotham Sigismundo Gundobadi Regis filio in matrimonium dedisse. tum autem Caretene plûs minûs XXXVIII annum agebat, siquidem anno XII post, Messalla Consule quinquagenaria erat. potuitne verò 10VI  
femina annorum circa XXXVIII non iam filium, sed nepotem suum maritum videre? Non igitur Caretene

Gundiuci vxor, sed nurus; non Gundobadi mater, sed coniux fuit, cuius filius Sigismundus, (ne de Godomaro loquar) neposque Sigisfricus post Gundobadi mortem, hæresi Arianâ eiuratâ, Catholicam Fidem professi sunt. Caretenes huius pietatem, omisso nomine, laudat Gregorius in libro II de Gloria Martyrum: in quo scribit de Burgundionibus, qui Briuate vico Aruernorum Vesigothis parentium direpto, spoliataque Basilica Iuliani Martyris, ab Hillidio Vellauo cæsi erant, quatuor fuga elapsos domum reuertisse, & prædam suam, nimirum patinam ex argento, quatuor in partes diuississe, vrceum autem similiter argenteum Gundobado Regi dono dedisse. Quo cognito Reginam viro suo persuasisse, ne propter tantillum argentum tanti Martyris gratiam amitteret, vrceumque, & patinam, sicut erat diuisa, additis multis muneribus, Ecclesiæ Iuliani restituisse.

12 VI.

Eodem anno Alaricus Vesigothorum Rex, securus exemplū Eurici parentis sui, qui primus leges Vesigothis describendas curauerat, Codicis Theodosiani libros XVI, quibusdam consilio & consensu Episcoporum, & Nobilitatis partim emendatis, partim explicatis; in epitomen coëgit, ac edidit, vt his legibus Romani, hoc est prouinciales Galli, Hispanique, ac forsitan etiam (vti Præfatio Alarici indicare videtur) Vesigothi vterentur: Episcopisque Aquitanix & Gallix Narbonensis permisit, vt Agathæ conuenirent. Certè in præfatione Canonum Episcopi ipsi profitentur *permissu Domini sui gloriosissimi, magnificentiissimi, piissimique Regis* in vrbe Agatha conuenisse. Cæsarius Arelatensis Episcopus, magnæ vir sanctitatis atque doctrinæ, huic Synodo præfuit, statutisque primus subscripsit III Idus Septembr. Messalla V. C. Cos. anno XXI regni Domini Alarici Regis. cui Concilio nullos ex Hispaniæ prouinciis Alarico subiectis Episcopos interfuisse miror.

Ne quis autem forsitan miretur, quòd suprâ dixerim Gallos & Hispanos vocatos esse Romanos: notare conuenit, cum Barbari prouincias Imperij Romani perpetuæ possessionis causâ in Occidente occupauissent, prouin-

uia-

vinciales quidem nomen vnà cum dominis minimè mutauisse, & vti antea dicebantur, Romanos à Barbaris dictos esse: ipsos autem non iam, sicut antè, contumeliæ, sed honoris causâ Barbaros appellari cœpisse. Sic Theodericus Ostrogothorum Rex in Edicto suo leges *Barbaris Romanisque*, hoc est Italis, & Ostrogothis ferre se dicit, ibidémque alteros numquam aliter quàm *Romanos*; alteros non aliter quàm *Barbaros* vocat: quos posteriores Cassiodorus Senator Gothos appellare maluit, Romanisque semper præposuit. Sic in Legibus Visigothorum Hispani; sic apud Eugepium in libro de vita Seuerini Norici *Romani* dicuntur. & Victor Vticensis Episcopus in libro III de Persecutione Ecclesiæ Africanæ scribit Vandalos, qui *Barbari* vocentur, alio conuenientiore & magis proprio nomine appellari non posse. quippe id vocabulum ferociæ, crudelitatis, ac terroris esse: Barbarosque, quantumuis muneribus donentur & colantur obsequiis, Romanis nihilominus inuidere, splendorémque nominis Romani obscurare semper cupere, nec vllum Romanum diligere aut saluum velle. Et vt de Francis ac Gallis loquar, apud Gregorium in Historiæ libro IV Francos, latam Monasterium spoliare parantes, Monachi suppliciter alloquuntur ac deterrent his verbis. *nolite, o Barbari, nolite huc transire. Beati enim Martini istud est Monasterium.* & in libro II Gundobadus Burgundionibus leges mitiores tulisse dicitur, ne quam *Romanis*, hoc est Gallis iniuriam facerent. Præterea Fortunatus vt Wilitutam natione Francam fuisse indicet, sed ad eò lenem & eultam, vt Galla videri posset, ita loquitur

*Romana studio, Barbara prole fuit.*

Idem in libro VI Chariberto Francorum Regi, Chlodouei nepoti, hinc *Barbariem*; illinc *Romaniam* plaudere ait. & in Carmine de laudibus Chilperici Regis non ipsum quidem; sed (quod idem est) popularem eius, *interpretem Barbarum* vocat.

*Chilperice potens, si interpres Barbarus exstet,*

*Adiutor fortis, hoc quoque nomen habes.*

Hoc est, si Francus linguæ Latinæ peritus nomen tuum

interpretetur, Chilperice Rex, adiutorem fortem interpretabitur. Ex his satis intelligitur Barbari appellationem non ignominiosam tum, & opicam, ut ait Cato; sed claram & illustrem fuisse, & cum Francos, tum alios honoris causâ Barbaros appellari consueuisse à populis suæ ditionis, atque ita se ipsos appellitauisse. Quare ridiculus mihi videtur Gundobadus, qui, credo quod Burgundiones ante Francos in Gallia consedis-  
 & patrem ac patruum suum Magistros militiæ subvltimis Imperatoribus, sociosque & amicos Romanorum fuisse norat, apud Gregorium Francos, duce Chlodeuo Auenione ipsum obsidentes, contumeliæ causâ *Barbaros* nominat. quasi non etiam Burgundionibus ea appellatio conueniret, qui, ut Franci, gens Germana erant. Sed ferendum id in Burgundionibus, quos non minùs superbos, quàm voraces, garrulos, & imbelles fuisse, & *ob superbiam toto gutture loqui* consueuisse auctor est Liutprandus. Quod igitur Galli præ ceteris Romani dicebantur, hinc factum est, ut lex, quâ utebantur, lex Romana appellaretur. quemadmodum apud Gregorium in libro de vita Nicetij Lugdunensis Episcopi, apud Adreualdum Floriacensem Monachum, & alios veteres Historicos reperio. Ob id quoque partem Galliz, quæ Odoni Francorum Regi parebat, *Franciam Romanam*, hoc est Franciam Gallicam Liutprandus vocat in libro primo rerum in Europa gestarum, ut à Francia eam Germanica distinguat. & in libro de vita Odiliæ Childericus posterior, Dagoberti Regis nepos, *Romana, & Francica terra* imperauisse dicitur, hoc est terræ Galliz, Neustriæ appellatæ, & Franciæ Germanicæ ad Renum, vel Austriæ, quas vtrasque à Germanis, id est Francis *Germaniam*, & *Regna Germanica* Fortunatus cognominat. Ob id ipsum denique Nithardus in bellorum ciuiliū libro tertio *Romanam linguam* vocat eam, quâ Galli utebantur. Sed tandem vti Barbari suæ quisque gentis nomine appellari maluerunt; sic prouinciales nomen Romanum, propterea quod Barbaris in Occidente dominantibus ludibrio erat, deposuere. quippe ætate Ottonis Aug. (ut scribit Liutpran-

duſ) Franci, Burgundiones, Sueui, Langobardi, Saxones, Lotharienſes, hoc eſt pars Francorum in Regno Lotharij ſedem habens, & Baioarij ita Romanos dedignabantur, vt inimicum ſuum non aliter quàm Romanum contumeliæ cauſâ irati appellarent, & quidquid ignobilitatis, quidquid auaritiæ, quidquid libidinis, quidquid mendacij, quidquid denique vitiorum eſt, hoc vno nomine ſe complecti arbitrarentur. Hæc de Romanorum ac Barbarorum appellatione huic loco inferui, vt legentibus eſſent diuerticuli loco. ad rerum ordinem redeo.

Alarico in Aquitania deſidente, & Codicis Theodoſiani libros emendante, Chlodoueus longè aliis rebus animum intendebat. quippe non contentus veteri Francia, ac omnibus ferè inter Renum & Ligerim terris, rationem excogitabat, quâ Regnum totius Galliæ occuparet. vir magni animi & inſatiabilis victum ſe, niſi viciffet; & quidquid non cepiffet, amiſſum putabat. cùmque fuſo cæſoſque Syagrio; Toringis, ac Burgundionibus fractis; domitis Alamannis, à finitimis omnibus timeretur, ſolos Veſigothos intactos, necdum vim Francorum expertos in magna parte Galliæ dominari indignabatur. Apud eos regnabat Alaricus, à puero comiſſationibus & otio aſſuetus, deditus ſpectaculis, ( nam Cethego Conſule Cæſarauguſtæ Circenſes ediſſe dicitur) & conuiuium quàm aciem inſtruere doctior. cuius contemtu duos in Hiſpania, alterum poſt alterum, Tyrannos exortos eſſe prædiximus, & quem futuræ ſuæ cladis præſagio monetam adulterauiffie Auitus ſcribit. Hic excitatus famâ rerum geſtarum Chlodouei, metuénſque ne idem ſibi, quod ceteris, accideret, miſſis legatis à Chlodoueo poſtulauit, vt de re communi cum eo agere liceret. Die dicto, ac loco finito, in inſulam fluminis Ligeris, Ambaciæ tum vico, nunc opido Turonum proximam, quam Sancti Ioannis inſulam vocant, venere: collocutique, ac vnà epulari amicitiam inter ſe iunxere. Fredegarius Scholaſticus, qui ex Gregorio epitomen fecit, & Hincmarus in libro de vita Remigij produnt, Alarićum Regem Veſigothorum,

cùm Chlodoucum per Paternum virum industrium decipere conaretur, ipsummet ab eodem Paterno legato Chlodouci illufum, fraudemque eius deprehensam, ac thesauros arte subarratos esse. Aimoinus autem & Rorico Monachi, aliique aretalogi veriùs quàm Historici scribunt, Paternum legatum, exploratis omnibus rebus, ad Chlodoucum reuersum renuntiauisse, Alaricum, qui cum paucis eisque inermibus se in colloquium venturum dixerat, longis cultris veste tectis armatos ad colloquium adduxisse: negante Alarico, magnam inter ambos Reges ortam esse contentionem: tandèmque conuenisse, vt ad Theodericum Ostrogothorum Regem legatos mitterent, controuerfiamque deferrent. Hunc cognitâ causâ statuiffe, vt circum legatum Chlodouci, qui Tolosæ ante fores Palatij infidens equo, elatam manu hastam teneret, tamdiu ab Alarico ac Vefigothis aurum argentumque congereretur, donec summus hastæ mucro nõ appareret, vtque hic acertius numerorum pro compositione Chlodouco Regi traderetur. Reuerfis ex Italia legatis, Vefigothos Theoderici sententiam improbauiffe, negantes hoc se facere posse, & Paternum contumeliis affecisse. quibus rebus cognitis, Chlodoucum bellum parauiffe. Et ita quidem supradicti Monachi de causis belli Vefigothici scripsere: quas fabellas si fingere eis licuit, nobis credere non libet. nemo enim non intelligit Paternum multo minùs etiàm quàm Vefigothos ridiculæ huicce Theoderici sententiæ stare debuisse, & vnâ cum equo equitem priùs auro obruendum fuisse, quàm hasta in manu eius tota operiretur. Certè Cassiodorus Senator in Variarum libro III nullius fraudis insidiarumque Alarici mentionem facit, indicâtque Chlodoucum *parua de verbis contentione*, & (vt ait) *causis mediocribus incitatum ad primam legationem statim arma mouisse*. & Chlodoucus ipse, cùm apud Gregorium dicit ægrè se ferre, quòd Ariani partem Galliarum obtineant, satis apertè ostendit se prætextum armorum hæresin; libidinem prolatandi Regni causam belli habere. falsò vt Sigebertus tradat Alaricum rupto foedere, quod biennio antè cum Chlo-

doueo iunxerat, insidias ei molitum, ob idque ab Francis oppugnatum esse.

Dum bellum paratur, Theodericus Italiae & Ostrogothorum Rex Alaricum Regem generum suum per litteras monuit, videret etiam atque etiam, quantum Vesigothis, numero quidem frequentibus, & Attilae quondam victoribus, sed longa pace emollitis contra Francos fortissimos ac exercitatissimos committendum esset: leuem de verbis contentionem ne ultra verba progredi sineret: imperaret animo, expectarérque, dum Francorum Rex ad mandata sua respondisset: quem, si controuersiam amicorum arbitrio componi nolle, communibus viribus oppugnari oportere. Scripsit etiam Gundobado Burgundionum Regi, quem fratrem suum appellat, Theodericus, ut Chlodoueam & Alaricum in pristinam concordiam reduceret *Regios* (vbi ait) *iunenes, & florida aetate feruentes.* nisi enim æquis conditionibus lis terminaretur, totius belli inuidiam in se recasuram. similiter Erulorum Oceano assidentium Regem, ut puto, Rodulfum à Procopio & Paulo Longobardo memoratum, Varnorum Regem gentis Germanicae, quem Procopius Hermegisclum appellat; & Herminafridum, qui apud Toringos regnabat, idem rogauit, ut contracte secū affinitatis, beneficiorumque Eurici Regis memores filio eius Alarico genero suo gratiam referrent, ac Chlodoueam Francorum Regem, superbum, obstinatum, ius in viribus habentem, missis simul omnes legatis ad pacem hortarentur: tergiuersanti bellum denuntiarent, occuparéntque ambitiosa conata eius, à quo singuli, si Vesigothos vinci contigisset, sine dubio essent oppugnandi. Apud Cassiodorum Senatorem in Variarum libro III, præter tres supradictas litteras, missam per legatos ad Chlodoueam Regem Francorum à Theoderico epistolam inuenio, qua in epistola scribit mirari se, quòd Chlodoueus *causis mediocribus ac lenibus incitatus* Alarico Regi filio suo (eo nomine generum appellabat) bellum inferre statuisset, & impatiens, ac iræ immodicus ad primam legationem arma caperet: ut multi, qui vtrumque timebant, lætarentur duos

*summarum gentium Reges*, ac ætate florentes, dimicando infirmiores fieri, oportere ipsum pertinaciæ finem facere, arbitrósque aliquos ex affinibus sumere, dum omnia ambobus integra essent. deponeret igitur arma, & æquis conditionibus cum Alarico in gratiam rediret: neu' gentes, quæ sub parentibus eius longa pace floruisſent, in periculum coniiceret, committendo prælium, quo alteruter ab altero deleri exercitus posset. postremò iure patris Alarico; iure amici Chlodoueo minatur Theodericus se ac socios suos cum pro hoste habituros, qui tam salubre consilium spreuisſet. Sed nec precibus, nec minis deterritus Chlodoueus contractos Luteciam Parisiorum Francos hortatur, vt Alaricum, à quo iniuriam acceperit, se duce aggrediantur, Vesigothósque Deo propitio vincant, ac eorum regionem armis occupent. neque enim Catholicis ferendum esse ab Arianis partem optimam Galliarum obtineri. Pari omnes consensu orationem Regis excepere: nec contenti causam belli probare, ac elatis altè dextris suum Principi auxilium polliceri, vouere (vt ait Rorico) se nisi hostibus debellatis barbam non posituros. quod Catos sua ætate; hoc est multo antequam in Francorum gentibus numerarentur, facere consueuisse Cornelius Tacitus scribit. Rex ipse, hortante vxore Chrothilde, Luteciæ Basilicam Petro ac Paulo Apostolis vouit, si victor & saluus ex Aquitania reuertisset: auctúsque auxiliis, quæ Sigibertus Rex partis Francorum per Chlodericum filium suum pro cognatione miserat, & omnibus rebus ad expeditionem comparatis, Luteciâ proficiscitur. ac ad conciliandam sibi Aquitanorum gratiam, priusquam in Aquitaniam irrumpat, Ecclesias spoliari, deuotis Virginibus ac viduis, Clericis quoque, filiisq; Clericorum, ac viduarum, & seruis Ecclesiarum vim & iniuriam fieri edicto prohibet: superatòque flumine Ligere agrum Turonum ingressus, pro reuerentia B. Martini suos præter aquam & herbam quidquam accipere vetat. Accidit, vt miles paucos feni manipulos agresti cuidam eriperet, distitans fenum nihil aliud quàm herbam esse. Quod vbi Chlodoueus



cognouit, statim militem quidem interficit, fenum autem agresti restitui iubet: adiiciens desperandum esse de victoria, si beatum Martinum rapinis & sacrilegiis offenderent, regionemque, cui tantus Episcopus præfuisset, depopularentur. quo facto magnus exercitui iniectus est metus. Eodem tempore pueri ad sepulcrum Martini, quod à Cæsaroduno Turonum passus 10 L distabat, cum muneribus missi, votorum nuncupandorum & ominis ex more tum recepto capiendi causâ, ad Chlodoueam redeunt, renuntiântque ipsis Basilicam ingredientibus contigisse, vt versum XLIII Psalmi XVII, quo Dauid ob inimicos pedibus suis subiectos Deo gratias agit, Primicerius caneret. Quo lætus omine Chlodoueus ad Vigennam flumen peruenit. Vigenna per fines Lemouicum, Pictonum, & Turonum fertur, & post acceptos Clennum & Crosam amnes non ignobiles in Ligerim influit. Is tum fortè imbribus intumuerat. Hærentem igitur ad ripam Chlodoueam ægrum animi, quod pontes interruptos videbat, nec aut naues habebat, aut aquis non tentatis Francos obiiicere volebat, nox oppressit: quam cum vigiliis & precibus extraxisset, postero die manè cerua eximie magnitudinis, spectante exercitu, flumen vado transiit. ( locus hodiè ceruæ Transitus vocatur ) Agnouere Dei beneficium vniuersi, ducemque itineris feram sine mora secuti sunt.

Hilarij imperante Constantio Aug. Pictauorum Episcopi in Aquitania erat nomen illustre. quamobrem vbi Pictonum fines ingressus est Chlodoueus, iniuriam fieri cuiquam vetuit, cum ne beatissimum Hilarium iratum haberet, si populares eius vexauisset: tum maxime vt Aquitani ad vendendum nostris, aut etiam ad gratis subministrandum frumentum ac pabulum æquitate Regis, ac militum continentia inuitarentur. aliter enim Chlodouei milites per Turones & Pictones Alarico subiectos iter facere non potuerunt. nisi fortè quis sibi persuadet tot armatorum millia, quot Chlodoueam habere tum oportuit, ad eam expeditionem conficiendam satis cibariorum ex Francia tulisse. Gregorius Turoni-

cæ Ecclesiæ Episcopus scribit Chlodoueum castra posuisse ad Augustoritum, vel Piçtauos, vbi Alaricus Rex Vesigothorum pridem statua habebat: faciemque ei ab Ecclesiâ Hilarij, grauis quondam Arianorum aduersarij, ad tabernaculum suum per cælum ferri visam esse, clarissimæ de Vesigothis Arianis omen victoriæ. Alaricus Rex, qui ingressu Aquitanix, transitûque Ligeris ac Vigennæ fluminum Francos non prohibuerat; siue quòd initio belli copias in vnum locum nondum coëgerat; siue quòd intra Regni sui terminos prælio decertare statuerat; tandem cum exercitu ex opido Piçtauis egreditur, & ad decimum ab opido milliarium Chlodoueo pugnandi potestatem facit. qui lætus reperta occasione, quam votis optauerat, alacriter copias eduxit, ac quemadmodum docet Rorico, post allocutionem hastæ innixus, Dominicæ Crucis signaculo milites suos signauit, signumque *nomen Domini* dedit. In Vogladensibus campis, qui ex nomine castelli Clenno flumini apppositi appellationem trahunt, directâ acie dimicatum est Anastasio Aug. tertium & Venantio Coss. sicut scribit Auctor Appendicis Chronico Victoris Tununensis Episcopi attextæ, qui & locum pro Voglade Boglodoretam appellat. Neque alius, quàm sperauerat Chlodoueus, prælij exitus fuit. Vesigothi magna strage fusi fugatique. Alaricus XXIII regni sui anno in fuga periit, quem Chlodoueus apud Roriconem, dum dissipatos persequitur, sua manu dicitur interfecisse. at ipsum, fugientibus ferociter instantem, equites duo ex aduerso inuecti repentè inuasere, & inopinantis latera contis appetiere: quos ille ictus lorica propulsauit, periculumque equo concitato vitauit. Cecidere in acie cum Alarico Aquitanorum nobilissimi, stirpe Senatoria orti, & magna in primis multitudo Aruernorum, quos Apollinaris ducebat, Sollij Sidonij Præfectorij, Patricij, ac demum Aruernorum Episcopi filius, Imperatoris Auiti Aruerni ex Papianilla filia nepos. Vesigothorum autem procures Seniorésque Narbone conuenerunt, ibique Gesalicum, quem alius Giselicum, alius Gesalaicum, alius Gesaericum vocat, Alarici maiorem ex

con-

19 VII.

concubina filium, Regem salutauere. falsum vt sit, quod Gregorius scribit, Amalaricum, Alarici & Theodegorthæ filium ex acie fugisse in Hispaniam, Regnumque patrium occupauisse. quem & paruum puerum fuisse, tum cum patrem amisit, & post Gesalici fratris, postque Theoderici Italiæ Regis aui materni tutorisque sui mortem, nimirum anno XIX exeunte post prælium Vogladense regnare cœpisse constat. Notandum quoque est. Roriconem Monachum, & Freulfum Lexobiorum Episcopum errare, qui ante Vogladensem pugnam inter Chlodoueam & Alaricum vario Marte sæpe certatum esse prodant.

Victor Vesigothici belli Chlodoueus, nihil actum ratus, nisi omnem Aquitaniam subegisset, Theodericum filium natu maiorem cum parte exercitus sui mittit ad recipiendos Albienses, Rutenos, Cadurcos, ac Aruernos, quas *superiores Regni Alarici partes* Aimoinus melius, quam Fredegarius *maritima* appellat. ipse cum multis alias vrbes, opida, atque castella capit; tum (si recentioribus credimus) in loco agri Burdigalensis, quem hodièque Campum Arianorum vocant, superatis qui iterum experiri voluerant Vesigothis; Búrdigalam Biturigum Viuiscorum positam ad Garumnæ flumen in suam ditionem redigit, ibidè que hibernat. ac initio veris Venantio iuniore & Celere Coss. profectus Burdigalâ Tolosam petit caput Regni Vesigothici, Regumque sedem, & gaza omni regia potitur. inde in opportunis locis, præsertim in Santonico pago atque Burdigalensi ad delendam Vesigothorum gentem relicta parte suarum copiarum; Ecolismam, quam Aufonius Iculismam appellat, opidum ad ripas Carantoni situ & opere munitum oppugnat. ibi Vesigothi milites in præsidio constituti venienti portas clausuerant, obsidionemque ferre decreuerant. sed ne quid victoris festinationem moraretur domum redire maturantis, maxima pars muri sub Regis oculis repentinâ ruinâ concidit. sic vrbs capta est, & Vesigothi qui ibi erant, vt ait Gregorius, eiectioni; aut (sicuti Hincmarus & Aimoinus scribunt) ad vnum omnes in-

terfecti. Rorico, veterem aliquem Auctorem secutus, rem memoria dignam narrat, nimirum opidanos, cùm murus ruiſſet, inopinato caſu percuſſos Deum ſtare cum Francis credidiſſe, ac ſe ſuâque omnia Chlodoueo dediſſe, & arcem opidi machinis expugnauiſſe, atque milites Veſigothos, qui eam tenebant, captos Regi tradiſſe, quos omnes interfici iuſſos eſſe. tum ingentem prædam inter Aquitanici belli commilitones à Chlodoueo æquiter diuiſam, lectiſſimôſque ac fortiſſimos militum cum coniugibus & liberis in Aquitania dereliçtos, magniſque muneribus donatos, qui vrbes captas tuerentur, Veſigothôſque reprimerent. Receptâ Ecolimâ Chlodoueus finitimas vrbes ſimiliter in ditio- nem ſuam redigit, vbique Veſigothis occiſis præſidium ſuorum collocat, & poſt tantas res geſtas, omnémque Aquitaniam ſubactam, Cæſarodunum Turonum peruenit. Ceterùm ex Ecolimienſium factò intelligi po- teſt Aquitanos Catholicos, odio hæreſeos Arianz & impotentiz Veſigothorum, datâ occaſione animos nudauiſſe, & excuſſo pleroſque imperij iugo Francis Orthodoxis, à quibus non ſe, ſed Veſigothos oppugnari videbant, fauiſſe, portâſque ſponte aperuiſſe, deletis aut eieçtis præſidiis Barbarorum. quippe ſi Aquitani cum Veſigothis aduerſus noſtros conſenſiſſent, trium opu- lentiſſimarum maximarûmque prouinciæ clariffimæ ac munitiſſimæ vrbes intra annum circiter ab Chlodoueo armis occupari nequaquam videntur potuiſſe. at omnis tamen Aquitania, diuiſa in prouincias tres, quam Auctor Appendicis Chronico Viçtoris adiunctæ, ac Iſidorus in Chronico Regnum Tolofanum appellant, poſt prælium Vogladenſe à Francis Chlodouei ductu capta atque perdomita eſt. & præter prouinciã Narbonenſem primam, quæ Septimania & Gothia vocabatur, ac Narbonenſem Secundam, partémque Viennenſis, Veſigothis in Gallia nihil fuit reliqui. quamquam has quoque prouincias eis tum ademtas, Barbarôſque Arianos omni Gallia ad tempus expulſos fuiſſe videtur credidiſſe Fredegarius, apud quem inuenio, Regnum Alarici, quod mari Tyrrheno, montibus Pyrenæis, Oceano, &

fluminibus Ligere ac Rhodano continebatur, à Francis euerſum & occupatum eſſe. ad mare autem Tyrrhenum vel potiùs Gallicum prouincia Narbonenſis vtraque eſt. quare Sigebertus in Chronico ſcribit Chlodoueum, occiſo Alarico Rege, quidquid in Galliis Veſigothi poſſidebant, occupauiffe. quod de prouincia Narbonenſi prima verè dici forſitan potuit, de ſecunda non potuiſſe dici infrà apparebit. Igitur Chlodoueus, poſt ſubactam Aquitaniam, per Piſtones & Turones iter faciens, Piſtauis Baſilicam Sancti Hilarij; apud Cæſarodunum Turonum Eccleſiam beati Martini multis muneribus ditauit: vt eximiis Epiſcopis, quibus adiutoribus tantas res geſſerat, gratiam referret, votòque ſe exſolueret: atque captiuos complures cùm Clericos tum Laicos, repetentibus Aquitanicis Epiſcopis, domum remiſit. Gregorius, Hincmarus, Rorico, ac Sigebertus tradunt ad Chlodoueum, Cæſaroduni Turonum commorantem, veniſſe à Flauio Anaſtaſio Aug. legatos cum muneribus, & codicillis, quibus Conſulatus ei ob res geſtas deferreſatur. munera fuiſſe tunicam purpuream, & chlamydem, coronamque auream gemmis diſtinctam. quibus inſignibus in Baſilica atque ante ſepulcrum beati Martini ſumtis, & coronâ capiti ſuo impoſitâ, Chlodoueum equum conſcendiſſe: & à porta atrij ſupradictæ Baſilicæ vſque ad Eccleſiam vrbis, in qua gratias Deo acturus erat, triumphantis more procedentem, nummos aureos argenteosque in populum ſparſiſſe: ex eòque tamquam Conſulem & Auguſtum appellatum eſſe: & coronam hancce gemmatam poſtea horatu Remigij Petro Apoſtolo in Baſilica eius Romæ dicandam. ponendamque curauiffe. inde Luteciam Pariſiorum contendiffe, quò & Theodoricus, Albiensibus, Rutenis, Cadurcis, & Aruernis ſubactis, paullo poſt venerit, eamque captum amœnitate loci ſedem delegiſſe. cuius Principis exemplum ſecuti ſunt poſteri. neque alia tantorum Luteciæ incrementorum, & in publicis agri Pariſiorum villis, Cala, Clippiaco, Spinogilo, Roſoialo, Bonogilo, aliſque exſtructarum regiarum cauſa fuit.

Admonet me Consulatus suprafacta mentio, vt quid eo nomine Historici nostri significari voluerint, paucis doceam. Ne quis igitur putet Chlodoucum ab Anastasio Aug. Consulem fuffectum, quòd more Consulum procedentium nummos in populum sparferit; aut faltem ornamentis Consularibus donatum, quòd etiam tum multi Consularibus codicillis ab Imperatoribus honorati, insignibus honorarij Consulatus decorarentur: apud supradictos Auctores Consulatus nomine Patricia dignitas significatur. Sanè Gregorius ipse Historiæ libri II caput XXXVIII *de Patriciatu Chlodouei Regis* inscribit. & Aimoinus Monachus in libro I tradit Anastasium Principem in codicillis ad Chlodoucum missis scripsisse, sibi & Senaroribus placuisse, vt amicus & Patricius Romanorum appellaretur: versusque ab Remigio Episcopo factos, & in sepulcro eius incisos subiicit, in quibus Patricius vocatur. Sic idem Gregorius in libro V Tiberium Constantinum Aug. comitatum *Consulibus*, hoc est Patriciis, ( non enim alij tum quàm Imperatores, Consules in Fastis legebantur ) Palatium intrauisse prodit. & Carolum Maiorem domus, quem in breui quodam veterique Chronico de Vestigothorum rebus Francorum Regem, ac Patricium vrbis Romæ fuisse inuenio, Fredegarius Scholasticus ab Gregorio Episcopo Romano, aduersus Leonem Aug. ipsi ob defectionem infensum, & Liutprandum Longobardorū Regem auxilium petente, ac Imperatorias sibi partes sumente, *Consulatum Romanum* consecutum esse dicit. Quin & nepotem eius ex Pippino quoque Patricio Carolum Magnum Francorum Regem, qui, itaut Carolomannus frater, Patricius fuit, Godiscalcus in præfatione libri Euangeliorum *Consulem* appellat. Denique Albericum, *Romanum Patricium* à Frodoardo dictum, Leo Marficanus in libro I rerum gestarum Abbatum Monasterij Cassinatis *Romanorum Consulem* vocat. credo quòd Patricios, Imperatorum Patres, Confessores, & Consiliarios, primus eorum auctor ( siue is Fl. Constantinus Aug. siue quis alius fuit ) à Consulibus proximos, neque tamen annuos, sed perpetuos esse

voluit. Præterea Cassiodorus Senator in Variarum libri VIII epistolâ IX *chlamydem*, calceosque Romanos inter insignia Patriciatus, non autem Consulatus numerat. & Eginhardus scribit Carolum Magnum, petente Hadriano Episcopo, Romæ *longam tunicam, & chlamydem*, (qualia munera Chlodoueus Rex ab Imper. Anastasio accepisse dicitur) calceosque Romano more confectos induisse: tum nimirum cum subactâ omni ferè Langobardia, & obsessô Ticini Desiderio Rege, Romam contendit, & in Ecclesia Petri Apostoli, Hadriano Papa sollemnia agente, Rex Francorum ac Patricius Romanorum à populo Romano est appellatus. Neque verò mirari conuenit Chlodoucum Regem Francorum ab Anastasio Aug. Patricium factum esse. cum Odoacer, & Theodericus, alter post alterum Italiæ Reges, (ne de aliis loquar) ab Imper. Zenone Patriciam dignitatem pro summo munere acceperint. & cum Sigismundus, Gundobadi filius, Burgundionum Rex, ab Anastasio Aug. Magister militiæ Patriciusque sit factus, exemplo Gunduici aui sui, & maioris patruï Chilperici, qui sub vltimis Imperatoribus Occidentis Magistri militum Romanorum esse ac dici, quàm Reges Burgundionum appellari maluerunt. quas dignitates conferre non Imperatoribus decorum magis, quàm petere atque accipere Regibus vtile fuit, vt scilicet gentes Occidentales Imperio nominique Romano dudum assuetæ, quemadmodum pleræque tum Imperij Orientis prouinciæ, à Patriciis regerentur, & nouum Barbarorum imperium minime aspernarentur, quos Romanis officiis & dignitatibus honoratos pro Romanis essent habituræ. De Burgundia quidem illud transcurso dicendum est, non Sigismundum modò eam, sed multo post, regnante Chlothario minore Chilperici filio, Aletheum, regio Burgundionum genere ortum, Patricium habuisse: Patriciosque dictos esse Proceres, quibus Reges Francorum, qui Burgundiam tenebant, pagum Transiurensem, aliàsque Burgundiæ regiones, necnon prouinciam Arelatensem, Massiliensemque cum exercitibus ad tem-

pus regendas commisissent: quales Gregorius Magnus Romanus Episcopus in epistolis claro nomine *gloriosos viros Patricios Galliarum*; & Audoënus de vita Eligij *Burgundia Patricios* appellat.

Sed vt ad nostros reuertar, Chlodoueu ex eo tempore tamquam *Consulem & Augustum appellatum*, hoc est, vt Consulem & Augustum adoratum esse ait Gregorius. quem cum Hincmarus, Aimoinus, & Rorico, ac Sigebertus non intelligerent, nec animaduernerent appellare apud Romanos Auctores sæpe idem esse, quod salutare & alloqui: simpliciter & absolute Chlodoueu *Consulem & Augustum appellatum* fuisse dixerunt. atqui ante Gregorium ita præter ceteros locutus est Aurelius Victor, apud quem Diocletianus Aug. dicitur *adorari se appellarique uti Deum* permisisse. Ceterum eo libentius Anastasius Princeps Patriciam dignitatem Chlodoueo victori Vesigothici belli derulisse videtur, quo, ob cladem sub Sabiniano Consule & Magistro militum per Theodericum Regem acceptam, Gothico nomini erat infestior. Certè Venantio Iuniore & Celere Coss. qui annus prælium Vogladense secutus est, Anastasius & classem ad depopulandam oram Italiæ, & legatos ad Chlodoueu cum supradictis codicillis ac muneribus misit. Quamquam miror Græcos huiusce legationis nullam fecisse mentionem, nec intelligo, qua ratione legati, nisi tum Septimania à Francis teneretur, & prælium cum Iba Duce Ostrogothorum nondum commissum fuerit, tutò egredi in litus Galliæ, & ad Chlodoueu peruenire potuerint. neque enim aut per Italiam, quæ tum hostilis erat; aut per prouinciam Narbonensem secundam, quæ sub imperio Francorum non erat; aut per Illyricum tot Barbaris gentibus obseptum iter fecisse eos puto.

15VIII. Venantio Iuniore & Celere Coss. Gundobadus Burgundionum Rex foedus cum Chlodoueo metu potentiae eius iunxit, & aduersus Vesigothos belli societatem coiuit. Quamobrem Arelatum à Francis & Burgundionibus obsessum esse auctor est Cyprianus in libro I de vita Cæsarij. Ad eam urbem, tamquam ad obi-



cem cursus victoriarum Chlodouei stetit. Theodericus enim Ostrogothorum Rex, qui forsitan Francorum celebritate occupatus Alarico auxilium ferre non potuerat, timens, ne Vesigothis omni Gallia expulsi Chlodoueus bellum in Italiam trāsferret, Ibam Ducem cum copiis in Galliam misit. qui superatis Alpibus Maritimis rectā ad Arelatū proficiscitur, adortusque Francos, ampliū XXX hominum millia occidit acie. vt Iordanes, & Paullus in Historiæ Miscellæ libro XV ac Sigebertus tradunt. Eā victoriā Alarici mors vindicata: Arelatenses obsidione liberati: & ora Galliæ à flumine Rhodano ad Alpes Maritimas vsque promissa, quam Odoacer Rex Eurico Alarici patri donauerat, Regnōque Italiæ absciderat; eadem reddita atque adiuncta est: totiūque regionis imperium à Vesigothis ad Ostrogothos translatum. Auenio quoque, siue antea Alarico; siue (vt affirmat Gregorius) Burgundionibus paruerat, vnā cum castellis Druentiae impositis, & Septimania in Theoderici potestatem redacta est. Ibam hunc, Iordanes Hibbam, Isidorus alique Ebbanem vocant. eundem plerique *Theoderici Ducem*, nonnulli *Comitem* dicunt. cuius de expeditione, victoriæque ex Francis lata, loquitur Magnus Aurelius Cassiodorus, cū ait Venantio iuniore & Celere Coss. 15 VIII.  
à Theoderico missum esse exercitum, qui Gallias Francorum incursione vastatas, victis eis ac fugatis, occuparet: loquitur & Auctor breuis Chronici de Regibus Vesigothorum à Duchenio editi, in quo falsò dicitur Theodericus Italiæ Rex Alarici generi sui vindicandi causā Francos prostrauisse, & *Regnum Gothis totum restituisse*. siquidem regio vltra Rhodanum non Vesigothis, quorum fuerat, restituta est, sed in Theoderici Ostrogothorum Regis ditionem cessit: neque Aquitania Francis erepta est. Vbi notare conuenit, nec Cassiodorum Senatorem ambitiosum laudatorem Principum suorum, nec Procopium Cæsariensem istorum XXX millium cædis mentionem vllam facere. qua clade accepta, quantam ne in prælio quidem Vogladensi intulisse Vesigothis videtur, Chlodoueus omnem Aquitaniam nondum bene pacatam citius quàm subegerat amissurus

fuit. Procopius Rhetor, qui à ceteris Historicis sæpe dissentit, in libro I belli Gothici de expeditione Vesigothica totóque eo bello sic scribit : Francos, quos Germanos appellat, cum auctis viribus suis Theoderici Ostrogothorum Regis metum deposuissent, Alarico Vesigothorum Regi bellum intulisse, & ad Carcassonem opidum Volcarum Tectolagum castra fecisse : Alaricum autem coactis copiis contra eos confedisse, ibique Theodericum focerum suum, qui accersitus cum magno exercitu in auxilium veniebat, expectare constituisse. Cum diutius sese castris tenuisset, suorumque voluntati resistere non posset, indignantium agros ab hostibus impunè vastari, pugnámque seditiosis vocibus postulantium, ac per se negotium confici posse affirmantium, Regisque cunctationem secordiæ ac pavori assignantium; tandem inuitum prælio decertauisse, victumque ab Francis, & cum maxima parte suarum copiarum interfectum : & quòd Amalaricus puer admodum erat, Gefalicum, vel Gefalecum, Alarici ex concubina filium, à Vesigothis, qui prælio superfuerant, Regem appellatū esse. tum Francos partem maiorem Galliarum occupauisse, Carcassonémque, vbi gaza imperatoria & præstis ornata vasa Salomonis Regis Iudæorum seruebantur, obsedisse : mox cognito Theoderici aduentu oppugnationem reliquisse, & regiones Galliæ ultra Rhodanum iacentes atque ad Oceanum pertinentes, hoc est Aquitaniam, subegisse. Theodericum verò, quod poterat, reliquam partem Galliæ Vesigothis antea subiectam, nimirum Narbonensem primam, vel Septimaniam, & Prouinciã inter flumen Rhodanum ac Alpes positam recepissee, & thesauris Carcassone sublati Rauennam reuertisse, Gefalicóque mortuo, sub specie tutelæ Amalarici missis in Galliam & Hispaniam copiis, vtrique prouinciæ stipendium imposuisse. Quæ ferè omnia non solum nostrorum Historicorum consensio, sed etiam res ipsa arguit ac refutat. quis enim credat fieri potuisse, vt Franci, Alarico non prohibente, totam, quàm longa est, Aquitaniam peragrarent, tot flumina montesque transirent, & ad fluuium Atacem, opi-

opidumque Carcaſſonem, hoc eſt, ad fines Galliæ Narbonenſis peruenirent, & cuius metu obſidionem ſoluerant, ſub eius præne oculis omnem Aquitaniam perdomarent? Omitto Auſtorem Chronico Viſtoris adiunctum, Iſidorum Hiſpalenſem Epiſcopum, aliũque ſcriptorem Chronici de Regibus Veſigothorum à Duchenio editi, qui, vti & noſtri Hiſtorici, Alaricum Regem in agro Piſtauo à Francis fuſum acie cæſumque eſſe memoriæ tradunt. & Caſſiodoro Senatori, ac Cypriano in libris de vita Cæſarij, quàm Procopio, aſſentiri malo. è quibus Senator in Catalogo Conſulum Romanorum ſcribit Theodericum Regem, à quo ipſe Quæſtor; Conſul ordinarius; Magiſter Officiorum, Præfeſtus Præt. ac Patricius factus eſt, Venantio iunior & Celere Coſſ. non veniſſe in Galliam, ſed *exercitum* 13 VIII.  
*aduerſus Francos cõ miſiſſe.* Cyprianus eundem *Italiæ Regem miſiſſis Ducibus ſuis provinciam Arelatenſem ingreſſum* ait. Salomonis quidem Regis ſupelleſtilem Titum Veſpaſianum Hieroſolymis toties iam expugnatis anno milleſimo & XLV poſt Salomonis obitum deuexiſſe, eamque Veſigothos in vrbe Roma capta reperiſſe, & Carcaſſonem tranſtuliſſe non magis credo, quàm quod refert Cedrenus, Coſdoem Regem Perſarum, victum abſentem, atque fugientem, opes Croëſi Lydorum Regis, in opido Gazaco conditas à Cyro ante annos circiter CIOCC LX, imminente Heraclio Aug. eruiſſe, ſecũmque abſtuliſſe: & quod Procopius ipſe in libro II belli Vandalici, & Procopium ſecuti Euagrius Scholaſticus, Paullus Langobardus, ac Nicephorus Calliſtus tradunt, pretioſiſſima Templi Hieroſolymitani ornamenta ac vaſa, quæ Salomon in uſum ſactorum Deo dedicauerat, Vrbe iterum capta, Geiſericum Vandalorum Regem in Africam portaiſſe, eadẽmque à Belifario Patricio, poſt victos Vandalos & occupatam Carthaginem, in triumphum tranſlata Iuſtinianum Principem Hieroſolymitanæ Eccleſiæ reddenda curauiſſe.

Non multo poſt bellum Veſigothicum conſectũ Chlodoueus morbum ex continuatione laborum contraxit. cũmque Luteciæ Pariſiorum per annum ſerè ægrotat-

uiffet, hortante Tranquillino Archiatro, quem ars fua deficiebat, accerfiuit ex Burgundia Seuerinum Monafterij Acaunenſis Abbatem, virum ſanctitatis virtutumque fama notiſſimum, rogauitque vt pro ſalute ſua Deum precaretur. quo facto ipſe quidem diuturna febri liberatus eſt, Seuerinóque permifit, vt quos vellet vinculis liberaret, & quantam vellet pecuniam in egen- tes erogandam è fiſco acciperet. at Seuerinus, ſicut pu- to, exoratus à Rege remanſit in Francia, reliq̃aue Lu- tecia, in caſtro Nantonenſi Senonum reliquum vitę egit, ibique (vt Faſti Eccleſiaſtici docent) III Idus Februar. deceſſit, cuius in memoriã Childebertus Chlodouei filius ibidem ampliffimam Eccleſiam exſtruxit.

Poſteaquam Chlodoueus conualuit, ab externo hoſte partim domito partim pacato in ciues arma conuertit, atque vt Regnum filiis firmum relinquat, cædibus Re- gum, quos ſanguine contingebat, opes amplificat. ac primùm Chloderico clàm per certos homines perſua- det, vt Sigibertum patrem ſuum admodum ſenem ac pede debilem occidat, Regnũque eius occupet. Iu- uenis malum ſecutus conſilium parentem egreſſum Co- loniã Agrippinã, vt trans Renum in Buchonia ſilua To- ringis confini venaretur, atque in tabernaculo meri- diantem immiſſis latrunculis interficit, conſeſtimque Chlodoueam de eius morte certiozem facit. Lætus il- le nuntios iterum ad Chlodericum mittit præmonitos, quid fieri vellet, ab quibus Chlodericus, dum patris theſauros exponit, quorum partem Chlodoueo promi- ſerat, manũque in arculam aureorum plenam demit- tit, vt erat cernuus, à tergo ſecuri capiti infixæ occidi- tur. Chlodoueus, qui cœptorum exitum opperiens per flumen Scaldem nauigabat, vtriuſque morte cog- nita Coloniam Agrippinenſem contendit. cò cùm ve- niſſet, populum ad concionem vocat: docet Sigibertum à Chloderico filio, Chlodericum non multo pòſt ab alio quodam interemtum: affirmatque ſe amborum cædis ignarum fuiſſe, neque enim (quod facere nefas ſit) ſe in cuiuſquam propinquorum ſuorum necem du- rare. poſtremò vniuerſos hortatur, vt quoniam Rege ac

defensore egeant, in defuncti locum se substituant. Magnis acclamationibus & plausibus populi oratio Chlodouei excepta est, statimque impositus scuto Rex appellatur, & Regnum Sigiberti, hoc est Coloniam Agrippinam, ripamque Gallicam finitimam, ac regionem a Reno ad flumen Fuldam & Toringiæ fines usque promissam sine pugna occupat. Hic non possum non mirari, quod Gregorius Turonicæ Ecclesiæ Episcopus, enarratis, quæ de Sigiberto ac Chloderico supradixi, subiiciat Chlodouicum beneficio Dei quotidianis de hostibus victoriis fines Regni ampliavisse, propterea quod rectissimâ voluntate esset, & (ut ipse loquitur) faceret quæ Deo placerent. tamquam aliquis ob cædes infantium & cognatorum suorum, & ob fraudes ac latrocinia gratus Deo esse acceptusque possit.

In Chararicum Regem expeditio haud maioris molis fuit. Hic accersitus à Chlodoueo aduersus Syagrium, procul cum suis copiis constiterat euentum pugnae speculaturus, ut cum victore foedus iungeret. cuius perfidiæ atque iniuriæ memoriâ post annos amplius IIII ac XX nondum depositâ, Chlodoueus Chararico bellum intulit, hominemque quamuis versutum & callidum dolis circumuentum unâ cum filio cepit, ambosque victos ronderi, & alterum Presbyterum, alterum Diaconum ordinari iussit, deinde quod contumeliæ impatientes minabantur se, postquam capilli recreuissent, ipsum interfekturos, vtriusque capita frustra prius rasâ abscindi imperauit, Regnumque eorum ac thesauros occupauit. Ex quo intelligitur ambos patrem filiumque, quacumque in Galliæ regione regnauerint, Christianos fuisse. non enim postquam ab Chlodoueo capti sunt, baptizati esse dicuntur, & Idolorum cultores Clericos fieri non potuisse nemo infirmabitur.

Regnabat tum in vrbe Camaraco finitimisque vltra flumen Suminam pagis Ragnacharius, ab Hincmaro Raganarius, à Roricone Ragnerius, ab aliis Ragenharius & Ragneharius dictus, Chlodouei cognatus & aduersus Syagrium Ægidij filium commilito, homo patriæ superstitionis tenax, & adeo in venrem præceps, vix

ut se à propinquarum corporibus abstineret: habebátque Faronem vnicum amicum & consiliarium, nulla re magis quàm morum similitudine sibi coniunctum, quocum, quidquid sibi muneris datum esset, partiri consueuerat. quibus rebus cùm grauiter Francos ei parentes offendi comperisset Chlodoueus, occasione vsus quoddam è Leudibus Ragnacharij (sic Gregorius vocat populos, ac Proceres eius ditioni subiectos) armillis & balteis ex ære inaurato ad prodicionem sollicitat, armatusque Regnum eius intrat. Ragnacharius coactis similiter copiis ad certamen se parat, exploratoresque, quos speculatum miserat, reuersos interrogat, quantus hostium esset exercitus. hi corrupti à proditoribus respondere: tibi Faronique tuo maiores sunt copię. Quibus verbis confirmatus Ragnacharius in aciem descendit, superatusque proelio cùm fugam capeßere intenderet, à proditoribus comprehenditur, ac religatis post tergum manibus vnà cum Richario fratre suo ad Chlodouicum adducitur, illususque ab Chlodoueo quærente, quare degener & oblitus regię stirpis se vinciri passus esset, nec tantam ignominiam voluntaria morte occupauisset, ab eodem securi capiti infixâ occiditur. Richarius, ne frater fratrem defereret, eadem bipenni percutitur, adiectis verbis: si auxilium fratri tulisses, victus ille non fuisset. Faro captus & interfectus est. Tum deprehensa fraude proditores Regem adeunt, queruntur æs inauratum pro auro se accepisse. quibus ille, ut erat meditatus, respondit meritò tali auro donatos esse voluntarios dominorum suorum proditores: vitam ipsis sufficere debere, quos ob perfidiam excruciatos necari oporteret. Fulminati hacce miseri exprobratione se humi prostrauere, & nihil ampliùs præter vitam veniàmque petere dixerunt, atque ita derisi discessere. Omittere non possum, quod ait Rorico Monachus Gregorij verbis non intellectis deceptus, *Francos superiores* (ita Francos Ragnachario parentes vocat, credo quòd Septemtrionalia Gallię tenebant) Ragnacharium *ob nefandum crimen & scelus horrendum* suppliciis Sodomitæ expiandum, hoc est, ob vsum puerorum exosos

esse. Quod verò addit eos Chlodoucum in Ragnacharij bellum impulisse, idem vetus Auctor Historiæ Franciæ, Theoderici Merouingorum Regum penultimi æqualis, & Aimoinus in libro primo scribunt, nimirum primores Francorum Ragnacharij imperio subiectorum, Regi suo ob libidines ac desidiam infestos, missis clam nuntiis Chlodoueo promississe, si pretium operæ esset, & Ragnachario bellum inferre vellet, se ad ipsum armatum citra prælium transituros, & Ragnacharium viuum tradituros esse. quibus Chlodoueus, vt libentiùs exsequerentur quæ obtulerant, pro auro æs inauratum miserit, moxque cum copiis Regnum Ragnacharij ingressus sit. quem ego Ragnacharium existimo, cum in vrbe Camaraco quondam à Chlodione Francorum Rege capta regnauerit, Chlodionis pronepote[m] fuisse. Regnabat in vrbe Cenomanis Regnomeris, aliis Rignemirus, aliis Ragnimitus dictus, qui ne Ragnacharij & Richarij fratrum suorum mortem vlcisceretur, iussu Chlodouei Regis interemtus est, singulorumque regna & thesauri vni cessere. Eum in modum interfecit præter supradictos Principes multis aliis Regibus, & propinquis suis, Chlodoueus quidquid Francis subiectum erat, nimirum pagos Germaniæ Transrenanæ complures, & partem maximam Galliarum occupauit, atque ita prouidit, ne quisquam in Francia regnaret, qui ipso mortuo liberis suis, tum excepto Theodorico admodum iuuenibus, bellum inferre aut Regnum adimere posset. Idem tamen, vt erat callidus, adstantibus Optimatibus Francorum & populo, qui ex more iussi conuenerant, dixisse fertur miserum se, qui destitutus, tamquam hospes & peregrinus, inter externos in aliena terra remansisset, amissis propinquis omnibus suis, à quibus in rebus aduersis adiuuari posset. quod ideò dicebat, vt si quis superesset longa ipsum cognatione contingens, affectata orationis simplicitate deceptus sponte se proderet, professusque stirpem regiam ac propinquitatem Chlodouei interimeretur.

Dum in Septemtrionali Gallia dolo res geritur, ad Meridiem virtute certabatur. Fusos fugatosque ab Iba

Qq iij

- Theoderici Ostrogothorum Regis Duce Francos supradiximus. sæpe postea inter Theodericum, & Chlodoucum eiusque filios graui bello & variâ victoriâ de Gallia, nimirum de ea parte, quæ inter Alpes Maritimas & Pyrenæum interiacet, pugnatum esse ex verbis Leontij ad Theodebaldum Francorum Regem apud Procopium cognoscimus, *nec umquam* (vt ait Iordanes) *dum vixit Theodericus, Goshi Francis cessere*. Quippe Importuno V. C. Consule Mammo quidam, *Dux Gothorum*, hoc est Ostrogothorum, à Mario in Chronico dictus, partem Galliæ, quam Chlodoueus Vesigothis ereptam occupauerat, depopulatus est. & Boëthio Cos. Gundobadus Rex Burgundionum, Chlodouei tum socius & amicus, quem Senator Gundibadum, Marius Gundobagaudum appellat, Narbonem Martium cepit ac diripuit, victo fugatoque Gefalico Rege. qui tantâ acceptâ clade cum turpiter Barcinonem se cõtulisset, Hoericumque in Palatio interfecisset, ob ignominiosam fugam (vt ait Isidorus in Chronico) à Theoderico Ostrogothorum Rege Regno spoliatus est. Quamquam Theodericus ipse apud Cassiodorum Senatorem in libri V epistola XLIII Gefalicum propterea pulsum scribit, quod dum à se foueretur, hostibus suis, hoc est Francis, clandestino fœdere esset adiunctus. Et ille quidem vir, nescias infelicior, an inertior, ab Iba Theoderici Regis Duce Hispaniæ finibus expulsus in Africam perfugit. vbi à Thrasamundo Vandalorum Rege Theoderici sororis viro non impetratis, quæ petierat vt in Regnum restitui posset, auxiliis, sed acceptâ tantummodò pecuniâ, Aquitaniam petiit, in qua annum vnum permissu Chlodouei latuit. postremò cum Francorum copiis ingressus Hispaniam obuium habuit supradictum Ibam, quem Auctor Appendicis Victoris Chronico infert pro Hebbane Helbanem; Paullus Hippam vocat. Igitur commisso prælio ad duodecimum à Barcinone milliarium funditur fugaturque Gefalicus, captusque trans Druentiam flumen Galliæ, cum ad Burgundiones confugeret, Felice & Secundino Coss. quarto regni sui anno interficitur. Quas ob victorias Ibam *virum Spe-*



*etabilem, Ducem bello clarum & gloriosum*, suisque factis commendabilem apud Senatorem in libri IV epistola XVII ad eum scripta appellat Rex ipse Theodericus.

Interea Chlodoueus Francorum Rex, oblatam sibi rei bene gerendæ facultatem ratus, Indictione III Boëthio solo Consule magnas copias, quæ Arelatum obsiderent, misit. Et iam Franci agris Prouinciæ igne & ferro vastatis urbem oppugnabant, atque ad vltimum inopiæ opidos adduxerant: cum venire missi à Theoderico cum exercitu Duces, in his Tolum, vel Tholuit Ostrogothus, postea ab Athalarico Rege Patricius factus, & in affinitatem receptus. quorum aduentu Franci primùm à ponte nauali flumini Rhodano imposito; deinde ab vrbe repelluntur, & Arelatenses iterum obsidione liberantur. Eo Gallicanæ expeditionis exitu lætus Theodericus muros ac turres urbis huius de se tam bene meritæ pecuniâ suâ refecit, & Prouincialibus ob recentem calamitatem agrorumque suorum populationem; Arelatensibus ob fidem sibi exhibitam in annum sequentem Indictionemve quartam tributum remisit, ac insuper frumentum gratuitum præbuit. Eodem anno Indictione IV Felice & Secundino Coss. non, ut ait Auctor supradictæ Appendicis, Probo Coss. Gelasius Vesigothorum Rex ab Iba Duce victus interficitur, ut antè diximus. post quod factum Theodericus Ostrogothorum Rex sub specie tutelæ Amalarici pueri nepotis sui Regnum Vesigothicum occupauit, atque annos XV, quamdiu superuixit, Galliæ & Hispaniæ prouincias, quæ Vesigothorum Regibus paruerant, absens administravit: & Galliæ quidem Petrum Marcellinum Felicem Liberium V. C. & Illustrem Præfectum Prætorij Galliarum atque Patricium; Hispaniensi autem exercitui, & tutelæ Amalarici Theudim Armerum suum præposuit: & pecunias ac stipendia ex his prouinciis Rauennam ad se quotannis à Quæstoribus deportari iussit. quare inter Vesigothorum Reges ab Alarico maiore vndecimus numeratur. Quæ fecisse Theodericum existimo non tam impulsus cupidine profe-

rendi fines, quàm quòd Amalaricum puerum admodum consilio & auxilio suo plurimùm egere, nec nisi armis & viribus suis regnum aduersus Francos defendere posse intelligebat.

Tum quidem pacem cum Gundobado Burgundionum Rege fecisse videtur Theodericus, & certis cum eo finibus Prouinciam diuissse: quam ob id Auitus Viennensis Episcopus, in epistola ad Faustum & Symmachum Senatores Vrbs, *Prouinciam præfixis Regnorum terminatam limitibus* appellat.

1041. Felice & Secundino Coss. Chlodouei Regis iussu  
 XXXII Episcopi in Aurelianensi vrbe conuenere, & de quibus ab eo consulebantur Ecclesiæ Gallicanæ rebus egere. Synodo præfuit, primusque subscripsit Cyprianus Episcopus Burdigalæ Metropoleos, is qui Concilio apud Agatham Messalla Consule permissu Alarici Regis Veligothorum habito interfuerat, secundusque subscripserat. Interfuere Episcopi vtriusque Aquitanie, & Nouempopulorum; prouinciarum Lugdunensium tertiæ, secundæ, atque Senoniæ; & Belgicæ secundæ. in his viri sanctissimi, & omnium virtutum gloriâ celeberrimi, Gildaredus, vel Gildardus Rotomagensis Ecclesiæ Metropolitanus; Quintianus Rutenicus; Euphrasius Aruernicus; Heraclius Parisiacus; Lupus Sueffionicus; Camillianus Tricassinus, à quibusdam corrupto nomine Camelianus dictus; Auentinus Carnutenus, successor Sollemnis eius, qui Francos fidem Christianam laboriosissimè edocuit, multosque ad veram religionem perduxit; & Melanius Redonicus, quo auctore Chlodoueus Rex multas Ecclesias partim nouas extruxisse, partim dirutas aut vetustate collapsas refecisse, Monasteria excitauisse, egentes pauisse, ius cuique suum seruauisse, Dei seruis, cuiuscumque essent ordinis, honorem habuisse, atque diuinum cultum pro viribus amplificauisse dicitur. Quo magis miror, cum Episcopi prouinciæ Belgicæ, nimirum Lupus Sueffionum, Hedybius Ambianorum, Sophronius Veromanduorum, Libanius Siluanectum, in vrbem Aurelianos conuenerint; Remigium eiusdem prouinciæ Metropolitanam,

litam, Chlodouei Regis amicum & Consiliarium, ac Francorum (vt ita loquar) Apostolum; & Vedaſtum Atrebatum Episcopum ſanctæ tot tantorûmque Sacerdotum Synodo non interfuiſſe: atque neminem vnum de Episcopis Belgicæ primæ, & ſuperioris, inferioriſque Germaniæ, quæ tres prouinciæ tum ſub imperio Chlodouei erant, eò ſe contuliſſe. Sacerdotes, poſtquam de rebus Eccleſiæ profuturis egerant, VI Idus Iul. Felice V. C. Conſule ſtatutis ſubſcripſere, & ad Chlodouicum, quem *Dominum ſuum, Catholica Eccleſia filium, gloriſſimum Regem* appellant, legatos cum litteris miſere petiſſe, vt Synodi decreta, ſi tamen iudicaret recta eſſe, conſenſu & auctoritate regia confirmaret, & pro ſua fide ac religionis Catholicæ colendæ cura à populis ſuæ ditionis ſeruanda curaret. in Canone v ſupradicti Concilij oblationum & agrorum, quos Chlodoueus Rex Eccleſiis contulerat, fit mentio.

10XL

Paucis poſt diſmiſſum Concilium menſibus Chlodoueus Luteciæ Pariſiorum deceſſit, anno ætatis quinto & quadrageſimo, regni triceſimo, poſt prælium Vogladenſe quinto ſemipleno, Felice & Secundino Coſſ. atque quatuor filios, ex vno etiam nepotem, ſuperſtites reliquit, & in ſacrario Baſilicæ Sanctorum Apoſtolorum, quam ipſe paullo antè hortatu coniugis exſtruxerat, Canonicisſque attribuerat, humatus eſt. vir, cui ad augendas Francorum opes ſtabiliendûmque Regnum nec fortitudo cum felicitate coniuncta, nec calliditas deſuit. meritò vt Gregorius in Præfatione libri v Hiſtoriæ, dum in bellum ciuile Sigeberti ac Chilperici inuehitur, Chlodouicum *caput*, hoc eſt initium, *victoriarum* Regum Francorum, & alio in loco *Magnum* appellet; Remigius, in epiſtola ad Heraclium, Leonem, & Theodoſium Episcopos, *præcellentiſſimum Regem, regionum præſulem, gentium triumphatorem*. qui etiam in alia epiſtola, in qua mæſtum eundem ſororis morte conſolatur, *vigorem prouidentia eius ingenita*, hoc eſt, innatæ prudentiæ laudat. Sepultus eſt Chlodoueus in Baſilica Apoſtolorum v Kalendas Decembres, vti docent duo vetera Kalendaria manuſcripta eius Eccleſiæ, in quibus

10XL

v Kal. Decembr. *depositio magni Regis Chlodouei* notatur, quam depositionem, siue humationem hodiè que ibidem eo die anniuersariis precibus celebrari constat. Gregorius in libro Historiæ II Chlodoueu morte functum scribit anno vndecimo postquam Licinius factus erat Turonicæ Ecclesiæ Episcopus, atque à Martini obitu ad Regis mortem annos CXII computat. idem tamen, in fine libri X atque operis sui Turonicos Episcopos ordine enumerans, Briccio, vel Bricchioni Martini successori Episcopatus annos XLVII; Eustochio XVII; Perpetuo XXX; Volusiano VII; Vero XI; Licinio XII, ac menses ferè III assignat. itaut si Sacerdotij Licinij anno XI Chlodoueus decessit, à Martini morte ad eius interitum annos esse CXXIII oporteat. Præterea ab Attici & Cæsarij Consulatu, quo anno (non autem, vt Prosper scribit, Stilicone & Aureliano Coss.) Martinum octogenario maiorem obisse tradit Gregorius, ad Felicem & Secundinum Coss. siue ad Chlodouei mortem anni sunt non CXII, sed CXIV. Quod porro ait Gregorius, Licinium Andecauum Ecclesiæ Turonicæ præfuisse, tum cùm Chlodoueus Cæsarodunum Turonum Vesigothis victis intrauit, verum quidem esse potest. sed quod dicit, vndecimo Episcopatus eius anno Chlodoueu decessisse, haud dubiè falsum esse debet. quippe Messalla V. C. Consule Verus Turonicam adhuc Ecclesiam regebat, sicuti ex Synodo apud Agatham permissu Alarici Regis habita intelligitur. à Messalla autem & Arcobindo Coss. Felicis & Secundini Consulatus annus est quintus. itaut Licinius, tamen Messalla Cof. sub finem anni pulso Vero Episcopatum inierit, tamen Felice & Secundino Coss. cùm Chlodoueus obiit, annum Sacerdotij quintum transgressus non fuerit. Nemini autem mirum videri debet, quod ait Gregorius, Chlodoueu anno ætatis quinto & quadragesimo, regni tricesimo è vita excessisse, ac nihilominus Theodbertum ex Theodorico filio suo nepotem pulchrum & iam tum strenuum reliquisse superstitem, qui anno quinto post eius mortem à patre aduersus Danos cum exercitu missus sit. Nam si Childericus non am-

cccxc.  
vii.  
cccc.

15XI.

15VI.

15VI.

15XI.

plius XXIV regnavit annos, quorum pars sunt octo exsilij eius anni, atque si idem anno octavo, quàm pulsus fuerat, restitutus in Regnum mox Basinam duxit uxorem, Chlodouécumque ex ea tulit: apparet Chlodoueuum, cùm paterno Regno successit, XV tantùm annos natum fuisse, quibus adiecti triginta imperij Chlodouei anni annos solummodò quinque & quadraginta conficiunt. Theodoricus verò, Chlodouei ante ductam Chrothildem ex concubina filius, cùm patrem amisit, annos XXVIII habere potuit: Theodebertus, Theodorici ex iusta & legitima uxore filius annum duodecimum tum agere potuit, itaut quinto pòst anno copias duceret. nisi si negare quis velit hominem masculum anno ætatis septimodecimo generare posse. Sigebertus in Chronico, quo nihil fere est in temporum notatione confusus, anno II post Synodum Aurelianensem, Christi DCXIV Chlodoueuum decessisse tradit.

Non alienum erit hoc loco subiicere versus, quos Remigium Remorum Episcopum fecisse, & tumulo Chlodouei inscripisse haud falsò forsitan ait Aimoinus: in his enim Chlodoueus *felix meritis* dicitur, vt à Remigio in duabus epistolis *Dominus illustris meritis*, item *Dominus insignis & meritis magnificus Chlodoueus Rex* appellatur. Versus tales sunt.

*Diues opum, virtute potens, clarisque triumpho  
Condidit hanc adem Rex Chlodoueus, & idem  
Patricius magno sublimis fulsit honore.  
Plenus amore Dei, contempsit credere mille  
Numina, quæ variis horrent portenta figuris.  
Mox purgatus aquis, & Christi fonte renatus.  
Fragrantem gessit infuso Chrismate crinem:  
Exemplumque dedit, sequitur quod plurima turba  
Gentilis populi, spreto quæ errore suorum  
Auctorem est cultura Deum, verumque parentem.  
His felix meritis superavit gesta priorum,  
Semper consilio, castris, bellisque tremendus:  
Hortatu Dux ipse bonus, ac pectore fortis:  
Instruètas acies firmavit, in agmine primus.*  
Quibus in versibus virtutem ac fortitudinem Chlodouei  
Rr ij

uei, agmen ducere & inter primos dimicare soliti, prudentiam, felicitatem, naturalem quamdam eloquentiam, quoties milites alloqui & ad pugnam hortari oportebat, non immeritò laudari fateor. Vna est, in qua iure culpetur, prolatandi Regni libido. Quippe Chlodoueus causas bellorum ex interminata auuiditate animi finitima quæque tenere cupientis plerumque accersuit, & omnem occasionem promouendorum imperij finium quamuis iniustam auidè semper attripuit. præterea inerat in eo Principe plurimum Germanæ feritatis, adeò vt non minùs propinquis quàm hostibus perniciosus fuerit. Primus ille omnium Franciæ Regum, vt Francicum Regnum in Gallia, sic potentiam inter populares valdè auxit suam. neque enim successores eius prædæ partem cum militibus suis æquo iure sortitos, aut in conciliis à populo Duces delectos fuisse legimus. quod vtrumque regnante Chlodoueo factum esse vrceus Remensis Ecclesiæ in fine superioris libri memoratus, & Remigius Remorum Episcopus in epistola ad Chlodoueam ipsum missa docere videtur his verbis. *Rumor ad nos magnus peruenit administrationem vos secundum rei bellicæ suscepisse. Non est nouum, ut cæperis esse, sicut parentes tui semper fuerunt.* quibus verbis nihil aliud ( nisi fallor ) Remigius indicat, quàm Chlodoueam Regem in Campo Martio delegatam sibi iterum à populo armato curam magni alicuius belli, summamque imperij suscepisse.

Ceterùm notandum est, quod in libro II ait Gregorius, Chrothildem Reginam post Chlodouei viri sui obitum Turonos, hoc est Cæsarodunum Turonum se contulisse, vt Basilicam Martini, cuius memoriæ magnum honorem habebat, adire frequentiùs posset, ibique, quamdiu vixit, summâ pudicitæ & benignitatis famâ moratam esse, raróque Luteciam Parisiorum venisse. Quamquam idem Gregorius in Historiæ libro III tradit Chrothildem viduam *Parisiis moratam* esse, eaque in vrbe Chlodomeris Regis filios nepotes suos, patre orbatos educauisse. Adicit eam ita se post viri mortem gessisse, vt omnibus venerationi esset: castitatis & pudici-

tiæ magnam curam habuisse: nocturnis precationibus in Ecclesia agi solitis interfuisse: egentibus benignè fecisse: Ecclesiis, Monasteriis, & quibusque locis sanctis prædia, quorum Clericos & Monachos indigere animaduertat, largè contulisse: ac se non tam Reginam, quàm humilem Dei ancillam esse meminisse, quæ nec Regno filiorum, nec potentia sua, nec amplissimis opibus ac possessionibus insoleceret. Chrothildis autem, cùm puella admodùm Chlodoueo nupserit, annum regni duodecesimum agenti, & annos duodeuiginti cum eo vixerit, anno ætatis circiter XXXVI virum videtur amisisse. quam Francorum Reginam, Burgundionum Regis filiam, Anna verè Felix Augusta Francorum Regina, regio Ducum Burgundiæ genere orta, cùm in aliis; tum in circumeundis ac locupletandis Ecclesiis vidua viduam imitatur.

Initio eius anni, quo Synodus apud Aurelianos habita est, vt ait Sigebertus, hoc est, Felice & Secundino 10XI. Coss. tertio Nonas Ianuarias Beatissima Genouefa Parisiorum patrona decessit: femina professione virginitatis venerabilis, nec minùs vitæ quàm pudicitie integritate sancta. cuius & virtutes viuæ admirata Lutecia est, & cælo receptæ præsens auxilium contra febres, nimiosque imbres ac siccitates experitur. Sepulta est in Basilica Apostolorum, nonnumquam à Gregorio Basilica Sancti Petri dicta: quam ob id postea *Ecclesiam Sancti Petri, & S. Genouefa* coniunctim; sæpe etiam simpliciter *Ecclesiam S. Genouefa* appellauerunt. Genouefam natione Francam fuisse nomen Germanicum docet, compositum vt Genobaldus, Marcouefa: siue eius maiores à Romanis bello capti, & in vico agri Parisiaci Nammetoduro vel Nemptodoro collocati fuerant: siue sponte patriâ relictâ ibi confederant, atque inter Gallos Gallicis moribus & ritibus assuescendo, cultum idolorum Christiana religione mutauerant. Aimoinus Monachus Genouefam Virginem, natam Honorij & Theodosij minoris principatu, atque ab Germano, Autessiodurenfi ciue & Episcopo, in Britanniam proficiscente consecratam, post parentum suorum obi-

cccc-  
xxix.

tum, regnante Childerico Luteciam Parisiorum commigrauisse tradit, ibique usque ad Childebertum & Chlotharium Reges vixisse. at octogenariam obisse Genouefam præter ceteros Sigebertus scribit: & à morte Honorij Aug. ad Chlodouei Genouefæque obitum anni sunt LXXXVIII: vt non computentur anni, quos & Honorio Principe, & Childeberto ac Chlothario regnantibus Genouefa vixisse super apud Aimoinum dicitur. Sed & quidam à Villico Carnuteno Episcopo, non à Germano, (vt Vsuardus & Aimoinus produnt) sacro velamine capiti imposito, Deo dicatam Genouefam tradunt. certè Germanum vnà cum Lupo Tricassino Episcopo Florentio & Dionysio Coss. hoc est annis LXXXIII ante Chlodouei & Genouefæ mortem, in Britanniam traiecisse reperio in Fastis Tironis Prosperi Aquitani, quem tamen Beda non sequitur. Præterea Auctor libri de vita Genouefæ Virginis, multo antequàm Childericus in parte Galliarum regnaret, nimirum Placidi Valentiniani principatu Luteciæ Parisiorum confedissee eam putat. siquidem cum Attila in Gallias irrupisset, omnesque perterriti fugâ sibi consulere pararent, sanctam Virginem conuocatis opidanis persuasisse ait, vt ieiuniis, peruiigiis, ac precationibus Deum iratum placarent, domiquè remanerent. nam vrbes, quas insulâ suâ munitiores existimarent, & quò se ac sua conferre statuissent, expugnandas ab Hunnis, & Barbarorum sæuitiam ac auaritiam experturas esse: Luteciam saluam & intactam fore. ab Attilæ autem aduentu in Galliam ad Chlodouei & Genouefæ obitum anni sunt LXI. mirum vt sit ac pæne incredibile puellam, vix annorum viginti, virorum se circulis inferuisse, atque de fuga cogitantes auctoritate sua ab incepto deteruisse. Denique quis non miretur eundem Auctorem affirmare, Genouefam ob merita atque virtutes Childerico Francorum Regi, Comitibusque Childerici tantæ venerationi & amoris fuisse, vt ei Rex (quod & Chlodoueus fecisse veriùs dicitur) damnatorum supplicia condonauerit, cum non solum Childericus idola coleret, sed etiam Chlodionis & Merouei exemplo



Samarobriæ Ambianorum; (vti ait Rotico) non autem Luteciæ Parisiorum habitaret: quam urbem à Chlodoueo eius filio primo nostrorum Regum, post fufum acie cæfúmque Alaricum, fedem delectam dicit Gregorius. à quo ita diffentit Auctor libri de vita Genouefæ, vt non modò Luteciam Parisiorum diu obfeffam, habitante ibi Genouefa, ac tandem captam effe à Childerico Rege Francorum; (quod verum effe potest) fed etiam fedem Regni statutam fcribat.





# HADRIANI VALESII

## RERVM FRANCICARVM LIBER SEPTIMVS.



**M**ORTVO Chlodoueo Francorum Regi quatuor filij successere: quorum cum ætate corporis animique virtutes in tantum adoleuere, vt pro vno quatuor Chlodouei Francis dati esse viderentur. quippe sicut eorum pater Alamanniam Sueuiamque subegerat, & Aquitaniam Vefigothis eripuerat: sic ipsi Regna Toringorum, & Burgundionum, validissimarum gentium, sub imperium suum ditionemque subiungere. Maior natu Theodoricus vocabatur, quem Chlodoueus, antequam Chrothildem vxorem duceret, ex concubina susceperat. tres alios, nimirum Chlodomerem, Childebertum, & Chlotharium, ex Chrothilde vxore genuerat. Hos Agathias, in libro primo rerum auspiciis Iustiniani Aug. gestarum, *Childebertum*, *Chlotharium* vel *Lotharium*, *Theudericum*, & *Chlothomerum*, suo quemque nomine, sed non seruato ordine natalium appellat: minimum enim natu Chlotharium maximo præponit. At Iordanes manifesto errore tres tantum filios Chlodoueo fuisse putat. sic enim in libro de Origine Gothorum scribit, Theo-

Theodericum Ostrogothorum Regem, post victum & interfectum Odoacrem, postque occupatum Regnum Italix, Audefredam Chlodouei filiam in matrimonium petiisse: quam libenter Theoderici legatis Chlodoueus tradiderit, futurum credens, vt filij sui *Ildebertus*, *Cheldebertus*, & *Tuidepertus* hac affinitate cum gente Gothorum inito fœdere sociarentur. sed non multum ad pacem atque concordiam affinitatem istam profuisse, quia sæpe propter Galliam grauiam inter se bella gesserunt. Vbi nemo non videt Ildebertum, & Cheldebertum, vnum vnus eiusdemque, nimirum Childeberti, nomen esse: Tuidepertum verò, vel potius Tiudepertum, Chlodouei ex Theodorico nepotem fuisse, non filium. itaut tres Chlodouei filij ab Iordane commemorati ad vnum redigantur. Theodoricus, cum patrem amisit, XXVIII annos habere potuit, vt supradiximus. Chlodomerus maximus Chlodouei ex Chrothilde filiorum saltem decennio minor fuit.

Igitur quatuor Chlodouei filij Regnum paternum inter se diuisere, & in ea parte, quæ cuique sortitò obtigerat, singuli regnauere. vnde factum est, vt singulæ partes, vel Regna *foris* appellarentur: quemadmodum in decretis Concilij apud Aruernos habiti, & Synodi Aurelianensis tertix vocari inuenio. Rorico Monachus, vnus ex omnibus nostris Historicis, à Chlodoueo ægro-tante, paullo antequam decederet, conuocatis Francorum Optimatibus, quorum consensu & iureiurando diuisionem approbari oportebat, Regnum inter filios diuisum esse scribit. quod Dagobertum, Chlodouei abnepotem, Regum Francorum primum fecisse, & postea (ne de Præfectis Palatij loquar) Pippinum Paruum, Carolum Magnum, ac Ludouicum Pium animaduerto. Quæ singulis vrbes atque prouinciæ sorte obuenerint, scire non possumus: cum quoddam nostri Auctores eius rei nullam mentionem faciunt: tum maximè quoddam Chlodomerus anno XIII post Chlodouei parentis sui obitum, à Burgundionibus interfectus est, cuiusque Regnum Theodoricus, Childebertus, & Chlotharius inter se partiti sunt. vnum omnino ex Frédegario Scho-

lastico, Aimoino, & Roricono Monacho discimus, Theodoricum Diuoduri Mediomatricum; aut (vt Roriconi placet) Durocortori Remorum sibi domum constituisse: Chlodomerem urbem Aurelianos regiam delegisse: Childebertum Luteciæ Parisiorum Regni sedem statuisse, à qua *Rex Parisiorum* is Gregorio dicitur: Chlotharium Augustæ Sueffionum habitauisse. Nihilominus tamen facile est intelligere falsò Gregorium tradidisse, Regnum paternum *aqua lance*, & optima fide inter fratres esse diuisum. quippe siue diuisioni & fortitioni faciendæ præpositos Theodoricus pecuniâ corruerat, siue quo alio dolo & fraude fratres suos admodum adollescentes & rerum imperitos deceperat, constat Regni paterni partem maiorem atque meliorem Theodorico natu maiori sorte obuuisse. is enim Albienfes, à quibusdam Albigenfes dictos, Rutenos, Cadurcos, & Aruernos, Aquitanorum populos, quos patris auspiciis post prælium Vogladense subegerat, præterea prouinciam Belgicam primam, superiorem inferiorémque Germaniam, Alamanniam vnà cum Sueuia, & Franciam veterem vel Transfrenanam sortitò obtinuit: itaut fines eius initium caperent à Rutenis prouinciæ Narbonensis primæ continerentur, & ad Saxoniam pertinerent. Tum primùm noua nomina ab Francis excogitata sunt, & Galliarum prouinciis imposita. Austriam, vel Austrasiam appellauere Franci partem Galliæ ad orientem Solem meridiémque spectantem, quæ Reno ac Mosa fluminibus continetur, cum Transfrenanis gentibus Francicæ ditioris partem ad Septentriones occasumque Solis vergentem, quæ inter Mosam & Ligerim interiacet, Neustriam, vel Neustrasiam, nonnumquam Neptricum vel Neptriam vocauere. Burgundiæ, & Aquitanicæ sua nomina reliquere. & Franci quidem, qui Neustriam incolebāt, Neustrasij; qui Austriam habitabant, Austrasij sunt dicti.

Recens Auctor, non tam Episcopatu quàm doctrina illustris, Nouempopulanam, vel Valconiam, & Aquitanicam primam, ac secundam, Regni Aurelianensis, quod Chlodomeri obuenerat, prouincias fuisse scribit: è quibus Nouempopulana, post Chlodomeris mortem, Chil-

deberto in partem cesserit. quod ego à tanto viro scriptum nollem. cùm Gregorius præter ceteros initio libri tertij Historiæ tradat, post quadriennium quàm Chlodoueus decesserat, apud Aruernos in locum Euphrasij Quintianum electione populi Episcopum subrogatum esse. at Apollinarem, Sidonij quondam Aruernorum Episcopi filium, impulsus à Placidina vxore, & Alcima sorore, ad Regem (nimirum Theodoricum) venisse, oblatisque multis muneribus Episcopum ordinatum esse, atque menses non amplius i v Episcopatu malè vsus obiisse. qua re cognita *Theodoricum* Aruernæ Ecclesiæ Quintianum præponi iussisse. Ex quo intelligitur Aruernos, gentem validam Aquitaniæ, (ne de Albiensibus, Rutenis, & Cadurcis loquar) anno quinto post Chlodouei mortem, hoc est octo annis ante Chlodomeris cædem, Theodorico Mediomatricorum vel Mettensium Regi paruisse, partemque Regni eius, non Chlodomeris fuisse.

Et quoniam suprà de Apollinare & Alcima mentio facta est, notare conuenit Apollinarem hunc fuisse Apollinaris Sidonij, qui primò Præfectus Urbis, & Patricius, deinde Aruernorum Episcopus fuit, filium, Auiti Augusti ex Papianilla filia Sidonij coniuge nepotem, qui in acie Vogladensi Aruernis præfuit, & ad quem sunt Auiti Viennensis Episcopi aliquot epistolæ, *Apollinari Illustrissimo, & viro Illustri Apollinari* inscriptæ, in quibus eum *Dominum & fratrem*, ac in epistola ad Euphrasium *virum Sublimem ac piissimum, fratrem suum Apollinarem, Domni Sidonij filium, Magnificumque* Auitus appellat. Hic Apollinaris, à Sidonio patre in epistola IX & XI libri v memoratus, sororem habuit nomine Alcimam, & ex Placidina vxore Arcadium genuit. vnde *Placidinam, matrem Arcadij, & Alcimam, sororem patris eius*; hoc est amitam Arcadij; Arcadium autem ipsum, *Senatorem Aruernum* in libro Historiæ III vocat Gregorius. qui & in libro de Gloria Martyrum Apollinarem vnà cum Victorio Aruernorum sexque finitimarum ciuitatum Duce Italiam petiisse tradit, Victorioque Romæ ob adulteria interfecto, comprehensum

à Romanis, ac Mediolanum in liberam custodiam missum esse: & equo fugientem, comite puero, custodes euasisse, ac in opidum Aruernos reuertisse. Arcadio, Apollinaris filio, Apollinaris Sidonij & Papianillæ nepoti, Auiti Principis pronepoti, filia fuit Placidina, quæ Leontio, homini nobilissimo prouinciæ Aquitanix, postea Burdigalensi Episcopo futuro nupsit, eique superstes fuit. vt Venantius Clementianus Fortunatus in libri I Carmine XV docet his versibus.

*Cogor amore etiam Placidina pauca referre,  
Quæ tibi tunc coniux, est modò cara soror.  
Lumen ab Arcadio veniens genitore resulget,  
Quo manet Augustum germen, Auite, tuum:  
Imperij fasces toto qui rexit in Orbe,  
Cuius adhuc pollens iura Senatus habet.  
Sed genus ipsa suum sensus moderamine vicit,  
Cuius ab eloquio dulcia mella fluunt.  
Clara, serena, decens, sollers, pia, mitis, opima,  
Quæ bona cuncta gerit, quidquid honore placet,  
Moribus, ingenio, meritum luce coruscans.  
Ornauit sexum mens pretiosa suum.*

Hic est Leontius, qui iuuenis (vti significat Fortunatus) Childebertum Regem Francorum in Hispaniam secutus est: posteaque Episcopus Burdigalæ Basilicam S. Mariæ; Mediolani Santonum in patria sua Ecclesiam extruxit: Bissonnum, Vereginim, & Præmiacum villas Burdigalenses restituit & excoluit: ac mille aureis à Chariberto Rege multatus est, propterea quòd Emericum, quem Chlotharius apud Santonos Episcopum faciendum curauerat, post Chlotharij mortem Episcopatu deiecerat. Ceterum cum ex aliis, tum ex facto vtriusque Placidinæ auix & neptis cognoscitur mulieres nobiles à viris suis libenter secubuisse, dummodò eos Episcopos viderent: vîmque omnem suam ad id contendisse. Hæc in gratiam Apollinaris Sidonij scripsimus, cuius nepotis Arcadij nobis infrà mentio facienda erit. ad rerum ordinem reuertendum est.

Grégorius Aruernus, Turonicæ Ecclesiæ Episcopus, in libro Historiæ tertio morti Chlodouei, diuisionique

Regni eius nuptias Chrothildis subtexit, quam Chlodoueus ex Chrothilde vxore suscepit: scribitque, cum Chlodouei filii multum virium & roboris esset, Amalaricum Alarici filium, *Regem Hispania* sororem eorum Chrorhildem in matrimonium petiisse, quam fratres *cum magna ornamentorum mole* ad virum in Hispaniam miserint. At cum Chlodoueus obiit, Chrothildis puella admodum infans; Amalaricus puerum adhuc & paruulus erat, vr Iordanes, Procopius, & Auctor Appendicis Victoris affirmant. nec tum ipse, sed Theodericus Ostrogothorum Rex, maternus eius auus, sub specie tutelæ Regnum Hispaniæ ac Vefigothorum obtinebat. vnde Concilij Tarracone Petro V. C. Cos. coacti, 15xvi.  
 & Synodi Gerundæ Agapeti Consulatu habitæ decre- 15xvii.  
 ris anni regni Theoderici, non verò Amalarici adscribuntur. Præterea cum nonnisi anno vndeicesimo post Chlodouei mortem Amalaricus à Childeberro Francorum Rege victus sit & interfectus: si paullo post Chlodouei parentis sui obitum Chrorhildis ei nupsset, credendum erit (id quod parum verisimile est) mulierem tamdiu scuriam viri tulisse, & post annos circiter duodeviginti de conrumeliis suis, quibus diuturna assuerudo callum obducere debuit, fratri per fidum seruum questam esse. vr omittam, quod alio in loco notabo, Merouei posteros filias, & sorores suas, virginisque stirpis regiæ non aliis quàm Regibus collocare consueuisset. quare si tum (sicuti ait Gregorius ipse) *Rex erat Hispania* Amalaricus, cum Chrothildem duxit vxorem; nonnisi Olybrio solo Cos. quo anno III Kal. Septembr. 15xxvi.  
 Theoderico mortuo Hispaniæ Regnum obtinuit; aut potius insequenti anno eam in matrimonium accepit. Ob id apud Aimoinum in libro II dicitur Amalaricus, *cum partem Regni paterni, quæ à Francis non fuerat occupata, suscepisset regendam*, missis ad Childebertum & Chlotharium legatis rogasse, vr inito fœdere sororem suam ipsi nuprum darent. Certè Amalaricum, quo tempore Alaricum parentem suum amisit, paruulum & infanrem fuisse putandum est, si post Consulatum Lam- 15xxxi.  
 padij & Orestis, hoc est anno XXIV post parris mortem,

quo anno periit, adolescens erat: vti ait Iordanes, qui in libro de Origine Gothorum Amalaricum *in ipsa adolescentia Francorum fraudibus irretitum Regnum cum vita amisisse* scribit. & ne quis sit dubitationi locus, auctor est Procopius in libro I belli Gothici post Theoderici mortem, postque subactam à Francis Toringiam, atque Burgundiam, (in qua tamen Godomarus etiamtum regnabat) Amalaricum Vefigothorum Regem, Francorum arma virisque metuentem, sororem Theodeberti Francorum Regis (Childeberti debuit dicere) in matrimonium petiisse & accepisse. Theodebertum autem, quem Theudibertum appellat, sicut suprà Iordanes, Chlodouei filiis annumerare videtur Procopius, uxorem Amalarici, quæ Chrothildis Chlodouei filia fuit, Theodeberti sororem vocando. Ceterum an præter Chrothildim alias Chlodoueus filias habuerit, dubitare quis potest. Nam (ne de Audeflada loquar) Robertus Monachus Autissiodurensis, in Chronico anno MCCX scripto, à *Theudechilde Chlodouei Regis filia*, pia Virgine Monasterium Apostolorum in vrbe Senonis exstructum ait: quod Monasterium apud Odorannum Monachum *Theuchildis Regina* dicitur excitauisse. Quæ Theudechidis, vel Theuchildis non magis mihi Chlodouei filia videtur fuisse, quàm Emmia, aut Emma pridie Nonas Octobres Martyrologio Vluardi inserta, & *Sancta Emmia, Virgo eximia sanctitatis, filia Chlodouei Regis* dicta.

Postquam Quintianus apud Aruernos in locum Apollinaris Episcopus est subrogatus, hoc est anno V vel VI post Chlodouei Francorum Regis mortem, Dani, qui sinus Codani Septemtrionale latus possidebant, oram Saxonæ Frisiæque præteruecti, Galliam classe petiuere, egressique nauibus pagum vnum de Regno Theoderici, hoc est forsitan Barauiam, igne & ferro vastauere. iamque in naues captiuos, ac omnem prædam impulerant: iam reuerti domum parabant: Rêxque eorum nomine Chochilaicus, quem alij Cochilagum appellant, expectabat cum paucis in litore, dum naues altum tenerent, ipse mox secutus. quum Theodebertus à patre suo Theodorico aduersus prædones missus



cum magno exercitu apparatusque armorum deimprovisò superuenit, qui & Regem interfecit, & Danis inopinantibus oppressis, ac nauali certamine superatis, maxima cæde facta, captiuos & prædam recepit. Vetus Auctor Historiæ Francicæ, Theodorici Merouingorum Regum penultimi æqualis, pagum à Danis depopulatum vocat Attuarias. quod si verum est, ex eo cognoscitur Attuarios, gentem Franciæ veteris Reno conterminam, si non omnes, saltem eorum partem tum in Gallia prope Riparios sedes habuisse, regionisque, in qua considerant, nomen suum dedisse. Hi sunt Dani, quos postea Nordmannos vel Nortmannos Franci vocauere, qui regnantibus Caroli Magni posteris omnem Galliam cædibus, latrocinis, ac incendiis deformauere. Danorum primi mentionem fecerunt Iordanes, atque Procopius. è quibus Iordanes eos Cogenorum, hoc est Cognorum gentis Germanicæ, stirpe ortos esse, viros proceritatis eximie, Erulòsque finibus expulisse scribit, & Scanzie suæ cultoribus adnumerat. Procopius in belli Gothici libro primo Danorum gentes prope Varnos ponit, qui à Senatore Guarni, ab Iordane Warni appellantur.

Florentio & Anthemio Coss. Theodericus Rex Italiae Amalasuentham filiam suam, quam ex Audefleda, Chlodouei Regis sorore tulerat, Eutharico Cillicæ collocauit. qui anno I f post collega Iustini Aug. factus delatum sibi à focero Còsulatam Romæ iniit, cumque in Vrbe primùm, deinde Rauennæ ludis Circensibus, venationibus, ac sparsione nummorum in populum celebrauit, atque ante Theodericum decessit, ex Amalasuentha, vxore sua liberis genitis Athalarico, & Matafuentha. è quibus Athalaricus Theoderico auo materno successit; Matafuentha Vitigi Regi, ac postea Còstantinopoli Germano Patricio nupsit. Natus erat Eutharicus in Hispania patre Veterico, vel Viderico, auo Beremundo, Thorismundi Ostrogothorum Reguli filio, qui vt Hunnorum se dominationi eximeret, patriam reliquerat, & ad Vefigothos populares suos, regnante Theodorico maiore, commigrauerat. Thorismundus autem Rex, proauus Eutharici, consobrinus fuerat Wandalarij, aui Theoderici

Italiæ Regis. Eutharicum hunc Cillicam vel Cilligam, regio Amalorum genere ortum, ac iuuenem prudentem fuisse, magnisque animi & corporis virtutibus eminuisse tradit Iordanes. incertus Auctor Chronici nuper editi asperum, & Fidei Catholicæ infestissimum eum fuisse dicit, quem in Chronico Victoris malè Heraclium; apud Marium Eutheriū pro Eutheriō appellari reperio.

10 XVI.

Petro V. C. Consule Rex Burgundionum Gundobadus decessit, superstitibus relictis Sigismundo & Godomaro filiis. è quibus tamen solus Sigismundus, Sigismundus Gregorio dictus, Regno paterno successit. cum antea in Burgundia, quemadmodum apud Francos, Regnum patrium fratres inter se diuidere, & in sua singuli parte regnare consueuissent. Vir doctissimus Sigismundum viuo patre Regis nomen obtinuisse putat, propterea quòd apud Auitum legitur epistola ad Symmachum vrbis Romæ Episcopum sic inscripta: *Epistola ab Auito Episcopo dictata nomine Sigismundi Regis ad Symmachum Papam*: Symmachus autem obiit Senatore solo Cos. ante biennium quàm Gundobadus de-

10 XIV.

cederet. & quòd Marius Auenticensis Episcopus in

10 XV.

Chronico Florentio & Anthemio Cos. anno ante Gundobadi obitum Monasterium Acauni à Rege Sigismundo exstructum dicit. Quo argumento si quid probari posset, credere nos oporteret Sigismundum, ante annos minimùm XXII quàm Gundobadum patrem amitteret, hoc est, saltem anno post Odoacris cædem, viuo ac regnante in parte Burgundiæ patruo suo Godegisilo, Regem fuisse, regniq̃ue participem & consortem egisse. cum Iordanes in libro de Origine Gothorum scribat Theodericum Ostrogothorum Regem, vbi in Italiam venit, mox finitimis Regibus Alarico & Sigismundo filias suas in matrimonium dedisse. At Auctor Chronici ab Henrico Valesio fratre meo editi melius quàm Iordanes Theoderici filiam Sigismundo filio Gundobadi Regis, non autem Regi nuptum datam ait. Regem igitur ab Auito, & à Iordane ac Mario appellatum Sigismundum existimo, non quòd viuo patre regnauerit, sed quòd Regis filius, ac postea Regni luc-

successor fuerit. Regum enim liberos Reges vocare mos erat. sic Gregorius Guntharium, & Chramnum Chlotharij Regis filios; Fortunatus in libro IX Chlodobertum & Dagobertum infantes, eius ex Chilperico nepotes, Reges appellat. sic & Brunichildis Regina Athanagildum, suum ex Ingunde filia nepotem, non priuatum modò sed exulem ac egentem, Còstantinopolim à Græcis abductum, & Childebertus Francorum Rex eundem fororis suæ filium in litteris *Dominum gloriosum Athanagildum Regem* vocat. Certè Gregorius, cùm tradit, mortuo Gundobado, *Regnum eius Sigismundum obtinuisse*, & Marius ipse in Chronico, cùm ait Petro Cos. 15XVI. Regem Gundobadum obisse, & *leuatum esse filium eius Sigismundum Regem*, ambo satis apertè indicant eum non ante patris mortem Regem appellatum esse. Quod autem scribit Fredegarius in Epitome, Sigismundum apud Geneuam in villa Quadriuio iussu patris Regem salutatum esse, id si verum est, ita intelligendum & accipiendum videtur, vt maiorem natu filium Sigismundum Gundobadus moriens solum, excluso Godomaro natu minore, à Burgundionibus Regem iusserit appellari. Eidem Sigismundo inter initia principatus Anastasius Aug. Patriciam dignitatem, atque etiam (vt existimo) Comitiam Sacrarum largitionum, vulgò Comitiam Sacrarum dictam, codicillis detulit. Quapropter Alcimius Ecdicius Auitus, Viennensis Episcopus, in epistola ad Ioannem Constantinopolitanum Episcopum, *Dominum suum Patricium Sigismundum* vocat. & in epistola ab Auito dictata nomine Sigismundi ad Imperatorem Anastasium, Sigismundus ipse *militia fascibus, Aula pollentis contubernio*, (hoc est, militiâ Palatinâ) & *veneranda Romani nominis participatione* honoratum se ab Imperatore dicit. præterea Auiti epistola XLII sic inscribitur: *Epistola ab Auito Episcopo dictata nomine Domini C. S. ad Vitalianum Senatorem*: & epistola XXXVI, ita inscripta legitur: *Epistola ab Auito E. dictata nomine Domini Regis C. S. ad Imperatorem Anastasium*, hoc est, nomine Domini Regis, *Comitis Sacrarum*, potiusquàm (vt putat vir doctissimus) *Comitis Sigismundi*. Notandum

autem est, quod Sigismundus Rex Burgundionum, apud Auitum in epistola **XXCIII**, ad Anastasium Aug. scribens, ait se gratiæ debitorem non magis parentis debitis, quàm beneficiis sibi datis factum, proauósque & auctores suos nomini Imperiòque Romano semper fuisse deuotos, & *militia titulos* ab Imperatoribus sibi oblatos magni fecisse, magisque semper ambiisse, quod à Principibus acciperent, quàm quod à patribus attulissent. Quibus verbis videtur indicare Sigismundus ab Anastasio Principe dignitatem aliquam Gundobado patri suo delatam esse, Gundiucumque auum suum, & Chilpericum maiorem patrum, Burgundionum Reges, ab vltimis Imperatoribus Occidentis, nimirum à Seuero & Anthemio Magisterium militum obtinuisse.

Florebat tum non minùs pietate quàm doctrina fupradictus Alcimius Auitus, Hefychij primùm clarissimi Senatoris, deinde Viennensis Episcopi filius, sedisque successor: Apollinaris Valentia Episcopi, & Fuscinae Virginis Deo sacratæ frater. qui, quod Gundobado persuadere non potuerat, eius filio Sigismundo initio regni persuasit, vt Ariana Hæresi damnata, Patrem, & Filium, & Spiritum Sanctum vnus eiusdemque maiestatis ac virtutis esse publicè profiteretur. quo facto, Auitus orationem apud populum habuit, cunctosque ad Fidem Catholicam inuitauit. Facile impetratum est à Burgundionibus, vt Regis sui imitarentur exemplum, & religionem Catholicam, in qua eorum maiores versati erant, eiurato errore sequerentur. Erant Sigismundo ex Ostrogotha vxore liberi, puella virgo, & Sigifricus adolescens, à Gregorio Sigiricus, ab Auito *Dominus Segifricus* dictus. è quibus prior puella Arij Hæresim damnauit, postridie Sigifricus: vt docent inscriptiones duarum Homiliarum, vel orationum ab Auito tum habitarum. Ostrogotham vel Ostrogothonem, Theoderici Ostrogothorum & Italiae Regis filiam, Sigismundi coniugem fuisse dixi, secutus præter ceteros Procopium, qui in belli Gothici libro I Theudichusam, hoc est, Theodegotham sororem Ostrogothæ, Alarico minori Vefigothorum Regi nupfisse tradit. vt ap-

pareat errare incertum Auctorem supradicti Chronici nuper vulgati, apud quem dicitur Theodericus alteram filiam nomine Areuagni (ita eam solus appellat) Alarico Regi Vefigothorum in Gallia; alteram nomine Theodegotham Sigismundo filio Gundobadi Regis collocauisse. Ceterum Burgundiones vnà cum Sigismundo Rege, eiusque liberis Anastasio & Agapeto Coss. videntur <sup>10XVII.</sup> Catholicam Fidem secuti esse. quippe eo anno, qui II regni Sigismundi annus est, Episcopi Burgundiæ Epaone conuenerunt, de antiquis regulis, & de nouis controuersis sententiam dicturi. cui Concilio præfuit, Sacerdotumque decretis primus subscripsit Alcimus Auitus Episcopus <sup>XVII</sup> Kalend. Octobr. Agapeto V. C. Consule: <sup>10XVII.</sup> subscripsisse dicitur & Pelagius Presbyter missus à Domino Salutare *Episcopo ciuitatis Auennica*, nisi si potius, vt puto, Episcopus ciuitatis *Auentica* is fuit, nam Auenticum Burgundionum Regibus parebat. Auenionem autem Senator in Variarum libri III epistola XXXVIII docet Theoderici tum fuisse.

Magno solo Cos. Anastasius Aug. decessit. quo mortuo <sup>10XVIII.</sup> Amantius Præpositus sacri cubiculi, magnâ cunctus potentiâ Iustinum Comitem Excubitorum accersit, ingentemque ei pecuniam dat, militibus Theocriti nomine dispertiendam. qua ille pecunia Imperium sibi quàm alij emere maluit, atque à populo & ab Excubitoribus largitione deuinctis VII Idus Iul. Imperator est consalutatus, vxorem eius coronatam & Augustam nuncupatam, pro Lupicia vel Lupicina, quod nomen inhonestum ac indecorum videbatur, Euphemiam Constantinopolitani vocauerunt. Erat Iustinus natione Thrax, vel potius (vt ait Victor) Illyricianus. quippe Agathias in libro V Bederianam eius patriam *urbem Illyricam Bederianam* vocat: à qua apud Auctorem Chronici Alexandrini Iustinus Bendarites mendosè cognominatur, cum dicendus sit Bederianites. & Iustinianum, sororis eius filium, natum ait Procopius in quodam loco Dardaniæ Europæ Illyrici prouinciæ dicto Tauresio; alij in vrbe Pelagoniæ Achride, quæ regio Macedoniæ Illyrici quoque prouinciæ attribuebatur. Iustinum, ob-

securissimis parentibus genitum , primò pastorem ac  
 suarium fuisse scribit Zonaras, deinde inter gregarios  
 milites stipendia meruisse, tum per omnes militiæ gra-  
 dus ad Senatoriam dignitatem , & ad Comitum Ex-  
 cubitorum , ac tandem ad Imperium peruenisse. Quo  
 libentiùs credo , id quod Euagrius Scholasticus, Syrus  
 Epiphanensis , in Historiæ Ecclesiasticæ libro IV tra-  
 dit, Iustinum , senem ignotæ originis , tam libera-  
 lium studiorum expertem , ut nomen scribere nesci-  
 ret, præter spem cum suam tum ceterorum omnium  
 Imperatorem factum esse, prælarumque multis Anasta-  
 sij Aug. propinquis opulentissimis, potentissimisque, ac  
 ætate florentibus , in primis Hypatio, Pompeio, & Pro-  
 bo, genere consobrinis, & Anastasij sororum filiis, Con-  
 sularibus viris, & Patriciis. è quibus Hypatius autunculi  
 sui Anastasij Aug. principatu Magister Præsentis mili-  
 tiæ, vnà cum Arcobindo Olybrij Aug. & Nobilissimæ  
 Placidie genero , Magistro militum Orientis, aduersus  
 Persas, ac deinde aduersus Vitalianum bellum infelici-  
 ter gesserat, atque anno XIV post Anastasij mortem ,  
 orta Constantinopoli seditione , à populo per vim Im-  
 perator appellatus, & rebellibus per Belisarium fufis ac  
 cæsis captus , Iustinianique Principis iussu vnà cum  
 Pompeio fratre interfectus est. Hic animaduertere li-  
 bet, Constantinopolitanos metu malorum, quæ Orien-  
 tales passi erant grauissima, Arcadio & Theodosio pue-  
 ris dominantibus, qui *delicati & luxuriosi* Principes (ut ait  
 Iordanes) *per annos ferè LX imperantes Regnum minue-*  
*rant*, post vtriusque obitum non alios quàm ætate pro-  
 uectos Imperatores creauisse. siquidem Marcianus LVIII  
 ætatis suæ anno, & Leo iam senex, & Zeno XLVII trans-  
 gressus annum, Anastasius etiam LXIII iemenfus, ad Im-  
 perij insignia viri consilio & pace optimi, nec rerum im-  
 periti peruenere. & Iustinus senex annorum LXVIII re-  
 cepit Imperium. qui petentibus Proceribus, ut Iustinia-  
 num sororis filium, XL tum circiter annos natum, in con-  
 sortium imperij reciperet, purpuram manu tangens re-  
 spondit: quin vos potius oratis, ne hoc insigne Imperato-  
 rium à me iuueni deferatur. Idem simul ac Imperiū obti-

nuit, Amantium Præpositum cubiculi, & Theocritum, quem Domesticum suū Amantius Imperatorem facere voluerat, & Andream Cubicularium, velut insidiantes sibi, vnà cum aliquot aliis in Palatio Consulatu suo & Eutharici interemit, corporaque iugulorum in Rheuma deiici iussit. cūque Apionem Patricium, Diogenianum, & Philoxenum, Magistros militiæ, iussu Anastasij relegatos, ab exilio reuocauisset, Vitalianum similiter, Patricioli filium, belli ab ipso Anastasio illati memor, ex Thracia ad se in urbem Regiam inuitauit, vt hominem Imperij cupidum, & gloria ac potentia præstantem, quoniam aliter non poterat, fraude & insidiosa simulatione amicitie deceptum opprimeret. Hunc igitur VII die quàm Constantinopolim venerat, Ducem vnus è duobus exercitibus, quos Præsentes vocant, id est, Magistrum vel equitum, vel peditum Præsentium; ac mox cum Rusticio Consulem ordinarium fecit, septimoque mense Consulatus sui in loco Palatij, quem Delphicum vocant, per Iustinianum Patricium sororis filium vnà cum Celeriano & Paulo satellitibus suis interemit. quo anno Ioannes Præfectus Illyrici, qui ante Iustinum à quibusdam Imperator electus fuerat, Heraclæ Thraciæ Episcopus est ordinatus. Tum Iustinianus, quem auunculus ex Candidato Patricium fecerat, Magister militum ordinarius est constitutus, & proximis Kalendis Ianuar. Consulatum iniit, nec multo post Nobilissimus à Senatu appellatus est, eaque appellatio Imperatoris decreto comprobata, qui tandem æger, postulantibus Senatoribus, inuitus (vt ait Victor) participem eum imperij & successorem creauit. Hæc de Iustino dicta sufficiant. in Occidentem reuertendum est.

Circa initia principatus Iustini Aug. bellum Franci Toringis intulere, quod priusquam exponam, de Toringorum Regibus pauca dicenda sunt. Toringi, quos Senator, & Græci Auctores Thoringos; Iordanes, alii-que Thuringos appellant, gens Germaniæ valida magis quàm vetusta fuere. Incertus Auctor, qui de Lantgrauis Toringiæ scripsit, & Sifridus Præbyter in Epitomes suæ libro I tradunt Meruigum quemdam cog-

natum Regis Francorum, de sententia consilioque eiusdem Regis à Toringis anno CCCCXXX Regem electum esse, qui castrum prope Erpfesfurtum extruxerit, ac Meruigiburgum suo nomine appellauerit. post Meruigum regnauisse in Toringia Basinum, à nostris Historicis Bisinum, ab Aimoino Bissinum dictum, ad quem Childericus Francorum Rex, Regno expulsus, confugerit, & cuius vxorem Basinam, quæ ipsum reuersum in Franciam secuta erat, in matrimonium acceperit, ex qua Chlodouicum, tresque filias, nimirum Audefredim, Lanthildim, & Albofredim tulit. Bassino successisse Irmenfridum, qui non sororem Theoderici Regis Francorum, (vt aiunt) sed sororis Theoderici Ostrogothorum Regis filiam vxorem duxit. Hic est Irmenfridus, quem Procopius Hermenefridum, Cassiodorus Senator Herminafridum, Iordanes & Fortunatus Hermenefredum, aliqui Hermenfredum, & Ermenfridum appellant. Herminafridus, Bisini Regis (vt existimo) filius, fratres habuit Badericum, atque Bertharium, à quibusdam Bertecharium, ac Brittharium dictum. è quibus Badericum, tamquam natu maiorem, Gregorius ac Fredegarius Herminafrido præponunt. hi fratres apud Toringos in sua quisque parte regnauere. quo magis miror apud Cassiodorum Senatorem, tamquam solus tum Herminafridus in Toringia regnaret, Theodericum Ostrogothorum Regem de bello Chlodouei litteras *Toringorum Regi* scripisse. De vxore liberisque Baderici, quem Aimoinus Baldricum, quidam Baldericum appellant, nihil accepimus. Herminafridus autem in matrimonio habuit Amalabergam, Amalafridæ sororis Theoderici Ostrogothorum Regis filiam, Procopio Amelobergam, nostris Historicis Amalbergam dictam: quam Aimoinus filiam Theoderici Italiæ Regis pro sororis filia appellat. Auctor Chronici à C. V. Henrico Valesio fratre meo vulgati sororem eam Theoderici falsò vocat, & cum Theodericus mense Augusto Româ Rauennam reuertisset, Herminafrido Toringorum Regi collocatam esse dicit, hoc est Patricio & Hypatio Cons. quo anno Theodericus Rex Urbem in-



gressus est, post interfectum Odoacrem anno V II. Sic Procopius in belli Gothici libro I Odoacris Regis mortis Amalabergæ nuptias; hisce nuptiis bellum à Francis Burgundionibus illatum continuò subtexit: quod bellum Patricio & Hypatio Coss. gestum auctor est Marius in Chronico. At apud Cassiodorum Senatorem, post Arelatenses obsidione liberatos, postque Indictionem IV, hoc est, post Consulatum Felicis & Secundini, quo anno Chlodoueus obiit, Theodericus sororis filiam, aut ( ut loquitur ) *neptem* ad Herminafridum Regem Toringorum mittit. ut appareat Senatorem in suis Variarum libris non semper rerum ordinem sequi. Nam exempli causâ liber eius secundus à Consulatu Felicis incipit, finiturque epistolâ Theoderici Regis, ad Chlodouicum Regem Francorum scriptâ, orantis ut victis Alamannis parcat, quos anno quintodecimo ante Consulatum Felicis huius ac Secundini, nimirum Paulo Consule ab Chlodoueo constat proelio esse superatos.

Nupta Herminafrido Amalaberga Amalafridum, & Ranicundam genuit, de quibus infra pauca dicemus. Hæc femina Toringis excidij, & primùm leuiris, deinde viro ipsi suo mortis causâ fuit. quippe ut erat insolens ac superba, nec minùs sanguinis quàm regni auida, Herminafrido persuasit, ut Berthario fratre suo interemto angustos imperij terminos promoueret. quo facto minimè contenta, virum hortari cœpit, ut Baderico alteri fratri Regnum ac vitam eriperet: atque ut magis cunctantem stimularet, post multas verborum rerumque contumelias mensam ei dimidia parte nudam iussit apponi, ac interrogata, quid hoc sibi vellet, respondit meritò dimidiam eum mensam nudam habere, qui dimidia parte Regni spoliatur. His aliisque verbis increpitus, ac muliebri furore instinctus Herminafridus Baderico fratri bellum inferre constituit: legatisque clam missis Theodorico Francorum Regi dimidiam partem Regni fratris pollicetur, si eius operâ victum interficere potuisset. Lætus oblato præmio belli Theodoricus mox copias cogit, Toringiam, Cartis genti ditionis suæ confinem, ingreditur, & cum Herminafrido

15

10 XI.

10 X II.

eccc  
xcvi.

collocutus, data inuicem fide, societatem iungit. tum ambo iunctis viribus Regnum Baderici intrauere. Nec dubitauit Badericus instructo exercitu obuius hosti procedere, commissūque praelio multis suorum amissis fufus est & interfectus. Victor, & compos votorum suorum Herminafridus Theodorico perluafit, vt domum rediret, affirmans se, simul ac Toringiam omnem pacauisset, promissa eum parte Regni donaturum. quo in Franciam reuerso, datæ fidei oblitus Regnum Toringiæ totius occupauit, & quod Theodorico pollicitus erat, præstare neglexit. quamobrem magnæ inter eos ortæ sunt inimiciæ, breui Herminafrido exitio futuræ.

Dum Herminafridus in Toringia, impulsus ab vxore, fratres interimit, Sigismundus in Burgundia, imitatus Gundobadum patrem trium fratrum suorum interfectorem, hortante coniuge, filium natu maiorem occidit. Habuerat hic in matrimonio Ostrogotham, Theoderici Ostrogothorum & Italarum Regis filiam, puellæ virginis, & Sigisfrici matrem, eaque amisâ aliam duxerat vxorem, quæ nouercali odio priuignum prosequabatur. Accidit, vt festo die Sigisfricus nouercam cultum Ostrogothæ matris indutam videret, quo agnito grauius commotus negauit dignam eam esse, quæ dominæ suæ vestibus vteretur. At mulier, se contemtam fremens, ac furore accensa Sigisfricum falso parricidij crimine in secreto ad virum suum accusat, tamquam adolefcens cupiditate principatus impulsus, patre interfecto totius Burgundiæ imperium, atque etiam (vti ait Gregorius) Regnum Italiæ, quod Theodericus auus eius maternus obtinuerat, occupare vellet. Vbi notandum est errare Gregorium, qui tum Theodericum Regem Ostrogothorum mortuum arbitretur. cū is non modò Sigisfrici nepotis sui, sed etiam Sigismundi generi superstes exstiterit: si verum est, quod tradit Marius Auenticensis Episcopus in Chronico, Sigisfricum, quem

19 XXII.

19 XXIII.

Segericum appellat, Symmacho & Boëthio Coss. iussu patris sui occisum esse, & Sigismundum insequenti anno Maximo Cos. caprum à Francis & interfectum. Theodericum autem Ostrogothorum & Italarum Regem anno

anno tertio post Consulatum Maximi, nimirum Olybriō Consule decessisse omnes Auctores magno consensu tradunt. Igitur Sigismundus, cū vera esse crederet, quæ ab vxore ficta crimina deferebantur, Sigisricum filium, somno ac vino sopitum, meridianēque nefariē iussit occidi, intromissis, qui circumdatum collo eius orarium ad se vtrūque trahendo innoxium adolescentem strangularent. Interfectus est Sigisricus (vt ait Marius) Symmacho & Boethio Coss. Cuius facinoris magnitudinem Sigismundus serò perpendens, quem viuum oderat, sublatum mox lugere ac flebiliter dolere cœpit: super filij corpus eiulans afflictūque sese procubuit, & omnibus questibus, quos dolor dictare consuevit, consumptis, Acaunum petiit, locum Penninis Alpibus proximum, abditūque in Monasterio, quod ibidem exstruxerat, per dies multos lacrimis, ieiuniis, precatione veniæ, & assiduitate psallendi iratum sibi Deum placare conatus est. Tum etiam Sigismundus Monachi habitum induisse mihi videtur. quippe idem apud Mariū in Chronico insequenti anno Maximo Coss. à Burgundionibus Francis traditus, & in Franciam in habitu Monachi perductus esse dicitur. & Vsuarius in Martyrologio scribit Sigismundum Regem Burgundionum, cū videret se Francis obsistere non posse, solum fugisse, atque capite raso habitum religiosum, hoc est pallium summissee, & dies atque noctes ieiuniis peruigiliisque continuantem, à Francis cum vxore & liberis captum esse. Quod fecisse Sigismundum statim post occisum filium, non autem post commissum cum Francis prælium credendum est. amisso enim exercitu cū Acaunum fugā peteret, mox à Francis captus est, neque euadendi, neque ad Monasterium perueniendi, nedum pallij sumendi spatio dato. Hoc Monasterium, in loco Vallis Penninæ Acauno, quem multi Acaunum appellant, exstructum, maximè illustre effecerunt sepulcra beatissimorum Martyrum legionis Felicis Thebætorum, nimirum Mauricij, commilitonūque eius ibidem occisorum, quos Gregorius *Santos Aganenses* vocat. vnde Monasterium ipsum Fredegarius

*Monasterium Sanctorum Agaunensium*; Vsuardus *Monasterium Agaunense*; Anastasius *Monasterium S. Mauricij* appellat. è quibus Vsuardus, atque etiam Aimoinus precibus votisque Seuerini *Monasterij Acaunensis Abbatis* Chlodoucum Francorum Regem diuturna valetudine liberatum esse produnt. cum Marius Auenticensis Episcopus in Chronico Florentio & Anthemio

12 xv. Coss. hoc est anno quarto post Chlodouei mortem Monasterium illud à Sigismundo exstructum dicat: quod apud Gregorium Sigismundus post Gundobadi obitum; apud Fredegarium & Aimoinum post occisum filium dicitur ædificauisse, domibusque & basilicis magnificè ornauisse, ac prædiis locupletasse. itaut non videam, quomodo Seuerinus viuo Chlodoueo Abbas esse potuerit Monasterij Acaunensis, quod nonnisi post eius mortem exstructum est.

Posteaquam igitur Sigismundus Burgundionum Rex in Monasterio Acaunensi diu multumque Sigisricum filium suum luxit, Lugdunum Segusianorum reuertit, credo quodd iam Francos expeditionem Burgundicam parare cognouerat. quam nubem belli ut à se auerteret, Theodorico Francorum Regi, filiorum Chlodouei maximo filiam suam in matrimonium dedit, cuius nomen, ut & prioris Theodorici coniugis, Theodeberti matris ignoratur. Brouerus quidem, qui Fortunatum notis illustrauit, Theodechildem Reginam, à Fortunato tantopete laudatam, uxorem Theodorici, matremque Theodeberti Franciæ Regum fuisse credit. cum quæ Fortunatus de Theodechilde dicit, uxori Theodorici minimè conueniant. Nam Theodoricus Francorum Rex duas duxit uxores: ex priori Theodebertum genuit, quæ amissâ, Sigismundi filiam in matrimonium accepit. si verum est, quod ait Gregorius, Theodoricum, cui iam filius adolescens, victor Danici belli, Theodebertus erat, paullo post Sigisrici cædem, hoc est anno regni vndecimo, filiam Sigismundi Regis uxorem duxisse. at Theodechildis, vel Theodechilda Regina, Fortunato teste, viro superstes fuit, ac quinque & septuaginta annos vixit.

*Ter quino lustro vixit in Orbe decus.*

ita ut non potuerit esse mater Theodeberti, quam ante Theodoricum virum suum decessisse docui. Sed nec Theodechildis ista; Theodorici posterior coniux, filia Sigismundi fuit. Sigismundi enim filia, posterior Theodorici vxor, Regem fratrem non habuit, contra iussu patris iugularum eum vidit. at Theodechildi Reginæ non modo pater, auus, proauus, virque, sed etiam frater Reges fuerunt, ut in libri IV Carmine XXV auctor est Fortunatus.

*Hic properante die Theodechilda iacet:*

*Cui frater, genitor, coniux, auus, atque priores,*

*Culmine succiduo regius ordo fuit.*

Ex quo etiam intelligitur fratri eam, & viro superstitem fuisse. & in libri VI Carmine V.

*Currit in Orbe volans generis noua gloria vestri,*

*Et simul hinc frater personat, inde pater.*

Ego Theodechildim hanc, non Theodorici Francorum Regis vxorem, sed ex posteriore vxore filiam; non Theodeberti Regis matrem, sed sororem; Sigismundique ex filia neptem fuisse existimo, Hermegisclo primùm, deinde Radigeri Varnorum Regibus nuptam. de qua Procopius in belli Gothici libro IV sic scribit. Hermegisclo quemdam regnasse apud Varnos, quæ gens oram Septemtrionalis Oceani, & ripam inferiorem ostiâque fluminis Reni occupabat, eoque flumine à Francis diuidebatur. eum Regem amissa coniuge, ex qua Radigerem filium tulerat, ut Regnum suum affinitate confirmaret, sororem Theodeberti Francorum Regis in matrimonium petiisse, atque duxisse. & aliquanto post cum mortem sibi adesse intelligeret, Radigeri coram Optimatibus mandauisse, ut sponsam natione Brittiâ sororem Regis Anglorum repudiaret, sineretque habere sibi, quas sponsaliorum nomine dedisset, pecunias pretium iniuriæ, nouercamque, ex qua ipse nihil liberorum tulisset, in matrimonium acciperet, conciliandorum sibi Francorum causâ, quæ gens, & finitima, & validissima, ut facile Varnos auxiliis iuuare; sic non difficulter eosdem causis belli ex voluntate sua accer-

V u ij

firis opprimere ac euertere funditus posset. His dictis Hermegiscum quadagesimo post die morbo interiisse, Regnumque Varnorum Radigeri vnico filio per manus tradidisse: qui patris consilium secutus de sententia Optimatum, repudiatâ sponsâ, nouercam suam, sororem Theodeberti Francorum Regis, vxorem duxerit. Qua re cognitâ puellam virginem impatientem iniuriâ, propterea quod mos erat Barbaris sponfas nisi ob stuprum non dimittere, missis ad Radigerem legatis de contumelia questam esse, & postulasse, vti causam repudij aperiret. Radigerem, cum nihil haberet, quod responderet, legatos re infecta dimisisse. Tum sponsam virginem permissu fratris Regis Anglorum quadringentis nauibus armata millia bellicosorum hominum centum imposuisse, atque vno è fratribus suis expeditionis socio, ex insula Brittia in continentem regionemque Varnorum traiecisse. ibi circa ostium Reni castris positus cum paucis sese continuisse, & fratrem vnâ cum reliquis omnibus copiis aduersus Varnos, qui non longè à litore Oceani & ostio supradicti fluminis confederant, misisse. à quibus fusus acie Radiger Varnorum Rex, amissa magna parte militum, terga cum reliquis verterit, quos fugientes Angli, propterea quod more Varnorum pedestria omnes prælia inire consueuerant, non longiùs persecuti in castra reuertere. At victorem militem malè acceptum, fratrem etiam conuiciis à regia virgine proscissum esse, clamitante nihil actum, quoniam Radiger euasisset: confestimque perniciosissimos ac fortissimos iuuenes ex omnibus copiis delectos, & ad comprehendendum Radigerem missos esse, qui latentem eum in silua ceperint, vinculumque ad sponsam adduxerint. Captium verò mortis expectatione tremulum atque pallentem, interroganti virgini, cur se nullius probri insinulatam repudiauisset, & solutis sponfalibus, aliam duxisset vxorem, respondisse, supremæ patris voluntati, Procerumque studio se obistere non potuisse, culpamque necessitati imputauisse, postremò precibus suppliciter admotis adiecisse, paratum se esse, si modò vellet, ipsam in matrimonium du-

cere. ab hac voce continuò Radigerem vinculis liberatum, Theodeberti Francorum Regis sorore domum remisâ, Brittiâ sponsam matrimonio sibi iunxisse anno belli Gothici sextodecimo.

12L

Et ita quidem Procopius de Theodorici Francorum Regis filiæ nuptiis refert. Vbi fateor mirari me, quâ ratione fieri potuerit, ut Varni tum in Francia regnarent. quipper ipa Reni dextra, vel Germanica, ad ostia fluminis Oceanûmque Septentrionalem pertinens, quam Varnos incoluisse ait Procopius, pars veteris Franciæ Theodorico Regi tum subiecta erat. Non igitur Varni Reno diuidebantur à Francis, qui ultra Renum longè latèque dominabantur. Ut verisimiliùs idem Auctor in librò 11 belli Gothici Varnos prope Danos ponere videatur, quos à Warna, vel Waharna fluuio in Visurgim exeunte cognominatos puto. Hi Varni non multo pòst (id quod Hermegisclus Rex timuerat) illato à Francis bello victi atque domiti sunt, quos Fredегarius in Chronico tradit anno 10XCVII rebellauisse, atque ab exercitu Childeberti minoris ita victos acie cæsisque esse, ut gente pæne excisa pauci ex eo prælio supersessent. Præterea cùm Procopius, ut facere debuit, Anglos distinguat à Brittonibus, quorum alteros Angilos, quemadmodum Ptolemæus; aliteros sæpe Brittiōs vocat: nihilominus tamen sponsam Radigeris Varnorum Regis, quæ Angla erat, sororquē (vti ait ipse) Regis Anglorum, Brittiâ semper; eius verò commilitones, modò Anglos, modò Brittiōs appellat. Certè Brittiâ insulam, patriam patris Radigeris, incolæ tradit Procopius à tribus frequentissimis gentibus, nimirum Anglis, Frisonibus, & Brittonibus, vel Brittiis, insulæ cognominibus: quarum gentium singulæ Regem suum habeant, tantæque fecunditatis sint, ut abundante multitudine plurimi quotannis vnâ cum coniugibus & liberis ex insula in Galliam transeant, & à Regibus Francorum in incultis agris collocentur. Adiicit Regem Francorum, hoc est, sicuti existimo, Theodebertum, cum legatis suis Anglos quosdam ex his, quibus agros dederat, Constanti-

Vu iij

nopolim misisse, vt Iustiniano Aug. persuaderet Brit-  
tiam insulam sub ditione sua imperioque esse. Ego  
apud Auctores, qui res nostras, vitasque Sanctorum  
scripsere, multos quidem Brittones ex insula Britannia;  
Scotos quoque non paucos sæpe cum ex Britannia,  
tum ex Ibernia in Galliam transisse inuenio: ab An-  
glis, & Frisonibus idem factum esse non reperio. Quæ  
autem de Brittia insula, id est Ibernia, tradit Procopius,  
insulæ Britannæ pleraque magis, quàm Ibernæ conue-  
niunt. Nam Brittones vel Britanni, atque Angli præter  
ceteros in Britannia sedes habuere, non in Ibernia,  
quam à Scotorum gentibus incoli Orosius & Iulius  
Honorius produnt. Vnde Ibernia apud Isidorum, &  
in libro de vita S. Fursei, alio nomine *Scotia* appella-  
tur: apud Eginardum, Aimoinum, aliósque Auctores  
rerum gestarum Caroli Magni *Ibernia Scotorum insula*  
dicitur; apud Bernardum de vita Malachæ *ulterior*  
*Scotia*; apud alios *Scotia maior*, vt distinguatur à Sco-  
tia citeriore vel minore, parte insulæ Britannæ. Fri-  
sones verò, vel Frisij nec in Britannia, nec etiam in Iber-  
nia sedem cepisse, atque regnauisse ab alio quàm Pro-  
copio dicuntur. Deinde quod ait ibidem Procopius,  
Brittiam insulam in Septentrionali Oceano Reni ostia  
spectare, eaque ex parte à continente non ampliùs  
ducenta stadia abesse, id de Britannia à Geographis di-  
ci, nequaquam de Ibernia, nemo nescit. Præterea quod  
scribit Procopius, in ora Oceani ex aduerso Brittiae in-  
sulæ vicos esse plurimos, qui à piscatoribus, agricolis,  
& mercatoribus Francorum imperio subiectis incolan-  
tur, de ora Gallie aduersa insulæ Britannæ tantum-  
modò intelligi potest. cum Ibernia nihil præter insu-  
las, easque Francorum Regibus minimè parentes, cir-  
cum se haberet. Vt omittam murum illum vetustum,  
quo Procopius scribit Brittiam insulam bifariam diui-  
di, murum esse videri, quem Seuerus Aug. imitatus  
Hadrianum, per transversam insulam duxit, vt eo vallo  
provinciales à Barbaris dirimeret.

Vt ad Theodechildem Reginam reuertar, quam su-  
pradixi Theodorici filiam, sororémque Theodeberti



mihi videri: hæc ab Radigere Varnorum Rege inuito inuita dimissa, & domum reuerfa, magna experimenta pictatis dedit, in viduas, pupillos, egentésque benefica, munifica Ecclesiarum ornatric, ita suavis & mitis, vt ab omnibus amaretur magis quàm metueretur. quemadmodum ait Fortunatus, apud quem eadem *prole potens* cùm dicitur, prolis nomine genus, non liberi significantur. sic enim non semel loquitur Fortunatus, exempli causâ in libri quarti Carmine septimodecimo.

*Hic puer Arcadius, veniens de prole Senatus,  
Festinante die raptus ab Orbe iacet.*

Et in Carmine XXVI.

*Vvilithura decens, Dagaulfi cara iugalis,  
Romana studio, Barbara prole fuit.*

Hæc est Theodechildis, quam Gregorius in libro de Gloria Confessorum Theudechildam Reginam appellat, cùm ait Nonninum, vel Nantinum quemdam Tribunum ex vrbe Aruernis in Franciam venisse ad Theudechildam Reginam tributa deferentem, quæ ei forsitan Theodebaldus Rex fratris filius domum reuersæ assignauerat. Aruerni enim vt Theodorico; sic Theodeberto, ac Theodebaldo paruerunt. Huius Theodechildis matrem, quam Sigismundi Regis Burgundionum filiam, & Theodorici Francorum Regis posteriorem vxorem fuisse dixi, vnus Frodoardus in Historiæ Ecclesiæ Remensis libro II *Suauegottam Reginam, Theudechildis Regina matrem* appellat. Ceterùm non dubitò, quin Theodechildis hæc eadem sit, quam Odorannus & Robertus Monachi in Chronicis tradunt ad vrbem Senonas Monasterium Apostolorum, S. Petri Viui nomine hodie notum, extruxisse, multis atque amplis ædificiis ornavisse, & prædiis locupletauisse, ibique sepultam esse. è quibus Odorannus truncato nomine *Theuchildim Reginam* appellat in versibus tumulo eius inscriptis; Robertus Theudechildim, quam magno errore Chlodouci Regis filiam, deuotâque Virginem fuisse dicit. Agendici igitur, vel Senonis Theodechildis consenuit, atque decessit. quæ vrbs Theodeberto, ac Theodebaldo eius filio paruit, vt docet Leonis Se-

nonicæ Ecclesiæ Episcopi ad Childebertum Regem epistola. De exstructione supradicti Monasterij mentionem facit Fortunatus his versibus ad Theodechildim Reginam scriptis.

*Ecclesia sacra te dispensante novantur,*

*Ipsa domum Christi condit, & ille tuam.*

Fuit & alia ætate Fortunati Theodechildis, vel Theodegildis, opilionis filia, Chariberti Francorum Regis vxor Fredegario; Regina Gregorio dicta, cum Dominæ Ingobergæ Reginæ pellex potius vocanda fuerit. de qua Fortunatum suprà loqui nemo sanus credet. Nec de Theodechilde Regina plura, quæ memorentur, occurrunt. Res Francicas, vt cœpimus, persequamur.

Gundobadus Burgundionum Rex, sicut in libro v diximus, Chilpericum Regem quartæ partis Burgundionum, fratrem suum, Chrothildis Reginæ patrem interfecerat, vxorémque eius in flumen merferat. quod nefandum facinus cum in auctorem, patruum suum, vindicare non potuisset Chrothildis, in eius filios Sigismundum atque Godomarum, fratres patruelos suos, paterni sceleris immunes vindicare cupiebat. Igitur cum Luteciam Parisiorum venisset, Chlodomerem, Childebertum, ac Chlotharium Francorum Reges, filios suos hortata est, vt iniuriam suam, cruentamque patris sui ac matris, aui ipsorum & auix mortem vlciscerentur, atque hanc sibi pro nutrimentis & educatione gratiam referrent. Non erat difficile iuuenes impatientes otij in bellum impellere. Itaque Reges matris precibus, & sceleris atrocitate, ac maximè sua sponte moti expeditionem suscipiunt, ingressique Burgundiam, obuios cum magnis copiis Sigismundum, atque Godomarum fundunt acie. quos ambos vetus Auctor Historiæ Francicæ Reges appellat, quasi Godomarus, viuo & sospite Sigismundo, in Burgundiæ parte regnauerit. Victi Burgundiones, multis suorum amis, terga verterunt. Godomarus fugâ salutem sibi peperit. at Sigismundus Rex, cum Monasterium Sanctorum Acaunensium peteret, à Chlodomere vnâ cum vxore & liberis, quos ex ea tulerat, captus, atque in agro Aurelia-

relianensi diligenti custodia asseruari iussus est: vt ait Gregorius. quamquam auctor est Marius in Chronico Maximo Consule Indictione I Sigismundum Regem à suis Francis traditum, & in Franciam in habitu Monachi perductum, & cum coniuge ac liberis in puteum abiectum esse. Marius sequitur Aimoinus, cum scribit Chlodomerem eade Sigismundi non diu esse lætatum, sed *insequenti anno* in Burgundia periisse. at Gregorius, ceterique nostri Historici iussu Chlodomeris Burgundiam repetentis, hoc est Indictione II Iustino Aug. II & Opilione Coss. Sigismundum interfectum dicunt. Ex Mario igitur intelligimus superiorem in Burgundiones expeditionem à Francorum Regibus Consulatu Maximi Indictione I factam esse.

Postquam tres Francorum Reges, Chrothildis filij, contenti victoriâ, cum captiuis & præda in Franciam reuertere, Godomarus, Gundobadi Regis filius, Sigismundi frater, quem alij Godmarum, alij Godemarem appellant, cladis reliquias collegit, receptisque viribus Burgundiæ Regnum obtinuit. Rex Burgundionum factus est Godomarus (vt ait Marius) Iustino II & Opilione Coss. Indictione II. cui priusquam Chlodomeres bellum inferret, Sigismundum interficere statuit. Florebat tum in pago Aurelianensi Auitus, Mitiacensis Monasterij Abbas, Maximini discipulus, vir sanctissimus atque grauissimus, qui certior factus de inito atroci consilio Chlodomerem Regem adiit, nec dubitauit affirmare, si Sigismundo vitam non eripuisset, victoriam eum ex Burgundionibus laturum: sin eundem interemisset, ipsum in manus hostium venturum, eademque cum vxore & liberis passurum, quæ Sigismundo coniugique ac liberis eius fecisset. Damnavit Chlodomeres salubre consilium, negans prudentis esse hominis foris bellum gerere, hostibus domi post tergum relictis, quibus occisis facilius reliquos vincere & interficere posset: statimque Burgundiam petens Sigismundum cum vxore & liberis iugulari apud Columnam agri Aurelianensis vicum, Aimoino Calumniam dictum, & in puteum abiici iussit. Has Sigismundus Burgundio-

num Rex, eiusque coniux occisi Sigisfrici poenas pependere. Non omittendum est, quod ait Vsuardus in Martyrologio, Sigismundum Regem Burgundiæ, quem Sanctorum ordinibus adscribit, à Francis cum coniuge & liberis captum esse, ac in profundum putei merum Kalendis Maiis exspirauisse, atque postea sepultum à quodam Abbate, *etiam miracula claruisse*. In quo videtur Vsuardus secutus esse Marium Episcopum, qui Sigismundum vnà cum suis in puteum proiectum esse tradidit: cum eum Gregorius, Aimoinus, ceterique nostri Historici, antequam deiiceretur, intererunt dicant. è quibus Florentius Gregorius in libro de Gloria Martyrum, & Aimoinus Monachus in Historiæ libro II produnt corpus Sigismundi postea Acaunum delatum, (qui est locus Sedunis, gentis Sedunorum capiti, proximus) ibique in Monasterio S. Acaunensium Martyrum honorificè sepultum esse.

Igitur Chlodomeres Francorum Rex, maximus Chrothildis filiorum, comperto Godomarum vires Regnūque recepiſſe, Sigismundum (vt diximus) interficit, atque ad societatem belli Theodoricum maiorem natu fratrem suum inuitat: qui Sigismundi soceri sui iniuriam vindicare volens, cum eo sese expeditionem suscepturum confirmauit. apud Visorontiam, vel Viferronciam, locum agri Viennensis, in Burgundiæ finibus coniunguntur exercitus. tum ambo fratres cum Godomaro proelio conflixere. Fusi Burgundiones cum Rege terga verterunt. quos fugientes Chlodomeres, vt equo perniciosissimo vehabatur, incautiùs insecutus est. at illi Francorum Regem longè à suis remotum vbi agnouere, simulant se Francos esse, signum eius vsurpant, dubitantemque quid ageret ad se inuitant. quippe Burgundionibus eadem, quæ Francis, vt origo, sic lingua, nimirum Germanica erat. Chlodomeres, non minus in credendo, quàm in persequendo temerarius, ad Burgundiones accedit, dumque Francis adiungi putat, in medios hostes incidit, circumuentusque interficitur. Eius caput Godomarus amputatum conto præfigi, ostentarique Francis iussit. quo viso agnitoque, nostri

contrà atque sperauerat, non consternati, sed ad ultionem incitati prœlium redintegrauerunt. funditur fugaturque Godomarus: qui non multo post Regnum recuperauit. cæsi ad internecionem Burgundiones. Burgundia omnis igne ferroque vastata, & in Francorum potestatem redacta est. senibus quoque, & infantibus parci ira dolorque vetuere. sic bellicoso Regi hostium cæde parentatum est. Nupta fuerat Chlodomeri Gundeuca, quam Fredegarius Gunthiucham, aliqui Godeucam appellant. Hanc Chlotharius post fratris mortem incesto sibi matrimonio iunxit. Ex Gundeuca tres filios sustulerat Chlodomeres, Theodoualdum, multis Theodoaldum dictum, Guntharium, vel Gunthacharium, & Chlodoaldum: quos auia Chrothildis Regina, diebus luctus exactis, apud se educauit. Interfectus est Chlodomeres XIII regni sui, XXX circiter ætatis anno Iustino Aug. II & Opilione Coss. vt scribit Mar-<sup>15XXIV</sup> tianus in Chronico, qui & eodem anno Boëthium Consularem atque Patricium iussu Theoderici Ostrogothorum Regis in agro Mediolanensi occisum dicit. Agathias à Gregorio, & reliquis nostris Auctoribus, quos in superiore expeditione scribenda secutus sum, dissentit. quippe in Historiæ libro I tradit Chlodomerem quartæ partis Francorum Regem, quem ipse Chlothomerum, alij Chlodomirum appellant, cum Burgundionibus pugnantem, telo pectori infixio, cecidisse. cuius comam promissam & compositam, atque ad dorsum pertingentem vt Burgundiones videre, Regem hostium ab se interfectum esse intellexere. propterea quod moris erat Francorum Regibus capillum à pueris intonsum retrò per ceruicem & dorsum effundere, eundemque à fronte diuisum in humeros demittere, atque ingenti diligentia pexum & ornatum pro insigni regio habere: cum priuati omnes essent circumtonsi, nec facile cuiquam permetteretur, vt comam promitteret. Addit Agathias Burgundiones abscissum Chlodomeris Regis caput in hasta fixisse, Francisque ostendisse. quo spectaculo tantum singulis ac vniuersis timorem iniectum, tantamque desperationem illatam esse,

vt infractis animis certamen detrectauerint, & conditiones pacis à victoribus latas acceperint. ita bello composito reliquias Francici exercitus celeriter libenterque domum rediisse. Regnum autem Chlodomeris (cui nihil liberorum fuisse falsò ait Agathias) fratres eius statim inrer se diuissse, quod tamen Gregorius nonnisi post interemtos Chlodomeris filios diuissum esse indicat in libri tertij capite duodeuicesimo. Vt manifestus sit error Aimoini Monachi, qui Chlorharium Regnum cum vxore Chlodomeris fratris confestim post eius mortem obtinuisse tradit, quasi Theodoricus & Childebertus Reges æquo animo passuri fuerint sua se à fratre natu minore supradicti Regni parte priuari. Idem Aimoinus, paullo aliter quàm ceteri nostri Historici, de posteriore hacce & nouissima Chlodomeris aduersus Burgundiones expeditione refert, nimirum Chlodomeri Burgundiæ fines ingresso Godomarum armatum occurrisse, proeliúmque cum eo non dubirasse commirre: sed Burgundiones more suo, cum Francorum vim & impetum sustinere non possent, terga vertisse. tum Chlodomerem Regem iuuenta & successu exsultantem, dum audaciùs hostes insequitur, incitato equo suos longè post se reliquisse: quem Burgundiones, quia cominus incessere non audebant, procul telis appetere cœperint. ipsum in conferrissimam hostium partem irrupisse, & quem primum obuium habuit, equo deiecisse, circumuentúmque confossis lateribus concidisse, Principem magnum animo, impigrum, & manu strenuum, ac eximia specie venerabilem, sed consilio parum prouidentem. Francos verò cognita Regis morte non, vt ceteræ nationes facere consueuerant, fugam capessuisse, sed ira incitatos magnam Burgundionum cædem fecisse, vastatæque omni Burgundia Franciam repetiuisse.

Ceterùm vt suprà retuli, apud Gregorium dicitur Theodoricus, *iniuriam socii sui vindicare volens*, Chlodomeris fratris legatis de belli Burgundici societate ad se missis venrurum se promississe. quo autem is modo Sigismundi socii sui mortem in auctorem vltus

fit, tribus verbis indicat Fredegarius Scholasticus in Epitome, cum ait, apud Visorontiam pugna conferta, Chlodomerem interfectum & capite truncatum esse, *deceptum ab auxiliis Theodorici*, qui filiam Sigismundi habebat vxorem. Ex quibus intelligi potest Theodoricum Francorum Regem signum, quod Chlodomeris militibus suis dederat, clam ad Godomarum Burgundionum Regem vxoris suæ patrum deferendum curauisse, auctoremque ei fuisse, vt Chlodomerem, incautum iuuenem, & audum pugnae simulatione fugæ deciperet, atque vt Sigismundum socerum vindicaret, fratrem sub oculis suis interfici passum esse, circumuentoque subsidium ferre noluisse. Præterea notare conuenit, id quod aiunt Gregorius ac Fredegarius, Burgundiam tum nihilominus *in Francorum potestatem redactam* esse. Nam cum nonnisi Indictione XII Iustiniano Aug. IV. & Paullino Iuniore Coss. Childebertus<sup>19xxx;</sup><sub>IV.</sub> & Chlotharius Francorum Reges Burgundiam obtinuerint, sicuti tradit Marius in Chronico: tamen Synodo XXII regni Childeberti anno, hoc est Indictione XI Iustiniano Aug. III Consule apud Aurelianos<sup>19xxx;</sup><sub>III.</sub> habitæ interfuere, decretisque in primis subscripsere Iulianus Episcopus Ecclesiæ Viennensis, Agrippinus Æduorum Episcopus, & Asclepius Presbyter pro Adelphio Episcopo Rauracensi. Vienna autem, & Augustodunum Æduorum, & Augusta Rauracum, vel Rauricorum, Burgundiæ vrbes erant. Vt appareat, antequam Childebertus & Chlotharius Regnum Burgundiæ armis occupauissent, partem eius, præsertim supradictas vrbes Francis paruissse. quam Burgundiæ partem nouissima Chlodomeris aduersus Burgundiones expeditione à Francis, Regis sui mortem vlciscentibus victoribusque, subactam fuisse credendum est. Idque eo verisimilius videtur, quod tum & Theodericus Ostrogothorum Rex, qui Prouinciam tenebat, hoc bello tamquam sua occasione vsus, partem Burgundiæ finitimam Prouinciæ, misso ex Italia cum copiis Tolum vel Tholuit Duce, occupauit. Vt apud Cassiodorum Senatorem in libri Variarum V III epistola X Athalaricus Rex docet

his verbis. *Mittitur igitur, Franco & Burgundio decer-*  
*santibus, rursus ad Gallias tuendas, ne quid aduersa ma-*  
*nus præsumeret, quod noster exercitus impensis laboribus*  
*vindicasset. Adquisiuit Reip. Romana, alii contendenti-*  
*bus, absque ulla fatigatione Prouinciam, & factum est*  
*quietum commodum nostrum, ubi non adiuimus bellica*  
*contentione periculum: triumphus sine pugna, sine labore*  
*palma, sine cade victoria. tantum ergo eius gloria debe-*  
*mus, quantum utilitatis accepimus.* Certè Synodo Opi-

18XXIV.

lione V. C. Cof. hoc est eo ipso anno, quo Chlodome-  
 res in Burgundia interfectus est, apud Arelatum per-  
 missu Theoderici Ostrogothorum Regis habitæ inter-  
 fuere præter ceteros Philagrius, Prætextatus, Iulianus,  
 Florentij duo, & Constantius Episcopi, ij omninò, qui

18XXVII.

Agapeto V. C. Consule vnà cum ceteris Burgundiæ  
 Episcopis Epæonem venerant, decretisque subscri-  
 pserant. è quibus Philagrium Episcopum Cabelli-  
 cum, Prætextatum Aptensem, Iulianum Carpentora-  
 tensem, Florentium Arausicum, Florentium Tricasti-  
 num, Constantium Vapincensem Episcopum fuisse sub-  
 scriptiones docent. Ex quo cognoscitur Cabellionem,  
 Aptam Iuliam, Carpentorate, Arausionem, Augustam  
 Tricastinorum, & Vapincum, atque, vt Synodus Car-  
 pentoratenfis docet, vicum Vafensem, hoc est, Vasio-  
 nem, vrbes Burgundiæ à Theoderico Ostrogothorum  
 Rege post Sigismundi mortem ex occasione esse occu-  
 patas, Godomarumque post cædem Chlodomeris Fran-  
 corum Regis totum Burgundiæ Regnum minimè re-  
 cepisse.

18XXV.

Probo iuniore & Philoxeno Cofl. Theodericus Ostro-  
 gothorum Rex Ioannem sedis Apostolicæ Antistitem  
 Rauennam euocauit, & vnà cum Episcopis Ecclesio  
 Rauennate, Eusebio Fanestri, & Sabino Campano, cum-  
 que Senatoribus Theodoro, Importuno, & Agapeto  
 Consularibus viris, & Agapeto Patricio, Constantino-  
 polim ad Iustinum Principem legatum misit, qui pe-  
 teret, vt in partibus Orientis ademtæ iussu Imperato-  
 ris Hæreticis, in primis Arianis Ecclesiæ restituerentur,  
 & qui damnata Hæresi facti erant Catholici, Hæreticis



redderentur. si id Augustus non fecisset, minabatur Theodericus se in Italos Catholicos seuiturum. Ioanni omnium Romanorum Episcoporum primo Constantinopolim venienti Imperator Iustinus cum Clero vrbis occurrit, eumque honorificentissimè accepit. qui (vt ait Marcellinus) Constantinopoli dexter in dextro Ecclesiæ Magnæ solio confedit, *Paschamque plena voce Romanis* (id est Latinis) *precibus celebrauit.* Anastasius Bibliothecarius, & Aimoinus Monachus in Historiæ libro II produnt Ioannem, tamquam B. Petri Vicarium, Iustini Aug. capiti diadema imposuisse, eumque Principem omnium Imperatorum primum à Romano Episcopo insignia imperij accepisse. quod nullus alius Græcus, aut Latinus Auctor memoriæ tradidit. nequaquam enim verisimile est Iustinum Aug. qui ante annos ferè septem à Constantinopolitano Episcopo coronatus fuerat, iterum ab Ioanne coronari voluisse. constatque Carolum omnium primum, à Leone Episcopo Romano coronâ capiti imposita, Imperatorem Augustum appellatum esse, eiusque exemplum secutos esse filium, nepotes, pronepotesque, & abnepotem, vt non antè Imperatores dicerentur, quàm ab Ecclesiæ Romanæ Episcopo fuissent coronati. quo ætatis suæ more decepti Anastasius ac Aimoinus Ioannem quoque Rom. Episcopum capiti Iustini Aug. coronam imposuisse existimauere. Dum Constantinopoli morantur legati, Theodericus Rex Symmachum Principem Senatus, ex Consule, atque Patricium, cuius filia nomine Rusticiana Boëthio nupta fuerat, Româ Rauennam perduciiussit, virum sanctitate, doctrina, & nobilitate non minùs Boëthio eminentem, & gloria ac fauore populi florentem: metuensque, ne ob generum suum falso crimine damnatum res nouas moliretur, cum similiter falso maiestatis crimine insimulatum occidit, reuersumque Ioannem cum sociis coniecit in vincula.

Breui impietatis & seuitiæ merita Barbarum pœna consecuta est. quippe insequenti anno, quo Olybrius, 12xxvi. Arcobindi ex Magistro militum Orientis, ex Consule, atque Patricij, & Iulianæ Nobilissimæ feminæ filius,

Imperatoris Olybrij & Placidie Aug. nepos, Placidi  
 Valentiniani Aug. & Eudoxie pronepos Consulatum  
 iniit; Theodericus, dum Basilicas Catholicorum per vim  
 occupare, & suarum partium viris, nimirum Arianis  
 tradere parat, morte praeventus est. Decessit Theo-  
 dericus Rex Gothorum & Italorum III Kalendas Se-  
 ptembres; aut, vt ait Auctor Chronici à Cuspiniano  
 editi, mense Septembri, Olybrio V. C. vnico Consule:  
 cum XXXIII annos mensēsque ferè sex post interfe-  
 ctum Odoacrem Regem in Italia; post occisum Gesali-  
 cum Vesigothorum Regem annos XV in Hispania Se-  
 ptimaniaque regnauisset. Quamquam Synodus Tarra-  
 cone habita anno VI *Theodoricus Regis Consulatu Petri*  
 dicitur, item Synodus habita Gerundæ anno VII *Theo-*  
 derici Regis, *Agapeto V. C. Consule.* cum Consulatus Pe-  
 tri, quintus regni Theoderici in Hispania; Consulatus  
 autem Agapeti, sextus sit annus, nisi Theodericum, cui  
 Auctor Appendicis Chronico Victoris adiunctæ, & Isi-  
 dorus, aliique XV tantum regni Vesigothici annos tri-  
 buunt, Vesigothis Hispaniensibus annos XVI impera-  
 uisse credimus. quod aliter facere non possumus, quàm  
 quartum & vltimum regni Gesalici annum, quo is pro-  
 fugus, & à Theoderico Regno expulsus, in Aquitania  
 latuit, Theoderico attribuendo. Apud Iordanem dicitur  
 Theodericus, paullo antequam obiret, Athalaricum,  
 suum ex Amalasuentha filia nepotem, patre Eutharico  
 orbatum, puerum vix decem annorum, Regem consti-  
 tuisse: Comitibusque, & primoribus Ostrogothorum,  
 quos conuocari iusserat, mandauisse, *vt Regem colerent,*  
*Senatum populūque Rom: amarent, Principēque O-*  
*rientis placatum semper propitiūque haberent.* cuius  
 mandati memores Athalaricum Regem, & matrem eius  
 octo annos in pace regnauisse. Ceterum Theodericus,  
 quem alius Theudoricum; alius Theodoricum; quidam  
 Græcos secuti Theudericum appellant, Procopius in li-  
 bro I belli Gothici verbo quidem *Tyrannum*; re autem  
 verum Regem fuisse scribit: Tyrannum inquam, credo  
 propterea quod iniussu Anastasij Aug. Rex à suis fuerat  
 appellatus. vt idem Odoacrem Tyrannum vocat, qui  
 sine

sine Zenonis Aug. consensu Regnum Italiæ occupauerat. Idem eodem in libro Noricos, & Dacos Theoderico Ostrogothorum Regi, eiusque successoribus paruissè tradit. è quibus tamen Daci, nimirum Transdanubiani tum sub Gipedum ditione erant, (vt ait Iordanes) Daci Ripenses, & Daci Mediterranei Imperatoribus Rom. obediebant. Baioarij verò, qui, teste Paullo in rerum Langobardicarum libro III, Noricum incolebant, Theodorico Francorum Regi paruere. quippe is leges Alamannorum, *Baioariorum*, ac Ripariorum corrigendas curauissè dicitur. Ex quo etiam intelligitur, id quod in libro VI diximus, Chlodoucum post prælium Tolbiacense Alamanniam subegissè, partemque minimam Alamannorum ad Theodericum Regem Italiæ perfugissè. cùm Chlodouei filius successorque Theodericus Alamannorum leges emendauerit. Non negauerim tamen partem aliquam Noricorum sub Ostrogothorum imperio fuisse. quod videtur docere Epistola Theoderici Regis ad *provinciales Noricos*, Senatoris Variarum libro III inserta.

Mortuo Theoderico Gothorum Rege, nepotes eius, <sup>10xxvi.</sup> Athalaricus, puer, annorum circa octo vel decem, in Italia sub tutela Amalasuenthæ matris suæ; Amalaricus Alarici filius in Hispania regnare occœpere. qui consobrini Galliæ partem Gothicæ ditionis ita inter se diuisere, vt regionem inter Alpes Maritimas ac Rhodanum iacentem, vulgò Prouinciam dictam haberet Athalaricus: Septimaniam, vel Gothiam à flumine Rhodano ad Pyrenæum vsque promissam Amalaricus obtineret, ac tributa, quæ antea Theoderico pendebantur, deinceps ipse exigeret. thesauri quoque, qui (vt ait Procopius) Carcassone sublati fuerant, Amalarico sunt reddituri. & quoniam Ostrogothi & Vesigothi, dum vtrique Theodericum Regem habebant, affinitatibus conubiorum alteri alteris sese commiscuerant, singulis, qui extra fines gentis suæ eiusmodi matrimonia contraxerant, optio facta est, vt vel vxor virum, vel vir vxorem sequeretur. Athalaricus, postquam rerum potitus est, legatos cum litteris ad Imper. Iustinum misit,

qui peterent, vt eorum, quæ paullo antè à Theoderico auo suo facta erant, obliuisceretur, memorquæ Eutharici patris, quem per arma adoptauisset, pacem & amicitiam eisdem conditionibus, quibus à Zenone & Anastasio Augustis cum auo suo iuncta fuerat, secum iniret. Iordanes de Origine rebûsque Gothorum, & in libro de Successione Regnorum, ac Freulfus in Chronico tradunt Francis, contentu regni puerilis ac muliebris tutelæ bellum parantibus, quidquid Theodericus in Gallia occupauerat, concessum, hoc est, partem Galliarum, quam annos circiter XVIII Ostrogothi tenuerant, Francis repetentibus redditam esse. Assentitur Iordani ac Freulfo Sigebertus in Chronico, quippe ait *Francos extorsisse è manibus Athalarici, quidquid Galliarum auius eius Theodericus tenuerat.* Sed Iordanem, Freulfum, ac Sigebertum falli Cassiodorus Senator, in Variarum libri VIII epistola VI, & libri XI epistola I, & Concilium Arausicanum indicant, ex quibus discimus Provinciam Athalarico Regi paruissè, atque à Felice Liborio V. C. & Illustri, Præfecto Prætorij Galliarum atque Patricio administratam esse. & disertis verbis Procopius in libro I belli Gothici scribit partem hanc Galliarum à Vitige Ostrogothorum Rege Francorum Regibus Childeberto, Chlothario, ac Theodeberto datam fuisse.

Operæpretium est Cassiodorum Senatorem V. C. & Illustrem, ex Consule, Præfectum Prætorij, atque Patricium in libri Variarum XI epistola I de initiis principatus Athalarici & Amalasuenthæ loquentem audire. *Franci, tot Barbarorum victoriis præpotentes, quàm ingenti expeditione turbati sunt? Laceßiti metuerunt cum nostris inire certamen, qui præcipitatis saltibus prælia semper gentibus intulerunt. Sed quamuis superba natio declinauerit conflictum, vitare tamen proprij Regis nequiuit interitum. Nam Theodericus ille, diu potenti nomine glorius, in triumphum Principum nostrorum languoris potius pugna superatus occubuit: ordinatione (credo) diuina, ne nos aut affinium bella polluerent, aut iuste productus exercitus vindictam aliquam non haberet. Matte*

prociñctus Gothorum omni felicitate incundior, qui hostem Regalem capite cadis, & nobis nec vnius vltimi fata subducis. Burgundio quinetiam, ut sua reciperet, deuotus effectus est, reddens se totum, dum accepisset exiguum. elegit quippe integer obedire, quàm imminutus obfistere. tutius tunc defendit Regnum, quando arma deposuit. recuperavit enim prece, quod amisit in acie. Beatam te, Domina, laude multiplici, cui diuino beneficio neceſſitas tollitur cuncta certaminis. Quibus verbis indicat Cassiodorus Senator Theodericum, vel Theodoricum Francorum Regem Athalarico Regi Amalasuenthæ filio bellum intulisse, cùmque Ostrogothi nihilo seciùs se ad resistendum pararent, morbo ipsum obiisse. quem affinem Athalarici & Amalasuenthæ non sine causa appellat, quippe Amalasuentha, Theoderici Ostrogothorum Regis ex Audeſſeda Chlodouei sorore filia, Theoderici Francorum Regis amitina erat. & Athalaricus, ac Theoderici huius vxor, Sigismundi Regis filia, consobrini Theodericum Ostrogothorum Regem communem auum maternum habebant. Quod autem suprà ait Cassiodorus Senator, Theodoricum Francorum Regem, dum aduersus Ostrogothos bellum gereret, morbo interiisse circa initia principatus Athalarici, videtur conuenire cum his, quæ nostri Historici scribunt, Theodoricum, misso cum copiis aduersus Gothos Theodeberto filio suo, decessisse. nisi quòd nostri mortuum eum dicunt anno regni XXIII, hoc est Iustiniano Aug. IV & Paullino Cons. quo ipso anno Athalaricus Rex obiit. Porro quod ibidem ait Senator, *Burgundiones* tum sua precibus recepiſſe, hoc est, Godomarum Burgundionum Regem vrbes Burgundiæ, post Sigismundi fratris sui captiuitatem & mortem à Theoderici Ducibus occupatas, pace cum Athalarico inita recuperauisse: id initio regni Athalarici factum esse non potest. quippe Concilium apud Carpentorate urbem Burgundiæ Mauortio V. C. Consule habitum legimus. 10XXVII. & Synodum apud Arauſionem, urbem quoque Burgundicæ antea ditionis, Decio Iuniore V. C. Consule 10XXIX. coactam esse constat, cùm ad dedicationem Basilicæ,

- quam Illustrissimus Præfectus & Patricius Liberius ea in vrbe exstruxerat, inuitati ab ipso Episcopi conuenissent. eodémque anno paucis post mensibus Concilium apud Vafensem vicum, hoc est, apud Vafionem opidum antea Burgundiæ, est congregatum. cui Concilio, vt & duobus superioribus Conciliis, nimirum Arausicano, & Carpentoratenfi, præfedit Cæsarius, Episcopus Arc-latenfis vrbis, vti antea Theoderico Ostrogothorum Regi; sic tum Athalarico subiectæ. Ex quo cognoscitur nonnisi Episcopos vrbium Athalarico parentium hisce tribus Conciliis interfuisse, & Carpentorate, Arausionem Cauarum, ac Vafionem Vocontiorum, vrbes Sigismundo Burgundionum Regi quondam subiectas, (vt Synodus Epaonensis docet) fratri eius successorique Godomaro ab Athalarico, III regni sui anno exacto, nondum fuisse restitutas; quemadmodum nec Vapincum, Cabellionem Cauarum, & Aptam Iuliam. Neque enim dubito, quin Constantius & Philagrius Episcopi, qui Carpentoratenfi Concilio Mauortio Cos. interfuerunt, & Prætextatus, qui Arausicano affuit, iidem sint, qui decretis Concilij Epaone coacti inter
- 15XXVII. Episcopos Burgundiæ Agapeto V. C. Cos. subscribere, nimirum *Constantius Episcopus ciuitatis Vapincensis, Philagrius Episcopus ciuitatis Cabellica, & Prætextatus Episcopus ciuitatis Aptensis.*
- 15XXVII. Indiçtione v. Mauortio solo Consule Iustinus Aug. ex vlcere, quod in pede habebat, in languorem incidit, cumque ingrauescente vi morbi de vita pæne desperaret, Iustinianum, sororis suæ filium, annos XLV natum, quem iamdudum Nobilissimum designauerat, Kalendis Aprilibus in consortionem potestatis recepit, Epiphanio Constantinopolitano Episcopo, Senatoribusque, ac primoribus militum conuocatis, Imperatoremque appellauit, atque eius capiti diadema sua manu imposuit. Tum Iustinianus cum insignibus imperatoris ad populum, qui in Circum venerat, ex more processit, faustisque acclamationibus, & solitis laudibus exceptus, in Palatium rediit: ac statim vxor eius Theodora Augustæ nomen accepit. vt Marcellinus, Euagrius,

Auctor Chronici Alexandrini, & Zonaras, ac Cedrenus tradunt. Ex quo apparet errare Victorem Tununensem Episcopum in Chronico, cum ait post Consulatum Iustini A. II & Opilionis, quem malè Apionem appellat, Philoxeno & Probo Coss. Iustinianum, orante 15xxv.  
 Senatu, à Iustino Principe inuito *Casarem* tantummodo factum. Imperauit Iustinianus cum auunculo suo menses IV. quippe Iustinus ex vulnere pedis, quod quondam, in proelio sagittà ictus, acceperat, Mauortio Consule Kalendis Aug. interiit, LXXV II ætatis, IX imperij anno, ac die XXII, vir Catholicus & pius. 15xxvii.

Decio solo Consule *Stephanum Præfectum Hispaniarum factum, tertio anno Præfectura sue*, hoc est post Consulatum Lampadij & Orestis, quo anno Amalaricus periit, *Gerunda in Concilio discinctum esse* scribit Auctor Appendicis Chronico Victoris adiunctæ. Vbi notandum est Amalaricum Vesigothorum Regem absentem Hispanias per Præfectos administrauisse, propterea quòd, Gesalici fratris sui exemplo, Narbone in Gallia habitabat, post occupatam à Chlodoueo cum Aquitania Tolosam, quæ Regum Vesigothorum domus fuerat. Post Amalaricum autem omnes Vesigothorum Reges in Hispania, cuius partem maximam obtinebant, habitauere, vno excepto Liua, qui Regno Galliarum Narbonensis contentus, Narbone triennio regnauit: videturque primus Vesigothorum Principum Athanagildus, Iustiniano imperante, Toleti regni sedem statuisse. 15xxix.

Herminafridus Toringorum Rex, vt supradiximus, Theodorico Francorum Regi dimidiam partem Regni Baderici fratris sui daturum se promiserat, si Francis viribus victum eum interficere potuisset. sed cum adiutore Theodorico fusum acie fratrem occidisset, quod pollicitus erat, reuerso in Franciam Rege facere neglexit. Cuius periurij non immemor Theodoricus, deceptum se ac derisum fremens, Herminafrido bellum inferre summo opere instituit, Chlothariumque fratrem suum socium sibi adsciuit, parte ei prædæ promissa, si ex hoste victoriam tulisset. Deinde conuocatos Francos hortatus est, vt cum priuatam iniuriam suam,

tum cædem popularium vlciscerentur, reminiscerenturque crudelitatis ac perfidiæ Toringorum, qui quondam incursione in Franciam facta obsides, quos à Francis bellum deprecantibus acceperant, necauissent, pueros neruis femorum ex arboribus suspendissent, captiuas puellas partim equis pernicipibus alligatas distraxissent; partim grauibz plaustris obtriuissent. (quod ego X regni Chlodouei anno factum retuli, quoniam ea mihi bellum à Chlodoueo Toringis illati causa fuisse visa est) Postremò adiecit Theodoricus Herminafridum, violata fide, quod pollicitus sit, facere recusare, ab eoque pœnas periurij Deo secundo iusta ultione expetendas esse: quoniam ipse frustra sæpe per legatos promissa re-poposcisset. Quo Franci audito indignâtes Regem suum tanto scelere circumuentum fuisse, vno animo vnâque sententiâ causam belli probauere, & quò duceret sequi paratos se esse confirmauere. Igitur Theodoricus, Chlothario fratre & Theodeberto filio comitibus, Renum traducit copias, ac Toringiæ fines ingreditur. At Herminafridus, qui Francos virtute à suis superari non posse intelligebat, dolo eos decipere conatur. campum, in quo proelium committere constituerat, fossis intercidit, easque densò cespite operit. Postquam pugnari cœptum est, multi Francorum equi in fossas decidere, donec nostri cautiore facti cognitam fraudem euitauere, & circuito insidiarum loco Toringos inuasere. quorum cùm magnus numerus esset interfectus, reliqui omnes vnà cum Herminafrido Rege terga vertunt; nec priùs fugere destiterunt, quàm ad Onestrudem fluuium peruenerunt. Ibi Franci fugientes consecuti tantam cædem fecere, vt alueus fluminis cadaueribus repleretur, & victoribus amnem transeuntibus acruus corporum loco pontis esset. Sic apud Fortunatum in libro, quem de Virtutibus Hilarij scripsit, inuenio Chlodouicum Theodorici patrem, media nocte monitum in somniis ab Hilario Pictauorum Episcopo, vt votis in Basilica sua nuncupatis confestim cum hostibus proelio decertaret, post id factum tam feliciter pugnauisse, vt intra horam diei tertiam ex gente Hære-



tica victoriam ferret, & propter Vesigothorum coaceruatorum cumulos ex longinquo campus in collem mutatus esse videretur. quod sub loco omissum hic retuli, vt ex his duobus præliis, Vogladensi, atque ad Onestrudem, quisque colligat, quales tum Francorum pugnae esse consueuissent, qualisque victoriæ. Hic est Onestrides, vel Vnestrodes fluuius, ad quem postea Sigibertus, Dagoberti filius, Austrasiorum Rex à Radulfo Duce Toringiæ rebelli eruptione facta victus est, & magna clades accepta.

Cæsis circa Onestrudem Toringis, Herminafridus Rex cum paucis fugâ salutem petiit, atque in munitam se urbem cum coniuge & liberis contulit. Franci autem victores, agris igne & ferro vastatis, & depopulata regione, magnum hominum numerum in seruitutem abduxere. Gregorius Turonicæ Ecclesiæ Episcopus Toringiam tum captam, & in Francorum potestatem redactam dicit. quod si verum est, ita intelligi debet, vt non omnis Toringia, sed pars eius à Theodorico Francorum Rege post victos Toringos armis occupata fuerit. cum Herminafridum Toringorum Regem fuga mortem euasisse, muris munitæ urbis se inclusisse, nec in Francorum manus venisse constet. Regiam quidem sedemque Regum Toringorum (siue ea Erpfesfurtum, siue alia vrbs fuit) tum à Theodorico & Chlothario Francorum Regibus captam fuisse ex eo iudicari potest, quòd Chlotharius, cui ex pacto pars prædæ debebatur, Bertharij Toringorum Regis filium, filiâque nomine Radegundim, qui in aula Herminafridi patri sui educabantur; captiuos abduxit. nisi adolescentulum & virgunculam cum patruo profectos ad bellum, ibique captos esse credimus.

Non fuit cõtentus victoria belli Toringici Theodoricus Rex, sed vt erat Chlodouei parentis sui læuitia & auiditate animi simillimus, Chlothario fratri, quo adiutore & socio Toringos fuderat, pro auxilio nefariam in Toringia mortem perfoluere voluit, vt eius Regnum adiungeret suo: cumque viros armatos post aulæum stare iussisset, qui inopinantem deimprovisò interficerent, Chlotharium

ad se vocauit, tamquam cum eo sine arbitris de summis rebus acturus. Domum intranti Chlothario propter aulæ breuitatem pedes insidiatorum apparere detecti. qua re dissimulata haudquaquam territus suos armatos sequi se iubet, domumque fratris comitatus ingreditur. Tum Theodoricus, vbi intellexit detectas esse insidias, causam comminiscitur, cur armatos domi post aulam collocauisset, & alia ex aliis turbatus loquitur, vagis sermonibus fictisque fabulis innocentiam simulans: atque vt fratrem deliniat, catinum ei magnum dat ex argento. Vix Chlotharius vale dicto, & pro munere gratiis actis domum redierat, cum Theodoricus, questus apud suos se sine causa catinum perdidisse, Theodebertum filium post eum misit, qui à patruo munus peteret, quod ipse ei dedisset. hac arte relatum à Theodeberto catinum recepit. Ex quo apparet Regibus Francorum, quamuis maxima tum Galliarum parte potirentur, non multum argenti fuisse. Vnde Gregorius Turonicæ Ecclesiæ Episcopus in Præfatione libri v Historiæ tradit, Chlodoucum, Theodorici & Chlotharij patrem, cum hostilium gentium Reges interficeret, regionesque subigeret, *neque aurum, neque argentum* (sicut Chlotharij filij, eius nepotes, ætate sua in thesauris habebant) *habuisse.*

Victis Toringis, Theodoricus, & Chlotharius Francorum Reges exercitus spoliis graues in Franciam reducere. è quibus Theodoricus, domum reuersus, Herminafridum Toringiæ Regem, à quo fuerat promissis deceptus, pari fraude decepit: & data cum fide euocatum ad se, cum venisset Tolbiacum, accepit honorificè, magnisque muneribus donauit. moxque cum ambo super murum opidi colloquerentur, Herminafridus impulsus, & de summo muro in terram deiectus, effuso cerebro expirauit. ita vir pessimus dignum crudelitate sua habuit exitum, Regnumque, propter quod fratres suos interemerat, deformi morte sublati amisit. Gregorius in Historiæ libro IIII nescire se ait, à quo Herminafridus deiectus fuerit, multos tamen affirmare Theodorici dolum ea in re manifestò

festò patuisse. Fredegarius in Epitome Herminafridum à Theodeberto Theodorici filio interfectum; Aimoinus à Theodorico ipso de muro præcipitatum dicit. Addit Aimoinus, securus (vt solet) veterem Auctorem Historiæ Francicæ, Theoderici Merouingorum Regum penultimi æqualem, Herminafridi liberos iussu Theodorici interfectos esse, totumque Regnum Toringiæ (vti & Fredegarius tradit) ab eodem subactum & occupatum.

Nouissimum hoc aduersus Toringos bellum Indictione IX post Consulatum Lampadij & Orestis gessisse atque confecisse videtur Theodoricus. quippe Gregorius scribit Theodorico in Toringia morante, Childebertum fratrem eius Aruernos opidum occupauisse, moxque cognito eiusdem reditu ex Aruernia in Hispaniam ad vindicandam Chrothildis sororis suæ iniuriam contendisse, Amalaricòque Regi Vesigothorum bellum intulisse, vt appareat vno eodémque anno duos potentissimos Reges Herminafridum Toringum à Theodorico; Amalaricum Vesigothum ab Childeberto fusos acie, interfectosque esse. Constat autem post Consulatum Lampadij & Orestis Amalaricum à Childeberto Francorum Rege proelio superatum atque cæsum esse. quem admodum prodit Auctor Appendicis Chronico Victoris Tununensis Episcopi adiunctæ.

De expeditione Theodorici Regis Francorum aduersus Toringos Procòpius in libro primo belli Gothici sic refert. Toringos Barbaros beneficio ac permissu Cæsaris Aug. (post cuius obitum tamen annis ampliùs quadringentis nulla eorum fit mentio) sedes, quas nunc obtinent, possedisse. quibus Francos, post Theoderici Gothorum Regis mortem nemine ampliùs ipsis resistente, bellum intulisse, & Herminafrido eorum Rege interfecto, totam Toringorum gentem regionemque subegisse: vxorem Herminafridi Amalabergam cum liberis ad Theodahadum fratrem suum Ostrogothorum Regem in Italiam perfugisse. Quamquam Athalaricum tum in Italia regnauisse, nec nisi anno III post expeditionem Toringicam, nimirum Iustiniano Aug.

IDXXXIV. IV & Paullino Coss. Theodahadum ei successisse non  
 minus certum est, quàm falsum, quod suprà vetus Au-  
 ctor Historiæ Francicæ & Aimoinus produnt, Hermi-  
 nafridi liberos à Theodorico Francorum Rege post pa-  
 tris sui cædem interfici iussos esse. Amalaberga enim  
 vnà cum liberis fugâ Italiam petiit, ex Regina facta  
 priuata, amisso Regno, propter quod virum in cædem  
 fratrum suorum impulerat. Femina digna, quæ publi-  
 ca ruina protereretur, nec Toringiæ excidio, cuius  
 causa erat, superesset; ambitiosa, superba, intolerabilis,  
 matris demum filia. siquidem Amalafrida eius mater,  
 post mortem Thrasamundi Vandalorum Regis viri sui,  
 cùm freta Gothis, quos circum se habebat, res nouas  
 moliretur, atque Hilderico Thrasamundi successori in-  
 fidaretur, capta & in custodia priuata mortua est. Her-  
 minafrido Toringorum Regi ex Amalaberga vxore li-  
 beri fuerunt Amalafridus, auix maternæ cognominis,  
 Hamalafredus Fortunato, Procopio Amalafridas di-  
 ctus, & Ranicunda. è quibus Amalafridum Procopius  
 in belli Gothici libro IV Gothum virum, Amalafridæ  
 sororis Theoderici Gothorum Regis nepotem, Her-  
 minafridi Toringorum Regis filium fuisse ait, atque à  
 Belisario cum Vitige Constantinopolim abductum, ibi  
 ab Imperatore Iustiniano Romanis copiis esse præposi-  
 tum: sororem eius Audoino Langobardorum Regi in  
 matrimonium datam: eundem iussu Imperatoris Iusti-  
 niani cum militibus Romanis, quibus præerat, auxilium  
 Langobardorum Regi Audoino aduersus Gipedes tu-  
 lisse, à quo hostes prælio superati sint, & magnacædes  
 facta. Siue igitur Amalaberga in Italia decessit, ante-  
 quam Vitigis caperetur, siue cum Ostrogothorum O-  
 primatibus Constantinopolim abducta est: constat eius  
 liberos primùm ab Amalasuentha, & Athalarico Re-  
 ge, sobrino suo, tum à Theodahado, Ostrogotho-  
 rum Rege, auunculo suo, deinde à Matauentha Re-  
 gina, vxore Vitigis Regis, sobrina quoque sua Ra-  
 uennæ in Palatio esse educatos, & Indictione II A-  
 pione viro clarissimo solo Consule, vnà cum Virige,  
 Ostrogothorum Rege, qui Rauennæ obsessus à Beli-

IDXXXIX.

fario, sese dediderat, cùmque Matasuentha Constantinopolim captiuos abductos esse: vbi Amalafridi soror, Herminafridi & Amalabergæ filia, à Iustiniano Aug. Audoino Langobardorum Regi collocata est, vti ait Procopius. Accedit Procopio Iordanes, apud quem in libro de Successione Regnorum dicuntur Langobardi, socij Principum Romanorum, *Theodahadi sororis filiam*, tradiram sibi ab Imperatore, *Regi suo* matrimonio iunxisse, ac cum Gipedibus Romanorum æmulis prælio commisso, eos pæne castris exuisse, & vtrisque hominum millia ampliùs sexaginta cecidisse. Hæc est Audoini Langobardorum Regis aduersus Thurisindum Gipedum Regem magna pugna atque victoria, cui Amalafridus interfuit. vt appareat *Regem Langobardorum* à Iordane dici Audoinum, qui Amalabergæ Theodahadi sororis filiam, Amalafridi germanam in matrimonium duxit. At Paullus in Rerum Langobardicarum libro 1 *Ranicundam filiam Regis Turingorum*, ( hoc est Herminafridi ) primam Waconis, qui ante Audoinum apud Langobardos regnavit, vxorem fuisse scribit, & nullis eam genitis liberis decessisse indicat. siue falsò Ranicundæ, pro Audoino, Waconem virum fuisse credidit: siue duæ Herminafridi filiæ ( plures enim ex Amalaberga suscepit ) duobus Langobardorum Regibus; maior nomine Ranicunda Waconi; minor Audoino nupsere. Amalafridus Herminafridi filius à Iustiniano Principe Magister militum factus est, atque in Orientis partibus obiit, quem apud Fortunatum Presbyterum Radegundis, soror eius patruelis, mortuum luget his versibus.

*Quid mihi flere vacet? pressam hanc an sumere gentem?*

*An variis vicibus dulce ruisse genus?*

*Nam pater antè cadens, & auunculus inde secutus*

*Triste mihi vulnus fixit uterque parens,*

*Restiterat germanus apex: sed sorte nefanda*

*Me pariter tumulo præssit arena suo.*

*Omnibus extinctis, heu viscera dura dolentis!*

*Qui super vnus eras, Hamalafrede iaces.*

*Tale venire diu expectaui munus amantis,*

*Militiaque tua hanc mihi mittis opem.*

*Cernere non merui vinum, nec adesse sepulcro.  
 Perfero in exsequiis altera damna tuis.  
 Non fuit ex longa consanguinitate propinquus,  
 Sed de fratre patris proximus ille parens.  
 Nam mihi Bertharius pater; illi Ermenefredus.*

*Germanis geniti, nec sumus orbe pari.*

Vbimiror, quòd Radegundis de patris quidem sui Bertharij, & de Herminafridi patrui (quem *auunculum* parum proprio nomine appellat) deque fratris cæde, ac de Amalafridi fratris patruelis morte mentionem faciat; de Baderici autem alterius patrui sui exitu nihil dicat. Apud eundem Fortunatum Radegundis, ad Amalafridum scribens, de cæde fratris sui, adolescentis primâ lanugine conspicui, & de sororibus Amalafridi sic loquitur.

*Vos quoque nunc Oriens, & nos Occasus obumbrat,  
 Me maris Oceani, te tenet unda Rubri.*

— *Quid differo luctus?*

*De nece germani cur dolor altè taces?*

*Qualiter insidiis insons cecidisset iniquis,*

*Oppositaque fide raptus ab orbe fuit.*

*Deque tuis similis mihi cura sororibus hæc est,*

*Quas consanguineo cordis amore colo.*

*Nec licet amplecti qua diligo membra parentum.*

Quibus ex versibus cognoscitur, Herminafridum Toringorum Regem ex Amalaberga vxore marem vnum Amalafridum; femininâ autem sexus plures liberos generauisse, qui Constantinopolim abducti, & à Iustiniano Aug. vitis sint collocati. Hæ autem Herminafridi filix, grandes admodum virgines & ætate prouectæ nupsere, si verum est, quod ait Auctor Chronici à fratre meo editi, Patricio & Hypatio Coss. Amalabergam, ab Theoderico Ostrogothorum Rege auunculo suo Herminafrido nuptum datam esse. quippe nonnisi Apione filio Strategij solo Consule, hoc est post Consulatum Patricij & Hypatij anno XXXIX, Herminafridi liberi Raueñnz capti à Belisario, & vnâ cum Vitige Rege in Orientem abducti sunt. Præterea ex Fortunato intelligitur Radegundi, Bertharij Toringo-

12.

15XXIX.

rum Regis filix, fratrem vnicum fuisse, qui falso crimine apud Chlotharium Regem accusatus, ac iussu eius interemtus sit. quamquam apud Gregorium in libri III capite IV. dicitur Bertharius Rex Radegundim filiam pupillam reliquisse, & *alios filios*, de quibus infra scripturum se Gregorius pollicetur. at is in eiusdem libri capite VII. velut dictorum immemor, & parum sibi ipsi consentiens, de vno tantum Bertharij Regis filio, Radegundis fratre mentionem facit, quem ait iussu Chlotharij Francorum Regis, à pessimis hominibus impulsus, nefarie occisum esse. Nunc quoniam de Herminafridi liberis, & de Radegundis fratre scripsimus, de Radegunde ipsa pauca dicenda sunt.

Chlotharius Francorum Rex, antequam Toringiam cum Theodorico fratre suo peteret, partem prædæ in præmium latæ opis pactus sibi erat. Igitur post fustum acie Herminafridum Toringorum Regem, postque subactam ab Theodorico Toringiæ partem maiorem, pluri Chlothario captiui obtigere. Inter eos fuisse Bertharij Toringorum Regis filius, & filia nomine Radegundis, puella excellentis formæ, quam Chlotharius, captus amore eius, apud Ateias educauit, & vt Regis filiam decebat, instituendam, ac litteras docendam curauit, & annos pubertatis ingressam in matrimonium duxit, adeoque dilexit, nihil vt præter eam se habere nonnumquam diceret. at illa, pro nihilo ducens regale fastigium, noctu nudis pedibus orationis causâ Basilicam petebat, manè egentium curam agebat: cum egentibus vesci, quàm cum viro conuiuari; sola humi cubare, quàm cum Rege in lecto geniali malebat: Monachis ac seruis Dei non solum honorem habebat, sed etiam ad vitam necessaria conferebat; itavt Rex affirmaret non se Reginam, sed Monacham vxorem habere. Nec multo post Radegundis relicto viro, vestem regiam sacro velamine mutauit, & profuga in Aquitaniam venit, ac pro reuerentia Hilarij Pictauiensis quondam Episcopi Pictaui habitare constituit. vbi postea permisso Chlotharij Regis Monasterium puellarum extruxit, Virginisque ibidem Deo sacratas, ac seipsam

Regulæ S. Cæsarij Arelatensis Episcopi, & Agneti, quam Abbatissam constituerat, subiecit. vt refert Boëthius Wlfinus Episcopus in libro de vita Iuniani Confessoris ad Godolenum Abbatem, qui & *Brittharium* patrem Radegundis Reginæ Francorum appellat, falsoque ait Chlotharium, quem *gloriosissimum, & excellentissimum, ac orthodoxum Regem* vocat, inter ceteras clarissimas ac ferocissimas nationes, *nobilissimam Toringorum gentem* suæ ditioni imperioque subiecisse. Quippe Toringi à Theodorico, cuius vnus è Chlodouici filiis fines attingebant, subacti, tributarii que facti sunt, Chlothario (vt diximus) in præmium lati fratri auxilij portione prædæ contento. Apud Gregorium inuenio Radegundim iciuniis claruisse, orationibus, ac elemosynis crebrò vacauisse, & fuso nere consueuisse: résque omnes ac possessiones, quibus à Chlothario Rege viro quondam suo, filiisque ac successoribus eius aucta fuerat, in Monasterium suum contulisse, donationemque eam eorundem Regum diplomatis confirmandam curauisse: Basinam, Chilperici Regis filiam, Monacham suam, ne nuberet, deterruisse, patrique eius restitisse: atque cum litteris Sigiberti Regis, cui Pictaui parebant, (ac forsitan etiam cum versibus Fortunati ad Iustinum iuniorem Aug. ea de re scriptis) Clericos in partes Orientis misisse, qui ab Imperatore Dominicæ Crucis lignum peterent, quod cum in Monasterio positum fuisset, loco nomen dedit. nam Monasterium S. Crucis cœptum est appellari, quod alij ab auctore Monasterium Radegundis; alij à loco Monasterium Pictauiense cognominant. Decessit B. Radegundis (vt ait Gregorius) anno XII regni Childeberti iunioris, mensis sexti tertiodecimo die, hoc est Idibus Augusti, ac post triduum in Basilica S. Mariæ, quam inchoauerat, sepulta est anno LVI postquam à Chlothario Francorum Rege capta, & in Franciam abducta fuerat. Radegundim cum sæpe alibi, tum in libro VIII Fortunatus laudat his versibus.

*Splendida ferraco quondam subuecta superbo,  
Nunc terit obsequio planta modesta lutum.*



*Qua prius insertis onerata est dextra smaragdis,*

*Seruit inops famulis sedulitate suis.*

*Aurea fulcra tenens, iam tum sibi vilis honore*

*Effugit exstructum, puluere fusa, torum.*

Hæc de regio Toringorum genere dicta sint. res Francicas persequamur.

Dum Theodoricus bellum in Toringia gerit, in vrbe Aquitaniz Aruernis falsi rumores increbuere à Toringis victum eum interfectumque esse. quod cum non minus libenter quam temere credidisset Arcadius, vir nobilissimus, vnus è Senatoribus Aruernis, Auiti Aug. pronepos, Childebertum Francorum Regem inuitauit, vti regionem Aruernorum tamquam vacuum possessionem occuparet. nec moratus ille cum exercitu eò contendit. aduenienti portas Aruerni clausere. hærentem itaque Regem Arcadius, noctu incisa serâ vnus portæ, vrbi intromittit. sic potito Aruernis Childeberto nuntiatur Theodoricum sospitem atque victorem ex Toringia reuertisse. cuius de reditu certior factus, Aruernis præsidio imposito, Lutetiam Parisiorum rediit. vbi mox iustioris belli gerendi occasio cupido oblata est. Amalaricus Vefigothorum Rex, arma virésque Francorum metuens, à quibus victum cælumque Alaricum patrem suum, & omnem Aquitaniam subactam viderat, Chrothildim, Chlodouei & Chrothildis filiam, ab eius fratribus in matrimonium petierat, vxorémque duxerat. Hæc affinitas, quæ Amalarico præsidio futura fuerat, si coniugem amauisset, eidem dissidenti atque sæuienti causa exitij fuit. quippe Amalaricus Arianus, Chrothildi Catholicæ piissimæque feminæ diu multumque persuadere conatus, vt Arij sectam sequeretur, postquam expugnari posse desperauit, immeritam habere sibi odio & despiciatui cœpit: & ad Ecclesiam procedentem sæpe stercore aliisque purgamentis desuper proiectis inquinari iussit. postremò firmam proposito, atque in fide Catholica perseuerantem furens pugnis & calcibus sæuissimè cecidit, ad eò vt sanguinem vomeret. Ita tractata Chrothildis Regina, in dies grauiora metuens, ad fratrem Childeber-

tum epistolam , & sudarium suum , sicut erat , sanguine infectum misit , petens vt fortunam suam miseraretur , ac vindicaret iniuriam , celeritérque his se malis eriperet. Litteræ cum sudario ferendæ fido seruo traduntur. quibus lectis Childebertus , contumeliâ sororis grauiter commotus , contractis copiis expeditionem in Amalaricum suscepit.

Verus Auctor Historiæ Francicæ , & qui eum sequi solet, Aimoinus Monachus tradunt Childebertum Francorum Regem in vrbe Aruernis , itaut diximus , capta hæc à Chrothilde sorore sua litteras accepisse , statimque non exspectatis fratris Chlotharij , quem & Chrothildis implorabat , auxiliis , ex ea vrbe in Hispaniam cum maximo exercitu contendisse. Contrâ Gregorius in Historiæ libro III scribit Childebertum , cognitâ Theodorici fratris sui ex Toringia regressione , ex finibus Aruernorum *rediisse* , & in Hispaniam ob sororis iniuriam profectum esse. idémque in libro de Gloria Confessorum prodit , Childebertum Regem in Hispaniam tendentem ad Eusychium vel Eusicium Eremitam in agro Biturigum habitantem venisse , ac quinquaginta ei aureos obtulisse : quos vir sanctus aspernatus , Regi victoriam prædixerit. tum hunc auro egen-  
tibus dato vouisse , si victor Deo propitio ex Hispania reuertisset , Basilicam se ibidem , in quapius senex sepeliretur , exstructurum , votóque se postea exsoluisse. & in libro de vita supradicti Eusicij dicitur Childebertus Francorum Rex , cum Hispanias & Amalaricum peteret , *Francia finibus egressus esse* , & per Bituriges iter faciens , Eusicium ibi habitantem de euentu belli consuluisse , scéque ac suos eidem per nuntium commendauisse. Ex quibus intelligitur Childebertum ex Aquitania finibúque Aruernorum in Regnum suum rediisse , & Luteciæ Parisiorum , quæ & ipsius regia , & Franciæ , hoc est Neustriæ vrbs erat , omnibus rebus ad expeditionem comparatis , in Galliam Narbonensem contendisse.

Historicorum , qui de eo bello scripsêre , non modica discordia est. Verus Auctor Appendicis , quæ Victoris Chronico adiuncta legitur , natione ( vt existimo )

Hi-

Hispanus, tradit post Consulatum Lampadij & Orestis 10 XXXI.

*Amalaricum Regem à Childeberto Francorum Rege, quem pro Hildiberto Zidibertum appellat, in Gallia Narbonensi prælio superatum, Barcinonem fuga peruenisse, ibique à Franco angone percussum interiisse.* hastam autem seu lanceam Franci angonem vocabant. Sic & Fredegarius Scholasticus in Epitome Amalaricum filium Alarici propter uxorem suam, quæ soror Regum Francorum erat, *Barcinone à Childeberto & Francis occisum; Sigebertus in Hispania à Childeberto interemptum* dicit. Auctorem Appendicis sequitur quidem Isidorus in Chronico, sed ita tamen ut Amalaricum à suis interfectum affirmet. quippe apud eum dicitur Amalaricus, *cum ab Hildeberto Francorum Rege circa Narbonem prælio superatus fuisset, Barcinonem fugiens venisse: omniumque contra se odio excitato, apud Barcinonem (apud Narbonem mendose legitur) in foro ab exercitu iugulatus interiisse.* ab exercitu, inquam, non Childeberti, sed suo, cui ob cladem acceptam cõtemtuierat; vel potiùs à Theude ipso, qui Regnum Hispaniæ post eius mortem occupauit. neque enim aliter accipi potest, quod ibidem ait Isidorus, Theudim Regem Veligothorum morientem uenisse percussorem suum supplicio affici, ac meritas sã poenã sceleris luere dixisse, quod ipse *Ducem suum priuatim sollicitatum* (hoc est Amalaricum Regem suum sollicitatum ad secretum colloquium) *occidisset.* Hic rem pæne incredibilem mirari libet, Francis tantum animorum tantumque virium fuisse, ut Amalaricum, quem apud Narbonem acie vicerant; pedibus trans Pyrenæum Barcinonem persequerentur; & cum Veligothos fugã, tum Francos insequendo milliã passuum ampliùs CLX emergiti potuissent.

Procopius in libro I belli Gothici Amalaricum in Gallia; hoc est in prouincia Narbonensi prima, vel Septimania; quam obtinebat, à Francis interfectum indicat. sic enim scribit: Amalaricum Veligothorum Regem sororem Theodeberti Germanorum Regis in matrimonio habuisse. quam cum morẽ patrio Deum colere vir Arianus prohiberet, & à fide Catholica abducere co-

naretur, in recta sententia perseverantem despiciatui habere coeperit. mulierem, postquam quotidianas iniurias & contumelias amplius ferre non poterat, de viri saevitia fratri per litteras questam esse. eam ob rem Germanos (hoc est Francos) Vesigothis bellum intulisse, magnūque & atrox proelium esse commissum, quo tandem fusus Amalaricus, multis suorum amissis, ceciderit. tunc Theodebertum non modò sororem suam cum omnibus regiis opibus, sed etiam partem eam Galliae totam, quam Vesigothis tenebant, recepisse. Vesigothis verò, qui cladi superfuerant, ex Gallia in Hispaniam, in qua Theudis regnabat, cum coniugibus & liberis transiisse, ibique confedisse. Vbi notandum est falli Procopium, cum quòd uxorem Amalarici *sororem Theodeberti* appellat, quæ Childeberti soror, amita Theodeberti erat: tum maximè quòd regionem Galliae, quam Vesigothis obtinebant, hoc est Septimaniam, præter quam eis in Gallia nihil erat reliqui, à Francis tum subactam & occupatam dicit. Constat enim Childebertum Francorum Regem, contentum ultione sororis iniuriæ, post victum cæsūque Amalaricum domum rediisse: provinciamque Narbonensem primam, vel Septimaniam (quod fuis Vesigothis, ac Rege ipso interfecto, haud difficulter facturus videbatur) bello minimè quaesivisse, quam Septimaniam nec Gunthamnus Rex, fratris eius filius, semel atque iterum missis eò maximis exercitibus; nec quisquam alius Francorum Rex, ante aduentum Saracenorum in Hispaniam, siue ante Carolum Praefectum Aulae Pippini Regis patrem, eripere Vesigothis, ac imperio suo subiungere potuit.

Vt ad Historicos nostros veniam, Gregorius Turonicus Episcopus in libro Historiae tertio de eo bello Childeberti tantā securitate (vt solet) tantāque negligentia scribit, vt nec pugnae ullius mentionem faciat, nec unde, quove Amalaricus fugerit, dicat. sic autem; eo teste, res gesta est. Cum Childebertus Francorum Rex, vindicandæ sororis iniuriæ causâ, Hispanias petiisset: Amalaricus Rex, postquam de eius aduentu cognovit, naues paravit ad fugam. iamque imminen-

tibus hostibus nauem conscendere properanti relicta-  
rum in thesauro suo gemmarum venit in mentem :  
quarum secum asportandarum causâ *in ciuitatem* reuer-  
sus, ab exercitu Childeberti à *portu* intercluditur. tum  
Amalaricus, spe euadendi sublata, in Ecclesiam Chri-  
stianorum ( sic Catholicos vocabant ) confugere cœ-  
pit, ac priusquam limina sancta contingeret, ab Fran-  
co emissâ manu lanceâ interficitur. At Childebertus  
nudatis ac spoliatis hostium Ecclesiis, vt Regni sui Bâ-  
silicas instrueret, præter reliquam prædam vasa ex au-  
ro puro gemmis ornata, quæ Salomonis fuisse dicunt,  
nimirum LX calices, XV patinas, quas patenas vocant,  
& Euangeliorum thecas XX domum retulit. Chrothil-  
dis verò, Clotildis quibusdam dicta, dum à fratre  
cum magnis opibus in Franciam reducitur, in itinere  
decessit, ac postea Luteciam Parisiorum delata, & iux-  
ta Chlodoucum patrem suum sepulta est. Et ita qui-  
dem Gregorius scribit; nomine *ciuitatis* atque *portus*  
Narbonem Martium, portumque Narbonensem haud  
dubiè designans: apud quam urbem Amalaricum à Chil-  
deberto proelio superatum esse Auctor Appendicis su-  
prâ & Isidorus produnt, Auctor Chronici à Duchenio  
editi etiam ibidem interiisse ait. Præterea aut Narbo-  
rum à Childeberto captus, atque direptus est, qua in  
vrbe Chrothildis soror eius erat: aut certè Narbonen-  
ses redditâ fratri Chrothilde Reginâ, ac sacro profa-  
nôque auro à victore se redemerunt. Ne quis porro  
existimet non in Gallia & circa Narbonem, sed in  
Hispania rem gestam esse, propterea quòd Gregorius  
scribit Childebertum, belli Amalarico inferendi causâ,  
*Hispanius petiisse*: scire conuenit, Septimaniam non-  
numquam à scriptoribus Hispaniam appellari. Vnde Isi-  
dorus in Chronico, loquens de exercitu Guntchramni à  
Fl. Reccaredo Vesigothorum Rege per Claudium Eme-  
ritensium Ducem apud Carcassonem Septimaniz opi-  
dum fuso, negat vllam vmquam *in Hispaniis* Gothis  
maiorē contigisse victoriam. & Lucas Tudenſis in li-  
bro III ait, *provinciam Gallie*, ( hoc est Septimaniam )  
*Hispaniam citeriorem* dici: ac in fine libri Septimaniam,

*Hispaniam citeriorem*; Hispaniam autem ipsam, *interiorem Hispaniam* appellat: atque diuisioni Sedium Hispaniæ à Vamba Rege factæ hæc verba subtexit: *Sunt Sedes harum duarum Hispaniarum* XX C sub imperio Gothorum, id est Sedes Hispaniæ propriè dictæ, atque Septimaniæ. quamquam Ioannes Monasterij Biclariensis Abbas, Luca multis sæculis vetustior, non Septimaniam, sed Hispaniam, *citeriorem Hispaniam*, vel *Regnum citerioris Hispaniæ* vocat. Denique Fredegarius in Chronico, & Aimoinus in Historiæ libro III exercitum Guntchramni, qui Septimaniam tantum petierat, (vt ait Gregorius) bis intra quadriennium *Hispaniam ingressum esse* dicunt.

Vetus Auctor Historiæ Franciæ, Theodorici posterioris Francorum Regis æqualis, & qui eum transscribere solet, Aimoinus Monachus in relatione huiusce Childeberti expeditionis ita Gregorium sequuntur, vt in quibusdam ab eo dissentiant. Siquidem memoriæ tradunt, Amalaricum Regem Gothorum, quem ipsi Amalaricum, quidam Almaricum vocant, à Childeberto Rege equitatu validiore victū acie, multis suorum amissis, cum reliquis fugâ naues petere cōtendisse, sed persequentibus Francis, aut (vt ait Aimoinus) occurrentibus, & præoccupato itinere hostes à mari intercludentibus, ipsum Ecclesiam Catholicorum cursu petiisse, quò antequam p̄ueniret, ab equite Franco hastâ confossus sit. tum Childebertum, vastatâ Hispaniâ, Toletum vrbe sine mora oppugnauisse, atque opidanis consternatis cepisse, magnisque opibus inde sublati, & sorore suâ receptâ, in Franciam reuertisse. Quo tempore Childebertus, per Biturigas iter faciens, Eulicium sanctissimum virum salutauit, ac nummorum libris XV donauit, & rogatu eius multa captiuorum alterius alteri colligatorum paria solui iussit, regressusque Luteciam milites, in his Wlfinum p̄pinq̄uitate sibi coniunctum, optimum hominem piissimumque, pro suo quemque gradu suæque op̄erâ p̄miis & opimis fundis remuneratus est. Hic animaduerto supradictum veterem Historicum, & Aimoinum, atque etiam Adonem, in Hispani-

nia fufum acie cæfúmque Amalaricum , & Toletum à Childeberto captum eſſe credidiſſe , propterea quòd Childebertum *Hiſpaniam petiſſe* , & interfecto Amalarico Chrothildim ſororem ſuam recepiſſe apud Gregorium legerant , neque exiſtimabant , niſi captâ Regiâ Regum Veſigothorum, Chrothildim Reginam à fratre recipi potuiſſe. At, vt ſuprà diximus, poſt interfectum Alaricum, creptâque Veſigothis cum Aquitania Toſolam, Narbo Martius amborum Alarici filiorum, Geſalici & Amalarici , alterius poſt alterum , ac deinde Liuuæ ſedes fuit. nec ante Amalarici mortem Reges Veſigothorum Hiſpaniam, exceptâ Callæciâ Sueuorum Regno, totam ſibi parentem Septimanix prætulère , & relicto Narbone Toletum Regiam delegère, vbi quanto remotiores à Francis, tanto tutiores à repentinis eorum incurſionibus forent. nam Toletum Carpetanorum Tago flumini impoſitum, vmbilicus Hiſpanix eſſe dicitur, abéſtque ab vrbe Narbone millia paſſuum circiter ſeptingenta. Vnde factum eſt , vt Toletum *vrbs regia, & metropolis, regia ſedes* vocaretur, & Reges Veſigothorum ac Hiſpanix, ab ea vrbe nonnumquam *Principes Toletani, & Reges Toletani* cognominarentur. Et quoniam Toleti mentionem facere coepi, omittere non poſſum Fortunati de ea vrbe verſus, quibus Brunichildim, & Gaileſuintham, Athanagildi Veſigothorum Regis & Goſuinthæ filias, alteram ad Sigibertum, alteram ad Chilpericum Francorum Reges Toletum miſſas in Galliam indicat, atque priore ſuperſtite poſterioſiorem paullo poſt factas nuptias deceſſiſſe, Verſus tales ſunt

*Toletus geminas miſit tibi Gallia turres :*  
*Primâ ſtante quidem, fracta ſecunda iacet.*  
*Alta ſuper colles, ſpecioſa cacumine pulchro,*  
*Flatibus infeſtus culmine lapſa ruſt.*  
*Sedibus in patria ſua fundamenta relinquens,*  
*Cardine mota ſuo non ſtetit vna diu.*

Qui verſus pæne mihi perſuadent Toletum, Veſigothorum Regum ſedem, tum duas turres habuiſſe pro inſigni, quo poſtea Caſtellæ & Toleti Reges, orti Veſigo-

thorum genere, vti voluerint: atque par sororum Gailefuintam & Brunichildim, regias virgines duas, Toleti educatas, hisce duabus turribus, regię vrbis insigni ob magnitudinem comparari. neque enim credo has puellas suprà turres dici, quòd vectæ carrucis argentatis, quas Fortunatus ob formam rotundam turres appellat, in Galliam venissent.

Amalarico Vesigothorum Regi successit Theudis Ostrogothus, antea Theoderici Italię Regis Armiger, atque in tutela Amalarici gerenda eiusdem vicarius: qui à Iordane Thiudis, vel Thiodes; Theuda à Gregorio; ab Aimoino Theodus dicitur. Regnavit annis XVI, mensibus VI, vt ait Isidorus in Chronico. Quamquam Auctor Appendicis Chronico Victoris Tununensis Episcopi adiunctæ Theudi non ampliùs XII regni annos tribuit. quippe post Consulatum Lampadij & Orestis Amalaricum Regem à Childeberto Francorum Rege proelio superatum & interfectum, & post Consulatum Basilij V. C. anno 11 successorem eius Theudim mortuum dicit. Procopius in belli Gothici libro I tradit Theudim hunc, hominem *Gothum*, (sic semper Ostrogothos appellat) à Theoderico Rege Italię Hispaniensi exercitui præpositum, mulierem natione Hispanam, locupletem admodum & latifundiis diuitem in matrimonium accepisse, militumque duo millia mercede conducta, & satellites ad custodiam corporis lectos circum se habuisse, itavt verbo quidem Dux Ostrogothorum à Theoderico in Hispaniam missorum; re autem tyrannus non occultus esset. quâ re cognitâ Theodericum timentem, ne si Theudi bellum inferret, Franci armati sibi occurrerent, aut Vesigothi res novas molirentur, eidem quamvis rebelli Magisterium militiæ non abstulisse, sed Primores Ostrogothorum ad Theudim scribere iussisse, rectè eum facturum, si Theoderici salutandi causâ Rauennam venisset. Theudim porro nihilo seciùs imperata quidem fecisse, & quotannis tributa ex Hispania Rauennam deportari minimè prohibuisse, ad Theodericum verò nec venire voluisse, nec per litteras inuicantibus venturum se promississe.



Quo anno Amalaricus Rex Vefigothorum & Hispa-<sup>10 xxxi.</sup>  
 norum, à Francis victus est & occifus, eodem in Africa  
 Hildericus Vandalorum & Alanorum Rex à fuis regno  
 fpoliatus eft. Rem ab origine repetere conuenit. Gei-  
 fericus Vandalorum & Alanorum Rex maturâ fene-  
 ctute decessit, quem annos XXXVII menses tres re-  
 gnauiffe, nimirum poft captam Carthaginem, tradit Vi-  
 ctot Vticenfis Epifcopus, non ( vt falfo putat Proco-  
 pius ) annos XXXIX. Hic non multo ante obitum pa-  
 cem cum Zenone Aug. per Seuerum Patricium lega-  
 tum conuentus fecit, quæ ab vtriusque fuccefforibus  
 vfque ad Imperatorem Iuftinianum summâ fide ferua-  
 ta eft. Geiferico patri fucceffit Hunericus natus maxi-  
 mus filius, qui Eudociam, Valentiniani Principis &  
 Eudoxiæ Aug. maiorem filiam, Romæ captam, in ma-  
 trimonium duxit, ex eâque Hildericum fufcepit, atque  
 VIII regni anno obiit. Poft Hunericum Gunthamun-  
 dus, Geiferici ex Gentone filio nepos, Vandalis & Ala-  
 nis præfuit annos XI, menses VI, & Trafamundo fra-  
 tri moriens regnum per manus tradidit. qui amiſſâ con-  
 iuge, ex qua nihil liberorum tulerat, Amalafridam, fo-  
 rorem Theoderici Oſtrogothorum Regis, viduam, ma-  
 trêmque iam ex alio viro Theodahadi & Amalaber-  
 gæ, in matrimonium petiit, miſſamque à fratre ſuo cum  
 ſex Oſtrogothorum millibus, & vno de Sicilia pro-  
 montoriis Lilybæo dotatam, duxit vxorem, atque ſepti-  
 mo & viceſimo regni anno mense IV interit. Hi Re-  
 ges omnes ( nam ne Gunthamundum quidem excipit  
 Procopius ) domi maiores Afris Catholicis, quàm forſis  
 hoſtibus, nimirum Maurorum gentibus, clades intule-  
 runt. Trafamundo fratri ſuo patrueli ſucceſſit Hilderi-  
 cus, Hunerici Regis ex Eudocia filius, Geiferici & Pla-  
 cidi Valentiniani Aug. nepos, optimus & aditu faciliſ-  
 mus, ac nemini grauis Princeps: qui & Catholicos Sa-  
 cerdotes ab exilio redocauit, & clauſas priùs Eccleſi-  
 as aperiri iuſſit. cum Amalafrida à Vandalis in cuſtodiam  
 tradita eſſet, & Oſtrogothi, qui eam in Africam ſeque-  
 rantur, tamquam res nouare voluiſſent, ad vnum om-  
 nes interfecti. Amalafridam tradit Victor in Chronico

- 12XXIII. Maximo Consule post viri sui mortem, cùm fugeret ad Barbaros, commisso proelio apud Capsam locum Eremo proximum captam, & in priuata custodia mortuam esse. quam sororis iniuriam Theodericus Ostrogothorum Rex minimè vindicauit, propterea quòd (vt ait Procopius) classerè non habebat. Quamquam apud Cassiodorum Senatorem in libri Variarum IX epistolâ primâ non Theodericus, sed Athalaricus eius nepos atque successor de morte Amalafriðæ queritur, postulatque, vt Hildericus sibi satisfaciât. Habebat Hildericus Rex propinquum nomine Gelimerem, Gelaredi filium, Gentonis nepotem, Geiserici pronepotem à Procopio dictum, cui tamen Iordanes *atanum* fuisse Geisericum dicit, vt si eo nomine malè vsus non est, Gelimerem Geiserici adnepotem fuisse credidisse videatur. Hic despectâ Hilderici senectâ atque segnitâ, (erat enim admodum imbellis) persuasit Vandalorum Optimatibus, vt homini desidi, à Mauris victo, imperiumque Africæ ad Imperatorem Iustinianum transferre conanti Regnum adimerent, ac se in eius locum sufficerent. Ita Gelimer ab Vandalis Rex salatur, ingressusque Carthaginem, Hildericum VIII regni annum agentem, consobrinósque eius, Hoamerem &
- 12XXXI. Euageem fratres post Consulatum Lampadij & Orestis mandat custodiæ, multósque nobilium prouinciæ Africæ fortunis spoliât; multos interimit. Quâ cognitâ re Iustinianus Aug. casum Hilderici amici sui miseratus, legatos ad Gelimerem misit, qui postularent, vt eum in libertatem Regnumque suum restitueret. At Gelimer, vir non minùs crudelis quàm rapax, dimissis legatis, Hoameri quidem celeberrimo Duci, quem Achillem Vandalorum vocabant, oculos effodit: Hildericum autem & Euageem artiùs custodiri iubet, calumniatus Constantinopolim eos ad Iustinianum confugere velle. Tum Imperator per legatos sub belli comminatione petijt, vt Gelimer Hildericum, consobrinósque eius ad se Constantinopolim mitteret. quo non impetrato, pace cum Persis factâ, Belisarium Magistrum militiæ, & Patricium viribus instructum in Africam misit: cuius  
de

de aduentu simul ac Gelimer cognouit, Hildericum Regem cognatū suum, & propinquos eius, amicōsque cūm Vandalos tum Afros, quoscūque custodiæ mādauerat, iugulari iussit, superatūque præliis Ammatam, & Tzazonem, vel Sesaonem fratres suos amisit, atque petitis frustra à Theude Vesigothorum Rege auxiliis, fugatus, ac post trimestrem obsidionem fame ad deditiōem compulsus est, nec plusquam annos tres ac menses VIIII potiri potuit Regni eius, quod legitimè adepturus, & quietè possessurus fuerat, si Hilderici senis fatalem mortem expectare voluisset. Recepta est Africa à Romanis, Imperiōque restituta Indictione XII Iustiniano Aug. IV. & 1333, Paullino Coss. post annos CVII quā ab Vandalis & Alanis ductu Geiserici occupata fuerat: & Carthago anno XCV, postquā à Geiserico capta fuerat, iterum in ditionem Romanorum cessit. quæ eo facilius celeriusque gesta sunt, quod Geisericus Rex urbium Africæ omnium, exceptā Carthagine, muros solo æquauerat. Sardinia, & Corsica, quæ insulæ Italiæ quidem XVII prouinciis adnumerabantur, sed sub Vandalorum Regum imperio fuerant; item ~~Ebusus~~, Maiorica, & Minorica, quæ Baleares appellantur, iterum Romanæ prouinciæ sunt factæ, non iam Imperatoribus Occidentis, qui dudum esse desierant, sed Principibus Orientis parituræ. & Gelimer cum vxore & liberis, & ingentibus opibus, quas Africæ, Italiæ, & Illyrici prouinciarum spoliis ac populationibus Geisericus cumulauerat, Constantinopolim abductus est, quem Iustinianus Aug. possessionibus in Galatia non contemnendis donauit, Patricium facturum, si Arianam hæresim damnare voluisset. Hilderici autem liberis & nepotibus, à Valentiniano Aug. ducentibus genus, multa & magna contulit. Ex Vandalis captiuis alæ V equitum factæ, & urbibus Orientis præsidere iussæ. Nec multo post Vandalis, qui in Africa relictī erant, à Salomone Duce, timente ne res nouas molirentur, plerique cum coniugibus & liberis totius prouinciæ finibus expulsi sunt.

—Circa id tempus, quo Romani in Africa Vandalorum Regnum euertebant, Francorum Reges in Gallia

Regnum Burgundiæ occupauêre. Gregorius Turonicus Episcopus, qui sæpe fabellis, & leuissimis rebus, aut etiam nihil ad Historiam pertinentibus paginas implet, hoc bellum tribus verbis inuoluit magis quàm explicuit, cùm scripsit Childebertum & Chlotharium Francorum Reges, postquam Theodoricum fratrem frustra inuitauerant, vt aduersus Godomarum vxoris suæ patrum vnà cum ipsis expeditionem susciperet, Burgundiam petiisse, obsessoque Augustoduno, ac *fugato Godomaro*, omnem regionem occupauisse. Gregorium Fredegarius Scholasticus in Epitome, & Aimoinus Monachus in Historiæ libro II secuti sunt. Procopius Gregorio vetustior in libro I belli Gothici tradit Francos, quos Germanos appellat, cum *Burgundionum reliquiis* pugnam conseruisse, fusisque hostibus, eorum Regem (hoc est Godomarum) castello quodam inclusisse, ibique artâ custodiâ seruasse, & omnem regionem, quam Burgundiones obtinuerant, triburariam fecisse, atque gentis domitæ ac subactæ annis & opera, vt vellent, postea vsos esse. Vbi notare conuenit, cùm Franci tum omnem Burgundiam subegerint, vti ait Gregorius ipse, Augustodunum opidum Burgundiæ non obsessum modò ab eis, sed etiam captum fuisse: neque fugatum solùm Godomarum proelio, verùm & captum, cùm Procopius apertè prodat in castello quodam eum à Francis custoditum esse. Iuo in Chronico, malum secutus Auctorem, scribit Francos, Chlodomeris Regis mortem indignè ferentes, Godomarum, quem Gothimarum vocat, persecutos esse atque interfecisse. & Ioannes Parisiensis, qui ante annos trecentos floruit, eundem à Regibus Franciæ, Chlodouei filiis interemtum dicit. Subacti autem sunt à Francis vno proelio Burgundiones eo faciliùs, quòd aliquot iam ab eisdem expeditionibus & certaminibus fracti & attriti erant, quam obrem Procopius suprà Francos non cum Burgundionibus, sed cum Burgundionum reliquiis pugnauisse ait.

Occupata est à Francorum Regibus Burgundia Iustiano Aug. IV & Flauio Paullino Coss. Indictione XII, vel Fl. Paullino iuniore Consule: si credimus Mario

Auenticensi Episcopo, cuius verba notanda sunt. *Hoc Cof. (ait) Reges Francorum Childebertus, Chlotharius, & Theudebertus Burgundiam obtinuerunt, & fugato Godomaro Rege, Regnum eius diuiserunt.* Quibus verbis indicat Marius Theodebertum Theodorici filium iam tum regnauisse, cùm nouissima hæc in Burgundiones expeditio suscepta est, nimirum Paullino iuniore Con-<sup>12XXIV.</sup> sule, quo ipso anno Theodoricum decessisse infra docebimus. At Gregorius contrà, Childeberto & Chlothario Burgundiam petentibus, Theodoricum eorum fratrem Aruernos recepisse ait, deinde Mundericum Regnum affectantem oppressisse; cum Childeberto fratre fœdus iniisse, quod postea ruptum sit; Theodeberto filio suo Wisigardem despondisse; cùmque ad recipienda opida, quæ Gothi post Chlodouei mortem recuperauerant, misisse; ac tandem decessisse. quæ omnia cùm Theodoricus Francorum Rex vno anno eoque regni ac vitæ ultimo facere non potuerit, credendum est vel ante subactam Burgundiam ea gesta esse, nec ab Gregorio ordine exponi: vel certè Marium Paullino iuniore<sup>12XXIV.</sup> Consule Burgundiam à Francis occupatam falsò dixisse, quæ potius post Consulatum Lampadij & Orestis anno II, post aduentum Burgundionum in Galliam CXX, post occupatam ab eis Sapaudiam XC anno perdomita fuerit. Sanè ante Iustiniani Aug. IV & Fl. Paullini iunioris Consulatum Burgundiam in Franco-<sup>12XXIV.</sup> rum ditionem cessisse nonnulla sunt quæ mihi pæne persuadent. quorum illud primum & maximum est, quòd Concilio, XXII regni Childeberti anno, hoc est Iustiniano Aug. III Consule Aurelianus habito, inter-<sup>12XXIII.</sup> fuère è Burgundia Iulianus Viennensis Episcopus, Agrippinus Æduorum, vel Augustodunensium Episcopus, & Asclepius Presbyter missus ab Adelphio Episcopo Rauracensi. quæ tres Burgundiæ vrbes, Vienna Allobrogum, Augustodunum Æduorum, & Augusta Rauracum, licet (vt alibi dixi) à Francis, Chlodomeris Regis sui mortem vlciscentibus victoribusque captæ credi possint; tamen videntur potius ab Childeberto & Chlothario cum reliqua omni Burgundia esse:

occupatæ. siquidem tum Augustodunum (vt ait Gregorius) ab eisdem obsessum & captum est. Accedit etiam, quòd cum vno eodémque tempore Childebertum & Chlotharium Burgundiam; Theodoricum Aruernos petiisse dicat Gregorius, parum verisimile est Theodoricum Regem Francorum, recenti victoriâ belli Toringici ferocem, Aruernos urbem, quam post Consulatum Lampadij & Orestis dolo fratris amiserat, non nisi tertio post anno, Iustiniano Aug. IV & Paullino Coss. armis recepissee. vt omittam Gregorium Vesigothicæ Childeberti expeditioni Burgundicam eiusdem expeditionem continuò subtexere, Procopium & Aimoinum, quamuis falsò, etiam præponere. ex quo intelligi potest, post Consulatum Lampadij & Orestis confectâ expeditione Vesigothicâ, insequenti anno, post Consulatum Lampadij & Orestis secundo, expeditionem Burgundicam à Childeberto esse susceptam. Quare apud Sigebertum Vesigothicam expeditionem proximè iequitur Burgundica, sed prior octauo, posterior nono imperij Iustini senioris anno facta falsò dicitur.

Ceterum tamen si Marius scribat Childebertum, Chlotharium, & Theodebertum Burgundiam inter se diuisisse: tamen existimo eam inter ambos tantummodò fratres Childebertum & Chlotharium fuisse diuisam: propterea quòd (vt suprâ docui) regnabat tum adhuc Theodoricus Theodeberti pater, cum Burgundia subacta est. neque verisimile est Childebertum & Chlotharium portionem Regni suo periculo ac suo labore quaesiti Theodorico fratri, qui expeditioni interesse noluerat, sponte concessuros fuisse. Neque est, quòd quis dicat Concilio, apud Aruernos consensu Theodeberti Regis habito post Consulatum Paullini iunioris, tres Burgundicæ Episcopos interfuisse, nimirum Gregorium Lingonicum Antistitem, Venantium Viuariensem, seu Albensensem, & Grammatium Vindonissensem. nam Episcopi ex omnibus Francorum Regnis ad Synodos euocati venire consueuerant, atque (vt Concilij Aurelianensis III Præfatio docet) absentiam suam diuisione fortis excu-

fare non poterant. Præterea quod ait Aimoinus Germanum ad Theodebertum Austrasiorum Regem, pro villis Auguftodunenfis Ecclefie precaturum, Cabillonum veniffe, quæ Burgundiae vrbs fuerat, id in libris Aimoini à Duchenio editis non reperitur.

Theodoricus à fratribus fuis ad belli Burgundici focietatem inuitatus legatos re infectâ dimifit: fuae quòd Godomarum, Burgundionum Regem, vxoris fuae patruum oppugnare nolebat, fuae quòd in Aruernos rebelles arma conuertere, & crepta fibi à Childeberto recipere conftituerat. At Franci Auftrofij Theodorici ditioni fubiekti, qui Burgundicam prædam fpe præfumerant, fecuturos fe Childebertum & Chlotharium, deferturosque eum denuntiauerunt, fi in Burgundiam non proficifceretur. quos Theodoricus vbi ad defectionem paratos vidit, hortatus eft, vt fe in regionem Aruernorum fequerentur, ex qua multum auri argenti que, magnum mancipiorum, pecorisque numerum, & pretiofas veftes ipfo permittente domos effent relaturi, & femel atque iterum exercitui promifit, quemque, vnâ cum regionis præda, captiuos quòd vellet translaturum. His Auftrofij pollicitationibus illi futuros fe in potestate Regis affirmant, & quòd duceret ituros. Igitur Theodoricus, agrum Aruernorum ingreffus, totam regionem vaftat. cuius aduentu territus Arcadius, Auiti Aug. pronepos, qui Aruernos Childeberto Regi prodiderat, fugâ fibi confuluit, & Auaricum Biturigum urbem Childeberto tum parentem petiit. Placidina mater eius, & Alcima amita iuffu Theodorici comprehenfæ, omnibus rebus exfpoliatæ, & Cadurcos in exilium miffæ funt. Theodoricus verò Francorum Rex, depopulatis agris, urbem Aruernos obfedit. quo tempore repetitos à Porciano Abbate fanctiffimo viro captiuos non paucos folui iuffit, domosque dimifit, & potius vrbe, cum muros eius euertere conftituiffet, ab Hilpingo Duce placatus eft. Hic eft Hilpingus, cuius hortatu Theodoricus intra VIII ab Aruernis lapidem iniuriam fieri cuiquam vetuit, vt in libello de vita Quintiani Aruernorum Epifcopi tradit

Gregorius. In libro, quem idem Auctor de virtutibus Iuliani Martyris edidit, inuenio Theodoricum Francorum Regem pro reuerentia Martyris intra VII à Briuate vico milliarium quemquam vexari ac diripi prohibuisse, & milites, qui Ecclesiam S. Iuliani spoliauerant, vicanosque in seruitutem abduxerant, supplicio affecisse, atque ablata loco restituisse. Post captos Aruernos, expulsūque Childeberti præsidium, Theodoricus ad castrorum oppugnationes conuertitur: Tigernum incendit: Louolautrum, quod in libro de vita Quintiani Episcopi Vtrensē castrum Gregorius appellat, seruo Proculi Presbyteri prodente, occupat. ibi Proculus, qui quondam Quintianum iniuriā affecerat; ad altare Ecclesiæ ab Austrasiis interfectus atque discerptus est: castrum ferro & igne vastatum: castellani capti atque abducti. Erat in finibus Aruernorum Meroliacum, maximum & situ atque opere munitissimum castrum: ex quo emissos milites L ad prædam agendam Austrasij cepere. quos Theodoricus Rex religatis post tergum manibus ad munimenta castri producendos curauit, denuntiarique Meroliacenſibus iussit, nō imperata facerent, captiuos se ibidem ante ora parentum interfectorum. hac Meroliacenses denuntiatione territi singulos captiuos singulis trientibus, ac seipsos eodem pretio redemere. Sic igitur depopulatâ perdomitâque Aruerniâ, maiores, ac minores natu omnibus fortunis spoliati: in his Gallus pupillus, genere nobilis, Gregorij Historici nostri patruus, Aruernorum postea Episcopus, quem tum in aulam Theodorici translatus, hoc est Palatinis Clericis adscriptum, auctor est Fortunatus. ac præter nudum solum nihil cuiquam à Francis Austrasiis relictum est. Multi Clerici iidemque ciues Aruerni à Theodorico abducti, & Treuiricæ Ecclesiæ seruire iussi, credo, vt Regi essent obsidum loco. sicut postea Theodebertus, Theodoricum patrem suum imitatus, Aruernorum nobilissimi ac potentissimi cuiusque liberos, in his Florentium patrem Gregorij Historici, obsides ad se adduci iussit, ne ad Childebertum iterum deficerent. Vrbi regionique Aruernorum, ac mi-



litibus ibidem relictis Theodoricus Rex Sigualdum, cognatum suum, Ducem præfecit, & cum exercitu locuplere domum rediit. Fuit Sigualdus magnâ vir potentiâ & auctoritate, qui apud Aruernos bona multorum inuasit, nec multo post à Theodorico occisus Sigualdum filium reliquit, ac Ranichildem filiam, quæ Brachioni Toringo, postea Abbati Monasterij Manatensis, quo Sigualdus seruo ad venatus aprorum usus erat, prædia ac saltus dedisse dicitur.

Auctor libri de vita Fidoli Confessoris memoriæ tradidit factum esse quorundam insolentiâ, vti Theodoricus Francorum Rex, Sigiberti ac Brunichildis nepos, Aruernis & Biturigibus redderetur infensus, ac Theodeberto fratre suo ad auxilium euocato tantam eis calamitatem inferret, vt clarissimus quisque ex diuite mendicus & patriâ extorris factus sit. Tum pueros & adolescentes corporis pulchritudine egregios, & puellas specie excellentes, reuinctis post terga manibus, à Francis abductos venditôsq; esse. in his fuisse venerabilem Fidolum, iuuenem clarum genere, Aruernorum vrbis incolam, quem à Barbaris domum reuertentibus, & per agrum Tricassium iter facientibus emerit Auentinus Abbas, Cameliano, magni Lupi successore, Tricassinam Ecclesiam regente. Et ita quidem hic Auctor scribit. quem ego existimo nomine deceptum supradictam Theodorici maioris in Aruernos expeditionem Theodorico minori, Brunichildis nepoti, ac fratri Theodeberti tribuisse. Quippe Historicorum nostrorum nemo huiusce Theodorici minoris aduersus Aruernos expeditionis mentionem facit. Præterea Camillianus Episcopus Ecclesiæ Tricassinæ, quem hic Auctor Camelianû appellat, Concilio Aurelianensi I Felice & Secundo <sup>13 XL</sup> Coss. interfuit, & viuere vsque ad XXI regni Theodorici maioris annum potuit, vsque ad Theodoricum minorem nullo modo potuit, qui anno XXXVIII post Felicis & Secundini Consularum, siue post Chlodouei abauis sui mortem regnare cœpit. intra quod tempus Camilliano mortuo Vincentius primû, tum Ambrosius, deinde Gallomagnus, & Agroecius Tricassinæ Ec-

clesiæ præfuere. è quibus Ambrosius Tricassium Episcopus anno XXXVIII regni Childeberti Regis Concilio Aurelianensi V interfuit : Gallomagnus Concilij Parisiensis IV, & Synodi Matisconensis primæ statutis consensit atque subscripsit: Agroecius Concilio Matisconensi II affuit, euocatus inter ceteros à Guntchramno vel Gunthramno Rege, Theodorici iunioris maiore patruo.

Post receptos à Theodorico Aruernos, Mundericus quidam familiæ regiæ se inserens, & Regnum affectans opprimitur. res ita gesta est. Mundericus, vel Modericus, vnus ex Optimatibus Francorum Austrasiorum, elatus superbiâ Principem se esse, ac propinquum Regum, nec minùs sibi quàm Theodorico Regnum deberi affirmare cœpit. quod cùm multis agrestibus persuasisset, adiiciens comitibus suis adiutoribusque partium bene futurum, facilè cunctos perpulit, vt in verba sua iurarent, ac regium sibi honorem haberent. Theodoricus Rex, defectione Munderici cognitâ, dolo eum decipere ac interficere intendit: mittit, qui hominem inuident vti ad se veniat, portionem Regni sui, si qua ei debeat, accepturus. quâ Mundericus fraude intellectâ, nuntiis respondit, se ad Theodoricum minimè venturum: irent, renuntiarentque Regi suo; Regem se, sicut illum, esse: moxque comperto missum aduersus se ab Theodorico exercitum aduentare, quoniam ad prælium committendum vires deerant, Victoriaci castris cum suis se inclusit, & oppugnationem strenuè sustinuit. Cùm per dies VII nihil regiæ copiæ proficerent, certior factus de pertinacia obsessorum Theodoricus, vnum è suis, nomine Aregisilum vel Charigisilum misit, qui Munderico fidem incolumitatis daret, egressumque Victoriaco interimeret. Facit, quod iussus est, Aregisilus: acceptâ fide castrum ingreditur: Mundericum monet, consulat sibi, habeat rationem liberorum suorum, dedâtque se Regi, cui tametsi velit diu resistere non possit, fame & inopiâ subactus ( nâ consilium suum sequatur ) breui venturus in manus eius, atque periturus. Tum Mundericum timere se dicentem,

ne

ne egressus cum liberis & amicis omnibus suis iussu Regis interficeretur, confirmat Aregisilus, & in pristina apud Regem gratia pristinoque honore futurum ait: nec dubitauit manibus alrari impositis fidem dare, inuiolatum cum fore. Igitur Mundericus castro egreditur, manum Aregisili tenens. in quem coniicientibus oculos militibus Aregisilus ex composito signum cædis dedit his verbis. quid ita Mundericum, quasi numquam antea visum, defixi intuemini? statimque in eum ab omnibus impetus factus est. At Mundericus ubi intellexit deceptum se periurio, detestatus Aregisilum, auersum lancæ confodit, strictoque gladio vnâ cum suis magnam stragem regionum edidit, & ne inultus moreretur, dum spiritus superfuit, quoscumque consequi potuit, interficere non destitit. bona eius in fiscum illata sunt. Ceterum qua in regione hæc gesta sint, haud facile dixerim, propterea quod cum Mundericus Victoriaci obsessus dicatur, plura in Gallia loca eo nomine appellari reperio. Siquidem Gregorius in libro IV Historiæ Victoriaci villæ mentionem facit, quam idem *villam Victoriacensem* in libro VI capite XLI; Jonas in libro de vita Columbani *Victoriacum villam publicam, in suburbano Arausiensis urbis sitam* vocat. apud quam Sigiberrus à Neustrasiis Rex consalutatus, moxque summissis à Fredegunde Regina percussoribus interemptus est. Eiusdem Victoriaci, *Vitrei & Vitri* ibi dicti, in testamento Euerardi Comitis, & Gislae eius coniugis fit mentio: quem esse ait Aubertus Miræus vicum inter Atrebatas & Duagium medium. at Victoriacum illud villa publica, non castrum; & in Chlotharij, non in Theodorici Regno positum erat. Aimoinus in Historiæ libro II castrum Victoriacum, quod Mundericus se contulit, in Aruernorum finibus posuit, ceteris omnibus ignotum. certè apud neminem alium castrum eius nominis in Aruernis inuenisse memini. Quare existimo castrum Victoriacum, quod Mundericum sese cum suis contulisse ait Gregorius, fuisse ad Matronam flumen in pago Pertensi Regnoque Theodorici, id quod Frodoardus, Presbyter Remensis Ecclesiæ,

Interea dolo Childeberti sparsus in populum rumor totâ vrbe discurrit, ambos Reges coïre, non ob aliud, quàm vt fratris filius debitum Regnum restituant. Collocuti inter se Childebertus & Chlotharius Reges, vbi de agendæ rei via conuenit, per nuntium petunt à Chrothilde Regina matre suâ, quæ tum in vrbe Lutecia morabatur, vt ad se fratris filios paterno Regno donandos mittat. Gaius Regina, post captum cibum, pueris nutriciisque comitatos eos misit, adiectis verbis: *Non mihi videbor amisisse filium, si vos in eius Regnum substitutos videro.* At Theodoualdus, Guntharius, & Chlodoaldus, Chlodomeris filij, simul in Palatium venêre, comprehensi, seorsum à pueris & nutriciis suis custodiuntur. confestimq; ab Childeberto & Chlothario missus Arcadius, Auiti Aug. pronepos, forfices & strictum gladium Reginæ ostendit: interrogat, quid de nepotibus suis fieri velit, forficibusne tonderi, & priuatos viuere placeat, an gladio iugulari. Tam inexpectatis verbis velur telo icta Regina respondit, malle se nepotes suos, si ad regale fastigium non extollantur, mortuos videre, quàm tonsos. siue mente irâ & dolore perturbatâ nesciebat quid diceret: siue existimabat filios in hoc scelus minimè duraturos. Quo celeriter per Arcadium relato responso, Reges tamquam fauente matre pessimum propositum exsequuntur. Chlotharius Theodoualdum maximum Chlodomeris filiorum brachio prehensum ariebat in terram, ac sub ala cultro crudeliter traiecit. quo spectaculo exanimatus Guntharius ad pedes se Childeberti patruï supplex prosternit, & genua eius amplexus cum fletu, *Succurre mihi, (inquit) piissime pater, ne & ego peream sicut frater meus.* Serâ motus misericordiâ Childebertus lacrimas profudir, rogauitque Chlotharium fratrem, vt Guntharium sibi donaret, quidquid voluisset pro vita pueri reddituro. Mouere potuissent vel iratissimum & alienissimum hominem preces: sed Chlotharius, ferè similis gustato sanguine in rabiem actæ, omnem humanitatem exuerat. itaque mortem fratri ipsi minatus est, nî puerum à se repelleret, & tu (inquit) tam citò datam mihi fi-

*dem violas ? iam paniset te facti , cuius dux & auctor fuisti ?* His territus verbis Childebertus fraterno furo-  
ri cessit, ac Guntharium à se reiecit, quem Chlotharius  
exceptum cultro in latere transfixit. Chlodoaldus, vel  
Chlodoualdus, minimus natus filiorum Chlodomeris,  
per viros fortes periculo liberatus mortem effugit, ne-  
que à patris potuit comprehendere. Is sibi ipse capillos  
secuit, Clericusque factus, magnis postea à Childe-  
berto & Chlothario possessionibus ob sanctitatem vi-  
tæ donatus est. è quibus Dusiaceum, vel Tusiaceum in  
pago Mosomagensi, quod Frodoardus Duodeciaceum,  
quidam Duficam villam, alij Dociacum appellant, Re-  
mensi Ecclesiæ legavit: Ruiliaceum in Biturigibus po-  
situm S. Dionysio dedit: Nouientum, vicum agri Pari-  
siaci, Ecclesiæ Parisiorum, qua in vrbe Presbyter ordi-  
natus fuerat, donauit, vir non genere quàm virtutibus  
clarior, atque apud Nouientum VII Idus Septembris  
decessit, & in Basilica, quam ibidem exstruxerat, est se-  
pultus. locus nomen eius tenet. & in epistola Eginardi ad  
Gozbertum Abbatem de Monasterio S. Chlodoualdi  
fit mentio. Post Theodoualdi & Guntharij cædem pue-  
ri ac nutricij eorum ad vnum omnes iugulantur. quo  
nefando facinore peracto, Chlotharius equum conscen-  
dit, ac vnà cum suis Augustam Sueffionum repetiit.  
Childebertus quoque, cum oculos ciuitatis ferre non  
posset, abdidit se in suburbanum: nec multo post ambo  
Regnum Chlodomeris, causam pretijumque sceleris sui,  
inter se diuifere, imitati Chlodouicum parentem suum,  
qui cædibus propinquorum Regni terminos promoue-  
rat. Theodoualdus autem & Guntharius elati sunt ma-  
gnâ Clericorum psallentium frequentiâ, magnoque om-  
nium bonorum luctu, Chrothilde Reginâ vsque ad Ba-  
silicam S. Petri, in qua sepulti sunt, funera prosequente.

Hæc miserabilis iugulatio Chlodomeris Regis filio-  
rum Luteciæ facta est post Burgundiam perdomitam,  
vt Gregorius, Fredegarius, & Aimoinus tradunt. sub-  
acta est autem à Childeberto & Chlothario Burgun-  
dia Iustiniano Aug. IV & Paullino iuniore Coss. si Ma-  
rium sequimur, hoc est post decennium quàm Chlodo-

meres perierat : vel potius post Consulatum Lampadij <sup>12xxxii.</sup>  
 & Orestis anno 11, post Chlodomeris mortem octauo.  
 itaut insequenti anno, Iustiniano Aug. 111. Cos. Theo- <sup>12xxxiii</sup>  
 doualdus & Guntharius, 1X post amissum patrem an-  
 no, à patruis suis interemti esse videantur. Ex quo ap-  
 pareret falsum esse, quod ait Gregorius, cum iugulati  
 sunt, alterum, nimirum Theodoualdum, annos X; alte-  
 rum, puta Guntharium, septem tantum habuisse. ne  
 de Chlodoaldo loquar, qui cum esset minimus filiorum  
 Chlodomeris, vix tum sexennis fuisset. Ceterum no-  
 tare conuenit, quod tradit Gregorius, Chlodoaldum  
*auxilio virorum fortium* esse liberatum, & qui sint hi  
*virii fortes*, scire operæpretium est. Animaduerto igitur  
 à Gregorio Viros Fortes vocari eos, qui tum propriè Ba-  
 rones dicerentur. Vnde Isidorus in Originum libro 1X  
 ait acceptà mercede seruientes, *mercenarios*, eisdem &  
*Barones* dictos, quod *sint fortes in laboribus*, quem ta-  
 men falsò affirmare puto Barones mercenarios fuisse.  
 & in veteribus Glossis *Baron, fortis in laboribus* appel-  
 latur. ex qua nominis interpretatione cognoscitur Ba-  
 ronem idem significare quod fortem. Eisdem Grego-  
 rius in Historiæ libro VII *Viros Fortissimos*, & in libro  
 1X *Viros Fortiores* vocat, cum scribit omnes *Viros For-*  
*tissimos* regionis trans Duranium sitæ Gundobaldo iun-  
 ctos esse: atque *Viros Fortiores*, qui Sueffionis & Meldis  
 erant, ad Childebertyum minorem Francorum Regem  
 venisse, ab eoque petiisse, vt Theodobertyum filium  
 suum natu maiorem ipsis præficeret. & Fredegarius in  
 Chronico, cum ait Wilibadum Burgundiæ Patricium  
 ex Patriciatu suo, hoc est, ex prouincia cui præerat,  
*Pontifices, ac Nobiles, & Fortes*, plurimam præterea  
 multitudinem coëgisse, vri se ab inimicis defenderet,  
 nomine *Fortium* non alios (nî fallor) quàm Barones de-  
 signat. Porro tamen Gregorius scribit Childebertyum  
 & Chlotharium Regnum Chlodomeris inter se æquâ  
 lance diuississe: tamen apud Faustum de Vita Mauri Ab-  
 batris inuenio, Cenomanos & Andecauios, qui non mi-  
 nus quàm Turones sub ditione Chlodomeris fuisse mihi  
 videntur, Theodeberto paruissse: itaut ipse, aut Theo-

doricus eius pater portionem Regni Chlodomeris à Childeberto & Chlothario accepisse credi possit.

IOXXX-  
VIII

Paullo post cædem Chlodomeris Regis filiorum, Theodoricus Rex Wisigardem, vel Wisegardam, Waconis Langobardorum Regis filiam, Theodeberto filio suo despondit. Hic est Waco, qui ab aliquibus Guaco, à Procopio modò Vacis, modò Vaaces appellatur, & qui Ioannè Consule, sollicitantibus legatis spe ingentis pecuniæ, belli aduersus Romanos societatem cum Vitige Ostrogothorum Rege inire noluit, propterea quòd Imperatori Iustiniano amicus sociusque erat. Eundem Paullus in rerum Langobardicarum libro I filium Zuchilonis fuisse ait, & Tarone Rege patruo suo victo & interemto, atque Hildeche filio eius fuso fugatoque, Regnum Langobardorum occupauisse: vxores habuisse Ranicundam, vel Ranigundam, Toringorum Regis filiam, de qua suprà scripsimus; deinde Austrigofam, filiam Gipedum Regis, ex qua Wisegardam, & Walderadam tulerit: quarum maiorem Theodeberto Regi Francorum in matrimonium tradiderit; minor *Cusupald*, seu potius Teudupald, hoc est Theodobaldo Francorum Regi collocata sit.

Vesigothi, vt alibi diximus, Vogladensi clade omnem Aquitaniam, & partem aliquam Septimaniæ amiserant. sed cum multa ex his, quæ Chlodoueus armis adquisierat, post eius mortem, Francis in Toringos, Burgundionesque conuersis, recuperauissent; Theodoricus Theodebertum, Chlotharius Guntharium maiorem filium, ad recipienda quæ defecerant, cum copiis misere. Guntharius, vbi ad urbem Septimaniæ proximam Rutenos peruenit, incertum quam ob causam, domum reuertitur. At Theodebertus, fratre suo patrueli constantior, Septimaniæ fines ingreditur, Deas castrum Beterensium expugnat, ac diripit. Erat in eodem agro castrum Capraria, à quo *Monasterium S. Marie Capariensis* apud Septimanos in decreto Ludouici Pij de Monasteriis dictum puto. Ad eos castellanos Theodebertus caduceatorem misit, qui denuntiaret, nì dedicationem facerent, ipsos castro incenso vincula & serui-

tutem esse passuros. In eo erat castro matrona, nomine Deuteria, non genere & prudentiâ quàm formâ eminentior, quæ virum suum, metu Francorum Beteras sese conferentem, ex industria sequi noluerat, ibique vnâ cum filia remanserat. Hæc cognitis mandatis misit, qui Theodebertum inuitarent vti veniret, facerétque quod placeret, quoniam resistere ei nemo posset. quibus verbis Deuteria Theodebertum non tam in castrum, quàm in lectum suum inuitabat. Igitur Theodebertus receptus in castrum, cùm pacata ibi omnia, nihil vsquam hostile cerneret, summam adhibuit curam, ne quam Franci castellanis iniuriam inferrent. Castrum intranti Deuteria cultè exornata occurrit, quam Theodebertus, captus amore mulieris, contubernio sibi adiunxit. Deuteriam autem arbitror Caprariæ dominam fuisse, nec aliter feminam, ( quæ virorum partes erant ) legatos de deditione ad Theodebertum fuisse missuram, aut castrum in potestatem eius tradere potuisse. nisi quis credere malit mulierem nobilem ac potentem auctoritate suâ Caprariensibus persuasisse, vt portis patefactis Theodeberto se dederent, quem Gregorius hoc loco more suo, quodd Regis filius erat, *Regem* appellat. Fuit Deuteria, vt ex nomine intelligitur, natione Galla, vel (quemadmodum tum loquebantur) Romana. vnde Fredegarius in Epitome eam *genere Romanam*, hoc est Gallam; Aimoinus quoque in Historiæ libro II *Romani generis feminam* vocat. è quibus Fredegarius Scholasticus, linguæ Græcæ ignarus, pro Deuteria corruptè Deoteriam, ac Teoteriam appellauit. Nimirum qui Græcis aut Latinis nominibus tum dicti reperiuntur in nostris historiis, scire licet hos Gallos esse. dudum enim Gallica nomina exoleuerant. contra Franci habendi sunt, vel in parte Germaniæ Francis subiecta nati, quotquot circa ea tempora Germanicis nominibus appellantur. sic & Afri à Vandalis; sic Hispani Septimani que ab Vesigothis; sic Itali & Prouinciales ab Ostrogothis; sic Britanni ab Anglis distinguebantur. Sed postea Franci à Gallis non rarò vt uxores, sic nomina cognominâque Latina accepere, &



Gallis nonnumquam, sublato discrimine, ob maternum genus Francica data sunt nomina. quod semel notasse sufficiat. Porro Theodeberto tum non in Septimania modò cum Vesigothis, sed etiam ac multo magis cum Ostrogothis in Prouincia res fuit. Quare Gregorius in libri III capitis XXI inscriptione Theodebertum *in Prouinciâ contendisse* dicit, & in capite XXIII ab Arelatensibus eum obsides accepisse, quæ vrbs, caput Prouinciæ Arelatensis, Athalarico Ostrogothorum & Italarum Regi parebat. Verùm Cassiodorus Senator, vt suprâ retulimus, in libro Variarum XI, dum Athalaricum puerum, Regem suum, more Panegyristarum laudat, ait Francos, ingenti expeditione turbatos, cum Ostrogothis, tametsi ab eis laceſcebantur, pugnare noluisse, Theodoricumque Regem morbo amisisse. Ex quo facile est cognoscere Theodebertum, non Ostrogothorum viribus, sed allato nuntio de morbo Theodorici patris sui territum (sicuti ait Gregorius) ad eum festinauisse, Prouinciâque excessisse.

Vesigothos Vogladiensi clade partem aliquam Septimaniæ amisisse, suprâ diximus. quod vt intelligatur, notare conuenit in Septimania, quam prouinciâ Narbonensem primam appellabant, vrbes, vel (vt loquebantur) ciuitates fuisse octo, nimirum Narbonem metropolim, Tolosam, Bereras, Agatham, Nemausum, Magalonam, Luteuam, Vcetiam. quemadmodum in Notitiis prouinciarum & ciuitatum Galliæ ante occasum Imperij Occidentalis editis inuenio. Ex quo apparet Carcassonem & Elenam, nonnisi regnantibus in Septimania Vesigothis, ciuitates, sedesque Episcoporum esse cœpisse. Certè in Synodo apud Narbonem iussu Reccaredi Regis habita earum ambarum sedium primùm fit mentio, cui Synodo Sergius Carcassonensis Episcopus, & Benenatus Elenensis Episcopus interfuere. Vesigothi igitur prælio fusi à Chlodoueo Alaricum Regem, & omnem Aquitaniam, cuius partem maximam annos XXCVIII tenuerant, reliqua non multo antè Eurici ductu occupauerant, amiserunt, præterea Septimaniæ vrbes Tolosam, caput Regni, Luteuam, vel  
Lu-

Lutubani, & Vcctiam. è quibus Luteua aliquamdiu Francorum Regibus paruit: vti docet Synodus permiffu Theodeberti Regis apud Aruernos habita, cui Deuterius Epifcopus Ecclefie Luteuensis interfuit. fed <sup>12XXV.</sup> poftea à Veligothis, & ( nî fallor ) à Leouigildo Rege per Reccaredum filium recepta eft; tum cum Reccaredus III imperij Mauricij anno, repulfis Francis, tria <sup>12XXV.</sup> cafta occupauit, nimirum Caput arietis, Vgernum, atque aliud, quod nec Ioannes in Chronico, nec Gregorius in Hiftoriæ libro VIII fuo nomine appellant, ego Luteuam fuiſſe exiſtimo, in IV veteribus Notitiis prouinciarum & ciuitatum Gallie *Luteuam caſtrum* dictam. Vnde inter Epifcopos prouincie Gallie, vel Septimanie, qui Toleti & Narbone iuſſu Reccaredi Regis conuenerunt, *Agrippinus de ciuitate Lotena Epifcopus* numeratur. & Leontianus *Lutubensis Epifcopus* edicto Flauij Gundemari Regis ſubſcripſit. Anatolius quoque *Eccleſia Lutubensis Epifcopus* Concilio Tolerano quarto, ſextoque interfuit; Gilibertus Diaconus, agens vicem *Anſemundi Epifcopi Lotobensis*, Concilio Tolerano XIII. Tolofa verò & Vcctia poſt Vogladenſe proelium ſub Chlodouci, poſteriorumque eius ditione ſemper & imperio fuerunt: quemadmodum Gregorius, Fredegarius, & Concilia Gallie docent. Quare in ſtatu-  
to Ludouici Pij de Monafteriis Regni Francorum pagus Tolofanus à Septimania diſtinguitur. & apud Lucam Tudenſem, in deſcriptione Sedium Hiſpanie ac prouincie Gallie à Wamba Rege Veligothorum facta, Narboni metropoli Beteræ, Agatha, Magalona, Nemaufus, Luteua, Carcaſſo, & Elena ſubiiciuntur, quæ VIII vrbes Septimanie vſque ad Saracenorum aduentum in Hiſpanias Veligothorum Regibus paruerunt: nec vlla Tolofæ & Vcctie ibidem fit mentio. Quamquam recentiores quidam Auſtores Hiſpani huic deſcriptioni Tolofam falſò inferuere, cuius vrbis Epifcopus Narbonenſi quidem Metropolitæ, ſed non Regibus Veligothorum ac Hiſpanorum ſuberat, nec magis quàm Vceticus Epifcopus vllis ob id vnquam cum Metropolitano ſuo Hiſpanie Conciliis interfuit. vſ omittam

Isidorum Pacensem Episcopum, veterem scriptorem Hispanum, qui in Chronico tradit Tolosam Eudoni Franco Aquitanorum Duci paruisse, atque à Saracenis frustra obsessam esse. In libro de vita Betharij Carnutenorum Episcopi inuenio, Theodoricum minorem, Francorum Regem, coactis ex Burgundia, Alamania, & Gothia copiis, Chlothario Chilperici filio bellum intulisse, tamquam Gothia vel Septimania sub ditione eius esset, cuius partem minimam, Tolosam nimirum & Vcetiam obtinebat. Nec id magis miror, quàm quod semel atque iterum affirmat Rodericus Toletanus Archiepiscopus in Rerum Hispaniæ libro III, *Rutenos, Albam*, (Albigam vult dicere) *ac Vinarium ciuitates, Gothorum tempore, ad Narbonensem prouinciam pertinuisse*: & antequam Saraceni in Hispaniam transirent, hæc tres vrbes, cum Narbonensi prouincia, vel Gallia Gothica in potestate Vesigothorum fuisse, quas Francorum Regibus paruisse fatebitur, quisquis vel vnum Gregorium, vel Concilia Galliæ legerit. Ad rerum ordinem reuertor.

Dum Theodebertus in Septimania, atque Prouincia bellum gerit, Theodoricus eius pater, quem aliqui Theudericum appellant, Chlodouicum parentem imitatus, Sigualdum propinquum suum, ex Duce Aruernorum, capite truncat, statimque nuntium clam ad Theodebertum mittit, vt Gualdum Sigualdi filium, quem tum secum habebat, interimat. At Theodebertus, vt erat mitis, iuuenem, quem de sacro fonte exceperat, interficere noluit, vocatòque patris litteras, quibus eum occidere iubebatur, legendas tradidit, ac suasisit, vt fugeret, nec antè domum rediret, quàm Theodoricum patrem suum decessisset, ac se regnare comperisset. Obligatus tanto beneficio Gualdus Theodeberto gratias egit, confestimque valedixit, & Arelatum urbem Ostrogothicæ ditionis, à qua Theodebertus obsides acceperat, petiit. vbi cum parum tutò se latere intelligeret, ob vicinitatem Vcetiæ, aliarumque urbium Theodorico parentium, in Italiam fugit.

Interea fidissimorum amicorum diligentia Theodeberto nuntiatur Theodoricum patrem ipsius grauiter ægrotare, cuius nisi mortem velocitate antecederet, futurum esse, ut interclusus à patris Regni paterni finibus prohiberetur. Quo cognito Theodebertus apud Aruernos Deuteriam cum filia sua deponit, atque omnibus rebus postpositis, celeritate quantâ poterat, festinat ad patrem, in vrbe regia Mediomatricis, Mettise ægrotantem. nec multis post diebus quàm aduenerat, Theodoricus decedit, Mettisque sepelitur, ut ait Herimannus Contractus in Chronico: Obiit Theodoricus III & XX regni sui, LI circiter ætatis anno, hoc est Iustiniano Aug. IV & Paullino iuniore Coss. malè enim Fredegarius & Aimoinus (nisi si exemplarium vitium est) ei XXIV regni annos attribuunt. DXXXIV

Fuit autem Theodoricus vir acer, agilis, astutus, & callidus, ac bellicosus, omnium demum patris sui virtutum, viciorumque consors, insidiosus sociis, infidus fratribus, cognatis perniciosus. quippe & Chlodorem fraude decepit, interclususque à Burgundionibus auxilium ferre noluit: & Chlotharium in societatem belli adscitum per summum nefas interimere voluit: atque ante paucos menses quàm decederet, Sigualdum Ducem, propinquum suum, non ob aliud (credo) suspectum, quàm quia potens & genere propinquus erat, occidit, ut sublato viro, qui res nouas moliri poterat, firmiter filio relinqueret Regnum. Quæ facta minùs mirabitur, qui animaduernerit finitimis Regibus rarò inter se bene conuenire, ac nescio quo facto fieri, ut Reges plerumque fratres ac propinquos, etiam priuatos, nedum dignitate æquales, suspectos habeant & inuisos. A paterna pietate minimè degenerauisse Theodoricum indicio sunt Venderæ, Remigio Remorum Episcopo ab eo datæ: Gaugiacum in pago Remensi, ac Germiniacum, vel Germaniacum Theodorico Abbati collata, cuius etiam exsequias celebravit, summis sanctitati humillimi Monachi regali fastigio. Gregorius in libello de vita Nicetij Treuironum Episcopi tradit, Theodorico Regi Nicetium tum Abba-

tem magno honori ac venerationi fuisse, propterea quòd ipsum peccantem liberè admonere ac castigare consueuerat: atque ob id Regis iussu ac decreto, & consensu populi, Treuiricæ cum Carhedræ impositum esse. Idem in libro de Vita sanctorum Patrum sanum fuisse apud Agrippinenses scribit variis donis & ornamentis refertum: in quo Franci idololatræ (nondum enim omnes facti erant Christiani) sacrificare, ac vsque ad vomitum potione & cibo repleri, & quam dolebat quisque, corporis partem sculptam è ligno ponere consueuerant. Hoc sanum, cum nemo intus esset, succensum esse à Gallo patruo suo, tum Diacono, Clericòque Palatino: qui vt ethnicos strictis gladiis persequentes euaderet, in aulam properè se abdiderit. Regem autem Theodoricum, re cognitâ, minaces & furore accensos blandis sermonibus mitigauisse, ac postea mortuo Quintiano Gallum, ex Diacono Presbyterum factum, gratis Aruernorum Episcopum designauisse, ac ciuibus cum suis epulum publicâ impensâ præbere iussisse, atque in urbem Aruernos duobus Episcopis comitatum misisse. Et hæc quidem sunt pietatis bonitatisque Theodorici argumenta certissima.

Quod verò ad rem militarem pertinet, bello eum optimum fuisse docent Albienses, Ruteni, Cadurci, ac Aruerni, Chlodouci patris imperio perdomiti; & post parentis mortem Chochilaichus Danorum Archipirata interfectus; Badericus ac Hermimafrius Toringorum Reges alter post alterum fusi magnis proeliis ac cæsi; totaque Toringia subacta, & in formulam redacta prouinciæ; tam faciliè & Aruerni recepti, & Mundericus oppressus; pars denique Saxoniz numquam peregrina imperia expertæ facta tributaria. Quippe cum Franci, antequam Galliam occupassent, positi essent inter Alamannos, & Saxonas, gentes nationum Germanarum validissimas, ac ne Francis quidem ipsis famâ & viribus inferiores; post domitam Galliam ne quid esset in Germania, quod timere deberent, magnâ felicitate & singulari quodam Dei beneficio accidit Chlodoueo atque Theodorico Francorum Regibus, vt Alamannos subi-

geret pater; filius Saxonibus fractis, si non omnibus, saltem finitimis tributum imponeret. Quod ex Gregorio Turonicæ Ecclesiæ Episcopo colligo, cuius in libro Historiæ IV inuenio, Chlotharium, cum *Regnum Francia*, hoc est Regnum Austriæ, quod Theodebaldo mortuo acceperat, circumiret, à suis de altera defectione Saxonum cognouisse, tributa, quæ in annos singulos pendere solebant, conferre recusantium, statimque Saxoniam petiisse. cuius finibus simul ac appropinquauisset, Saxones ad eum legatos misisse, qui pacem peterent, & quæ *fratribus ac nepotibus* eius dependere consueuissent, dare paratos se esse dicerent. Vbi emendandus Gregorius, & non *fratribus*, sed *fratri, ac nepotibus* Chlotharij tributa pependisse dicendi sunt Saxones, nimirum Theodorico fratri Chlotharij, & eius filio, ac nepoti, Theodeberto, ac Theodebaldo, qui regionem Cattorum, Toringiam, aliòsque pagos Saxoniz finitimos obtinuere. vt tam faciliè Theodoricus bellum Saxonibus inferre potuerit, quàm constat Chlodomeri, & Childeberto eius fratribus, qui in Galliis tantùm regnauère, necnon Chlothario ipsi, ante Theodebaldi mortem, nullo modo cum ea gente Transrenana rem fuisse. Nepotes autem, ætate Gregorij, fratrum & sororum filios, fratrumque ac sororum filiis genitos appellare mos erat.





HADRIANI  
VALESII  
RERVVM FRANCICARVM  
LIBER OCTAVVS.



THEODEBERTI amicorum, suadentium vt ad patrem ægrotantem festinaret, & à patruis metuendum esse monentium, salubre consilium, nec vanus metus fuit. Quippe Childebertus & Chlotharius Francorum Reges, quemadmodum antea Chlodomeris fratris sui filiis interemtis Regnum Aurelianense occupauerant, sic Theodeberto Theodorici fratris filio Regnum eripere conati sunt. Ex quo iudicari potuit, quid eo absente facturi fuerint, qui præsentem oppugnare non dubitauerunt. Sed experti sunt ambo facilius pupillos quàm iuuenem ætate florentem posse spoliari. cum enim iunctis viribus Theodeberto bellum intulissent, obuium eum, non minoribus copiis instructum, habuere, incertumque prælij exitum timentes, & à nouo Rege placati ac demulsi muneribus domum rediire. Sic igitur Theodebertus à Primoribus Francorum sibi subiectis, quos Gregorius *Leudes* appellat, defensus, ac in paterno Regno stabilitus est. In quo iuuenis prudentiam mirari libet, qui pacem & amicitiam

patruorum auro redimere , quàm se & suos inter initia principatus pugnando in periculum coniicere maluit.

Confirmato Regno , Theodebertus , aliis Theodebertus ; aliis Theutbertus dictus , Deuteriam ex vrbe Aruernis euocauit , perductamque ab his , quos miserat , in matrimonium accepit , Childerico proauo suo magis reprehendendus. hic enim idolorum cultor , & cælebs Basinam , Bisini Toringorum Regis coniugem , duxit vxorem. ille & Christianus , & sponsus , immemor fidei datæ Wisigardi , alienam vxorem , viuo prior marito , sibi coniunxit.

Interea Childebertus , posteaquam vidit se Theodeberto nihil nocere potuisse , cum eo in gratiam redire constituit , inuitatōque per legatos vti ad se veniat , nuntiari iubet , sibi , qui muliebris tantum sexus liberos genuerit , esse in animo filij ipsum loco habere. Venit igitur Theodebertus Luteciam Parisiorum , excipiturque honorificè à patruo , & armorum , vestium , ceterorumque ornamentorum regionum , equorum quoque & catenarum ternis paribus donatur. At Sigualdus Sigualdi filius , audito Theodebertum Regni paterni potiri , ad eum ex Italia reuertit. cui Rex latus multis osculis excepto faustum reditum gratulatus est , tertiamque partem munerum , quæ à Childeberto patruo acceperat , dedit , ac paterna bona , quæ Theodoricus in fiscum suum intulerat , restituit. *Catenas* autem videtur appellasse Gregorius torques , quod eis collum tamquam catenis innectitur , ac euincitur. quibus præ ceteris gentes Germaniæ , Cheruscos , Sueuos , & maiores Francorum Sicambros decorari consueuisse in Epitomes rerum Romanarum libro IV auctor est Annæus Florus.

Eodem anno , quo Theodoricus Francorum Rex obierat , Iustiniano Aug. IV & Paullino iuniore Coss. A- IDXXXIV  
thalaricus Ostrogothorum & Italarum Rex , Eutharici & Amalasuenthæ filius , Theoderici & Audefredæ Chlodouei sororis nepos decessit , duodeuicesimum ætatis ; octauum regni annum nondum transgressus. Quo



bari auream monetam nisi Imperatoris imagine signatam in commerciis non probent. Quæ in gratiam Iustiniani à Procopio ficta esse mihi videntur. vt enim concedam Francorum Reges timere potuisse, ne Iustinianus Aug. post occupatum Ostrogothicum Regnum, Prouinciâ Galliarum, quæ pars eius fuisset, bello repperet: (vti postea Saraceni Africani & Mauri, subactis in Hispania Vefigothis, Septimaniam ob eandem causam sibi vindicare conati sunt) tamen existimo eos domesticis viribus magis quàm alienis diplomatis confidisse. Nummos quidem Gothicos veteres electrinos vidisse se ait V. C. Iacobus Sirmundus adeò pallidos, vt auri minus eis inesse putetur, quàm argenti, Regum tamen Vefigothorum effigie signatos, atque habere se Theodeberti Francorum Regis nummum aureum exiguum, sed sincerum & incorruptum, nota atque nomine *Domini Theodeberti C.* insignem. & nummum aureum profert Cæsar Baronius *Dn. Theodahati* Regis vultu signatum. Ex quo intelligitur non Francos solos, verum etiam Vefigothos, & Ostrogothos, atque adeo plerisque alios Barbaros aurum Regum suorum vultu signauisse. neque enim dubito, quin vt Vefigothi in Hispania, Ostrogothi in Italia, sic Vandali in Africa, Burgundiones in Gallia, Gipedes in Dacia tam aureos quàm argenteos domesticorum Regum nota percusserint. Et quoniam Gothicorum, seu Vefigothicorum nummorum suprà facta est mentio, in transcurso notare conuenit (id quod Auitus Viennensis Episcopus in epistola ad Apollinarem Episcopum, & Gundobadus Rex in codice Legum Burgundionum scribunt) Alaricum posteriorem, Vefigothorum Regum primum aureos adulterauisse, atque æs auro miscuisse. quamobrem Gundobadus omne aurum iusti ponderis accipi iubet *præter IV tantum monetas*, nimirum solidos Placidi *Valentiniani A*; & *Geneuenses*, Chilperici videlicet patris sui, & Godegisili fratris Geneuensium Regum iussu percussos; ac *Gothicos, qui à tempore Alarici Regis aduersati sunt*; atque *Ardaricanos*, hoc est Ardarici Regis Gipedum nummos.

Sic

ro suscepit, superstitem reliquisse, quæ cum creuisset, & ad maturam ætatem peruenisset, contra matris voluntatem, à qua adolescenti cuidam nobili Regis filio collocanda erat, Trauuilani seruo suo nupsit, & vnà cum eo munitæ se vrbs muris incluserit. Tum matrem, posteaquàm filiam frustra monuerat, vt in matrimonio sortiendi iudicium suum consiliũque sequeretur, néve diutiùs nobilitatem generis sordido contubernio fœdaret, accensam contumeliâ exercitum aduersus eam misisse, captâque vrbe Trauuilanem capite truncatum, puellam domum reductam esse, vbi matrem veneno sustulerit. Ambas autem sectam Ariannam secutas ait Gregorius, adiicitque Italos indignantes mulierem Regno expulisse, & Theodahadum, quem *Theodatum Regem Tuscia* appellat, accersitum Regem saluauisse. cuius iussu Theoderici filia, parricida matris, præferuido balneo cum ancilla inclusa, & vapore eneçta perierit. Quâ cognitâ re Childebertum & Chlotharium Francorum Reges, consobrinos mulieris, ac Theodebertum, missis Rauennam legatis, Theodahado amittinæ mortem obiecisse, ac nî homicidium satisfactione lueret, Regnum se ei, ac vitam eodem mortis genere erepturos denuntiauisse, confestimque à Theodahado perterrito L aureorum millibus fuisse placatos, quam pecuniam Childebertus, vt erat præ inuidia ad decipiendum Chlotharium fratrem semper paratissimus, cum Theodeberto Theoderici fratris filio diuiserit. Chlotharium verò, thesauris Chlodomeris iniectâ manu, multo plura his, quibus à fratre fratrisque filio fraudatus fuerat, rapuisse.

Et ita quidem Gregorius de vnica Theoderici filia Amalasuentha scribit. quæ falsa esse ex eo intelligimus, quodd Amalasuentha Florentio & Anthemio 10 xv. Coss. anno XII ante parentis sui obitum Eutharico nupsit, & viro primùm, deinde patre orbata, Athalarici filij sui annum circa decimum agentis tutelam gessit, Regnũque Italiæ administrait, atque vidua postea, quoad vixit, fuit. vti omnes eorum temporum Auctores tradunt. Præterea non ab Italis, sed ab Ostro-

quintæ iussu Domini Childeberti Regis habitæ interfuit: & Catullinus *Episcopus à Nicaa*, qui Domino Gûthramno regnante statutus Cœcilij Matisconenfis II subscripsit, atque Gregorius in libri VI capite VI. Ex his Prouinciæ urbibus à Vitige genti Francorum datis duas tantum, nimirum Massiliam Ionum coloniam, & Arelatum, suprà commemorat Procopius: cùm ait ex eo tempore Francorum Reges Massiliam Græcorum, & omnia maritima loca, (id est oram omnem Galliæ ab ostiis Rhodani ad Alpes Maritimas usque promissam) marisque Gallici imperium obtinere, & in vrbe Arelato Circensibus præsidere, atque nummum aureum ex metallo Gallico ferire. propterea quòd Arelatum atque Massilia clarissimæ & opulentissimæ Prouinciæ vrbes erant, aded vt pars Prouinciæ, *Arelatenfis Prouincia*; pars, *Prouincia Massiliensis* appellaretur, quemadmodum apud Gregorium Turonicum Episcopum, & in libro de vita Consortiæ vocatur. è quibus Arelatum in primis, in diuisione Prouinciæ inter Francorum Reges, Childeberto sorte obuennisse docent litteræ Vigilij Papæ ad Auxanium Arelatensem Episcopum, & ad Aurelianum eius successorem, & epistola Pelagij urbis Romæ Episcopi ad Dominum gloriosissimum ac præcellentissimum Childebertum Regem, in qua scribit se commendatione eius & suffragatione motum, Sapaudo Arelatenfi Episcopo vsum pallij concessisse. vt omittam Cyprianum in libro de vita Cæsarij Arelatensium Episcopi & præceptoris sui affirmantem Arelatum, cùm ipse de Cæsario scribebat, clarissimo Regi Childeberto paruissse: & quod ait Gregorius Magnus in epistola ad Vigilium Arelatensem Episcopum, Childebertum Francorum Regem, Catholicæ Religionis amore incensum, Arelati Monasterium virorum extruxisse, donationemque rerum huic loco collatarum Vigilij Papæ decreto confirmandam, ac priuilegiis augendam curauisse. Eadem vrbs, stante Occidentis Imperio, vt commercio, ita officina monetæ, & Circo, crebrisque ludorum Circensium spectaculis clara fuerat & illustis. Vnde in Notitia prouinciarum Imperij Romani *Procuratorum*

*moneta Lugdunensis, moneta Arelatensis, & moneta Treu-  
rurum* fit mentio. & Episcopi Prouinciæ, in libello Leo-  
ni Papæ oblato de renouando Ecclesiæ Arelatensis pri-  
uilegio, aiunt, *quicumque intra Gallias iam inde à Con-  
stantino Maximo & Valentiniano ostentare voluit insi-  
gnia dignitatis, in hac vrbe, matre omnium Galliarum,  
Consulatum accepisse, & dedisse, hoc est Consulatum  
Circensibus celebrauisse.* & apud Ammianum Marcel-  
linum dicitur Constantius Aug. Constantini Principis  
filius ob tricesimum imperij sui annum Arelati thea-  
trales ludos, & Circenses ambizioso apparatu edidisse,  
ibidemque proximis Kalendis Ianuariis septimum Con-  
sulatum iniisse, & ex more ludos Circenses fecisse. Ea-  
dem in vrbe, Seuerino Consule, præsentè Maioriano ccccxj  
Aug. Circensium spectaculum editum auctor est Apol-  
linaris Sidonius in epistola ad Montium. Quæ fuit for-  
sitàn causa, quare Procopius, ratus Arelati suâ ætate  
eadem omnia facta esse, quæ stante Occidentali Impe-  
rio fieri consueuerant, haud dubitavit affirmare Fran-  
corum Reges, post acceptam à Vitige Ostrogothorum  
Rege Prouinciã, Arelati Circenses dedisse, & aureum  
nummum tum primùm percutere, ac suâ imagine si-  
gnare cœpisse. Vbi vult intelligi Procopius facultatem  
auri ita signandi Francorum Regibus datam esse ab Im-  
peratore Iustiniano eisdem diplomatis, quibus dona-  
tio Prouinciæ comprobata est. De Circis verò & Cir-  
censibus in Occidente post occasum Imperij Romani  
mentionem faciunt Auctor Appendicis Chronico Vi-  
ctoris Tununensis Episcopi adiunctæ, & Gregorius  
Turonicæ Ecclesiæ Episcopus. è quibus Auctor Ap-  
pendicis Cethego V. C. Cos. Alarico in Gallia & Hi-151v.  
spania regnante, *Casaraugusta Circum spectatum* dicit.  
(sic Circenses vocat) Gregorius in libro v, vnâque  
Aimoinus produnt Chilpericum Francorum Regem,  
Chlotharij maioris filium, *apud Sueffionas & Parisios,*  
*vrbes regias, Circos adificauisse, cõsque populo spectacu-  
lum præbuisse.*

Ceterùm notandum est, non Prouinciã solùm cum  
pecunia, quam diximus, à Vitige Francorum Regibus,

Childeberto, Chlothario, ac Theodeberto datam esse, sed etiam partem Alamannorum eam, quæ post proelium Tolbiacense ad Theodericum Regem perfugerat, & annis XL in Italia sub trium Ostrogothorum Regum imperio fuerat. Sic enim Agathias in primo Historiæ libro scribit: post obitum Theoderici, qui non (vt falsò ait) *totam gentem Alamannorum*, occupatâ Italiâ, *subegerat, tributariâque fecerat*, sed tantum partem gentis profugam & supplicem in finibus Italiæ collocauerat, bellum inter Romanos & Ostrogothos maximum ortum esse. Tum Ostrogothos, vt Francorum sibi amicitiam conciliarent, & *multis aliis locis*, (nimirum opidis Prouinciæ) cessisse, & gentem Alamannorum, tamquam superuacaneam, & parum utilem dimisisse, necessitatique paruisse, quippe qui intelligerent iam non de gloria, sed de salute rotis viribus sibi esse pugnandum. Eum in modum Theodebertum Francorum Regem dimissam ab Ostrogothis Alamannorum nationem *subegisse*, arque *domuisse*. Ita loquitur Agathias, vt indicare videatur partem eam Alamannorum, quam Vitigis Ostrogothorum Rex in Francorum gratiam dimisit, & Italia excedere, ac in regiones suas Theodeberto subiectas reuerti coëgit, à Theodeberto Rege nonnisi vi & armis in ditionem potestatemque suam redactam esse. Alamanni igitur omnes postea Francorum Austrasiorum Regibus paruere, quibus Dux præerat regiæ stirpis, à Rege Francorum constitutus. In Legibus Alamannorum inuenio Ducem nonnumquam *Dominum* vocari, & res, quæ ad eum pertinebant, *res Dominicas* dici: aulam quoque Ducis, *Curtem Ducis*, seu Chortem eodem, quo Palatium Regis, nomine appellari. pecuniâ, exsilio, morte multare Duci permissum fuisse. si quis eius sigillum, aut mandatum, aut signum neglexisset, non impune tulisse. In eodem Codice Legum, Dux, qui exercitum ducere, equum conscendere, & adhuc esse Regi utilis potest, filium rebellem, & *Regnum* suum (hoc est Ducatum) armis occupare conantem si vicerit, & ceperit, expellere eum prouinciâ iubetur, & *Regi Domino suo*, aut

cuilibet alij mittere, paternâ hereditate excludendum, quam reliqui Ducis filij post patris obitum *voluntate Regis* inter se sint diuisuri. itaut si Dux moriens non alium, quàm hunc rebellem, filium reliquerit superstitem, aut ei ipsi, dummodò fideli & præclara opera veniam restitutionemque mereatur, aut cui volet alij Ducatum dandi Rex habeat potestatem. Ibidem nemini, præterquàm ei, qui à Duce iudex fuerit constitutus, ius dicere permittitur: & libero liberum *apud Regem, aut Ducem* capitis arcessere licet.

Dum Vitigis Ostrogothorum Rex datâ Prævinciâ, dimissisque Alamannis, pacem ac societatem Regum Francorum redimit, & in cogendis omnibus copiis occupatus Rauennæ moratur: Romani casu Neapolitanorum territi, præsidium Barbarorum ex Vrbe expellunt, Belisariumque cum exercitu Imperatoris recipiunt, post annos LX, quàm ab Odoacre Roma capta fuerat. Potitus est vrbe Roma Iustinianus Aug. Indictione XIV post Consulatum Belisarij. Eodem tempore Calabri & Apuli, qui nullis Ostrogothorum præsidiiis tenebantur, se suâque omnia vltro Belisario dederunt. Pitza quoque Ostrogothus sese cum manu popularium, & dimidiâ parte Samnij maritimi, cui præerat, eidem permisit. Bessam similiter missum à Belisario Narnienses; Constantinum, vel Constantianum Spoletini, ac Perusini, finitimique Tusci opidis suis recepere. & Hunila Dux à Constantino apud Perusiam interfectis Ostrogothorum millibus VII captus est. Tot acceptis incommodis Vitigis tandem Rauennâ proficiscitur, cum armatis millibus non minùs centum & quinquaginta, Belisariumque obsidet Romæ. pugnatum est ad Urbem sexagies septies: & omnia Barbari frustra experti. Quamobrem Vitigis Rex, vbi ab auxiliis Belisario missis Ioanne duce vastatum Picenum, Vlitheum fusum acie & cæsum; Ariminum captum cognouit, Rauennæ regiæ suæ timens, post annum & dies nouem obsidionem soluit Indictione XV iterum post Consulatum Belisarij, Ariminumque, cui Ioannes Magister militum præerat, obsedit. auditoque Belisa-

rium, rogarum à Datio Mediolanensium Episcopo primisque opidanorum, misso cum paucis Mundila Duce Mediolanum, Bergomum, Comum, Nouariam, ac ple-ramque Liguriam recepisse, confestim Oraiam cum magno exercitu aduersus eum misit. Theodebertus quoque Francorum Rex in Italiam proficisci, & Oraia adiungi iussit hominum millia decem, non Francorum, sed Burgundionum: ne initam cum Romanis societatem diremis- se, & Imperatori iniuriam facere videretur, Burgundiones volentes & suâ sponte, non ipsius iussu auxilium Ostrogothis contra Romanos tulisse prætexturus. Hisce Burgundionibus iuncti Ostrogothi Oraia duce Mediolanum, urbem magnitudine, frequen- tia opidanorum, & diuitiis vni ex omnibus Occidentis urbibus Romæ secundam, cui Mundila cum trecento- rum tantum militum præsidio præerat, oppugnauere: vt scribit Procopius.

Hic notare in primis conuenit, quod ait Procopius in belli Gothici libro secundo, Theodebertum Fran- corum Regem Burgundionum millia x Oraia misisse. Quippe aut Theodebertum pro Childeberto appella- uit Procopius: ( vt supra indicaui, Amalarici Vesigo- thorum Regis coniugem, quæ soror Childeberti erat, Theodeberti Francorum Regis sororem ab eodem di- ci ) aut si hoc de Theodeberto non falsò scripsit, fa- tendum est Childebertum & Chlotharium, pace cum Theodeberto Rege fratris sui filio factâ, partem ei ali- quam Burgundiæ dedisse. Theodebertum autem Pro- copius, eiusque filium, ac patruos modò *Φερίαν ἡγεμόνας*, aut *ἡγεμόνας*; modò *ἡγεμόνας*, vel *ἡγεμόνας*, nusquam *βασι- λεις* appellat: tamquam hoc nomen soli Imperatori con- ueniat, quod tamen & ipse aliis sæpe gentium Barbararum Regulis tribuit, & Eunapius, Pæranus, Pri- scus, Zosimus, Agathias, Menander, alique Franco- rum, & Chamauorum, ac Saliorum, Francicarum na- tionum, Regibus non inuiderunt. Porro tamen Childe- bertus, Chlotharius, & Theodebertus Francorum Re- ges vtilis magis quàm honesti rationem habuere, cum Romanis contra Ostrogothos, & Ostrogothis contra

Romanos se auxilia missuros promittere, & ab utrisque pecuniam accipere: tamen prudenter eos fecisse nemo infitiabitur; quod semel tantum Ostrogothos parvis auxiliis, & nullis Romanos militibus iuuerint. quippe Romanos, si Italiam occupauissent, quanto potentiores Ostrogothis, tanto grauiores futuros sibi finitimos intelligebant, & Ostrogothis diuturno bello defatigatis & attritis, prouincias Italix finitimas Gallix facile se occupaturos confidebant.

Indictione I, Ioanne Cos. vel (vt subscriptio epistolæ<sup>12xxx-viii.</sup> Vigilij Papæ ad Eutherium Episcopum docet) Volusiano & Ioanne Cos. Fl. Belisarius adiunctus apud Firmum copiis, quas Narfes eunuchus Comes thesaurorum ex vrbe Constantinopoli adduxerat, Ariminensibus à Vitige obsessis auxilium ferre contendit. cuius aduentu adedò territi sunt Ostrogothi, vt confestim Raucennam fugâ petierint. At non Mediolanensium, qui ab Oraia oppugnabantur, fortuna eadem fuit. nam Martinus Magister militum, à Belisario eis missus auxilio, cùm ad Padum peruenisset, ibi substitit; & metu Ostrogothorum atque Burgundionum, quibus impares numero copias habebat, flumen transire non est ausus. Quamobrem milites, postquam canina & murina vitam tolerauerant, pacti sibi incolumitatem, inuito Mundilâ Præfecto præsidij, Mediolanum dederunt. Erant Ostrogothi Mediolanensibus ob defectionem admodum infensi. itaque muris funditus dirutis, vrbs direpta: opidani puberes omnes interfecti: Senatores, & Presbyteri, alique, qui in Ecclesias confugerant, ad altaria trucidati. trecenta ibi millia hominum occisa auctor est Procopius, & mulieres ab Ostrogothis in seruitutem abductas, atque Burgundionibus præmium societatis datas, Mundilam Paullumque cum præsidio in custodiam traditos, omnemque Liguriam, hoc est regionem Transpadanam, ab eis recuperatam esse. Insequenti anno, Apione V. C. solo Consule, Belisarius Cy<sup>12xxx-ix.</sup>prianum & Iustinum cum copiis ad obsidendas Fesulas; Martinum & Ioannem Dertonam ad obseruandum Oraiam misit: ipse cum vndecim armatorum millibus



Auximum Piceni metropolim oppugnare instituit.

Ita Romanis Ostrogothisque bellantibus, & alteris defessis, alteris fractis; Theodebertus Francorum Rex magnam se partem Italiæ facilè occupaturum credens, IXXXIX Apione Consule, in Italiam transgreditur. Quàm Alpes transierit, & quantas copias habuerit, non constat. Procopius in libro II belli Gothici centum ei millia peditum, ense & clypeo ac securi armatorum, equites hastatos circum se perpaucos; Iordanes in libro de successionem Regnorum, ac Freulfus plus ducenta millia fuisse scribunt. Cum eo exercitu Theodebertus, superatis Alpibus, in regionem Transpadanam peruenit, quæ prouincia dudum, nescio quam ob causam, Liguria appellari cœpta erat: veritusque ne transitu Padi prohiberetur ab Ostrogothis, per Liguriam sine maleficio iter fecit: lætis aduentu Francorum Barbaris, & spe certæ facilisque ex Romanis victoriæ iam elatis. Infra Ticinum opidum, non longè à confluente Ticini & Padi, pons erat Pado flumini impositus: quem postquam tenuère Franci, coniuges liberósque Ostrogothorum obuios interfecère, & de ponte præcipitauère: ac Barbaris, à quibus deducti, & commeatu adiuti fuerant; tantum eo facto terrorem incussère, vt in opidum sese celeri fugâ receperint. Procopius, vir hostilis in Francos odij ac malevolentia, hanc cædem, Saxonibus, Toringisve, aut Alamannis Theodebertum sequentibus magis quàm Francis conuenientem, inuidioso nomine sacrificium vocat: affirmâtque Francos, licèt tum Christiani fuerint, nondum abolitâ veteri superstitione ac feritate, homines aliâque animalia immolauisse, & ita vaticinari consueuisse. quod Ennodius Ticinensis Episcopus, in libro de vita Antonij Monachi, Francos quidem fecisse, sed adhuc idololatrias scribit. Theodebertus, traducto Padum exercitu, ad Oraiam Ostrogothorum Ducem, qui circa flumen cum lectissimis copiis confederat, contendit. Hunc Ostrogothi pacti memorem ad arma secum confocianda venire arbitrabantur. Francos itaque primò raros, & pacatis similes, castris suis appropinquantes læti spectabant: deinde vt confertos

fertos vndique circumfundi, & secures vibrare viderunt, re improuisâ perturbati, multis suorum amissis, terga vertere, & per medios Romanos perrumpendo, Rauennam versùs fugam capessuère. Romani, Martino & Ioanne ducibus, castra Ostrogothorum castris opposita habebant. fugientes igitur eos conspicati, à Belisario pulsos acie, & castris exutos fuisse; Belisariumque in auxilium sibi venire crediderunt. cui dum captis celeriter armis occurrere, & adiungi properant, in Theodebertum inopinantes incidunt, & contra voluntatem suam manus conferere coguntur, fusique fugâ Tusciam petunt. vbi tandem confirmatis animis Belisarium, qui tum Auximum agri Piceni opidum munitissimum oppugnabat, de omni re certiore faciunt. Sic Franci, Ostrogothis ac Romanis deuictis, utrorumque castris vacuis sunt potiti, & quæ ibi inueuerant celeriter consumsere. quare cum, quacumque per provinciam Æmiliam ibant, desertos vicos offenderent, & præter boues ac aquam Padi nihil reliquisset, complures solutione alui & dysenteria oppressi, inopia ingrauescentibus morbis, intra paucos dies periere. propterea quòd stomachus aquâ frigescens bubulam concoquere non poterat. Theodebertus, non minùs tertiâ parte militum ex valetudine amissâ; ceteros, quibus ad progrediendum vires deerant, quiete refouendos ratus, in eo loco vbi erat consistere statuit. At Belisarius, cognito Theodeberti aduentu, & Martini, ac Ioannis acie victorum fugâ compertâ, cum omnibus suis copiis, tum maximè Fefulas obsidentibus rimens, ( hoc enim opidum subiectum est Apennino monti, qui Etruriam ab Æmilia discludit ) ad Theodebertum epistolam scripsit, cuius summa erat. Nemini priuato ne humillimo quidem, qui modò nonnihil virtutis, & aliquam existimationis suæ rationem. habeat, nedum tot gentium ac nationum Regi periurium, ac violationem fidei conuenire: eoque magis se mirari ipsum, qui societatem belli cum Romanis inierit, non solum nulla eisdem auxilia misisse; sed etiam nunc apertè bellum inferre: grauique iniuriâ, quam vlcisci faciliè possit,

G g g

magnum Imperatorem afficere. Reminisceretur scripti  
 fœderis , datæque fidei ; imponeret frenos cupiditati ;  
 scirêtque præstare, sua quemque securè possidere, quàm  
 aliena sibi vindicando periculum ob inopiam adire.  
 Theodebertus , perlectâ epistolâ , fluctuare animo , &  
 dubitare quid ageret. tandem à suis increpitus , quòd  
 sine causa tot hominum millia miserrimè interitura in  
 desertam regionem adduxisset , celeriter domum rediit ,  
 itérque faciens per Alpes Cottias , prouinciam Italiæ  
 Liguriam olim dictam , cùm alia opida & castella ; tum  
 Genuam portu nobilem , Romanis tum parentem diri-  
 puit , ac excidit. sicuti scribit verus Auctor , qui Mar-  
 cellini Chronico pauca de rebus nostris subtexit.  
 Quàmquam is falsò indicat à Theodeberto progredien-  
 te, ac nihildum de reditu cogitante, post vastatam Li-  
 10XXXIX guriam , & totam Æmiliam, Apione Cos. Genuam di-  
 rutam esse: eundemque, vt militibus suis morbo labo-  
 rantibus consuleret , *cum Belisario pactum esse* , & Gal-  
 liam repetisse. Neque verisimiliùs Iordanes in libro de  
 successionè Regnorum, ac Freulfus tradunt, Belisarium  
 pæne vt de Ostrogothis, sic de Francis, qui cum Theo-  
 deberto Rege ampliùs ducenta millia in Italiam vene-  
 rant , triumphauisse , sed quòd duobus bellis occupari  
 nolebat , rogantibus Francis pacem concessisse, còsque  
 sine vllò suorum detrimento ex Italiæ finibus expulsi-  
 se. Nam Procopius suprâ scribit Theodebertum , per-  
 lectis Belisarij litteris, statim quantâ maximâ potuit ce-  
 leritate in Galliam rediisse, nec pacis vllius mentionem  
 facit. neque videntur nostri pressi inopiâ moram lega-  
 torum euntium ac reuertentium sine pernecie pati po-  
 tuisse. Dissentit quoque à Procopio Aimoinus , qui in  
 libro II scribit Theodebertum *cum maximo equitatu* in  
 Italiam contendisse, eamque ab Alpibus vsque ad ma-  
 re peruagatum esse, *ac tributariam fecisse*. Et Heriman-  
 nus Contractus *Francos cum Theodeberto Rege à Belisa-  
 rio deuictos* ait, cùm nulla inter Theodebertum & Beli-  
 sarium pugna fuerit. Procopium sequuntur Marius, &  
 10XXXIX Gregorius. è quibus Marius, Apione Consule, Theu-  
 debertum Regem Francorum Italiam ingressum, & Li-

guriã, Æmiliãque depopulatũ dicit, eiũsque copias morbis ex mutatione cœli contractis valde extenuatas fuisse. Gregorius Theodebertum transgressum in Italiam ad Ticinum opidum venisse prodit, ibique *multum adquisivisse*, hoc est, multa loca præsidiis occupavisse: sed quod hæc regio Septemtrionalibus gentibus non est salubris, multis suorum vi febrium amissis, ex ea reuertisse, ingentẽque prædam domum retulisse. Vnde & apud Fredegarium dicitur Theodebertus maritima Italiæ, hoc est, Alpes Cottias provinciã Italiæ, vastavisse, Narsẽmque Patricium ( quod falsum est ) fugavisse. Equidem non possum non mirari scriptorem rerum nostrarum, omnium post Gregorium vetustissimum, Adonẽmque & Reginonem, qui à Theodeberto maximam partem Italiæ vastatam, & Langobardis proelio victis stipendium impositum aiunt. cum Waco Theodeberti ipsius focer tum regnum in Langobardis obtinuerit, & anno demum tricesimo post Apionis Consulatum, Alboino regnante, Langobardi Italiam occupaverint.

Eodem Apione Consule anno quinto belli Gothici, Belisarius, postquam Fesulas & Auximum ceperat, ultimam bello manum impositurus, omnibus copiis Rauennæ Vitigem obsedit. Quo cognito Childebertus, Chlotharius, & Theodebertus Francorum Reges legatos ad Vitigem mittunt, qui dicerent ipsos ægrè ferre, quod à Romanis oppugnaretur, & Belisarij opprimendi causâ hominum fortissimorum millia quingenta in Italiam adducere paratos esse: dummodò eos Vitigis vt belli, sic Regni societate coniunctos habere, & Italiæ ex æquo secum imperitare vellet. caueret, ne occultis Romanorum dolis magis, quàm apertæ Francorum in se beneuolentiæ, confidendum putaret. Belisarium, quoniam duobus hostibus imparem se futurum videat, missis legatis id agere, vt Vitigem abalienatum à fidelissimis fociis, nudum ac destitutum facilius vincat: quo cum si Ostrogothi contra Francos arma confociauerint, non tam virium ipsos quàm cladis ei accessionem fore. Tum introducti Belisarij legati, qui eodem

tempore Rauennam ad dissuadendum foedus venerant, dixere: immensam illam multitudinem, cuius mentione perculsos Ostrogothos Franci sibi adiungere conentur, eo minùs Romanis terrori esse, quo certius sciant maiores his copias breui ab Imperatore cogi posse, spemque victoriæ non in numero, sed in virtute reponi oportere. Debere Vitigem perfidiæ Francorum, & accepti paullo antè circa Padum incommodi reminisci, & secundum foedus nec priore sanctiùs seruatum iri, nec sibi vtilius futurum esse existimare: ne eisdem artibus circumuentus pereat, quibus Toringorum, ac Burgundionum Reges decepti fuerint. Hac oratione persuasum est Vitigi naturâ simplici, vt Francos re infectâ dimitteret, atque consilium à versuto hoste datum sequeretur. Et ille mōx sine pugna, cū maiorem Romanis haberet exercitum, infelix & vecors Belisario se dedit, atque cum Matasuentha Regina, Optimatibùsque Ostrogothorum, à Belisario Constantinopolim abductus est, ex Rege Patricius futurus: cōque simul suppellex regia, & pecunia deportata: Bessæ Patricio, ac Ioanni Magistro militum Italiæ cura mandata. At in Vitigis locum Ostrogothi apud Ticinum opidum Liguriæ Heldebadum, Præfectum præsidij Veronensis, Regem creauēre. Hæc Procopius anno V belli Gothici, hoc est Apione Cos. Auctor autem Appendicis Chronico Marcellini adiunctæ, & Marius in Chronico anno insequenti Iustino Cos. gesta esse dicunt.

10XXX.  
IX.

10XL

Theodebertus Francorum Rex, oblitus sponsæ suæ Wisigardis, Deuteriam in matrimonium acceperat. quod cū Optimates Seniorēsque Francorum ferre non possent, in vnum coniuncti Regem adeunt, quaruntque ab eo, quid ita Wisigardim sponsam asperneretur. quâ re commotus Theodebertus cum Deuteria, ex qua Theodebaldum susceperat, diuortium fecit, & Wisigardim VII anno quàm eam sibi desponderat, hoc est Iustino iuniore solo Cos. in matrimonium accepit. quâ non multo post mortuâ, aliam duxit vxorem. Supradicti diuortij aliam causam refert Aimoinus Monachus in Historiæ libro II, nimirum Deuteriæ parici-

10XLI

dium. Quippe Deuteria Regina, cùm filiam, ex priore viro conceptam, pulchram esse, & maturam videret, verita ne vt ipsam Wisigardi, ita virginem sibi Theodebertus præferret, Veroduni boues indomitos iungi ad balternam iussit, puellamque in eam imponi, quæ de ponte in Mosam flumen præcipitata mersaque est. Quâ cognitâ re, Theodebertum Deuteriam repudiavisse ait Aimoinus, & Wisigardim sponfam suam matrimonio sibi iunxisse. Exstat epistola Vigilij Romani Episcopi ad Cæsarium Arelatensem Episcopum, data pridie Nonas Martias Fl. Ioanne V. C. Consule, in qua Vigilij scribit se Glorioso filio suo Regi Theodeberto respondisse, consulenti per Modericum virum Illustrem legatum suum, quid faciendum sit ei, qui cum vxore fratris matrimonium contraxit. Quas incesta nuptias cum coniuge fratris non ab alio quàm Theodeberto ipso Francorum Rege confectas esse falsò existimat Cæsar Baronius. siquidem constat Theodeberto fratrem nullum fuisse. & huiusmodi matrimonia à Primoribus Francorum tum contrahi solita docet epistola Mappinij Remorum Episcopi ad Nicetium Treuironum Antistitem missa: ex qua discimus, regnante Theodebaldo Theodeberti filio, Nicetium aliquos Francorum propter incesta coniugia ab Ecclesiastica communione remouisse. Omitto Consulatam Ioannis, quo Consule supradicta Vigilij epistola data est, quintum fuisse annum, ex quo Theodebertus sibi Deuteriam adiunxerat, nec nisi post biennium eam esse dimissam.

Circa id tempus, quo Deuteriâ dimissâ Wisigardim Theodebertus in matrimonium recipit, in Gallia ciuile bellum exoritur, cuius leuem causam fuisse ex eo potest intelligi, quòd tam facillè compositum atque finitum est. Childebertus, naturâ alieni appetens, qui & Aruernos Theodorico, & Chlodomeris filiis paternam hereditatem spiritumque eripuerat, Chlotharium similiter Regno & vitâ priuare constituit. Inuisum Childeberto fratrem fecerat felicitas, quem ipse nihil liberorum præter filias habens multitudine marium florere, ac quotidie crescere dolebat. Theodeberto igitur socio

Ggg iij

nefariz expeditionis assumpto, bellum Chlothario infert, quem paullo antè socium belli aduersus Theodebertum habuerat, iunctisque ambo Reges viribus Regnum eius ingrediuntur. Quibus Chlotharius impar, atque etiam imparatus, interiora Regni celeriter petit, & in saltum Arclaunensem, ripis Sequanz proximum, sese cum suis copiis abdit, concædibusque omnes aditus præsepit, spe in vno Deo repositâ. Eò vt supradicti Reges venerunt, siluâ coronâ cinctâ Chlotharium circumfederunt. Gregorius scribit Chrothildim Reginam ad Martini sepulcrum votis, ac peruigilio bellum ciuile deprecata esse: & quo die Childebertus, ac Theodebertus in saltum irrumpere, & Chlotharium interficere statuerant, manè coortâ tempestate, totam eorum aciem turbatam; tabernacula vento deiecta & rupta; equos fulguribus atque fragore consternatos, ac fugâ sparsos sine rectoribus cucurrisse: quorum multos amissos; reliquos intra XX à castris stadium ægrè reperiri potuisse: milites grandine imbri mistâ verberatos, attonitos, prostratos humi, vix scuta, quibus tegerentur, retinuisse. Chlotharianis interim & solem serenum fulsisse, & tonitrua cum ventis audita non esse. Tum Reges ambos ad pœnitentiam conuersos nefario incepto destituisse, veniâque sceleris à Deo, pacem à Chlothario per legatos petiuisse, eaque factâ domum rediisse. Sic postea Sigibertum Chlotharij filium Chilperico; vtrumque Guntchramno; iterùm Chilpericum Guntchramno; Theodoricum Chlodouei abnepotem Theodeberto; Theodebertum Chlothario minori bellum fecisse, & cum iam ferè dimicaturæ essent acies, æquis conditionibus arma deposuisse legimus. Quam ob causam Agathias, Theodeberti posterioris æqualis, in libro primo rerum auspiciis Iustiniani gestarum, Francorum instituta laudans, qui omnes habitu tantùm & linguâ à Romanis differrent, miratur simul & affirmat (quasi numquam aliter factum sit) aded Francos quieti publicæ studere, vt cum antea, tum suâ ætate inter tres ac etiam plures diuiso imperio, semper bello ciuili abstiterint. Si qua enim inter Reges controuersia orta sit, instrui quidem

utrimque copias, & tamquam in aciem descendere, moxque mutuo conspectu, & colloquiis placari: Regesque iure controuersias terminare, aut, si malint, ferro decernere iuberi, ne propter priuatas contentiones & odia Respublica periculum adeat. tantum his æquitatis, illis modestiæ, utrisque amoris patriæ inesse. Ceterum saltum, in quem Chlotharius se addidit, ne mine suo appellat Auctor incertus, qui proximè à Gregorio res gestas Francorum scripsit, cum ait Chlotharium *in siluam confugisse Arelaunum, & fecisse combros*, hoc est concædes. Idem Chlotharium, Chlotharij magni nepotem, in pago Senonico victum acie à Theodorico Rege Burgundiæ, per castrum Melodunum, atque Parisios *Arelaunum siluam* fuga petiisse dicit. ut appareat locum naturâ munitissimum fuisse, quo duo Reges perugio sunt vsi. Hæc silua appellationem trahebat ex nomine proximæ villæ regis, quam Fredegarius Scholasticus in Chronico *Arelaunum villam* appellat, & apud quam Bertoaldum Maiorem domus Theodorici venatum esse prodit. Eam villam Auctor libri de vita Condedi Monachi *fiscum Arelaunum*, hoc est villam fiscalem vocat, & prope *saltum Arelaunensem* ponit, nec longè abesse ait à Belisinnaca insula fluminis Sequanæ, quæ insula (ut in vita Audoëni inuenio) ad cathedram Rotomagensensem pertinebat. Quo magis ridiculus est Aimoinus, qui cum supradictum veterem Historicum nostrum legisset, nec intellexisset, *Arelaunum siluam* in *Aurelianum pagum* mutauit, *combrosque* loci nomen esse credidit.

Indictione IV Basilius, vir Clarissimus, vltimus priorum Consulum factus. soli enim postea Imperatores cum imperio Consulatum inierunt, ne cuiusquam alius quàm Principis nomen, imperiique eius & Consulatus anni actis adscriberentur. Eo Consule Heldebado Ostrogothorum Regi à Vila Gipede obtruncato Rugi, iam inde à Theoderico Ostrogothorum socij & commilitones, Eraricum popularem suum, potentissimum hominem substituere, ei que purpuram iniecere. quo post v menses interfecto, Ostrogothi Totilam Helde-



badi fratris filium , qui Taruisio præerat , apud Ticinum Regem salutauere , magni virum nominis , magnæque prudentiæ , & in exsequendo nauum ac exfomnem , quo maiores nemo aduersus Romanos cum pauculis res gessit. quotiescumque enim pugnavit , vicit , nec vmquam nisi absens victus est , cum tamen Ostrogothi ex hominum millibus ducentis ad pauca millia redacti essent , aliis diuturno bello consumptis , aliis à Romanis in deditiōem acceptis.

IOXL. Eodem anno Aureliani Episcopi conueniēte , cum ad alia Ecclesiæ Gallicanæ vtilia statuenda , tum ad Francorum idololatriæ reliquias abolendas. Concilio præfuit , statutisque primus subscripsit Leontius Episcopus Burdigalensis : interfuere vitæ sanctitate clari Antistites , Gallus Aruernorum Episcopus , Agricola Cabilonensis Episcopus , Firminus Vceticus , Eleutherius Autisiodorensis. Eodem Escupilionem Presbyterum misit Lauto Constantiæ vrbis Episcopus , vir sanctissimus , quem alij Laudonem , alij Laudum appellant. Numquam Gallia piissimorum Sacerdotum fertilior fuit. quippe præter supradictos in Galliis circa ea tempora floruerunt Gregorius Lingonicus Episcopus , Tetricus cathedræ eius successor , Hilarius Gabalitanus , Nicetius Treuirorum Antistes , Albinus Andecauensis , Hefychius Viennensis , Leubenus , vel Leobinus Carnutenensis , Agericus Verodunensis. è quibus Lautonem , Leubenum , & Agericum Francos fuisse indicant nomina.

IOXLIII. Post Consulatum Basilij V. C. anno II Hispani primum nostra arma sensere. Childebertus Francorum Rex , otij impatientia , & hereditario in Vesigothos odio impulsus , petendi Hispaniam imperum cepit , atque cum Chlothario fratre suo , cui paullo antè bellum intulerat , societatem iniit. Ambo Reges iunctis exercitibus per Aquas Tarbellicas ad summum Pyrenæum peruenere , montesque transgressi Hispaniam intrauere , & Iturissensium ac Pompelonenſium agris vastatis , Cæsaraugustam , urbem opulentissimam , ad ripas Iberi fluminis positam obsedere. Opidani , Francos diuinâ irâ in se immisos esse cum intelligerent , de sententia Episcopo-

scopi sui instituto ieiunio & supplicatione indictâ Deum placare constituunt; ciliciis velantur; tunicam Vincentij Martyris ferentes, psallensque muros vrbs circumcunt. marresfamilias arratæ, crinibus sparsis, & cinere foedatis, pectora plangentes, tamquam coniuges suos efferrent, chorum virorum sequebantur. His visis Childebertus & Chlotharius primum se suosque diris & canionibus impugnari putabant. deinde cognitâ rex agresti quodam, qui exceptus fuerat, timentes ne Deum paterentur aduersum, si tam piôs incolas oppugnare perseverarent, obsidionem soluerunt, & vastatâ maximâ parte Hispaniæ vsque ad Minium flumen Callæciæ, cum ingenti præda, quæ tum pro stipendio Francis erat, in Gallias reuerterunt. Nec plura Gregorius de ea Childeberti expeditione scribit. Auctor rerum nostrarum, tempore Gregorio proximus, & qui eum transcribere solet, Aimoinus, & Regino adiiciunt, ambos Reges agrestem supradictum in urbem remisisse, per eumque ad se Episcopum euocauisse: qui ad Reges venerit, & munera utrique, in primis Childeberto petenti stolam Vincentij Diaconi & Martyris dederit. ita Childebertum obsidionem soluisse, reuersumque Lureciam Parisiorum, Ecclesiam Beari Vincentij nomine illustrem, in qua eam stolam poneret, exstruxisse. Quod viderur confirmare Gregorius ipse, cum ait Basilicam B. Vincentij à Childeberto ædificatam. Fredegarius in Epitome duas Childeberti expeditiones confundit, & ab eo Amalaricum Regem apud Barcinonem tum occisum dicit, qui ante annos XII fuerat interfectus. Ab Historicis nostris non dissentit Hispanus Auctor Appendicis Chronico Victoris adiunctæ, qui tradit post Consulatum Basilij V. C. anno II *Francorum Reges V*, 10XLIII.  
*per Pompelonem Hispaniâs ingressos, Casaraugustam venisse, eaque obsesâ per tres dies, omnem fere Tarraconensem prouinciâ depopulatos esse.* Siue Chlotharius Guntharium, Chramnum, & Charibertum filios secum in Hispaniam duxit: (Regum autem filij Reges appellabantur) siue potius, quod non rarò alias accidit, nota numeri deprauata est, & paruâ mutatione ex

ſcopi ſui inſtituto ieiunio & ſupplicatione indiſſa Deum placare conſtituunt ; ciliciis velantur ; tunicam Vincentij Martyris ferentes, pſallentſque muros vr̄bis circumeunt. matresfamilias attratæ, crinibus ſparſis, & cinere fœdatis, peſtora plangentes, tamquam coniuges ſuos efferrent, chorum virorum ſequebantur. His viſis Childebertus & Chlotharius primùm ſe ſuòſque diris. & cantionibus impugnari putabant. deinde cognitâ re ex agreſti quodam, qui exceptus fuerat, timentes ne Deum paterentur aduerſum, ſi tam pios incolas oppugnare perfeuerarent, obſidionem ſoluerunt, & vaſtatâ maximâ parte Hiſpaniæ vſque ad Minium flumen Callæciæ, cum ingenti præda, quæ tum pro ſtipendio Francis erat, in Gallias reuerterunt. Nec plura Gregorius de ea Childeberti expeditione ſcribit. Auſtor rerum noſtrarum, tempore Gregorio proximus, & qui eum tranſcribere ſolet, Aimoinus, & Regino adiiciunt, ambos Reges agreſtem ſupradictum in vr̄bē remiſiſſe, per eumque ad ſe Epiſcopum euocauiſſe: qui ad Reges venerit, & munera vtrique, in primis Childeberto petenti ſtolam Vincentij Diaconi & Martyris dederit. ita Childebertum obſidionem ſoluiſſe, reuerſumque Luteciam Pariſiorum, Eccleſiam Beati Vincentij nomine illuſtrem, in qua eam ſtolam poneret, exſtruxiſſe. Quod videtur confirmare Gregorius ipſe, cùm ait Baſilicam B. Vincentij à Childeberto ædificatam. Fredegarius in Epitome duas Childeberti expeditiones confundit, & ab eo Amalaricum Regem apud Barcinonem tum occiſum dicit, qui ante annos XII fuerat interfectus. Ab Hiſtoricis noſtris non diſſentit Hiſpanus Auſtor Appendicis Chronico Viſtoris adiunctæ, qui tradit poſt Conſulatum Baſilij V. C. anno II *Francorum Reges* V, <sup>IXLIII.</sup> *per Pompelonem Hiſpanias ingreſſos, Caſarauguſtam veniſſe, eaque obſeſſâ per tres dies, omnem fere Tarraconenſem provinciam depopulatos eſſe.* Siue Chlotharius Guntharium, Chramnum, & Charibertum filios ſecum in Hiſpaniam duxit: (Regum autem filij Reges appellabantur) ſiue potiùs, quod non rarò alias accidit, nota numeri deprauata eſt, & parvâ mutatione ex

Totila igitur Ostrogothorum Rex, vir maximus, & qualis à Procopio describitur, filia Regis Francorum (quisquis fuit) nuptias nequaquam obtinuit, propterea quòd Rex Italiae non erat, Romanis ex ea nondum prorsus expulsis. Equidem hoc Francorum Regis factū sepe miratus, animaduerti moris fuisse Merouei posteris, filias & sorores suas solis Regibus collocare. non quòd priuatorum affinitatem fastidirent: sepe enim ipsi formæ magis, quàm generis habito delectu, puellas ignobiles, nec ingenuas matrimonio sibi iungere: sed quòd mulierum potentiam ex virorum suorum dignitate pendere, & quantum maiestatis priuatæ nubendo Regibus quærerent, tantum regiae stirpis virgines imparibus iunctas amittere existimarent. Sic Theoderico, postquam occiso Odoacre Italiae imperio potitus purpuram sumit, Audefleda; sic Chrochildis Amalarico Hispaniae Regi collocata est. sic Theodeberti soror Hermegisclo, & Radigeri Varnorum Regibus; Chlodouinda Alboino Langobardorum Regi; Berta Chariberti & Ingobergæ filia Ethelberto Anglorum Cantiorumque Regi nupsit. Sic Ingundis Sigiberti filia Hermenegildo nuptum data; Rigundis Chilperici Reccaredo desponsa est: quos ambos (ut Ioannes in Chronico scribit) Leouigildus eorum pater Regni consortes fecerat; Hermenegildum parte etiam prouinciæ donauerat. Sic Chlodouindam sororem suam, Flauij Autharij Langobardorum Regis pactam, eidem Reccaredo Regi, quoniam à sectâ Arianâ suo exemplo Vesigothos abduxerat, Childebertus iunior promisit. & Theodebertus minor Adaloaldo admodum puero, quem viuo ac volente patre Agilulfo, præsentibus ipsius legatis, Mediolani in Circo Langobardi Regem appellauerant, filiam despondit. Denique nullam Merouei stirpe ortam reperiemus, quæ è Regibus enupsit. Nisi fortè Scaribergam, vel Caribergam quamdam, sororis Chlodouei filiam, ab Arnulfo, Comite urbis Remorum, ac postea Episcopo ductam; aut Blichildem, Ansberti, nobilissimi viri, Pippini Regis critau uxorem, regiam familiam genitam fuisse credimus, quam mulierem, ve-

gorio Theodogifilus dictus, is à quo Childebertum Francorum Regem victum, & ex Hispania expulsum aiunt: regnavitque annum vnum, menses sex. Hic ob adulteria ac cædes inuisus, inter cenam cereis derepente exstinctus, à coniuratis interimitur.

Circa id tempus Totilam Ostrogothorum Regem legatos ad Francorum Regem misisse ait Procopius, filiàmque eius sibi in matrimonium petiisse. sed legatos re infectâ esse dimissos, aspernante conditionem Regis Francorum, ac negante Totilam Italiæ Regno potiri, aut vñquam potiturum esse, qui urbem Romam paullo postquam ceperat amisisset, & quæsitâ retinere non posset. Quam ob causam Totila cum Urbem iterum, prodentibus Isauris, post Consulatum Basilij anno DCLXIX. VIII occupauisset, ne (quod antea Belisarius fecerat) semirutam ac desolatam restituerent hostes, frequentarentque ac munirent, eam ab Romanis simul & Ostrogothis coli habitarique iussit. Et ita quidem Procopius in libro III belli Gothici scribit, omisso Regis eius Francorum nomine, vt de quo loquatur incertum sit. Quippe & Childebertus Chrotbergam & Chrodesindam filias habebat, & Chlotharius Chlodofuindam, & Theodebertus Bertoaram. quæ cum nubilis tum esse potuerit, & cum Theodebertus non modò regiones Italiæ finitimas, sed etiam prouincias ipsas Italiæ, Venetiâ, Liguriâ, ac Alpes Cottias obtineret; inclinât animus, vt de Theodeberto ac Bertoara eius filia loqui Procopium credam. Cuius Bertoaræ, & Baptistæ apud Mogontiacum ex eius voto à Sidonio Episcopo exstructi mentionem facit Fortunatus Presbyter his verbis,

*Hanc tamen Antistes Sidonius extulit arcem,  
Qui Domini cultum, templa nouando, fouet.  
Struxit Bërthoara voto complente Sacerdos,  
Quæ decus Ecclesiæ cordis amore placet.  
Catholica Fidei splendor, pietate coruscans,  
Templorum cultrix, prodiga pauperibus.  
Filia digna patris: te, Theodeberte, reformans,  
Rexisti patriam qui pietate patris.*

Totila igitur Ostrogothorum Rex, vir maximus, & qualis à Procopio describitur, filia Regis Francorum (quisquis fuit) nuptias nequaquam obtinuit, propterea quod Rex Italiae non erat, Romanis ex ea nondum prorsus expulsis. Equidem hoc Francorum Regis factū saepe miratus, animaduerti moris fuisse Merouei posteris, filias & sorores suas solis Regibus collocare. non quod privatorum affinitatem fastidirent: saepe enim ipsi formae magis, quam generis habito delectu, puellas ignobiles, nec ingenuas matrimonio sibi iungere: sed quod mulierum potentiam ex virorum suorum dignitate pendere, & quantum maiestatis privata nubendo Regibus quærerent, tantum regiae stirpis virgines imparibus iunctas amittere existimarent. Sic Theoderico, postquam occiso Odoacre Italiae imperio potitus purpuram sumisit, Audesteda; sic Chrothildis Amalarico Hispaniae Regi collocata est. sic Theodeberti soror Hermenegildo, & Radigeri Varniorum Regibus; Chlodosinda Alboino Langobardorum Regi; Berta Chariberti & Ingoberga filia Ethelberto Anglorum Cantiorumque Regi nupsērunt. Sic Ingundis Sigiberti filia Hermenegildo nuptum data; Rigundis Chilperici Reccaredo desponsa est: quos ambos (vt Ioannes in Chronico scribit) Leouigildus eorum pater Regni consortes fecerat; Hermenegildum parte etiam prouinciæ donauerat. Sic Chlodosindam sororem suam, Flauij Autharij Langobardorum Regis pactam, eidem Reccaredo Regi, quoniam à secta Arianâ suo exemplo Vesigothos abduxerat, Childebertus iunior promissit. & Theodebertus minor Adaloaldo admodum puero, quem vitio ac volente patre Agilulfo, praesentibus ipsius legatis, Mediolani in Circo Langobardi Regem appellauerant, filiam despondit. Denique nullam Merouei stirpe ortam reperiemus, quæ à Regibus enupsērit. Nisi forte Scaribergam, vel Caribergam quamdam, sororis Chlodouei filiam, ab Arnulfo, Comite vrbis Remorum, ac postea Episcopo ductam; aut Blithildem, Ansberri, nobilissimi viri, Pippini Regis tritauī vxorem, regiā familiā genitam fuisse credimus. quam mulierem, ve-

teribus nostris Historicis ignotam, nonnulli, vt Caroli Magni posteros Meroueo generis auctore gloriantes adularentur, Chlotharij maioris; alij Chlotharij posterioris liberis inseruerunt. Arnulfum quidem Auctor libri de eius vita Episcopum & Confessorem appellat, sed cuius vrbs Episcopus fuerit non dicit. Sigebertus Martyrem eum vocat, & viuo ac regnante Chlodoueo in Aquilina silua pagi Parisiaci interfectum ait. Nec opinionem contrà sentientium Paullus Langobardus quidquam adiuuerit, apud quem in libro de Episcopis Mettensis Ecclesiæ, sextus & vicesimus Mettensium Episcopus Agiulfus *fertur* patre familiæ Senatoriæ, & matre *Chlodouei Francorum Regis filia ortus*. Qui enim ita loquitur, satis indicat incerta se, & ex Auctore obscuro excerpta, quæ ipse pro compertis non habeat, referre. Et Ionas Scorus Abbas, cum in libro de vita Columbani prodit Chrodoaldum quemdam *amitam Theodeberti* minoris Regis *in matrimonio habuisse*, imitatus scriptores eorum temporum amitam Theodeberti appellauit, quæ eius matertera erat.

Et Totila quidem frustra in matrimonium petita Francorum Regis filiâ, quoniam aliter facere non poterat, tacitus repulsam concoxit: at non eodem animo Theodebertus Imperatoris Iustiniani vanitatem tulit. Cum enim audiisset Flauium Iustinianum *Alamannicū, Francicum, Germanicum*, tamquam eas gentes deuicisset, appellari; (quos titulos Iustinus postea, Tiberiusque, ac Mauricius vsurpauere) frendens expeditionis Italicæ infelicem euentum sibi exprobrari, iniuriam vlcisci summis viribus statuit: & Narse, qui iam tum in Italiam cum magnis copiis venturus dicebatur, in Totilam auerso; per Pannonias, & Mœsiam Thraciam petendi, cæque subactâ, Constantinopolim, caput Imperij, oppugnandi impetum concepit. Iamque dimissis legationibus Audoinum, & Thurisindum, Langobardorum, & Gipedum in Pannonia confidentium Reges, aliósque, quorum per fines iter faciendum erat, simili à Iustiniano ignominiâ affectos, ad belli societatem inuitauerat: exercitumque, quantus huic operi par esset, cogebat. itavt res Romana vnâ cum Iustiniano

maximum periculum aditura fuisse videatur, ni Theodeberti consilia, conatûsque omnes mors immatura destruxisset. Quippe cùm morte Regum Franciæ veniretur, & bubalûm eximæ magnitudinis, in se ruentem, hastâ excipere i araret, ab arbore feræ impulsu prostrata abruptus ranius ita eum in capite vulnerauit, vt supinus ex equo laberetur, relatûsque in Regiam intra paucas horas exspiraret. Sic Theodebertum mortuum esse prodit Agathias in Historiæ libro I, quem ob expeditionis supradictæ initum consilium audacem, turbulentum, periculorum amantem, ferocem, ac superbum fuisse ait, & in temeritate ac dementia fortitudinem positam existimauisse. Nec est, quòd quis miretur bubalorum, vel boum ferorum in Gallia fieri mentionem. Nam Fortunatus Presbyter, in libri VII carmine IV ad Gogonem, in Arduenna silua, saltûque Vosago, quæ ambæ siluæ Regis Theodeberti, & Mettis eius Regiæ proximæ erant, non modò elices, hoc est alces, vros, vrsos, onagros, sed etiam bubalos, quos bufalos vocat, nasci affirmat. & Guntchramnum Regem, dum se venatione exercet, in Vosago silua vestigia occissi bubali agnouisse auctor est Gregorius in Historiæ libro X. Ionas quoque in libro de vita Columbani Abbatis prodit in eremo Vosago circa castrum Luxouium vrsos, & bubalos frequentes videri. vt omittam Baioariam, prouinciam quidem Transfrenanam, sed Theodeberto subiectam, cuius in saltibus Carolum Magnum bubalos venatum in Annalibus Mettensibus inuenio, Procopius, ac veteres rerum nostrarum scriptores minimè cum Agathia de Theodeberti morte consentiunt. è quibus Procopius Theodebertum morbo interiisse, non multo antè X V II belli Gothici annum, nimirum triennio ante tradit. Gregorius quoque longâ valetudine, omnem Medicorum curam artèmque vincente, oppressum eum defecisse ait. Fredegarius autem, Aimoinus, aliisque vehementi febre implicitum decessisse dicunt, graues morbos plerumque nullo discrimine febres appellare soliti.

EXLVIII.

Obiit Theodebertus quartodecimo regni anno, post Chlodouci aui sui mortem X XX V II, post Consulatum



Basilij septimo, vt refert Marius in Chronico, qui & *Regem magnum Francorum* meritò eum appellat, cùm ob regias viri virtutes; tum (sicuti Aurelianus Episcopus loquitur) quòd esset *unicus sceptris, multiplex populis; solidus Regno, diffusus imperio, ac maximus dominio*: hoc est, quòd Regnum maximum, ac nihilo secùs partibus inter se connexis benecohærens obtineret. Quippe sub ditione Theodeberti fuerunt Alpium Cottiarum, Liguriæ, ac Venetiæ pleraque; Rætia, Vindelicia; Alamanni vnà cum finitimis Sueuis, quorum ipsi nomine apud Ausonium, & Claudianum sæpe appellantur; Baioaria; Toringia; pars Saxonum, & Francia vetus; præterea prouinciæ Galliæ, Belgica I. Remi, Catalauni, aliæque Belgicæ secundæ vrbes; ciuitas Senonum; superior, inferiorque Germania; pars Aquitaniæ primæ, ac Prouinciæ; atque Andecaui. vt non falsò Iordanes, æqualis eius Principis, in libro de Origine Gothorum scripserit Francos ætate sua *Germanorum terras obtinuisse*.

Herimannus Contractus in Chronico vt Chlodoueu *Magnum*; sic Theodebertum, eius nepotem, *Regem fortem* cognominat. Quod cognomen Theodeberto conuenire fatebitur, qui animaduertit Danos ab eo nauali proelio superatos, Regemque interfectum; susceptam vnà cum patre aduersus Toringos expeditionem; res in Septimania atq; Prouincia viuo Theodorico gestas; in Italia, quam primus Francorū Regum ingressus est, obuias Ostrogothorum ac Romanorum copias fusas; bellum denique Iustiniano Aug. ac Constantinopolitanis denuntiatum. Theodeberti animi maturitatem non iniucundam, misericordiam, temperantiam, liberalitatem, consilium ac prudentiam in dubiis rebus, constantiam in aduersis, pietatem, ac beneficentiam absentibus ac nihil petentibus magna tribuentis laudat Aurelianus Arelatensium Episcopus in epistola ad eum scripta, & Fortunatus Presbyter in libri II Carmine XII his versibus,

*Filia digna patris, te, Theodeberte; reformans,*

*Rexisti patriam qui pietate patris:*

*Et comitante Fide reuulisti ex hoste triumphos,*

Iii ij

*Sed capti pretio mox rediēre tuo.*

*Ecclesia fultor, laus Regni, pastor egentum,*

*Cura Sacerdotum, promptus ad omne bonum :*

*Cuius dulce iugum nullus gemuisse fasetur :*

*Vinis adhuc meritis Rex in amore tuis.*

Vbi notandum est, quod ait Fortunatus, Theodebertum aded in omnes, qui opis indigere videbantur, beneficium fuisse, vt hostes etiam suos bello captos à dominis pecuniâ suâ redimeret, domosque dimitteret. Quàm pius, religiosus, & in ditandis exornandisque Ecclesiis munificus idem fuerit, docet Faustus in libro de vita Mauri Abbatis, cùm scribit Theodebertum venisse in Monasterium Glannasolium, & *regali indutum purpurâ* humi se prostrauisse, aduolutumque pedibus Mauri, ac plenum lacrimarum petiisse, vt pro ipso Deum precaretur, seque ac filium suum Theodebaldum sancto viro & Monachis commendauisse, ac singulos osculatum esse, atque villam regiam nomine Boscum cum pallio pretioso, cruce aureâ, & lampadibus, Monasterio dedisse. Addit Faustus Abbonis sapientissimi hominis consiliis vsus Theodebertum, & Florum, virum nobilissimum, piissimumque, Regi carissimum fuisse. Ex quo etiam cognoscitur vt Ostrogothorum in Italia, & paullo ante Vandalorum in Africa Reges, sic tum Francorum Reges in Galliis veste purpureâ fuisse conspicuos, qualem postea Leouigildus in Hispania Visigothorum Regum primus sumisse dicitur. Quâ de re eo minùs dubitandum puto, quòd Faustus supradicti Monasterij Monachus non audita, sed visa refert, & à Theodeberto se inter ceteros osculo salutatum ait. Omittete non possum, quod in Historiæ libro IIII prodit Gregorius, Theodebertum omnibus virtutibus præcipuum fuisse, iuris & æqui amantem; bonum & clementem; Sacerdotum cultorem; Ecclesiis magna tribuisse; multa multis beneficia contulisse; & omne tributum, quod Ecclesiæ in Aruernis positæ fisco inferre consueuerant, remisisse; ac Desiderato Verodunensi Episcopo querenti de Verodunensium paupertate, ac pecuniam mutuum flagitanti **VIII** millia aureo-

rum misisse, opidanis dispartientia, (quæ summa pro captu illorum temporum mediocris non erat) nec pecuniam postea repoposcisse, eaque largitione Verodunenses non subleuauisse modò, sed etiam ditauisse. negotiando enim rem omnes fecisse, itavt ætate Gregorij diuites haberentur. In relatione huiusce largitionis sine causa à Gregorio dissentit Aimoinus, cùm ait Theodebertum *Regem Austrasiorum*, vel superiorum Francorum, quem rectè moratum, & affabilem fuisse scribit, orante Desiderato Episcopo Verodunensibus VIII millia solidorum aureorum, quotannis in fiscum inferri ab eis solita, benignè remisisse. Quippe nequaquam verisimile est vnus vrbis incolas eoque pauperes tantum pecuniæ in annos singulos tum Theodeberto pependisse. Hic est Desideratus Verodunensis Episcopus, qui Concilio consensu Theodeberti Regis in vrbe Aruernis habito, & anno XXXVIII regni D. Childeberti R. Synodo Aurelianensi V interfuit. Vt appareat cum Theodeberto Regi superstitem vixisse. quamuis Gregorius dicat Theodeberto regnante Agericum à ciuibz suis in locum *Desiderati Episcopi defuncti* substitutum esse, & ab Syagrio Desiderati filio *post Theodoricæ Regis mortem* Siriualdum in villa sua Floriaco interfectum, propterea quòd Desideratum ad Theodoricum Regem accusando fecerat, vt Sacerdos insons non solum fortunis spoliaretur, sed etiam suppliciis afficeretur. Ceterum optandum esset Gregorium sibi ipsi constare, qui velut oblitus tantopere laudati à se in Historia Theodeberti Regis, eundem *adulterum*, ob abductam à viro Deuteriam, & *superbum* appellat in libro de vita Nicetij, & cùm ipsum sæpe ab æquitate discessisse, tum improborum scelera impunitate ac dissimulatione aluisse prodit, ob idque non rarò admonitum & castigatum esse à Nicetio Treuitorum Episcopo, magnæ sanctitatis viro, ac tandem mitiorem melioremque factum, cui Principi, præter matrimonium cum Deuteria contractum, bellumque impulsu Childeberti Chlothario patruo suo illatum, nihil video quod obiici iure possit.

Admonet Theodeberti nomen de tribus epistolis,

quæ à Theodeberto Rege ad Imperatorem Iustinianum missæ feruntur, aliquid dicere. In vna earum Theodebertus Imperatori rescribit venisse ad se Ioannem, ac Misarium eius legatos cum muneribus, & litteris, quibus aditam paterni Regni hereditatem sibi gratulatur, patrisque sui memorie perfidie ac sacrilegij notas inurit. & perfunctorie actis gratiis affirmat, patrem suum, variarum gentium domitorem, & innumerabilibus victoriis gloriosum, Imperatoribus, Regibus, ac cunctis nationibus fidem sanctissimam præstitisse; neque vllas vsquam Ecclesias diruisse; sed contra multas ab idolorum cultoribus euerfas restituisse. In alia epistola Theodebertus Imperatori petenti, vt tria millia armatorum Bergantino Patricio auxilio mittat, expectare se mandatis suis responsa rescribit. Idemque in tertia Epistola eundem, quæ gentes ac prouinciæ ditioni suæ subiectæ essent, quærentem docet, Regnum suum à Danubio flumine, ac finibus Pannoniæ ad Septentrionalem Oceanum pertinere: hortaturque, vt antiquum superiorum Principum cum Francis foedus seruet. Quæ omnia optimè in Theodebertum minorem; in maiorem nullo modo conueniunt. quamuis & ille (vti Procopius & Gregorius docent) sæpe ob Italiam legatos ad Iustinianum, in primis Secundinum quemdam & Mumolum miserit. Neque enim Flavius Iustinianus de Theodorico, Theodeberti patre, quicum nihil ipsi vniquam rei fuit, quique nulla extra Germaniam ac Galliam bella gessit, queri meritò potuit: neque in Theodebertum ipsum, propter occupatam contra foedus Italiæ partem, non inuehi potuit. qua de re verbum fieri in hisce litteris haud animaduerto. Præterea amicitia, à prioribus Imperatoribus cum Francis iuncta, quam Mauricius Aug. in epistola ad Childebertum *priscam* appellat, à Theodeberto priore *antiqua* dici non debuit, cum eam Anastasius primus Imperatorum Orientis ante annos minùs XL missis ad Chlodoueam Francorum Regem legatis appetiuerit. Vt omittam Bergantini huius Patricij in Italia bellum gerentis nullam à Procopio & ab Agathia, qui res gestas Iustiniani scri-

psere, fieri mentionem. Tres itaque supradictas epistolas malè inscriptas esse credo, nec à Theodeberto maiore ad Iustinianum Aug. sed à Theodeberto posteriore ad Imperatorem Fl. Mauricium Tiberium missas; qui Childebertum, eius patrem, Langobardorum, Varnorum, Baioariorum, aliarumque multarum gentium victorem, violatæ fidei, & euerfarum Ecclesiarum mortuum arguebat: propterea quòd, ob bellum Langobardis inferendum L. millibus aureorum acceptis, eisdem pacem vendiderat. Vnde Romanus Patricius, qui Mauricij principatu Italiam administravit, Childeberto scribens orat, ne Romanos (hoc est Italos) à Francis diripi, aut captiuos abduci; neve, sicut antea factum erat, vlla ædificia incendi patiatur. Nec dubito, quin Andreas, de quo legato in secunda epistola fit mentio, is sit, quem *Andream virum Magnificum* Romanus appellat, indicatque Mauricij Aug. mandata ad Childebertum Regem detulisse. Sanè Theodoricus quoque, Theodeberti minoris frater, apud Theophylactum dicitur per Bosonem & Bettonem legatos venalem Mauricio belli aduersus Abares gerendi societatem obtulisse. Quamquam Theophylactum falli, & quæ Langobardis conueniunt, de Hunnis Abaribus dicere existimo. quòd Langobardi à finibus Regni Theodorici solis Alpium iugis discludebantur; eique Abares petenti per Theodeberti prouincias iter faciendum erat. & Paullus, Aimoinus, ac Sigebertus scribunt, cùm Hunni Abares ex Pannonia in Toringiam post Childeberti mortem erupissent, ibique grauissimum bellum Francis inferrent, Brunichildim Theodeberti ac Theodorici auiam, quæ nepotes puerulos, Galliasque ac Germanias regebat; Sigiberti quondam viri sui exemplum imitatum; datâ pecuniâ pacem redemisse.

Mortem Theodeberti Regis mors Parthenij confestim secuta est. Fuerat Parthenius Theodeberti Consiliarius, vir inhumanus & ferus; qui Papiahillam vxorem; & Auxanium amicum suum adulterij suspectos infantesque interfecerat. Hunc Franci Australij magno odio habebant, propterea quòd eius impulsu graua si;

bià Rege tributa imposita esse meminerant. Quem igitur vivo Theodeberto violare ausi non erant, eodem mortuo destitutum persequi cœperunt. Ille posteaquam se in periculo mortis esse vidit, ex vrbe Mettis profugit, & à duobus Episcopis suppliciter petiit, vt ipsum Augustam Treuironum secum ducerent, populique sœuientis iras sua oratione lenirent. Ingressi Treuiros Episcopi, cùm seditionem comprimere, ac furentium animos mitigare non possent, Parthenium arcâ claudunt vestimentis Ecclesiasticis opertum, arcâmq; in Ecclesia deponunt. cuius omnes angulos scrutati mox Franci, diu multumque quæsito, nec vsquam reperto Parthenio, atcam referati iubent, negantibusque custodibus quidquam ibi præter ornamenta Cleticis conuenientia clausum contineri; ni celeriter aperiatur, denuntiant se eam effracturos. Tum verò reserata arcâ, remotisque linteis, plaudentes Parthenium producunt, hominem pugnis cœdunt, & conspuunt, ac demum ad columnam alligatis post tergum manibus obruunt faxis.

ICXLVIII Theodebaldus, Theodeberti Regis ex Deuteria filius, patri defuncto successit: quem tum puerum admodum, & sub nutticio fuisse Procopius in libro IV belli Gothici & Agathias scribunt; Aimoinus contrà iam virum. Habete tum Theodebaldus potuit annos XIII: si Gregorio credimus, qui Theodebertum initio regni Deuteriam in matrimonium duxisse, & quartodecimo imperij anno decessisse tradit.

ICXLVIII. Quo anno Theodebertus obiit, trans Alpes clades nostris illata est. quippe Lanthacarium Ducem Francorum, quem Theodebertus in Italiam miserat, post Consulatum Basilij anno VII cum Romanis pugnauisse, fûsumque ac cæsum esse prodit Marius in Chronico.

Theodeberto, Theodorici priuigni sui filio, non diu superstes vixit Chrothildis Regina. siquidem paullo post eius mortem Cæsaroduni Turonum annis LXX maior III Nonas Iunias decessit, & Luteciam Parisiorum delata, magnâ psallentium frequentiâ, atque in sacratio Basilicæ S. Petri, quam exstruxerat, à filiis suis  
Chil-

Childeberto & Chlothario Francorum Regibus iuxta Chlodoueam sepulta est. femina omnibus virtutibus prædita; pia; liberalis; benefica; pudica; de Christiana religione & de Francis optimè merita, quorum omnium in Chlodoueo Rege viro suo idololatriam expugnauit.

Per idem tempus Chlotharius Francorum Rex edixit, vt Regni sui Ecclesiæ tertiam partem reddituum fisco inferrent. Quod cùm omnes Episcopi, Augustam Suessionum contracti, consensu & subscriptione sua non sponte comprobauissent, intercessit Iniuriosus Turonicus Episcopus, negauitque se subscripturum, ac tantam Ecclesiæ iniuriam fieri passurum: adiiciens, si Rex Ecclesiis res adimere suas velle perseueraret, Deum ei Regnum vitæque breui erepturum. neque enim æquum esse ditari cum patrimoniis egentium, quos ipse de suo alere debeat. His dictis iratus Iniuriosus, ne salutato quidem Rege, Turonos repetiit. Qua verè sacerdotali libertate motus Chlotharius indictionem rescidit, missisque post Iniuriosum viris cum muneribus, veniam facti precatus est. Ex quo intelligitur Reges Francorū nihil tum oneris Ecclesiæ Gallicanæ, nisi consentientibus ac subscribentibus Episcopis, imposuisse.

In parte Britannicæ Armoricæ tum dominabatur Chanao Comes, cæde trium fratrum infamis. qui cùm & Macliauum fratrem suum captum in carcere & carenis teneret, vellētque interimere, orante Felice Namnetico Episcopo ei pepercit: iurauitque Macliauus se fratri fidelem futurum, nec multo post violata fide, vt satellites ad se comprehendendum missos euaderet, ad alium Comitem Britannorum, nomine Chonomorem perfugit. Is cùm inquisitores appropinquare sentiret, Macliauum capulo clausum humauit, ita facto tumulto, vt per paruum spiraculū de cælo animam posset ducere. Eo commento illusi Chanaonis satellites, postquam super tumulum læti biberant, Domino suo renuntiant Macliauum mortuum ac sepultum esse. quo audito Chanao Regnum eius totum recepit. At Macliauus velut rediuuius exsistens ab inferis Venetos urbem petit, ibique tondetur, & Episcopus constituitur. sed vt erat

leuis & temerarius, mortuo Chanaone capillos promissit, & uxorem, quam post Clericatum dimiserat, cum Regno fratris recepit. quam ob causam Episcopi ei sacris interdixere. Ceterum non dubito, quin Chonomeres Britannorum Comes à Gregorio dictus, is sit, quem Auctor libri de vita Leonorij Episcopi *Commodorum* appellat, & quem, Childeberto priore in Francia regnante, uxorem Rigualdi Ducis Britanni viduam in matrimonium accepisse, ac priuignum suum Iudualum, quamdiu ipse vixit, à dignitate paterna exclusisse tradit: quique in vita Gildæ *Conomerus* vocatur, & *tyrannus* in Britannia fuisse dicitur ætate Gildæ, ac *Childerici Fræcorum Regis principatu*, magno errore: cum Paullus Gildæ condiscipulus Childeberto regnante floruerit. quo etiam tempore Indualis cognomine Candidus, hoc est (ut puto) Iudualus, Rigualdi Ducis filius, Domnonensium in Britannia Dux erat: quemadmodum Auctor belli de vita Paulli Episcopi memoriæ prodidit.

101.

Post Consulatum Basilij anno 1X *Vesigothi*, iugulato Theudisclo, Agilam Regem consalutauere. è quibus Theudiscum post Consulatum Basilij V. C. anno 11, & Agilam eo mortuo post Consulatum Basilij anno IV regnare occœpisse falsò tradit Auctor Appendicis Chronico Victoris Tununensis Episcopi adiunctæ.

1011.

Post Consulatum Basilij anno X, belli Gothici XVII Flavius Iustinianus Aug. Leontium Senatorem, Athanasij generum, ad Theodebaldum Francorum Regem legatum misit, qui ab eo postulare, ut arma secum aduersus Totilam & Ostrogothos consociaret, cederetque opidis & castellis Italiæ, quæ Theodebertus contra ius fœderis occupauisset. Leontius, ubi ad Theodebaldum venit, ita locutus est. Nonnullis forsitan, præter spem expectationemque accidere aliquid potuit: qualia verò Romani à vobis passi sunt, alij contigisse puto nemini. Quippe Iustinianus Aug. non prius Ostrogothis apertè intulit bellum, quàm Francorum amicitiam & societatem data ingenti pecunia redemisset. at illi non modò nihil earum rerum fecere, quas promiserant, sed etiam tanta Romanos iniuria affecere, quan-



tam ne suspicari quidem quisquam facile possit. Pater enim tuus Theodebertus occupauit nihil ad se pertinentes prouincias Italiæ, quam Imperator magno labore magnisque periculis sine Francorum auxilio in suam ditionem redegerat. Quamobrem nunc ad te venio, non antefacta criminaturus, sed ea postulaturus, ac moniturus, quæ tibi ipsi sint profutura. nimirum vt felicitatem confirmes tuam, & sua habere Romanos sinas. (Sæpe enim potentissimis, & multa ac magna obtinentibus parua alicuius rei iniusta possessio causa exitij fuit: propterea quod raram facit misturam cum iniquitate secunda fortuna) præterea vt patris promissum præstes, fidemque liberes, bellum aduersus Totilam nobiscum gerendo. siquidem maximè liberos decet parentum malefacta corrigere, & benefacta confirmare ac rata habere. Huiusce autem belli societatem cum Romanis te etiam non inuitatum ac rogatum inire oportebat. Nam cum Ostrogothis nobis res est, qui Francis hostes semper & infidi fuerunt, eisque tætra & atrocia bella numquam non intulerunt. Qui nunc quidem metu Romanorum & necessitate impulsus tibi adulari, & tuum auxilium implorare non dedignantur: si verò armorum nostrorum metu liberati fuerint, non multo post suum erga Francos animum apertè nudabunt. Quare cum Imperatore amicitiam & foedus repouare ne dubita, & in veterem hostem totis viribus factas iniurias vindicare. His Theodebaldus Francorum Rex ita respondit. Ad societatem belli aduersus Ostrogothos nec rectè nec iure nos inuitatis. sunt enim nunc nobis amicitia iuncti. quibus si parum stabiles, inconstantésque se Franci præstiterint, ne Romanis quidem fidi sunt futuri. Quod autem ad loca Italiæ mihi subiecta pertinet, Theodebertus pater meus nec quemquam finitimorum violauit, nec alienis manum adiecit. cuius rei nullum afferre certius testimonium possum, quàm quod eius hereditate nihilo sum opulentior factus. neque idem supradicta loca Romanis eripuit, sed à Totila possessore destituta, ac velut palàm tradita occupauit. Quo de facto Imperatorem Iustinianum gratulari Francis

maximè oportebat. nam qui raptoreſ rerum ſuarum ab aliis ſpoliatos videt, niſi obſtet inuidia, iuſtâ ultione lætari conſuevit, & meritam eos factæ ſibi iniuriæ pœnam pendere arbitratur. Sed vtrique totam controuerſiam ac diſceptationem Iudicum fidei committere poſſumus, vt ſi quid patrem meum Romanis cepiſſe paruerit, hoc ſine mora neceſſariò reſtituam. Hiſce de rebus legatos Conſtantinopolim non multo poſt mittam. Sic locutus Theodebaldus Leontium Athanaſij Præfeſti Prætorio Italiæ generum dimiſit, & Leudardum, hominem Francum, vnà cum tribus aliis, legatum ad Iuſtinianum Aug. miſit, vt in belli Gothici libro IV tradit Procopius. Legati ex ſententia tem confeſcère. niſi quodd à Iuſtiniano, acta Concilij Calchedonenſis infirmare conante, impetrare non potuère, vt Vigilium Papam, & Datium Mediolanenſem Epiſcopum Conſtantinopolim euocatos, ac indignè tractatos, ob idque ſibi per litteras ab Clericis Italiæ commendatos in ſuas ſedes reſtitueret.

1511.

Indiſtione XV poſt Conſulatum Baſilij V. C. anno XI in Hiſpania bellum ciuile oritur. Theudiſclo Regi à coniuratis iugulato Hiſpali, quæ tum Veſigothorum regia erat, ſucceſſerat Agila: qui cùm popularibus grauis ac iniquus eſſet, Athanagildus, vnus ex Optimatibus, regni cupiditate impuſſus, ab eo tertium principatus annum agente defecit, atque auxilium à Iuſtiniano Aug. petiit. Impetator totum Occidentem iamdudum Orienti adiungere cupiebat. Igitur oblatâ occasione lætus Liberium Patricium cum claſſe in Hiſpaniam miſit, vt ſub ſpecie ferendi Athanagildo auxilij prouinciam tentaret. Agila apud Cordubam victus acie, amiſſo filio cum magnis copiis omniſque gazâ regiâ, Emeritam fugit, nec multo poſt (vt ait Rodericus) exercitus, quem aduerſus Athanagildum miſerat, ab eo Romanis auxiliis adiuto deletur; Liberio interea opida Hiſpaniæ non pauca facilè occupante. Quare cùm animaduernerent Veſigothi ſuis ſe gladiis iugulati, timerentque maximè, ne milites Romani occasione uſi Hiſpaniam ſubigerent, obliti ſacramenti Agilam v regni

anno Emeritæ occidunt, & Athanagildo se tradunt. Sic potitus rerum Athanagildus milites Romanos, quibus adiutoribus Agilam vicerat, postea Regni sui finibus expellere non potuit, bellumque cum eis diu variâ fortunâ gessit, partemque urbium, quas ceperant, recuperavit. Vnde Agathias in Historiæ libro V tradit eo tempore milites Romanos partim in Italia, partim in Africa, *partim in Hispania*, & aliis prouinciis fuisse collocatos. At Liberius Patricius, Dux Romanorum, posteaquam vrbes aliquot Hispaniæ occupauerat, oram maritimam Aquitanæ classis infestam habuit, ac Burdigalam Biturigum Viuiscorum oppugnauit. Quod enim Suidas scribit, *Belisarium circa Burdigalam urbem Gallia frequenter pugnasse*, id ego emendandum, & in locum Belisarij *Liberium* restituendum puto. quippe constat Belisarium extra Africam & Italianam nullam vsquam in Occidentis partibus bella gessisse. Liberius iste Patricius, quem in Hispaniam cum exercitu à Iustiniano missum ait Iordanes, grandis natu fuit, tum cum ei aduersus Agilam Veligothorum Regem expeditio madata est. idem enim multis antè annis, sub Theoderico & Athalarico Ostrogothorum Regibus, Præfectus Prætorij Galliarum fuerat, multum ob merita, & ob vulnere in bello accepta à Cassiodoro Senatore laudatus: & Basilicam, quam Arausione exstruxerat, ab Episcopis Prouinciæ Decio iuniore Consule dedicanda curauerat, statutisque Concilij Arausicani subscripserat, non modò Præfecturâ Prætorij Galliarum, sed etiam Patricia dignitate iam tum illustris. postea legatus à Theodahado Rege vnâ cum Opilione ad Iustinianum missus, apud eum remanserat, & aduersus Totilam in Siciliam cum classe missus ab Imperatore, breuique Constantinopolim reuocatus fuerat anno belli Gothici XVII, post Cōsulatū Basilij X. vt tradit Procopius, qui Liberium modò *Senatorem Romanum*, modò *Patricium ex urbe Roma*, nonnumquam *virum Romanum*, extremæ senectutis, ac belli artium imperitum appellat: vt appareat eum Patricium Occidentalem fuisse. In Hispaniam missus, post ab Imperatore Francio Dux

Cantabrie in ditionem eius redactæ præfuit, quem Francionē Fredegarius, ac Aimoinus decepti nomine tributa Francorum Regibus pependisse scribunt: eoque mortuo à militibus Romanis, quibus tuendi limitis Hispaniæ cura mandata erat, Cantabriam receptam, deinde à Flautio Sisebuto Rège Vesigothorum occupatam dicunt. Paullus in libro tertio rerum Langobardicarum tradit Francionem hunc ipsū in Italia Magistrum militum fuisse, vnum ex his, qui sub Narſe militauerant: & Langobardis terram Italiam vexantibus, per annos viginti munitissimam insulam in Lario lacu, Comacenam à finitimo opido Como, & Lariensem cognominatam, tenuisse: ibi semestrem obsidionem fortiter tulisse: tandēque traditā Flautio Authario Langobardorum Regi insulā, cum coniuge, ac supellectile Raennam sese recepisse. Ceterū Romani, qui Iustiniani iussu Hispaniam Liberio duce ingressi erant, virtute, concordia, Hispanorum affinitatibus, ac etiam missis ab Imperatoribus ex Africa & Italia auxiliis adeo creuere; vt neque ab Athanagildo, neque ab eius successoribus ex Hispania expelli potuerint, vixque post annos ampliùs XXX Suintila Vesigothorum Rex vrbes, quas occupauerant, receperit. Hi sunt Romani, quos Ioannes & Isidorus in Chronicis, & Paullus in libro III rerum gestarum Langobardorum *Milites* absolutè vocant, Gregorius in Historiæ libro V contumelioso tum nomine *Græcos* appellat. Nimirum milites Romani à Iordane, Procopio, & Gregorio Magno, ceterisque eorum temporum Auctoribus plerumque *Milites*, & *Στρατοί* simpliciter dicuntur, vt Imperium Romanum *Patritia* atque *Respublica*.

Eodem anno, quo Liberius Patricius Hispaniam petiit, Narſes eunuchus, ex Præposito sacri Palatii, ex Conf. atque Patricius, cum magnis copiis, & Langobardorum, Erulorum, Hunnorum etiam, ac Persarum perfugarum mercenariis auxiliis, à Salona opido Dalmatiæ mouit, traiectoque sinu Liburnico, quem alij sinum Polaticum, alij Flanaticum appellant, omnem exercitum exposuit Polæ. inde per Istriam, & Venetiam iti-

nere facto ad amnem Atesim peruenit, missoque nuntio postulauit à Francorum Ducibus, qui finitimos locos præsiidiis tenebant, vt ipsis locis & amicis transitum darent. Illi Narsæ renunriari iubent hæc se facere nullo modo posse, suæ utilitatis, & erga Ostrogorhos beneuolentiæ magis quàm commodi Romanorum habendam esse rationem rati: atque hancce parum speciosam & honestam dictu negationis transitus causam prætendunt, quòd Narses Langobardos, hostes Francis infestissimos secum duceret. Tum Narsen, dubitantem quid ageret, quidam Itali docuere, si Franci in eo proposito perseuerarent, à loco vbi erant vsque ad Veronam transitum tentari non posse, quam urbem Teia Ostrogothus, vir fortissimus, valido præsidio tuebatur. Hærebat itaque Narses inops consilij, donec Ioannes, Magister militum, locorum peritus per maritimam Venetiæ oram Romanis parentem duxit exercitum, fossasque ac paludes, Septem Maria dictas, in quas se Padus effundit, ponte è nauibus facto iunxit. Sic traductis copiis Narses Rauennam intrauit. Quam autem ob causam tantæ Francos inrer & Langobardos inimicitie tum fuerint nescio. Nam & antea Theodebertus Francorum Rex Wisigardim Waconis Langobardorum Regis filiam in matrimonium duxerat, atque ad Audoinum, Waltarij Waconis filij tutorem successorémque, legatos de consociandis aduersus Iustinianum Aug. armis miserat: & paullo post Theodebaldus Francorum Rex Vulde-tradam, sororem Wisigardis, vxorem duxit: ac Chlodouinda, Chlotharij maioris filia, Alboino Langobardorum Regi collocata est. quæ affinitates nisi inter amicos fieri non solent. Nisi fortè ex eo inter ambas gentes inimicitie ortæ sunt, quòd Audoinus Langobardorum Rex Herminafridi Toringorum Regis filiam matrimonio sibi iunxerat, (vt ait Iordanes) ob idque bellum Francis illaturus, & Amalafridum fratrem vxoris suæ in paternum Regnum reducturus videbatur. Apud Menandrum dicitur Narses ad Hamingum Ducem Francorum, qui in Atesis vltiore ripa confederat, Pamphronium Patricium, & Bonum Pro-

curatorem rerum priuatarum misisse petiit, vt ex eo loco discederet; neu ruptis indutiis iterum bellum aduersus Romanos excitaret. quibus Hamingus respondit, quamdiu hastam dextrâ vibrare posset, se cessurum non esse. Narfes Valeriano adiunctus, superato flumine Arimino, ad Apenninum peruenit, ibi apud Busta Gallorum (hoc loco nomen est) cum Ostrogothis vno proelio debellat, ac Totilam Regem, antea semper inuictum, numero magis & paratu militum quàm virtute fundit, fugientemque interficit, anno regni XI, post Consulaturn Basilij pariter XI, confestimque Langobardos, cui, ex victoria assumptâ peccandi licentiâ, omnia stupris incendiisque foedabant, auxilij causâ magna pecunia donatos domum dimittit. Quidam auctores sunt Totilam, ante proelium à milite Romano insciente neceopinantem iaculo ictum, ex vulnere paullo post interiisse, atque Ostrogothos amisso Rege pauidos facillè ab Narfe deuictos celsosque esse. Valerianus, post deductos vsque ad fines Italiæ Langobardos, castra ante Veronam posuit, tamquam urbem eam oppugnare constituisset. cui cum Ostrogothi ibi in præsidio collocati sese ipsos, ac urbem dedituros promississent; cognitare Franci, qui finitima Venetiæ obtinebant loca, nec Romanam vicinitatem amabant, totis viribus prohibuere, regionem velut ad ipsos pertinentem sibi vindicâtes, & Valerianum cum exercitu irritum discedere coëgere. At Ostrogothi, quotquot proelio supererât, traiccto Pado, Ticinum peruenere, & Teiam Fridigerni filium Regem ibi appellauere. qui suos Romanis impares videns, legatos ad Theodebaldum Francorum Regem misit, eumque pollicitationibus ingentis pecuniæ ad belli societatem pellicere frustra conatus est: propterea quod Franci nec pro Ostrogothis, nec pro Romanis pugnare, & sanguinem more mercenariorum profundere volebant, sed Italiam in ditionem suam redigere, & eius subigendæ causâ per se ipsi bellum gerere cupiebant. Interea Narfes Narniam, Spoletum, Perusiam, Romam, Portum Augusti, Nepetam, ac Petram Pertusam occupat: & Cumas, urbem Campaniæ munitissimam, in arduo colle

colle ad mare Inferum positam, quò Totila pleraque spolia Italiæ & insignia regia contulerat, oppugnat: Teiámque obsessis subsidio venientem, nauibus exuit, com meatu intercludit, directâ acie fortissimè pugnantem interficit, imperij Domini Iustiniani perpetui Aug. anno XXVI, post Consulatum Basilij V. C. anno <sup>1511.</sup> XI, belli Gothici XVIII. A Procopio, quem secuti sumus, Victor, Mariúsque dissentiunt: è quibus Victor Totilam à Narse eunucho Patricio prælio superatum post Consulatum Basilij anno XIV periisse dicit: Marius Toti- <sup>1515.</sup> lam vel Baduilam post Consulatum Basilij anno XII <sup>1511.</sup> Indictione I interfectum, Teiam insequenti anno cæsum est auctor. Ostrogothi tot continuis incommodis infracti, & ad paucos redacti, pacem à Narse petunt, ac impetrant, & se de opidis præsidia deducturos, ac totâ Italiâ excessuros; nec vinquam ampliùs Romanis bellum illaturos iurant. Ostrogothi circiter mille, qui iurare nolebant, ex castris egressi Ticinum opidum & alia trans Padum loca Hilduso transfuga duce repetiere, sicuti ait Procopius. Quamquam è contrario Agathias Scholasticus in Historiæ libro I prodit conuenisse, vt Ostrogothi in Italia securi remanerent, sub ditione Imperatoris futuri. ita pace facta domum omnes rediisse, & alios quidem in Tusciam, alios in Liguriam, & in Venetiæ opida ac castella reuertisse.

Breui apparuit arma victos, non odia deposuisse. Ostrogothi enim Circumpadani, externæ dominationis intolerantes, cùm paucò tempore sese continuissent, fidemque seruauissent, mox res novas moliri cœperunt. Regnabant tum apud Francos Childebertus, Chlotharius, & Theodebaldus, quorum priores duo sedes longè ab Italia remotas habebant: posterior Liguriæ, Venetiæ, & Alpium Cottiarum partem non minimam obtinebat. Ad Theodebaldum igitur Francorum Regem legatos mittunt Ostrogothi, qui dicerent, tempus esse genti eum finitimæ ac foederatæ subuenire: expelli se à Iustiniano Italiâ, quam Theodericus Zenonis permisso intrauerit, ac Turcilingis ademerit: & Amalafuenthæ vindictam, speciosum titulum nefario latrocinio

præferri. nisi celeriter magna sibi auxilia mittantur, partem huius calamitatis ad Francos recasuram. Quid enim aliud velle Romanos, nisi liberis populis, quos contumeliosè Barbaros appellant, seruitutem iniungere? Sic nuperrimè sub specie auxiliorum à Iustiniano missum esse in Hispaniam exercitum, Vesigothis, ni caueant, exitio futurum. neque dubitari oportere, quin idem, vt victis Vandalis Africam subegisset, & inuitatus successu, ob vnus noxam, Ostrogothis bellum intulisset, ac Italix manum inieciisset; ita Galliam, partem quondam Imperij Romani, occupatam à Francis esset repetiturus. Certè non semel eum iactasse, atque scripsisse, gentes omnes, amissas secordiâ Romanorum, se recepturum sperare. Videret itaque, ne vicinum incendium, suâ negligentîâ auctum, mox ad ipsum transiret. quod ne accidat, in eius nunc potestate positum esse. Hac oratione Theodebaldus, puer valetudinarius, igniuius & imbellis, non admodum commouebatur, neque pro gente pæne funditus euersa fortunam tentandam existimabat. Erant tum in Aula Procerum omnium dignitate & potentia facilè primi Leutharius & Buccelinus fratres, natione Alamanni, quos Theodebertus Rex popularibus suis Duces præposuerat. Hi permittente magis quàm assentiente Rege cum Ostrogothis belli societatem ineunt, celeriter Francos, atque Alamannos ad LXXV millia cogunt, Alpèsque transcendunt tanta cum contemtione hostium, tantâque virium fiducia, vt Narsen, eunuchum breuem ac macrum, nec in virorum, nec in mulierum numero habendum, & lanificio, quàm armis aptiorem, qui Ostrogothis adeò timori esset, primum suorum imperum laturum negarent, totiùsque Italix ac Sicilix imperium sibi promitterent. Peragrata Liguriâ, Padum superat Francorum exercitus, ac Parmam opidum occupat. Qua cognita re Narses Fulcarim, Erulorum foederatorum ampliùs trium millium equitum Ducem, cum Ioanne, Valeriano, & Artabane Magistris militum, & cum copiarum suarum parte maiore ac validiore in Æmiliam mittit, & ad flumen Padum castra facere, munitioribùsque lo-



cis occupatis hostes reprimere ac itinere prohibere, sin autem propter paucitatem, id facere non possent, saltem eisdem morari, & ne audacter ac liberè vagarentur, obseruare iubet. ipse post ordinatas res Tusciæ se venturum confirmat. Fulcaris, Dux non minùs temerarius, quàm strenuus, in composito agmine, minimè exploratis locis, Parmam raptim contendit. Qua lætus occasione Buccelinus lætâ virorum fortium manum in Amphitheatrum non longè ab vrbe situm condit, Barbarosque effusos ac temerè progressos subitò eruptione facta fundit fugatque, Fulcarim ipsùm interficit. Eâ victoriâ Leutharius & Buccelinus tantum auctoritatis & nominis sunt consecuti, vt Ostrogothi Æmiliam, Liguriam, finitimâsque prouincias incolentes, qui cum Romanis necessitate coacti pacem ac belli societatem inierant, apertè foedus rumperent, & ad Francos morum similitudine sibi coniunctos sponte transirent, suarumque eis urbium portas aperirent. contrà Ioanni & Artabani Romanorum Ducibus tantus iniectus est metus, vt statim Fauentiam se contulerint, quæ abest ab vrbe Parma ampliùs millia passuum XC.

Dum hæc apud nostros geruntur, Narfes, exercitus parte ad oppugnationem Cumarum relictâ, per Latium in Tusciam copias perducit: Florentiam Tuscorum, Centumcellas, Volaterras, Alsium, ac Pisas occupat: & vbi de Fulcaris clade cognouit, milites nuntio consternatos oratione confirmat, Lucensésque tertio quàm obsederat mense, frustra d:hortantibus Francis, qui ibi in præsidio erant, deditionem facere cogit. Eodem tempore Aligernus, Fridigerni filius, Teiz quondam Ostrogothorum Regis frater natu minimus, vir manu strenuus, cùm intelligeret Francos, si bello Romanos vicissent, Ostrogothis sub specie societatis Italiam ac libertatem erepturos, seipsum, Cumâsque Romanis deditit: missusque à Narfe Curuam Cesenam, Francos per fines Regiensium, Mutinensium, Bononiensium, Forocorneliensium, & Fauentinorum itinere factò urbem prætereuntes, vt iussus erat, irrisit ex muro, clamitans serò eos venisse, ac frustra festinare, iam enim Cumis,

& vnà omni regia pecunia vestéque, ac supellectile, ad quæ occupanda properarent, potiri Romanos, adeò vt si quis ab Ostrogothis Rex salutaretur, regiis insignibus esset cariturus. Aligerno Franci conuicia regerebant, & perfidum, proditorémque popularium suorum appellabant. Nihilominus tanta spe frustrati mox de summa rerum deliberant, domum redire placeat, an progredi. superat sententia eorum, qui in expeditione perseuerandum esse censebant. Paulo pòst accidit nostris aliud incommodum. Franci ad duo millia equitum & peditum, à Ducibus ad depopulandos agros & exploranda itinera missi, circa Ariminum pecus abigebant. Erat tum Arimini Narfes cum Theodebaldo Varnorum foederatorum Duce, qui indignatus sub oculis suis audacter prædam hostes agere, in eos trecentis equitibus comitatus eruptionem fecit. Et. Franci quidem pedites ab vtroque latere equitibus suis, à tergo densa silua tecti, primum conserti ac immobiles iunctis scutis tela Romanorum excipiebant, sic vt primi ordines laxati perfringique non possent. Tum Narfes, posteaquam nihil proficiebat, simulatione fugæ eos longè à silua protractos in apertum campum perduxit, & incompósitos ac effusè insequentes ex improviso aggressus, pedites circiter nongentos cecidit; equites coniecit in fugam. cùmque animaduerneret Francos natura æstus esse intolerantissimos, nec libenter æstate bellare, frigore autem tamquam re cognata & patria vegetos, robustissimósque, ac laborum patientissimos fieri, expeditionem in ver differre constituit, missisque in hiberna copiis, & Rauennæ rebus ordinatis, Romæ hiemauit.

Interea Franci lento agmine loca, quaquà ibant, omnia depopulabantur, atque vastabant, ac Flaminiam emensi, pèrque Picentes, Marrucinos, ac Pelignos itinere factò Samnitium fines intrauerant. quò vt peruentum est, Duces copias inter se diuiserunt. & Buccelinus quidem accepta exercitus parte maiore ac validiore, dextrum iter ingressus, prouincias Tusco mari appositas Campaniam, Lucaniam, & Bruttios, Rhegio & Freto Siciliensi tenus, populando peragravit. Leutha-

rius verò sinistram carpens viam, vastatâ Apuliâ, & Calabria vsque ad Hydruntum, quo ex opido finis Adriatici maris, & initium Ionij despicitur, peruenit. sic ambo, diuersis itineribus omnem Italiam sunt peruagati. Qua in expeditione Francos, rectè de Deo sentientes, & eandem quam Romanos religionem colentes, in locis sacris piè ac reuerenter se gessisse, Alamannos autem, nondum Christianæ religionis mysteriis initiatos, Ecclesias spoliauisse, detexisse, ac diruisse, sanguine etiam humano polluisse Agarhias scribit. Accidit tum, quod in 1 Dialogorum libro tradit Gregorius Romanus Episcopus, vt Buccelino Campaniam ingresso, Franci aliquot in Monasterium Honorati viri sanctissimi apud Fundos positum, vbi multas pecunias esse audierant, irrumperent, & magnis clamoribus Libertinum Præpositum loci requirerent, ac caligantes videre non possent, in quem humi prostratum ac orantem impingebant, sicque ex Monasterio vacui egredi cogerentur. Incunte ætate cupido incescit Leuthario grauem prædâ exercitum domum reducendi, ac raptu fruendi. Itaque ad Buccelinum nuntios misit, qui suaderent, vt celeriter rediret, incertoque bello ac Ostrogothis valediceret. cognitumque cum, indutum spe regni ab Ostrogothis ipsi promissi, cum Romanis se prælio decertaturum iurauisse; nihilominus excedere Italiâ, & postquam domum venisset, ac prædam in tuto loco deposuisset, auxiliares fratri copias mittere instituit. sed nec ipse in Franciam reuerti, nec fratrem supplemento militum adiuuare potuit. Regrediens igitur Leutharius sine vlllo detrimento exercitus iter fecit, donec Picenum emensus ad opidum Flaminiae Fanum Fortunæ peruenit; ante quod opidum positis castris aduersam fortunam expertus est. Cum enim millia hominum tria non solum ad exploranda vltiora, sed etiam ad hostem, sicunde apparerer, fundendum ex more præmisisset; Artabanes Persarmenius, & Huldac Hunnus, qui cum Romano exercitu Hunnisque foederatis Pisauri occasionem bene gerendæ rei speculabantur, in eos per Hadriæ litus iter facientes, murisque appropinquantes conferti eruperunt, ac mul-

tos deimprovisò occiderunt. nonnullos per prærupta  
 litoris fugâ enifos, móxque ex colle recto atque præ-  
 cipiti deuolutos mare hausit. Cùm plurimi eo modo  
 periissent, reliqui incompositè terga vertere, & cum  
 magno clamore ac fletu ad suos reuerfi trepidatione &  
 tumultu castra impleuere, atque quod ipsi credebant,  
 subitò affore Romanos commilitonibus persuaferè. I-  
 gitur Leutharius omnes armari & ad prælium parari  
 iubet, phalangéque ita facta, vt densa ac nihilominus  
 in longum extenta esset, obuiam hosti proficiscitur.  
 Sed Artabanes & Huldac Duces, propterea quòd nu-  
 mero impares ad pugnandum erant, iam Pisauri mu-  
 ris incluserant sese, neque ex opido suas copias eduxere.  
 Tum Franci reuerfi in castra iacturam prioridamno gra-  
 uiolem se fecisse cognoscunt. plurimi enim captiuo-  
 rum, qui incustoditi remanserant, hostium occupatio-  
 ne tamquam occasione sua vsi, celerrimè profugerant, &  
 sese, ac vnà quidquid spoliolum diripete potuerant, in  
 proxima castella contulerant. Quamobrem priusquam  
 grauiora paterentur, confestim mouenda castra, & ex  
 opido Fano Fortunæ discedendum statuunt, exsecratí-  
 que locum infortunatum & iactura prædæ suæ infamem,  
 relicto Hadriatici maris arenoso litore, flectunt  
 ad læuam, & secundum radices montis Apennini lon-  
 gum iter faciunt per prouinciam Æmiliam, Alpésque  
 etiam Cortias, (vt Agathias ait) Padóque flumine diffi-  
 culter superato tandem Venetiam ingrediuntur. Hic  
 notare conuenit errare Agathiam Scholasticum, qui  
 Fanum & Pisaurum prouinciæ Flaminie vrbes Piceno  
 attribuat, eadémque non ad mare Hadriaticum, vt  
 ceteri omnes, sed ad Ionium ponat. Franci, peragratâ  
 magnâ parte Venetiæ, ad urbem eius prouinciæ Cene-  
 tam, inter Feltriam & Belunum sitam, quæ tum Theo-  
 debaldo Regi parebat, peruenere, ibi reficiendi sui  
 causâ turò statim habituri. Dolebant tamen, & in-  
 gentis mæstitiæ notas præ se ferebant, quòd prædæ suæ  
 partem maximam amisissent, & frustra tot terras emen-  
 si, ac tantos labores passi esse sibi videbantur. Sed non  
 hic eis calamitatis finis fuit. Quippe dum apud Cene-

tam conferti in artas domos vires refouent, subito exorta pestilentia est, & contagione vulgante morbos, ad vnum omnes (si Agathiæ credimus) periere. Leutharius rabiosus, & spumans, & suos ipse lacertos lacerans expirauisse dicitur. nonnullis apoplexia, aliis continua dementia, aliis varia febrium genera mortifera fuerunt. Quam cladem Romani irâ diuinâ illatam credebant: Franci, naturâ æstus intolerantes, partim mutationem ac corruptionem cæli, partim repentinam à labore ad otium conuersionem causabantur. Certè nusquam maior ac crebrior febribus, dysenteriâ, intestinorum leuitate, murium araneorum moribus, & veneno strages exercituum nostrorum facta: nec vlla his prouincia Italiâ pestilentior fuit. Illa enim Theodeberti, Childeberti posterioris, Carolomanni, & Caroli fratrum copias; illa præter Leutharium, Lotharium Regem Caroli Magni pronepotem, Carolum Augustum, eiusdem nepotem, Ludouicum Regem Ioannis filium, Gislebertum, ac Odetum Duces absumpsit. Quo magis gloriosissimi Principis Ludouici nuper nobis erepti vt laudanda virtus est, sic admiranda felicitas, qui vnde pauci ex maioribus eius sine aliqua clade domum redierunt, multi ne redierunt quidem; inde expugnato Segusione, Hispanis à Casale reiectis, lætus saluum & victorem exercitum reduxit. siue Italiam, aduentu liberatoris sui recreatam, salubriores solito venti perflauerant: siue iustissimo bello elementa ipsa fauere oportebat.

Dum hæc in Venetia contingunt; Buccelinus agris, castellis, opidisque ferè omnibus, quacumque ierat, fretò Siculo tenus, vastatis, copias circumegit, & hostes petendi, atque cum Narse de summa rerum maturè dimicandi impetum cepit: quòd multi Francorum, fame & inopiâ pressì, (Narses enim commeatus in munitissima loca comportari iusserat) ex crebro vuarum recentium ac multì vsu contracto alui profluuiò, perierant; reliquos vires deficiebant. Itaque antequam plures simili valetudine tentarentur, prælio contendere, ac bellum conficere cupiebat. Vt in Campaniam ve-

nit, Neapoli, & finitimis vrbibus, sicuti Constantinus Porphyrogenetus scribit, occupatis, castra posuit haud procul Capuâ, eâque rotis cartorum, modiolorum tenuis in terram infossis stipitibusque ita muniuit, vt vnum tantum exitum haberent, ad dexteram Casulino amni coniuncta: atque in Ponte Casulini, quem locum Leo Maricanus in libro I Chronici Cassinensis commemorat, turri ligneâ constitutâ, firmum ibi præsidium collocauit. Sic inscius, quanta in Venetia clades esset accepta, auxiliares fratris copias, vt conuenerat, expectabat, nec tamdiu moraturas fuisse, si nihil eis aduersi contigisset, suspicabatur. Quamquam etiam sine hoc supplemento militum victoriam de hostibus sibi promittebat, virorum fortium & bellicolorum millibus triginta subnixus, cum vix Narses duodeuiginti millia variarum gentium haberet armata. Quare & ipse magna alacritate erat, & suos cohortari non desistebat, dicentis non de parua aliqua re, sed de Italia pugnatum iri, propter quam bellum gererent, & quam, si viri essent, nec inglorij omnes perire vellent, victis Romanis facile essent occupaturi. Qua oratione instincti Franci, & immodica confidentia elati sese ad proelium parabant. & alij quidem secures ancipites, vel bipennes, vulgò Franciscas à gente cognominatas; alij hastas, lanceasve, quas Angones vocabant, acuebant. quidam scuta rupta refarciebant. denique facillimè sua quisque arma suis manibus reficiebat. Tum enim (vt ait Agathias) simplex & parabilis erat Francorum armatura, nec variis artificibus indigebat. loriceis, & ocreis non utebantur, exceptis Regibus ac Primoribus gentis; equis admodum pauci: propterea quòd more patrio pedestribus pugnis innutriti, & quotidiana exercitatione assuefacti erant. plerique capite erant nudo: galeis pauci tegebantur, gladio cincti & scuto testi proelia inibant: nec arcubus, aut fundis, sed bipennibus tantum, & angonibus armabantur. has Sidonius *secures missiles*; illas, *lanceas uncatas* appellat, in libri IV epistola XX. Erant autem angones hastæ mediæ magnitudinis, ferreis laminis ita vestitæ, vt præterquam in ima hastilis cuspide lignum

nusquam nudum appareret. ex summo spiculo utrinque prominebant vnci deorsum versùs incurui. In pugna Francus hanc hastam emittebat. & hostis quidem corpori si infixâ esset, facilè velli non poterat propter supradictos hamos ferreos, qui & hærebant penitus, & acerbos dolores mouebant, adedò vt leue vulnus insanabile esset. si verò hasta scuto incidisset, ex eo perforato pendeat, & circumagebatur, infimâ sui parte terram verrens: neque euelli propter vncorum tenacitatem, aut gladio abscindi propter ferreum tegumentum poterat. Quod simul ac Francus animaduertisset, confestim inuadebat impeditum hostem, ac pede calcans imum hastile, corporis sui pondere eius scutum deprimebat. quo remisso cùm aduersum os pectùsque hostis nudaretur, securim fronti eiusdem infigebat, aut iugulum aliâ hastâ petebat. Militem Francum gladio, cuius capulus esset breuissimus, scuto, & vna securi armari solitum auctor est Procopius in belli Gothici libro II, securimque latissimo fuisse & acutissimo ferro, quâ Francus in primo excursu iactâ scuta perfringeret, hostesque interficeret.

Et talis quidem erat Francis armatus, atque ita rum, qui Buccelinum Ducem secuti erant, se ad prælium parabant. Narses autem Magister militum Romanorum, cognito Buccelini consilio, statim ab Vrbe cum suis omnibus copiis proficiscitur, & contra hostes castra ponit. Accidit rum, vt serui aliquot iussu Buccelini circum proximas villas profecti frumentatum, cum plaustris magna copia frumenti & reliqui commeatus onustis redirent in castra. Quod cùm Narses ferre non posset, Chanarangem strenuum hominem atque prudentem, natum in Armenia maiore Persis subiecta, quæ ob id Perfarmenia vocabatur, frumentatoribus immisit. Ille paucis ex suo numero equitibus lectis celeriter inopinantes inuadit, iumenta agentes interficit, plaustrisque potitur. è quibus vnum feno arido onustum ad turrim ligneam in ponte Casulini à Buccelino constitutam admouit, subiectoque igne eam incendit, vix vt Francorum præsidium, per medias flammâs inde elat.

M m m

psum, fugâ castra petiuerit. Romani pontem occupauerunt. Hoc Franci ignominie ferentes loco ad arma concurrunt: ira & dolore turbati, ac pæne impotes mentis non ultra differre, sed statim proelium committere volebant: frustra prædicentibus Vatribus Alamannis, si eo die pugnam conseruissent, ad vnum omnes esse perituros. Armatis Francis, Narfes quoque paratas & expeditas copias ex castris educit. Quibus iter facientibus, Narfæ iam equo insidenti nuntiatur Erulum, virum nobilem in primis & illustrem, cuidam è seruis suis iratum ob delictum nescio quod vitam eripuisse. Quâ cognita re Narfes inhibet frenos, resistensque homicidam produci iubet, confitentemque reum, & dominos in seruos vitæ ac necis potestatem habere affirmantem, Protectoribus suis necandum tradit. & ille quidem gladio confossus interiit. Eruli autem, ob popularis sui supplicium Narfæ infensi, proelio non interesse statuebant. At Narfes ita expiatâ cæde, de Erulis parum sollicitus, palam hortatus est, vt qui victoriæ vellent esse participes, se sequerentur, arque cum reliquis omnibus militibus locum petiit ab vtrisque castris æquo spatio distantem, vbi acies instruenda, & proelium committendum erat. Non multo post Sindual Erulorum fœderatorum Dux, in locum Fulcaris substitutus, veritus ne vnâ cum popularibus defectionis insimularetur, & suum timorem beneuolentiâ erga ciuem iure cæsum videretur velauisse, damnato priore consilio suos in aciem educit, & ocius Romanos progressos subsequitur. Cui Narfes petenti, vt se expectaret, renuntiari iussit curaturum se, vt Erulis suis in acie locus vacuus relinquatur, & in campo, vbi pugnandum erat, aciem disposuit. Interea Eruli duo, qui ad Francos paullo antè transfugerant, & quid postea consilij cepisset Sindual, nesciebant, currentibus calcar addiderunt. nuntiabant enim Erulos apertè descisse ac secessisse, & reliquos omnes defectione eorum esse consternatos: si ipsi subito Romanos adorianur, ex trepidantibus & perturbatis facilem victoriam laturos. His incitatus Buccelinus (vt homines, quod cupiunt, libenter credunt) sine mora ex



castris exercitum eduxit, Francique omnes læti & alacres inordinato ac effuso cursu ad hostem contendere, tamquam primo impetu Romanos disiecturi. Sic autem Francorum acies erat instructa, ut angustâ fronte, sed densâ & scutis confertis phalangis modo testâ, paulatim à tergo sese ordines dilatarent. triquetra hæc figura militari verbo caput porci vocabatur. Igitur Franci, qui in prima fronte exercitus constituti erant, clamore sublato Romanos aggrediuntur, protinusque mediam aciem, propter absentiam Erulorum raram & exhaustam, paucis cæsis faciliè perrumpunt, & locum Erulis vacuum relictum transgressi ad vltimum agmen perueniunt. quidam ex his quoque castrorum diripiendorum causâ longiùs processere. Tum Narses inflexis sensim & extentis cornibus, media acie pariter inflexâ, equitibus sagittariis præcepit, ut in hostium terga utrimque tela coniicerent. Quod consilium causa nostris exitij fuit. traiciebantur enim Francis ex omnibus partibus terga, neque ab auersis tela vitari poterant, unde peterentur, ignaris, propterea quòd in mediam Romanorum aciem sibi oppositam, quacum acriter pugnant, oculis erant manibusque conuersi. Cadentibus exterioribus, interiorum terga nudabantur. quod cum assiduè fieret, quamplurimi inulti procumbebant; & multitudo Francorum ad paucitatem redigebatur. Interim Eruli duce Sinduale properè superueniunt, obuiamque Francorum manum, quæ primam Romanam aciem perruperat, à ceteris abruptam inuadunt. Illi, ubi præter opinionem quos defecisse acceperant, adiungi Romanis, & sibi instare viderunt, suspicati ex composito paratas sibi esse insidias, ac transfugas Erulos fraudis inculantes confestim terga verterunt; parsque ab Erulis insequentibus est interfecta; pars, cum se in flumen Casulinum præcipitauisset, absumpta gurgitibus periit. Sic Eruli in suum locum recepti vacua in media acie interualla impleuere, phalanxque clausa est: & Franci velut retibus inclusi ab omnibus partibus cædi cœpere. Jam enim perturbatis solutisque ordinibus, ignari quid facerent, quòve se verterent, alij in alios im-

pingebantur: nec solùm à sagittariis petebantur, sed etiam à grauiori agmine, leuèque armatura hastis & gladiis transfigebantur, traiciebanturque contis. alios equitatus Romanus circumuentos & inclusos interficiebat: alios fugientes vsque ad flumen persequabatur, mox gurgitibus hauriendos. Eo modo Buccelinus Dux cum suis omnibus copiis periit.

Agathias ( si fidem res capit ) haud ampliùs quàm quinque milites ex Buccelini exercitu domum rediisse; ex parte Narsæ octoginta omnino, qui primum Francorum impetum sustinuerant, desideratos esse scribit, & campos circa Capuam omnes tabo & cruore circumfluxisse, fluménque Casulinum cadaueribus plenum exundauisse: atque eam Francorum cladem Persarum ad Marathonem & ad Salamina maximis cladibus comparat, qui cùm viribus feroces armisque confisi bello lacerarent, ac sub imperium suum redigere vellent Græcos, à quibus nullam iniuriam acceperant, dignum cupiditate sua exitum fecere: Romani, humatis suis, hostium corpora spoliauere, & armorum ingentibus aceruis potiti sunt, direptisque eorum castris, præda onusti, cantantes epinicia, & coronati Romam rediere, ac Narsæ multum laudatum triumphantium more in Urbem compositè reduxere. Quos paullo post, cognita Leutharij copiarum clade, ad choreas voluptatèque conuersos grauiter castigauit Narses, affirmans Francos, dum secundis rebus efferuntur & insolescunt, ac sine causa bellum Romanis inferunt, sua magis temeritate quàm Romanorum armis victos omnes periisse: à quibus etiamsi nihil ampliùs metuendum esset, tamen oporteret Barbaros quantum corporis; tantum animi viribus ac disciplina ab milite Romano superari. Addidit gentem Francorum frequentissimam esse & maximam, ac summo opere in armis exercitatem, cuius pars exigua fuisset exercitus Buccelini, adeò vt eius clades iram potius excitatura esset Francis, quàm metum iniectura, & verisimile videretur non quieturos eos, aut contumeliam silentio laturos, sed maioribus coactis copiis breui in Italiam reuersuros, & ignominie sarciente ac

vindicandæ popularium cladis causâ bellum renouaturus. Adiicere Narfes potuit dimidiam fermè partem Francorum ingressorum Italiam non gladio, sed morbo consumptam, quam incolumem & cum Buccelini exercitu iunctam non modò prælio superare non potuissent Romani, sed ne aggredi quidem vmquam ausi essent. Francos autem, *nationem frequentem & maximam*, vt à Libanio, sic à Narfe apud Agathiam iure appellari docent tot bella tantis copiis tum aduersus finitimos gesta; atque armata millia centum, aut etiam (vt ait Iordanes) ducenta à Theodeberto Francorum Rege in Italiam adducta; & paucis pòst annis, Theodebaldo eius filio regnante, Leutharius ac Buccelinus cum millibus hominum quinque & septuaginta eandem provinciam ingressi. Adcò verum est, quod in libro I scribit Agathias, *validos esse Francos, & hostibus inexpugnabiles, finitimisque imperare, ac suorum quidem nihil amittere, quamplurima verò adquirere*. Quamquam Franci post Buccelinianam cladem, & quæ mox secuta est, Hamingianam, quæcumque in Italia occupauerant, amisere, nimirum Alpes Cottias, & Liguriæ ac Venetiæ pleraque. In Venetia quidem opida aliquot ad ripas Athesis posita, vt Tridentum, aliâque Theodeberto Francorum Regi, ac postea Theodebaldo eius filio paruisse indicat Procopius, Cenetam quoque Agathias. In Liguria autem insulam Lariensem, seu Comensem eorundem Regum fuisse docet Florianus Monachus *Monasterij Comani* in epistola ad Nicetium Treuirorum Episcopum, in qua cum rogat, *vt Domino gloriosissimo Regi Theodebaldo insulam Lariensem, qua Christopolis dicitur, plurimum commendet*, & vt Romanis seruis eius fides data seruetur. quæ insula lacus Larij à pietate Monachorum supradicti Monasterij ibi constitui suum Christopolis nomen videtur inuenisse. Ex quo etiam apparet Nicetium Treuiricæ Ecclesiæ Episcopum Theodebaldo Regi venerationi fuisse, & faciliè ab eo, quæcumque vellet, impetrauisse. Ceterum (vt redeam, vnde digressus sum) post fûsum acie cæsumque cum suis Buccelinum, Ostrogothi, circiter hominum millia VII, qui multis

in locis Francos omnibus rebus adiuuerant, in municiſſimum caſtellum ſeſe receperunt, quod Agathias Campſas appellat, ego Compaſam in Hirpinis fuiſſe exiſtimo, Annij Milonis cæde inſignem. Dux Oſtrogothorum erat Ragnaris, vir ſollers, atque verſutus, & conciliandæ ſibi multitudinis peritus, à Procopio Gothus non ſemel; ab Agathia Hunnus Virigurus dictus: qui tota hieme obſeſſus à Romanis, tandem cùm Narſen in colloquio interficere conatus eſſet, ab eius Protectoriſus ſagittis confoſſus eſt. Tum Oſtrogothi, amiſſo Duce, paſſi ſibi incolumitatem, deditionem fecere, & ne res nouarent, omnes Conſtantinopolim ad Imperatorem Fl. Iuſtinianum ſunt deportati. Hoc loco animaduertere conuenit, par eunuchorum Magiſterio militiæ, & Patricia dignitate illuſtre, Narſetem, & Salomonem, qui Belifarij Domæſticus fuerat, Iuſtiniani Aug. auſpiciis res magnas nec ſpadonibus conuenientes geſſiſſe. quorum alter Totilâ & Teiâ Regibus victis & cæſis, domitiſque Oſtrogothis, & deletis Buccelini Francorum Ducis exercitu, totam Italiam ad Imperium Romanum adiunxit: alter in Africa Maurorum Byzacenorum x millia vno prælio, & mox millia quinquaginta altera pugna interfecit, & Mauros montis Numidiæ Aurajiſi incolas Apione Conſule vicit acie.

12XX.  
XIX.

Sic Agathias Scholaſticus in libro I ac II de belli Gothici reliquiis, ac de noſtrorum expeditione ſcribit: neque aut tempus notat, (intra biennium autem ea geſta ſunt) aut de Hamingo mentionem facit. Cùm tamen, vti Procopius tradit, ſub exitum anni XVIII belli Gothici, poſt Conſulatum Baſilij XI Narſes Cumas obſederit, eandemque urbem, quo anno Buccelinus, ac Leutharius Italiam ingreſſi ſunt, captam Agathias dicat: niſi Cumanos per biennium obſidionem tuliffe credimus, quos circiter menſes XIV op pugnationem ſuſtinuiſſe ex Agathiaz verbis iudicari poteſt, fatendum nobis eſt Buccelinum, atque Leutharium anno XII poſt Conſulatum Baſilij Alpes tranſiſſe, ambobus anno inſequenti periſſe. Falsò itaque Marius in Chronico prodit, poſt Conſulatum Baſilij anno XIV Indictione III Buc-

12LII.

12LV.

12LVI.

celinum Ducem Francorum in pugna aduersus Romanos cum omni exercitu suo interiisse. Quod autem addit, anno XV post Basilij Consulatum fusos fugatosque à Francis Romanos, & castris exutos esse, eodémque ipsos anno reparatis viribus *partem Italia, quam Theodebertus Rex adquisierat, occupauisse*: id de Hamingo Duce, quem Menander Ammigum, alij Ammingum vocant, dictum puto. Certè apud Paullum, & Aimoinum lego Buccelinum Ducem, cùm pæne omni Italiâ vastatâ in Campania hibernare constitisset, tandem attenuatis dysenteria (vt ait etiam Fredegarius) suis militumque suorum viribus; *in loco, cui Tannetum nomen est*, à Narse atroci prælio superatum, ac interfectum esse: Hamingum alium Ducem Francorum, cùm Widino Gothorum Comiti rebellanti contra Narsen auxilium ferret, à Narse victum & occisum, Widinum captum, & Constantinopolim in exilium missum: tertium Francorum Ducem, nomine Leutharium, Buccelini fratrem, dum multâ prædâ onustus in patriam reuerti festinat, inter Veronam ac Tridentum, circa lacum Benacum propriâ mortè esse defunctum. Vbi non dubito, quin *Tannetum*, vel Tannitum, quod veteres Auctores Regio Lepido & Parmæ urbibus medium interponunt, prouinciæ Æmilie reddi; & *Cannetum*, (de quo loco Capuæ vicino Leo Marficanus non semel loquitur) unde deiectum fuit, eò restitui oporteat. Regino præterea, ac Sigebertus scribunt Narsen Patricium cum Buccelino & Hamingo Ducibus Theodeberti Francorum Regis Italiam vastantibus pugnauisse, eosque interfecisse. Denique in veteri Appendice Marcellini Chronico subtexta inuenio, cùm *Buccelinus Comes, vnâ cum sociis à Theodeberto Rege Francorum dudum missus, per annos aliquot Italiam Siciliamque infestaret, & Romanum sæpe exercitum superaret, tandem exercitus eius profluvio alui attritus, à Narse pugna victum, & profligatum, ipsum Ducem occisum: nec multo post socium eius Ammingum Ducem cum reliquiis Gothorum, quibus se iunxerat, (hoc est cum Widini Comitis copiis) peremptum esse. Quæ Indictione XV post Consu-*

12111. latum Basilij anno XI contigisse falsò ait Auſtor ſupradictæ Appendicis, & vt ſuprà notauī, duas Buccelini expeditiones confundit. Gregorius, Fredegarius, Freculfus, & Conſtantine Porphyrogenetus Buccelini tantummodò, & Buccelinianæ cladi mentionem faciunt. ex quibus Gregorius tradit Theodebaldi principatu Buccelinum, cum totam Italiam in Francorum ditionem redegiſſet, ab Narſe interfectum eſſe, & Italiam Imperatori reſtitutam. Marius, & Fredegarius, eo ipſo anno, quo Theodebaldus Rex Francorum deceſſit, nimirum poſt Conſulatum Baſilij anno XIV; Sigebertus vetò ante annum quàm is obiret, Buccelinum periſſe tradit. Equidem exiſtimò Buccelinum anno XIII poſt Conſulatum Baſilij; Hamingum anno XIV, bello contra Narſem occubuiſſe. Nec miror, quòd Gregorius neget poſt cæſum Buccelinum quemquam ex Francorum Regibus fuiſſe, qui Italiam reciperet. Nametſi Gregorius ipſe in libri IX capite XX & in libri X capite III ſcribit Childebertum minorem, Francorum Regem, per XX Duces copiarum eò miſſos, partem quamdam Italiæ, à Sigiberto patre ſuo vindicatam ac poſſeſſam, eoque mortuo amiſſam, ad iuſſurandum adactis incolis in poteſtatem ſuam redegiſſe, hocque quatuor aduerſus Langobardos expeditionum pectus tuliſſe: tamenſi Conſtantine Porphyrogenetus quoque in Præceptis de regendo Imperio ad Romanum filium ſcribit Narſem Patricium, *in regione Papiæ attributa*, hoc eſt in Liguria, aut Venetia bellum gerentem, pecunias omnes, quas ex Italia quotannis Conſtantinopolim deportati, ac ſiſco inferti oportebat, in ſtipendium militum erogaiſſe: nec Oſtrogothorum nomine propè ad internecionem redacto, & compreſſo Etulorum motu, Narſæ in ea præſectum Italiæ patre cum aliis quàm Sigiberto Rege Francorum reſ eſſe potuit: tamen conſtat, poſt pacem ab Langobardis cum Guntchamno factam, Francorum Reges tantum montem Ciniſum, hoc eſt Alpem Cortiam, vallem Seguſinam, vicum Noualicium, Seguſium opidum, Ametegim vallem, montem Iouis, ſeu ſummum Peninum, vallem Auguſta-

ita-

stanam, & Augustam Prætoriam Salafforum, nihilque præter hos aditus in Italia illustre tenuisse.

Post Consulatum Basilij anno XIV. Indictione III. obiit Theodebaldus Rex Francorum, Chlodouei pronepos, ut ait Marius in Chronico, quem Gregorius Theodoualdum appellat, scribitque dimidiâ parte corporis à lumbis vsque ad pedes resolutâ sensim tabescentem, itaut se inclinare non posset, VII regni sui anno decessisse. Vnus Aimoinus Theodebertum annos XIII, VIII Theodebaldum regnauisse dicit. Eius mortem prodigiis denuntiata fuisse apud Gregorium inuenimus. nam & in orbem nouæ Lunæ stellam abdi visam esse : & sambucum racemos colore vuarum consimiles tulisse. Theodebaldum autem adolescentem mali ingenij, & crudelem habitum esse, propterea quod iratus cuidam ob rapinarum suspicionem, refrigerandi eius causâ fabulam finxisset : cum serpens inflata vino per collum amphoræ, quâ irreperat, diu multumque frustra conaretur erumpere, dominum vini superuenisse, ac nisi quidquid bibisset euomeret, serpentem euasuram negauisse. quæ fabula magnum ei suorum timorem, odiumque conciliauerit. Quamquam apud Aimoinum dicitur Theodebaldus *Deo deditus fuisse, & seruos eius*; hoc est pios religiososque viros, *unicè dilexisse*, aded vt (quemadmodum ait Faustus) ad Beatum Maurum, quem plurimum amabat, venerit, & paterni exempli successor Monasterio eius Glannafolio villam Fabrensem, & Vosdam dederit.

Theodebaldi Regnum, opes cunctas, & vxorem Vuldetradam, Chlotharius maior eius patruus recepit, sed increpitus à Sacerdotibus incestas nuptias improbantibus, in primis (sicut existimo) à Nicetio sanctissimo Treuirorum Episcopo, quem Francorum Proceribus, & Chlothario ipsi Regi propter iniusta facta sæpe sacris interdixisse constat, eandem inuitus inuitam dimisit, & Gariualdo Duci nuptum dedit. Paullus in libro I rerum Langobardicarum, & Aimoinus in Historiæ libro II tradunt Wldetradam, quam ipsi Walderadam appellant, Vuaconis Langobardorum Regis ex Austri-

gosa filiam fuisse, sororémque natu minorém Vuifigardis eius, quam Vuaco Theodeberto Theodebaldi patri collocauerat, atque nuplisse Theodebaldo Regi Francorum, cuius nouercæ soror erat. Addit Paullus à viro consuetudinem eius aspernante abiectam, & vni è suis, nomine Garibaldo, in matrimonium datam esse. quem errare, & diuortium, à Chlothario non sponte factum, per negligentiam Theodebaldo assignare liquet. Hic est, opinor, Gariualdus, quem idem Paullus, Aimoinus, ac Sigebertus *Garibaldum Baioariorum Regem*; Regino aliique *Garibaldum Baioariorum Ducem* appellant, & quem Eouini Tridentinorum Ducis, ac Flauij Autharij Regis Langobardorum socerum fuisse dicunt: cuius in locum defuncti Childeburtus minor, Chlotharij nepos, anno post Theodebaldi mortem circiter XXX Tassilonem Ducem substituit. Agathias Aduocatus in Historiæ libro secundo scribit, dum Ostrogothorum Dux Ragnaris à Narfe Patricio obsidetur, Theodebaldum adolescentem, finitimorum Italiæ Francorum Regem, miserrimè decessisse morbo, quo à teneris conflictabatur, oppressum, & lege hereditatem ad Childeburtum & Chlotharium proximos adgnatos venisse, statimque magnam inter eos ortam contentionem, nec quidquam propius esse factum, quàm vt bellum ciuile toti genti perniciosum excitaretur. Et Childeburtum quidem non modò iam senem, & admodum ætate prouectum, sed etiam valde imbecillum fuisse, cuius totum corpus tabe consumeretur, ac filias tantùm, marem verò, qui Regno suo succederet, nullum habuisse. At Chlothario, homini primæ ac viridis senectutis, & vires adhuc bonas, & IV filios admodum iuuenes, & ad omnia audenda ac exsequenda paratissimos ac promptissimos fuisse, quibus frētus Childeburtū ab adeunda hereditate deterruerit, negans bona Theodebaldi diuidi oportere cum eo, cuius ipsius Regnum breui ad se filiosque suos esset peruenturum. neque Chlotharium spe suâ frustratum esse. quippe Childeburtum, potentiam viri inimicitiamque metuentem, sponte ei hereditate cessisse, ac paullo post obiisse, & Chlotharium totum Francorum imperium obtinuisse.



Quidquid tamen dicat Agathias, non adèd senex tum, & ætate prouectus Childebertus erat, cùm (vt ex Gregorio colligo) post XV regni Chlodouei annum natus, sub obitum Theodebaldi non plus quàm LVIII annos habere potuerit. nec tanta tum infirmitate corporis, aut tæbe ita peresus erat, vt non secundo post Theodebaldi mortem anno Campaniam Remensem, quam Chlotharius tenebat, igne ferròque vastauerit. Ex quo etiam apparet eum Chlothario fratri ius suum metu magis quàm sponte cessisse. Certè cùm apud Faustum in libro de vita Mauri Abbatis reperio Theodebaldum, postquam Regnum pauco tempore cum pace obtinuerat, immaturâ præuentum morte *Chlothario Principatum dimisisse*; & cùm animaduerto eundem ab Aimoino dici, posteaquam VII Iannos strenuè regnauisset, decedentem *Principatum gentis, quam regebat, cum thesauris Chlothario reliquisse*: pæne fit, vt credam Chlotharium Francorum Regem à Theodebaldo Theodorici eius fratris nepote, qui ex Wldebrada vxore nihil liberum sustulerat, ex asse heredem esse factum, Childebertumque præteritum. Hic omittendus non est error Agathie, qui cùm sciret Chlothario quatuor filios successisse, eum sub Theodebaldi Regis obitum IV filios habuisse prodidit. habebat autem quinque: siquidem Chramnus, Chlotharij filius, nonnisi quinto demum post Theodebaldi mortem anno periit. Poscere videtur hic locus, vt de Chlotharij Francorum Regis vxoribus & liberis pauca dicamus.

Chlotharius Radegundim primùm, filiam Bertharij Toringorum Regis, bello captam matrimonio sibi adiunxit, quæ postea regium insigne sacro velamine mutauit, & virtutum ac sanctitatis famâ non Galliam, ac Europam modò, sed etiam transmarinas prouincias impleuit. Deinde Ingundem duxit vxorem, ac vnice dilexit, feminam optimam, & à fastu alienissimam, quæ virum, *Dominum suum*; sc, *ancillam eius* appellare consueuerat. Ex ea Chlotharius liberos tulit Guntharium, & Childericum, quibus ambobus superstes fuit, Charibertum, Guntchramnum, Sigibertum, & Chlodouin-

dam, quæ Alboino Regi Langobardorum nupsit. Idem ex Haregunde tertia vxore suscepit Chilpericum : ex Chunfena, quam quidam Gunfinam, alij Gunfindim vocant, Chramnum genuit. Auctor libri de vita Consortiæ Virginis quamdam præterea Chlotharij Regis filiam scribit in aula Sigiberti fratris sui ætatem egisse. Haregundim Ingundis Reginæ sororem fuisse Gregorius prodit, de qua collocanda Ingundim cum viro sermonem habuisse : illum, eam rem sibi curæ fore pollicitum, in villam ad Haregundim venisse, factisque nuptiis, ut erat naturâ in venerem pronus, qualem optasset conditionem puellæ repertam ; sibi que opibus & prudentiâ ceteris omnibus sine dubitatione præstanti Haregundem connubio iunctam esse, vxori renuntiavisse : ex eo tempore duas simul sorores Chlothario nuptas fuisse. Hic notare conuenit Gregorium, & Auctores omnes Carolo Magno vetustiores, cum vtriusque sexus liberos Chlotharij maioris ordine enumerant, Blichildis eius, quæ Ansberto Senatori nupsisse dicitur, mentionem nullam facere. quam qui Chlotharij iunioris filiam fuisse affirmant, non animaduertunt Arnulfum, Ansberti & Blichildis nepotem, ætate huius ipsius Chlotharij Ducem Austrasiorum, deinde Mettensem Episcopum fuisse, quod proauo regnante fieri non potuit. Ansbertum quoque alij Romanum, hoc est Gallum ; alij Francum ; (ut & nomen indicat) quidam Narbonensem, ex vrbe Vesigothis subiecta ; nonnulli Aquitanorum nobilissimum fuisse scribunt. ut appareat nihil de Ansberto ipso certi narrari. Præterea Paullus Warnefridi Langobardi filius, Foroiulienfis Diaconus in libro, quem de Episcopis Mettensis Ecclesiæ composuit, ad Angilramnum Mettensem Episcopum, tradit Arnulfum, natione Francum, clarum genere, Mettensem Episcopum, ac nihilominus Præfectum Palatij fuisse, patrem Anschisi, auum Pippini, Caroli proauum, Pippini Francorum Regis abauum, Caroli Magni atauum : ob idque duas Caroli Magni sorores, totidemque eius filias, cum Hildegarde vxore, Mettis in Basilica S. Arnulfi sepultas esse, vbi postea Imperator Ludouicus Plus est

conditus. Nec plura Paullus Langobardus de Maioribus Caroli Magni, cuius principatu florebat, scripsit, non omiffurus Blithildim hanc, Chlotharij Francorum Regis (ut aiunt) filiam, si Arnulfi Præfecti Aulae ac Mettensis Episcopi auia fuisset, per eamque Carolus Magnus regiae Merouingorum stirpi annexus. Theganus quoque natione Francus, Treuiricæ Ecclesiæ Chorepiscopus in libro rerum gestarum D. Ludouici Pij Aug. cuius æqualis fuit, nullâ Blithildis mentione factâ, genus Caroli Magni ad Arnulfum Episcopum refert. Primus omnium, ni fallor, Hincmarus Remorum Episcopus, qui in gratiam Ecclesiæ suæ, posterorûmque Caroli Magni multas fabulas finxit, cum in vrbe Mettis capiti Caroli Regis coronam imponeret, haud dubitauit affirmare Ludouicum Pium Aug. eius patrem à *Ludouico Rege Francorum inclýso*, hoc est à Chlodoueo Magno *per Beatum Arnulfum* genus deducere: quem Arnulfum scilicet Blithildis ex Arnoldo filio nepotem, Chlotharij pronepotem, Chlodouei abnepotem fuisse aut credit, aut aliis persuaderi voluit.

Eo ipso anno, quo Theodebaldus decessit, post Consulatum Basilij anno XIV Saxones, gens Germaniæ nobilissima, & Britannicæ quondam Galliæque infestissima, morte Theodebaldi occasionem sibi ad libertatem & pristinam rei militaris gloriam recuperandam oblatam arbitrati rebellauerunt, & adiutoribus Toringis fines Francorum incursionibus vastauerunt. Quâ re cognita confestim Chlotharius, quàm maximis potuit coactis copiis, in Saxoniam ire contendit, & circa amnem Visurgim, quem Historici nostri Wisuram & Wisiram appellant, magnum hostium numerum proelio deleuit, agrisque Saxonum depopulatis, & totâ Toringorum regione vastatâ, propterea quòd eis auxilium aduersus se tulerant, onustus prædâ domum reuertit. Insequenti anno, post Consulatum Basilij V. C. quinto decimo Chlotharius, cum Regnum Austriæ, quod Theodebaldo mortuo receperat, ordinandarum prouinciarum causâ circumiret, audiissetque ex suis iterum insanire Saxonas, ac rebellare, & tributa, quæ quotannis pendere

confueuerant , ipsi conferre recusare , protinus Saxoniam petiit. cuius finibus ubi appropinquauit, Saxones ad eum legatos mittunt , qui pacem peterent , & se contemptores eius non esse , sed quæ fratri eius, fratrisque filio , ac nepoti dependere antea solebant , etiam cum auctario, si ira uoluisset, dare paratos se dicerent. Chlothario de conditione accipienda verba facienti à militibus reclamatum est, negantibus hostes fallaces & perfidos promissa seruatueros. Cùm Saxones denuo per legatos dimidium rerum suarum pro satisfactione obtulissent ; postremò veste, pecore, bonis omnibus, agrisque sui dimidiâ parte pacem redimere frustra tentassent, obstinatis ad pugnandum Francis, affirmauit Chlotharius, si aduerso Deo dimicare uellent, se certamini non interfuturum. Quibus illi verbis accensi tabernaculum Regis disscindunt, & conuicium ipsi, vimque faciendo, mortem etiam minando, secum ire inuitum cogunt, & cruento utrimque proelio commisso ita sunt fusi, ut numerus cæsorū iniri non posset : reliqui fugam capessiuêre. Tum Chlotharius, etsi pudebat victum id ab hostibus petere, quod paullo antè cupidissimè petentibus, re integrâ, denegauisset; necessitati parendum ratus legatos de pace ad Saxones misit, culpamque in multitudinem conferens, negauit se sponte cum eis pugnauisse, factâque pace in Galliam reuertit. Marius Auenticensis Episcopus, à Gregorio dissentiens, in Chronico tradit, post Consulatum Basilij anno XIV Chlotharium Regem, quem Chlothacarium appellat, cum Saxonibus rebellibus conflixisse, & multis utrimque cæsis victoriam tamen eum ex hostibus tulisse. anno insequenti iterum defecisse Saxones, & ab Chlothario victos acie maximam suorum partem amisisse; omnemque agrum Toringorum, qui cum Saxonibus contra Chlotharium coniurauerant, vastatum fuisse. At Auctor Appendicis Chronico Marcellini subtextæ putat annum, qui Theodebaldi mortem secutus est, à bello vacauisse. nam secundam Chlotharij aduersus Saxones expeditionem anno II post primam, postque Theodebaldi obitum susceptam ac confectam ait.

Tum Turonici in locum Guntharij Episcopi sui defuncti Euphronium Presbyterum, virum non minùs sanctitate quàm nobilitate illustrem, substituendum esse consensere, & ad Chlotharium Regem ex Saxonia reuersum quosdam è Clero Turonico misere confirmationem electionis petiit. Quærenti Regi, cur Catonis Presbyteri Ecclesiæ Aruernicæ, quem Episcopum fieri iusserat, rationem non habuissent, responderunt legati hanc eum dignitatem sibi ab ipsis delatam repulisse. Adhuc loquentibus legatis subitò aduenit Cato, precaturque Regem, vt cieccto Cautino se apud Aruernos Antistitem constitui iubeat, cum irrideretur à Rege, petit, (id quod antè recusauerat) vt saltem Turonicæ Ecclesiæ præficeretur. cui Chlotharius Rex ait: ego primùm iusseram te Turonorum Episcopum consecrari: sed, vt audio, despiciatui eam Ecclesiam habuisti, ideoque Beati Martini sedem non obtinebis. Euphroniùmque, posteaquam quis esset, & quo genere ortus quæsiuerat, datis litteris Episcopum ordinandum curauit.

Interea Chramnus, iuuenis formâ quidem ingenioque excellens, acer, callidus, sed ambitiosus, & improbus, quem Chlotharius pater Pictonibus, Lemouicibus, Aruernis, ceterisque trans Ligerim gentibus Aquitanix post Theodebaldi obitum vice sua præposuerat, ibi ita se gerebat, vt omnibus odio, timorque esset. Nam & puellas nobiles, nubilèsq; iuuenibus vilibus & obscuris, quos vnos amicos & consiliarios lateri suo adinmuebat, inuitas in matrimonium dabat: & Firminum Comitem vrbis Aruernorum (quem postea Chlotharius in dignitatem restituit) cum Cæsaria socru ex Ecclesia extractum, ac spoliatum fortunis relegauerat, eisque Sallustium Euhodij filium substituerat: multos præterea locupletes prouinciales impulsu Leonis Pictaui, Imnacharij, & Scaptarij bonis euertebat. Ob id euocatus à patre, non modò dicto audiens non fuit; sed etiam cum Childberto patruo suo, qui Chlothario propter occupatum totum Theodebaldi Regnum erat infensus, clam per nuntios foedus iniit, coniurationemque aduersus patrem

fecit, ac coactis copiis ex vrbe Pictauis in Lemouices contendit, & quaquà ibat, locis omnibus præsidia imposuit, ita vt Aruerni, qui ei portas clauferant, extra muros egredi non auderent. Quamobrem Chlotharius Charibertum & Guntchramnum filios suos cum exercitu aduersus Chramnum mittit, qui per Aruernos itinere in Lemouices factò, ad Montem Nigrum peruenère, & castra ibi contra fratrem posuère, legatisque missis res paternas repetière. Affirmante Chramno in patris se potestate & fuisse, & fore, sed loca, quæ possidebat, cum eius gratia tenere cupere, vt controuersia armis diiudicaretur, postulauère. Minimè detrectauit certamen Chramnus, apparebátque cruentum prælium futurum, ni iam instructas vtrimque acies subitò coorta tempestas fulguribus, fragore nubium, & imbris horrenda à pugnando deterruisset. Reducuntibus in castra copias fratribus suis, Chramnus clàm ignotum hominem summisit, qui ex Germania venire se, Regémque Chlotharium à Saxonibus victum, & interfectum esse diceret. Quo illi nuntio perturbati, protinus relictâ Aquitaniâ, in Burgundiam redeunt. Chramnus quoque nihilo segniùs subsequutus flumen Elauer, ac Ligirim transit, ingressusque Burgundiam, Cabillonum opidum Æduorum ad Ararim positum obsidione capit, & ad castrum Diuionem accedit, sed ab incolis minimè admissus, à Tetrico Episcopo Lingonicæ Ecclesiæ ad Basilicas, qui locus extra castrum erat, hospitio excipitur. inde Luteciam Parisiorum ad Childebertum venit, & amicitia cum eo iunctâ inimicum se patris iureiurando profitetur, quo inconsulto Wiliacharij filiam nomine Chaldamiam in matrimonium acceperat. vt Gregorius, Fredegarius, alique scribunt. Marius Episcopus in Chronico rem aliter narrat, nimirum statim post Theodebaldi mortem, post Consulatum Basilij anno

151V. XIV. Chramnum, filium Chlotharij Regis, ad Childebertum patrum, à quo sollicitatus erat, se contulisse, & insequenti anno contracto exercitu Regnum patris sui vastauisse, ac perturbauisse. Marius sequitur Aimoinus: quippe scribit Chlotharium Chramno filio vices suas

suas per Aquitaniam commisisse, eumque postea ob rapinas & insolentiam vt increparet reuocauisse. Sed Chramnum insuperhabitis patris mandatis Parisios ad Childebertum venisse, & tactis Sanctorum reliquiis iurauisse numquam se cum patre in gratiam rediturum, istoque foedere Aquitaniam repetiuisse, atque ibi quæcumque potuit occupauisse. aduersus quem Chlotharius, Saxonica expeditione occupatus, Charibertum & Guntchramnum filios cum exercitu miserit.

Eodem tempore, P. C. Basilij anno XVI Chlotharius 151 VII. magnum bellum aduersus Saxones gerebat, qui pecuniâ ab Childeberto sollicitati, & acceptæ superiore anno iniuriæ memores, in Franciam Transrenanam eruperant, nec prius prædas agere, ac regionem foedè populari desierant, quàm (sicuti & postea regnante Carolo Magno fecerè) ad Renum flumen, Diutiâque peruenissent. quod castrum, aduersum Coloniam Agrippinæ, & à Fredegario *Diniciam ciuitatem*, ab aliis Diuzam dictum, nonnulli apud Gregorium in *Nutiam*, hoc est Nouesium castellum Cisrenanum, perperam mutauerunt.

Dum Chlotharius Saxonico bello detinetur, Childebertus libenter credens, id quod audierat, eum à Saxonibus interfectum, & Regnum fraternum iam spe præsumens, Campaniam Remensem ingreditur: regionem igne & ferro vastat, ac diripit: quæ adire potest, cuncta peruadit: & vsque ad opidum Remos populabundus accedit. Videtur tum Childebertus Compendium cepisse, si verum est, quod in libro de vita Marculfi Abbatis inuenio, Marculfum Baiocassinum, natione Francum, ad Childebertum Regem, in castro Compendio cum vxore & Optimatibus commorantem, venisse petitum, vt donationes prædiorum Monasteriis suis à piis hominibus datorum litteris confirmaret. constat enim Compendium, vnum è Palatiis seu villis Regum Sueffioniorum, ad Chlotharium pertinuisse.

Quis porro tertiæ huius ac vltimæ Chlotharij aduersus Saxones expeditionis euentus fuerit, Gregorius, vir, quàm historicus, melior, memoriæ non tradidit. Sed in libro rerum gestarum Dagoberti, &

apud Fredegarium atque Aimoinum inuenimus Chlotharium seniore Saxo-  
 nibus *grauissimis* ( vt ait Fre-  
 culfus ) *præliis à se prostratis & deuictis* quingentas boues  
 in annos singulos tributum nomine imposuisse : & Da-  
 gobertum Chlotharij pronepote anno post secundo  
 & octogesimo Saxo-  
 nibus , qui Venedos , Sclauinos di-  
 ctos , Toringiam , aliisque proximos pagos sæpe va-  
 stantes suis se copiis in posterum Francorum fribus  
 prohibuituros spon-  
 derant , hoc tributum remisisse .  
 Gregorius in Historiæ libro v , & Paullus in libro ii  
 rerum Langobardicarum scribunt Chlotharium , & Si-  
 gibertum Reges vacantem agrum Saxonum , qui ro-  
 gati ab Alboino Rege ad XXX circiter millia vnà cum  
 Langobardis in Italiam transferant , Sueuis dedisse : ac  
 postea Saxones , ne sub Langobardorum ditione essent ,  
 ex Italia cum coniugibus & liberis per Gallias in Ger-  
 maniam reuertisse , atque in finibus , è quibus exierant ,  
 à Sigiberto collocatos Sueuis bellum intulisse , & duo-  
 bus præliis superatos ac deletos esse . Quod quidem de  
 Sigiberto verè dici , de Chlothario maiore eius patre  
 nullo modo potest , cuius post obitum anno VIII Al-  
 boinus Rex , sua parte Pannoniæ Abaribus Hunnis so-  
 ciis & amicis concessâ , Langobardos , & supradictos  
 Saxones , multos præterea Gepedes , Bulgares , Sarma-  
 tas , Pannonios , Noricos , & Sueuos , in Italiam addu-  
 xit . Nisi fortè potiùs ( sicuti Fredegarius in Epitome ,  
 & Aimoinus in libro III Historiæ produnt ) Theode-  
 bertus senior , Theodorici Chlotharij fratris filius , hosce  
 Saxones in Italiam commigrare iusserat ; quoscò videtur  
 misisse , vt locis , quæ ibi occupauerat , tutelæ causa præsi-  
 derent . Gregorium , & Paullum secutus non est Sigeber-  
 tus Monachus , qui Alboino Rege vnà cum Langobar-  
 dis , Saxo-  
 nibus , aliisque gentibus Italiam ingressu , Sigi-  
 bertum Regem agros discessu Saxonum vacuos ac dele-  
 tos occupauisse , & Sueuis colendos dedisse dicit . Ex his  
 apparet Saxones , si non interiores , saltem fluminis Visur-  
 gis accolæ , Toringis & Cattis finitimos , ante annos ferè  
 trecentos , quàm nomen omne Saxonum diuturno bello  
 domitum Carolus Magnus Christianam religionem , &  
 imperij iugū recipere cogeret , à Theodorico Chlodouci



filio stipendiarios esse factos : & Theodeberto , Theodebaldo , Chlothario maiori , Sigiberto , Childeberto , Theodeberto , ac Chlothario minori Regibus Francorum per annos ampliùs centum eos tributa pependisse. Vnde Theodoricum in bello Toringico , & Theodebertum iuniorem Childeberti filium in bello ciuili Saxonum operâ vfos legimus : & Saxones cum Francis auxilium Paulo tyranno aduersus Wambam Vesigothorum Regem tulisse. Neque tamen rarò iidem intra id tempus rebellauere. Nam Fortunatus in libro VI Carminum , & Aimoinus in libro III Historiæ auctores sunt Sigibertum , Chilperico fratri adiunctum , pulsos acie Saxones , qui Toringos , & Danos socios sibi adsciuerant , pacauisse. & Paullus in libro IV rerum Langobardicarum , ac Aimoinus in libro III scribunt Francos , qui sub Theodeberti minoris imperio erant , VII regni eius anno cum Saxonibus pugnauisse , & magnam vtrimque cædem esse factam. Eosdem Bertoaldo duce , violatâ fide , bellum Dagoberto Regi Orientalium Francorum intulisse , atque à Chlothario , & Dagoberto Regibus occiso Bertoaldo suos fugatosque , agros vastatos , puberes omnes interfectos esse constat. Postea Saxones , quòd sicuti pleræque Gentes Francis subiectæ , Præfectorum aulæ imperia detrectabant ; Pippini & Caroli Ducum armis fracti obsides dedere , ac tributa pacti sunt. deinde à Carolomanno , Caroli filio , descuerunt , mórque subacti , ac in deditionem accepti ; plurimique ex his Christianis sacris initiati sunt : à Pippino quoque victi se in Concilio , quod tum mense Maio quotannis indicebatur , honoris causâ trecentos equos Regi daturus iurauerunt.

Dum Childebertus Francorum Rex Campaniam Remensem absente fratre depopulatur , Austrapius Dux metu Chramni in Basilicam Sancti Martini confugit , mórque reuertente ex Saxonia Chlothario Rege periculo liberatus est. Hic paullo pòst Clericus factus apud Sellense castrum in Pictonibus Episcopus ordinatur , & Pientio Pictauorum Episcopo destinatur successor. Sed Charibertus Rex , Chlotharij filius , mutatâ

sententiâ, in locum Pientij Pascentium Abbatem Basilicæ Sancti Hilarij substitui iussit, frustra querente Austrapio, & hunc sibi locum deberi clamitante, qui regressus in castrum suum, seditione orta, à Teifalis acceptas iniurias vindicantibus interemtus est, & ut ait Gregorius, diœceses suas Pictava Ecclesia recepit. Ex quo intelligitur Taifalos, gentem Scythicam, puerorum stupris infamem, quos Gregorius Teifalos appellat, tum in agro Pictonico, Sellenique castro sedem habuisse. Eisdem Taifaliam vicum in finibus Pictonum incoluisse, & à se cognominavisse auctor est idem Gregorius in libro de vita Senoci Abbatis, & in Historiæ libro V, cùm ait beatum Senocum Presbyterum, *genere Teifalum, ex Pictavo pago, quem Teifaliam vocant, oriundum fuisse*, & Clericum factum, in agro Turonico Monasterio statuto, multis virtutibus claruisse, ac paullo post Sigiberti Regis Chlotharij filij mortem decessisse. Est autem Taifalia vicus Pictonum, inter Clichonem & Moritaniam positus ad Cebram flumen apud Namnetas in Ligerim exiens, hodièque dictus Tisaugia. Horumce Taifalorum Gallicanorum mentionem facit Glaber Rodulfus Cluniacensis Monachus, in libro V rerum sua ætate gestarum, in quo scribit *homuncionem quemdam genere Teifalum à partibus Galliarum in Africam ad Anachoritam famâ notum venisse*. qui Auctor ante annos ferè 1000 Henrico Rotberti filio regnante viguit. Multi igitur Taifali, relictis domibus suis, in finibus Pictonum non longè à Ligere & Oceano sedem cepere. Sed quo tempore, cuiusve ductu Galliam ingressi sint, & in supradicta Aquitanix parte confederint, scire difficile est. Erunt fortasse, qui credent hos Taifalos ortos esse à *Taifalis Gentilibus*, quorum vnâ cum Sarmatis præsidium Pictavis fuisse docet Notitia provinciarum Imperij Romani. Equidem cùm animaduertam Taifalos Sarmatis & Vandalis fuisse finitimos, atque cum Teruingis, gente Gothica, Daciam Transdanubianam incoluisse, existimo partem eorum Alaricum Regem Gothorum secutam esse in Italiam, ac mox duce Ataulfo, Alarici successore, in Gallias venisse, atque tandem

in agro Pictonico , parte nimirum Aquitaniæ secundæ, quam Gothis Honorius Aug. ad habitandum dederat, confedisse : Chlodoucumque Francorum Regem, cū victo cæsōque Alarico Rege Gothos ex Aquitania expelleret , ac interficeret, Taifalos quietos & imperata facientes in suis sedibus reliquisse. Nisi quis mauult hosce Taifalos vnā cum Alanis finitima gente ductu Goaris Regis Gallias petiisse, & in agro Pictonum circa Ligerim Honorij p̄ncipatu sedem cepisse. idque eo verisimilius videtur, quōd imperante Placido Valentiniano Honorij successore , pars Alanorum trans flumen Ligerim considebat. vt in libro de origine Gothorum tradidit Iordanes. His animaduersis ad ordinem reuertendum est.

Paullo post populationem Campaniæ Remensis, Childebertus Francorum Rex Luteciam Parisiorum regressus in morbum incidit , quo diutissimē conflictatus , ac tandem oppressus decessit. Quam puto causam fuisse , quare Chlotharius reuersus ex Saxonia ab eo factam absenti sibi iniuriam non vindicauerit, nec bellum inferre voluerit ægrotanti fratri, cui breui morituro successurus erat. De anno, quo Childebertus obiit, obscurum est. Auctor Appendicis Chronico Marcellini subtextæ Indictione V post Consulatū Basilij V.C. anno XVI <sup>151VII</sup> eum decessisse scribit, Marius Indictione VI post Consulatum Basilij anno XVII. cui ego Auctori eo libentiū <sup>151VIII</sup> accesserim, quōd Childebertum & Chlotharium videre potuit. nam Guntchramno regnante floruit, & statutis Concilij Matisconenfis II. subscripsit. Vt appareat errare Herimannum Contractum, ac Sigebertum: è quibus Herimannus Chlodoucum Magnum anno Christi nati 15XXIII, Childebertum eius filium anno 15LXIII regni quadagesimo obisse tradit. Sigebertus illum anno 15XIV, hunc Christi 15LIX, regni quinto & quadagesimo mortuum ait. Sepultus est a Germano Episcopo Ecclesiæ Parisiæ Childebertus in Basilica B. Vincentij Martyris, quam reuersus ex Hispania condiderat. Vsuarius Monachus huius ipsius Monasterij in Martyrologio, quod Carolo Magno Augusto nuncupauit, vno eodēque die (nescio an & anno) dedicatā Ecclesiam, & sepul-

tum in ea Childebertum Regem Francorū docere videtur, cū X Kal. Ianuar. Parisiis dedicationem Basilica in honore S. Crucis, & S. Vincentij Martyris; ac depositionem Domini Childeberti Regis ait celebrari. Sic Chlotharius mirā quadā felicitate Theodoricī, Theodeberti, ac Childeberti, quorum aut insidiis petitus, aut armis oppugnatus erat; & superstes, & successor fuit. vti postea nepos eius Chlotharius Childeberti fratris patrueis sibi infestissimi, & Theodeberti, ac Theodoricī, à quibus magnā regni patrij parte spoliatus fuerat; hereditatem obiit. & Carolus, Ludouici Augusti filius minimus natus, post obitum filiorum Lotharij germani fratris, qui paternis bonis eum excludere voluerat; Regnum Lotharij, & Imperium Romanum obtinuit. Gregorius de vita Nicetij Lugdunensis Episcopi hunc Childebertum Seniore; & in libro de vita Patrocli Childebertum Parisiorum Regem, appellat, Sacerdotēque Lugdunensem Antistitem, qui Nicetij auunculus erat, & Mumionem præcipuē dilexisse ait.

Non faciliē reperias, cuius pietas, & de summis Ecclesiæ rebus sollicitudo multis & magnis experimentis testator fuerit, quā Childeberti. Nam vt omittam Basilicas, Xenodochia, Monasteria, Luteciæ Parisiorum, Lugduni, Arelate, aliisque in locis ab eo extructa; edictūque promulgatum, quo simulacra Dæmonum deiici iussit: quantumcumque splendoris, & incrementi Childeberto regnante Ecclesiæ Gallicanæ accessit, (accessit autem plurimum) huic vni acceptum referri debet. Cui rei indicio sunt Concilia Episcoporum IV in opidum Aurelianorum, vnum Arelate, duo in urbem Luteciam mandato eius indicta. ex quibus Concilium Aurelianense tertium Nonis Maij, quarto

- IOXXXVIII. post Consulatum Paullini iunioris V. C. anno XXVII regni Domini Childeberti Regis; Concilium Aurelianense  
IOXLIX. quintum V Kal. Novembris, anno XXXVIII regni D. n. Childeberti, Indictione XIII; Concilium Arelatense quintum III Kalendas Iulias, anno XLIII regni Domini Childeberti Regis, Indictione II, non (vt mendosē subscriptio Sapaudi Episcopi præfert) III habitum fuisse legimus.

Annus autem quartus post Consulatum Paullini iunioris, Ioannis Consulis nomen ferens; post Felicem & Secundinum Consules, siue post Chlodouei obitum, & initia principatus Childeberti septimus ac vicimus est. & Indictione XIII, v. Kal. Nouemb. Childebertus XXXVIII imperij anni mensem vltimum ingrediebatur, Indictionisque XIII diem XXXIV agebat. siquidem à die VIII Kal. Octobris Galli Indictionum principia ducebant. vt appareat verum esse, quod diximus, Chlodoueam Felice & Secundino Coss. decessisse. Non possum mihi temperare, quin huic loco inferam, quot qualisque viros Childebertus suarum virtutum præcones inuenierit. Vigilius Romanæ Ecclesiæ Episcopus in duabus epistolis, quarum alteram IV P. C. Basilij V. C. ad Auxanum, Arelatensem Episcopum, alteram ad Aurelianum Auxanij successorem quinquies P. C. Basilij misit, *Gloriosissimi viri, filij sui, Childeberti Regis Francorum Christianam deuotionem*, ac Deo placitam voluntatem laudat: & vtrumque monet, vt de seruanda pace & amicitia Iustiniani Aug. Sacerdotali studio eum hortetur. Idem P. C. Basilij anno IX Aureliano *supradicto* scribens<sup>121</sup> Constantinopoli, vbi à Iustiniano pridem retinebatur, eius partes esse ait, Gloriosum filium suum Childebertum Regem sæpius orare, vt quemadmodum *Catholico Rege, & venerationem integram Sedi Apostolica exhibente dignum est, Fidem & Ecclesiam omni virtute defendat*, & de Sede Apostolica sollicitus Regem Gothorum (hoc est Totilam, qui ante annum Romam ceperat) per litteras dignetur deterrere, ne is alterius sectæ sectator aliquid Romæ faciat, fieriue permittat, quo Catholica Ecclesia perturbetur: hoc est, ne in suum absentis locum alium Episcopum substituat. Ex quo apparet Childeberti auctoritatem apud externos Principes plurimum valuisse: & Francorum Reges vno ferè tempore factos esse Christianos, atque Episcoporum vrbis Romæ patronos ac defensores. Episcopi Gallicani, qui Indictione XIII Aurelianis conuenerunt, *clementissimum, & piissimum Principem*, amantem sacre Fidei, ac religionis, & triumphorum titulis inclutissimum Dn. Childebertum

IDLVII.

*Regem* vocant, ac Lugduni xenodochium extruxisse auctore Vltrogothone Regina commemorant. Eundem Pelagius vrbis Romæ Episcopus *Dominum filium, merito gloriosissimum atque præcellentissimum*, appellat; & sincero amore sanctæ Ecclesiæ multis Regibus clariorem factum esse, & pro tranquillitate eius præcipuam curam gerere dicit: atque per Rufinum legatum anno XVI P. C. Basilij ob id Romam missum interroganti, quid de Papæ Leonis epistolis, & Synodi Chalcedonenfis constitutis sentiret, ne suspectus hæresis esset, longâ epistolâ, & Catholicæ Fidei professione se purgat. Memoria dignum est, quod Fortunatus Presbyter in libro de vita Germani Parisiorum Episcopi tradit, Childebertum VI millia solidorum, egentibus dispartienda, Germano misisse, & fractas aureas lances, vasâque argentea concisa hos in vsus sancto Antistiti dedisse: quem in VI Carminum libro *Regem placidum, mitem, sapientem, bonum, ac æquum omnibus fuisse* dicit, grauitérque mortem tanti Principis tulisse Parisios: & à Palatio in Basilicam B. Vincentij per hortos, qui postea Vltrogothonis Reginæ fuerunt, transire eum solitum ait, ibique malos manu eius insitas ostendi. Idem eundem in libri Carm. II Carmine XI pium, in ædificandis ac ditandis Ecclesiis munificum, & diuini cultus adeò studiosum fuisse affirmat, vt Episcopis esset exemplo. præterea Ecclesiam Parisiacam ab eo exstructam scribit his versibus,

*Splendida marmoreis attollitur aula columnis,  
Et quia pura manet, gratia maior inest.  
Prima capit radios vitreis oculata fenestris:  
Artificisque manus clausit in arce diem.  
Hac pius egregio Rex Childebertus amore  
Dona suo populo non moritura dedit.  
Totus in affectu diuini cultus adharens,  
Ecclesia iuges amplificauit opes.  
Melchisedech noster, merito Rex, atque Sacerdos  
Completuit Laicus religionis opus.  
Publica iura regens, & celsa Palatia seruans,  
Vnica Pontificum gloria, norma fuit.  
Hinc abiens illic meritorum viuuit honore,*

Hic

*Hic quoque gestorum laude perennis erit.*

Et Childebertus quidem pietatem, ceterasque pacato Principi conuenientes virtutes ita coluit, vt ab armis nequaquam esset alienus. cui rei est indicio bis intrata ac subacta Burgundia; vindicata in Amalaricum Regem sororis iniuria; penetrata ac excisa Hispania. Sed has omnes dotes Childebertus nimia alieni cupiditate fœdauit, qua impulsus Theodorico fratri suo Aruernos eripuit, Chlodomeris fratris filios per Chlotharium interemit, Theodebertum similiter, adiutore Chlothario, ac mox Chlotharium ipsum inuicem Theodeberti operâ Regno spoliare conatus est. Vt appareat verum quoque esse, quod ait in fine libri tertij Gregorius, Childebertum *versutum, & aduersus Chlotharium Regem semper inuidum fuisse*. Nam de ic̃to cum Chramno fœdere, & de Campaniæ Remensis populatione loqui nihil attinet. in quo videtur Childebertus iniuriam iniuriâ vlcisci voluisse, à Chlothario fratre natu minore dimidia Theodebaldi Regni parte priuatus.

Habuit in matrimonio Vltrogothone, quam vetus Auctor libri de vita Baldechildis Reginæ *Vltrogotham Reginam, Childeberti Christianissimæ Regis coniugem* appellat, & nutricem fuisse pupillorum, nutricem egentium, Fidelium Monachorum adiutricem dicit. Ex ea Childebertus filias duas, Chrotbergam, & Chlodefindam, Chlotharij filix sorori suæ patrueli cognominem tulit: quas ambas adultas virgines vnâ cum Vltrogothone matre in exilium misit Chlotharius, simul ac Regni & thesaurorum Childeberti fratris sui potitus totum paternum Regnum solus obtinuit. vt Gregorius, & Fredegarius in Epitome scribunt: è quibus Fredegarius Vltrogothone malè Walderadam vocat. Quamquam ego (pace Gregorij dixerim) vix crediderim Chlotharium magno Principem animo, iam compotem votorum suorum, conceptum in fratrem odium ob Campaniæ Remensis populationem in mortui coniugem ac filias innocentes effudisse. Certè in quibusdam Aimoini exemplaribus reperio eas, vnâ cum Chlothario, dedicationi Ecclesiæ Sancti Vin-

centij post Childeberty obitū interfuisse, complura prædia Monasterio dedisse, donationemque scripto confirmavisse. Constat quidem saltem Ultrogothonem, cuiusq; filias, si à Chlothario in exilium actæ sunt, à Chariberto Chlotharij filio & successore paullo post in patriam esse reuocatas. quippe Venantius Clementianus Fortunatus in libro Carminum sexto scribit Dominam Ultrogothonem Reginam, filiasque eius duas Childeberty mortuo Luteciæ Parisiorum in domo, hortisque amoenissimis, qui Childeberty fuerant, habitavisse: atque sub regio mundeburde, hoc est sub tutela, ac defensione Chariberty Parisiorum Regis securè & honoratè vixisse. Versus Venantij Fortunati huic loco non in tempestivè inserturus mihi videor.

*Charibertus adest, qui publica iura gubernans,*

*Tempore presenti gaudia prisca refert.*

*In tantum patruj se prodidit esse sequacem,*

*Vt modo sit tutor coniugis iste nepos:*

*Qui Childeberty retinens dulcedine nomen.*

*Eius natarum est frater, & ipse pater.*

*Qua bene defensa placido moderamine Regis,*

*In consobrino spem genitoris habent.*

Quibus ex versibus etiam iudicari potest, id quod iam inde ab Honorio Principe in usu esse coepit, fratrum & sororum filios, nepotes; fratres patruales, tum promiscuè consobrinos dictos esse: atque lenem Francos Bertum appellavisse. siquidem Fortunatus ait Charibertum Regem Childeberty patruj sui ut Regnum obtinuisse, sic lenitatem, dulcedinemve morum re & nomine referre. Quamquam Auctor libri de vita Bertæ Abbatissæ Bertum, clarum, fulgentem & splendidum interpretatur.

Childeberty mortem breui Chramni exitium secutum est. Is enim, amisso tanto præsidio inops consilij, cum ad patrem venisset, & impetratâ veniâ persanctè iuravisset ei se morigerum futurum, fidemque paullo post nescio quo facto violavisset, videns se evadere non posse, cum coniuge & filiabus suis in Britanniam ceteriorem perfugit ad Conobrum Britannorum Comi-



tem, quem vetus quidam scriptor rerum Francicarum, Auctor Appendicis Chronico Marcellini adiunctæ, & Aimoinus *Cunobertum*, vel *Conabum Britannorum Regem* appellant, Sigibertus *Brittonum Ducem*. Britannicis adiutus auxiliis mercede conductis Chramnus Regnum patris ingreditur; prædas agit; multa loca igne & ferro vastat. Wiliacharius quoque, *Vulleharius* Aimoino dictus *Dux Aquitania*, minis Chlotharij ter-ritus, qui cum Chramni generi sui partibus fauisse arguebat, in Basilicam Martini monumento ac nomine insignem cum vxore confugit. vnde quoniam à Chlotharianis extrahi non poterat, admoto igne viuis exustus est, atque Basilica pariter incensa: quam protinus Euphronius Turonicus Episcopus, Chlotharij Regis liberalitate adiutus, magnificè restituendam, & stanneis tegulis tegendam curauit, sicuti ait Aimoinus. nam Gregorius & Fredegarius Basilicam Martini propter Wiliacharium incensam tantummodò dicunt.

Chlotharius Chramni furore ad arma compulsus, magnis coactis copiis, vnà cum reliquis filiis suis, vt Freculfus scribit, rebellem in Britanniam citeriorem properè persequitur. Vnde apud Fortunatum in libri IX Carmine primo dicitur Chilpericum præter ceteros vti belli Saxonici, quod Saxones cum Æstis, & Danis coniuncti ciuerunt; sic Britannici huiusce commilitonem habuisse. Per agrum Aulercorum Cenomanorum iter facientem Chlotharium Constantianus Abbas, vir sanctissimus hospitio accepit, iraque & inedia ægro, ac vix mentis compoti vt cibum sumeret persuasit, & discedenti bene precatus victoriam prædixit. inde fines Britanniae ingressus Chramnus & Conober armati obuiam ierunt. Eo die productæ vtrimque ac instructæ in campo, copiae sub Solis occasum citra certamen in castra reducuntur. Proximâ nocte Conober cum Chramno egit non oportere eum pugna interesse: nefas enim esse filio cum patre configere: se, si permetteret, confestim hostibus superuenturum, & semisomnes, ac improuiso periculo territos oppressurum. Displicuit Chramno salubre consilium. Huic enim Deus, ne diutiùs scele-

rum suorum impunitate frueretur, oculos mentis præstrinxerat. Postridie manè proelium non procul à mari committitur : orante cum planctu & lacrimis , ac obtestante Deum Chlothario , vt tamquam Dauidem olim ab Absalone ; sic se ab impio & periuro filio vindicaret. Pugnatum est vtrimque acriter, cum alios indignatio, alios spes victoriæ ad fortiter faciendum incitaret. tandem Britanni terga verterunt : quos Franci vsque ad naues insecuti, maximam eorum multitudinem conciderunt. Conober in fuga periit. Chramnus poterat quidem euadere, si vni sibi consulere voluisset. sed dum vxorem, & filias secum abducere, & in naues, quas ad fugam præparatas habebat, imponere conatur, vnà cum his ab exercitu patris oppressus capitur, atque vincitur. Quod vbi Chlothario Regi nuntiatum est, iussit eum cum vxore & liberis igne consumi. Milites, vt erat imperatum, captos agresti casa cuiusdam pauperculæ concludunt: linteum, quod orariū vocant, Chramni super scamnum porrecti collo circumdant, idque nodo vinctum vtrimque ad se trahentes, deformi mortis genere iuuenem in spem regni genitum occidunt. tum Chaldam coniugem Chramni, Caltem Aimoino dictam, feminam nobilissimam atque clarissimam, & filias ex ea sublatas admodum infantes, ne quod sceleris vestigium exstaret, igne in tugurium iniecto viuas exussere. vt Gregorius in IV Historiæ libro, & Fredegarius in Excerptis scribunt. Post Consulatum Basilij

101X. anno vndeicesimo periit Chramnus, quem Marius in Chronico, anno supradicto, Fortunatus de vita Medardi, ac Fredegarius in Epitome cum coniuge & liberis crematum ; Auctor Appendicis Chronico Marcellini subrextæ, & Freulfus viuum combustū fuisse tradunt, & Chramnum, ac Grannum appellant. Addit Freulfus Chlotharium victis Brittonibus, gentem eam subegisse, ac tributariam fecisse : cum Marius Auenticensis Episcopus, vetus & grauis Auctor, tantum eorum regionem à Francis totam excisam fuisse dicat.

Dum Chlotharius ex Britannia reuertitur, Medardus, natione Francus, Viromanduorū, Nouiomagensium, ac

Turnacensium Episcopus, vir omnibus virtutibus præstans, & sanctitare magis, quàm senectute venerabilis grauius ægrotabat. qua cognita re Chlorharius visendi eius gratiâ Nouiomagum Sueffionum, quò sacerdotalem sedem transtulerat, venit, mortuúmque in prædio regali Croiciaco, trans flumen Axonam in conspectu vrbs Augustæ Sueffionum posito, sepeliri honorificè iussit, eiúsque tumulum cellula, vel paruo rugurio ad tempus sepelit, donec magnificentissimam amplissimamque Basilicam sepulcro circumdaret, quam moriens inchoatam, ac Sigiberto filio perficiendam reliquit. Turnacenses autem, qui post Eleutherij Episcopi sui obitum Medardi Nouiomagensis Episcopi curæ commissi fuerant, ab eo tempore vsque ad Simonem per annos circiter 100 non alios quàm Nouiomagenses Episcopos habuerunt. Híc notandum est errare eos, qui Medardum Nouiomagensium Episcopum, & Gildardum Rotomagensem Antistitem fratres geminos fuisse, & vno eodémque die vt natos, sic Sacerdotes factos, ac mortuos aiunt. cum Gildaredus, seu Gildardus Episcopus Ecclesiæ Rotomagensis Metropolis Felice Cos. Chlodoueo 1011 regnante, hoc est ante annos L, quàm Medardus decederet, Concilio Aurelianensi interfuerit. Quare ambo apud Vsuardum eodem quidem die, nimirum VI Idus Iunias, at non eodem anno obisse, aut germani fuisse dicuntur.

Post Consulatum Basilij anno vicesimo, imperij Iu- 1011stiniani XXXV, Indictione IX, Chlorharius Cæsarodunum Turonum ad limina S. Martini contendit, Beatúmque Episcopum gemens, ac monumento eius affixus orauit, vt omnium, quæ negligentia & iniquitate lapsus commiserat, peccatorum veniam suis sibi precibus à Deo impetraret: multisque donis ornato loco, & per religiosissimas quasque Sanctorum Basilicas magnâ pecuniâ diuisâ, domum regressus Cotiam siluam petiit, vbi cum more Regum Francorum autumnali venatione se exerceret, subito in grauem incidit febrim, & Compendium, villam publicam, seu Palarium regium siluæ proximum repetiit, ac paullo pòst vi morbi op-

pressus decessit. Dicitur moriens, cùm viscera torrerentur à febre, adstantes interrogauisse, qualem in cælo regnare putarent Regem, qui magnis & potentibus Regibus sic eriperet vitam. Obiit Chlotharius Rex Indictione IX (vt scribit Marius) post Consulatum Basilij anno XX, CCCCLXVI die postquam Chramnus perierat: & sicut quondam Chlodoueus pater suus, IV filios adultæ ætatis, Charibertum, Guntchramnum, Chilpericum, & Sigibertum reliquit superstites, qui cum honorificè per XXX passuum millia magnâ Clericorum psallentium frequentiâ Augustam Sueffionum delatum in Basilica B. Medardi, vt ipse præceperat, ante altare S. Episcopo consecratum sepeliuere, ac Regnum patrium viris tum armisque florentissimum ac maximum, quod Galliam atque Germaniam ferè omnem complectebatur, quadripartitum inter se sortiti sunt.

Quod ad annum vltimum regni Chlotharij pertinet, Marium Auenticensem Episcopum, diligentem Auctorem libentiùs, quàm Gregorium eius æqualem, Fredegariùmque, & Aimoinum ac Herimannum Monachos sum secutus: propterea quòd *anno VI regni gloriosissimi Guntramni Regis Indictione XV Concilium II Lugduni habitum* lego. Indictio autem XV, siue annus primus Consulatus Iustini iunioris Aug. post mortem Chlotharij, quem Indictione IX decessisse ait Marius, annus est sextus. Præterea decretum Episcoporum duorum & triginta, qui Luteciæ Parisiorum conuenerunt, datum dicitur *die III Iduum Septembrium, anno XII Dominorum Regum Indictione VI Parisiis*. Similiter & Synodum Episcoporum Gallicanorum X VII Valentiz habitam inuenio *anno XXIII regni gloriosissimi Domini Guntchramni Regis, Indictione II*. Vt appareat, cùm Indictionis XV finis semper initium esset primæ, Chlotharium Indictione IX exeunte, post Consulatum Basilij V. C. anno vicésimo, imperij quinquagesimo mortem obiisse, eiusque filios Indictione quintadecimâ sextum regni sui annum; Indictione sexta duodecimum; Indictione demum II tertium ac vicésimum egisse. Quamobrem Sigebertus in Chronico Chlothario non ampliùs

101XL

101XLVII

101XLI

quinquaginta regni tribuit annos. quippe Chlodouem Regem anno Christi 10 XIV, Chlotharium eius filium 10 LXIV anno obisse memoria tradit. Ceterum Gregorius, si Chlotharium tantum LI regni sui anno exspirasse diceret, ac non etiam eodem hunc anno Cæsaronum Turonum petiisse affirmaret; videri posset à Mario minimè dissentire. Cùm enim Chlodoueus Rex Chlotharij pater Felice & Secundino Coss. V Kalendas 10 XI Decembres (vt suprà scripsimus) à filiis suis elatus ac sepultus fuerit, dummodò Chlotharius P. C. Basilij 10 LXI V.C. anno XX decedens, huncce diem excesserit, (quatuor autem & triginta dies ex anno supersunt) non falsò dicetur ad annum imperij primum & quinquagesimum peruenisse.

Opportunum videtur, antequam volumen hoc, opusque finiamus, de Chlotharij Regis virtutibus & vitiis aliquid dicere. Erat Chlotharius, vt robusto corpore, ita fortitudine & laboris patientia eximia. qui præter bella ab Auctoribus nostris omissa, duas aduersus Burgundiones expeditiones suscepit, cum Chlodomere & Childeberto fratribus priorem, posteriorem cum Childeberto, ac omnem Burgundiam fuso fugatòque Godomaro Rege perdomuit: Theodoricum in Toringiam magna manu secutus, Herminafridum Toringorum Regem vicit acie: adiunctus Childeberto Cæsaraugustam obsedit, & totam ferè Hispaniam Tarraconensem depopulatus est: nec senectute segnior, aut in exsequendo tardior factus, Saxones rebellantes, ac tributum ipsi pendere recusantes, ter continuo triennio aggressus est, subactisque vestigal imposuit: Britannos demum, Chramno aduersus se ferentes auxilium, prælio superauit. semper inuictus, nisi quòd semel ferociâ suorum seditiosè pugnam exposcentium, nec vllam pacis conditionem accipientium, in Saxonia magnam copiarum partem amisit: ita vt scientia rei militaris, virtute, ac felicitate Chlodouem parentem suum, & Theodoricum fratrem non modò æquauisse, sed etiam superauisse videatur. Acutum eum & callidum fuisse docent vitatæ in Toringia Theodorici fratris insidiæ;

filux Arelaunensis Childeberto ac Theodeberto obiectæ concædes ; fraus fraude vindicata , cùm fraudatus à Childeberto pecuniâ , quam Theodahadus Italiæ Rex miserat , thesauris Chlodomeris manum iniecit ; ac totum Theodebaldi Regnum dolo magis quàm vi occupatum , adeò vt iure Childebertum fratrem natu maiorem exclusisse videri vellet. Quare non immeritò Venantius Fortunatus in libri VI Carmine IV Chlothario consilium & acumen ; Childeberto bonitatem pietatémque attribuit. quas omnes animi dotes Chariberto Chlotharij filio inesse scribit his versibus ,

*Prædicat hinc bonitas , illinc sapientia laudat.*

*Inter utrumque decus te sibi quisque rapit.*

*De patruo pietas , & de patre fulget acumen.*

*Et reparas solus lege fauente duos.*

Et in libro IX Chilpericum virtute Chlothario patri , eloquentiâ Childeberto patruo similem fuisse dicit ,

*De virtute pater reparatur , auunculus ore.*

Sigibertum Regem similiter in libro VI à patre virtutem ait habuisse , atque in versibus tumulo Chlotharij Guntchramni Regis filij inscriptis Chlotharium nostrum , auum regij pueri , *Magnum* appellat. Ex quo satis intelligitur eum primarium bellatorem , fortissimumque ducem , & maximæ in bello habitum esse virtutis. Multa Chlotharius , præcipuè paucis ante obitum annis , pietatis ac liberalitatis præbuit exempla. siquidem mortuo Theodebaldo Rege , Maurû Abbatem Glannafoliensem frequenter ad se euocauisse , ac eius consiliis usus esse dicitur , & Glannafoliû venisse cum paucis , Monasteriôque Blasonem , ac villam Longum campum , Monachis eligendi Abbatis potestatem scripto concessisse , & postquam Maurus bene ipsi precatus erat , abiisse. Idem de sua sede deficiens flexo genu Iunianum Presbyterum & Abbatem ( sicuti scribit Wlfinus Episcopus ) adorauit , & sanctissimum hominem , vt pro se domoque sua , ac pro statu Regni Deum oraret , deprecatus , atque ad cellulas in agro Lemouicum exstruendas , Monachosque congregandos hortatus est , dimissumque parte prædij regalis nomine Gauarciaci per Aurelium virum illustrem

strem attributa donauit. Constantianum quoque Abbatem, à quo erat exceptus, cùm Chramnum in Britanniam persequebatur, rebus fisci, & aliis bonis muneribûsque ditauit. Medardum Nouiomagensem ac Turnacensem Episcopum, ne piissimi Antistitis benedictione priuaretur, visitauit ægotum, defuncti *corpus suis ipse humeris sustulit*, Episcoposque & Optimates ad sanctum onus subeundum suo incitauit exemplo, ac non multo pòst moriens Sigiberto filio mandauit, vt quam Deo vouerat, ac iam super B. Confessoris tumulum inchoauerat, Basilicam ex auro, argento, & cuiusque generis lapidibus huic operi à se præparatis absolueret. Ne de Basilica Sancti Martini loquar, quæ piâ munificentia eiusdem Regis restituta, & stanneis tegulis tecta est: aut de libris, in quibus Turoni descripti erant, iussu eius incensis, vt ciuitas in Martini Antistitis gratiam esset immunis. Sed Chlotharij virtutum splendorem obscurauit sæuitia, nonnumquam cum alieni rapiendi cupiditate coniuncta, qua impulsus cognatum suum, fratrem Radegundis vxoris, insontem spiritu priuauit: *Chlodomeris fratris filios*, vt debitum eis Regnum occuparet, suapte manu interimere sustinuit, ac Childeberto pro Gunthario vitam precanti mortem minatus est: Theodeberto quoque vitam Regnumque eripere voluit: Vltrogothonem Reginam, Childeberti fratris coniugem, filiasque eius innocentes in exilium misit: postremò Chramnum, rebellem quidem & malum filium, sed tamen filium, crudeliter interfecit, nec contentus iuuenis cæde, vxorem eius, immunem delictorum viri sui, filiasque infantes occidit, credo vt reliquos filios suos, quos de industria secum in Britanniam adduxerat, magnitudine pœnæ deterritos in obsequio contineret. Cuius tamen cum cædis breui pœnituit. hanc enim præcipuè ob causam (vt puto) limina B. Martini paullo pòst petiit, & omnium, quas commiserat, culparum, ac in primis nouissimæ huius atrocitatis veniam precatus, deinde mærore magis quàm febris consumtus est. Quantopere præceps in venerem Chlotharius fuerit, docent tot in-

cesta matrimonia contracta, Gundeucâ, Chlodomeris fratris sui vxore, sibi coniunctâ, vno eodémque tempore duabus sororibus in torum receptis, Vuldegrada Theodebaldi coniuge domum ductâ. Nec facile dictum est, vtrum ardentius concupiuerit vxores propinquorum viduas inire, an regna occupare. pæne vt credam Vltrogothonem, quia vetula erat, in exilium missam, mitiusque cum ea acturum fuisse Chlotharium, si adulescens, & apta veneri fuisset. Iam verò quod Ingundi vxori dicebat, neminem se ipso sapienterem inuenisse, cui Charegundim in matrimonium collocaret, & illa suprema verba mirantis ac velut indignantis sibi tanto Regi vitam à Deo cripi; indicant superbum Chlotharium & arrogantem, ac naturæ suæ parum memorem fuisse. Quo minus miror, id quod in IX Carminum libro ait Fortunatus, Chilpericum à Chlothario Rege vnicè ac plus ceteris filiis esse dilectum, hominem nimirum omnium patris vitiorum heredem, sed plerarumque eiusdem virtutum expertem, crudelem, rapacem, libidinosum, ac superbum, negantem quemquam se prudentiorem esse, ita vt sagacissimus senex suos in filio mores agnouisse & probauisse videatur.

Ceterum quod suprà scripsimus, Fortunatum in libro de vita Medardi secuti, Chlotharium Regem morientem Sigiberto filio mandauisse, vt Basilicam super Medardi sepulcrum à se inchoatam vnâ cum Monasterio consummaret, pecuniâque non parua hos in vsus impendendam eidem reliquisse; id si verum est, ostendit à Chlothario ægrotante Regnum inter filios esse diuisum, & Sigiberto natu minimo Basilicæ Sancti Medardi perficiendæ curam delegatam, quoniam ea Basilica, tametsi proxima Augustæ Sueffionum Chilperici Regiæ, tamen flumine Axonâ ab vrbe diuisa, & in Regno Sigiberti posita erat. Vnde Fortunatus Presbyter, in libri VII Carmine IV ad Gogonem vnum è Sigiberti Optimatibus, vt *Isaram, Somenam, Scaldim*, multosque alios amnes, sic *Axonam*, hoc est partem Axonæ Regno Sigiberti attribuit. Et Gregorius ipse, qui in libro Historiæ IV quatuor Chlotharij filios, patre mor-



tuo, Regnum eius inter se diuifisse dicit, ac fuam fingulis partem forte obueniſſe; idem in libro de vita Nicetij Treuirici Epifcopi ſcribit, cùm Nicetius, iam in exilium ductus iuſſu Chlotharij, ab Epifcopis adulantibus Regi congreſſu prohiberetur, & à ſuis omnibus defereretur, *poſt ridie* ad eum veniſſe legatum Sigiberti Regis cum litteris: quarum ſumma erat, Chlotharium Regem patrem ſuum deceſſiſſe, ſeque *Regnum debitum* cum Epifcopi beneuolentia recipere oportere. Quæ Gregorij verba perpenſa ſatis apertè videntur declarare ab Chlothario diuiſionem Regni inter filios factam eſſe, ſicuti de Chlodoueo refert Rorico, cùm aliter Sigibertus tam citò poſt patris mortem Nicetium de exilio reuocare, aut Mettenſe Regnum, cuius vrbs erat Auguſta Treuirorum, ſibi vindicare non potuerit.



# I N D E X.

A

**A**CAVENSE Monasterium à quo  
 exstructum, 138  
 Adouactius Saxonum Rex Aodecaus  
 capit, 135. amittit, *ibid.* Childerico iun-  
 ctus Alamannos aggreditur, 136  
 Aegidius Magister militum Gallican, 190.  
 Arelati oblectus Vesigothos eruptione  
 facta fundit, 190. Gallus, 196. Frideti-  
 cum fratrem Theoderici Regis Vesigo-  
 thorum victum occidit, 196. & 197. Cai-  
 nonem frustra obsidet, 197. io Child-  
 erici locum à Francis substituitur, 200.  
 & 201. eicitur, 201. Coloniā, & Tre-  
 uitos amittit, 201. moritur, 198. & 199.  
 eius virtutes, 197. & 198  
 Aetij Patricij res gestæ, 126. & 127. mors,  
174. victores & vitia, 175. & 176  
 Africa à Iustiniano Aug. recepta, 177  
 Agathias arguitur, 148. 454. & 467  
 Agericus Verodunensis Episcopus, Fran-  
 cus, 424  
 Agila Rex Vesigothorum, 442. & 444. à  
 suis occiditur, 444  
 Agilolfingi seu Agilolfingi qui,  
429  
 Agrippinus Comes Narbonem tradit  
 Theoderico Regi, 195. & 196  
 Aimoinus reprehenditur, 301. 362. 418.  
423. emendatur, 461  
 Alamannorum incursiones in Galliam &  
 Italiam, 4. & 6. in Ratiā, 2. in Gallias  
11. 15. 18. 16. 41. 68. 69. 179. 236. 236  
 Alamanniā Heluetum occupauere,  
237. sub Ostrogothorum imperio fue-  
 re, 237. & 238. à Virge dimitti, 238. &  
412. Francis subiecti legibus suis vte-  
 baentur, 238. eorum sub Francorum di-  
 ctione conditio, 412. eorum Vares, 458  
 Alani Gallias ingressi, 28. 29. inde Hispa-  
 nias, 106. & 111. quidam in Gallia Go-  
 the duce confedere, 172. bisariam ibi  
 diuisi, 173  
 Alaricus iunior à Chlodoueo interficitur,  
296. Regum Vesigothorum primus au-  
 reos adulerauit, 297. & 408. eius mo-  
 res, 297  
 Albofledus cum Chlodoueo fratre bap-  
 tizator, 161. virginatam Deo deuouet,  
161  
 Alexandrini Chronici Auctor arguitur,  
218  
 Amalafidus Herminafidi filius, 362.  
 & 363  
 Amalaricus Vesigothorū Rex, 331. Chlo-

thildim ducit uxorem, 315. 326. 367. cam  
caedit, 367. à Childeberto victus inter-  
 ficitur, 369. 370. 371  
 Amalasuentha Theoderici R. ex Audede-  
 da filia, 327. Eutharico nubita, *ibid.* Theo-  
 dahadum Regni consortem facit, 400.  
 ab eo interimitur, *ibid.*  
 Ambianus Gratianus fir Imperator, 41.  
 Ambiani vrbs ab Alanis & Vandalis ca-  
 pra, 103. Regia Chlodonis, 131. Mero-  
 uici, 146. Childerici, 236  
 Amfuarij Francica gens, 75. & 90  
 Anastasius Bibliothecarius arguitur, 317  
 Andemarunnum Liogonum à Vandalis  
 expugnatum, 103  
 Angli Germana gens, 143. io Britannia  
 insula sedem capiunt, 141. & 144  
 Aorhemius gener Marciani Aug. 103. 103.  
 à Leone A. Imperator appellatur, 203.  
 & 204. à Ricimere genero interficitur,  
214. eius filij, 215  
 Aotirochus Consul an eunuchus fuerit, 126  
 Apollinaris Sidonij filius Dux Alarici, 296.  
 ex Duce Aruernum Episcopus, 239.  
 Arcadij pater, 323. & 324. Alarici fra-  
 ter, *ibid.*  
 Appendicis Victoris Auctor corrigitur,  
270. 271  
 Aquitania secunda cum Nouempopulis  
 daia Vesigothis, 115. & 139  
 Aquitania prima, & secunda, gemina Ger-  
 mania dicta Gregorio, 240. Aquorania  
 1 & 2, & Nouempopuli Chlodomeris  
 noo fuere, 311  
 Arbogastes, Francus, Victorem Cæf. vin-  
 cit & occidit, 69. quare dictus Comes  
 Theodosij, 70. Magister militum, 71. Va-  
 lentinianum A. occidit, 74. & 75 Eug-  
 enium Imperatorem facit, 75. Franciam  
 vastat, 75. cum Francis pacem facit, 76.  
 Marcomerem & Sunnonem ad cenam  
 inuitat, 76. Gothorum x milia cædit,  
78. cum Theodosio A. pugnat, 78. &  
79. vincitur, 80. 81. & 81. se interf-  
 cit, 81. Consul fuit, 81. de eodem, 84.  
 & 85. eius virtutes, 71  
 Arbogastes, Francus, Arigij filius, 218.  
 Comes Treuitorum, 219. eius virtutes, *ibid.*  
 Arborici apud Procopium videm qui Ar-  
 morici, 278. 279. & 280  
 Arcadius A. vnam prouinciam in plures  
 diuidit, & quare, 146. & 147. idem fa-  
 cit Theodosius eius filius, 124

# INDEX.

Arcadius Auii A. pronepos, 124. parer Placidiaz vxoris Leontij postea Burdigalensis Episcopi, 324. Atuernos prodit Childeberto, 167. mittitur ad Chrothildim R. cum forficibus & gladio, 187.  
Ardaricus Gipedu Rex Armlam sequitur in Gallias, 158. ab Attilæ filius deficit, 171. Ardricani nummi ab eo dicti, 408.  
Arelidus, Gundobadi R. Consiliarius, Chrothildis nuptias improbat, 152. Dominum suum viiæ periculo liberat, 271 & 274.  
Arelatum obfessum à Gerontio, 107. caprum à Constantio, 109. à Theodorico maiore Vesigoth. Rege frustra oppugnatum, 139. item à Theodorico iniunio, 120. & 191. ab Eurico eius fratre occupatum, 114. à Theodorico Rege Ostrogoth. 303. bis obfessum à Chlodoueo. 103. & 311. datum Francis à Vitige R. 407. & 409. Childeberto paruit, 410. officina monetæ, & Consulatum triumphis olim illustre, 411.  
Arelanenſis filia, 413.  
Argentoratium capium ab Alanis & Vandalis, 103.  
Ariadne Aug. Anastasio diadema imponi, eique nubit, 249.  
Ariana hæresis quæ per gentes barbaras diffusa sit, 265.  
Arigius Francus, parer Arbogastis iniunioris, 218. & 219.  
Armorici Aërio aduersus Attilam mittunt auxilia, 161. & pæ rebellant, 161. 279. & 180.  
Aruandus ex Præf. Præf. Galliarum maieſtatis damnatur, 205.  
Arnerii à Chroco Alamann. Rege capti, 1. ab Eurico Vesigothorum Rege occupari, 215. & 226. à Childeberto capti, 167. recepti à Theodorico, 187.  
Aſcaricus Francorum Rex in Galliam erumpit, 16. à Conſtantino Aug. captus beſtus obicitur, 16. 17. & 16. quare, 17.  
Aſcula Richimeris vxor, mater Theodomeris Regis Franc. interfecta, 125. non fuit coniux Ricimeris Particij, & filia Anthemij Aug. 205.  
Aſclepiodotus Francos apud Londinium opprimat, 141.  
Araulſus Vesigoth. Rex Gallias ingreditur, 10. repellitur à Maſſilia, 10. Burdigalam diripit, ibid. Narbonem capit, ibid. Placidiam captiuâ, fororē Honorij A. ducit vxorem, ibid. petit Hiſpaniam, ibid. Barcinone à ſuis interſicitur, ibid.  
Atech Francorum Rex ad Maximianum Aug. venit, 11.  
Athalaticus Rex Ostrogoth. 111. Prouinciam retinet, 351. Amalarico Septimaniam reddit, ibid. dedit, 322.

Athanaſildus ab Agila Rege deficit, 444. eo occiſo regnat in Hiſpania, 445.  
Attrebaræ ab Alanis, Vandalis, & Sueuis capta, 103.  
Attali tyranni res geſtæ, 114. & 135. deportatio in inſulam, 115.  
Attila Hunnoru Rex Illyricum & Thraciam populatur, 155. & 156. Magiſter militiæ Rom. tur dictus, 156. quas prouincias tenuerit, ibid. Gallias petit, 158. quas Galliz vrbes cepit, 159. Aurelianos oppugnat, 159. & 160. vincitur ab Aërio, 163. 164. & 165. quot hominum milia ſecum habuerit, ibid. quot amiferit, ibid. Italiam petit, 166. Aquileiam & alias vrbes capit, 166. & 167. pace cum Valentiniano facta diſcedit, 167. moritur, 171. eius vitia & virtutes, 172.  
Attuarij, Franciæ gens, 90. 127. à Iuliano Aug. pacem petunt, 41.  
Audeſeda Chlodouei foror fuit, non filia, 251. Theodorico Ostrogoth. Regi nubit, 251. an fuerit Ariana, 401. & 402. quando Theodorico nupſit, 402. & 403. Amalaſſenſis R. mater, 403.  
Augusta Sueſſonum Chloſathij, deinde Chilperici regia, 322.  
Augusta Veromanduorum ab Alanis, Vandalis, & Hunnis euerta, 103.  
Augustæ quædæ Pax Felices dici ceperit, 66.  
Auitus, 182. ſit Imperator, 183. in Vrbem recipitur, ibid. Conſolatum init, ibid. ex Imper. ſit Episcopus, 182. obiit, ibid.  
Auitus Viennenſis Episcopus, 330. Sigismundum R. & Burgundiones ex Arianis Catholicos facit, 330. Concilio Epaoenſi præſt, 331. Chlodoueo R. de accepto Baptiſmo gratulatur, 164. 265. & 266.  
Aurelianus Francos vincit in Gallia, 2. in Francia, 6. ante currum captiuos ducit, 6.  
Aurelianus Chlodouei Conſiliarius Chrothildim ad eum perducit, 251. Melodunenſi ducem ab eo donatur, 213.  
Aurelianenſi Concilio L. qui Episcopos interſuerint, 312. eius Concilij decreta Chlodoueus confirmat, 313.  
Aureliani ab Attila capti, nec direpti, 159. & 160. Chlodomeris Regia, 312.  
Austria, & Neustria quæ prouinciæ à Francis dictæ, 322.  
Aunſiodurum ab Attila captum & incenſum, 159.  
Auxilia, Alæ, & cohortes Romanæ ex Francis factæ, 26.

B

Badericus Rex Toringorum à fratre victus & interfectus, 336.

Qq q iij

# INDEX.

Bainobaudes, Francus, Scuratorum Tri-  
hunnus, 35. Cornutorum Tribunus, *ibid.*  
interficitur, 37  
Baiuarij sub ditione Theodorici maioris,  
429. Noricum habitabant, 428. eorum  
sub Fraucorum imperio conditio, 429.  
& 430  
Balamir Hunnorum Rex, 154  
Bappo, Francus, Tribunus Promotorum, 154  
Baronius arguitur, 421  
Basilus vltimus priuatorum Consul fuit,  
423  
Basina R. Bisini R. vxor, relicto viro, Chil-  
derico nubit, 220. & 221  
Bauro Francus, 62. quas res gesserit, 62.  
Magister militum, 65. Consul ordina-  
rius, Alcaid Aug. collega, 63. Symma-  
chi amicus, 64. Gentilis, *ibid.* pater Eu-  
doxii A. Arcadij A. coniugis, 65  
Belisarius Africam recipit, 376. 377. Sici-  
liam, 405. Vitigem R. cum Italia capit,  
420  
Beorgor Rex Alanorum, 102. cum exer-  
citu suo casus, *ibid.*  
Berthstius Rex Toringorum à fratre Her-  
minafrido interimitur, 335  
Berthara Theodeberti Fraoc. Regis filia,  
437  
Bleda Hunnorum Rex, 155. cum Artila  
fratre Illyricum & Thraciam vastat,  
*ibid.* ab eodem interimitur, *ibid.*  
Blithildis neutrius Chlorharij filia fuit,  
422. 423. 458. & 469  
Bonifatius Vandalos in Africam immittit,  
122. & 127  
Booitus Francus, Sripator Gallieni Aug. 1  
Booitus Francus, pater Siluani, 34  
Briones quæ gens, 161  
Britanni Gallicani ab Eutico Vesigoth. Re-  
ge cæsi, 125. quo tempore & duce in tra-  
ctu Armorico confederint, 122. an Fran-  
corum Regibus olim paruertint, 181.  
182. 183. 184. 185. 186  
Briannorum limes, vel Marca Britanni-  
ca, 184  
Britaonia insula fertilis tyrannorum cur-  
dicta, 105  
Brittia apud Procopium quæ insula, 143  
Bructer gens Francica, 18. eorum agri à  
Constantino A. vastati, captiui puberes  
bestiis obiecti, 18. & 19. cum Chamauis  
in Galliam erumpunt, 19. Bructeri &  
Chamau Francicæ gentes, 75  
Bubali olim, & vrsi, alces, onagri in Gal-  
lia, 434  
Buccelinus Dux Theodeberti in Italia  
magnas res gerit, 427. Alsonannorum  
Dux, 450. Parmam capit, 450. Fulca-  
sim Erulorum Docem victum interficit,  
451. totam Italiam peragrat, 450.  
451. & 452. à Narfe victus cum suis  
omnibus perit, 459. & 469

Burgundionum in Galliam incurfiones,  
11. 48. & 49. 101. & segg. in ea sedes,  
111. dux eo nomine gentes, vna Ger-  
manica, altera Scythica, 50. 51. 52. Bur-  
gundionum mores, 157. & 158. 155. 157.  
ad Christianam Fidem conuersio, *ibid.*  
de Hunnis victoria, *ibid.* à quo hi facti  
Christiani, 158. proceri, 158. comsm  
butyro perfundunt, *ibid.* trichordis ci-  
tharis canunt, 158. Aniani facti, 158. ire-  
rum Cætholici, 330

## C

C A I N O obfessus ab Ægidio, 127  
Camariacum capsum à Chlodione,  
128. & segg.  
Campos Martius, 241. à quo, & quare in  
Campum Maium mutatus, 241  
Cannorum locus, 463  
Capratia castrum, 390. & 391  
Cataulus auxiliis Francorum frater diu  
Britanniam tenet, 14  
Carcasso & Elena quo tempore Sedes Epi-  
scopales factæ, 391. Carcasso obfessus à  
Chlodoueo, 304  
Caretene R. Gundobadi Burgundionum  
Regis vxor, 188. 189  
Carthagiens portus dictos portus Africa, 9  
Castinus Domestecorum Comes aduersus  
Francos missus, 112. Magister mil. à  
Gunderico Vandalorum Rege victus,  
211. in exilium actus, 123  
Carenæ apud Gregorium quid significet,  
122  
Carni gens Fraocica, vt Marcomeri, sic  
Meroueo paret, 180  
Chamaoi, Francica gens, 40  
Chanao Comes Britannorum cædetrium  
fratrum infamis, 441  
Chataricus, Francorum Rex, à Chlodoueo  
capitur, 307. Presbyter fit, 307. cum fi-  
lio interficitur, 307  
Chrato Hunnorum Rex, 154  
Charietto Francus, 40. Comes per vtram-  
que Germaniam, 45. & 47. ab Alaman-  
nis interficitur, 45  
Charietto alius, Francus similiter, & Co-  
mes per Germaniam, 69  
Childebertus Regnum Parisiorum forte  
obtinet, 121. 32. 1. Armeros Theodonic  
fratri eripit, 167. Amalaricum Vesi-  
goth. Regem victum interficit, 168. 169.  
370. 371. 372. 373. Burgundiam perdo-  
mat, 378. Chlodomeis fratris filios in-  
terimit, 386. 387. Theodebertum fru-  
stra oppugnat, 393. Chlotharium fra-  
trem quoque, 421. & 422. cum eo pa-  
cem facit, 422. Cæsar Augustum oblidet,  
& Hispaniam populatur, 424. & 425.  
Basilicam B. Vincentij existit, 425. obdit,  
477. eius virtutes & vitia, 478. 479. 480.  
& 481.

# INDEX.

Childericus ab Attila captus profugit, 138. Francorum Rex, 189. 190. Regno à suis expellitur, 200. in Toringiam fugit, 200. Wiomadindustrià reuocatur, ibid. Agidium victum pellit, 201. Basinam ducit uxorem, 201. Aodecauos capit, 235. & Aurelianos, 236. Saxonas fundit, 235. eorum infulas occupat, ibid. eis iunctus Alamannos vincit, 236. decedit, 236.  
 Chilpericus Burgundix Rex, & Magister militum, filius Gundicarij, frater Guadiuci, 118. & 121. Lugdunum Regiam habuit, ibid.  
 Chilpericus vnus è Gunduici filiis, Burgundix Rex, à Gundobado fratre caprus interficitur, 230. Chriuhildis parit, ibid.  
 Chlodebaudus Chlodionis R. filius, 144.  
 Chlodericus Sigibertum, patrem suum, Regem Franc. iugulat, 306. occidit à Chlodoueo, ibid.  
 Chlodio Franc. Rex, 124. & 125. Farandis filius, ibid. non primus Regum Franc. capillatus, 125. Carbonariam, Turnacum, Camaracum & Ambianos occupat, 128. 129. 130. 131. ab Aëtio Ioui proelio in Atrebatibus vincitur, 132. & 133.  
 Chlodoualdus Chlodometis R. filius fit Presbyter, 388.  
 Chlodometes Franc. Rex, 144.  
 Chlodometes alius Franc. Rex Regnum Aoreliaense obtinet, 320. 321. & 322. Sigismundum Burgundix Regem capit, 344. interficit, 345. & 346. à Burgundionibus occiditur, 346. 347. 348. 349.  
 Chlodofunda, Chlotharij filia, Alboini Langobardorum Regis vxor, 467. & 468.  
 Chlodoueus Franc. Rex, qui & Ludouicus, 138. Syagrium vincit & interficit, 240. Sueuicos & Remos occupat, 241. militem peruicacem occidit, 242. Toringiam tributarià facit, 247. Chrochildim ducit, 251. & 252. Alamannis & Sueuis sobactis tributum imponit, 256. & 259. à Vedasto rectam fidem edocetur, 259. baptizatur à Remigio 260. qua in Ecclesia, 262. & 263. quo tempore, 264. & 265. vnus ex omnibus xianis suæ Regibus Catholicus, 265. edito Francos ad Christianam religionem inuitat, 266. Ecclesiis ablata restituit, & prædia Remigio confert, 270. Basilicam SS. Apostolorum exstruit, 313. coronam Romæ in Petri Basilica ponendam curat, ibid. Verodunenses rebelles in deditionem accipit, 271. Gundobado Burgundix Regi tributum imponit, 272. 273. 276. & 277. cum Alarico Rege Veligoth. colloquitur, 291. cui ei bellum inuenit, 292. 294. 295. 296. Crucis signaculo

militres signat, 296. signum, oomen Domini, dar. ibid. Alarico interfecto omnem Aquitaniam subigit, 297. Tulosam caput, ibid. & Ecolisium, 297. & 298. Patricius fit ab Anastasio Aug. 299. 300. & 301. Luteciam sedem eligit, 299. Arelatum bis obfider, 303. & 312. propinquos suos vita & regno spoliat, 306. 307. 308. quo anno obicitur, 314. quo die, 313. & 314. eius virtutes, 313. & 315. vitia, 316.  
 Chlorharius, Chlodouci filius, Sueuicorum Regnum foris obtinet, 321. 322. Burgundiam bis petit, 344. 345. & 378. eam subigit, 378. 379. quo anno, 379. & 380. Chlodometis fratris filios sua manu iugulat, 384. 387. & 388. à fratre & fratris filio oppugnatus præter spem euadit, 421. & 422. cum Childeberto fratre Hispanias petit, 424. Theodebaldi defuncti Regnum totum occupat, 466. quot vxores duxit, 467. & 468. Saxones fundit, 469. ab eis vincitur, 470. eosdè tributarios facit, 474. Childeberto mortuo totum Francorum Regnum obtinet, 478. Chramnum filium rebellem capit & interimit, 484. Medardum Episc. visit agrorum, 485. Limina Martini adit, 485. obit, 486. eius virtutes & vitia, 487. & 489.  
 Chlonomeres Comes Britannorum, idem Commorus dictus, 441. & 442. Chramnus aduersus patrem coniurat, 475. vires Aquitanix occupat, 472. Childebertum patrum deinde Britannos sibi adiungit, 472. & 482. à patre victus interimitur, 484.  
 Chriftina cælo delapsa, 260. & 261.  
 Chrocus Alamannorum Rex Gallias vastat, 1. capite truncatur, ibid.  
 Chrocus iunior, Alamannorum Rex Conflansium Aug. sequitur in Britanniam, 18.  
 Chrothaldus Chilperici Burgund. Regis filia oubit Chlodoueo, 251. 251. Ingo-merem parit, 253. baptizata cum mox amittit, 253. Chlodometem parit, ibid. Chlodometis filius educat amaret, 386. funera eorū prosequitur, 388. obit, 440. & 441. eius virtutes, 316. & 317.  
 Chrothildis, Chlodouci filia Amalarico R. nubit, 325. 326. & 369. cadit à viro, 367. auxilium à Childeberto fratre petit, 368. à quo dum reduci ut, obit, 371.  
 Claudianus emendatur, 24.  
 Colonia Agrippina à Franciscapta, 27. à Iuliano Cæf. recepta, ibid. iterum à Francis expugnata, 215. & 236.  
 Cominius Domesticonum, dignitas illudis, 19.  
 Constans cum Francis Galliam ingreditur

# INDEX.

pacem facit, 13. & 19. à Magnentio per Gaïsonem Francum interficitur, 30  
Constantinopolis obfessa à Theoderico Triarii filio, Rege Gothorum, 114  
Constantinus Max. Francicor ludor influit, 16. pontem in Reno apud Coloniā facit, 18. ob imagines fuas deiecit & Maxentio, & Licinio bellum inferit, 11. Franciam vaſtat, & captiuos ferit obicit, 23. & 34. Francicor eſt appellatur, 11. apud Coloniā cum Regibus Francorum colloquitur, 26. vi & Constantius Cæſar eiur filius, 87  
Coſtantiuſ Tyrannuſ Gallia occupat, 106. Conſtantiem filium Cæſarem, deinde Auguſtum appellat, 106. Arelati obſidetur, 107. 108. 109. fit Preſbyter, 109. à ſuiſ traditur & occiditur, 109  
Constantinuſ Friſior & Chamauſ, Franciæ gener, Bataui expellit, 11. Cæſar Herculuſ dicitur, 14. Franciæ appellatur, 15. nauibus Franciam petit, 18. Francuſ captiuuſ in Gallia, exemplo Maximiani Herculiſ collocat, 12. & 14  
Conſtantiuſ Magnentiuſ Aug. natione Francuſ vincit, 30. Siluanuſ ſimiliter Francuſ opprimat, 35  
Conſtantiuſ Patriciuſ Placidiam ducit vxorem, 11. conſorſ impetij ſit ab Honorio Aug. 116. ob reiectaſ imagines ſuaſ belluſ Theodoſio iſerte parat, 116. obit, ibid.  
Criſpuſ Cæſar in Gallia, & in Francia Francuſ ſuperat, 16. à patre interimitur, 17

## D

DANI Galliaſ populantur, 116. & 117  
Dardanuſ Præſectuſ Prætorij Galliaruſ, 112  
Dex caſtruſ Septimanie, 390  
Decentiuſ Cæſar, frater Magnentiſ A. ſe ſuſpendit, 30  
Decimiuſ Ruſtienuſ Præſectuſ Tyrannorum interfecit, 111  
Dengix, Rex Hunnorum, Attilæ filiſ interficitur, 111  
Deſideriuſ Cæſar, à Magnentio fratre iugulatuſ, 30  
Deuſo caſtelluſ io ſinibuſ Francorum, vulgò Duitſchvel Teutſch, 24. & 31. captiō à Poſtumo, 6  
Deuteria Galla 191. Theodeberti concubina, ibid. deinde vxor, 199. cur ab eo dimiſſa, 410. & 411. Theodebaldi Regiſ mater, 410. filiū interemit, 411  
Didio Francorum Rex, 115  
Diſparguſ an ſit Duitſburguſ, 119  
Diuo caſtruſ, 171  
Diunduruſ Mediomaſtrioruſ ab Arela direptuſ & incenſuſ, 118. & 159. aliſ Metuſ Regia Reguſ Auſtraſioruſ, 112

Doli viciuſ ſitriguſ, 111  
Durocororū Remoruſ captuſ à Vandaluſ & Alanuſ, 101. iteruſ ab Hunniſ, 119  
Duliacuſ io pago Moſumagenſi, 388

## E

ENCICIVS Auii Aug. filiſ, 111. & 116. Magiſter milituſ, ibid. Patri-  
ciuſ, ibid.  
Ecolifma à Chlodoueo capta, 117. 118  
Edobecuſ Francuſ, Dux Conſtantiſ Ty-  
120. 107. cum Franciſ auxilia via-  
citur à Conſtantiō, 108. & 109. ab Ec-  
dicio amico iugulatur, 109  
Elena viciuſ, 111  
Ellac, Attilæ filiſ, Hunnorum Rex ab Alanuſ occiſuſ, 111  
Ellebienuſ Magiſter milituſ Honorij, 106  
Emmia, vel Emma, an Chlodouei R. ſilia fuit, 116  
Eocharicuſ Alanoruſ in Gallia conſiden-  
tiuſ Rex, 161. aduerſuſ Atmoricoſ re-  
belleſ ab Acrio mittitur, 161. & 171  
Epicoſpi aduentu ſuo ciuibuſ epuluſ præbebant, 196. ſemper Reguſ Fran-  
coruſ permiſſu, nouumquā & iuſſu  
ſiebat, 313. 396. 471  
Eruloruſ Rex Rodulſuſ, 193. Dux Sin-  
dual, 418. Fulcaruſ, ibid.  
Eydoxia Aug. Baſtonia Franci ſilia, Ari-  
na non fuit, 61. eiſ pietas, ib. eiſ ima-  
go per provinciaſ circumlata, 66  
Eudoxia, prioruſ Eudoxie nepiſ, Maxi-  
muſ intermeoduſ curat, & Geiſeri-  
cuſ in Vrbeſ inuitat, 151  
Eugeniuſ cum Marcomere & Suocone  
Frane. Regibuſ ſæduſ inſit, 76  
Eulogiſ maſcelatiſ reuſ in Eccleſiaſ con-  
fugit, 170. viſuſ deprecatoſ Remigio  
Epiſc. veniaſ impetrat, ibid.  
Eoricuſ regnuſ Veſgothoruſ ſublato  
fratre inuadit, 106. Britannoſ vincit,  
112. cum Franciſ pacem facit, 119. Ar-  
ueruſ occupat, 115. & 116. Biturica  
& Turonor, 116. Arelatuſ atque Maſ-  
ſiliuſ, 114. moritur, 119. an Epicoſpoſ  
Catholicaruſ pattiū occidit, 119  
Euſebiuſ Eremita Childeberto victoriū  
prædicat, 168  
Eutropiuſ euenchuſ Conſul io Oriente,  
91. & 116  
Eutruperantiuſ Præſectuſ Præ. Galliaruſ  
à militibuſ interemit, 113

## F

FARAMUNDOS Francoruſ Rex, 118.  
Marcomeriſ filiſ, 119. non primuſ  
Franciæ Rex, nec primuſ criniſuſ Rex  
fuit, ibid. an legem Salutam tulerit, 120.  
Treuiroſ videtur cepiſſe, 120  
Faru

# INDEX.

Faro Ragnacharij Francorum Regis Consiliarius, 308  
 Faustus Reiorum Episcopus, natus in Britannia Armoricana, 214  
 Feletheus Rugorum Rex, 248. ab Odoacre victus & captus interficitur, *ibid.*  
 Felix ex Magistro militum, ex Consule, atque Parricium ab Aëtio interimitur, 127  
 Firminus Comes Arvernorum, 477  
 Flacitheus Rugorum Rex, 242  
 Francorum incursiones in Galliam, 2. in Galliam, Hispaniam, & Africam, 3. & 4. in Galliam, 6. 7. & 8. in Asiam, Græciam, Siciliam & Africam, 8. & 9. in Gallias, 11. 12. & 13. 16. 19. 21. 24. 25. 26. 28. 36. & 37. 38. *cf. seqq.* 41. & 46. 67. 68. & 69. 71. 113. 126. 128. *corum* in Gallia tandem ductu Chlodionis domicilium & sedes, 131  
 Franci dicti Germani, 1. to. 85. *Germani* vltiores, 4. Catti & Sicambri vocati à Sidonio, 223  
 Franci Barbari appellati, 10. 36. 64. 71. & 72. 84. & 85. ita & Vesigothi, Ostrogothi, alique populi dicti nomine tam non contumelioso, 189. & 290  
 Franci Postumo auxilium a duertus Gallienum ferunt, 5  
 Franci, gens bellicosa, & Imperatoribus Gallisque terribilis, caput Gentium Barbararum, 28  
 Franci in Palatio florere Constantij principatu, 34  
 Franci semper Saxonibus, & plerumque Alamannis praponuntur, 45  
 Franci Romanis numquam parere, 53. 54  
 Francorum animus & in morte constantia, 51. 56. & 133  
 Francorum creberrimæ in Galliam excutiones, 28. 36. 68. cur post Constantij principatu rariores, 57  
 Francorum fidei & virtuti plurimum Imperatores credere, 57  
 Franci in Gallia xtate Sidonij sedes habuere, 220. & 221  
 Franci Catholici & orthodoxi, 267. quas gentes Christianas fecerint, *ibid.*  
 Francos habere dominos Galli concupiscunt, 168. Aprunculus Lingonicus Episcopus, Volusianus Turonicus Anulfes, alique, *ibid.*  
 Franci elatis dextris auxilium Regi pollicentur, 294. causam belli probant, 358. iidem in Conciliis summam imperij & belli Regi deferunt, 316  
 Franci vovunt se nisi hoste victo barbam non posuros, 294  
 Francorum quales pugnaz, 358. Francorum & Gepidum xv milia mutuis ictibus occumbunt, 161  
 Franci libentius hieme quàm xtate bellant, 412. frigore robusti & vegeti

fiunt, *ibid.* frigori affueti, 133  
 Franci Alamaunos cultiores mores & Christianam religionem perdocent, 258. 267. item Basarios, Toringos, Saxonas, aliisque nationes, 267  
 Francorum arma, francisca, angus, gladius, scutum, 456. Ango describitur, 457. Francisca, vel securis, *ibid.* Francorum armatus habitusque describitur, 133  
 Franci equitatui non studebant, 416. & 456  
 Franci, gens maxima & frequentissima, 26. 56. 133. 460. & 461  
 Francorum velocitas, qui ob id velites Ammiano dicuntur, 17. & 133. in armis exercitatio & ars cum viribus iuncta, 133. à paruulis bellandi cupiditas, *ib.* proceritas, *ib.* otij & quietis impatentia, *ib.*  
 Franci mari affueti, 233  
 apud Francos virtuti bellicæ honos & præmia legibus proposita, 134  
 Francus, etiamli dextram perdidit, pugnat, 114  
 Francos à Brencis ortos quidam credere, 118  
 Francorum Reges Britanniz minori Comitibus & Episcopos praponunt, 281. obfides à Britanniz Regibus accipiunt, 284. eisdem regiis insignibus donant, 285  
 Francorum Regna singula fors dicta, 324  
 Francorum animi Reges aut arguerque non multum habuere, 360  
 Francorum Reges obfides inter se dant, 186. à Gallis obfides accipiunt, 382  
 Francorum Reges & Reginz funera prosequuntur, 388. etiam primatorum, 395  
 Francorum Regum palatium asylum erat, 396  
 Francorum Reges *humani* dicti, 412  
 Francorum Reges armati sæpe citra pugnam pacem eum propinquis fecere, 422. & 423  
 Francorum Regum filij Reges dicti, 429. & 435  
 Francorum Reges Merovingi filias & sorores suas solis Regibus collocabant, 432. & 433  
 Francorum Reges purpurâ vti, 436. nummos aureos suo vultu signant, 407  
 Francorum Reges primatos osculo salutabant, 399. & 436  
 Francorum Reges nihil oneris Ecclesiæ, nisi consentientibus Episcopis, imponere, 441  
 Francorum Reges in acie equites circum se paucos habebant, 416  
 Franciam qui Imperatores, Cæf. Tyranni, Magistri mil. ingressi, 89  
 Francio Dux Iustiniani Aug. in Italia, & in Hispania, 445. & 446  
 Fredegarius Scholasticus arguitur, 264.

R r r

# INDEX.

Fredegarius & Sigebertus arguuntur, 417  
 Fridericus, Theodorici prioris filius, Thorismodum R. fratrem iugulat, 172.  
 ab Ægidio victus interficitur, 196  
 Fridericus, Felerhei Rugorum Regis filius, Fridericum patrum suum interficit, 242  
 [Frisij] vel Frisones, 283. 341. & 342

## G

**G**arso Francus Constantem Aug. interficit, 30. fit Consul cum Mag. nentio, 30  
 Gaisio Francus, Comes sacrarum largitionum, 110. Magister Officiorum, *ibid.*  
 rum Magister militum Honorij, *ib.*  
 Galla Placidia captiva Ataulfo Vesig. rorum Regi nubit, 110. iude Constantio Patricio, 115. vidua ab Honorio fratre expellitur, 122. post Honorij mortem Occidentem recipit, 123. moritur, 130. eius virtutes, magnus animus, & prudentia, 130. & 131  
 Gallienus Aug. cum Francis bellū gessit, 3  
 Galli dicti Romani, & ceteri omnes, qui Imperio Rom. paruerant, 84. 289. & 290. taudem hoc nomen, iustum à Barbaris, deposuere, 292. 293  
 Galli Odovaceris imperium aspernauerunt, 232. legatos ad Zenonem Aug. ea de re mittunt, *ibid.*  
 Gallorum, & Francorum nomina, 292  
 Gallus Aruernorum Episcopus, 396  
 Gariwaldus Dux Vuldetradam, Theodobaldo viro orbatam, ducit vxorem, 466  
 Gaudenticus Atrij filius à Geisericō Romæ captus, 181  
 Gaudericus Rex Hunnorum Vasatas oblidet, 127. & 140  
 Geisericus Vandalorum Rex Romam diripit, 181. Eudoxiam, & filias eius Eudociam & Placidiam abducit, 181. Mauritaniam & Numidiam occupat, 184.  
 Basiliscum vincit, 187. Imperium Occidentis euertit, 189. eius res gesta, 208. & 209. quo anno Africam ingressus sit, 212. quo obierit, 212. & 233  
 Gelimer Vandalorum Rex Belisario se dedit, 377  
 Genebaudus Landuno Clauato Episcopus ab Remigio p. p. positus, 270  
 Geneua Chilperici prioris Burgundie Regis sedes, 139. deinde Lingduonm, 212. eadem Genens Godegisili R. postea domus, 272. Geneuenses nomini, 408  
 Genebaudes Francorum Rex à Maximiano in Regnum testitatus, 11  
 Genebaudes iunior, Marcomeres, & Sunno Frane. Reges in Galliam erumpunt, 67. & 68. 87. & 88. eos Duces Franco-

rum, non Reges fuisse, eus parauerit Gregorius, 87. & 88  
 Genouefa natione Francæ fuit, 317. quæ de ea scribuntur, perpena, 318. & 319  
 Germanus Autissioduriensis Episcopus, 180  
 Geronius à Constantino tyranno desinit, 107. Maximum Imper. appellat, *ibid.*  
 Constantem apud Viennam interficit, *ib.* Constantium obsider, *ib.* desertus à suis fugit in Hispaniam, 108. vxorem iniretimit, ac se pugione transfigit, 108  
 Gelasius Alarico patri succedit, 296. regno spoliatur à Theoderico Ostrogorth. Rege, 310. confugit ad Vandalos, deinde ad Francos, *ibid.* victus ab Iba Theoderici Duce interficitur, 310. & 311  
 Gelsoracum vel Bononia capitur à Constantio Cæsi, 11  
 Gildo Comes auxilia negat Theodosio aduersus Eugenium, 77. à Mascizela fratre victus interficitur, 95  
 Glycerius fit Imperator, 121. à Nepote ex Imper. fit Episcopus, 124  
 Goar Regulus Alauorum in Gallia confidentium, 98. & 121. Iouino tyranno fauer, 121. & 172  
 Godegisilus Rex Burg. Gundobadum fratrem vincit operâ Chlodouet, 172. & 173. Viennam occupat, *ibid.* à fratre interficitur, 174  
 Godegisilus Vandalorum Rex cum x milibus suorū à Francis caesus, 98. & 99  
 Godomarus in Burgundia regnat, 145. capitur à Francis, 178  
 Gothici nomini, 408  
 Gracorum Imperatorum vanitas irridetur, 210  
 Gratianus Aug. cur Francicus & Alamanicus dictus, 61  
 Gregorius Thronicus Episcopus arguitur, 210. 239. & 240. de Vero & Quiriano Episcopis loquens perpenditur, 248. & 269. reprehenditur, 297. 314. 325. 336. 364. 389. 401. 417. emendatur, 339. & 397  
 Gundericus Vandalorum Rex Gallias ingreditur, 101. 102. & 103. inde Hispanias, 106. & 111. quid in Hispania gesserit, 210. & 211  
 Gundeuca R. Chlodomere viro suo amisso, Chloshario leuitro iungitur, 147  
 Gundicarius Burgundionum Rex in Gallia sedem capit, 101. 102. 103. 112. & 113. Gallie Belgicæ manum inicit, 136. ab Aëtio victus pacem impetrat, *ibid.* ab Hunnis occiditur, 116. 117. & 118  
 Gunducus & Chalpericus Burgundie Reges, Gundicarij filij, 139. Sapaudiam ab Imperatore Valentiniano datam accipiunt, 134. & 139. Gunducensis Magister militum fuit, 198. Catholicus fuisse videtur, 199. cum Chilperico fratre regnat, 233. an genus duxerit ab Athanari-



# INDEX.

co, 133. eius 4. filij.  
 Gundobadus, Gundici filius, in Burgundia regnat, 133. Ligutii popularur, 144.  
 Chilpericum & Godomarum Reges, fratres suos, interimit, 150. à Chlodoueo victus obfidetur Auenione, 172. pacto tribuit euadit, 174. Viennam recipit, ibidem Godegisilo fratre occiso, 174. omni Burgundia potitur, 175. leges suis instituit, quas Franci victis reliquere, ibid.  
 Nathonem diripit, 310. obit, 318  
 Guntharius à Chlothario patre aduersus Gothos mittitur, 390

## H

**H**AMINGVS Dux Theodebetti in Italia, 417. Narſe tranſitum dare recuſat, 447. & 448. prohibet Vetonam ab Oſtrogothis Narſe dedit, 448. à Narſe victus & ceſſus, 463  
 Hategundis Chlotharij R. Fræc. vxor, 468  
 Heraclianus, Comes Africa, & Conſul, capite truncatus, 111  
 Heraclius Tribunus Ionianorum à Franci interfectus, 69  
 Hermegifilo Vatuorum Regi Theodeberti ſoror uubit, 339. deinde Radigeri eius filio, 340. à quo dimittitur, 141  
 Hermericus Suenorū Rex Galliam depopulatur, 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.  
 Hermiaſtridus Toringorum Rex, 334. Biſini filius, ibid. eius fratres, ibid. vxor & liberi, 334. & 335. Bertharium & Badericum fratres interficit, 335. & 336  
 Hinemarus arguitur, 161. 163. & 164. 101  
 Hiſpani à quibus pauere, & terga verte- re didicerint, 143  
 Hiſpania Principes Impetio Rom. permi- cioſos & exitiabiles dedit, 177  
 Honorius partem Imperij Occid. à Valenti- niano fratre repetit, 151. ex Eugenio pro- curatore ſuo gtauida, 156. Attilam in- uitar in Italiam, eique nuptias pollice- tur, 156. & 157  
 Honorius Aug. qualis Princeps, 118. & 121. quot prouincias amiſerit, 177  
 Huldes Hunnorum Rex, 154  
 Huneticus, Geiſericus filius, Vandalorum Rex, 110. vir Eudoeiz, Placidi Valenti- niani A. filiz, pater Hildericus R. 175  
 Hunni Marotm tranſeunt, 151. vſque ad Danubium impetum proſeunt, ibid.  
 Hydarius Aſiſianenſis Epiſcopus, non Limiceenſis fuit, 29

## I

**I**BENIA, Scotia dicta, & vlterior Sco- tia, 143  
 Imperatores Orientis, Theodoſius iunior, Marcianus, Leo, primas ſibi, & ius ele- ctionis Imperatorum Occid. confirman-

de vindicare, 187. & 188  
 Imperatores in Oriente, poſt Theodoſium iunior, non uiſi ſenes facti, 332  
 Imperatores, Reges, & Auguſti, Regine ſæpe ab Auſtoribus dicuntur, 130  
 Imperatores multi vxores ſuas, niſi enizas, non appellauit Auguſtas, & corona- runt, 148. ante hanc appellatiouem No- biliffimæ, vel Nobiliſſimæ femine voca- bantur, ibid.  
 Imperatores cur Romæ habitauerint, 116. cur poſtea Mediolan. 117. cur deinde Rauennæ, 117. & 118  
 Imperatores Occidentis, vt Catolus Ma- gnus, aliique, cur Pæpæ dicti à Græcis, non Banſiæ, 119. & 130  
 Impetium Occidentis Imperio Orienta præſtat, 188  
 Imperium Romanum dictum est iſe xui Reſpublica, & Parſis, 146  
 Impetium Rom. virorum eſt, non ſemi- natum, 157  
 Impetium Rom. femine regunt, 154  
 Imperium Occidentis à quo eueſum, 109  
 Ingomeres, Chlodouei filius, baptizatur, & paullo pòſt obit, 353  
 Ingundis Chlotharij R. vxor, 467  
 Iniurioſi, Turonici Epiſcopi, in defenden- da Eccleſia, increpandòque Rege li- bertas, 443  
 Ioannes ſit Imperator, 113. à ſuis prodius capitur, & capite truncatur, ibid.  
 Ioannes Pape Inſulinum Aug. non cono- nauit, 351  
 Iordanes arguitur, 116. 118. 120. & 121  
 Joſephus Scaliger reprehenditur, 169. & 170  
 Iouinus tyrannus, 111. cum Sebaſtiano fra- tre, conſorte poteſtatis, opprimitur, ib.  
 Italia minor quæ apud Gregorium, 427  
 Italia Francis peſtilens & exitiabilis pro- uincia, 455  
 Iudicail Britannorum Rex, 182  
 Iuliana Olybrij Aug. & Placidiz filia, 118.  
 Areobindo Patricio nupſit, ibid. cina pietas, ibid.  
 Iulianus Cæſar Francos captos mittit Conſtantio, militaturos, 18  
 Iulianus Salios & Chamanoſ aggreſſeditur, 38. 39. & 40. Salios deditiſſos tradidit in Galliam, 39. & 40  
 Iulianus Luteciz Patriciorum appellatur à militibus Imperator, 43  
 Iulius Nepos, pulſo Glycerio, ſit Impera- tor, 113. ab Oreſte Magiſtro militum ex- pellitur, 117. auxilium à Zenone A. petit, 231. inſidus Glycerij circumueſtus per- ſit, 232  
 Iuſtinianus à Iuſtino auunculo particeps Imperij & ſucceſſor designatur, 335. & 336. ſolus imperat, 357. exercitum in Hiſpaniam mittit, 444. 445. 446  
 Iuſtinus ſenior Aug. 332. & 333

Rij ij

# INDEX.

Iuthungi viſi ab Aſcio, [134.](#) & [135.](#) Suavi  
dicti Iordan, [135](#)  
Iuthungi, gens Alamannica [11.](#) eorum in  
Rætiâ & Italiam excuſſiones, [3.](#) & [4.](#)  
in Rætiâ, [61](#)

## L

**L**ÆTI quæ gens, [31.](#) Læti Neruij, *ibid.*  
Lætica rex, *ibid.* pagus Læticus, [161](#)  
Lætia opidum Neruiorū à Lætis dictum, [33](#)  
Laniogaiſus, Francus, Tribunus, [35.](#) Con-  
ſtantis Aug. Candidatus, & fugæ eius  
vnicus comes, *ibid.*  
Lantbaricus Dux Theodeberti, [416.](#) cæ-  
ſus, [440](#)  
Lanzhildis, ſoror Chlodonei, Arianam  
hæreſim ciurat, [161](#)  
Latiensis inſula, quæ & Chriſtopolis,  
Theodeberti & Theodebaldi R. fuit,  
[461](#)  
Laudunum ab Alanis, Vandalis, & Hunnis  
capî non potuit, [103](#)  
Landro, Conſtantiæ Epifcopus, Francus, [414](#)  
Legatio Iuſtiniani A. ad Francorum Re-  
ges, [404.](#) Vitigis Oſtrogothorum Regis  
ad eodem, [407.](#) Belſarij Parricij ad  
Theodebertū Franc. Regem, [417.](#) Chil-  
deberti, Chlotharij, & Theodeberti ad  
Vitigim, [419.](#) Belſarij ad eundem, [419.](#)  
& [420.](#) Iuſtiniani A. ad Theodebaldum  
Franc. Regem, [441.](#) & [441.](#) Theodebal-  
di ad Iuſtinianum, [444.](#) Narſe ad Hamin-  
gum Ducem Francorum, [447.](#) & [448.](#)  
Teiz Regis Oſtrogoth. ad Theodebal-  
dum R. [448.](#) Oſtrogothorum ad eun-  
dem, [449](#)  
Leubenſus, Carnutenſis Eccleſiæ Epifco-  
pus, Francus, [414](#)  
Lentharicus cum Francis & Alamannis Ita-  
liam populatur, [455.](#) incommodum ac-  
cipit, [455.](#) & [454.](#) cum ſuis morbo in-  
terit, [454.](#) & [455](#)  
Liberius Præf. Præt. Galliarum ſub Regi-  
bus Italiæ, [311.](#) in Hiſpaniam miſſus à  
Iuſtiniano, [445](#)  
Ligericinum flumen, ſeu Ligeritum, *U. la*  
*Loirette*, [122](#)  
Limes Tranſſenanus, [7](#)  
Liticiani apud Iordanem qui, [161](#)  
Liticius Comes Narbonem obſidione li-  
berat, [140.](#) Tolosâ obſider Hunnis fre-  
tus, [140.](#) 141. viduus capitur & perit, [141](#)  
Longaticus, manſio in Itinerariis nota, à  
Iuliano Træſ. dicitur, [30](#)  
Lucius, Conſularis Belgicæ primæ, cur  
Treuiros Francis prodidit, [185](#)  
Lutecia Pariſiorum à Chlodoueo regia e-  
leſta, [199.](#) Childerbero eius filio, [311](#)  
Lutea, Scipimanæ opidum, Veſigotho-  
rum; deinde Francorum; iterum Veſi-  
gothorum fuit, [121](#)

Lurto, Francus, Siluani partium adiutor,  
occiditur, [35](#)

## M

**M**ACCLAVVS, Chanaonis Comitſ  
Britannorum frater, [441.](#) viouſ hu-  
matur, *ibid.* ſit Epifcopus Venericus, *ib.*  
mortuo fratre, vxorem ſuam, quam di-  
miſerat, cum Regno recipit, [442](#)  
Magnentius, Francus, ex Tribuno Impera-  
tor, [29.](#) Conſtante A. occiſo, Occidentē  
occupat, [30.](#) Nepotianum Romæ oppri-  
mit, *ib.* auxiliis Francorum inſtructus  
vincitur à Conſtancio A. & ſe gladio  
tranſfigit, [30.](#) Chriſtianuſſur, [111.](#) & [31.](#)  
eius vita & virtutes, *ibid.*  
Magnus Felix, ex Præf. Præt. Monachus, [11](#)  
Maſorianus volunnare Leonis A. ſit Imper-  
ator Occidentis, [187.](#) quæ priuſus geſ-  
ſerit, [189.](#) Geſſerico bellum inferre pa-  
rat, [192.](#) pacē cum eo facit, *ib.* à Ricimero  
Patricio occiditur, [191.](#) eius virtutes, [193](#)  
Malaricus, Francus, Tribunus Gentilium,  
[14.](#) Magiſterium militum reſtat, [44](#)  
Mallobaudes, Francus, Tribunus Armatu-  
ratum, [34.](#) Saporî Regi Petſarum obſer-  
datur à Iouiano A. [44](#)  
Mallobaudes, Francorum Rex, à Graciano  
A. Comes Domeſticorum factus, Ala-  
mannos viſit, [118.](#) Proterum Regem eo-  
rum interficit, *ib.* Mactrianum Alaman-  
norum Regem in Francia occidit, *ibid.*  
poſtea Magiſter militum, [12](#)  
Marcellinus Parricius, [106.](#) & [107.](#) occi-  
ditur, *ibid.*  
Marcellinus Chronici ſcriptor arguitur,  
[118](#)  
Marcharidus, Gildonis partium adiutor,  
proſcriptus, [95](#)  
Marcianus à Pulcheria ſit Imper. [149.](#) eius  
virtutes & reſ geſtæ, [110](#)  
Marcianus Patricius, Anthemij A. filius,  
Marciani A. nepos, gener Leonis A. [115.](#)  
Zenoni A. bellum inferit, [115.](#) ſit Pres-  
byter, *ibid.*  
Marcomeres & Sunno, Reges Franc. collo-  
quuntur cum Valentiniano Aug. [72.](#)  
oblides ei dant, *ibid.* Regales, & Subre-  
guli, & Reges dicti Alexandro, [81.](#) eo-  
rum reſ geſtæ, [89.](#) & [90.](#) exiſus, [91](#)  
Marcomeres idem, Faramundi R. pater,  
[89.](#) Sannonis frater maior natu, *ib.* Rex  
Bucſtorum, Chamauorum, Amſua-  
torum, & Cattorum, Francicarum gen-  
tium fuit, [89.](#) & [90](#)  
Martinus à Gallis *et* *et* Dominus ap-  
pellatus, [121](#)  
Mauriacum, nunc Metiacum, [164](#)  
Maximianus A. cognomine Herculis in  
Franciam erumpit, [11.](#) Francicus dictus,  
*ib.* purpuram rec *ſuſcipit*, [19.](#) [20.](#) [21.](#) & [22.](#)

# INDEX.

**Conſtantino genero captus occiditur, 22**  
**Maximus a n. Germanis tributa exegit, 67. à Francis abſens viſus, 67. & 69.**  
**\* interficitur à Theodoſio, 69**  
**Maximus à Geronio fit Imperator, 107. & 11**  
**Imper. exſul, 108. iterũ in Hispania impe-**  
**rat, 108. captus ab Honorio occiditur, 118.**  
**Maximus Valentiniano interempto ſe Im-**  
**peratorem facit, 179. Endoxiam ducit**  
**vzorem, ibid. ab ea occiditur, 181**  
**Medardus ægrotans à Chlothario R. viſi-**  
**tur, 485**  
**Meroliacum caſtrum in Aruernis, 382**  
**Meroueus Franc. Rex, cuius filius, 144.**  
**Chlodion ſuccedit, 146. Ambianos re-**  
**giam eligit, ib. auxilium fert Aëtio ad-**  
**uerſus Attilam, 161. Germaniam pri-**  
**mam, & Belgicam ſecundã ſubigit, 179.**  
**Treuiri ſurſipit, 181. viſque ad Sequa-**  
**nam pleraque occupat, 189. moritur, ib.**  
**Merouingit cur Criſtati dicti, 145**  
**Minores nati in purpura geniti, maiori-**  
**bus ſcætris patre priuato natis bel-**  
**lum intulere, 215**  
**Mogontiacum à Poſtumo captum, 1. à**  
**Vandalis & Alanis, 103**  
**Mucruna, Chrothildis ſoror, Virgo de-**  
**uota, 150. Fredegario Sedeleuba dicta,**  
**ibid.**  
**Munderiens Regnum aſſectans opprimi-**  
**tur, 184. & 185**  
**Mundiucus, Hunnorum Rex, Attilæ pa-**  
**ter, 754**

## N

**NANNENS & Quintinus Francos**  
**apud Carbonariam vicere, 68**  
**Narbo capitur ab Ataulfo Rege Veſigoth.**  
**110. recipitur à Conſtancio, ibid. obſeſ-**  
**ſus à Theodorico maiore, liberatur à Li-**  
**torio, 140. ab Agrippino Comite Theo-**  
**dorico minori traditur, 196**  
**Narſis rex geſſit in Italia aduerſus Fran-**  
**cos, à pag. 446. viſque ad p. 464**  
**Nebiogaſtes Rex Chamauorum, gentis**  
**Francicæ, matrem ſuam Italiano dar ob-**  
**ſidem, & filium bello captum apud eum**  
**relinquit, 41. eius ad Inlianũ oratio, 43**  
**Nemeræ ab Alanis & Vandalis capta, 103**  
**Nempodorum paria S. Genouez, 317**  
**Nebiogaſtes, Francus, Dux Conſtantini**  
**Tyranni, 106**  
**Neuſtrix fines, 121**  
**Nicaea & Cemenelum vtbes Provinciæ**  
**fuere, Franciſque paruere, 409. & 410**  
**Nicetius Treuitorum Epiſcopus Theodo-**  
**rico Regi venerationi fuit, eũque li-**  
**bete caſtigauit, 196. Theodebertũ quo-**  
**que eius filium, 417. Chlothario ſacris**  
**interdicit, 465. ab eo in exiliũ mit-**  
**titur, 491. reuocatur à Sigiberto, ibid.**

**Notici & Daci an Theoderico Italiae**  
**Regi paruere, 333**  
**Nunechia à Getonio viro ſuo interimi-**  
**tur, 108**

## O

**OSTA & Hunnotum Rex, 154**  
**Odoacer Italiam occupat, 218. &**  
**229. Senatũ R. legatos ad Zenonem**  
**mittere cogit, 231. Proninciam Enrico**  
**Veſigoth. Regi dat, 234. cur Tyrannus**  
**dictus, ibid. Rugos domat, 241. Noticos**  
**Ripenſes in Italiam tranſfert, 243. ab**  
**Theoderico Oſtrogoth. Rege viſus oc-**  
**ciditur, 244**  
**Odoinus Comes iuſſu Theoderici Oſtro-**  
**goth. R. capite truncatur in Seſſorio**  
**Palatio, 271**  
**Olybrius ſic à Ricimeri Imp. 214. Valen-**  
**tiniani A. gener, 216. obit, 217**  
**Oreſtes, pater Romuli A. 226. & 227. ex**  
**Notario Attilæ R. Patricius, ib. Magi-**  
**ſter mil. à Nepote A. factus filium Imp.**  
**creandum curat, 229. ab Odoacre occi-**  
**ditur, 239**  
**Oſtrogotha Theoderici Oſtrogoth. R. fi-**  
**lia, Sigifmundi coniux, 245**  
**Oſtrogothi à Procopio ſemper Gothi di-**  
**cti, 402**

## P

**PAPAVVS Solſonius, 271**  
**Papianilla, Auiti A. filia, Sidonij vxor,**  
**185**  
**Parthenius Theodeberti Conſiliarius in-**  
**terſicitur à populo, 439. & 440**  
**Paternus legatus Chlodouei ad Alaricum**  
**Regem Veſigoth. 392**  
**Patriciarũ cur pererent ab Imperatoribus,**  
**& delatum libenter acciperant Reges**  
**Gentium Barbararum, 308**  
**Patricij in Burgundia qui dicerentur, 301,**  
**303**  
**Paulus Langobardus emendatur, 390. &**  
**463. arguitur, 410**  
**Paulus Comes Andecanorum à Childe-**  
**rico Franc. Rege interſicitur, 235**  
**Placidia A. Valentiniani filia, Olybrij vxor,**  
**217. vidua Conſtantinopolim petit, 218**  
**Placidina vxor Apollinaris, Sidonij filij,**  
**mater Arcadij, auia Placidinæ Leontij**  
**vxoris, 323. & 324**  
**Placidus Valentinianus Aug. ſic Czſar à**  
**Theodoſio, deinde Ioanne tyranno**  
**oppreſſo Imp. 123. & 124. occiditur, 172.**  
**eius vitia, 177. & 178. prouincie ab eo**  
**amiſſæ, 177**  
**Pompeianus Dux, cognomine Francus, 2**  
**Pons Caſulini, 456**  
**Priamus Francorum Rex, Marcometiſ**  
**pater, 86. & 87**

R. et. ij

## INDEX.

Probus A. Francos vincit, [8](#), Francicus  
 dicitur, [ibid.](#)  
 Procopius arguitur, [246](#), [304](#), & [305-326](#),  
[341](#), [361](#), [370](#), [408](#).  
 Proculus tyr. Gallias occupat, [9](#), prode-  
 nitur Francis vineit ad Probo, [ibid.](#)  
 Provincia Massiliensis Chlodouei prin-  
 cipatu Burgundionum non fuit, [334](#).  
 Propinea Francis data a Vitige Rege  
 Ostrogoth. [407](#), & [409](#). Propineia  
 concilio an. a Iustiniano confirmata  
 fuerit, [407](#), & [408](#). Arclatum & Massi-  
 lia elatissime eius vrbes, [410](#)  
[411](#)  
 Ptolemus emendatur, [24](#), & [320](#)  
 Pulcheria A. Marcianum Imper. creat,  
[149](#), ei nubit Virgo deuota & quinquage-  
 naria, [ibid.](#) Impetij creat, [151](#), & [152](#)

**202.** Anthemium Aug. focerum suum  
ingulat, **214.** Olybrium Imper. facit,  
**214:** obit, **217.** eius virtutes & vita,  
*ibid.*  
**Ricometes**, Francus, Comes Domestico-  
rum, **59.** Consul & Magister mil. **60.**  
**Theodomis** Regis Franc. pater, **61.**  
eius virtutes, *ibid.*  
**Riothimus** Britanorum Armorico-  
rum Rex, **212**  
**Riparioli**, vel Riparii qui, **165**  
**Ross**, vel Rugla Hunnorum Rex Ioanni  
Tyranno mittit auxilia, **234.** Aetio quo-  
que, *ibid.* moritur, **214.** & **255**  
**Rodericus** reprehenditur, **222.** & **227**  
**Romani** milites **227** و **228** Milites dicti,  
**446**

Q

Q VAD cum Vandalis & Alanis in  
Galliam erumpunt, 109  
Quaestia flumen, vulgo Canchia, 131  
Quintianus Rutenorum Episcopus, deinde  
Athenorum, 168, 169, 170  
Quincius Magister militie in Francia  
vincitur, 68, 69, & 87

Romanus Patricius capite cæsus,	218
Rufinus Aquitanus,	86

\$

R  
**R**AOAGAISVS Rex Gothorum à  
 Scilicione viduus, 27  
 Radegundis Bertharij Toring. Regis filia,  
 à Chlothario cum fratre capta, 39. nu-  
 bit Chlothario, 36. fit ex Regina Mo-  
 nacha, 46. Pictavis Monasterium puel-  
 lorum exstruit, *ibid.* eius virtutes, 36,  
 & 366  
 Ragnacharius Rex Franc. Chlodouco  
 auxilium fert aduersus Syagrium, 140.  
 ab eo victus occiditur cum Richario &  
 Regemore fratruibz, 108. & 302  
 Raouinda, Herminafridi Toringorum  
 Regis filia, 362. & 363  
 Ratenus vel Ratienensis pagus (*Rais*) ex  
 quo Britannia attribui coepit, 185  
 Rechiaris Suenorum Rex à Theodorico  
 iunior Veligoth. Rege victus, captus, &  
 interfectus, 184  
 Regaisus Francorum Rex in Gallia à Con-  
 stantio A. captus & interemptus, 16,  
 & 17  
 Remigius Remorum Episcopus Chlodo-  
 uum baptizat, 160. ei vices suas Hor-  
 milda P. non committit, 170  
 Rependial Alanorum Rex Galliam in-  
 greditur, 101. 102. 103. Hispaniam, 106  
 & 111  
 Rielmer Magister milicum Auito Impe-  
 rium adimit, 181. fit Patricius, 186. Ma-  
 ioriam Aug. interfecti, 192. Regem A-  
 lanorum Bcorgorem victum occidit,

Salicæ & Jex à quo lata, 118  
 Saligens Franca, 18. 39. & 40  
 Salij Semotes, & Salij Iuniores, 39. & 40  
 Salomon Rex Brittonum Carolo Franco-  
 rum Regi fidem obligat, cofirmam  
 pendit, 281. & 286. & Wigo eius filius,  
*ibid. ibidem nomen foverat Heliopolis Rex*  
 Britannorum, 187  
 Salutaris noo Auennicæ; fed Avenicæ ci-  
 vitatis Epifcopus, 338  
 Sangibanus, Alanorum in Gallia confu-  
 deorum Rex, tractum Valentini in-  
 coleo dum accipit ab Aëtio, 171. Aure-  
 liano tradere vult Aëtiz, 161. 163  
 Sapaudia Burgundionibus à Valentini-  
 ano. A. datur cum incolis dividenda, 374.  
 & 379  
 Sauro reprehenditur, 104  
 Saxones in Galliam incurrunt, 11. 36. 39.  
 & 40. 45. & 46. 47. 179. 235  
 Saxones Valentini aufpicus viâti, 47  
 Saxones multi in Baiocafibus, & in Na-  
 gnetibus fidem cepere, 217  
 Saxoniz pars à Theodorico Franc. Rege  
 facta tributaria, 396. & 397  
 Scoti & Picti, 47  
 Sedunum captum ab Alais & Vandalis,  
 103  
 Septimania nonnumquam Hispania di-  
 cta, 376. & 372  
 Seronatus Præfeâus Prætor. Galliarum  
 damnatus, 214  
 Seuerinus Abbas, 106  
 Seuerus fit Imp. iniuffu Leonis A. 193. à  
 Leone auxilium aduectus Geifetricum  
 R. petiit, 194. obiri, 202  
 Seuerus Treucorum Epifcopus Burgun-  
 diones baptizat, 138

# INDEX.

Sicambri idem & Franci, 96. 121. & 160  
 Sidoonius gener Auiti Aug. Praefectus Vt-  
 bis & Patricius, deinde Atruernorum  
Episcopus, 185. & 186. contra Maiorianum A. arma tulit, 186. ei Consuli Pa-  
 oegycticum dixit, 188. item Anthemio  
 Aug. 11 Consulatum inuenit, 106. Li-  
 uianā clauditur ab Eurico Rege Vesi-  
 goth. 116. Sedisux restituitur, ibid.  
 Sidorius emendatur, 121  
 Sigibertus Francorum Rex regnauit Col-  
 oniae Agrippinae, 156. ab Alamannis  
 vulneratur, ibid. Chlodoueo aduersus  
 Alaricum R. mittit auxilia, 194. à Chlo-  
 derico filio interimitur, 106  
 Sigismerus Eorici Vesigotb. Regis filium  
 ducit uxorem, 119. & 120  
 Sigismundus Burgundio ao viuo patre  
 Rex fuerit, 128. & 119. Patricius ab  
 Anastasio Aug. factus, 119. Atianam  
 haereticum damnat, 170. & vnā cum eo  
 Burgundiones, ibid. Sigisricum filium  
 occidit, 137. Monasticum habitum in-  
 duit, ibid. à Chlodomere victus capitur  
 & interficitur, 144. & 145  
 Sigisricus, Sigismundi R. patris sui iussu  
 iugulatur, 117  
 Sigualdus Atruernorum Dux, 185. ioter-  
ficatur iussu Theodorici Franc. Regis,  
 194  
 Siluanus, Francus, Magister militum, 14.  
 accusatur apud Constantium A. Maie-  
 statis purpuram sumit, 35. interficitur,  
35. eius virtutes, ibid.  
 Silico pacem facit cum Francorum Regi-  
 bus, & ab eis obsequia accipit, 91. 92. 93.  
 & 94. Barbaros immitte Gallias, 27. &  
28. ab exercitu interficitur, 104  
 Sualgotta Regina, 143  
 Suau quæ gens, 135. dux nationes ita di-  
 citur, 135. & 136  
 Suidas emendatur, 445  
 Suono Francorum Rex, 72. 88. 89. 90.  
 & 91  
 Syagrius Agidii filius, à Chlodoueo vi-  
 ctus ioterficatur, 140  
 Syracusæ à Francis capta, 8. & 9

## T

**T** A I F A L I in agro Pictonum coe-  
 dere, 475. & 476  
 Tarraco à Francis captus, 5. 4. & 5  
 Taruenoa Morinorum capta ab Alanis &  
 Vandalis & euerfa, 103  
 Teia Ostrogoth. Rex à Natse interficitur,  
448  
 Teutomerus Francus, Protector Domesti-  
 cus, 35. deinde Dux, 44.  
 Theodahadus priuatus Rex Tusciae di-  
 ctus, 401. & 402. Amalasueoribam,  
 à qua Rex factus fuerat, interemit,

400. à Vitige iugulatur, 406  
 Theodebaldus Franc. Rex, 440. legatus  
 Iustiniani A. respondet, 443. per lega-  
 tos Iustinianum A. pro Vigilio Roma-  
 no Episcopo precatur, 444. obit, 465.  
 eius mores, ibid.  
 Theodebertus viuo patre Danorum Re-  
 gem victum interficit, 326. & 327. pa-  
 trem in Toringiam sequitur, 328. in  
 Septimania & Prouincia bellat, 320. &  
321. mortuo Theodorico patre regnat,  
 398. à patris frustra oppugnatur, ibid.  
 pace facta à Childeberto inuitatus, ho-  
 nificè excipitur Luteciæ, 399. x mil-  
 lia Burgundioum mittit Virigi auxi-  
 lio, 414. Italiam Regem Franc. primum  
 ingreditur, 416. ibid. Orlam Ducem  
 Ostrogoth. fundit, 416. Marrioum &  
 Ioannem Magistros militum Rom. 417.  
 Genuam diripit & excidit, 418. iocopia  
 pressus domum redit, 418. & 419. ma-  
 ximam patrem Liguriz, Venetiz, &  
 Alpium Cottiarum occupat, 416. &  
427. cum Alamanno & Sueoia Raxias  
 tenuit, 428. bellum inferre Iustiniano  
 parat, & quare, 413. obit, 414. cor Ma-  
 gnus dictus, 435. quas provincias pos-  
 sederit, ibid. eius virtutes, 435. & 436.  
 beneficentia in Atruernos, 436. in Ve-  
 rodunenses, 437. vitia, 437  
 Theodeberto iuniori vindicant tres epi-  
 stolz, 438. & 439  
 Theodechidis Regina quæ fuit, 428.  
 319. 140. 141. & 144. Sualgotta Reg.  
 filia, 343  
 Theodemetr Rex Ostrogothorum, 112  
 Theodericus Ostrogoth. Rex Italiam pe-  
 tit, 141. Odoacrem superacum sua  
 manu interficit, 144. Regium insigne su-  
 mit non expectato Anastasij A. consen-  
 su, 145. quas prouincias occupauerit, ib.  
 quibus affinitatibus se firmauerit, ibid.  
 leges tulit, & magistratus popularibus  
 dedit, 146. edificat fuit, ibid. Con-  
 sulatus desert, ibid. Alamannos pro-  
 fugos io Italiam recipit, 157. pro eis  
 Chlodoueam deprecatur, ibid. lega-  
 tos ad Alaricum & ad Gundobadam  
 mittit, 153. ad Chlodoueam Regem,  
191. & 194. Fraecos per Ibam viciat,  
 303. Gelasium R. victum ioterficat, 310.  
 Regnum Vesigothorum occupat, 311.  
 obit, 351. dictus est à recentioribus scri-  
 ptoribus Veronenfis, 169  
 Theodomerus Francorum Rex, 111. cum  
 Ascula matre ioterfectus, ibid. quo pa-  
 tre oatus sit, 61. & 115  
 Theodoricus maior Vesigotb. Rex Arela-  
 tum oppugnat, 119. obfides à Gallis  
 accipit, 140. Narbonem frustra obfider,  
140. Litorium Comitem, à quo obfide-  
 batur, victum capit, 141. io campis  
 Rex iij

# INDEX.

- Catalaunicis ab Hunnis occiditur, 163.  
& 164.  
Theodoricus iunior, Vefigoth. Regnum  
fraire interempto occupat, 172. auctor  
est Anito recipiendi Imperij, 182. Re-  
chiarium Sueotorum Regem victum  
acie capit & interficit, 184. Autum de-  
stituit, 187. cum Maioriano A. bellum  
gerit, 190. Arclatum obfidet, 190. & 191.  
societatem cum Maioriano iungit, ibid.  
Narbonem occupat, 196. in Hispania  
fines Regni profert, ibid. ab Eurico fra-  
tre interimitur, 205.  
Theodoricus Chlodouei filius maiorem  
paterni Regni partē forte obtinet, 322.  
Danos vincit, 327. Herminafrido auxi-  
lium fert aduersus Badericum, 336. bel-  
lum Herminafrido infert, 358. & 359.  
Chlotharius fratrem interimere co-  
nat, 360. Herminafridū interficit, 360.  
Aruernos recipit, 381. Meroliacum, 382.  
Loulaurum, 383. Muodericum, rebel-  
lem opprimit, 384. & 385. Sigualdum  
propinquum interficit, 394. moritur,  
395. eius virtutes & vitia, 395-196. & 397.  
Theodosius Magister militum Fraocos in  
Bataua fedit; Saxones circa Orca-  
das, 46.  
Theodosius, eius filius, factus à Gratiano  
Imperator, 62. Maximum Tyannum  
victum interficit, 69. Eugenium & Ar-  
bogastum vincit, 82. obit, 83.  
Theodosij iunioris vitia, 124. & 147.  
Theodoualdus & Guntharius Chlodo-  
meris R. filij à paruis suis iugulati, 187.  
& 188.  
Theudechildis, an Chlodouci Regis filia  
fuerit, 126-147.  
Theudis Ostrogothus tutor Amalarici,  
311. cæso Amalarico Rex Vefigothorum  
factus, 374. à suis confoditur, 410.  
Theudisclus Dux ei succedit, 431. & mox  
interimitur, ibid.  
Thorismundus regnat apud Vefigothos,  
164. an Alanos ab Attila defendit,  
171. occiditur à Theodorico iuniore,  
fratre suo, 172.  
Tiro Prosper Aquitanus in Fastis corrigi-  
tur, 159-173. in Chronico, 173.  
Toletum quo tempore Regum Vefigo-  
thorum sedes cœpetit esse, 171. & 374.  
eius antiquum iohgne duæ turres, 374.  
Tolosa data Vefigothis com Aquitaniz  
parte, 115. & 132. recepta à Chlodoueo,  
297.  
Tolosa Vefigothorum Regum sedes, deu-  
de Narbo, 357. postea Toletum vrbs  
Hispaniz, ibid.  
Tolosanus pagus cur à Septimania distin-  
guatur, 39.  
Toringi, gens non vetusta, in Franciam  
erumpunt, 147. tributarij à Chlodoueo  
facti, 147. Toringorum Reges, 133. &  
segg. Toringi nō sunt ab Augusto collo-  
cati in Germania, quæ eius non erat, 161.  
Totila Ostrogoth. Rex qualis quantū-  
que, 424. filium Regis Francorum in  
matrimonium petiit nec obtinet, & qua-  
re, 431. Romam bis capit, ib. à Narfe  
Patricio interficitur, 448.  
Toxandria locus à Salis Francica gente  
occupatus, 18.  
Traiectensium & Iuliaccensiu agri à Fran-  
cis depopulari, 37.  
Traunila apud Gregorium quis, 403.  
Treuri à Francis direpti & iocosi, 112.  
& 113. quater capti, 113. ab Attila ex-  
pugnati, 159. iterum à Francis direpti  
& incensi, 185. rursus Childenel pū-  
cipatu capti, 235. sedes Imperatorum &  
Cæsarum, dum morabantur in Galia,  
118.  
Tridentum & Ceneta vrbes, Theodeber-  
ti & Theodebaldi R. Franc. fuerē, 463.  
Tungri ab Attila euerfi, 159.  
Turnacum captum ab Alanis & Vandalis,  
103.  
Turoni recepti à Chlodoueo, 291. aditi à  
Chlothario, 485.

## V

- Valarix Rex Ostrogothorum,  
Theoderici pater, 243.  
Valentinianus maior filius Imperator, 44.  
cum Francorum Regibus Coloniz fœ-  
dus inix, ib. Francicus dictus est, 46.  
moritur, 52.  
Valentinianus iunior, eius filius, Augustus  
appellatur, 52. Romæ cum Theodosio  
A. de Maximo victo triumphat, 69. cum  
Marcomere & Sunnone Francorum  
Regibus colloquitur, obfidēsq; ab  
eis accipit, 71. ab Arbogaste interfici-  
tur, 75. eius virtutes, ibid.  
Valentinianus, Valecoriniani maioris pro-  
nepos, filius à Theodosio iuniore fratre  
patruele Imperator, 124. Vide Pla-  
cidus.  
Vala Vefigothorum Rex, 114. beneficio  
Honorij Aug. Aquitaniam secundam  
& Nouempopulos cum Tolosa possi-  
det, 115.  
Vandalorum veteres sedes, 99. & 100. in  
Galliam irruptio, 101. in Hispaniam,  
106. & 111. in Africam, 121. & 127. &  
211. eorum in Africa Reges, 375. & 376.  
Vangionum vrbs ab Alanis & Vandalis  
capta & deleta, 103.  
Varnorum sedes, 341. Reges, 339. & 340.  
Vasate à Gausferico Hunnorum Rege fr-  
stra obfessæ, 140.  
Vascones, alij Hispani, scilicetiores, alij  
Citimi dicti, 283.

# INDEX.

Vetia, Septimaniz vrbs, vñ cum Tolosa post Alarici cædem semper Francis paruit, 393  
 Vedastus, Francus, Presbyter Chlodoveum reſtanti fidem edocet, 359. à Remigio fit Archiepiscopus, *ibid.*  
 Venerica regio quare Broguerec dicta, 379  
 Veneti vrbs Britannis, dein Francis, iterum Britannis, ac demum Francis pater, *ibid.*  
 Veneriz vrbs origo, 168  
 Verodunenses deficiunt à Chlodoveo, 271. impetrarà venià porras ei aperiant, *ibid.* Theodeberti Regis in eos beneficentia, 417  
 Vefontio à Vandalis captus, 203  
 Vicer fluvius, 221  
 Victor Cæſar, Maaimi Tyranni filius, 36  
 Arbogaste occiſus, 69  
 Victoriacum, 385  
 Vigilius Papa Childebertum Regem Francorum rogat, vt Eccleſiæ Romanæ ſuæ abſentiæ deſtitutæ curam *gerat*, 479. pro eodem reſtituendo Sedis ſuæ ſuſtinentium precatue Theodebalduſ Franco- rum Rex, 444  
 Viri fortes apud Gregorium qui vocentur, 389  
 Virigis Ostrogothorum Rex, 406. Theodahadu occidit, *ibid.* Prouinciã Francorum Regibus tradit, 407. & Alamannos dimittit, 420. Romam fruſtra obſidet, & Ariminum, 413. Moneta-

num recipit, 415. Raocanz obſeſſus, Belſario ſe dedit, 420  
 Vltrogotho Regina, vxor Childeberti Regis Franc. pia femina, 481  
 Vprarus Hunnorum Regulus Gundicarius Burgundionum Regem interficit, 177. ſatiare rumpitur, *ibid.*  
 Waco, Langobardorum Rex, Wiſigardis & Wildetrade Reginaturn Franc. pater, 390  
 Widimer Ostrogothorum Regulus Galliam petit, & ſc cum Veſgothis iungit, 222  
 Wiliacharius, Chramui ſocer, in Baſilicam S. Mattini meru Clotharij conſugit, 481. ibi vixit exurit, *ibidem.*  
 Wiomadus Francus Childericum bis vitæ periculo eripit, primò puerum ab Artila caprum, 158. iterum Regem Francis inuiſum, 200. Regno cum ieſtruit, 200.  
 201. poteſtatis conſors ab eo fit, 202  
 Wiſigardis deſponſa Theodeberti, 390. ei conſubio iungitur, 421  
 Wildetrada, Theodebaldo Rege viro ſuo orbata, Chlothario iungitur, 466. deinde Garibaldo Duci, 466

Z

ZENO à Leone juniore, filio ſuo, fit conſors imperij, 225. moruo filio ſolus imperat, *ibid.* à Baſilico capellur, 228. Imperium recuperat, *ibid.* obit, 249. *imp. expenſus de ſecundis, ibid.*

Studioſe Lector errata ſic emendabis.

PAGINA 4. liſed 4. Batavorum ab Francis cap- tum, ſcribo, Friſorum, gentis Francicæ.  
 14. 1. 10. Poſtumus audus clauam tenens, ex altera templo, ſcribo. Poſtumus, ex altera Hercules odus, clauam & arcum tenens.  
 Pag. 7. 1. 10. Antiochenſis, ſcribo, Antiochenſis.  
 P. 10. 1. 12. XXXVI, ſcribo, XXXV.  
 P. 48. 1. 11. proruperunt. Molientes ſcribo, pro- rumperet molientibus.  
 P. 76. 1. 11. Arbogaste, ſcribo, Arbogastes, 14. 1. 16. dele parua.  
 P. 77. 1. 11. ciliſcio inoolutum, proſtratũque, ſcribo, ciliſcio ſuperſtratũ.  
 P. 112. 1. 12. Thebanus, ſcribo, Thebaeus.  
 P. 120. 1. 13. & 14. dele, cognomine Ripariorum.  
 P. 121. 1. 5. que Procius, &c. dele has tres lineas vixit ad has verba, At Theodoſius.  
 P. 123. 1. 17. ſerula, ſcribo, ſercula.  
 P. 127. 1. 1. cluſdemque ac, ſcribo, cluſdemque mo- te ac.  
 P. 129. 1. 17. cccxxv. ſcribo, cccxxv.  
 P. 143. 1. 17. Vetrigerum Anglorum Regem, ſcri- bo, Angles.  
 14. 1. 12. p. 141 addo ex peninſula Cimbrica, vbi tum ſedes habebant, cum Saxonibus & Iuſis.  
 14. 1. 10. Mioratnem, &c. has 6. ſequentes lineas dele vixit ad, Saxones.  
 P. 124. 1. 1. dele, Procopio, &  
 P. 120. 1. 10. gynæceſida, ſcribo, cubiculum.  
 P. 124. 1. 1. cccxxxiſ ſcribo, cccxxxi

P. 201. 1. 1. cumque Sarmate, &c. has 8. ſeq. lineas dele vixit ad. Igitur, & ſcribo, & cum Hunnis, ducem Horum ducem per additũ glacie Daoo- bium Daciam Medietateam ingreſſus, apud Serdicam pugnavit, reſeſſoſque barbaros cæde college ſui Prefecti equum, qui re male geſſit ad ipſos tranſfugerat, pacem Leonis iuſſu red- dicit.  
 P. 215. 1. 17. Patricij vel Patricioli, &c. dele has 7. ſeqq. lineas vixit ad, Ceterum.  
 P. 230. 1. 14. & 15. ſcribo, Ppauentiaſtus, Plauvius, & ſcribo.  
 P. 234. 1. 16. dele, Aque Sextias.  
 P. 237. 1. 2. poſt linguam Saxonicam, addo, vñ Otingam Saxonicam.  
 P. 241. 1. 10. & 11. ſcribo, 27.  
 P. 261. 1. 14. 15. io Panconia ſecunda, poſt, vltra Danubium.  
 P. 261. 1. 16. Magiſter milicie Patricioliſque, ſcribo ſanctum, Patricius.  
 P. 261. 1. 30. primum, ſcribo, opimum.  
 P. 262. 1. 30. Lugeti immetiact, ſcribo, Ligerim iſmetiact.  
 P. 267. 1. 15. anno 11. ſcribo, anno 14.  
 P. 267. 1. 19. Delphicum, ſcribo, Delphicum.  
 P. 267. 1. 20. Ripariorum, ſcribo, Francorum,  
 P. 270. 1. 14. Hildecho, ſcribo, Hildigilo.  
 P. 283. 1. 16. 132 v. ſcribo, 132. & 132. vñ ſcribo, 132 v.  
 P. 289. 1. 32. 132 v. ſcribo, 132 v.

---

SVMMA PRIVILEGII  
Regis Christianissimi.

**C**AVTVM est auctoritate Regis, ne quis in Regno eius, aliusve locis eius ditioni subiectis, librum, qui sic inscribitur, HADRIANI VALESII rerum Francicarum usque ad Chlotharij senioris mortem Libri VIII. absque Sebastiani Cramoisy Architypographi Regis & Regina Regentis permissu, typis excudat, aut dimendat. intra X. annos proximos à die publicationis horum exemplarium. qui secus fecerit, multa indicta, prout fusius in diplomate regio continetur, multabitur. Datum Parisiis die 5. Septembris anno 1645. Sic signatum, mandato Regis, CRAMOISY.





